

ঐশ্বরে বাগান

অতীন
বন্দ্যোপাধ্যায়



ঈশ্বরের বাগান

(প্রথম খণ্ড)

অতীন বন্দ্যোপাধ্যায়

করুণা প্রকাশনী । কলকাতা-৯

॥ লেখকের কিছু কথা ॥

সোনা ট্রিলজির প্রথম পর্ব ‘নীলকণ্ঠ পাখির খোঁজে’। দ্বিতীয় পর্ব ‘অলৌকিক জলযান’। শেষ পর্ব ‘ঈশ্বরের বাগান’। প্রথম পর্ব যে সোনা, দ্বিতীয় পর্বে—ছোটবাবু, শেষ পর্বে—অতীশ দীপঙ্কর। তিন পর্ব একই ব্যক্তিসত্তা ভিন্নতর সত্যে উদ্ভাসিত। যেমন একই শক্তি মহা আর্গাটিক নিয়ন্ত্রণে নানা বাঞ্ছনার নিত্য প্রকাশিত। তিনটি পর্বই স্বয়ংসম্পূর্ণ। নীলকণ্ঠ পাখির খোঁজের পটভূমি—প্রকৃতি। অলৌকিক জলযানের পটভূমি—অনন্ত অসীম সমুদ্র। আর ঈশ্বরের বাগান, নগর জীবনের এক নীরস ইট কাঠের গদ্যময় জগৎ। শৈশব, বয়ঃসন্ধিকাল পার হয়ে সোনা এখন ঈশ্বরের বাগানে অতীশ দীপঙ্কর—এক পরিণত মানুষ। পৃথিবীটা তার কাছে এখন প্রকৃতির মতো নিরন্তর সুষমামণ্ডিত নয় অথবা সমুদ্র এবং আকাশের মতো উদার নয়। নগর জীবনে সে শুভ-অশুভের দ্বন্দ্বে ক্ষতবিক্ষত। ঈশ্বর এবং প্রেতাগ্না দুই তাকে নিয়ন্ত্রণ করে।

পাগল হাঁকছে ছ-বরের মাঝে অথৈ সমুদ্র। পাগল হাঁকছে—ছবি গণ্ডারের এক ঝুলে থাকে সদর দেউড়িতে। এইসব হাঁকডাক কোন এক অদৃশ্য গোপন অভ্যন্তর থেকে ভেসে আসছিল। সে সদর দেউড়িতে এসে এমন সব শব্দে থমকে দাঁড়াতেই দেখল সত্যি সত্যি মাথার ওপরে একটা গণ্ডারের ছবি, একটু দেড় হাত গণ্ডারের ছবি, নাকটা লম্বা হয়ে ঝুলে আছে—নীল রঙের ছবি, তেড়ে ফুঁড়ে যাচ্ছে আর বাতাসে ওটা পতপত করে উড়ছে। দেউড়িতে এক সিপাই—লম্বা ততোধিক তালপাতার সামিল। হাতে জীব একটা একনলা বন্দুক। মরচে-পড়া। খাঁকি পোশাক গায়ে, মাথায় লম্বা টুপি জোকারের মতো। বুট-জুতোর একটা ফিতা বাঁধা। অগুটা হাঁ হয়ে আছে। লোকটা দাঁড়িয়ে দাঁড়িয়ে ঘুমোচ্ছিল। এই সকালে, এখন আর কটা হবে, নটাও বাজেনি, অথচ লোকটা বসে নেই, শুয়ে নেই, দাঁড়িয়ে দাঁড়িয়ে ঘুমাচ্ছে। চোখ কোটিরাগত, বহুদিনের উপবাসে এমন একটা ভঙ্গী মানুষের মুখে থাকে।

সে বলল, এটা রাজবাড়ি?

সিপাই চোখ খুলে দেখে হাই তুলল। বন্দুকটা নিয়ে সটান এটেনশান, তারপর খুব তাকিল্য—যেন কিছুই আসে যায় না, কে কখন যায় আসে খবর রাখার কথা না তার। এই লোকটা তাকে রাজার বাড়ি সম্পর্কে প্রশ্ন করছে—বেয়াদপ আর কাকে বলে! চোখ নেই! সামনে অতবড় পাথরে লেখা কুমারদহ রাজবাড়ী। লোকটা কি লেখাপড়া শেখেনি? তারপরই হুঁশ ফিরে আসার মত—অর্থাৎ একটা আহাশ্বক লোকের সঙ্গে এতবড় মর্য়াদাসম্পন্ন মানুষ কথা বলতে পারলে না, বরং দিক্কার দিতে গিয়ে ভাল করে তাকাতেই অবাক। এক উঁচু লম্বা সৌম্যকান্তি যুবক দেউড়িতে দাঁড়িয়ে। মুখে বড়ই ভালমানুষের ছাপ। সে রাজার বাড়িতে ঢুকতে চায়।

তখনই সৌম্যকান্তি যুবক লক্ষ্য করল বিশাল পেলাই দেউড়ির এক কোণে ছোট্ট চোকো মতো ফুট তিনেকের দরজা। কুকুর-বেড়াল লাফিয়ে ঢুকতে পারে। দুজন মানুষও ঢুকে গেল। বাড়িমাথা হেঁট করে ঢুকে যাচ্ছে তারা। এই তবে সেই দরজাটা, যা দিয়ে মানুষ এই বাড়ির অভ্যন্তরে প্রবেশ করতে পারে। সে ভাবল, কি করবে? মাথা হেঁট করে ঢুকবে, না সোজা মাথায়

অপেক্ষা করবে। আর তখনই তালপাতা ঘটাং ঘটাং করে কি সব খুলে
কেন্দ্রছিল, টেনে নিচ্ছিল জোরে দেউড়ির এক কপাট। সে তার জান কবুল
করে কোনরকমে একটা পাট কিছুটা ঠেলে দিতেই হাঁ হয়ে গেল রাজার বাড়ি।
যুবক ভিতরে ঢুকে সিপাইকে বলল, রাজেনবাবুর সঙ্গে দেখা করব।

এত ভাল কথা নয়—বাড়ির হালচাল জানে না মানুষটা। এই বাড়ির মধ্যে
কার বুকের পাটা আছে, নাম নিয়ে কথা কয়। যুবকের কথায় সিপাই খুবই
হকচকিয়ে গিয়েছিল। বলল, কুমার বাহাদুর?

সে সহসা ভুল হয়ে গেছে মতো বলল, কুমার বাহাদুর।

সিপাই এতক্ষণে কিছুটা আশ্বস্ত হল যেন। হাত তুলে বলল, সামনে যান।
বাবুরা আছে বলে দেবে সব।

যেন বাবুরা তাকে প্রথম এ-বাড়ির সহবত শেখাবে। এখানে এলে এমনিতেই
রাজার সঙ্গে দেখা হয়ে যাওয়ার কথা না। কত বড় আশঙ্কক আর কিছুটা
গেলেই টের পাবে। মনে মনে কিস্তি শঙ্কা। সেখানে গিয়ে না আবার বলে
ফেলে, রাজেনবাবু। তোবা তোবা সে কান ছুঁল। এরকম এ বাড়িতে কেউ
ভাবতেও ভয় পায়। লোকটা এত সুন্দর দেখতে। এমন উঁচু লম্বা, মুখে চোখে
আশ্চর্য আচ্ছন্ন এক ভাব, যেন এত সবার মধ্যেও কি সব গভীর ভাবনা মানুষটার
মধ্যে কাজ করছে। সিপাই সাদেক আলি একটু এগিয়ে গিয়ে বলবে ভাবল,
হুজুরের নাম লেবেন না বাবু। সম্মানে লাগে। কিসে কি বিপদ আসবে কে
বলতে পারে। কিন্তু কিছুটা গিয়েও যুবককে দেখতে পেল না। গাড়িবারান্দার
পাশে বড় বড় থামের আড়ালে পড়ে গেছে। তার অতদূরে যাওয়া আর সম্ভব
না। খোঁজা সম্ভব না। অষ্ট প্রহর দেউড়ি আগলানো তার কাজ। এদিক
ওদিক হলেই কৈফিয়ত তলব।

আসলে নবীন যুবক যায়, কেউ হাঁকে, সেই কোন গোপন গভীর অদৃশ্য
অন্তরাল থেকে হাঁকে, নবীন যুবক যায়। সে হেঁটে যায় চারপাশ দেখে।
দেউড়িতে দাঁড়িয়ে ভেবেছিল, বড় ভয় প্রাসাদ। রাজার বাড়ি ভাবতে কষ্ট
হচ্ছিল। কিন্তু ভেতরে যত ঢুকছে জেল্লা বাড়ছে। বাঁদিকে বড় লন। সবুজ
ঘাস, কিছু বিদেশী ফুলের গাছ, ঝাউগাছ, পাম-ট্রি, ছোট জলাশয়। সেখানে
শালুক এবং পদ্মপাতা তারপরই লতানে গুচ্ছ গুচ্ছ সবুজ পাতার প্রাচীর।
বাড়িটা কত বড় ভেতরে! যেন শেষ নেই। ডানদিকে পথ, বাঁদিকে পথ।
একটা দোতলা বাড়ি কতদূর চলে গেছে পাশ দিয়ে। সে গাড়ি-বারান্দায় উঠে

যেতেই এসব দেখল। তবু সব কিছু পুরানো। প্রাচীন এবং একটা সোঁদা গন্ধ। "গাড়ি-বারান্দায় উঠতেই সে এটা টের পেল। গাড়ি-বারান্দা পার হলে লম্বা আর একটা বারান্দা—বিশাল চত্বর জুড়ে যেন। কোণায় কোণায় গোল শ্বেত-পাথরের টেবিল, কারুকাজ করা চেয়ার। দেয়ালে বড় বড় আয়না। যুবক সেই আয়নায় নিজের প্রতিবিম্ব দেখে বুঝল, চোখেমুখে ক্লান্তি জমেছে। রাত জেগে গাড়িতে আসায় এটা হয়েছে। তখনই কেউ দরজায় উঁকি মেরে বলল, কাকে চাই?

যুবক বলল, রাজেনবাবুর সঙ্গে আজ দেখা করার কথা।

লোকটা যেন কি বুঝে ফেলল, আরে এত সেই লোক—যে আসবে আসবে কথা হচ্ছে। ভালমাত্র সত্যবাদী এবং যাকে দিয়ে কুমার বাহাদুরের অনেক উপকার হবে। পলকে চিনে ফেলে বলল, বসুন বাবু। হজুর এখনও নামেন নি। তারপরই কি ভেবে বলল, দাঁড়ান। "লোকটা জাহ্নবীর মতো অন্তর্হিত হয়ে গেল। এবার সে একা এল না। আরও একজন সঙ্গে। সঙ্গের বাবুটি বলল,—কুমার বাহাদুরের কাছে যেতে চান?

—তেমনই কথা আছে।

—কোথেকে আসছেন।

—অনেক দূর থেকে।

—নাম?

—অন্তীশ দীপঙ্কর ভৌমিক।

—মানে আপনি আমাদের নতুন। বাবুটি আর কথা শেষ করতে পারল না। দস্তপাটি নিমেষে বের করে দিল। কিছুটা কুঁজো হয়ে গেছে অল্পবয়সেই। যুবক চোখ তুলে লোকটিকে দেখে রাজেনবাবুর কথাবার্তার সঙ্গে কি যেন মিল খুঁজে দেখার চেষ্টা করল। যখন কুঁজো হয়ে গেছে তখন বুঝতে বাকি থাকল না, রাজেনবাবুর বড় বিশ্বাসীজন।

—ওরে সুরেন। কোথায় গেলি বাবা।

ও-পাশের একটা ঘর থেকে সুরেন হাঁকল, আজ্ঞে যাই বাবু।

এবার অতীশের দিকে তাকিয়ে বলল, বসুন। এখনও নামার সময় হয়নি। ও সুরেন, কি করছিস?

—আজ্ঞে যাই।

অন্তপাশের টেবিলগুলিতেও কিছু দর্শনাথী।

ঈশ্বরের বাগান

বাবুটি বলল, ভিতরে এসে বসুন।

যুবক বলল, বেশ হাওয়া দিচ্ছে।

স্বরেন কোথায় গেল কে জানে। সেই খবর দেবে কুমার বাহাদুর নেমেছেন কি না। সেই এখন তার কাণ্ডারী। সে লোকটি হারিয়ে গেলে যা বিরাট প্রাসাদ তার পক্ষে রাজেনবাবু ওরফে কুমার বাহাদুরকে খুঁজে বার করা কঠিন হবে।

বাবুটি বলল, পথে কোন কষ্ট হয়নি ত ?

—ঘুম হয়নি। গরম।

—তাহলে খুব কষ্ট গেছে। ওরে স্বরেন বাবা, তোর হল ?

—আজ্ঞে যাই।

অতীশ এই কথাগুলিতে মজা পাচ্ছে। স্বরেন ভেতর থেকে ষাই করছে, আর বাবুটি অনবরত হেঁকে যাচ্ছে, তোর হল ?

শেষপর্যন্ত যা হল তাতে অতীশ আরও মজা পেল। হল অর্থাৎ এক কাপ চা এবং দুটো বিসকুট। এই হতে এতক্ষণ সময়! এ-বাড়িতে একসময় দানধান পূজা-পার্বণ দোল দুর্গোৎসব বাই-নাচ, সঙ্গীত সম্মেলন এবং রাজা-বাদশা-মহাআরা পায়ের ধুলো রেখে গেছেন কত। সে এখন এই বাড়ির বিশাল বারান্দায় বসে এক-কাপ চা দুটো ক্রিমকেকার খাচ্ছে।

খেতে খেতে তার ওপরের দিকে চোখ গেল। বড় বড় তৈলচিত্র। কবেকার কে জানে। অধিকাংশ ছবি উলঙ্গ যুবতীদের। বিদেশিনী। সঙ্গে সঙ্গে কোথায় কোন স্বদূরের এক বাসভূমি তার চোখে ভেসে উঠল। সমুদ্র বেলায় সে আর কেউ দাঁড়িয়ে আছে। অথবা কোন ভাঙা জাহাজের মাস্তুলে সে, দূরে সমুদ্রগর্ভে অতিকায় সেই ক্রস। কখনও চেউয়ে ভেসে উঠেছে কখনও ডুবে যাচ্ছে। মাস্তুলের ডগায় সে লক্ষ জালিয়ে নেমে আসছে। এইসব স্মৃতি মনে হলেই তার ভেতরে হাহাকার বাজে। কত বছর আগেকার এক দৈব ঘটনা তাকে এখনও তাড়া করে বেড়াচ্ছে। এবং সেই আচ্ছন্ন ভাবটা আবার তার মধ্যে ঢুকে গেলে সে কেমন অনমনা হয়ে গেল। সে চুপচাপ বসে দেয়ালের ছবি, দূরের দিগন্ত বেলা অথবা নীল সমুদ্রে সেই অতিকায় পাখির আর্ত চিংকারে মুহ্যমান হয়ে পড়ল।

—বাবু।

অতীশ চোখ তুলে তাকাল।

—আম্বন ।

সে উঠে গেল ভিতরে । ঘরটা ফাঁকা । ডানদিকে কাঠের পার্টিসান দেয়া দেয়াল । পাশে দরজা । ভেতরে কিছু বাবু । টেবিলে দলিল দস্তাবেজের পাহাড় । তারা মনোযোগ দিয়ে কি-সব দেখছে । সেই ঘরটা অতিক্রম করতেই সে বড় একটা হলঘরে পড়ল । সেই ঘরটাও চিত্রিত তেলরঙের ছবিতে সাজানো । কোথাও একটা লোক উবু হয়ে কি যেন করছে । ভাল করে লক্ষ্য করতে গিয়ে বুঝল লোকটার সম্মল বলতে একটা বালতি কিছু জল এবং গ্লাস । সে টেনে টেনে ঘর মুছে যাচ্ছে ।

বাইরে থেকে সে ভাবতেই পারেনি ভেতরে এখনও সেই জাঁকজমক আছে । হাতীশালায় হাতী ঘোড়াশালায় ঘোড়া । সব কিছু এখানে বড় বেশি মহার্ঘ মনে হচ্ছিল । ঘরটার মাঝখানে, কাশ্মীরী কার্পেট, সোফা, মাথায় রকমারি কাঁচের ঝালর । ছপাশে সেই বড় বড় বেলজিয়াম কাঁচের আয়না । একটি ঘড়ি লম্বা কালো রঙের । চারপাশটা সোনার জলে কাজ করা । থেকে থেকে বাজছে । ঠিক যেন জলতরঙ্গ বাজনা । ঘড়িটার দিকে তাকাতেই স্থরেন বলল, দাঁড়ান । স্থরেন চব্বর চব্বর করে পান চিবুচ্ছিল । মুখের গহ্বর আগুনের মতো লাল ।

সে দাঁড়াল ।

সামনে আবার একটা লম্বা ঘর । দেয়াল জুড়ে বুক-সমান উঁচু লম্বা চেয়ার । কালো রঙের । বেতের বুনন । এখানে দাঁড়ালে সে পর পর আরও সামনে তিনটে অতিকায় দরজা দেখতে পেল । কতবড় এই বাড়ি একবার পেছনে না তাকালে যেন বোঝা যাবে না । সে পেছনে তাকালে বুঝল, ওদিকের দরজাটা কেউ বন্ধ করে দিয়ে গেছে । এখান থেকে একা পালাতে চাইল সে আর পালাতে পর্যন্ত পারবে না ।

স্থরেন পরেছে একটা খাটো কাপড় । গায়ে রাজবাড়ির ছাপ মারা থাকি উর্দি । বোতামেও রাজবাড়ির ছাপ । খোঁচা খোঁচা দাড়ি গালে । মাঝারি হাইট । চোয়ালে মাংস কম । এক সময় শক্ত মজবুত ছিল মানুষটা, এখন সে-সব নেই । হাতের রং ভেসে উঠেছে । চোখে-মুখে সব সময় কেমন শঙ্কা । সে স্থরেনের দিকে তাকিয়ে থাকলে বলল, ওখানটায় গিয়ে বসুন । এখুনি নামবেন ।

সেই উঁচু মতো লম্বা চেয়ারটায় সে উঠে গিয়ে বসল । সামনে বিলিয়ার্ড টেবিল । লালরঙের সিঁক কাপড়ে সবটাই ঢাকা । কোণায় একটা রিংয়ের মধ্যে

ছোট বড় মাঝারি ষ্টিক। এ-ঘরে রাজেনবাবুর পূর্বপুরুষদের তৈলচিত্র। নিচে বড় লাটের সঙ্গে গ্রুপ ছবি। রাজেনবাবুর প্রপিতামহের আমলে বড়লাট এ বাড়িতে পদার্পণ করেছিলেন বলে একটা ব্রোঞ্জের মূর্তি কোণায় সযত্নে এখনও রাখা। তার নিচের ছবিটা যেমন ছোট তেমনি বিদ্যুটে। একটা কালো কোট ছবিটাতে ঝুলছে। খালি কোট, ভেতর থেকে একটা হাত ফুটে বের হচ্ছে। কাঠের বেড়া ফাঁক করে হাতটা নিচে জলে কিছু যেন খুঁজছে। ছবিটা ভাল করে দেখার জন্য অতীশ নিচে নেমে গেল। কেউ নেই। স্থিরনও না। কেমন এক নিঃসঙ্গপুরী, বাইরে ট্রাম-বাসের শব্দ কান পাতলে শোনা যায়। আর মনে হচ্ছিল আর একটু গেলেই অন্দর মহল—সেখানে রাজেনবাবুর পিতৃপুরুষদের কেছাকাহিনীর কুট-গন্ধ এখনও নাক টানলে পাওয়া যাবে। বিলিয়ার্ড টেবিলের অদূরেই পিয়ানো। ঢাকনাটায় ময়লা জমে আছে। একসময় এই ঘরটা ময়কেলের জায়গা ছিল বোঝা যায়। সাহেব-সুবোরা আসত। মেমসাবরা আসত। সারা রাত খানাপিনা চলত। কতকাল আগে সে-সব পাট উঠে গেছে বোধহয়। মানুষ মরে গেলে সাদা চাদর ঢেকে দেবার মতো বিলিয়ার্ড টেবিল, পিয়ানো সব ঢেকে রাখা হয়েছে এখন।

সে এই প্রথম এখানে। রাজেনবাবুর বাইরে একটা পোশাকী ভালমানুষের চেহারা আছে। তার সঙ্গে কথাবার্তায় সেদিন এমন মনে হয়েছিল। আর দশটা সাধারণ মানুষের মতোই তাকে অতীশের খুব ভাল লেগেছিল। কিন্তু যত বাড়ির অভ্যস্তরে ঢুকছে, তত এক সংশয় দানা বাঁধছে। ওর কিছুটা ভয় ভয়ও করছিল। রাজেনবাবুর বাড়ির ভেতরের হালচাল ওর কাছে কিছুটা অস্বাভাবিক লাগছে। এ-সময় এক ধু-ধু মরুভূমির বুকে কোনো এক জরদগব পাখি তার চোখে ভেসে উঠল। এই এক ল্যাঠা তার। সে অনেক কিছু দূরে অদূরে দেখতে পায়। পাখিটা ঠোট গুঁজে বসে আছে। একটা মরুভূমির কাঁকড়া গোপনে হেঁটে আসছে। টুক করে গলায় থাবা বসাবে। সে সহসা হাত তুলে কাঁকড়াটাকে তাড়াতে গেল। এবং ছবিটাতে হাত লাগায় জলটা যেন নড়ে উঠল। সে ভাবল, এটা কি করতে যাচ্ছে সে!

তারপরই মনে হল ছবির জলটা শুঁড়ে কি নড়ে না, সে প্রায় ছবির মধ্যে মুখ গুঁজে দেখার মত দাঁড়িয়ে থাকল। এবং বুঝল মনের ভুলে সে এ-সব দেখে ফেলে—এটা তার সেই কবে থেকে যে হয়ে আসছে। ছবিটা থেকে ভয়ে ভয়ে সে দূরে সরে দাঁড়াল। আজীবন এই এক ভয় সে বয়ে বেড়াচ্ছে। তখনই মনে

হল ও-পাশের কোন অদৃশ্য অন্ধকার সিঁড়িতে কেউ নেমে আসছে। সে দ্রুত তার নির্দিষ্ট জায়গায় ফিরে এসে বসে পড়ল। এটা তার নির্দিষ্ট জায়গা। এখানে স্থিরে তাকে বসতে বলে গেছে। তার এদিক ওদিক যাবার নিয়ম নাও থাকতে পারে। আসলে সে সেই সরল ভীতু স্বভাবের মানুষ। ভেতরে কখনও কখনও যে গোঁয়ার মানুষটা উঁকি দেয়, তা নিতান্ত ফেরে-পড়ে গেলে।

বাড়িটাতে সোজা টানা লম্বা দরজা একের পর এক। একটা পার হলে আর একটা। যেখানটায় বসেছিল, সেখান থেকে ভাইনে বাঁয়ে ছুঁছুটো দরজা চোখে পড়ছে। সেই লোকটা এখনও ঘরের মেঝে মুছে যাচ্ছে। প্রচণ্ড ঘাম হচ্ছিল তার। মারবেল পাথরের মেঝে সে ঘষে ঘষে চকচকে করে তুলছে। এই একমাত্র মানুষ তার কাছাকাছি। সিঁড়িতে তখন আর শব্দ হচ্ছে না। পাশের ঘরে সরে যাচ্ছে। সে উঁকি দিয়ে দেখল রাজেনবাবু, সাদা শার্ট, গলায় টাই, সাদা জিনের প্যান্ট—বড় গম্ভীর।—কোন দিকে না তাকিয়ে তিনি দেয়ালের আড়ালে কোথায় অদৃশ্য হয়ে যাচ্ছেন। আর তার ঠিক পিছু পিছু কতুয়া গায়ে একজন মাঝবয়সী মানুষ কাঠের একটা ছোট্ট বাকস নিয়ে রাজেনবাবুকে অনুসরণ করছে। অতীশের মনে হল, এবারই সেই হা হা হাসি শুনতে পাবে। আরে এস এস। কটায় এলে। সব ঠিক ত। কারণ অতীশের ধারণা তার আসার খবর রাজেনবাবু পেয়ে গেছে। এত অন্তরঙ্গ কথাবার্তার পর তাকে আর দশটা মানুষের মতো দেখতে না পারারই কথা। সেই বাকসধারী লোকটা তখন পাশের দরজা দিয়ে বের হয়ে এল। হাতে বাকস নেই। ভেতরে কোন ঘরে রাজেনবাবু আর তার বাকস বৃষ্টি রেখে এল। মাঝবয়সী লোকটা একা এদিকের দরজায় আসতেই কুর কুর করে দৌড়ে এল স্থিরে।

মাঝবয়সী মানুষটা এতেনা দিল—কুমার বাহাদুর নেমেছেন। তার আগে মহারাজাবিরাজ গণ-নারায়ণ বীর বিক্রম এমন সব কিছু কি হাবিজাবি কথা—এবং অতীশের বুঝতে দেরি হল না, জমিদারী চলে গেলেও ঠাট্টা বজায় রাখার আগ্রাণ চেষ্টা করছেন রাজেনবাবু। তার ফিক করে হাসি গেল।

খবর পেয়ে স্থিরে কোথায় আবার কুর কুর করে দৌড়ে গেল। তাকে কেউ কোন আমলই দিচ্ছে না। মাঝবয়সী মানুষটা তার দিকে ফিরেও তাকাল না। সে সোজা দরজাগুলির একটা দিয়ে নিমেঘে অদৃশ্য হয়ে গেল। এবং দেখতে দেখতে মনে হল সারি সারি ক'জন নানা বয়সী মানুষ। পাটভাঙা ধূতি, পায়ে পামণ্ড। পাশের অফিসটাতে ওদের সে উবু হয়ে বসে থাকতে দেখেছিল। ওরা

ঘরটায় ঢুকে প্রথম একে একে জুতো খুলে ফেলল। অতীশের বড় বেশি কৌতূহল—কোথায় এরা যায় দেখার বড় বাসনা। দেখলে মনে হবে ঈশ্বর দর্শনে যাচ্ছে। সে গুটি গুটি নেমে গেল। দেখল বড় কাঠের দরজা খুলে সবাই একে একে প্রণিপাত করছে। তারপর বের হয়ে আসছে। টের পেলে অশ্রু হতে পারে—অতীশ তাড়াহাড়ি দেয়ালের ছবিতে মনোযোগ দিল।

পাশ থেকে তখনই সেই বাবু, বাবা স্বরেন তোর হল—সেই বাবু কালো আবলুশ কাঠের রং, চুল কাঁচাপাকা, চাঁচা মুখ, তের্মিন দাঁত বের করে হাসল। বলল, এই হয়ে গেল। এবারে আপনাকে ডেকে পাঠাবেন কুমার বাহাদুর। আর একটু অপেক্ষা করুন। খবর দেওয়া হয়েছে।

অতীশ ভারি বিভ্রমের মধ্যে পড়ে গেল। সবাই জুতো খুলে ঘরে ঢুকছে। বের হচ্ছে। তার পায়ে শু। কালো টেরিকটনের প্যান্ট সে পরে আছে। ফুল ফল আঁকা হাওয়াইন শার্ট গায়ে। সে জুতো খুলে ঢুকবে কি ঢুকবে না, জুতো খুলে ঢুকলে রাজদর্শন বড়ই পুণ্য কাজ, প্রায় ঈশ্বর দর্শনের শামিল—নেহাত দৈব বলে এই ঘরানার একমাত্র উত্তরাধিকারের সঙ্গে তার যোগাযোগ। অত সহজে হেলায় নষ্ট করার মতো আহাম্মক সে নয়। কিন্তু তখনই তার ভেতরের গোয়ার মানুষটা ছুঁসে উঠল। এই গোয়ার মানুষটাকে অতীশ বড় ভয় পায়। গোয়ার মানুষটার মাথা গরম হলে হিতাহিত জ্ঞান থাকে না। ঘিলু ফেটে যায়। রক্ত ঝরে। খুনখারাপি করতে দ্বিধা করে না। সে জুতোর ফিতা আলগা করে দাঁড়িয়ে থাকল। কিন্তু পা থেকে জুতো খুলতে সাহস পেল না।

স্বরেন আবার কুর কুর করে হাজির। বলল, আজ্ঞে আপনি অতীশবাবু?

অতীশ বলল, আজ্ঞে হ্যাঁ।

—জুজুর ডেকেছেন।

সে দরজার কাছে যেতেই স্বরেন হা-হা করে উঠল। অতীশ পেছন ফিরে তাকাল। দেখল স্বরেন কাঠ হয়ে গেছে। চোখ ওর পায়ে দিকে।

অতীশ কিছু বলল না। আসলে অতীশের ভেতরে সেই রাগী মানুষটা এখন একটা দৈত্যের মতো সব অগ্রাহ্য করতে চাইছে। সে দরজা ঠেলে গট গট করে ঘরে ঢুকতেই রাজেনবাবুর অন্তরঙ্গ সেই ডাক—আরে এস এস। কি রকম আছ? রাস্তায় কোন অসুবিধা হয়নি ত! কটার গাড়িতে এলে?

সঙ্গ সঙ্গে অতীশের রাগী মানুষটা ভেঁক করে কোথায় ছুটে পালাল। সে

আবার সেই অতীশ দীপঙ্কর। সোজা সরল মানুষ। বলল, আর বলবেন না, বড় বেশি নিয়ম-কানুন বাড়িতে। সব ঠিক বুঝি না দাদা।

—ও ধীরে ধীরে সব ঠিক হয়ে যাবে। এ-জগৎ ব্যস্ত হবার কোন কারণ নেই।

অতীশ সোজা হয়ে বসল। না, সেই এক অন্তরঙ্গ কথাবার্তা। বড় সহজে দাদা মানুষকে কাছে টেনে নিতে পারেন। এটা একটা মানুষের বড় গুণ। অতীশ এতক্ষণ অযথা ভয় পেয়েছে। এবং মনে হল নতুন কাজে সে এভাবে সবসময় একটা শঙ্কা বোধ করে আসছে। আগে সে কম বয়সের ছিল, এখন বয়স হয়েছে অথচ সেই এক শঙ্কাবোধে সে পীড়িত হচ্ছিল। এটা ভারি দুর্বলতা জীবনে। সে নিজেকে সাহসী করে তোলার জগৎ বলল, ঠিক বুঝতে পারছি না আপনার এখানে আমাকে কি করতে হবে।

ঘরে ভারি সজ্জা। যেন কেউ এইমাত্র কিছু স্প্রে করে দিয়ে গেছে। গোল অতিকায় মেহগনি কাঠের টেবিলের ওপাশে রিভলবিং চেয়ারে কথা বলতে বলতে রাজেনবাবু ঘুরে ফিরে যাচ্ছিলেন। মাঝে মাঝে কান চুলকাচ্ছেন পেনসিল দিয়ে। কাচের রং-বেরংয়ের দোয়াতদানি, নানা সাইজের বিদেশী কলম। একটা লাল পেন্সিল। এক পাশে ডা'ই-করা কাটা এনভেলাপ। তিনি কথা বলতে বলতে কাজ সারছিলেন। চিঠিপত্র দেখছিলেন। দরকার মতো জায়গায় জায়গায় লাল টিক-মার্ক। মাঝে মাঝে বেল টেপা। উদ্দি-পরা স্মরেন হাজির। এটা ওটা এগিয়ে দিয়ে যাচ্ছিল। অতীশের কথায় কিঞ্চিৎ অগ্রমনস্ক হয়ে গেলেন। বললেন, ও তেমন কিছু না। আমার একজন ভালমানুষের দরকার। জান তো সৎ মানুষের বড় অভাব আজকাল। তোমার কথা আমি গোবিন্দের কাছে শুনি প্রথম। তোমাকে দেখি বঙ্গসংস্কৃতিতে। গোবিন্দই আলাপ করিয়ে দিয়েছিল—নিশ্চয়ই মনে পড়ছে সব।

অতীশ বলল, মনে আছে।

—আজকাল অকপট কথাবার্তা কেউ বলে না। তোমার কিছু কথাবার্তা আমার কাছে ভারি হৃদপট মনে হয়েছিল।

অতীশ বলল, আপনি একবার শুনেছি বিজ্ঞাপনও দিয়েছিলেন, একজন সৎ-মানুষ চাই। ভাল মানুষ। বেঁচে থাকার সব রকমের সুযোগ সুবিধা দেওয়া হবে।

—তুমি দেখেছিলে বিজ্ঞাপনটা।

—দেখিনি। গোবিন্দদাই বলেছেন। তিনিই আপনার কাছে চলে আসতে বললেন, কলকাতায় না এলে মানুষের নাকি কপাল খোলে না।

—তালে এটা বিশ্বাস কর?

অতীশ এখানে এসে, কি জবাব দেবে বুঝতে পারল না। সে স্থলে চাকরি করত। লেশ ছিল। তখনই যুগপোকার মতো মাথায় কিটকিট করে অদৃশ্য এক চক্র ঢুকে যাচ্ছে। সে কেমন আচ্ছন্ন হয়ে পড়ছিল। কে যেন কোন স্বদূর থেকে বলছে, ছোটবাবু মনে রাখবে, ইউ হাভ এ গুড সোল। লার্ন টু লিভ ওয়াইজ। ডেভালাপ গুড জাজমেন্ট অ্যাণ্ড কমেনসেন্স। সমুদ্র তোমাকে অযথা তবে ভয় দেখাতে পারবে না। জল, খাবার ফুরিয়ে গেলে মরীচিকা দেখবে সব অদ্ভুত রকমের। ভয় পাবে না। দেন প্রেজন্ট লর্ড।

রাজেনবাবু বললেন, তুমি কিছু বলছ না কেন?

সংবিত ফিরে পাবার মতো অতীশ তাকাল। বড় বড় চোখ—কেমন অসহায় ছেলোমানুষের মতো চোখ দুটো এবং সে মাথা নিচু করে বলল, জীবনে খুব বড় হতে চাই না। সংভাবে বাঁচতে চাই। আমায় শুধু এ স্বযোগটুকু দেবেন। স্থল আমাকে সে স্বযোগটুকু পর্যন্ত দিতে চায় নি।

—আলবাৎ। তুমি কি ভয় পাচ্ছ! তোমার সঙ্গে সবার আলাপ করিয়ে দেব। এরা আমার বিশ্বস্ত লোক। তুমি খুশী হবে।

অতীশ বলল, শহর আমার এমনিতে ভাল লাগে না। বেশি ছিলাম। জানেন আমার স্কুলের সামনে ছিল রেল-লাইন, তারপর দিগন্ত বিস্তৃত মাঠ। স্কুল ছুটির পর কতদিন একা একা কতদূরে চলে গেছি। গাছপালার মধ্যে আলাদা একটা মজা আছে।

—থাকতে থাকতে এই শহরও একদিন ভাল লেগে যাবে।

অতীশ আর কি বলবে ভেবে পেল না। চাকরিটা সে প্রায় বলতে গেলে ছুঁ করেই ছেড়ে দিয়েছিল। চাকরি ছাড়ার আগে কে যেন কেবল স্বদূর থেকে বলত, কলো ওনলি হোয়াট ইজ গুড।

অতীশের এমনই হয়। নতুন কাজে ঢুকলেই এমন হয়। কে যেন দূর থেকে তাকে বারবার সতর্ক করে দেয়। কবে সেই যে মানুষটার সঙ্গে তার দেখা হয়েছিল তারপর থেকে বিচলিত বোধ করলে, শুনতে পায় তিনি দূর অতীত থেকে বলে যাচ্ছেন, কেউ আমাদের ডাঙায় পৌঁছে দেয় না ছোটবাবু। নিজেকে পাতরে পার হতে হয়।

রাজেনবাবু বললেন, আমাদের একটা কারখানা আছে। আমার বাবার ঠাকুরদা কারখানাটা করে গেছিলেন। জানই ত জমিদারদের ওসব পোষায় না। বাবা-দাদাদেরও পোষাত না। এই শখ আর কি। কিন্তু এখন ত আমাদের শখ নয়। এটা প্রকেশান বলতে পার। তাই জায়গায় জায়গায় ঠিক ঠিক লোক বসিয়ে দিচ্ছি।

অতীশ বলল, কি করতে হবে।

—দেখাশোনা।

ঠিক বুঝতে না পেরে বলল, আমি ওসব ভাল বুঝি না। ওখানে কি হয়?

—কনটেনার। টিন কনটেনার। দেখলে সব বুঝতে পারবে।

—ওগুলো কোথায় যায়।

রাজেনবাবু হেসে ফেললেন। অনভিজ্ঞ। জানে না। কিন্তু ঐ যে বলে না, চোর-ছাঁচোড়ের হাত থেকে কেড়ে নিতে না পারলে, ঠিক মানুষ বসাতে না পারলে কাজ হবে না। সময় এবং চর্চা সব ঠিক করে দেয় না। রাজেনবাবু তক্ষুনি বেল টিপলেন, যেন যা বলার ছিল শেষ। স্বরেন হাজির। কি বলতেই কেউ আর একজন ঘরে ঢুকল। রাজেনবাবু পরিচয় করিয়ে দিলেন, ইনি তোমাকে সব বুঝিয়ে দেবেন। আজ থেকেই কাজে লেগে যাও। থাকার কোন অসুবিধা হবে না। মেস বাড়ি আছে। সেখানে খেতে পার। স্থলে যা পেতে তার চেয়ে বেশিই পাবে। কি ঠিক! পরে কোম্পানির উন্নতি হলে তোমারও উন্নতি।

অতীশ এ-রাজেনবাবুকে যেন চিনতে পারল না। ব্যস্ত, তক্ষুনি যেন কোথাও জরুরী কাজে উঠে যাবেন—কেমন গম্ভীর কথাবার্তা। তার সরল সহজ মানুষটা বিচলিত বোধ করল। এবং ভেতরে অস্বস্তি। তবু হাতের কাছে কাজ, সে ছেড়ে দিতে পারে না। তার এখন যেভাবে হোক আবার স্থলে পড়া দরকার। কলকাতায় এটা ১৯৬৫ সাল। সে বহু দেশ-বিদেশ করে, স্থলের জীবন সান্দ্র করে এক রাজার বাড়িতে হাজির। জীবনের নতুন পালা।

কথাবার্তা সারতে সময় বেশি লাগল না। প্রাইভেট অফিসের নথিবাবু তাকে সঙ্গে নিয়ে একটা এক কামরার ঘর দেখালেন। আপাতত এখানেই থাকা। পাশে বাথরুম—সামনে লম্বা বারান্দা। দোতলায় নিচের ঘরগুলিতে বচসা চলছিল—ওপরের ঘরগুলির চার নং ঘরটা তার জন্য বরাদ্দ। অল্প সব ঘরগুলোয় তালা মারা। দেয়ালের প্রাস্টার খসে পড়ছে। দেয়ালে ফাটল বড়

বড়। যে কোন মুহূর্তে সব ভেঙে পড়তে পারে। সে বুঝতে পারল তার কপালই এমন। লব্বাঝে। সে ঘুরে ফিরে দেখতে চাইল, কোথায় কতটা রেলিং ভাঙা, কোথায় কখন ফাটল আরও প্রশস্ত হতে হতে আকাশ দেখা যেতে পারে, এবং তখনই সে বিস্মিত হল দেখে, শেষ ঘরে কেউ বসে আছে। গালে খোঁচা খোঁচা দাড়ি। আশ্চর্য সুপুরুষ। তার পাগল জ্যাঠামশাইর মতো চূপচাপ। দেয়ালের দিকে নিখর চোখ। জানালায় সে, নতুন লোক—কিছু আসে যায় না যেন। তারপরই সে কেমন বিমূঢ় হয়ে গেল—দরজার বাইরে থেকে তালা মারা। 'লোকটাকে আটকে রাখা হয়েছে তবে।

এই রাজবাড়ির কেতাকানুন ঠিক সে জানে না। এখানে দাঁড়িয়ে থাকা ঠিক কিনা তাও সে জানে না। তাড়াতাড়ি সে সরে যাবার সময়ই ডাকল, হেই নবীন যুবক।

অতীশ ঘুরে দাঁড়াল।

—হেই নবীন যুবক তালাটা খুলে দেবে ?

অতীশ বুঝল পাগল মানুষ। আটকে রাখা হয়েছে। সে চলে যাচ্ছিল। আবার ডাক—হেই নবীন যুবক দরজাটা খুলে দাও। ভগবান তোমার ভাল করবেন।

কথাবার্তা খুবই স্বাভাবিক। তার বলতে ইচ্ছে হল, আপনাকে কে আটকে রেখেছে ?

—ঈশ্বর। তিনি মাথার ওপরে হাত তুলে দেখালেন।

অতীশ ভাবল বায়ে বা, এত প্রায় অসুখ্যামী। লোকটা মুখ দেখলে মানুষের ভেতরটা দেখতে পায়। তার কৌতূহল হল। বলল, পাশের ঘরগুলিতে কারা থাকে !

—বাবুরা থাকে।

তখনই অতীশ লক্ষ্য করল বারান্দার ওপর আর একটি দরজা বসানো। দরজাটা দিয়ে এই মানুষটির ঘর একেবারে আলাদা করে রাখা হয়েছে। দরজা খোলা রেখে গেছে কেউ ভুলে। সে এ জন্ত এদিকনায় টুকতে পেরেছে। পৃথিবী থেকে লোকটাকে গোপনে রাখার জন্ত বড়ই সুসন্দোবস্ত করা হয়েছে। লোকটার কি অপরাধ জানার ইচ্ছে হল তার। নীচে দেখল নধরবাবু হস্তদস্ত হয়ে আসছেন। হাঁপাতে হাঁপাতে সিঁড়ি ভেঙে দোতালায় উঠলেন, ওকি করছেন অতীশবাবু। দরজা খুলল কে ? ওখানে না, ওখানে না। সঙ্গে সঙ্গে বড়

একটা তালা ঝুলিয়ে চলে গেলেন। এবার বারান্দা থেকে সোজা পুর্বের দিকে তাকালে বড় তালাটাই কেবল চোখে পড়ে। ওখানে একটা আলাদা ঘর, কার বাপের সাধি আছে আর টের পায়।

বিকেলের দিকে অতীশ নিজের ঘরে শুয়েছিল। একটা তক্তাপোশ চাদর তোষক বালিশ রাজবাড়ি থেকেই এসেছে। সবই নধরবাবু ব্যবস্থা করেছেন। তিনি বলে গেছেন, আজ বিশ্রাম করুন। কাল খবর দেব। রাতের খাবার ঘরেই আসবে। চা আসছে। কিছু দরকার হলে বলবেন। কোন সংকোচ করবেন না। নিজের বাড়ি মনে করবেন ॥ একই পরিবারের লোক ভাববেন। তবে আর কোন কষ্ট থাকবে না। আমি স্ত্রী-পুত্র নিয়ে ওদিকের কোয়াটার-গুলোতে থাকি। নিচের তলায় আমার ঘর। বলে তিনি চলে গেছিলেন। তারপর এলেন আরও একজন প্রবীণ মানুষ। লম্বা, বেশ সোঁখিন। কানে আতর মাথানো তুলো গৌজা। মাথায় প্রশস্ত টাক। বিছানায় বসে বললেন, তোমার বাবা আমাকে চেনেন। আমার নাম রাধিকাবাবু।

অতীশ রাধিকাবাবুর নাম শুনেছে। কুমার বাহাদুরের বাবার আমলের লোক। তিনি বললেন, যে ক'দিন ঠিকঠাক না হয়ে বসছ, সে ক'দিন আমার বাড়িতে ডালভাত থাকবে। কাল থেকে মনে থাকে যেন। এরপরই এল গোলগাল চেহারার একজন মানুষ। বলল, আমার নাম রজনীবাবু। একে একে অনেকেই এল, পরিচয় দিল, কুমারবাহাদুরের কোন কোন কনসার্নে কে আছে, কি করে এবং দুটো চারটে উড়ো কথাও বলে গেল। মশাই, স্থলে ছিলেন বেশ ছিলেন। এখানে মরতে এলেন কেন? সে ঠিক বুঝল না কি জবাব দেবে। তারপরই সে শুয়ে পড়েছিল। নতুন জায়গায় এলেই তার মন খারাপ হয়ে যায়। মুখচোরা মানুষদের যা হয়। প্রায় লাইনবন্দী হয়ে লোক এসে দেখা করে যাওয়ায় কিছুটা ঘাবড়েও গিয়েছিল। এত খাতির! তারপর সে দেখল, একজন লাঠি হাতে লোক সেই আটকে রাখা মানুষটাকে নিয়ে তার দরজার সামনে দিয়ে চলে যাচ্ছে। মানুষটা তার জানলায় এসে নড়তে চাইল না। অতীশ কেন জানি সন্ত্রমবোধে নিজেই উঠে গেল। মানুষটা সহসা কানের কাছে গুঁথ এনে কি বলতে চাইল—সবটা সে শুনল না। খুন-টুনের কথা। নবীন যুবক তুমি খুন হয়ে যাবে এমন কথাটখা। সবটা শোনার আগেই লোকটা ঠেলতে ঠেলতে সেই মানুষটাকে সিঁড়ির দিকে টেনে নিয়ে যেতে থাকল। অতীশ দরজা থেকে নড়তে পারছে না। কেমন আড়ষ্ট ভাব। হৃদয়ের তখন কেউ

যেন হেঁকে যাচ্ছে, হাই ছোটবাবু ভয় পাচ্ছে কেন! স্ট্রাগল ইজ দ্য প্লেজার।
গো অন।

রাতেই অতীশ ভেবেছিল, স্ত্রীকে চিঠি লিখবে। ওর ধারণা ছিল, নির্মলা তার এটাচিতে খাম রেখে দিয়েছে। কারণ কোথাও গেলে নির্মলার এটা স্বভাব। পৌছেই একটা চিঠি। সময়মত চিঠি না পেলে নির্মলা ভীষণ উদ্বিগ্ন হয়ে পড়ে। কিন্তু এটাচিটা খুলে দেখল, খাম অথবা পোস্টকার্ড কিছুই রাখেনি। নির্মলার এত বড় ভুল হয় না। পরে মনে হল, নির্মলা ওকে ছেড়ে থাকতে হবে ভেবে খুব ভেঙে পড়েছিল। কারণ বিয়ের পর সে অতীশকে ছেড়ে বেশিদিন থাকে নি। কলকাতায় অতীশ যাচ্ছে। সেখানে কি কাজ কি মাইনে, কিছুই জানা নেই। সেখানে এমন মাইনে আশা করে না যাতে করে বাসা ভাড়া করে থাকতে পারে অতীশ। বাসার খরচ চালিয়ে এমন উদ্ধৃত আয় অতীশের হবে না, যাতে করে বাবা-মা ভাই-বোনের ভরণপোষণ করতে পারে। ফলে নির্মলা ভেবেছিল, অতীশ প্রবাসী হয়ে গেল। তার সঙ্গে মাঝে মধ্যে এবার থেকে কখনও কখনও প্রবাসী মানুষের মতোই দেখা হবে। এই বেদনাবোধে সে ক'দিন থেকেই পীড়িত হচ্ছিল এবং ভুলটাও তার সে-জন্ম হয়েছে।

চিঠিটা লেখা খুব জরুরী ভাবল। চিঠিটার জন্ত নির্মলার অপেক্ষা কি গভীর সে এ-মুহুর্তে টের পাচ্ছে। নধরবাবু তাকে সাহায্য করতে পারে। সে নধরবাবুর কাছেই একটা খাম পেয়ে গেল। এবং দরে এসে প্রথমেই লিখল, কল্যাণীয়াসু—এখানে মজলমতো পৌছেছি। আজ থেকেই কাজে বহাল হলাম। মাইনে স্কুলে যা পেতাম আপাতত মনে হচ্ছে তার চেয়ে বেশিই হবে। মূল প্রাসাদ সংলগ্ন একটা দোতলা বাড়িতে এক কামরার ঘর দিয়েছে। সেখানে আছি। কোন অসুবিধা নেই। তারপরই লেখার ইচ্ছে হল, কিছু কিছু ঘটনা চোখে খুব ঠেকে। কিন্তু এটা লেখা যুক্তিযুক্ত ভাবল না। নির্মলার স্বভাব একটুকুতেই ভেঙে পড়া। তখন ওর শরীর ভেঙে পড়ে। বিয়ের আগে নির্মলা ভারি সুন্দর ছিল দেখতে। চোখে মুখে বালিকাসুন্দর হাসি লেগেই থাকত। কিন্তু একজন স্কুল শিক্ষকের পক্ষে আর্থিক নিরাপত্তা তত প্রবল ছিল না বলে তাকে প্রায়ই দুশ্চিন্তাগ্রস্ত করে তুলত। আর বিয়ের বছর চার না যেতেই পেটে মিটু টুটল হাজির। তখন নির্মলার এমনও মনে হয়েছে অতীশ অববেচক। অতীশ বাইরের বারান্দায় অনেকদিন চুপচাপ সন্ধ্যায় নির্জনে বসে থেকেছে

সেজন্ত। বারান্দা থেকে গাছপালার ফাঁকে কিছু নক্ষত্র দেখা যেত আকাশে। অনেক দূরের নক্ষত্র দেখতে দেখতে সে এক রহস্যময় জগতে ডুবে যেত। সেই জগৎ স্বপ্নের মতো। কোনো দূরাতীত স্বপ্ন তাকে তাড়না করে বেড়ালে, নির্মলা বলত, এই অন্ধকারে চুপচাপ কেন। আমি তোমাকে কিছু বলেছি! তুমি রাগ করছ?

অতীশ নির্মলার কথায় বলত, না না। এমনি বসে আছি।

নির্মলা বলত, তুমি মাঝে মাঝে এত কি ভাব বলত!

—কি ভাবি!

—বাবা কখন থেকে প্রসাদ নিতে ডাকছে।

—বৈকালি হয়ে গেছে?

—কখন! কঁাসিঘন্টা বাজল শুনতে পাও নি। কোথায় চলে যাও বলত!

অতীশ বুঝল সে ধরা পড়ে গেছে। সে বলল, গল্পের একটা চরিত্র ভারি কুট খেলা খেলছে। ঠিক ধরতে পারছি না।

অতীশ সমুদ্র থেকে ফিরে আসার পর পত্রপত্রিকায় ছোট্ট একটা খবর বের হয়েছিল। সেই খবর থেকেই অতীশ কোন কাগজের সম্পাদকের নজরে পড়ে গেছিল। একটা লেখা লিখেছিল, স্ত্রী নাম পেয়েছে। দুটো একটা লেখা লিখলে সমস্ত ছাপা হয়ে যায় বলে বাড়তি কিছু পয়সা আসে। ফলে চর্চা করে লেখার। এমন কথায় নির্মলা আর কোন অভিযোগ তুলতে পারত না। সে বলত, এস থাকবে। বাবা তোমার জন্য বসে আছেন।

তারপরই কেন জানি মনে হল তার, অসীম অনন্ত আকাশের নিচে জীবন বয়ে যায়। তার জীবন বয়ে যাচ্ছে, ভাঙা হাল ছেঁড়া পাল নৌকায়। কখনও হাওয়া বয়, পালে হাওয়া লাগে। মনে হয় জীবন বড়ই মনোরম। কখনও হাওয়া থাকে না, পালে হাওয়া লাগে না—নিরুম চারপাশ, বড়ই গুমোট। চাকরি ছেড়ে দেবার পর এমন মনে হয়েছিল তার। আবার পালে বাতাস লেগেছে—নিরুদ্ভিষ্ট যাত্রা—কারণ সে জানে না, কোথায় কিভাবে সে শেষপর্যন্ত কোন ঘাটে নোঙর ফেলবে। সে এ-জন্ত তার চিন্তিতে চাকরি পাবার কথাটা খুব উৎসাহের সঙ্গে প্রকাশ করতে পারছে না। দ্বিধা আছে এখনও। তারপর সেই মাছুষটার ফিসফিস কথাবার্তা—তুমি খুন হয়ে যাবে নবীন যুবক—ঘরের চারপাশটা সে দেখল, বড়ই জীর্ণ আবাস। অনেকদিন এদিকটায় কোন সংস্কার হয়নি। দেয়ালের কোথাও ইট বের হয়ে আছে। ছাদের কড়ি বরগা

আলগা। চাপা পড়তে পারে—আসলে কি এই ঘরটায় তাকে থাকতে দিয়েছে বলেই মাহুয়াটা তাকে এভাবে সতর্ক করে দিয়ে গেল! সে ভাবল, কালই কুমার বাহাদুরকে বলবে, একটা ভাল থাকার ঘর দিন। ভয় করে। যে কোন সময়ে পড়তে পারে সব। এ-সব কিছুই চিঠিতে লেখা চলে না। আর কি লিখবে বুঝতে পারছে না। বাবা-মার খবর, ঠিকমত পত্রের জবাব, টুটুল এবং মিষ্টুর খবর নিতে পারে। সেত শেষ লাইনে এগুলি লিখবেই। নির্মলাকে আরও কিছু লিখতে ইচ্ছে হচ্ছে। আসলে এত ছোট চিঠি পেলে নির্মলা দুঃখ পাবে। সে লিখল, নির্মলা আমি ফর্মাল কোয়ার্টার পাব মনে হচ্ছে। পেলে, এখানকার কোন স্থলে যদি কোনরকমে ঢুকিয়ে দিতে পারি তবে খুব অসুবিধা হবে না। আমার টাকায় এখানকার খরচ, তোমার টাকায় এখানকার খরচ। তুমি নিজেও জান, তোমাকে ছেড়ে আমি থাকতে পার না। এক রববারের ছুটিতে চলেও যেতে পারি। কবে যাব লিখব না! গিয়ে অবাক করে দেব। আর কি লিখব। লিখতে পারে! প্রাসাদের কথা লিখলে চিঠিটা বেশ বড় হয়ে যাবে। সে লিখল সব ঘুরে ফিরে দেখলাম। কলকাতার ওপর এমন খোলামেলা জায়গা আশাই করা যায় না। একটা খুদে সাম্রাজ্য বলতে পার। প্রাসাদের চারপাশে বিরাট জেলখানার মতো পাঁচিল। বাইরে থেকে মনে হবে, কেউ থাকে না বাড়িটাতে। ভেতরে ঢুকলে টের পাওয়া যায় সব। বড় বড় দুটো পুকুর, খেলার মাঠ, গোয়ালবাড়ি, বেয়ারা বাবুর্চি খানসামাদের থাকার জগ্জ একটা ছোটখাট পাড়া আছে। ছোট ছোট ঘর—বস্তির মতো কিছুটা। বাবুদের জগ্জ মাঝারি সাইজের ঘর। কিছুটা ছিমছাম। প্রাইভেট সেক্রেটারির জগ্জ আলাদা দোতলা বাড়ি। গাছপালা ফুলের বাগান। সবই আছে—তুমি থাকলে আরও ভাল লাগত নির্মলা। তারপরই কেন যে লিখল, আমি শাঁতার কাটছি। পারে উঠব বলে শাঁতার কাটছি। কতদিন থেকে শাঁতার কাটছি। ঠিক একদিন তীর দেখতে পাব। আর তখনই মাথার মধ্যে ঠুক ঠুক করে কে যেন তার পেরেক পুঁতে দিচ্ছে।

—না ছোটবাবু সামনে কিছু দেখা যাচ্ছে না।

—কিছু না?

—না।

—পাখিটা?

—এলবা এলবা! ছোটবাবু চিংকার করে ডাকতে থাকল, হোয়েআর ইউ

আর। নুট ইন দা স্কাই, নট আপন দা সি—হোয়েরার ইউ আর? অতীশ চিঠি লেখা বন্ধ করে দিল। ছোটবাবু তুমি কে, তুমি কেন আমার মধ্যে ঢুকে যাচ্ছ! তোমাকে আমি কবে কোথায় রেখে এসেছি ঠিক মনে করতে পারছি না। আসলে মনে করতে পারছি না, না মনে করতে আর চাই না। তুমি মাঝে মাঝে এমন বিড়ম্বনায় ফেলে দাও কেন? কেমন আচ্ছন্ন বোধ করি। বিশ্বাস করতে কষ্ট হয়, আমার একসময় একজন ছোটবাবুর জীবন ছিল। তারপরই কেমন অসহায় চোখে তার দিকে কে যেন তাকিয়ে থাকে। সেই চোখ দুটো কবেকার দেখা যেন—মাথার মধ্যে স্মৃতি কুট কামড় লাগালে সে অস্থির হয়ে ওঠে। এবং সে জানে, তবে সারারাত তার আর ঘুম হবে না। শুধু এ-পাশ ও-পাশ করবে। একা থাকলে এসব বেশি মনে হয়। পাশে নির্মলা থাকলে, স্কিটু টুটুল থাকলে, বারা মা থাকলে সেই স্মৃতি সহজেই সে ভুলে থাকতে পারে। এবং বিড়ম্বনার হাত থেকে রক্ষা পাবার জন্যই অতীশের মনে হল, নির্মলাকে পাশে দরকার। তা না হলে সে পাপল হয়ে যেতে পারে। বংশে এটা আছে। এবং সেই শৈশবের কোন পাপল মানুষের জীবন, তার জীবনে এসে ধীরে ধীরে ভয় করার একটা চক্রান্ত করছে।

কারণ কখনও মনে করে, কোন সমুদ্রগামী জাহাজের সে নাবিক, কখনও মনে হয়, গভীর অরণ্যের মধ্য দিয়ে সে পথ হাঁটছে। আবার কখনও দেখতে পায় নীল আকাশ, বিশাল সমুদ্র, একটা অতিকায় পাখি, নিরিবিলা আকাশ, সব শেষে একটা সামান্ত বোটে সে আর এক বালিকা। কখনও মরীচিকার মতো সমুদ্রের অপদেবতারার তার পিছু নেয়। সেইসব অপদেবতারার যেন এখনও তাড়া করে বেড়াচ্ছে। জলে ছলাং ছলাং শব্দ, ছায়া ছায়া স্মৃতি, সব কঙ্কালের মতো আকাশে ভাসমান। একে একে নেনে আসছে তারা। হাত দিয়ে ছুঁয়ে দেখতে চাইছে। আর এলবার ডাক, এলবা যেন সেই অপদেবতাদের প্রভাব থেকে রক্ষা করার জন্য মাঝে মাঝেই হাঁকছে—আমাকে অনুসরণ কর। একদিন না একদিন মাটি দেখতে পাবে। মাটি দেখতে পেলেই অপদেবতারার আর ভয় দেখাতে পারবে না।

অতীশ একসময় দেখল, বাম খোলা, চিঠি লেখা বন্ধ। অন্ত এক যুবক এসে তাকে বলছে, কি কেমন আছ? সে কে? দেখতে পেল, সে আর কেউ নয়, সেই ছোটবাবু। তার আপেকার স্মৃতি।

ছোটবাবু বলল, আমি মরে গেছি ভেব না।

অতীশ বলল, জানি।

—তুমি পাপ কাজ করেছ।

অতীশ বলল, না না আমি কোন পাপ কাজ করিনি।

—তুমি খুন করেছ। কেউ সাক্ষী নেই। কেবলমাত্র আমি এখনও সাক্ষী।

অতীশ বুঝল, আজ তাকে ছোটবাবু আবার জ্বালাবে। সে বাথরুমে ঢুকে চোখে মুখে জল দিল। ঘাড়ে জল দিল। ভাবল স্নান করলে ভাল হয়। সে তারপর স্নান করে নিল। এবং সে বাইরের দিকে তাকাল। গাড়িবারান্দার বড় আলোটা জ্বলছে। ঘরে ঘরে আলো। মানুষজন অনেক থাকে এ বাড়িতে। রাত খুব বেশি হয়নি। গায়ের মতো ন'টা বাজলেই যে বেশি রাত ভাবা সেটা এখানে অচল। বরং যেন সারাদিন সব মানুষের খাটাখাটনির পর এখন একটু হৈ-চৈ করা। পাশের ঘরে কারা তাস খেলছিল। এদের কাউকে সে এখনও ভাল চেনে না। তাস খেলায় তার কোন আকর্ষণও নেই। সে খেলাটা কখনও শেখার চেষ্টা করেনি। আজ কেন জানি প্রথম মনে হল, এমন একটা আকর্ষণ জীবনে তৈরি করা দরকার। এখন এই খেলাটা জানলে কত কাজে লাগত। আর যাই হোক ছোটবাবু অসময়ে এসে তাকে বিব্রত করতে পারত না।

সে তাড়াতাড়ি চিঠিটা নিয়ে আবার বসল। বুঝতে পারল জীবনে এমন অনেক সময় আসে যখন আর এক লাইন বেশি ভাবা যায় না। সে চিঠিটা সংক্ষিপ্ত করল। খুব ছোট চিঠি। এবং খামে ভরে ঠিকানা লিখে বের হয়ে গেল। এখন তার চারপাশে কিছু মানুষজন দরকার। অন্তত রাত্তায় বের হয়ে যদি হাঁটতে হাঁটতে দোকানপাট দেখতে দেখতে আবার স্বাভাবিক হয়ে আসে।

ছোটবাবু বলল, পালাচ্ছ কেন?

—কৈ পালাচ্ছি!

—পালাচ্ছ না! কিন্তু যাবে কোথায়?

—কোথাও না।

—খুব সাধুজন হয়ে গেছ না!

অতীশ বলল, দেখ ছোটবাবু আমি নিজেকে সাধুজন ভাবি না। তবে আমি খারাপ মানুষ না। ভাল থাকার আগ্রাণ চেষ্টা করছি। স্কুলে তুমি দেখলে ত কেমন চক্ৰান্ত করছিল তারা।

—তোমার জ্ঞা ওদের অস্ববিধা হচ্ছিল। ওরা তা সহ করবে কেন?

—তাই বলে মিছিমিছি আমাকে ভাউচার সই করে দিতে হবে। যা নয় তাই লিখতে হবে।

—লিখলেই পারতে। চাকরি ছাড়ার কি হল!

অতীশ বলল, ওদের সঙ্গে পেরে উঠছিলাম না।

—এখানে পেরে উঠবে?

—আমি জানি না ছোটবাবু।

সিঁড়িটা অন্ধকার। অতীশ পা টিপে টিপে নামছিল। সিঁড়িতে তবে কেউ আলো জ্বলে দেয় না। হয়ত দেওয়া হয়, কেউ নিয়ে যায়। সে পা টিপে টিপে নামছিল। ছোটবাবু এখনও গা ঘেঁষাঘেঁষি করে আছে। প্রায় তার শরীরের সঙ্গে লেপ্টে থাকার মতো। যখনই কোন অনিশ্চিত জীবনে সে পা দেয়, তখনই ছোটবাবুর যেন পোয়াবারো। আবার পাওয়া গেছে। সে নামতে নামতে বলল, কতক্ষণ থাকবে? দেখি কতক্ষণ থাকতে পার। আমি গেলে তিনি খুব খুলী হবেন। রাধিকাবাবুটি খুব কুমারবাহাদুরের বিশ্বাসীজন। এ-রাজ-বাড়িতে পাকশালায় প্রথম কাজ নিয়ে এসেছিল কুমারবাহাদুরের বাবার আমলে। সেই মানুষ এখন রাজবাড়ির অফিস সুপার। খুব প্রতাপ মানুষটির। তিনি নিজে এসে ঠিকঠাক হয়ে না বসা পর্যন্ত বাসায় থেতে বলেছেন। খুব আপনজনের মতো ব্যবহার। এ-সব ভেবে সে নিচে নামল। সামনে সবুজ লন, সারি সারি কার্মিনীফুল এবং গন্ধরাজ ফুলের গাছ। কিছু ফুলের গন্ধ আসছিল। সে দাঁড়িয়ে গা ঝাড়া দিল। কাউকে কেড়ে ফেলতে চাইল। দেখলে কেউ ভাববে মানুষটার জামার মধ্যে পোকা ঢুকে গেছে। সে গোপনেই এসব করে থাকে। কারণ তার জানা আছে সবার সামনে সে এটা করলে তার মধ্যে কিছু অস্বাভাবিক ব্যাপার আছে টের পাবে। আর তখনই অন্ধকার ছায়া থেকে কে যেন উঠে এসে বলল, না না জামা ঝাড়বে না। ওখানে কিছু নেই। আরে সেই লোকটা। যেন বিয়েবাড়ি থেকে নেমস্তন্ন খেয়ে ফিরছেন। পরনে আদ্রির পাঞ্জাবি পাটভাঙা ধুতি। হাতে বেলফুলের মালা। একা। সন্দের সেই লাঠিয়ালটিও নেই। পায়ে শুচকচক করছে। খুবই দিলদরিয়া মেজাজ। মুখ কামানো।

অতীশ বলল, আপনি!

—এই ভ্রমণ সেরে এলাম।

—কোথায় গেছিলেন।

—রাজবাড়ি।

—এটাই তো রাজবাড়ি।

—ধুস। বলে, ছোটবাবুর হাত চেপে ধরল। বলল, নবীন যুবক, একা থাকতে ভয় পাচ্ছ!

—না না। রাধিকাবাবুর বাসায় যাব বলে বের হয়েছিলাম।

মাথার ওপরে আলো আছে একটা। অতীশের চোখমুখ স্পষ্ট। সে ভাল করে অতীশের মুখটা দেখল। বলল, না না এ-ভাবে ভয় পাওয়া ঠিক না। আমি এভাবে ভয় পাই না। আমার সঙ্গে এস। ভয় পেলে মানুষের জীকনে করার কিছু থাকে না। আমার মতো তোমাকে তখন ভূতে পেয়ে বসবে।

লোকটা তার হাত ধরেই আছে। যেন কত চেনাজানা মানুষ। নিবান্দব শহরে বড়ই বান্ধব। হাত ছাড়ছে না। গা থেকে আশ্চর্য সুবাস উঠছে। অতীশ কি করবে ভেবে পেল না। কি বলবে বুঝতে পারল না।

—দাঁড়িয়ে থাকলে কেন, এস।

—কোথায়?

—কেন, আমার ঘরে। তখন উঁকি দিয়েছিলে, এখন ভাল করে দেখে যাও।

—আপনার ওখানে যেতে বারণ।

—কে বারণ করেছে।

নাম বলতে অতীশ ইতস্তত করছিল। তারপর মনে হল, তখন এই বারুটি তো লোকটিকে দেখেছে। তার সামনেই সতর্ক করে দিয়ে গেছে অতীশকে। সে বলল, কেন দেখেন নি।

—অ হ, নথর। সেই ইতর লোকটা। রাজার খায়, রাজার দাড়ি উপড়ায়। ওর কথা তোমাকে শুনতে কে বলেছে।

—না, উনি তো...

—আরে কিছু না। এ-বাড়িতে কার তেজ কত, কখন কতটা থাকে কেউ কিছু বলতে পারে না।

অতীশ ভেবে পেল না এমন কেন হয়। দুপুরে এই লোকটাকেই আটকে রাখা হয়েছিল। এখন এই লোকটা ভীষণ তেজের সঙ্গে কথাবার্তা বলছে। মাথায় কোন গুণগোল নেই। একেবারে সংসারী মানুষের মতো কথাবার্তা।

—আরে এস এস। নবীন যুবক, তুমি অত কি ভাবছ। সংসারে যত ভাববে তত মরবে।

অতীশ অগত্যা লোকটাকে অনুসরণ করল। সিঁড়ি পার হয়ে দোতলায় উঠতেই দেখল, চুনট করা শান্তিপূরী ধুতি পরনে। যেন কেউ তাকে সাজিয়ে দিচ্ছে।

লোকটির কি তবে কারাদণ্ড হয়েছিল। রাজবাড়িতে গোপনে কি সেই আগেকার বিচারের বিধি ব্যবস্থা আছে! নির্দোষ প্রমাণিত হবার পর পুরস্কার মিলেছে! স্বৈরাচারী রাজরাজড়াদের এমন কত খামখেয়ালীর কথা সে বইয়ে পড়েছে। কে জানে এই যে এখানে ছম করে চাকরিটা সে পেয়ে গেল, সেটাও কোনো খামখেয়াল কিনা। সে ভয়ে ভয়ে অগত্যা তাকেই অনুসরণ করতে থাকল। এই মানুষটাকেই এ-বাড়িতে স্বাধীন মনে হল তার। সে তার খুশিমতো চলে। পছন্দ না হলে, তালা দিয়ে রাখে, পছন্দ হলে বেশভূষায় সাজিয়ে দেওয়া হয়। আজ এমন কি ঘটেছে যার জন্য মানুষটির কপাল খুলে গেল! অতীশের কিছুটা কৌতূহল, সেই ছপুর থেকে এই লোকটা তাকে অজস্র চিন্তা ভাবনার মধ্যে ফেলে দিচ্ছে। তাকে বলে গেল কেন, তুমি খুন হয়ে যাবে নবীন যুবক।

ওরা যেতেই তাস খেলার কেউ একজন বলল, ঐ যায়। আর একজন বলল, ও মানসদা ছুটি মিলেছে বুকি!

—তাস খেলছ খেল। বাজে কথা বল কেন?

লোকটির নাম তবে মানস। সে বলল, মানসদা আপনার ঘরে যাওয়া আমার ঠিক হবে?

—আমি তোমাকে খেয়ে ফেলব ভাবছ।

—না তা না...

ওরা তখন দরজার কাছে এসে গেছে। মানসদা দরজায় দাঁড়াতেই একজন নকর লোক তাকে কুনিশ করল। সে মানসদার ঘরদোর সব সাফ করে দিচ্ছে। ঝাড়পোঁচ করছে। ধুলো উডছিল। মানসদা অতীশকে বলল, নাকে রুমাল দাঁও। শহরের ধুলো গাঁয়ের ধুলো এক মনে কর না, এখানকার ধুলোতে সংক্রামক ব্যাধির জীবাণু খুব বেশি থাকে।

প্রায় বস্তাখানেক ছেঁড়া কাগজের টুকরোর একটা ডাঁই। এই ঘরে এত ছেঁড়া কাগজ আসে কি করে! অতীশ একটুকরো ছেঁড়া কাগজ তুলতেই দেখল, ওতে গুড়ি গুড়ি লেখা। পিপড়ের মতো, আলোটা জোর নয় বলে সে পড়তে পারছে না। মানসদা কেমন ক্ষেপে গিয়ে ওর হাত থেকে কাগজটা ছিনিয়ে নিল, তুমি বড়ই আহাম্মক দেখছি। এ-সব পড়তে হয় না। অনেক গুট কথ

লেখা আছে। এমনতেই মাথা ধারাপ করে ফেলেছ, এ-সব পড়ে আরও মাথা ধারাপ হয়ে যাক আর কি! এই বেটা, বাঙ্গাল ভূত, কাগজগুলি নিচে নিয়ে পুড়িয়ে দিবি।

—তাই অর্ডার আছে হুজুর।

মানসদা কেমন ভূত দেখার মতো অতীশকে দেখল। ছোঁড়াটা মরবে। তারপর মুখ চেপে দিল হাতে। একটা কথা না আর। তোমাকে ঢুকতে দিয়েছি এ-ঘরে। মনে রাখবে, অনেক জন্মের পুণ্যফল এটা। তুমি জান না, কতটা তোমার অধিকার। তারপর পা টপকে শুচিবাই মাল্লুষের মতো নিজের খাট পর্যন্ত গেলেন। সোফা আছে, সেন্টার টেবিল আছে, পাখা আছে, ঘরের ফাটলে কিছু লেখা গোপনে ঢুকে যাচ্ছিল, অতীশ সেই লেখা দেখতে গেলেও টেনে আনল। বলল, বোস। ঠিক হয়ে বোস। অস্তুর গোপন লেখা দেখতে হয় না। অনেক দেশ-দেশ ঘুরেছ শুনেছি—এ আক্কেলটা হয়নি কেন?

তারপর সোফায় বসে ওপরের দিকে চাইলেন। গুনগুন করে গানের কলি ভাঁজলেন একটা—ও ফুলবনে যেও না তোমরা। তোমার কেমন লাগছে সুরটা। খাওয়া হয়েছে? অস্থবিধা হলে বলবে।

এতগুলো প্রশ্নের একসঙ্গে জবাব দেবে কিভাবে! সে বলল, বেশ ভাল ঘর। বড়। একজনের পক্ষে যথেষ্ট। কিন্তু অতীশ বিস্মিত, এই মাল্লুষটি প্রায় তার সব জানে। সে বলল, বিদেশ টিদেশ ঘুরেছি আপনাকে কে বলল?

এটা রাজার বাড়ি। নবীন যুবক, তোমার নাম অতীশ দীপঙ্কর ভৌমিক। স্কুলে হেডমাস্টার ছিলে। পোষাল না। ছেড়ে দিলে। এখানে সব চাউর হয়ে যায়। এখানে কিছু গোপন থাকে না। কত পাপ এ-বাড়িতে, সবাই মনে করে বড়ই গোপন—কাকপক্ষীতেও টের পায় না! তারপর থেমে থেমে বললেন, নবীন যুবক, ঈশ্বরের বাগানের চেহারাটাই এই। এত ভাব কেন?

নফর লোকটা ছেঁড়া টুকরো কাগজগুলো এখন বারান্দায় বস্তাবন্দী করছে। পরনে থাকি হাফ-প্যান্ট হাফ শার্ট। ছেঁড়া। জায়গায় জায়গায় ছিট কাপড়ে তালি মারা। সে তারপর আবার ঘরে ঢুকে দেখল, কোথাও যদি ভুলক্রমে এক টুকরো থেকে যায়—না নেই। নিশ্চিন্তে সে সেই গন্ধমাদনটি মাথায় নিয়ে চলে গেল। মানসদা উঠে গিয়ে লোকটার নির্গমন দেখলেন। এবং বারান্দার রেলিং ধরে দাঁড়িয়ে থাকলেন। এঘরে অতীশ আছে যেন তাঁর আর মনেই নেই। সে এবার ভাল করে খুঁটিয়ে খুঁটিয়ে দেখল। দেয়ালে হিজিবিজি লেখা। কাঠ:

কয়লা পেনসিল, ইটের টুকরো যখন যা হাতের কাছে পাওয়া গেছে তাই দিয়ে লেখাগুলোর কাজ সারা হয়েছে। আর বিচিত্র সব জীব-জন্তুর মুখ। এসব যেন পৃথিবীর নয় অথ কোন সৌরলোকের। প্রতিটি জীবজন্তুর নিচে কিছু লেখা। 'উঠে না গেলে পড়া যাবে না। কিন্তু উঠতে সংকোচ হচ্ছে। অথবা বড় সংক্রামক ব্যাধির মতো সেই যে ভয় গ্রাস করেছে তাকে তা থেকে, সে কিছুতেই অব্যাহতি পাচ্ছে না। সে কারণে সে বসেই থাকল। জীব-জন্তুগুলো কাছে গিয়ে দেখতে পেল না। কিছুটা হাঁসজার হাতিমি বকচ্ছপের মত এরা দেয়ালে উঁকি দিয়ে আছে। ছবিগুলো দেখে শিল্পীর নিখুঁত হাতের প্রশংসা করতেই হয়। চারপাশের দেয়ালে এমন সব হিজিবিজি অজস্র লেখা আর জীবজন্তুরা একত্রে কতদিন থেকে যেন বাস করে আসছে।

তখনও মানসদা দাঁড়িয়ে আছেন রেলিং ভর করে। অতীশ দেখল, বিছানার চাদর বালিশের ওয়াড় পাট ভাঙা। এই মাত্র বদলে দিয়ে গেছে কেউ। সেন্টার টেবিলে ফুলদানি, ওতে রজনীগন্ধার গুচ্ছও রাখা হয়েছে। তাজা শিশির বিন্দুর মতো ফোঁটা ফোঁটা জল লেগে আছে গায়ে। সে হাত দিয়ে দেখল, হাতে জল লাগছে। এত তাজা আর নিটোল ফুলের পাপড়ি—আর দেয়ালে অস্বাভাবিক সব কথাবার্তা। অদৃশ্য গোপন ঈচ্ছার এক প্রিয়তম খেলা। গানের কলি থেকে তার মনে এমনই কিছু প্রশ্ন উঁকি দিচ্ছে। কিন্তু মানসদা রেলিংয়ে এখনও অনড়। কি দেখছেন! সে তখন দূর থেকেই দেখতে পেল, সেই বড় মাঠটায় অগ্নিশিখা। তারপর দাউদাউ করে কিছু জ্বলে গেল। মানসদা আগুনে জ্বলতে দেখলেন—তার স্বর্ষ্য কেউ যেন জালিয়ে দিচ্ছে। তিনি ঘরে ফিরে বললেন, ঈশ্বরের বাগানে রোজ এমন কত ঘটনা ঘটছে, কে আমরা তার খবর রাখি।

অতীশ দেখল মানুষটির চোখ এখন ভারি বিষন্ন। তার সঙ্গে আর একটি কথা বলছে না। বিছানায় উপুড় হয়ে শুয়ে পড়েছেন। যেন ফুঁপিয়ে ফুঁপিয়ে কাঁদছেন। কারণ মানুষটার শরীর কেঁপে কেঁপে যাচ্ছিল। খোলস বদলাবার সময় সরীসৃপদের যাতনার মত এক অতীব যাতনা সারা শরীরে তার কণ্ঠের স্ফূর্ত ফোঁটাচ্ছে কেউ।

অতীশ এতে ভারী বিড়ম্বনা ভাবল। কিছুই জানতে পারছে না। কাউকে কোন প্রশ্নও করতে পারছে না। নতুন মুখ সব। এসে বুঝেছে—এখানে অদৃশ্য কিছু চক্রান্ত সব সময়েই চলছে। দৈবের মতো হঠাৎ তা কারো মাথার ওপর নেমে আসে। যখন টের পাওয়া যায় তখন আর করার কিছু থাকে না।

সে অসত্য বলল, উঠছি মানসদা।

মানসদা কেমন সংকি কিরে আসার মতো বললেন, তোমার খাওয়া হয়ে গেছে।

—না।

—আমরা একসঙ্গে বাব। অনেক খাবার। অনেক। তুমি সঙ্গে থাকলে আমি খাওয়ায় স্বস্তি পাব।

আর তখনই অতীশ প্রশ্ন করল, আমি কেন খুন হয়ে বাব? খুন হয়ে গেলে কে একসঙ্গে বসে খেতে পারে বলুন?

—নবীন যুবক,—বলতে বলতে তিনি উঠে বসলেন। তোমার চোখ এত গভীর কেন। তুমি কি স্মৃতির কিছু দেখতে পাও?

সে বলল, আমার কথার জবাব দিন।

—নবীন যুবক অনেক দিন হয়ে গেল, মাঠঘাট পার হয়ে কোথাও যাবে বলে রওনা হয়েছিল। শেষে এক রাজার বাড়িতে হাজির। রাজা তাকে নিয়ে এসেছেন তাঁর ভাড়া প্রাসাদের ফাঁক-ফোকর বন্ধ করার জন্য। কোন গর্তে তুমি হাত দেবে কে জানে। কোথায় কালসাপ ফণা তুলে আছে বাইরে থেকে কি করে বুঝবে। মাথায় হাত পড়লে তোমায় তারা ছেড়ে দেবে ভাবছ?

অতীশ প্রতিটি কথা স্পষ্ট শুনতে পেল। সে বলল, একজন খাঁটি মানুষ কিন্তু আমাকে বলেছেন, স্ট্রাগল ইজ ন্ত প্লেজার।

—পারলে কোথায়। তালে পালালে কেন? ছেড়েছুড়ে দিলে কেন?

অতীশ দেখল তখন দুজন বয়স বাবুঁচি। একজন খানসামা লাইন বন্দী হয়ে দরজায় দাঁড়িয়ে। হাতে তাদের নানা রকমের কারুকাজ করা প্লেট। প্লেটে রকমারী স্তম্ভ খাবার। সেন্টার টেবিল সরিয়ে বড় ভাঁজ করা টেবিল পেতে দেওয়া হয়েছে। সাদা চাদর বিশাল। মাঝে একটা প্রজাপতি উড়ছে। দূরে একটা টিকটিকির ছবি। লেজ নাড়ছে টিকটিকিটা। প্রজাপতিটা জানেও না পেছনে একটা রাফস। লোভে লাগসায় লেজ নাড়ছে। যে কোন মুহুর্তে ভাকে গিলে ফেলতে পারে।

॥ তিন ॥

রাজবাড়িতে কে জাগে। ছেদিলাল জাগে। সবার আগে ছেদিলাল সদর দিয়ে ঢোকে। আর বলে, কোন জাগে? ছেদিলাল জাগে। তার সঙ্গে বিবি থাকে। লেড়কি থাকে। আর সে মরদ ছেদিলাল। কখনও কখনও সে বলে, আমি জমিদার ছেদিলাল আছে। আমি রাজবাড়ির নোকর আছে। বাবু দেখলেই সে সেলাম করে। সকাল সকাল, তখন আসমানটা আনধার থাকে, সে ঢুকে যায়। রাজবাড়ির কাজ বলে কথা। সে না গেলে রাজার ঘুম ভাঙবে না। প্রথমেই অন্দরে ঢুকে গলা হাঁকড়াবে। কাজ না হলে, হাঁকবে, ছেদিলাল হাজির। অন্দর মহলের দরজা খুলে গেলেই কটাপট জল মারা, ঝাঁট দেওয়া। সে থাকে রাজার মহলায়, বিবি যায় রানীর মহলায়। অন্দরের কাজ সারতে ঝরতে বেলা বাড়ে। সূর্য উঠে আসে। ছেদিলালের এটা এক নম্বর কাজ। তার পণ্টন এক নম্বর কাজ সেয়েই জড় হয় বড় একটা পাতাবাহার গাছের নীচে। ঝলতি ঝাঁটা রেখে গোল হয়ে বসে বাসি কটি শুকনো, জল দিয়ে গুড় দিয়ে যায়। গোঁকে গুড় লেগে থাকে। কাঁচা-পাকা গোঁকে গুড় লেগে যায় বলে মাঝে মাঝে খুবই ক্ষেপে যায়। তখন ছেদিলালকে কেউ কিছু বলে না। মজি হলে দু নম্বর কাজে হাত দেবে, নয় গাছের নিচে গুয়ে ঘুম যাবে। বিবি বেটি বসে থাকে না, ভারী কাজ করে চলে। প্রাইভেট অফিসারের বাড়ি,—নম্বরবাবু বেগীবাবু রজনীবাবু, সব বাবুরা থাকে ওদিকে—সেটা দু নম্বর কাজের পাল।

সব শেষে বাবুচিণ্ডাড়া, সেটা সে বিকেলের দিকে করে। দুপুরের দিকে রেসবাড়ির নালা-নর্দমা সব সাফ করে। সূর্য না উঠতে ছেদিলালের কাজ আরম্ভ হয়, সূর্য হেলে গেলে সে পণ্টন নিয়ে চলে যায় শালাসিবাগানের বস্তিতে। রাজাদের দেওয়া জায়গা, বিনা পয়সায় থাকতে পায়। বড় রাজার আমল থেকেই তার এই সব সুবিধাটুকু। সে এ-জন্ত বাবুচিণ্ডার লোকদের একদম গ্রাস করে না। মর ব্যাটারি নালা-নর্দমায় পড়ে। শালে শ্যারকে বাঁচে। কোনদিন সে যায়, কোনদিন যায় না।

কিছু বললে বলবে, শালা আমি রাজার জমাদার আছে। খুশি মাস্তিক কাজ-কাম হবে।

স্বরেন বাজার যেতে দেখল, ছেদি খুব মনোযোগ দিয়ে কটি বাঁছে। পাশে ভার ডবকা লেড়কি পাছা ভারি করে বসে আছে। রূপোর বিছে কোমরে।

বোঁটা ঠ্যাং ছড়িয়ে হাঁটুর ওপর কলাইর থালা নিয়ে বসে। যাকে যা লাগছে দিচ্ছে। পাশে বড় মগে চা। স্বরেন বেশ নাগাল পেয়ে গেছে মত বলল, তুই কি আমাদের বোঁটা মারবি! গন্ধে টেকা যাচ্ছে না।

ছেদি গ্রাহ্য করছে না। সে পোঁকে গুড় লেগে না যায়, এ-সব কারণে তার তখন অমনোযোগী হওয়া একেবারে বারণ।

স্বরেন বুঝতে পারল, ছেদিলাল নেশাখোর, মাতাল। ওকে বলে লাভ নেই। সে তার বিবিকে বলল, এই কুমরি, একবার দেখে আয় কি হয়ে আছে!

কুমরি বোঁকে এই বাড়ির সবাই রাজা-মহারাজ। কাউকে চটাতে নেই। ওরা দিনে কাজ করে। ছপুর্ হলে সে চলে যায়—রাতে কর্পোরেশনের কাজ আছে। দু-চারটা এমনিও আছে ঠিকা কাজ। এটাই তাদের আসল কাজ। এখান থেকে তাড়ালে তাদের কোন মোকাম থাকবে না। সে বলল, স্বরেনবাবু। আজ যাবে।

স্বরেন যেতে যেতে দেখল, মেসবাড়ির সামনের জানলায় কেউ উঁকি দিয়ে আছে। পাশে রাজার নতুন বাড়ি। বড় বড় জানলা—গাড়িবারান্দা। নতুন বাড়িতে রাজার মামাত ভাই কাবুলবাবু থাকে। জানলায় দাঁড়িয়ে দাঁত মাজে সকাল পাঁচটা থেকে সাতটা পর্যন্ত। এই দু ঘণ্টা একটা লোকের দাঁত মাজতে যায়। সে জানে কাবুলবাবু, দাঁত মাজতে মাজতে মেসবাড়ির দিকে তাকিয়ে আছে। ডান দিকের কোয়ার্টারে থাকে রাধিকাবাবু। তিনটে ঘর দখল করে আছে। বড় ছেলেকে বিয়ে দিয়ে এনে আরও একটা বাড়তি ঘর রাজার কাছ থেকে চেয়ে নিয়েছে। সেই ঘরটায় বোঁ হাসিরাণী থাকে। কাবুলবাবুর নজর পড়েছে বোঁটার ওপর। সে দেখেছে, মাঝে মাঝেই দু চোখে মিলন হয়। এরা রাজার খোদ লোক—এই নিয়ে কোন কথা চলে না। ফলে গোপন আছে সব। সে যেতে যেতে হাই তুলল। তুড়ি দিল দু আঙুলে। কটাকট শব্দ কে করে! বোঁটা স্বরেনের কাজ। কাবুলবাবু বলল, স্বরেন তোমার আঙুলে এত জোর আসে কি করে!

স্বরেন বুঝতে পারল কাজটা সে ভাল করে নি। সে গড় হল। তারপর কাঁচুমাচু মুখে বলল, বড্ড হাই উঠছে।

—রাতে ঘুম হয় না?

স্বরেন কি বলবে ভেবে পেল না। রাতে ঘুম না হলে দিনে পড়ে পড়ে ঘুমাবে। নির্ধাত কাজে ফাঁকি। এই করে সব রসাতলে গেল। ঘুম হয়েছে বললেও

ল্যাটা আছে। খুব কামাচ্ছ। শালা ফিকিরবাজ। এদিক-ওদিক পয়সা হচ্ছে। রাজার খাচ্ছ নাকে তেল দিয়ে ঘুমাচ্ছ। আঙুলে জোর কেন? বাড়তি প্রোটিন। ওটা আসে কি করে! কে দেয়। এই লোকটার সঙ্গে বাড়ির আসল মনিবের লাইন। পুট করে লাগলেই হল। সুরেনটা ভুড়ি মারতে শিখেছে। ভাল কথা নয়। গ্যারেজের ইনচার্জ এই বাবু। সব গাড়ির জিমাদার। কেউ কেউ গাড়িবাবু ডাকে। গাড়ি মেরামতের কাজ জানে বাবু। গাড়ি চালাতে জানে। ড্রাইভারদের ছুটি-ছাটায় সে বোঁরাগীর গাড়ি চালায়। কুমারবাহাদুরের গাড়ি চালায়। কান ভাঙাতে কতক্ষণ। সে বলল, ঘুমের দোষ কি বাবু! মশা! মশা হয়েছে।

মশার প্রসঙ্গ ওঠায় ছেদিলালের প্রসঙ্গ এসে গেল। এত ফিনাইল যায় কোথায় প্রশ্ন করল কাবুলবাবু?

—সেই ত কথা। কে দেখে! যার যা খুশি চালিয়ে যাচ্ছে। মেরে দিচ্ছে সব। ছেদিলালের বিরুদ্ধে সুরেনের রাগটা এতক্ষণে ঝালা মেরে উঠল।—এই দেখুন না, দু দিন হল আমাদের লাইন মাঁড়াচ্ছেই না। বললে হস্তিত্ব করে।

কাবুলবাবু জানলা থেকে সরে গেল। এই হা-ভাতে লোকটার সঙ্গে কথা বলার জন্ম বয়ে গেছে! সুরেনকে দেখেই জানলার হৃদয় ডাগর চোখ দুটো টুপ করে ডুব মেরেছে। রাতে কুস্তিটা করে কি! বোঁটার বড়ই বালিকা বয়স। কুস্তিটা শালা কুস্তিকর্ণ। এখনও ঘোমাচ্ছে। বোঁটা পালিয়ে বসার ঘরে চলে এসেছে। এখান থেকে নতুন বাড়ির জানলা স্পষ্ট। এখান থেকে সে রাজার বাড়ি দেখতে পায়। রাজার সঙ্গে রক্তের সম্পর্ক একজন মানুষ তাকে জানলায় দেখতে ভালবাসে। কাবুলবাবু এটা টের পেয়ে গেছে।

সুরেন দেখল এখন দুটো জানলাই শুনসান। সে হাঁটতে থাকল। বড় মেয়েটা চার-পাঁচদিন হল এখানে আবার চলে এসেছে। ফের ঠেঙিয়েছে। পিঠে দাগ, হাতে পায়ে দাগ। আর যাবে না বলেছে। রাতেই বায়না করছিল, চিংড়ি মাছ দিয়ে কচুর শাক খাবে। এখন বাজারে সে চল্লিশ পয়সার চিংড়ির খন্দের। গায়ে রাজবাড়ির ছাপ মারা কোট।

বাজারটা রাজার। কোটটা দেখলে গণ্যমান্তি করে। বাজারে যাবার আগে কোটটা আগে চাই। আর চাই পান-সুপারি, খয়ের। গলায় রক্ত কফ ওঠে। পান খায় সুরেন। রক্ত কফ কেউ টের পায় না। চব্বর চরবকরে খায় আর পিক ফেলে। গায়ে তাত থাকে। গায়ে তাত হলে সে বেশ মজা পায়।

কেমন নেশা নেশা লাগে। নেশাখোরের মত চোখ লাল থাকে। থকর থকর কাশে। শরীরটা নাচে, টাল থায়—এই করে চালিয়ে দিচ্ছে। শালা ছুনিয়ার কেউ টেরও পাচ্ছে না তার একটা বড় ব্যারাম আছে। সুপারিনটেণ্ডেন্ট মাঝে মাঝে জালায়।—আরে ডাক্তার দেখা। থক থক কাশি মানুষের ভাল নয়।

ডাক্তার দেখাই, আর তোমরা রক্ষা পেয়ে যাও। সেটি হচ্ছে না।

মেসবাড়ি পার হলেই দোতলা বাড়ির নিচে চার-চারটা ঘর। প্রথম ঘরটায় থাকে, কলকাতা অফিসের অ্যাকাউট্যান্টবাবু। একটা ঘর। আর বারান্দা। বারান্দায় মূলি বাঁশ দিয়ে ঘেরা। তক্তাপোশ আছে একটা। ভোরে বাবুর মেয়েটা এখানে গরমে চিত হয়ে পড়ে থাকে। খুব ভোরে সে একবার যেতে গিয়ে ভারি সরমে পড়ে গিয়েছিল। শাড়ি উঠে আছে। সে দেখি দেখি করে সবটা দেখেও ফেলেছিল। সবাই ঘুমো কাতর। এত বড় মেয়েকে কেন যে বারান্দায় শুতে দেওয়া। শহরে ঝাঁকলে মানুষের আঁকল থাকে না। পরের ঘরটায় আছেন কেটবাবু। অফিসের কালেকটরবাবু। ভাড়া আদায়, রাজার মামলা-মোকদ্দমার সাক্ষী ঠিক করা, আদালতে হাজিরা দেওয়া এ-সব কাজে মানুষটার দু'পরসা উপরি। তাই সকালে কেমন মৌজ করে হারমনিয়াম নিয়ে বসে গেছে। গলা সাধছে। গলা সাধা শেষ হলেই—গান ধরবে—আয়লো অলি কুহুম কলি। কলি পর্যন্ত আসতে মাতটা বাজবে। তারপর চুলে কলপ, গৌঁকে কলপ, মম্বণ মুখ গাল নিয়ে আদ্রির পাঞ্জাবি, আর ব্রুতি পরে অফিসে হাজিরা। তারপর সারা দিন কোথায় যে থাকে। রাজার টাকা বারো ভুতে লুটে থাকে থাক—তার সে-জগ্রে হিংসে নেই। তাই বলে বেকার ছেলেটা দরে বসে তার দাড়ি গৌঁক উপড়াবে! কেউ দেখার লোক নেই! রাজার বাড়িতে সবাই গৌঁক রাখে—কুমারবাহাদুরের গৌঁক আগে বড়ই সর ছিল, বয়স বাড়ার সঙ্গে সঙ্গে মোটা হয়ে উঠেছে। রাজা খুশি হবেন ভেবে সব ব্যাটা গৌঁক রাখে। কিন্তু ঈশ্বর তার সে উপায়টুকুও রাখে নি। সে তার ব্যাটার ভয়ে গৌঁকও রাখতে সাহস পাচ্ছে না। কাজের উন্নতি, চার কুড়ি দশ টাকায় সেই যে থোমে আছে তার থেকে আর তার মজি মেলে নি।

জানলা থেকে কেটবাবু স্বপ্নেনকে দেখতে পেল। গুটি-গুটি যাচ্ছে। এত সকালে যাচ্ছে যখন, খবরটা দিয়ে যেতে পারবে। সে গলা বাড়িয়ে বলল, স্বপ্নেন নাকি রে!

—আজ্ঞে হ্যাঁ।

—মৃত্যুকে বলে যাস, আজ ওর ওখানে যাব না।

মৃত্যুকে স্বপ্নের চেয়ে। বাজার যেতেই হুণীল ডাক্তারের ডিসপেন্সারি—
তার লাগোয়া গলিতে মৃত্যু থাকে। বিধবা মানুষ। সংসারে একা। আগে
বাড়ি বাড়ি কাজ করত। এখন নিজেই হোটেল খুলছে টাকা জমিয়ে, কেঁটাবা
মসের সঙ্গে বগড়া করে মৃত্যুর কাছে চলে গেছে। দুপুরে রাতে মৃত্যুর কাছে
মিল নেয়। যেদিন থাকে না, সকালে বলে দিতে হয়। মেসে এই নিয়ে একদিন
ভুলকালাম। কেঁটাবা দেশ থেকে এসে দেখল, বিল পড়ে আছে। মেসে না
থলেও বিল দিতে হয়। দু দিন যায় নি, বিল ঠিক এক মাসের। কেঁটাবা
এই নিয়ে দরবার করেছিল। কিন্তু মেসের ম্যানেজার বলেছে, ওভাবে হয় না
মশাই—কড়াক্তির হিসাব রাখার সময় কার আছে! সাত দিন দশ দিন না
থাকলে এক কথা। সেই থেকে কেঁটাবা পাওয়ার পাট মেসবাড়ির চুকিয়ে মৃত্যুর
কাছে চলে গেছে। মানুষটা আবার ফকিরিং মেয়েছেলের দোষ আছে।
সবল এই গান। এবং কেউ কেউ গান শিখতে আসে। মেয়েদের ছেলেদের
নিয়ে মাঝে মাঝে বেশ জলসা বসায়—ছলচাতুরি জানে লোকটা। আসলে
লোকটা ক্ষুধিতকার্তা করার কৌশল জানে। লোকটাকে দেখলেই স্বপ্নের মনে
হয় খেপলা জাল নিয়ে পুকুরের পাড়ে দাড়িয়ে আছে কেঁট চকবর্তি। পরনে
গামছা। কুচ্ছিত লোমশ শরীর। মুখে মাছ ধরার ছলাকলা। লোকটাকে সে
একদম সহ্য করতে পারে না। ধম বলে মানুষের আর কিছু নেই! সোমন্ত মেয়ে
আছে তিন-তিনটা। বৌ-এর দাঁত পড়ে গেছে। এই শহর থেকেই কেঁটাবা
বৌ-এর জন্ত দাঁত বাঁধিয়ে নিয়ে গেছে। ছেলেরা ছোট। স্থল-কলেজে পড়ে।
তোর এ-সব আর শোভা পায় কেঁট।

এইভাবে সকাল থেকেই স্বপ্নের মানুষের ওপর রাগ বাড়ে। বেলা যত
বাড়ে রাগটা বাড়ে, যত পড়ে আসে রাগটা কমে আসে। বিকেলে আনাজের
বাজারটা সস্তা। কচুর শাক কচুর লতা থেকে খানকুনি পাতা সবই তখন তার
জন্ত বাজারে অপেক্ষা করে থাকে। মাথা গরম রাখলে দরদাম-করা যায় না। তা
ছাড়া মাথা গরম রাখলে সংসারে কি-ই বা হয়। যত মাথা ঠাণ্ডা তত মানুষের
উপকার। আসলে তার এটাই নেই। সে যখন-তখন যা না তাই বলে বসে।
এই যেমন সে এখন কেঁট চকবর্তিফে গাল দিতে দিতে যাচ্ছে। বোক বোটা
আমি কত সোজা সাপটা লোক। রাজাগজা নত্তি। তুই ত কেঁট চকবর্তি।

তখনই আবার জানলায় হাঁক—ওরে স্বপ্নের, যাচ্ছিস যখন, পান আনবি।

স্বরেন অনেকটা দূরে চলে গেছিল, প্রায় সদর দেউড়িতে। সেখান থেকেই কেষ্ট চক্কির গলা পেয়ে সে ছুটে আসতে লাগল—আজ্ঞে যাই বাবু। তারপর মনে মনে বলল, ও-বাবু ভেব না, তোমার হাঁক পেয়ে ছুটছি। স্বরেন তেমন লোকই নয়। তার ইজ্ঞত আছে। যাচ্ছি গরজে। পান না থাকলে পানটা সুপুঁরিটা তোমার কাছে হাত পাতলে পাই। তখন তোমাকে বড়ই গুলী মাছুষ ভাবি হে। কেষ্ট চক্কির গলা! ফান্দে পড়িয়া বগায় কান্দে, গাও ত এমন একখানা গান—বলি গানই বটে। গুলীজনকে ধগ্গি ধগ্গি করতে হয়। স্বরেন জানলায় এসে দাঁড়ালে কেষ্টবাবু দশটা পয়সা দিয়ে বলল, একটা গোটা সুপুঁরি আনিবি। তারপর ফিসফিস গলায় বলল, নতুন বাবুকে দেখেছিস!

—আজ্ঞে হ্যাঁ।

—কেমন, কোথায় উঠেছে?

—আপনাদের ওপরে।

—রাত হয়ে গেল। দেখা সাক্ষাৎ হয় নি। আজ সবার আগে যাব।
কোন ঘরে আছে।

সে বলল, ওপারেই আছে।

—ফুলি বলল, সাধু-সন্তের মত মুখ নাকি!

—তা ভাল মাছুষই মনে হল। বড় বড় চোখ। লম্বা গৌরবর্ণ। দশাশই
মাছুষ।

—পাগলাবাবুর মত।

—তাই বলতে পারেন।

—পাগল না হয়ে যায়! এ-বাড়িতে সাধুসজ্জন এলে ত শুনেছি পাগল
হয়ে যায়।

কেষ্ট চক্কির এই এক কু-কথা। মগজের মধ্যে যত কু-ভাবনা। ঠাকুরের
নাম নে। গলা সাধছিলি সাধ। কে পাগল হবে ছুনিয়ায় তার তুই কি জানিস!
সে বলল, একটা গোটা সুপারী?

—ঐ একটাই। কোট থেকে ফিরে আসার সময় আনব। ভাল ভাল
গোটা গোটা। বড়বাজারে রাখুর দোকানে ভাল সুপারী রাখে। কাটিলে
সাদা। খেতে মিষ্ট মিষ্ট। কস একদম নেই। গলা সাধা শেষ। স্টোভে চা
করবেন বোধ হয়। গলাটা কাঠ কাঠ ঠেকলে স্বরেন বলল, বাবু চা রানাবেন
বুঝি।

কেঁটবাবু বুঝতে পেরেই বলল, না। চা না। কাপটাপগুলি ধুয়ে রাখছি।
চিনি নেই। আনতে হবে।

—দিন না এনে দিচ্ছি।

—না এখন থাক। তুই যা।

বাবু মিছে কথা বল না। ভগবান রাগ করবে। তোমার বিলু পরিকার
বাবু। তুমি ছয় নয় করতে পার। তুমি স্বধাসাগর। তোমার এ-সকালে
মিছে কথা বললে মুখ খসে পড়বে। স্বরেন অগত্যা হাঁটা দিল। সকালবেলায়
কোথেকে যে শয়ে শয়ে কাক এ-বাড়িটাতে উড়ে আসে! আসলে বুঝি পচা
গন্ধ পায়। পচা গন্ধ মাতুষের না টাকার। কাল থেকে দুর্গন্ধে ঘরে টেকা
বাচ্ছে না। প্রথমে ভেবেছিল, কোন খুপড়িতে ইঁদুর মরে পচে আছে কিন্তু কোন
ঘরেই কিছু পাওয়া যায়নি। এই গন্ধের মধ্যেই রাতে পুঁই চচ্চড়ি আর শুকনো
কুটি খেয়েছে। নালা-নর্দমা সাফ হয় না, তা এমন ত কতই হয় না, আজ কেন,
ছেদিলাল কবে রোজ নালা-নর্দমা সাফ করে। কিন্তু গন্ধটা এখনও নাকে লেগে
আছে কেন? আঁস্তাকুড় থেকে গন্ধটা উঠছে। ছাই তরকারির খোসা, মাছের
আঁশ, পচা মাছের ধোওয়া জলের একটা ভোটকা গন্ধ থাকে—ডাঁই হয়ে আছে।
—দুদিন না নিলেই ডাঁই হয়ে যায়—তার ভেতরে মরা কুকুর বেড়াল কেউ
সেধিয়ে রাখেনি ত। যদি ছেদিলালের সঙ্গে সকাল বেলায় ভাল করে কথা
কয়ে হাতে-পায়ে ধরে, তারপরই বামুনের আভিজাত্য স্বরেনের মাথায় চাগিয়ে
উঠল। তাঁরা হল গে নবীনগড়ের গাঙ্গুলী বংশ। সে ছোট কাজ করে বলে
বাপ-ঠাকুরদার ইজ্জত নিতে পারে না!

কাকগুলি মাথার ওপর উড়ছে। বাবুপাড়ার দরজা জানলা খুলছে। বাবুদের
একটা ছোট ছেলে ওর সামনেই নর্দমায় পেছাপ করতে থাকল। স্বরেন বলল,
হুহুবা, চিহুদিদি ভাল আছে।

হুহু পেছাপ করতে-করতেই মুখ তুলে তাকাল। স্বরেন দাঁদ তাকে কিছু
বলছে। সে বলল, দিদি সকালে উঠে বসেছে।

তারপরই স্বরেন জিতে কামড় দিয়ে ফেলল। কেউ তো জানে না নধরবাবুর
মেয়ের অসুখ। শুয়ে থাকে। ঘর থেকে বের হয় না। বড়ই গোপন—এই
বাড়িটাতে পুষ্টির শেষ নেই। যত যাও—ঘর-বাড়ি। কে কোথায় কিভাবে
পড়ে আছে পড়ে থাকে কারও জানার কথা নয়।

বাবুদের হেঁশেলের খবর না জানাই ভাল—কারণ সে বোঝে, দফাদারের

আবার গোক। তার চেয়ে এখন জোরে হাঁটা ভাল। এ সময়টা রাস্তায় খাঁড়ি বোড়া থাকে না। সে সোজা ট্রাম লাইনের ওপর দিয়ে হাঁটতে পারবে। সকালে ট্রামের পাতে কেন্দ্র ঠাণ্ডা ভাব। খালি পায়ে সে তখন বড়ই স্বচ্ছন্দে বোধ করে। এই স্বচ্ছন্দে হাঁটা তার আর কোথাও লাগে না। স্ত্রী সহবাসও না। স্তত্রাং সে খুবই পা চালিয়ে হাঁটবে ভাবল। কিন্তু কিন্তু—কৈ জানালায় কৈ!

ওপরের জানলা থেকে তখনই কে ডাকল, স্বরেন্দ্র বাজারে যাচ্ছ। স্বচ্ছন্দে স্বরেন্দ্রের মুখে হাসি খেল গেল। ঐ ত দাঁড়িয়ে। সে ভাবল চোখে কম দেখছে না ত! —কে মতি বোন বলছ! তা যাচ্ছি।

—সুখী নাকি চলে এসেছে।

—কি করবে বোন। স্বামীটা বড় জ্বালায়। বেতে দেয় না। পেটের হাঁচ পাগ্টাবে কি করে কও। মেয়ে হয়, চার-চারটা মেয়ে তাই বলে লাগি ঝাঁটা। এবাই ত সংসারে লক্ষী।

—মেয়েগুলো সঙ্গে এয়েছে।

—তা আনবে কেন? হাঁচে ঢালবে তুমি, ঝাণ্ডাব আমি। বলে দিচ্ছেছি, আসবি ত একা আসবি। আমার হাঁচ আমি ফেলতে পারি না। কি ঠিক না!

কথাগুলো জোরে জোরে বলছিল স্বরেন্দ্র। সকালবেলায় কত সহজে খারাপ কথা বলতে পারে। মতির কান গরম হয়ে গেছিল। কিন্তু মার ঐ স্বভাব—তাকে তাকে থাকা—স্বরেন্দ্র দেখিস বাজারে যায় কিনা। সে রাজবাড়ির ছাপ দেখিয়ে ভাল জিনিস কিনতে পারে। দু' পয়সা সস্তাও হয়। কিছু মারার স্বভাব আছে। তা মেয়েও বেশ তাজা সবজি-টবজি চিনে আনতে পারে। মতি বাইরে বের না হলে কেবল খায় আর ঘুমায়ে। ছোট ছোটো ফুলে-কলেজে পড়ে। মতিরই সব চালাতে হয়। কাল বের হয় নি বলে, সে ঘুম থেকে সকাল সকাল উঠেছিল। শরীরটা ভাল ছিল না। শরীর ভাল না থাকলে তিন দিন বেছঁশ হয়ে ঘরেই পড়ে থাকে। এই তিন দিন তার সকালে ওঠার অভ্যাস। আজও ওঠে, তার মনে হয়েছিল, মাথাটা বিমকিম করছে। সে একটা চেয়ার নিয়ে জানলার বসেছিল—মা এসে বলে গেছে, দেখিস ত স্বরেন্দ্র বাজারে যায় কিনা।

তখন স্বরেন্দ্র ভাবল, সিকিটা হয়ে যাবে। সে খুবই দ্রুত পায়ে হেঁটে এল, সিঁড়ি দিয়ে ওপরে উঠতে থাকল। নিচে এখানে প্রায় বারো ঘর এক ভট্টোনের মত। পাখির খাঁচার মত পুরানো শ্রান্তভাবে বাড়ির সব দরজা। রু ওঠা।

মরচে পড়া জানলার সিক। নিচে একদম আলো বাতাস নেই। দোতলায় উঠলে, আলো বাতাস আসে। পারতপক্ষে সে এই বারোয়ারি বাড়িটাতে ঢোকে না। কে না থাকে। ট্রামের কণ্ঠকটার থেকে, বড়বাজারের দালাল। মতি বোনেদের সে অন্ত সময় হলে হাফ-গেরস্থ ভাবত। কিন্তু এখন মনে হল, মতিবোন দেখতে কি সুন্দর। চুল লম্বা। লম্বা খুঁতনি, চোখের নিচে কাজল লেপ্টে থাকে। ছোট একটা তিল আছে ঠোঁটের নিচে। ডুরে শাড়ি পরলে লক্ষ্মীমতী লাগে।

মতি দরজায় দাঁড়িয়েই ছিল। একটা সাদা থানের ব্যাগ, তিন টাকা হাতে। এই তিন টাকায় বাজার। মাছ, আনাড়পাতি, শাক, একটা ডিম। ডিমটা মতির জন্ম আসে। শরীরে বড় ধকল তার। ডিম না খেলে জোর পাবে কি করে! শরীরের লাভণ্য থাকবে কি করে! একা ডিম খাওয়া কোন দোষের না। সুরেন বাজারে যাওয়ার সময়, এখানটায় এলেই খুব আন্তে হাঁটে। যেন জানলা থেকে কেউ তাকে দেখতে পায়। সিকিটা আধুলিটা থাকে বলে ইজ্জতের মাথা খেয়ে নিজে বলবে না, দিন বাজারে যখন যাচ্ছি, আপনাদেরটাও দিন। তালেই ধরে ফেলবে। ভারি গরজ। কেন গরজ, কিসের গরজ মানুষ টের পায় সব।

মতি বলল, আজ ডিম এনো না। খাব না। পেটটা গগুগোল করছে।

—তোমাকে বোন বলেছি, খাও দাও। সব করে শরীর ঠিক রাখ। তবে বেশি খেলে পেট ঠিক থাকে না।

মতি বলল, কৈ খাই। বাড়িতেই ত পড়ে থাকি।

সুরেন বুঝতে পারল, সকালবেলায় তার সত্যি কথা বলা উচিত হয় নি। পাবলিক নিয়ে কারবার—তার ওপর মেয়েমানুষ, রাজার বাড়িতে ভাড়া থাকে... সব দিক বিবেচনা করে চলতে হয়। সে আহাম্মকের মতো সত্যি কথা বলে ক্যাসাদে পড়ে গেছিল আর কি। সে বলল, আমি জানি না তুমি কোথায় যাও! দশজন কু-কথা বললেই আমি শুনব! এ-বাড়িতে তোমার মতো কটা সতী লক্ষ্মী মেয়ে আছে!

মতি বলল, ও কথা থাক সুরেনদা।

—না আমি বলবই। ভয় পাই ভাবছ। বাড়িতে থাকি, আমরা বুঝি কিছু টের পাই না।

সুরেনের নিজেরও এক গণ্ডা মেয়ে আছে। কেবল বড়টার বিয়ে হয়েছে। বাকি তিনটে দেখতে মন্দ না। সে জন্ম নিজের হাঁচ নিয়ে বড়াই আছে। তবে

বড়ই কাকলাশ। গায়ে মাংস লাগলেই অন্য রকম। কাকলাশ বলে মানুষের নজর কাড়ে না। সুরেন নাকে তেল দিয়ে ঘুমাতে পারে। সে যার তার নামে আকথা কু-কথা বলে ফেলতেও পারে। মেয়েরা বড় হচ্ছে তার সে নিয়ে ভয় নেই।

তারপর সুরেন হাঁটে। বেলা হয়ে গেল আজ। ট্রাম বাস বেশ চলছে। রোদ উঠে গেছে। আসলে সে আজ ঘুম থেকেই দেরি করে উঠেছে। যখন সে ছেদ্দিলালের সঙ্গে কথা বলছিল, তখনই বোঝা উচিত ছিল, বেলা হয়ে গেছে। মেঘলা আকাশ, কখনও রোদ। আষাঢ় মাস হলে কি হয়, শরতের মত আকাশ যাচ্ছে। সে ঘুম থেকে উঠে মেঘলা আকাশ দেখে টেরই পায় নি, বেলা হয়েছে। সে ত সকাল সকাল ওঠে। তবে রাতে খুব কাশছিল। ছপুর রাতেও। শেষ রাতের দিকে তার ঘুমটা এসেছিল। আগ রাতেও সে ঘুমাতে পারে। কিন্তু কুস্তবাবু ডেকে নিয়ে গেছিল। তাকে বলেছিল, সুরেনদা, বাতাসী কাল থেকে তোমার বোঁমার সঙ্গে থাকবে।

—আপনি কোথায় থাকবেন।

—আমার অফিস আছে না। বাবার অফিস, ভাইরা কলেজে যায়, আড্ডা মারে, বাড়ি থাকে না। তোমাদের বোঁমা বড়ই ভয় পায়। জামাইবাবু ছিল, সেও বাবার ওপর রাগ করে চলে গেল। রাতে বাতাসী ঘরে চলে যাবে।

—বোঁদি বুঝি বলেছে!

—বোঁদি না বললে বুঝব কি করে।

ল্যাটা। ধর্মের বোঁ নিয়েও শাস্তি নেই। কাগে বগে ঠোকরায়। তা বাবু সোমন্ত বয়সে এটা সবারই থাকে। কম বেশি থাকে। তখন ভরা যৌবন উথাল-পাখাল করে—টাল সামলাতে পারে না বাবু—এধার-ওধার নজর যায়। কিন্তু সে ত সুরেন। হাবা-গোবা না। লেখাপড়া জানে। ক্লাস এইট অর্ধি বিজ্ঞা তার। অত সহজে কাবু হবে কেন। সে বলেছিল, ওর মাকে বলে দেখি। আপনার বোঁদির তো শরীরটা ভাল না জানেন। বাতাসী এটা-ওটা এগিয়ে দেয়। রুটিটা করে দেয়। জলটা এনে দেয়। বাটনাটা বেটে দেয়। ঘরটা মুছে দেয়।

—টেবি কি করে?

সুরেন বুঝল আতান্তরে পড়েছে।

—টেবি বড় সোহাগী বাবু। মাকে ছেড়ে থাকতে পারে না।

কিন্তু ছোটটা নিতান্তই ছোট। ইচ্ছে হলে ইজের পরে ইচ্ছে হলে পরে না।

পরে না বললেই হয়। পরতে চাইলেই দেবে কোথেকে। স্বরেন অকপটে বলল
মনায়ে দিলে চলে না কুস্তদা। কত্রে আমার চতুর হয়েছে।

কুস্ত বুঝল শালা ত্যাঁদড়। কিন্তু সে খুব সরল মানুষের মতো বলেছিল মনা
তো ভাল করে কথা বলতেই পারে না।

—তালে বলেন কথা বলার লোক চান। বৌদির একা খুব কষ্ট। আপনি
চলে গেলে বৌদিরে টেবি নিয়ে যাবে এসে।

কুস্ত বুঝতে পারছিল, পয়সা চায়। এখন আর কিছুই পয়সা ছাড়া হবার
উপায় নেই। না হলে কেমন হাবাগোবার মত বলে দিল স্বরেনদা, নিয়ে যাবে।
ইজ্জত বোঝে। জানে, ইজ্জতের ব্যাপার। বৌকে পাঠালে বাপ ঘর থেকে বের
করে দেবে। তাছাড়া সেও এই বাড়িতে সম্প্রতি রাজার নজর কেড়ে নিতে
পেরেছে। তারই প্ররোচনা, প্ররোচনা কথাটাই কুস্ত ভেবেছিল—রাজা খুঁজে পেতে
ঠিক তার মনমত হাবা-গোবা লোক ধরে এনেছে। সেই রাজাকে বলেছিল কুমার
বাহাদুর ওটা আপনার গোন্ড মাইন। চুরি করে ফাঁক করে দিচ্ছে। সেই থেকে
রাজার নজর তার ওপর। পাঁচ-সাত বার কারখানায় রাজা ঘুরেও এসেছেন।
তারপরই বুড়ো ম্যানেজারকে ছাড়পত্র দিয়ে বলেছেন এখন তুই ছাধ। লোকের
খোঁজে আছি। রাজার সেই মনের মতো লোকটা কাল হাজির। সে যায় নি।
বাপকে পাঠিয়েছে। এখানে বাপকে দিয়েই থেতে বলেছে। প্রথম থেকেই কজা
করা—নালে লাগানি-ভাঙানি আগে থেকেই হতে থাকলে হুঁশিয়ার হয়ে যাবে।

কুস্ত স্বরেনের দিকে তাকিয়েছিল। কথা বলছিল না।

—তালে কুস্তদা ঐ কথা থাকল। স্বরেন হাঁটা দিচ্ছিল।

—আরে না না। শোন স্বরেনদা। তুমি বাতাসীকে সকালেই পাঠিয়ে দিও।
মাসে ও কিছু হাত খরচ পাবে। কাল থেকে শিট মেটালের নতুন ম্যানেজার
এখানে ধাবে। একা তোমার বৌদি পেরে উঠবে না।

স্বরেন সহসা হাতে আকাশ পাবার মতো বলেছিল, তালে নরর চাকরি হবে
বাবু। এতদিন ত বলেছেন, ম্যানেজার বদমাইস আছে। আপনার লোক হলোই
নিতে চায় না। এবারে নতুন ম্যানেজারকে বলে কয়ে নবটার হিল্লো করেন। পায়ে
পড়ছি কুস্তদা। শরীর আর টানছে না। বাতাসী সন্ধ্যালেই চলে যাবে।

কুস্ত বুঝেছিল ছকের ঘুঁটি তার দিকে। সে হাই তুলতে তুলতে বলেছিল, হয়ে
যাবে। সে বলেছিল মনে মনে সব ঠিক হয়ে যাবে। আমি যখন আছি, তখন
তোমার চিন্তা নেই স্বরেনদা। এমন একটা কথা পেয়েই স্বরেন নানা স্বখের কথা

বলছিল! ভাবতে ভাবতে নিজেই একটা রাজার বাড়ি বানিয়ে ফেলছিল। আজ রাতে সে-জন্ত ঘুম আসে নি। তাড়াতাড়ি, বড়ই তাড়াতাড়ি করা দরকার। আটটা বাজার আগে রাজার অফিসে হাজিরা। সে পা চালিয়ে বাজার থেকে প্রায় দৌড়ে ছুটি আসতে থাকল। বিকেলে নিশ্চিন্তে লম্বা টানা একটা ঘুম। নতুন ম্যানেজার—নবর চাকরি—ঘুম। আর বিকেলেই ছেদিলাল স্বরেনদের বস্তির নানা নর্দমা সাফ করতে গিয়ে গোলমাল বাধিয়ে বসল। ঘুম দিল চটকে।—ই কিয়া বাবু! এ-কিয়া চাঁজ। মানুষ ভি নেহি কুস্তাভি নেহি। দেখিয়ে। বলে সে আঁজাঝুড় থেকে কি একটা মরা ছোট কুকুর বেড়ালের বাচ্চা টেনে বের করল। ফুলে ফেঁপে ঢাক। সে দোলাচ্ছে। লোকজন ছুটে আসছে। রাজবাড়ির লোকজন যে যেখানে ছিল ছুটে আসছে। একটা মানুষের লাশ। মানুষটা জন্মাবার আগেই কারা হত্যা করে এই আবর্জনার মধ্যে পুঁতে রেখে গেছে। তার খুপড়ির সামনে এই হত্যাকাণ্ড। ক্রোধে স্বরেনের মাথা গরম হয়ে গেল। সে খুক খুক করে কাশছে। নিজেকে যাজিয়েছে, এবার সবাইকে যজাবে। কেউ শালা রক্ষা পাবে না। দুটো খুপড়ি পার হলে আর একটা খুপড়ি। সেখানে বৌ মেয়েরা থাকে। নব থাকে। সে-সেখানে দূর থেকে আনাজপাতি ছুঁড়ে দেয়। ভেতরে যায় না। সংসারে শুধু এই খুপড়িটার জন্ত তার এখনও কিছুটা মায়্যা আছে।

লাশটা দেখছিল আর খুক ফেলছিল স্বরেন। সবার গায়ে থুথু ছিটাকছিল অলক্ষ্যে। চোখ দুটো দুর্বাসার মতো জ্বলছে।

॥ চার ॥

রাতে চন্দ্রনাথ ভাল ঘুমাতে পারে নি। এমনিতেই সকালে ওঠার অভ্যাস ঘুম না হলে আরও সকালে উঠে বসে থাকেন। অন্ধকার থাকে উঠানে। গাছ-পালাগুলো নিরুন্ম। উত্তরের আকাশে বারান্দা থেকে বড় নক্ষত্রটা দেখতে পান। আজ দেখলেন বড় নক্ষত্রটা দেখা যাচ্ছে না। বর্ষাকাল, আকাশ মেঘলা থাকে। কিন্তু দুদিন ধরে আকাশ শরতের আকাশের মতো। নক্ষত্রটা দেখা যাবার কথা! কোথায় গেল। লিচু গাছটার নিচে এসে তিনি নিশ্চিত হলেন। না, দেখা যাচ্ছে। ফের এসে বসলেন বারান্দায়। শান বাঁধানো মেঝে মাটির দেয়াল। ওপরে টিনের শেড। এটাই বড় ঘর। এই ঘরে তিনি একটা তক্তাপোশে আলাদা

শোন। পাশের বড় তক্তাপোশটায় ধনবোঁ তার দুই নাতিনাতিন আর মেজ বোঁমা শুয়েছে। অতীশ চলে যাওয়ায় উত্তরের ঘরটা ছোট দুই ছেলে দখল করে নিয়েছে।

নক্ষত্রটা দেখার পর তার কেন জানি মনে হল, না কিছু হারিয়ে যায় নি। অথচ সারাটা রাতই তিনি আধো ঘুম আধো জাগরণে দেখেছেন তাঁর কিছু হারিয়ে গেছে। তিনি ছবার বালিশের তলা, তোষকের নিচে হাত বাড়িয়েও দেখেছেন। তাঁর বাকস প্যাটরা বলে কিছু নেই। অতীশ যা টাকা দেয়, সব একটা পুঁটুলিতে রাখেন। দরকার মতো টাকা পয়সা বের করে দেন। কড়াক্রান্তির হিসেব তিনি কখনও রাখেন না। জীবনটাই আন্দাজের ওপর চলে যাচ্ছে! অত হিসেবে কি দরকার। মোটামুটি একটা হিসাব রাখেন। ছ-চার টাকার এদিক-ওদিক হলে তিনি কখনই ধরতে পারেন না। পুঁটুলিটাতে রুদ্রাক্ষের মালা আছে। গোটা দশেক তাঁর জীবনের মূল্যবান বই। বইগুলোও ঠিক আছে। পদ্মপুরাণ, পুরোহিত-দর্পণ, কাশীরামের রামায়ণ, একটি এ-বছরের পঞ্জিকা, দ্রব্যগুণ সম্পর্কিত বই...না সবই ঠিক আছে। কেউ কিছু সরায়নি। তবু রাতে আধো ঘুম আধো জাগরণে কেন যে মনে হচ্ছিল কেউ তাঁর কিছু সরিয়ে নিয়েছে। তিনি কিছু হারিয়েছেন।

ধনবোঁর পাতলা ঘুম। লক্ষ জালতে দেখে বলেছিল, কি করছ?

চন্দ্রনাথ গম্ভীর গলায় বলেছিলেন, টাকা গুনছি। যেন এমন সময় কারো জেগে থাকা ঠিক না। কথা বলে নিবিষ্টতা ভঙ্গ করা ঠিক না। তোমাকে কে আবার জাগতে বলেছে! খবরদারি করতে বলেছে। ঘুমাচ্ছ ঘুমাও।

ধনবোঁ পাশ ফিরে শুতে গিয়ে বুকেছিল ছোট নাতি প্যান্ট কাঁথা সব ভিজিয়েছে। তাড়াতাড়ি উঠে ডাকল, ও বোঁমা, ওঠো। কাঁথা প্যান্টে দাও। সব ভিজিয়েছে।

মেজ বোঁমা উঠেও দেখেছিল, মশারির নিচে চন্দ্রনাথ বসে আছেন। সামনে সেই নতুন লাল-পেড়ে কাপড়ের পুঁটুলিটা। কি আঁতিপাতি করে খুঁজছেন।

—এত রাতে বাবা কি করছেন। বোঁমা এমন প্রশ্ন করেছিল।

—এই খুঁজছি।

—কি খুঁজছেন?

—সেটা বলতে পারলে তো হতই। মনে করতে পারছি না। তোমরা কিছু আমার ধরেছিলে!

—না বাবা। পাশ থেকে আর একটা ছোট কাঁথা বের করে ধনবোঁর হাতে দেবার সময় মেজবোঁমা বলেছিল, এই নিন মা। এত পেছাপ করে!

—ছেলেমানুষ করবে না। শরীর না হলে হাঙ্কা হবে কি করে। বড় হবে কি করে। তোমরাই বা বুঝবে কি করে সন্তান মানুষ করতে কি কষ্ট!

মেজবোঁমা তারপর শুয়ে পড়েছিল। অতীশ চলে যাওয়ায় উত্তরের ঘরটা বোঁমা ছেড়ে দিল। ভয় পায় একা থাকতে। মেয়েটা বাড়ি নেই। বড় শ্যালক গোপাল এসে নিয়ে গেছে।

চন্দ্রনাথের জন্ম করে বড় শ্যালকের ওপর কেমন রাগ চড়ে গেছিল। নবাবী এখনও ঠিক আছে। স্বভাব চরিত্র ভাল ছিল না। বোঁটিকে মারে! চরিত্রে কিছু দোষ ছিল এক সময়। গুণের মধ্যে এই নিঃসন্তান মানুষটি অলকাকে মেয়ের চেয়ে বেশি ভালবাসে। সময়ে অসময়ে অলকাকে কিছুদিন কাছে নিয়ে রাখে।

ধনবোঁ কাঁথা পেতেও বোধহয় বসে বসে মজা দেখছিল। না হলে এক সময় শুনতে পাবেন কেন, বয়স যত বাড়ছে, তত ভীমরতি ধরছে।

—হ্যাঁ বলেছে!

—তা না হলে মানুষ কি হারায় নিজে জানে না।

—জানলে ত হয়েই যেত!

হঠাৎ ধনবোঁ কেমন স্ফেপে গেল। —আলো নিভিয়ে শোবে কিনা বল! তোমার কি। সময় নেই অসময় নেই পড়ে পড়ে ঘুমালেই হল। নিশ্চিন্ত জীবন। এখানে এসে আর কুটোগাছটি নাড়লে না।

চন্দ্রনাথ এসব কথায় ধনবোঁকে ভীষণ ভয় পায়। এদেশে আসার পর সত্যি তিনি আর কাজ নেননি। আর যে লোকটা এদেশে প্রায় যোঁবন শেষে প্রৌঢ় বয়সে এল, তাঁকে কাজ দেবেই বা কে! কাজ যে একেবারে জুটছিল না তাঁ বললে মিথ্যা হবে—কিন্তু কোথায় যেন চন্দ্রনাথের একটা বড় অহঙ্কার ছিল। এখন আর তেমন জমিদার কোথায়, জমিদারী কোথায়। দোকানে বসে বসে খাতা লিখবেন—চন্দ্রনাথ এটা ভাবতেও পারতেন না। এরই মধ্যে স্বখে দুঃখে ঘর-বাড়ি বানিয়েছেন, পৈতৃক পেশা যজমানিটা ছাড়েননি। কলোনির প্রায় সব ঘরেই পূজা পার্বণে তাঁর ডাক আসে। এখনও এটাই সখল। মেজছেলে অতীশ এখানে এসে চাকরি নেবার পর সংসার সচ্ছল। দিন তাঁর ভালই যাচ্ছিল। কিন্তু গোল বাঁধাল—কি যেন তাঁর হারিয়েছে। এইসব সাত পাঁচ ভেবে তিনি আলো নিভিয়ে শুয়ে পড়লেন। ধনবোঁর মাথা গরম হলে, হয়ত আর ঘুমাবেই না। বকর বকর শুরু করে দেবে। সারা জীবন হাড়মাস জলে খাঁ খাঁ হয়েছে—কত এমন অভিযোগ উঠবে। এসব ভয়েই তিনি হারিকেনটা নিভিয়ে শুয়ে

পড়েছিলেন। কিন্তু তারপরও ঘুম এল না। মানুষের কিছু হারিয়ে গেলে ঘুমায় কি করে!

রাত থাকতেই পা টিপে টিপে নেমে গেছিলেন তরুণপোশ থেকে। তামাকের একটা পিপাসা আছে। খুব সন্তর্পণে যেন কেউ টের না পায় দরজা খুলে বারান্দায় মাদুর পেতে বসেছিলেন। একপাশে শুকনো সব গাছগাছড়া টোকা মুছিতে রাখা। সেগুলো তাঁর কাছে গুপ্ত সন্দের মতো। তার মধ্যে দেশলাই গোঁজা থাকে। সেটা খুঁজে বের করার সময়ই মনে হয়েছিল, নক্ষত্রটা আকাশে নেই। কোথাও নেমে গেছে। লিচু গাছটার নিচে এসে নক্ষত্রটা খুঁজে বের করতেই সাহস ফিরে পেলেন। নিশ্চিতে তামাক খেলেন। তারপরই মনে করতে পারলেন অতীশের কোষ্ঠীটা তিনি দেখছেন না। বইপত্রের মধ্যে সবার কব-কোষ্ঠী তিনি ভারি গোপনে রেখেছেন। সেটা তার হারিয়েছে। তার কাছে এখন সেটা খুবই প্রয়োজনীয় বস্তু।

নির্মলা সকালে উঠে ঘর থেকে বের হতেই দেখল, বাবা চোখ বুজে বারান্দায় বসে আছেন। ঠিক যেন এক নির্বিকল্প পুরুষ। অচৈতন্য প্রায়। আগে এমন রূপ দেখা না দেখলে নির্মলা এ-সময় খুবই ভয় পেত। বাবার মধ্যে কি যেন অতিপ্রাকৃত কিছু খেলা করে বেড়ায়। তিনি সংসারে থেকেও যেন নেই। কোথায় এক অদৃশ্য অভিকর্ষ আছে যা তাঁকে টানে। তখন তিনি এমন কথাবার্তা বলেন যা সংসারী মানুষের পক্ষে সম্ভব না। এজন্য নির্মলা এই মানুষটির সেবা-যত্নের কোন ক্রটি রাখে না।

সে ভাবল ডাকে, আপনি কি বসে বসে ঘোমাচ্ছেন। কিন্তু নির্মলা জানে, এ-সময় তাঁকে ডাকলে তিনি ভারি বিরক্ত বোধ করেন। নির্মলার মুখে সামান্য হাসি খেলে গেল। আসলে মেজ ছেলে কলকাতায় চলে যাওয়ায় নিজেকে তিনি তার চেয়ে বেশি বিপন্ন বোধ করছেন। বার বার বলেছেন, তুমি এদিকে কোথাও দেখ। অত দূরে যেয়ে কাজ নেই। মানুষ দূরে গেলে পর হয়ে যায়।

অতীশ বাবার কথায় হেসে ফেলেছিল।

—হাসবে না।

—আপনি তো আগে এমন ছিলেন না বাবা। কত সহজে সব কিছু অগ্রাহ্য করতে পারতেন।

—বৃক্ষের মত মানুষ। যত বড় হয়, বয়স বাড়ে তত ঝড় ঝাপ্টা বেশি

লাগে। তাছাড়া কলকাতা জায়গাটা ভাল না। ওখানে গেলে মানুষ মানুষ থাকে না। তুমি ইতিহাস পড়ে দেখ। তাই লেখা আছে।

অতীশ বাবার সেকলে মনোভাব একদম পছন্দ করে না। বাবার ঐ ভয়। অতীশ বলেছিল, সব বড় বড় মানুষেরা কিন্তু সেখানেই শেষ পর্যন্ত গেছেন। বিজ্ঞাসাগর মশাই বাবার আদর্শ পুরুষ। সে বলেছিল, আপনি জানেন না, তিনি কলকাতায় এসে বিজ্ঞাসাগর মশাই হয়েছিলেন। বীরসিংহ গাঁয়ে থাকলে বিজ্ঞাসাগর হতেন না।

বাবা কেন জানি আর কিছু বলেন নি। শুধু বলেছিলেন, তোমরা বড় হয়েছ, যা ভাল মনে কর, করবে। তবে বয়স বাড়লে মানুষের ভয় বাড়ে।

নির্মলা তখন অতীশকে সমর্থন করে বলেছিল, বাবা, আপনি কলকাতার অত দোষ দেবেন না। নিজে ঠিক থাকলে কার কি করার আছে।

বাবা এই কথায়, তার দিকে চোখ তুলে তাকিয়েছিলেন। বুঝেছিলেন নির্মলা কলকাতার মেয়ে বলেই অভিযোগ হজম করতে রাজি না। পায়ের ওপর দু হাত ছড়িয়ে নিজের সারা শরীর দেখতে দেখতে বলেছিলেন, বড়ই প্রলোভন। কলকাতায় গেলেই লোভে পড়ে যায় মানুষ।

অতীশ বলেছিল, মানুষ বেঁচে থাকতে চাইবে না? মানুষ বড় হতে চাইবে না?

—মানুষের বড় হওয়া আর ধান্দাবাজ হওয়া এক কথা না অতীশ।

—সেটা সব জায়গাতেই আছে। দুটু লোকেরা, ধান্দাবাজ লোকেরা ছত্রাকের মতো গজায়।

তারপর আর বাবা কোন কথা বলতে সাহস পান নি। এখন টের পাচ্ছে নির্মলা, অতীশ বাড়ি না থাকায় সামান্য বিব্রম পড়ে গেছেন তিনি। আজীবন শহরে থেকে মানুষ বলে, প্রথম প্রথম এখানকার সব কিছুই বড় নির্জন এবং চুপচাপ মনে হত নির্মলার। কোথাও যেন জীবন সে-ভাবে জাঁকিয়ে বসে নেই। রাস্তা নেই, অনিশ্চয়তা নেই—কেমন প্রাণহীন এক জগৎ। প্রথম প্রথম সে খুবই হাঁফিয়ে উঠত। মাইল তিনেক দূরে শহর, বড় মাঠ পার হয়ে গেলে পাকা রাস্তা। মাঝে মাঝে বাস ট্রাকের শব্দ কানে আসত শুধু। দূর দিয়ে গরুর গাড়ি যায়। একটা কোঁ কোঁ আওয়াজ। বাগদি মেয়েরা মাছ ধরে ক্রি়ে আসে। গায়ে গামছা। হাল গরু ধানের ক্ষেত, হাঁসের ডাক প্রথম প্রথম কেমন বিশ্রী লাগত। বাবা হাঁটুর ওপর কাপড় তুলে ক্ষেতের মধ্যে চবর চবর

করে হাঁটছেন। তার স্বস্তর এই মানুষটা, জমিতে মূনিষদের সঙ্গে কেমন লেপেট থাকতেন—নির্মলার ভাল লাগত না। সকাল হলে গরু বের করা গরু মাঠে দিয়ে আসা, দুধ দোওয়ানো, গোয়াল ঘর পরিষ্কার করা—এসবে ভারি দুর্গন্ধ—মাঝে মাঝে ওক পেত তার। ঝুঁটির সময় উঠোনে পা দেওয়া যেত না, সারাটা উঠোন কাদায় থিকথিক করছে। নালা ডোবায় জল, বাস জঙ্গল, আর সাপের উপদ্রব। সব সময় নির্মালা বড় ভয়ে ভয়ে থাকত। শুধু একজন তার নিজের। তার সর্বস্ব। তাকে পাবে বলে সব স্বাচ্ছন্দ্য বিসর্জন দিয়ে সে এ-জীবনে এসে ঢুকেছিল। চার বছর বাদে সেই মানুষ তাকে এখানে কেলেকলকাতায় প্রবাসী হবে বলে চলে গেল।

নির্মলা কল পাড়ে গিয়ে মুখ ধুল। কাপড় ছাড়ল। সকালে বাবা তাকে একটা গুরুদায়িত্ব এখানে আসার পরই দিয়ে দিয়েছিলেন। বলেছিলেন, বোমা তুমি গৃহলক্ষ্মী। ঠাকুর তোমার হাতের ফুল বেলপাতা পেলে খুশী হবেন। তুমি রোজ পূজার ফুল দুর্বা তুলবে। বাসি কাপড় ছেড়ে নিও। এখন নির্মলার সেই গুরুদায়িত্ব পালনের সময়। ঠাকুর ঘরের শেকল খুলে ঠাকুর প্রণাম সারল। ভেতর থেকে সাজি বের করে নিল নির্মালা। সব কাজই খুব আন্তে করছে। কারণ বাবার যা নমুনা তাতে মনে হচ্ছে তিনি অনেক ওপরে উঠে সন্তানকে লক্ষ্য রাখার জন্য চোখ বুজে আছেন। এই অবস্থায় খুটখাট শব্দে যদি তাঁর অভিকর্ষ নষ্ট হয় তবে তিনি ব্যাজার মুখে বললেন, দিলে ত সব মাটি করে। আমি অতীশের চারপাশটা দেখব বলে বসেছিলাম—কোথায় গিয়ে উঠল—আর তোমরা খটাখট করে দিলে সব মাটি করে।

প্রথম প্রথম নির্মলার বাবার এমন সব আচরণে হাসি পেত। সে দেখত, প্রতিবেশীরা বাবার কাছে এসে পায়ের নিচে বসে আছে। বলছে, কর্তা দেখেন ত সাহু ভাল আছে কিনা। মাসের ওপর হল কোন চিঠি নেই!

বাবা বলতেন, এখন হবে না।

—কখন আসব কর্তা।

—কাল ঠাকুর ঘরে যখন বসব তখন আসিস।

পরদিন এলে বাবা বলতেন, বুঝতে পারিলাম না কিছু। দেখি রাতে।

সকালের দিকে এলে বাবা, ভালই আছে। চিন্তা করিস না। চিঠি আসবে। কাজে-কন্মে আটকে গেছে।

নির্মলার প্রথম প্রথম বাবার এমন আচরণ ভালও লাগত না। মনে হত

বাবা মানুষকে ঠকাচ্ছে। একদিন রাতে সে অতীশকে অভিযোগও করেছিল, এটা কি! বাবার কি দরকার লোককে মিথ্যে স্তোত্রবাক্য দেওয়া। বাবাকে ত এ-জন্ত মিছে কথা বলতে হয়। তিনি কি ঠিক জানেন, কে কি করছে!

অতীশ কি লিখছিল, সব শুনতে পায়নি, বলেছিল, কে মিছে কথা বলছে!

—বাবা।

—বাবা মিছে কথা বলছে! কেমন অবাক চোখে তাকিয়ে নির্মলাকে দেখছিল। অতীশের এই চোখকে নির্মলার বড় ভয়। যেন গভীর থেকে এক আত্মজিজ্ঞাসার মতো প্রশ্ন, তুমি কে? তুমি আমার কে!

—তাই তো। আমরা আমরা করে নির্মলা পালাত চাইলে, অতীশ খুব ধীরে ধীরে বলল, বাবার মিছে কথা বলার কারণ?

—লোককে দূরের খবর দেয়। বাবা কি সেখানে গেছে?

অতীশ কেমন সামান্য আশ্বস্ত ভঙ্গীতে বলল, তবে বিয়য় এই। বাবা লোককে দূরের খবর দেয় কেন। আমারও সেই প্রশ্ন, বাবা দূরের খবর দেয় কেন? তারপরই অনেক দূরের কিছু যেন অতীশও দেখতে পায়। সে বলেছিল মানুষের মধ্যে কি থাকে, কি থাকতে পারে তুমি জান না। তাছাড়া বাবা আমার সরল মানুষ, ছেলেবেলা থেকে দেখে আসছি বাবা নিজে ঠকেছেন, কাউকে ঠকায় নি। এই যে বাড়ি ঘর এখানে বানিয়েছে বাবা, কত সাপ ছিল, বাবা একটাও সাপের গায়ে আমাদের হাত দিতে দেন নি। প্রকৃতির জীব, তোমরা বেঁচে বর্তে থাকবে, তারা থাকবে না। বাবা এমন বলতেন। বাবার সঙ্গে যেখানে যখন যজমান বাড়ি গেছি দেখেছি বাবা সবার মঙ্গল কামনা করছেন। বলছেন, দাস মশাই আপনার সোনার সংসার লক্ষ্মী ঘরে বাঁধা। বাবা নিজের জন্ত তার ঈশ্বরের কাছ থেকে বোধহয় কিছুই চেয়ে নেননি!

নির্মলার তখন ভারি অস্বস্তি। অতীশ কথাগুলি তার দিকে তাকিয়ে বলছিল না। বাইরে জানালার দিকে অতীশের নুখ। সে দূরের কোথাও কিছু দেখতে দেখতে যেন বলে যাচ্ছে। হুদূরে সে একবার হারিয়ে গিয়েছিল—এখানে আসার আগেই লোক নুখে সে-সব খবর নির্মলা জানে—দীপ-টিপ সমুদ্র এবং পৃথিবীর এক কোমল অন্ধকার থেকে মানুষের প্রত্যাগমন ঘটলে এমনই বুঝি হয়। নির্মলা বলেছিল, তারাপিসি পাড়ায় বলে বেড়াচ্ছে সব মিছে কথা। কত কিছুই দেখতে পান না। আন্দাজে বলেন। বাবার কথা নাকি ঠিক হয় নি।

তারাপিসি প্রতিবেশী। এখানকার চারপাশে যারা আছে সবাই দেশের

দোক। বাবা বাড়ি করার পরই দেশের মানুষজনকে খবর পৌঁছে দিয়েছিল, নিজের মঙ্গল চাও তো চলে এস। এখানে একটা বড় বনভূমিতে নতুন আবাস গরি হচ্ছে। সময় থাকতে বাড়ি-ঘর বানিয়ে নাও। পরে আর আসতে পারবে না পারবে না ঠিক কি। সেই থেকে দেশের মানুষজন চলে আসতে লাগল। বাড়ি ঘর বানাতে থাকল। আসলে বাবার বাড়ি-ঘর হয়ে যাওয়ার পর মনে হয়েছিল বুঝি সবই আছে, গাছপালা মাঠ সবই আছে, কেবল সেই কাছের মানুষেরা নেই।

অতীশ নির্মলার দুঃখটা টের পেয়ে বলেছিল, বাবা কেন যে বলতে যায়! এবং পরদিন সকালেই সে বাবাকে সতর্ক করে দিয়ে বলেছে, আপনি আর এ-সবের মধ্যে থাকবেন না। কার কে কোথায় আছে, কেমন আছে আপনার কি দরকার বলার। সংসারের কি লাভ এতে।

অতীশকে বিষয়ী হতে দেখে বাবা বলেছিলেন, রক্তে তোমার দোষ ঘটেছে। জীবনে লাভালাভই বড় করে দেখছ। মানুষের শুভাশুভ দেখছ না। তুমি তো বিষয়ী মানুষ নও।

অতীশ বাবার কথার জবাবে কিছু বলতে পারে নি। বোধহয় ভেবেছিল, এই রকমেরই মানুষ তার বাবা। নির্মলার ওপরও বিরক্ত হয়েছিল। তার কথাতেই সে বাবার ব্যক্তিগত ভাল লাগা মন্দ লাগার বিষয়ে নাক গলাতে গিয়েছিল। বাবা কি টের পেয়ে তখনই বললেন, তারা বলেছে। ও তো বলবেই। বললাম, আমাকে সময় দে, বসতে দে, ভাবতে দে, মনোযোগী হতে দে, না তা চলবে না। এক্ষুনি বলে দিতে হবে। রাতে ঘুম আসবে না। রাতে না ঘুমালে শরীর নষ্ট। আয়ু নষ্ট। এ-সব তোমরা বুঝবে না। বেঁচে থাকার জন্য জীবনে প্রশান্তি দরকার। তারার খুব কষ্ট হবে ভেবে বলতে গেলাম। মিলল না। মিলতে নাই পারে। তখন যে আমার শরীরে কোন দোষ ঘটেনি, তাই বা কে বলবে। দোষে পড়লে হয় না।

এই দোষ শব্দটি বাবা খুব বলেন। অর্থাৎ অপবিত্র ছিলেন। তারাপিসি বয়স আন্দাজে যৌবন ধরে রেখেছেন। পৃষ্ঠাশের কাছাকাছি বয়স—বাবা কি সেই যৌবনবতী মহিলাকে দেখে লুব্ধ হয়ে উঠেছিলেন। নতুবা দোষ ঘটে থাকতে পারে বলেছিলেন কেন। নির্মালা ফুলের সাজিতে একটা একটা করে শ্বেত জবা, রাঙা জবা বেলফুল রাখছে আর এমন সব ভাবছে। মানুষের শরীর ত। দোষ ঘটতেই পারে। বাবার পক্ষেই সম্ভব অকপটে সব স্বীকার করা।

আর এভাবেই নির্মলা বৃষ্টিতে পারছিল, এই বাড়িটার ওপর গাছপালার ওপর এবং বাবার ওপর তার টান বেড়ে যাচ্ছে। আগের মতো আর খারাপ লাগে না। ক্রমে নির্মলা এই সংসারে পবিত্রতা টের পেয়ে শহরের আকর্ষণ ভুলে যেতে বসেছিল। আর তখনই তার মানুষটার যে কি জেদ অথবা সে অভিমান বলতে পারে, মানুষের নীচতায় সে বড় কষ্ট পায়, সে সব ছেড়ে-ছুড়ে দিয়ে কলকাতায় চলে গেল।

কাল রাতে নির্মলারও ভাল ঘুম হয়নি। এমনতেই তার মানুষটার শরীরের প্রতি আকর্ষণ কম। সে দেখেছে, এগিয়ে না দিলে মানুষটা কিছু খায় না। কিংবা বল। যেতে পারে কোন দূরবর্তী নক্ষত্রের প্রভাব আছে তার ওপর। বাবাও বলেন এই নক্ষত্রের প্রভাবেই অতীশ এক জায়গায় স্থির হয়ে বসতে পারছে না। সময় লাগছে।

নির্মলা বাসন্তী রঙের শাড়ি পরেছে। নির্মলা লম্বা উঁচু। ছিমছাম সুন্দর চেহারা। তীক্ষ্ণ নাক চোখ। চোখের ধার প্রবল। এই ফুলের বাগানে সে ঘুরে বেড়ালে টের পায় আশ্চর্য এক সূত্রাণ উঠছে। নীল আকাশ। ঘাস ভিজা ভিজা। ঘাসে বর্ষার কীট পতঙ্গ উড়ে বেড়াচ্ছে। ফুল গাছগুলোর ডালপালা হাওয়ায় সামান্য ঢুলছিল। মা উঠে পড়েছেন। রান্নাবর খেকে বাসন-কোসন বের করার শব্দ পাওয়া যাচ্ছে। সাবিত্রী এসে যাতে বসে না থাকে সে জন্য সব কাজ এগিয়ে রাখছেন।

বাবা বারান্দা থেকেই তখন ডাকলেন, আরে ওঠ তোর। বেলা হয় না। তোর ঘুম ভাঙে না কেন। একবার উঠে দেখ। কি দেখবে যেন নির্মলা বোঝে। দিন বয়ে যায়। কাজ কাম ফেলে রাখিস না। সকাল সকাল সব বের তুলে নে। আসলে যেন সেই মোজেসের মত সে বাবার দৈববাণী শুনতে পায়। অতীশ কেন যে বাবার সবটাই এক আত্মস্থ ভাবে থাকে। বাবা এ-সব ভাবতে ভালবাসে—ঈশ্বরের সঙ্গে তার খুব নিকট সম্পর্ক। খেতে বসলে, বাবা বলবেন, ঠাকুর খাও। কোনদিন রান্নাবান্না পছন্দ মতো না হলে বলবেন, ঠাকুর আজ খেয়ে স্থখ পেল না।

ফলে নির্মলার কাছে বাড়িটা কোন আশ্রম-টাক্রমের মতো মনে হয়। দু' দিনের জন্য এই আশ্রমে সবাই এসে হাজির হয়েছে। গাড়ি এলে সবাই সব ফেলে আশ্রম উঠে পড়বে। রাস্তা গেছে বাড়ির পাশ দিয়ে। ইট সুরকির রাস্তা। ধারে ধারে বাবার হাতের গাছ। আম জাম নারকেল লিচু। বার-

চোদ্দ বছরে গাছগুলো আকাশের নিচে ভালপালা ছড়িয়ে দিয়েছে। পূবমুখী ঠাকুর ঘর। পশ্চিমমুখী বড় ঘর। পাশাপাশি দুটো উত্তর দক্ষিণমুখী ঘর। বাড়ি-ঘর ছেড়ে নাবা কোথাও আজকাল ছ'-একদিনের বেশি থাকতে পারেন না। সব তিনি খেটে-খুটে করছেন। বড় ছেলে তার বৌ নিয়ে বিদেশে থাকে। কালেভদ্রে আসে। কেমন আলগা সম্পর্ক সবার সঙ্গে। মাঝে মাঝে অতীশকে বলেন, ওকে একটা চিঠি দিস। আমি ভাল আছি লিখবি। টাকা পয়সার কথা কিন্তু কিছু লিখবি না। স্ববিধা অস্ববিধায় বাবাকে বড় ছেলে টাকা দেয় না বলে অভিমান আছে একটা। —বড়ই স্বার্থপর। সংসারে লেপ্টে থাকার দীমটা বুঝল না। তখনই কেন জানি এই মানুষকেই মনে হয় বড় বিষয়ী। বাবাকে বিষয়ী ভাবলে, নির্মলা অস্বস্তি বোধ করে। সে দেখল তখন সাজিতে নানা বর্ণের ফুল। বেলফুল খেত জবা, রাঙা জবা, অপরাঞ্জিতা, রুমকো লতা, স্থলপদ্ম। সাজিটা বেশ বড়। পূজায় বসে বাবার ফুল কম পড়লে রাগ করেন।

নির্মলা এখন আঁতিপাতি করে খুঁজছে আর কি ফুল আছে। দেখলে মনে হবে সকালবেলায় এক যুবতী গাছগুলোর সঙ্গে লুকোচুরি খেলছে। একবার এ-গাছের নিচে আবার ও-গাছের নিচে বসে উঁকি দিয়ে যখন বুঝল, বাগানে আর একটা ফুলও নেই তখন নিশ্চিন্ত। বাবা বাগানে এসে ফুল আছে দেখতে পেলে রাগ করেন। বিকলেই ফুটল ফুলটা যেন অভিশাপ দিতে পারে। ফুলের অভিশাপ বলতে। তখন তিনি বিড়বিড় করে থড়ম পায়ে বকবেন আর হাঁটবেন।—তোমরা বোঁমা গাছে ফুল ফুটে থাকে দেখতে পাও না। বলত, আমি না দেখলে অনর্থক সকালে ঝরে থাকত গাছের নিচে। কারো সেবায় লাগত না।

বাবা তখনও ডাকছেন, ওরে ওঠ। উঠে ঠাকুর প্রণাম কর। প্রহ্লাদ আর কত ঘুমাবি। একবার শুক্রাচার্যের কাছে যেতে হবে। তারপর কি ভেবে আবার জোরে জোরে ডাকছেন, অ-বোঁমা, বোঁমা, আসল কথাটাই বলা হয়নি। তুমি শিগগির এসো।

নির্মলা কাছে এলে বলেন, অতীশের কোণ্ঠিটা পাচ্ছি না। তুমি কোথাও রেখেছ।

—আমার কাছেই ত রাখলেন। বললেন, বোঁমা নিজের জিনিস বুঝে নাও।

—ঠাকুর একেবারে ভুলে গেছে। তারপরই প্রফুল্ল হাসি। যেন মসকরা করছেন নিজের সঙ্গে। তালে ভুল হচ্ছে। তোমার তো সন্তান-সন্ততির বিষয়ে এত ভুল হয় না। শেষে বললেন, ওটা দেবে। স্ববল আচার্যকে ডেকে আনতে হবে। শুক্রাচার্য কি বলে দেখি!

প্রহ্লাদ কর্তার হাঁক পেয়েই উঠে পড়ল। তারপর হান্সু ভান্নকে ডাকল।
এই যে কর্তাসকল ওঠেন! ঘণ্টা বাজছে।

প্রহ্লাদ দরজা খুলে বের হয়ে এল। হান্সু শুয়ে শুয়েই চিংকার করছে, বৌদি বৌদি, ভান্ন আমাকে লাথি মারছে। দেখ এসে।

এই ছোট দুই দেওয় ভাবি ছুটু। বাবার বেশি বয়সের জাতক। এ-দেশের মাটিতে এ-দুটির জন্ম। অতীশের সঙ্গে বয়সের তফাত অনেক। যেন এরা বাবার পুত্র সন্তান না, অতীশের। এদের জন্ম তার বড়ই দুর্ভাবনা। পড়াশোনা দেখার ভার তার ওপর। বাবা পড়ল কি পড়ল না—একেবারে দেখেন না। মানুষ নিজের চেষ্টাতেই সব করে—তার ইচ্ছাতেই সব হয়—এমন বিশ্বাসের মানুষের ওপর সব ছেড়ে দেওয়া যায় না বলেই অতীশ যাবার আগে এই দুই ছেলের তার নির্মলার ওপর দিয়ে গেছে।

নির্মলা ধমক লাগাল, দুটোকেই কান ধরে দাঁড় করিয়ে রাখল। তাড়াতাড়ি উঠে মুখ ধুয়ে নাও। পড়তে বস। টাস্কগুলো কর। সব দেখব।

প্রহ্লাদ তখন বের হয়ে মাটি ছুঁয়ে প্রণাম করল। তারপর ঠাকুরঘরের দ্বাওয়ায় মাথা ঠেকাল। চিমটি কেটে একটু মাটি তুলে জিতে ছোঁয়াল। দিনের কাজ এই করে আরম্ভ। গরুর ঘর থেকে ধলি কালিকে বের করতে হবে। দোয়াতে হবে। দুধের বালতিটা কলপাড়ে যাবার সময় সঙ্গে নিয়ে গেল। জমিতে কাদা করা আছে। কাল বিকেলে কিছু সাঙতাল মেয়ে ঠিক করে এসেছে। সাতটা না বাজতেই চলে আসবে। এরই মধ্যে একবার যেতে হবে আচার্যের কাছে। তাঁকে ডেকে নিয়ে আসতে হবে। কাল থেকেই কর্তা কেমন উসখুস করছেন। আজ সকালে বুঝতে পারল তিনি অতীশ দাদাকে পাঠিয়ে ভাল নেই। আচার্য না আসা পর্যন্ত শান্তি পাচ্ছেন না। এবং তখনই মনে হল কর্তা সবার বেলায় এত জানে নিজের বেলায় কিছু জানে না কেন! অবশ্য এত সাহস নেই তার। ধার্মিক মানুষ জানে এই লোকটাকে তল্লাটের মানুষেরা ভক্তি শ্রদ্ধা করে। সেও করে। কোন গুপ্ত কলকাটি আছে ঠাকুরের কাছে। সেটা নিজের বেলায় অকাজের বান্দা।

তখন ফুল দূরী ঠাকুরঘরে রেখে এল নির্মলা। তারপর ট্রান্স খুলে কুষ্টিটা বের করল। লম্বা। কারুকার্য করা ফিতে লাগানো একটা সরু কাঠের দণ্ড দিয়ে লাটাইর মতো প্যাচানো। সবটা খুললে প্রথমেই চোখে পড়ে কল্যাণ শ্রীমান অতীশ দীপঙ্কর দেবশর্মাণ ভৌমিকন্ত জন্ম পঞ্জিকা—রোহিণী নক্ষত্র, বুধ রাশি,

নয়গণ। তারপরই বোধহয় নিচের লেখাটুকুতে আছে গ্রহ নক্ষত্রের ভঙ্গনা—ও আদিত্যাদি গ্রহাসর্বেন নক্ষত্রানি চরাশয় দীর্ঘসায়ু প্রকুবর্বন্ত যন্তোর জন্মপত্রিকাং ব্রহ্মাদি দেবতা সর্বে গোষ্যাদি মাতৃকাস্তথা সূর্যাদয়ো গ্রহাসর্বো রক্ষন্ত বালকং।
হে আদিত্যাদি গ্রহ সব বালককে সব বিপদ আপদ থেকে রক্ষা করুন। নির্মলারও সঙ্গে সঙ্গে এমন বলতে ইচ্ছে হল। বালক কথাটা ভাবতেই কেমন রোমকূপে নির্মলার বিন্দু বিন্দু বাম দেখা দিল। অতীশের বালক বয়সের কোন ফটো নেই। এই বাড়িটা তার মানুষজন, শতাব্দী পিছিয়ে এই গ্রহে এখনও বসবাস করে যাচ্ছে। ভাবতে গিয়ে কেমন আচ্ছন্ন বোধ করল নির্মলা। বাবার ভাকে সংবিত্তি ফিরে পেল। বাবা জিজ্ঞেস করছেন বারান্দা থেকে, পেলে।

—পেয়েছি।

—আমাকে দাও। কাজ আছে।

মানুষটার সব কর্মকল এই কোষ্ঠীর মধ্যে আছে। মানুষটার ভূত ভবিষ্যৎ সব। কোষ্ঠিটা হাতে নিয়ে সে আজ কেন জানি তারি রোমাঞ্চ বোধ করল। মানুষটা দু'দিন হল তার সঙ্গে নেই। নেই বলেই বুঝি এত আগ্রহ। তার এখন কেন জানি কোষ্ঠিটা হাত-ছাড়া করতে ইচ্ছে হচ্ছে না। নির্মলা কোষ্ঠিটা হাতে নিয়ে দাঁড়িয়ে থাকল। সবল আচার্য এল যখন তখন দশটা বাজে।

কলকাতায় তখন অতীশ কুস্তুর সঙ্গে প্রিন্টিং সেকসান থেকে বের হয়ে আসছে। রঙ বানিশের গন্ধ। গন্ধটা সে কবে থেকেই পেয়ে আসছে। সেই স্বদূরেও সে যখন ছিল। এমনি রঙ বানিশের গন্ধ, মবিলের গন্ধ, গ্যাসের গন্ধ। জাহাজে ওঠার সময়ও প্রথম সে এমন একটা বিশ্রী গন্ধ পেয়েছিল। তার পাশে সুপারভাইজার হরিহরবাবু প্রিন্টিং ইনচার্জ মণিলাল। কুস্ত সব বোঝাছিল। টিনপ্লেট কোথায় সাইজ করা হয় তারপর কিভাবে ব্লক হয় এবং শেষে সেই ব্লক লিথোতে তুলে টিন ছাপা থেকে ক্যারিকেশন সব।

তিনটে বড় বড় টিনের সেডের মধ্যে কারখানা। প্রিন্টিং সেকসানের দুটো অংশ। বড় অংশটায় গ্যাস চেম্বার, প্রিন্টিং প্রেস। বানিশ করার জগু ছোট ঘেরা জায়গা। তার পাশে আর্টিস্টদের ঘর। ডিজাইন থেকে ব্লক সব এ-ঘরে। তারই পাশে কাঠের পাটিশান—সেখানে ম্যানিজারের ঘর। নিচের দিকে লাগোয়া অফিস, আলমারি ফাইল-পত্র সব। সেডের পাশে বড় অস্থখ গাছ—গাছটার একটা লাল রঙের ঘুড়ি আটকে আছে।

এক নম্বর টিনের শেড থেকে নেমে রাস্তা পার হতে হয়, রাস্তা পার হলে দু নম্বর টিনের শেড। অতীশ রাস্তায় নামতেই দেখল, একজন কুষ্ঠ রুগী খুঁড়িয়ে খুঁড়িয়ে আসছে। কুস্ত বলল, আমাদের পুরোনো মিস্ত্রি শিবলাল। পাশেই থাকে। গেটে দারোয়ান, উঠে দাঁড়িয়েছে। বস্তি এলাকার মধ্যে এই তিনটে শেড বলে, কলহ বচসা কানে আসছে।

শিবলাল, দূর থেকেই গড় হল।

অতীশ বলল, আরে করছেন কি!

কুস্ত আগে, হরিহর পেছনে, মাঝখানে অতীশ। কারখানায় কেউ উকিঝুঁকি মারছে না। লম্বা প্ল্যাটফর্মের মতো টিনের চালা বেশ দূরে চলে গেছে। বাইরে সে দেখল, একটা চওড়া বেন্টিং ঘুরছে। শেডের মধ্যে ঢুকতেই বাইরের সব কোলাহল মেশিনের শব্দে ডুবে গেল।

কুস্ত বলল, এগুলো কামড়ি মেশিন। পাশে কাইচি। কাইচিতে দুটো লোক ভীষণ নিবিষ্ট হয়ে কাজ করছে। সেখান থেকে টিন ঢুকিয়ে নিয়ে কেউ আসছে কামড়ি মেশিনে। রপারপ মেশিন থেকে সাইজকরা টিনের পাত পড়ছে। প্রতিটি কর্মী ভীষণ হাত চালিয়ে কাজ করছে।

কুস্ত বলল, নজর দিলে এটাও দেখবেন একদিন মেটাল বকস হবে। লাভের গুড় সব আগের ম্যানেজারের পেটে। এখন কে খায় দেখুন।

অতীশ হাঁটতে থাকল। কুস্তবাবু সারাক্ষণ বকবক করছে। লম্বা চওড়া বাত বলছে। চারপাশে অজস্র বেন্টিং ঘুরছে। পর পর কটা পাকিং মেশিন, লেদ মেশিন। লেদম্যান ফুল স্পিডে লোহার মোটা রডে চিজেল সেট করে বসে আছে। কটর কটর করে লোহা কাটার শব্দ কানে আসছিল। পরিশ্রমী এই মানুষগুলো খুবই বিপাকে পড়ে যেন কাজ করে যাচ্ছে। পর পর সে এ-বরে পঁচিশ ত্রিশজন কর্মী দেখল, সবাই রুগ্ন, চোখ কোটরাগত। একটা লোক ডিবের বিট কাটছিল উবু হয়ে, আর তার দিকে কেমন জলন্ত চোখে তাকাচ্ছে। দেখলেই ভয় করে। পাতলা ঢাঙা পাতলুনের মতো চেহারা, গৌরব ততোধিক লম্বা। কুস্ত নাম বলে যাচ্ছে।

দেখতে দেখতে অতীশের মনে হল, আবার সেই লজঝড়ে জাহাজ। হাত দিলেই সব খসে পড়বে। এই লজঝড়ে জাহাজটাকে মেটাল বকস বানাতে হবে। কিন্তু যা সব চেহারা মেশিনপত্র তার আগেই যদি সমুদ্রে ডুবে যায়! লজঝড়ে জাহাজের ক্যাপ্টেন সালি হিগিন্স সে এখন নিজে। নিয়তি মানুষকে শেষ পর্যন্ত

কোথায় নিয়ে আসে। সে যতই লজ্জবড়ে জীবন থেকে পালাতে চায়, তাকে কে বা কারা বলিষ্ঠানের জ্ঞান যেন সেখানেই টেনে নিয়ে যায়। আর্চির প্রেতাশ্রা সঞ্চে থাকে। গন্ধে অতীশ টের পায় সে এসে গেছে। তখনই কুস্ত বলল, এর নাম মনোরঞ্জন। আমাদের বিটম্যান। ইউনিয়নের অ্যাসিস্ট্যান্ট সেক্রেটারি।

অতীশ জাহাজে ইউনিয়ন দেখেনি। সে বলল, ইউনিয়ন!

—এখানে সি পি এম-এর ইউনিয়ন।

সেই ইউনিয়নের লোকটা তখন বিট খামিয়ে হাতজোড় করে নমস্কার করল। অতীশও হাত তুলে নমস্কার করল। কিছু যেন বলতে চাইল লোকটা—অতীশ শুনতে চাইল না। প্রেতাশ্রার গন্ধ তার নাকে এসে লাগছে। সে সোজা অফিসে এসে বসল, এ একদিনে বোঝা যাবে না। তবে গন্ধে বুঝতে পারল, আর্চি আশেপাশেই আছে। তাকে ধাওয়া করছে। কারো না কারো ওপর ভর করে তাকে ছালায়। এখানেও সে তাকে ছেড়ে দেবে না। অতীশ কিছু কিছু কাজ বুঝে নিতে গিয়ে বুঝল, এ-বিষয়ে তার কোন অভিজ্ঞতা নেই—কানেও ঢুকছে না। এতে আর্চির অনেক সুবিধে। সে বলল, কুস্তবাবু, একদিনে সব ঢুকবে না। চলুন বরং বস্তিটা একবার ঘুরে দেখে আসি। আসলে সে আর্চির অশুভ প্রভাব থেকে মুক্তি পাবার জন্মই যেন বাইরে বের হয়ে এল। এবং নিখাস নিতে গিয়ে বুঝল, সেই গন্ধটা আরও ভারি, আরও ভুরভুর করছে। এখানে সে ভাল করে নিখাস নিতে পর্যন্ত পারছে না। আর্চি আগের মতো আবার তার পিছু নিয়েছে। কিন্তু সেটা কেন সে এখনও বুঝতে পারছে না। সেটা কে? তার চিংকার করে উঠতে ইচ্ছে হল।

॥ পাঁচ ॥

ফেরার পথে অতীশ বলল, ভাল ধূপকাঠি দরকার। ধূপকাঠি কিনব কুস্তবাবু।

কারখানা থেকে গাড়ি বের হতেই অতীশ কথাটা বলল। দু-পাশের বস্তি তখনও শেষ হয়নি। কালীমাতা হোমিওপ্যাথ ডিসপেনসারির সামনে গাড়ি। রাস্তার কলে বালতির লাইন। পাশে বড় বড় ঝাঁকা। বেতের মোড়া লম্বা। ছোলা শসা পেঁয়াজ গুঁড়ো লঙ্কায় সাজানো। রাস্তা জুড়ে বসে গেছে হকাররা। ওদের এখন বের হবার সময়। গাড়ি দেখে ওরা তাড়াতাড়ি ঝাঁকাগুলি সরিয়ে

নিচ্ছে। অতীশ দেখল, দাওয়ায় বসে এক বুড়ি নাতিনের উকুন বাচ্ছে। বস্তির উলঙ্গ শিশুরা কোথা থেকে একটা আখ চুরি করে এনেছে—তাই নিয়ে ছটোপাটি। বেওয়ারিশ কুকুর এবং আবর্জনায় ভর্তি চারপাশ। থিকথিক করছে নোংরা জল। তার মধ্যে গাড়িটা দাঁড়িয়ে আছে। ছাগল গরু ঘুরে বেড়াচ্ছে। গাড়ি চালাবার সময় খুব সতর্ক থাকা দরকার। কুন্তকে এরা চেনে। কেউ কেউ সেলামও হুঁকে গেল।

কুন্ত বলল, ভাল ধূপকাঠি আমারও দরকার। ড্রাইভারকে বলল, একটু ঘুরে যাবি।

দোকান থেকে ধূপকাঠি কেনার সময় কুন্ত বলল, আপনার পছন্দ হচ্ছে না।

—ভাল গন্ধ হবে ত!

—খুব সুন্দর গন্ধ। নিয়ে দেখুন না।

—চড়া গন্ধ দরকার।

—আমার কিন্তু চড়া গন্ধ অতীশবাবু একদম পছন্দ না।

অতীশ বলতে পারত, আমারও না। কিন্তু এ মুহূর্তে কড়া গন্ধ চাই। এই এক ল্যাটা জীবনে। সে এক ধূপকাঠি কিনতে কিনতেই ফেরার হয়ে যাবে এমন ভাবল। সে প্রায় হামলে তুলে নিল ডজনখানেক ধূপবাতি।

কুন্ত অতীশবাবুর কাণ্ড দেখে হাঁ হয়ে গেল। —এত ধূপকাঠি দিয়ে কি হবে?

অতীশ কিছু বলল না। দাম মিটিয়ে বলল, চলুন।

কুন্ত ভাবল বেশ লোক বটে। এসেই ধূপকাঠি কিনতে শুরু করেছে। সে তবু বলল, দেশে পাঠাবেন বুঝি।

অতীশ বলল, না।

—ধূপকাঠি বেশি দিন থাকলে নষ্ট হয়ে যায়।

অতীশ বলল, জানি।

কুন্ত কেন জানি আর কিছু বলতে সাহস পেল না; পাঁচ সাত ঘণ্টা একসঙ্গে কাটিয়ে মনে হয়েছে মান্নুষটা কথা বলতে বলতে খুব অগম্য হতে পারে। কাজ বুঝে নেবার সময় না হলে কেউ বলতে পারে না চলুন বস্তিটা ঘুরে দেখি। মান্নুষটা লেখালিখি করে। বস্তি দেখার তাই আগ্রহ। কিন্তু বস্তির কিছুটা ভিতরে গিয়েই বলল, থাক চলুন। পরে দেখা যাবে। এই বস্তির মধ্যে মাত্র একটা ছাড়া বেল-গাছ এবং অশ্বখ গাছ দাঁড়িয়ে। আর কিছু নেই। ইলেকট্রিকের তার এদিক-ওদিক বুলে আছে। সব খুপরিগুলি আলকাতারায় অথবা পিচের টিনে মোড়া।

ছোট ছোট দরজা। মানুষগুলি আরও ছোট, কাকলাশ। দেখে দেখে কুস্তুর অভ্যাস হয়ে গেছে। একটা লোক গামছা পরে শেডের নিচে বসে আছে। চা বানায় লোকটা। গালে বড় জুড়ুল। চুল সাদা। লোকটা দাঁওয়ায় ঘুমায়। লোকটার নাম হরকু সিং। নাম শুনেই অতীশবাবু কেমন ভাবাচেকা খেয়ে গেছিল।

কুস্ত বলেছিল, আপনি আলাপ করতে পারেন। যদি বলেন অফিসে ডাকিয়ে আনব। বস্তির কেচ্ছা কাহিনী জানে।

অতীশ বলেছিল, কেচ্ছা কাহিনী লেখার বিষয় হতে পারে না কুস্তবাবু।

কুস্তর তাই ধারণা। সে হিন্দি সিনেমাখোর। বৌ হাসিরাণী প্রায় পারলে এবেলা ওবেলা দেখতে চায়। কোন রববার ফাঁক গেলে কুস্ত জানে বিছানায় বউ ঘেঁষতে দেবে না। ভয়ে সে আগেই সেজ্ঞা টিকিট কেটে রাখে, এবং একটা সপ্তাহ বৌকে তবে বিছানায় উল্টে-পাল্টে নিরাপদে বেশ জুতসই দেখা যায়। হাসিরাণীর রং গৌরবর্ণ। মস্তন বকে কি হুম্মা! রক্তে বিজবিজ করে থোকা থোকা পোকা। ভেতরে কামড়ায়। হিন্দি সিনেমা না দেখলে পোকারা ভেতরে কামড়াতে উদগ্রীব হয় না। কেমন নিরাসক্ত, ঠেলে ফেলে দেয় বুকের ওপর থেকে। কুস্ত নিচে গিয়ে শুয়ে থাকে।

গাড়িটা যাচ্ছে। ট্রাম লাইনে দুটো ট্রাক দাঁড়িয়ে। সিনেমা ভাঙছে। হাউসের গায়ে সাই জোয়ান এক মদ এবং পাশে লম্বা ঠ্যাংখালি করে যুবতী দাঁড়িয়ে। বড়ই কামের উদ্রেক করে। রাস্তায় ভিড়। মানুষজন বাসের জগ্ন মোড়ে মোড়ে জমা হয়ে আছে। কাদার মতোই খিকখিক করছে মানুষেরা।

অতীশ এইসব দেখতে দেখতে অগ্নমনস্ক থাকতে চাইছে। কারণ গন্ধটা নাক থেকে যাচ্ছে না। সে ধূপকাঠির প্যাকেটগুলি নাকের ভগায় প্রায় এনে উবু হয়ে বসল। কতক্ষণে গাড়িটা রাজবাড়িতে ঢুকবে। ঢুকলেই স্নান, এবং ঘরে ধূপ-বাতি জ্বলে দেবে। গন্ধটা তবে নাকে ঝুলে থাকবে না। আর্চার আক্রমণ থেকে রক্ষা পাবে।

গাড়িটা ওদের রাজবাড়ির সামনে নামিয়ে দিল। বাকি পথটুকু হেঁটে যেতে হবে। প্রথম দিন বলে একটা গাড়ি পাওয়া গেছে। পরে অতীশকে ট্রামে বাসেই যেতে হবে। তার ট্রামে-বাসে ওঠার অভ্যাস একেবারে নেই। রাস্তা-ঘাটও ভাল চেনে না। সে নামার সময় বলল, কুস্তবাবু আমাকে যাবার সময় ডেকে নেবেন।

কিন্তু রাজবাড়ি চোকান মুখেই দেখল ভেতরে যতদূর দেখা যায়—খালি।

একটা লোক নেই। হঠাৎ যা হঠাৎ করে চিৎকার করছে একটা লোক। টিকিথারি গায়ে লম্বা পিরান পরনে পাঞ্জাবি। সে লোকটাকে আগে দেখিনি। দু'পাশ থেকে লোকজন সরে যাচ্ছে। যদি কেউ সামনে পড়েও যায়, নিখর হয়ে দাঁড়িয়ে যাচ্ছে। এবং হাত করজোড় করা।

সদরের সিপাই হাঁকল, খবরদার রাজার গাড়ি আতা হায়।

অতীশ দেখল, সাদা রঙের একটা ক্যাডিলাক। ভেতরে রাজেন্দা। পাশে মেমসাহেবের মতো ববকাটা চুলের এক যুবতী। চোখে নীল চশমা। ভারি সুন্দর দেখতে এক রহস্যময়ী নারী। চোখ উদাস মনে হল। একবার যেন অতীশকে চোখ তুলে দেখেছেও। অতীশেরও চোখে চোখ পড়ে গেছে। তারপরই সে কেমন বিমূঢ়। যুবতীকে কোথায় যেন দেখেছে, কতকালের যেন চেনা। কে এই যুবতী এমন মনে হল তার! চেনা। কিন্তু সে তো দীর্ঘদিন বিশেষ করে নিকৃষ্টি জীবন থেকে ফিরে আসার পর গায়ে ছিল। মাঝে এক বছর একটা কো-এডুকেশন ট্রেনিং কলেজে বি.টি পড়েছে। হোটেল জীবনের সে কিছু মেয়ের মুখ মনে করার চেষ্টা করল। সবিতা, আরতী, চন্দা, জ্যোৎস্না, পূর্ণী এক এক করে তার সব সহপাঠিনীদের মুখ মনে করার চেষ্টা করল। না ওদের কেউ এমন দেখতে ছিল না। ওরা কেউ এত সুন্দর, এত লম্বা, এত মহিমময়ী ছিল না। শরীরে নীল রক্ত না থাকলে এমন নমনীয়তা চোখে মুখে কখনও আসে না।

সদরে সেও এক পাশে দাঁড়িয়ে গিয়েছিল। রাজবাড়ির এই নিয়ম। রাজ্যের হলে দু'পাশে দাঁড়িয়ে থাকা। হাত করজোড় করে দাঁড়িয়ে থাকা। সে যত বড় অফিসার হোক রেহাই নেই। অতীশ নতুন। জানে না সব কিছু। সে হাতে ব্যাগ নিয়ে দাঁড়িয়েছিল। কুস্তবাবু বলল, এটা কি করলেন!

কি হল! তখনই বুঝল, তারও উচিত ছিল কুস্তবাবুর মতো হাত তুলে কপাল্গে ঠোকা। তারপর বলল, আমি ত জানি না। তারপরই ভেতরে কেমন এক দৈত্য মাথা চাড়া দিয়ে ওঠে। ক্রীতদাসের ভূমিকা পালন করতে হবে ভেবেই মাথার খিলুতে জর চলে আসে। সে ভেতরে ভেতরে কেমন ক্ষেপে যায়। শক্ত এবং অমার্জিত গলায় বলল, এটাই এ-বাড়ির নিয়ম বুঝি?

কুস্তবাবু বলল, আজ্ঞে তাই। তবে সব ঠিক হয়ে যাবে। থাকতে থাকতে অভ্যাস হয়ে যাবে। আমাদের অভ্যাস হয়ে গেছে। এখন আর লাগে না। নতুন নতুন লাগবে। ভাববেন না। চামড়া ভারি হয়ে যাবে।

অতীশ মনে মনে কেন জানি ভয়ংকর ক্রুদ্ধ হয়ে উঠল। সে জানেও না তার

নাকে আর গন্ধটা নেই। কখন গন্ধটা উবে গেছে। প্রেতাঙ্গার ভয় থেকেও এই অবমাননার ভয় তীব্র তীক্ষ্ণ। সে আসলে বিভ্রমের মধ্যে পড়ে গেছে। যে গেল সে কে? তার গাড়ি গেলেই করজোড়ে দাঁড়িয়ে থাকা—ভাবা যায় না। বরং বিদ্রোহ করবে। রিভলিউশন। এ-বাড়িতে এটা রিভলিউশনেরই শামিল। গতকাল সে রাজার সঙ্গে জুতো পরে দেখা করেছে। বাড়িতে এই নিয়ে তোলপাড় গেছে। মানসদাও খবরটা পেয়ে গেছিলেন। একবার সকালে এসে বলে গেলেন, ওহে নবীন যুবক, তোমার ত ভারি আত্মপর্দা হে। রাজার ঘরে জুতো পরে ঢোক। বেয়াদপ।

নবীন যুবক হাঁ করে তাকিয়েছিল।

মানসদা বলেছিলেন, বুটের তলায় যতক্ষণ থাকবে মনে রাখবে ভাল আছ। চুরি কর চামারি কর খুন কর সব মাফ। বের হতে চেয়েছ কি মরেছ।

অতীশ কি বলতে গেলে এক ধমক দিয়েছিল মানসদা।—দেখ নবীন যুবক আমি তোমার আগে পৃথিবীতে এসেছি। অনেক দেখা। তুমি মনে করছ দেশ-বিদেশ করেছে বলে সব বোঝ সব জান। মোসায়েবি বলে একটা কথা আছে অভিধান। সেটা একবার খুলে পড়ে দেখ। উপকারে লাগবে। তুমি কতটা কাজের তার চেয়ে বেশি দরকার কত বড় তুমি মোসায়েব। ইংরেজ আমল থেকে দেশে সেই এক ট্রাডিশন চলছে। ফক্কা ছক্কা বাইরে চলে, রাজার বাড়িতে চলে না। বলে তিনি তার মুঠো আঁরা করে দেখালেন, কিছু নেই। তবু কত জোর এই মুঠিতে। চেপে ধর, মনে হবে, বিশ্বসংসার তোমার তালুতে, আঁরা করে ছাও, মনে হবে মাতার কাঁচ।

সে ভাঙা শ্রাওলাধরা দোতলা বাড়িটার সামনে এসে সকালের কথাগুলি মনে করতে পারল। সৎ মানুষ চাই। সৎ জীবনের আশায় সে এখানে এসেছে। প্রথম সে নির্ভয় পেয়েছিল। এখন মনে হচ্ছে সব ফাঁকা। সে বলল, আচ্ছা কুস্ত-বাবু রাজেন্দার পাশে ভদ্রমহিলা কে? প্রায় বিদেশিনীরা মত দেখতে।

—ওরে বাপ, আপনার সঙ্গে কথা বললেও দেখছি কেলেঙ্কারি হবে। বলতে হবে কে? তারপর খুব গলা নামিয়ে ফিসফিস করে বলল, বোরাণী। সব কজা করে ফেলেছে। কুক্ষিগত করেছে সব। এ-সব কথা আবার দু-কান করবেন না যেন। কুস্ত পরে বলতে যাচ্ছিল, কাছা-আলগা লোক মশাই আপনি। ধরে ফেলেছি। তারপরই সতর্ক করে দিয়ে বলল, দু-কান করবেন না। করলে সোজা মশাই অস্বীকার করব। বাবা বলেছেন, আত্মরক্ষার জন্ত সব করা চলে। বাবার

কথা খুব মানি। দেখছি এতে আমার উপকারই হয়েছে। অনেক বিপদ আপদ থেকে রক্ষা পেয়ে গেছি।

কুন্তু চলে যাচ্ছিল, অতীশ ফের ডেকে কি যেন ভাবল বলবে। কিন্তু ভুলে গেছে কি বলবে।

কুন্তু বলল, কিছু বলবেন?

—আচ্ছা বোঁরাগীর দেশ কোথায় ছিল জানেন।

—আপনার দেখছি ভারি ব্যামো আছে। ও দিয়ে কি হবে! আমাদের সাহস আছে জানার!

—বাঙালী মেয়েরা তো দেখতে এমন হয় না।

—কে বলেছে বাঙালী। তবে শুনেছি বাপ বাঙালী জমিদার ছিল। বাকিটা ঠিক জানি না। জানলেও বলব না। আপনি আমার ওপরওয়ালা, যদি জোর করে জানতে চান বলতে পারি। ধরা পড়লে বলব, চাকরি রক্ষার্থে বলেছি। তাই দোষ খণ্ডন।

—না, জানতে চাই না। আর শুনুন, আমি কিন্তু রাতে মেসে খাব। আমার জন্ম আর বাড়িতে ঝামেলা বাড়াবেন না।

কুন্তু খুব মোলায়েম গলায় বলল, আপনাকে দাদার মতো দেখি বলেই এত জোর গলায় কথা বলি। বাবা বলেছেন, মানুষটা ভাল। সেই থেকে ভাল মানুষ আছেন। তবে কি জানেন, এ-বাড়িতে ভাল মানুষকেই আমাদের ভয়। আপনাকে কোন কথা বলতে ভয় করে।

অতীশ উঠে সিঁড়িতে যেতে যেতে বলল, আরে না, যত ভাল মানুষ আমাকে আপনারা ভাবছেন, আসলে আমি তত ভাল নই। শেষে নিজের কাছেই জবাবদিহি করার মতো বলল, ছোটবাবু কি ঠিক না! তুমি আড়ালে চলে যাচ্ছ কেন। সামনে এস। আমি ঠিক বলিনি!

অতীশ দেখতে পেল তার পাশে পাশে ছোটবাবু লাফিয়ে লাফিয়ে উঠছে। ছোটবাবু একটা ক্রস কাঁধে নিয়ে সিঁড়ি ভেঙে টুইন ডেকে উঠছে। পেছনে পেছনে বনি উঠে আসছে। পাশে সেই বুড়ো মানুষ—হাত তুলে দিগন্ত প্রসারিত সমুদ্র দেখিয়ে বলছেন, ইউ উইল কেরি দিস ক্রস।

অতীশ ছোটবাবুকে প্রশ্ন করল, সেটা মানুষের কতদিন।

ছোটবাবু সমুদ্রে উড়ে উড়ে বলে যাচ্ছে যেন, আজীবন অতীশ। আজীবন এই ক্রস বহন করে যেতে হয়।

অতীশ স্নান পেয়ে গেল। এই করে সে তার সাহস ফিরিয়ে আনে। সে তখন আবার স্বাভাবিক, সাধারণ মানুষ। কেউ একজন পাশের ঘর থেকে বলল, ফিরলেন!

—এই ফিরলাম।

—তাস খেলবেন। পার্টনার পাচ্ছি না।

অতীশ হেসে বলল, খেলব। তবে শিথিয়ে নিতে হবে।

—ধুস। আপনি মশাই তবে কি!

অতীশ বুঝতে পারল, তার সমবয়সী এই যুবকটি আজ অফিস কামাই করেছে। সে যখন বের হয়, তখন সিঁড়িতে দেখেছে শ্যামলা রঙের একটা মেয়ে সিঁড়ি দিয়ে উঠে এই যুবকের ঘরে ঢুকে গেল। কলেজে পড়ে-টড়ে বোধ হয়। হাতে বই খাতা। মেয়েটি এখন না থাকায় নিঃসঙ্গ বোধ করছে। তাকে তাস খেলতে বলছে। তাস খেলা জানে না বলে, বিস্ময়কর মানুষ ভেবেছে। সে যুবকের নাম জানে না। আলাপ করে নাম জেনে নেবার মানসিকতাও তার গড়ে ওঠেনি। ফলে সে দেখেছে, মানুষের সঙ্গে কিছুতেই তার দূরত্ব ঘুচতে চায় না। সে যেখানেই গেছে নিঃসঙ্গ এবং একা হয়ে পড়েছে। এবারে সে ভাবল, এগুলো ভাল লক্ষণ না। এই জীবনও তার কাছে সেই অনিশ্চিত জীবনের মতো। এখানেও সে চায় কোন মৈত্রী তার পাশে থাকুক। সারেঙ সাব থাকুন। মাথার ওপর কেউ না কেউ বিশাল বৃক্ষের মতো দাঁড়িয়ে থাকুক জীবনভর। দু-দিনের মধ্যে একমাত্র মানসদাই যেন কিছুটা বৃক্ষের মতো। কিন্তু গতকাল সে যা দেখেছে তারপর এই মানুষের ওপর কতটা নির্ভর করতে পারবে!

অতীশ গলা বাড়িয়ে বলল, আপনার নামটা জানা গেল না।

—জয়ন্ত চক্রবর্তী। জয়ন্ত বলে ডাকবেন। এখানে সবাই চক্রবর্তী বলে। এটা আমার ভাল লাগে না।

—রাজার অফিসেই আছেন।

—ওরে বাপ, মরে গেলেও না। আমার বাবা করতেন। আমরা কেউ করি না। বাবা আমার রাজার ভয়েই অকালে মরে গেলেন। আসলে এদের মুশকিল কি জানেন, এরা ভাবে তাদের ছেড়ে গেলে অণু কোথাও কেউ কাজ করতে পারবে না। বাপের মতো বেটারাও ভিক্ষা চাইতে আসবে।

অতসব কথা অতীশ শুনতে চায়নি। শুধু সামান্য কাছে আসার জন্য দুটো একটা কথা বলা। ছেলেটি খুব খোলামেলা কথা বলছে। আরও বলত, কিন্তু

হাত মুখ ধুয়ে এখন কিছু খাওয়া দরকার। সন্ধ্যা হয়ে গেছে। "মেস বাড়িতে নটায় খাবার দেবে। এর আগে সামান্য কিছু খেয়ে না নিলে খিদেয় কষ্ট পাবে ভাবল। গাড়ি বারান্দায় আলো জ্বলে উঠেছে। রাজপ্রাসাদে আলো, নতুন বাড়ির একটা দিকে আলো জ্বলছে। অগ্ন দিকটা অন্ধকার। নিচে সব অফিস ফেরত মানুষ যে যার ঘরে ঢুকে যাচ্ছে।

অতীশ বাথরুমে স্নান করে নিল। ঘরে এসে তোয়ালে মেলে দেবার সময় দেখল, জয়ন্ত বারান্দায় রেলিঙে ভর করে কি দেখছে। নাকে রমাল চাপা এবং সেও একটা পচা গন্ধ পেল। নিচ থেকে ঝুপরি ঘরগুলোয় বাচ্চাদের সোরগোল আসছে। সে বলল, জয়ন্তবাবু কিসের গন্ধ পাচ্ছি।

—আরে বাইরে এসে দেখুন। মানুষের লাশ। কে গায়েব করে রেখেছিল।

এমন নিরাসক্ত গলায় জয়ন্ত কথাটা বলল, যেন এটা কোন ঘটনাই নয়। সে দৌড়ে বাইরে বের হয়ে গেল। দেখল তিন চাকার আবর্জনা টানার টিনের একটা গাড়িতে এ-বাড়ির জমাদার বস্তা ঢেকে কি নিয়ে যাচ্ছে। পেছনে এক স্বপ্নলোক।

অতীশ মানুষগুলোর কোতুহল দেখে বুঝল, জয়ন্ত ঠাট্টা করছে। এতটুকু গাড়িতে মানুষের লাশ যায় কি করে। কুকুর বেড়াল মরেছে। সে নাকে রমাল চাপা দিয়ে ঘরে ফিরে এল।

জয়ন্ত ওখান থেকেই বলল, বিশ্বাস হচ্ছে না। এ-বাড়িতে আপনি আসার সঙ্গে সঙ্গে একটা দ্রুপ হত্যা হয়েছে। লক্ষণ ভাল না।

অতীশ বলল, তার মানে!

জয়ন্ত বলল, ভালবাসার দান এখন আঁতাকুড়ে। পচে চোল।

অতীশ কেমন বিমর্ষ হয়ে গেল। এই ঘটনার সঙ্গে তার আসার একটা সম্পর্ক খুঁজছে জয়ন্ত। সে বলল, হত্যাকারী ধরা পড়েছে!

—না।

—প্রাইভেট অফিসে এই নিয়ে বামেলা গেল। আমরাও ডাক পড়েছিল।

—কেন?

—যদি জানি। যদি কোন ক্লু দিতে পারি। আসলে এটা তো আর রাজার বাড়ি নেই। চারপাশটা দেখুন বস্তির মতো। ঐ ঘেরাটা দিয়ে রাজা সতীত্ব বাঁচাচ্ছে। কতদিন চলে দেখা যাক।

এখন বাড়িতে যত যুবতী মেয়ে আছে ডাক্তার দিয়ে পরীক্ষা করালেই সব ধরা

মায়। ওতে কারো গরজ নেই। তখনই কুম্ভাবু নিচে ছুটে আসছে। হস্তদণ্ড হয়ে সিঁড়িতে উঠছে।

—দাদা শুনেছেন কাণ্ড।

—এই ত নিয়ে গেল।

—বলেন, এ-বাড়িতে কারো থাকতে ইচ্ছে করে। বাড়িটাকে রেণ্ডিপাড়া করে ছাড়লি।

অতীশ বলল, এতে উত্তেজিত হবার কি আছে!

—নেই বলছেন। তা হলে নেই। সে উঠে পড়ল। তারপর কেমন উত্তেজিত গলায় বলল, কোথায় ও-সব পয়সা হয় জানা আছে। হাত দিতে পারছি না। ষখন দেব না, রাজার বাড়ি উণ্টে যাবে।

অতীশের কানে লাগছিল কথাগুলো। বলল, কুম্ভাবু বহ্নন। চা আনান কাউকে বলে। কিছু খাবার। অতীশ টাকা বের করে দিল।

কুম্ভাবু বেশ প্রফুল্ল হয়ে গেল। এ-বাড়ির সবার ওপর খবরদারি করার একটা হক আছে তার। সে রেলিং-এ ঝুঁকে ডাকল, দেখত, অফিসে কে আছে নকুল। কালীদা পঞ্চানন যেই থাকুক পাঠিয়ে দিবি। নতুন ম্যানেজারবাবুর চা মিষ্ট আনতে হবে।

চা মিষ্ট খাবার পর কুম্ভাবু বলল, যাই দাদা, কাল মোহনবাগান ওয়াড়ি খেলা আছে। যাবেন নাকি! টিকিটের জন্ম ভাববেন না। কাবুলবাবুকে ধরলেই হবে। রাজার মেম্বারশিপের কার্ড আছে। কাবুলবাবুর আছে। ওকে ধরলে দুটোই পাওয়া যাবে।

অতীশ দেখল, এই মানুষ কিছুক্ষণ আগে ভেবেছিল, সমাজ সংসার রসাতলে গেল, এই মানুষ সিঁটাড়া মিষ্ট খেয়ে কাল খেলা দেখবে ভেবে উৎফুল্ল হয়ে উঠল। এই মানুষ তার অফিসে তার পরেই জায়গা দখল করে আছে। বছর চারেক হল কাজ করছে। কাজ বোঝে ভাল। আসলে অফিসে সে ওপরওয়ালো না এই কুম্ভাবু পরে বোধ হয় টের পাওয়া যাবে। অতীশ এ-মুহুর্তে এই নিয়ে খুব হুচিন্তা করা পছন্দ করছে না। এখন তার মনের মধ্যে সেই রহস্যময়ী নারী—কোথায় কখন, কবে—কত দূরে কোন অতীতে, তবু এত পরিচিত, যেন কতকাল সে শৈশবে এই মুখটা মনে মনে লালন করেছিল—অথচ মনে করতে পারছে না।

তখনই কুম্ভাবু বলল, আপনি যাবেন না শুনে বাবা খুব কষ্ট পেয়েছেন। মেসের খাওয়া আপনার সহ হবে।

—সে হয়ে যাবে।

—শুনছি ত আপনার কোয়ার্টার ঠিক হচ্ছে।

—আমার কোয়ার্টার!

—আরে দাদা আপনি খুব গুড বুকে আছেন। চালিয়ে যান। কোথায় যে আপনি স্বতো টেনে রেখেছেন কে জানে। আমি একটা আলাদা কোয়ার্টার চাইলুম, কিছুতেই রাজাকে রাজি করানো গেল না। পাশের একটা বাড়তি ঘর দিয়ে দায় চুকিয়ে দিল।

অতীশ কিছুই শুনছে না। সে কি ভেবে কিছুক্ষণ আচ্ছন্ন থাকার পর বলল, আমি তো কোয়ার্টারের কথা বলিনি কুস্তবাবু। কারটা আমার ঘাড়ে চাপাচ্ছেন দেখুন!

কুস্তবাবু বেঁটে গোলগাল চেহারার মানুষ। মাথায় ঘন চুল, রং কর্পা। পাতলুন পরনে। জরির কাজ করা পাঞ্জাবি গায়ে। বাপের মতো সোঁখিন। কেবল কানে এখনও আঁতর মাখানো তুলো গোঁজা নেই। বয়স বাড়লে হবে। অফিস থেকে ফিরে স্নান-টান সেরে এসেছে। গলায় ঘাড়ে পাউডার। বেশ স্বগন্ধ ছড়াচ্ছিল। সে এখন ঘরটা দেখছে। দোতলায় এটা এখন রাজার গেস্ট-হাউস। বাইরের কেউ এলে থাকে। কুস্ত এ-ঘরটায় অনেকদিন আসেনি। অতীশ আসায় এ-ঘরটায় আবার আসার স্বযোগ পেয়েছে। সে পায়ের উপর পা রেখে বলল, এ শর্মা দাদা না জেনে কিছু বলে না।

এ-বাড়ির ওপর অতীশের কৃতজ্ঞতায় মনটা কেমন ভরে গেল। নির্মলা এলে সে এত ভয় পাবে না। নির্মলাও এখন তার কাছে বড় বুকের মতো। মিল্টু টুটুল সে। আসার সময় মিল্টু টুটুল ঘুমিয়েছিল। ফুটফুটে দুটো শিশু জানেই না তাদের বাবা একা পড়ে গিয়ে কত অসহায় বোধ করছে। ভয় পাচ্ছে। এবং যা হয়ে থাকে, তাকে পেলেই সেই প্রেতাত্মা গন্ধ ছড়ায়। অফিসে আজ প্রথম গন্ধটা পেয়েছিল। এবং যা করে থাকে, সে এক বাকস ধূপকাঠি কিনে এনেছে। পরে ধূপকাঠি জালিয়ে রাখলে অতীশ দেখেছে গন্ধটা কেমন ক্রমে মরে আসে! সে নিজেই এভাবে আত্মরক্ষার উপায় বের করে নিয়েছে। প্রথম প্রথম সহসা কখনও এভাবে ঘরে ধূপকাঠি রাশি রাশি জালিয়ে দিলে নির্মলা বিস্মিত হয়ে বলত, করছ কি। একটা-দুটো জ্বালাও। এত গুচ্ছ গুচ্ছ জ্বালাচ্ছ কেন। লোকে তো পাগল বলবে।

অতীশ নির্মলার কথায় তখন ক্ষেপে যেত। গন্ধটা ছড়ালেই তার মাথা

কেমন ঠিক থাকে না। চোখ লাল হয়ে যায়। কথা কম বলে। চুপচাপ বসে থাকে। কেউ কিছু বললেই, চিৎকার করে ওঠে। নির্মলা বুঝতে পারে না কেন এমন হয়, মাঝে মাঝে বিদ্রম্যে পড়ে গিয়ে কেঁদে ফেলে। আর তখনই অতীশের কি হয়ে যায়। সে নির্মলার প্রতি অহেতুক নিষ্ঠুর আচরণ করছে ভাবে। বলে তুমি দাবড়ে যাচ্ছ কেন। মাঝে মাঝে আমার এটা হয়। কিসের গন্ধ পাই। খেতে পারি না। ধূপকাঠি জ্বলে দিলে স্বস্তি পাই।

ধূপকাঠি জ্বলে দিলেই সে আবার ভাল হয়ে যায়। মনের সব ধন্দ যুচে যায়। নাক টেনেও তখন আর কোন গন্ধ পায় না। আজ অফিসে গন্ধটা পাবার পরই সে খুব বিচলিত বোধ করছিল। ফেরার পথে এক ডজন ধূপকাঠি কিনেছে। গাড়িতে প্রেতাশ্বার গন্ধটা ভুরভুর করছিল। চোখ লাল হয়ে উঠছিল। পারলে গাড়িতেই যেন সে ধূপকাঠি জ্বালাত। কিন্তু এতে কুস্তবাবু মাথায় গোলমাল আছে ভাবতে পারেন। সেজ্ঞা ধূপকাঠি নাকের কাছে নিয়ে বসে ছিল। আর কখন গন্ধটা নিজ থেকেই উবে গেল। এমন ত হয় না। কখন হল এটা। রাজার দেউড়িতে আসতেই সেই রহস্যময়ী নারী—সে কে? সে এখন রাজার ঘরনী—আগে কি ছিল, কোথায় ছিল—তখনই গন্ধটা বুঝি ভয়ে ফুস করে উড়ে গেছে।

কুস্তবাবু বলল, কি ভাবছেন। গল্পের প্লট।

—না, না।

—বৌদিকে ফেলে এসে মন ধারাপ।

অতীশ হাসল। বলল, তা বলতে পারেন। রমণীরা ভারি তুকতাক জানে, কোথাকার কে, অথচ দেখুন কেমন মৌরসী পাট্টা গেড়ে বসে গেল। তাকে ফেলে এক-পা নড়া যায় না। কোথাও গেলেই মন কেমন করে।

—ভাববেন না। কোয়াটার পেয়ে যাচ্ছেন। শুনছি তো অন্যের পাশেই আপনার কোয়াটার দেওয়া হবে।

অতীশের বুকটা ছাঁত করে উঠল। ওদিকটা ত খুবই রেসটিকটেড জোন। নির্দিষ্ট কিছু আমলা যেতে পারে। বয়বাবুঁচিরা যেতে পারে। জমাদার খুরনো পাইক বরকন্দাজ যেতে পারে—যারা গতকাল তার সঙ্গে দেখা করে গেছে তারাই রাজবাড়ির সব হালচাল বলে গেছে। ভুলেও ওদিকটা মাড়াবেন না। কৈফিয়ত তলব হবে। খাস খানসামার খুব লাগানো ভাঙানোর স্বভাব।

এ-বাড়ির কিছু কিছু গোপন খবর খুব সহজেই চাউর হয়ে যায়। কিছু কিছু

গোপন খবর দু-একজনের কানে আসে আর অতি গোপন খবর কেউ জানতে পারে না। কুমার বাহাদুর বোঁরাগী আর নির্দিষ্ট আমলা শুধু জানে। কুস্ত কিছু কিছু গোপন খবর পায়। রাধিকাবাবু পুত্রদের কন্ঠাদের এই গোপন উৎসের মুখ খুলে দিয়ে প্রমাণ করেন, রাজার তিনি কত বিশ্বস্ত লোক। কুস্ত বড় হয়ে এটা টের পেয়েছে। কুমার বাহাদুর বলেছেন, অতীশকে ভাল দেখে একটা কোয়ার্টার দিন। ওর যাতে কোন অসুবিধা না হয় দেখুন।

বিকলে ফিরেই কুস্ত সব শুনেছে। শুনেই সে ক্ষেপে গিয়েছিল। আসতে না আসতেই কোয়ার্টার। আমরা ভেসে এসেছি। তবে তার বাবা রাধিকাবাবু সে ভাবতে গর্ব বোধ করে। সে বলল, বাবাই কুমার বাহাদুরের কাছে কথাটা তুললেন। অতীশের খুব অসুবিধা হচ্ছে। একা থাকে কোথায়, খায় কি, কে দেখে? মেসে খেলে অজীর্ণ রোগে ভুগে মারা পড়বে ছেলেটা।

অতীশ শুনে যাচ্ছিল।

কুস্ত বলল, বাবা আপনার খুব সখ্যাতি করেছেন কুমার বাহাদুরের কাছে।

অতীশ বলল, আগেকার দিনের মানুষদেরই এই স্বভাব। খুঁটিয়ে দেখে না। ভাল লাগলেই ভাল বলে ফেলে। আমার বাবাকেও দেখেছি এরকমের।

কুস্ত বলল, বাবাই কুমারবাহাদুরকে কোয়ার্টারের কথা বললেন। কিন্তু এক একদম পিচাশ জানেন। থাকলেও দেবে না। কুমারবাহাদুর বলল, কোয়ার্টার কোথায়। ফাঁকা তো একটাও নেই। কিন্তু বাবার সঙ্গে পারবে কেন? বললেন, সোজা হুজি বললেন দেখুন কুমারবাহাদুর কাজ ভাল চাইলে তাকে সুযোগ-সুবিধা দিতেই হবে। সারাদিন কাজের পর যদি নিজের পরিজন নিয়ে একটু থাকার জায়গা না পায় তো মন দিয়ে কাজ করবে কেন!

অতীশ এবার প্রশ্ন না করে পারল না, রাজেন্দা কি বললেন?

—এরা কিছু বলতে চায় দাদা? এদের মুখ থেকে কথা খসিয়ে নিতে হয়। বাবা ঠিক খসিয়ে নিয়েছেন। নিধিবাবুর কোয়ার্টার ফাঁকা।

—নিধিবাবুটা কে?

—নিউবেঙ্গল টাইপ ফাউণ্ডার ম্যানেজার। রিটারির করেছেন মাস দুই হল। কুমার বাহাদুরের বাবার আমলের লোক। ইদানীং চোখে দেখতে পান না। আশির কাছাকাছি বয়েস। রাজার খুব বন্ধুলোক ছিলেন।

কুস্তকে এখন অগ্ররকম লাগছে। এরা তার ভাল চায়।

কুস্তের বাবার প্রতি অতীশের মনটা কৃতজ্ঞতায় ভরে গেল। আসলে বাবার

মনে আলাপ ছিল বলেই হয়ত তাকে খুব স্নেহ করছেন। সে রাতে খাবে না বলায়ও কষ্ট পেয়েছেন। আগেকার আমলের মানুষ বলেই এটা হয়। আজকাল মানুষের মধ্যে এসব গুণ একেবারেই নেই। অতীশের বলার ইচ্ছা হল, আপনার বাবার এ ধণ শোধ করতে পারব না। কি বলে এখন সে যে কৃতজ্ঞতা জানাবে তার বাবাকে! কিন্তু তার আছে আশ্চর্য এক স্বভাব, সে কিছুতেই খুব বিগলিত হয়ে যেতে পারে না। কখনই সে সব ভেতরের কথা প্রকাশ করতে পারে না। সংকোচে পড়ে যায়। সে তখন আবার চুপচাপ বসে থাকে।

কুস্ত বলল, কোয়ার্টার পেলে থাওয়াবেন। কত বড় খবর। রাজার খুব নিজের লোক না হলে এখানে কোয়ার্টার মেলে না। আপনি আসতে না আসতেই তার নিজের লোক হয়ে গেলেন। ঈর্ষা হয়।

তারপর কুস্ত উঠে যাবার সময় বলল, কি খেলা দেখছেন ত।

অতীশ হেসে বলল, কাল থাক। আর একদিন যাওয়া যাবে।

কুস্ত উঠে যাবার সময় ভাবল, বড়ই নীরস লোক। খেলাতে পর্যন্ত উৎসাহ নেই। কি ভাবে লোকটা সব সময়! এত আচ্ছন্ন থাকে কেন! কিছু একটা রহস্য আছে। জাহাজে কাজ করত। স্বভাব-চরিত্র ভাল থাকার কথা না। মেয়েমানুষ ঘাঁটা-ঘাঁটি করতে গিয়ে বড় রকমের অস্থখ বাধিয়েছে। ফুটে বের হলে টের পাওয়া যাবে। এবং সে বের হবার মুখে যাতে ক্ষত ফুটে বের হয় সেই প্রার্থনাই করল ভগবানের কাছে। তার কথা ছিল, শিট অ্যাণ্ড মেটাল প্রিটিং পাবলিক লিমিটেডের ম্যানেজার হবার। কিন্তু এত করেও রাজার বিশ্বাস অর্জন করতে পারল না। মনে মনে ভারি আফসোস। কোথা থেকে উটকো লোক রাজা যে ধরে আনল।

সিঁড়ি ভাঙতে গিয়ে কুস্তর মাথা গরম হয়ে গেল। যত নামছে, তত গরম হচ্ছে মাথা—সে শেষ পর্যন্ত হেরে গেল। কি না করেছে সে, আগের ম্যানেজারের বাড়ির ছবি তুলে এনে দেখিয়েছে, দেখুন টাকা আপনার কোথায় যায়! কান্ট্রিমার-দের ধরে নিয়ে গিয়ে বলেছে, কি পারশেণ্টেজে কাজ হয় দেখুন। যতটা ঘটেছিল তার চেয়ে বেশি বানিয়ে বানিয়ে সে প্রথম তার বাবা ওরফে রাধিকাবাবুর মারকত রাজার কান ভারি করেছে। বলেছে, এটা আপনার গোল্ড মাইন। নজর দিন। আপনার পূর্বপুরুষের স্বার্থ রক্ষা করুন। চার বছরে অক্লান্ত খেটে সে কোম্পানীর খুঁটিনাটি বিষয় রপ্ত করেছে। প্রিটিং থেকে ফেরিকেশনে, কোথাও এতটুকু খুঁত থাকলে ধরতে পারে, শোধরাতে পারে। একাউন্টস তার নখদর্পণে। সেলট্যাকস,

ইনকামট্যাকস সে নিজে করতে পারে। ক্যাশ, লেজার, ব্যালেন্সশীট তার কাছে এখন জলের মত। এক আশাতেই সে এতদূর দৌড়ে গেছে। এখন কি না এই হারামজাদা ঘুষু লোকটা তার বাড়াভাতে ছাই দিয়েছে। গত রাতে পৃথিবীতে সেও আর এক মানুষ যে বিন্দ্র রজনী কাটিয়েছে। এসে গেছে শুনেই তার হৃৎপিণ্ডে কে যেন আগুন নিষ্ক্ষেপ করেছিল। সে স্থির থাকতে পারে নি। ছটকট করেছে সারারাত। সকালের দিকে ঘুম চোখে লেগে এসেছিল। ঘুম ভাঙলে দেখেছিল, হাসিরাণী ঘরে নেই। কাবুলকে দেখার জন্য ঠিক জানালায় পালিয়ে গেছে। তাতে বল বাবু আমি তোমাকে ক্ষমা করব কেন। তুমি যত ভাল-মানুষই হও, আমি তোমাকে নরকে নিয়ে যেতে চেষ্টা করব। আমি তো মানুষ।

॥ ছয় ॥

স্বপ্নে জানালায় উঁকি দিয়ে অবাক হয়ে গেছে। আটটা বেজে গেছে কখন এখনও ঘুমাচ্ছে। সাদা চাদরে ঢাকা শরীর। চিং হয়ে শুয়ে আছেন তিনি। ফুল স্পিডে পাখা চলছে। সাদা সাদা ছাই উড়ছে ঘর ভর্তি। রোদ এসে পড়েছে জানালায়। জানালার একটা পাট সামান্য খোলা, সে উঁকি দেবার সময় পাটটা ঠেলে দিল। দরজা বন্ধ দেখে প্রথমে অবাক হয়ে গেছিল—তিনি কি ভেতরে নেই! দরজা ভেতর থেকে বন্ধ দেখে ভেবেছিল, ভেতরেই আছেন। এত বেলায় দরজা বন্ধ করে কি করছেন। কিন্তু তার শিরে শমন। অন্দরে ডাক পড়েছে। সে বোরণীর মেজাজ জানে। একুনি ডেকে নিয়ে না গেলে, তার বিরুদ্ধে কৈফিয়ত তলব হবে। দরজা বন্ধ যখন জানালায় উঁকি দেওয়া যাক—কিন্তু যদি মানুষটার জপ-তপের অভ্যাস থাকে—তা ভঙ্গ হলে ক্ষেপে যেতে পারেন। তবু খুব সাহস করে জানালায় উঁকি দিতেই অবাক। আবছা মত একটা ছায়াবৃত্তি বিছানায় পড়ে আছে। জানালা ঠেলে দিতেই স্পষ্ট দেখল, তিনি চিত হয়ে শুয়ে আছেন। চাদরে গলা পর্যন্ত ঢাকা। হাওয়ায় চুল ঝড়ের মতো উখাল-পাতাল হচ্ছে। তিনি ঘুমাচ্ছেন। তারপরই কেমন শঙ্কায় বুক কঁপে গেল। এভাবে মানুষ ঘুমায় না। মরেটরে যায়নি তো। আজকাল আকছার এই শহরে কত রকমের অপ-মৃত্যু ঘটছে। কাল বিকেলে একটা লাশ পাওয়া গেছে, আবার কি আজ সকালে আর একটা লাশ বের করা হবে। প্রায় তার পা ঝুঁকক করে কাঁপছিল। তখনই

সে চিৎকার করে উঠল : অ নতুনবাবু, নতুনবাবু অন্দরে আপনাকে নিয়ে যেতে য়াচ্ছে।

অতীশ অনেক দূর থেকে যেন শুনতে পাচ্ছে তখনও, ও ছোটবাবু ছোটবাবু আর কতদূর! আমরা আর ভাঁজ পাব না? হুঁদিন হয়ে গেল!

দরজায় খুটখুট শব্দ, তারপর সজোরে কেউ দরজায় ধাক্কা মারতেই সে ধড়মড় করে উঠে বসল। দেখল, জানালায় স্থরেন। আরও কেউ কেউ বারান্দায় দাঁড়িয়ে। সে উঠে তাড়াতাড়ি দরজা খুলে দিল। মানসদা, সেই ছেলেটা, আরও দু-একজন। মানসদা চটেই গেলেন, তুমি কি মাছ না! এত বেলায় লোকে ঘুমোয়! তোমার চোখ-মুখ ভাল না বাপু। তোমাকে বিশ্বাস নেই।

অতীশ খুব লজ্জায় পড়ে গেছে। এত বেলা হয়েছে সে টের পায়নি। সারারাত সে ধূপকাঠি জালিয়ে ক্রান্ত হয়ে পড়েছিল, কখন সে ঘুমিয়ে পড়েছিল জানে না। সে সারারাত হিজিবিজি সব স্বপ্ন দেখেছে। স্বপ্ন দেখলে তার ভাল ঘুম হয় না। সকালে কেমন অবসাদ লাগে। সে একবার সকালে জেগেছিল, তারপর অবসাদ বোধ করতেই আর একটু গড়াগড়ি দিতে গিয়ে ঘুমিয়ে পড়েছিল। এত বেলা হয়ে গেছে সে ঘুণাক্ষরে টের পায়নি।

সে দরজা খুলতেই স্থরেন ওকে সেলাম দিল। এ-বাড়িতে এ-সব রেওয়াজ এখনও চালু আছে। সে তো খুব বড় কাজ করে না এদের। মাঝারি সাইজের কর্তা-ব্যক্তি। তার আর কুমার বাহাদুরের মাঝখানে একজন বুড়ো মতো অফিসার আছেন। কলকারখানার সাধারণ সমস্ত সংক্রান্ত কথাবার্তা সব তারই সঙ্গে সারতে হবে বলে কুস্তবাবু জানিয়েছে। এখন স্থরেনের কথাবার্তা শুনে সে একটু চমকে গেল। তার অন্দরে ডাক পড়েছে। কে ডাকছে কেন ডাকছে এত সব প্রশ্ন করার ক্ষমতা তাঁর নেই। বোধ হয় স্থরেনেরও বলার কথা নয়। সে তাড়াতাড়ি ক্রি করবে ভেবে উঠতে পারছে না। বিছানার চাদর ঠিকঠাক করতে গিয়ে দেখল মানসদা তার দিকে সংশয়ের চোখে তাকিয়ে আছেন। সে বলল, কি হল মানসদা।

—তোমার সাহস দেখছি। তুমি যেন গ্রাহ্যই করছ না।

—হাতমুখ না ধুয়ে যাই কি করে!

—তাড়াতাড়ি কর। এই স্থরেন বোটা দালাল, বলগে যা, যাচ্ছে। এক্ষুণি ঘুম থেকে উঠল।

অতীশ মুখে পেস্ট নিয়ে বলল, আমাকে ডাকছে কেন স্থরেন?

—বাবু আমরা নকর মাফুষ। অত জানলে এখানে আমাদের রাখবে কেন বলুন। মানসদা জয়ন্ত বিছানায় বসে পড়েছে ততক্ষণে। জয়ন্ত ঘরটা দেখছে। অজস্র পোড়া ধূপকাঠি ছড়ানো ছিটানো। ঘরটা নোংরা হয়ে আছে। ঘুমের ঘোরে সে নিজের ঘরেও স্বগন্ধ আতরের মতো কিছু গন্ধ পেয়েছে। একবার সে বিছানা ছেড়ে উঠবে ভেবেছিল—গন্ধটা কোথেকে আসছে। এবাড়িতে এখানে সেখানে দুর্গন্ধ উঠছে কবে থেকে, স্বগন্ধ থাকার ত কথা নয়। এখন বুঝতে পারছে এটা অতীশবাবুই কাণ্ড। শোবার সময় গুচ্ছ গুচ্ছ ধূপকাঠি শিয়রে জালিয়ে রাখে। সে মানসদার দিকে তাকিয়ে বলল, প্রায় আপনার জুড়িদার।

মানসদা কিঞ্চিৎ বিরক্ত হলেন। তাঁর ঘরে মাঝে মাঝে ভালো মেয়ে যায় কেউ। সে এত ভাল থাকার চেষ্টা করে, কারো কোন অপকার করে না, কেবল মাঝে মাঝে তার কি হয়—সে চিৎকার করতে থাকে—ও কি গন্ধ! পচা টাকার গন্ধ! ঘরে ঘরে সে তখন ছুটে বেড়ায়।

—তোমরা পচা টাকার গন্ধ পাচ্ছ না। অহ কি গন্ধ! টেকা যাচ্ছে না। কোথেকে আসছে গন্ধটা। পুলিশে খবর দাও। সব অস্থানে পড়ে যাবে। মহামারী শুরু হয়ে যাবে।

অতীশ বাথরুমে বলে জয়ন্তর কথা শুনে পায়নি। সে এসে দেখল, তখনও স্নরেন দাঁড়িয়ে আছে। অতীশ মুখ মুছে বলল, তুমি যাও। আমি যাচ্ছি।

—চিনবেন না বাবু।

আসলে স্নরেন সঙ্গে নিয়ে যেতে চাইছে। সে ভাবল, এমন কি করেছে যার জন্ত তার অন্তরে ডাক পড়েছে। এটা খুবই অস্বাভাবিক ঠেকছে। এর বনেদী জমিদার বংশ। এখনও যা আছে যেমন ধরা যাক কলকাতার ওপর ত্রিশ-বত্রিশ বিঘে নিয়ে এই বাড়ি, কাঠাপিছু দাম কুড়ি হাজার টাকা করে হলে, কি দাম হয় এবং কলকাতায় এমন আছে অনেক অট্টালিকা, দেশে বিশাল দেবোত্তর সম্পত্তি এবং শহরের কিছু এলাকা এখনও ইজারা দেওয়া আছে। সবই উড়ো খবরের মতো তার কানে এসে ঢুকেছে। বাইরে থেকে এদের বৈভব এখন ঠিক বোঝা যায় না। ভিতরে ঢুকলে বোঝা যায়, বৈভবের অন্ত নেই। অন্তরের নিয়মকানুন লঙ্ঘন করা যায় না। পর্দা টাকা গাড়ির চল সেদিনও ছিল নাকি। এ-বাড়ির রাজকন্ডাদের মুখ বোঁরাণীদের মুখ কেউ দেখেছে কখনও এককালে বিশ্বস্ত আমলারাও বলতে পারত না। এখন অবশ্য এতটা বোধহয় বেড়া জাল নেই। অতীশ জামা প্যান্ট পরতে পরতে বলল, মানসদা কেন যে ডাকছে, বুঝি না।

মানসদা পরেছেন পাজামা পাঞ্জাবি। তার চা এসেছে। তিনি বললেন, চাটা ছুঁ'ভাগ করে দাও। অতীশ একটু চা পেয়ে খুব বিগলিত হয়ে গেল। তাজাতাড়ি চা খেতে খেতে বলল, মানসদা বহন, আমি ঘুরে আসছি। সে এটাচি খুলে একটা পাট ভাঙা রমাল পকেটে গুঁজে নিল। তখন মানসদা বলল, ঘাবড়ে যাচ্ছ খুব দেখছি। মাথার চুলটা আঁচড়ে নাও। এত স্বাভাবিক এবং ভাল মানুষ মানসদা, তার ঘরে তালা ঝোলে কেন! মানসদার চোখ নীলচে রঙের। উজ্জ্বল। এতটুকু অস্বাভাবিকতা নেই চোখে মুখে। এ-মুহূর্তে মানসদাকে তার পৃথিবীর একজন অগতম শ্রেষ্ঠ মানুষ মনে হচ্ছে। এই মানুষটি সম্পর্কে কুস্তও কোন খবর দেয়নি। কুস্ত রাজবাড়ির এত খবর রাখে, অথচ এই মানুষটি সম্পর্কে গতকাল প্রায় নীরব ছিল। সে বের হবার মুখে মানসদা বলল, আমি ঘরে তালা দিয়ে দিচ্ছি। এসে চাখিটা নিয়ে নিও।

অতীশ সিঁড়িতে নামতে নামতেই হাত তুলে দিল। সিঁড়ির মুখে ছোট্ট লন। কাঁটা তারের বেড়া। মাঝে ছোট্ট গেট। ওপরে মাধবী লতার ঝাড়। এখান-টায় সে লম্বা বলে মাথা হুইয়ে ঢুকল। লন পার হয়ে লম্বা বারান্দার ওপর বড় বড় সেকালের পেলাই দরজা। বাঁমা টিকের। যে কোন দরজা দিয়ে সামনের মারবেল মেঝে দেখা যায়। সুরেন একটা দরজায় দাঁড়িয়ে গেল। অতীশকে বলল, আঙু এখানে বহন। শব্দ এসে আপনাকে নিয়ে যাবে।

সেই বড় বসার ঘরটা। মাঝখানে কার্পেট পাতা। সোফা নেই। কোণায় কোণায় বসার জুতা আলাদা ডিভান। এই ঘরটা এত বড় যে ও-পাশে একটা লোক বসে গাভা মারছে প্রথম সে টেরই পায় নি। দু'দিন ধরে যতবার সে এই প্রাসাদে ঢুকেছে, লোকটাকে দেখেছে, জল আর ঝাড়ুন নিয়ে ঘরদোর সাফ করে যাচ্ছে। এ-প্রাসাদে লোকটা বুঝি সারাদিন এই একটা কাজই করে। হাবাগোবা মুখ। খোঁচা খোঁচা দাড়ি। পরনে ছেড়া খাঁকি হাফপ্যান্ট শতচ্ছিন্ন গেঞ্জি গায়ে। অতীশ ঘরে কেমন একটা বিদেশী আতরের গন্ধ পাচ্ছে। সকালেই বোধহয় এই প্রাসাদের নিয়ম সারা ঘরে দামী আতর স্প্রে করে দেওয়া। বাইরে থেকে গন্ধটা পাওয়া যায় না। যত ভিতরে ঢোকা যায় গন্ধটা তত প্রবল হয়।

ঘড়িতে দেখল, সাড়ে আটটা বেজে গেছে। ঘরের দেয়ালে টেবিলে, সব স্বকুমারি ঘড়ি, কোনটা সাড়ে আটটা বাজায় বেহালার ছড় টেনে দিল, কোনটায় শব্দ কাচের বলের মতো গড়িয়ে গেল—কোনটা এক জলতরঙ্গ আওয়াজ তুলে নিখর হয়ে গেল। বিচিত্র এক শব্দ ধ্বনির মধ্যে দেখল রাধিকাবাবু হস্তদন্ত হচ্ছে

যাচ্ছেন। নধরবাবু এবং অফিসের সেই বুড়ো বড় কর্তা, গায়ে পুরো ছাই রঙের স্ট্রট, চোখে ভারি চশমা, পেছনে কেউ আসছে একটা ফাইলের পাহাড় নিয়ে। অতীশকে অসময়ে এখানে বসে থাকতে দেখে রাধিকাবাবু কিঞ্চিৎ সংশয়ে পড়ে গেল। বলল, তুমি এখানে ভাই! কুমার বাহাদুরের সঙ্গে দেখা করবে?

অতীশ উঠে দাঁড়াল। বলল, না।

অতীশের কথা শোনার সময় নেই রাধিকাবাবুর। তিনি চলে যাচ্ছেন। বোকার মতো অতীশ কিছুটা তার সঙ্গে হেঁটে গেল। আবার যদি কিছু প্রস্তুত করে সেই আশায়—কিন্তু রাধিকাবাবু সোজা বিলিয়ার্ড টেবিলের দ্বার ঘেঁষে দ্রুত হেঁটে চলে গেল। এবং সে দেখল অফিসার, কেরানী, গিয়নের একটা পল্টন লাইনবন্দী হয়ে দাঁড়িয়ে আছে। ভেতরে যাবে বলে, তারা দাঁড়িয়ে আছে। ভেতরের দরজা বন্ধ। ভেতর থেকে নির্দেশ না এলে কেউ ঢুকতে পারছে না। অতীশ এটা দেখার পরই ভাবল, সে ঠিক জায়গায় বসে নেই। শঙ্ক এসে যদি দেখতে পায় সে নেই, তবে খবর দেবে, কোথায়, কেউ নেই ত! তবে একটা কেলেকারী হবে। সে জ্ঞাত সে আবার স্থরেন তাকে যেখানে বসতে বলে গেছে, সেখানে অসহায় যুবকের মতো বসে পড়ল। পাশে কুস্তবাবু থাকলেও যেন এ-মুহুর্তে সাহস পাওয়া যেত।

সেই লোকটার কিন্তু কোন দিকে অক্ষিপ নেই। সে জল ঝাড়ন নিয়ে বিশাল কক্ষের এক প্রান্ত থেকে অল্প প্রান্তে ছাতা মেরেই চলেছে। এ-ঘরটা হয়ে গেলে পাশের ঘরে। ওটা হলে তার পাশের ঘরে। সকাল থেকে সে এই কাজটা কত মনোযোগ দিয়ে করে যাচ্ছে। তখনই সাদা ধবধবে উর্দী পরা একজন হাফ যুবক তাকে সেলাম দিল। —আস্তান সাব। বলে সে তাকে বিশাল কক্ষের একটার পর একটা পার করে নিয়ে যেতে থাকল। এবং শেষে দেখল, সব রেশমী সূতায় কারুকাজ করা সাদা চাদরে ঢাকা এক আশ্চর্য বিলাস কক্ষ। মেহগনি কাঠের দেয়াল। এয়ার কন্ডিশান্ড ঘর। দু' পাশের দরজা ভারি কাঁচের। সিল্কের দামী পর্দা ঝুলছে; কারুকাজ করা কাঁচের জানালায় দুটো পাখি বসে। দেয়ালে রাজপুরুষদের সব আবক্ষ মূর্তি। মাথায় পাগড়ি, এবং দামী বৈদ্যুতিন পাখর-চাঁথরের মালা গলায়। দেয়ালে ছ'-সাতজন রাজপুরুষ কোমরে তরবারি, নাগরাই জুতো পায়। বংশ পরম্পরায় এক একজন এসে এই দেয়ালে দাঁড়িয়ে গেছেন। রাজেন্দ্রনারায়ণ চৌধুরী ওরফে রাজেন্দার ছবিটা সে আবিষ্কার করল, উত্তরের দেয়ালে। পরিচিত মানুষটাকে এই পোশাকে দেখে

এসে কেন জানি ফিক করে হেসে ফেলল। তারপরই মনে হল, ঘরে কেউ নেই ত! কোন গুপ্ত পথে তাকে কেউ দেখছে না ত! সে খুব সতর্ক হয়ে গেল। শঙ্ক ওকে বসতে বলে গেছে। কেন বসতে বলে গেছে, কে আসবে এ ঘরে সে কিছুই বুঝতে পারছে না। আশেপাশে কোন কাকপক্ষী আছে বলে টের পাওয়া যাচ্ছে না। শুধু সেই দামী আতরের গন্ধটা এখানেও ভুরভুর করছে। গতকাল সে বোঁরাণীকে এক পলক দেখেছিল—বড় চেনা, বড় অন্তর্গত সেই ছবি—কিন্তু সারারাত ধূপকাঠি পুড়িয়েও সে কে আবিষ্কার করতে পারে নি।

মনে পড়ছে, একবার এমনি দৈবহুর্বিপাকের মতো শ্রুতি হিগিনসের কেবিনে তার ডাক পড়েছিল। সে সেখানে এমনি এক সংশয় নিয়ে গেছিল। বুক কাঁপছিল। এখানেও তাই। কোন অবিদ্যাপ্রাপ্ত ঘটনা জীবনে ঘটে গেলে তার এই রকমের হয়। মুখে ভীতু বালকের ছাপ ফুটে ওঠে। সোকাগুলোর কাভার সব দামি ভেলভেট কাপড়ের। কার্পেটে বাঘ সিংহের লাল নীল মুখ আঁকা। মাথা সমান উঁচু আয়না। কাচের বড় জারে স্বেতপাথরের দুটো নগ্ন নারী মূর্তি। পরস্পর জড়িয়ে আছে। এমন একটা কক্ষে তার সঙ্গে এখন কে দেখা করতে আসছে!

তখনই মনে হল খুব মূঢ় পায়ের শব্দ। কেউ আসছে। তার উত্তেজনায় দম বন্ধ হয়ে আসছিল। এমন এক বনেদি পরিবারে সে এই ঘরে এসে বসতে পেরেছে—তার সৌভাগ্য না দুর্ভাগ্য সে ঠিক বুঝতে পারছে না। পায়ের শব্দ ক্রমশ এগিয়ে আসছে। খুব নরম চটি পরে কেউ আসছে। তারপরই সে দেখতে পেল, প্রায় জাতুমন্ড্রে বিপরীত দিকের দরজার পর্দা সরে যাচ্ছে। এবং প্রায় আবির্ভাবের মতো এক যুবতী নারী তার সামনে হাজির। লাল পেড়ে সাদা সিল্ক, হাতে ঢাকাই শাঁখা, কপালে বড় সিঁদুরের টিপ এবং চোখে অনেক দূর অতীতের স্মৃতি। তার দিকে অপলক তাকিয়ে বলছে, তুই কি রে, তুই চিঠির জবাবটাও দিলি না। এমন অমানুষ তুই!

অতীশ হাঁ করে তাকিয়ে থাকল। এবং ক্রমে ক্রমে জলের অতলে ডুবে যাচ্ছিল। কি বলবে, কিভাবে অভিবাদন করবে এবং সহজ স্বাভাবিক হতে গেলে তার এখন কি করণীয় কিছুই বুঝতে পারছে না। সে নির্বাক হয়ে গেছে। মাথার মধ্যে ঘুরপাক খাচ্ছে—চিঠি, কিসের চিঠি। রমণী তার কবে দেখা এক যুবতী যেন। সে কিছুতেই কাল রাতে মনে করতে পারে নি। সে এটা শেষ পর্যন্ত কোথায় এসে পেল!

—কি রে তুই আমার কথার জবাব দিচ্ছিস না কেন? এতটুকু দেখছি স্বভাব পাণ্ডায় নি তোর। সেই আগের মতো দশটা কথা না বললে কথার উত্তর দিস না।

এবার আর না পেরে অতীশ বলল, কিছুই বুঝতে পারছি না বৌরাণী! আমার কিছু মনে পড়ছে না।

—তুই আসলে নিজেকে ছাড়া আর কিছু চিনলি না। খুব স্বার্থপর তুই! না হলে ভুলে যায় কেউ।

আর তখনই অতীশের মাথার মধ্যে ড্যাং ড্যাং করে পূজার বাজনা বাজতে থাকল। ঢাক বাজছে, কঁাসি বাজছে ট্যাং ট্যাং। সবুজ ঘাস খাচ্ছে একটা মোষ। মোষটাকে কারা বেঁধে নিয়ে যাচ্ছে পূজামণ্ডপে। নতুন গামছা কোমরে পেঁচিয়ে ছোট্টাছুটি করছে কারা। ধূপ দীপ জ্বলছে। মোষ বলির রক্ত নিয়ে কাড়াকাড়ি করছে কারা। কে ছুটে এসে ওর কপালে, সেই রক্তের ফোঁটা দিয়ে গেল। সে একটা থামের আড়ালে দাঁড়িয়ে সব দেখছিল। সেই মুখ, সেই মুখ সেই সেই—সে কেমন মুহমানের মতো বলল, তুমি কমল!

—কমল কি রে? কমল পিসি বল।

অতীশ মাথা নিচু করে বলল, আমি জানতাম না, তুমি এ-বাড়ির বৌরাণী কমল।

—কে জানত! আমি জানতাম। কত নতুন ম্যানেজার আসে। আমি জানতাম তুই সেই মুখচোরা জেদি ছেলেটা! কাল এক পলক দেখেই অবাক—আরে এ যে সেই! সব ঠিক আছে। সব। কেবল লম্বায় তালগাছ হয়ে গেছিস।

তারপর অতীশ কোন রকমে একবার চোখ তুলে বলল, কাল আমারও মনে হচ্ছিল বড় চেনা তুমি। কবে কোথায় যেন দেখেছি? তারপর, তারপর সেই ভাঙা শাওলা ধরা পরিত্যক্ত জমিদার বাড়ির কক্ষের কথা ভাবতেই ওর কান গরম হয়ে গেল। এই হাত দে। দে না। কেউ দেখবে না। ফ্রক পরা এক বালিকা, চুল সোনালী, চোখ নীল এক বালিকা তাকে জাপ্টে ধরেছিল। সে এখন নারী। তার শরীর শিউরে উঠল। সে তার সর্বস্ব উজাড় করে দিয়ে যেন সামনে বসে আছে।

কমল সোফায় শরীর এতটুকু এলিয়ে দেয় নি। সোজা হয়ে বসে আছে। হাত দুটো হাঁটুর ওপর রাখা। আঙুলে বিশাল হীরের আংটি জ্বলজ্বল করছে। মাথায় সামান্য ঘোমটা, পায়ের পাতা শাড়িতে ঢাকা। অতীশের কেন জানি

ইচ্ছা হল কমল তার পা সামান্য বের করে রাখুক। সেই সুন্দর দেবী প্রতিমার মতো পা দুটো তার এখন দেখতে ইচ্ছে হচ্ছে।

তারপরই কমল কেমন আবেগে বলল, তুই এতদিন কোথায় ছিলি!

অতীশ কত কথা বলতে পারে। কিন্তু সে এ-বাড়িতে নতুন। তার পক্ষে সব জানা সম্ভব না। কমল গোপনে ডেকে এনেছে কিনা কে জানে! এতে তো দিপদ বাড়ে। কিংবা কমলের মাথায় কোন গুণগোল ঘটে যায় নি তো! একজন সন্তা আসা যুবককে, এই অন্দরে নিয়ে আসি নিয়ে হেঁচ হতে পারে। পারিবারিক মান-সম্মানের প্রশ্ন আছে। সে বলল, কমল তুমি ডেকেছ কেন?

—তাকে একটু দেখব বলে।

অতীশ এর কি জবাব দেবে। সে বলল, অমলা কোথায় আছে?

বোঁরাণীর মুখে কূট হাসি খেলে গেল। বলল, সে আছে। দিদি তোকে নিয়ে যেতে বলেছে।

—ও জানল কি করে?

—কালই ফোন করলাম। বললাম, একটা আশ্চর্য খবর দিচ্ছ দিদি। খুব অবাক হয়ে যাবি।

তার ইচ্ছা হল জানতে অমলার বর কি করে। তারপর মনে হল, অমলা না কমলা—কে তাকে জাপ্টে ধরেছিল। আসলে সেই শৈশব মানুষকে চিরদিন জড়না করে বেড়ায়। অতীশের কেন জানি আজ অমলাকেও দেখতে খুব ইচ্ছে করছে। যা ফেলে এসেছিল, এই দেখার মধ্যে তা যেন সে নতুন করে ফিরে পাবে। সেই সুবিশাল জমিদার গৃহে সে তখন কুণ্ঠিত বালক। তার কাছে জগৎটা ছিল রূপকথার দেশের মতো। অমল কমল ছিল তার জীবনে প্রথম দেখা রূপকথার রাজকন্যা। তাদের একজনকে এখানে সে দেখবে স্বপ্নেও ভাবতে পারে নি। সে ভাবল, এই নতুন জীবনে এটা ভাল হল কি মন্দ হল জানে না। এদের দু'জনকে দূরগত কোন ছবির মধ্যে সে পেতে চেয়েছে এতদিন। এত সামান্য-সামান্য একজনকে পেয়ে সে কেমন ঘাবড়ে গেছে।

কমল ওর দিকে তাকিয়ে আছে। বলছে, হাবার মত কি দেখছিস?

অতীশ বলল, না কিছু না।

—আমার দিকে তাকা।

অতীশ তাকাতে পারল না।

—তাকা বলছি।

অতীশ বলল, আমি বুঝতে পারছি না। তোমার কি ইচ্ছে! আমাকে
বিলম্বের মধ্যে ফেলে দিও না।

—তুই অনেক দিন জাহাজে ছিলি না রে?

—ছিলাম।

—অনেক দিন নিরুদ্দেশ হয়ে ছিলি?

—ছিলাম।

—তোকে দেখলেই মনে হয় যে নাবিক হারিয়েছে দিশা। তোর যেন কি
হারিয়ে গেছে না রে?

অতীশ খুব বিষন্ন বোধ করল।

অতীশের এই মুখ দেখলে ভারি কষ্টের মধ্যে পড়ে যেতে হয়। কমল সহসা
উঠে কাছে এল অতীশের। শরীরে সামান্য ঠেলা দিয়ে বলল, ভয় পাচ্ছিস!

—না।

—মুখ এত কাতর কেন?

অতীশ বলল, কমল মেজবাবুর খবর কি! সে কথা ঘোরাতে চাইল।

—বাবা গত হয়েছেন অতীশ। কথাটা বলতে গিয়ে তেতরে কেমন কমলের
কান্নার উদ্বেগ হল। সে উঠে গেল জানালায়—কি দেখল, তারপর কিরে এসে
পায়ের ওপর পা তুলে বসল। একটা মাছি ভনভন করে উড়ছিল। কমল বেল
টিপল। সেই উর্দি পরা হাফ যুবক হাজির। ওর দিকে তাকিয়ে বলল,
এটা কি!

শঙ্খ মাছিটাকে বর থেকে তাড়াবার জন্য উঠে পড়ে লেগে গেল। পর্দা তুলে
দিল। দরজা খুলে দিল, তারপর মাছিটাকে তাড়িয়ে নিজেও অদৃশ্য হয়ে গেল।

অতীশ বলল, কত তাড়াবে। ঐ দেশ পাশে আর একটা।

কমল খুব কাতর চোখে তাকাল। যেন এখুনি ওটা এসে ওকে কামড়াবে।
হল ফোটাবে। এবং সে মরে যাবে। অতীশ উঠে গিয়ে হাওয়ার মধ্যেই থপ
করে মাছিটাকে ধরে ফেলল।

কমল বলল, ছি ছি তোর ঘেরা-পিত্তি নেই। তুই একেবারে গেছিস। বলে
কমল নিজে উঠে গেল। একটা ট্রে নিয়ে এল। একটা দামী শ্রামপোর শিশি।
ট্রেটা কাছে নিয়ে বলল, হাত ধো। অতীশ হাত পাতলে জল দিল, সে হাত
ধুলে কাঁধ থেকে তোয়ালে নিয়ে বলল, হাত মুছে ফেল। এবং হাত মোছা হলোই
দেখল, ট্রে হাতে আর কেউ আসছে। শরবতি লেবুর রস, কিছু আঙুর, দুটো

হাফ-বয়েল ডিম, শ্রাও-উইচ চার পিস। কমল নিজেই সাদা চাদরের উপর সাজিয়ে রাখল। থা।

সে কিছুই না করতে পারছে না। সে যতবার কমলকে চোখ তুলে দেখেছে, সেই মুখ, ফ্রক গায়ে বব কাটা চুলের মুখ। বিশাল বারান্দায় অথবা ছাদে দাঁড়াচ্ছে। চঞ্চল বালিকার সেই মুখ ছাড়া কমলের মুখে আর কিছু দেখতে পাচ্ছে না অথবা নদীর পাড়ে জুড়িগাড়িতে বসে আছে কমল। অনেক দূরের কোন বালিয়াড়িতে সে দাঁড়িয়ে। তাকে হাত তুলে ডাকছে। অথবা সেই হাতী—গলায় ঘণ্টা বাজছে, যেন দূর অতীত থেকে সে ধ্বনি কানে আসছে। অতীশ চামচে দুটো আঙুর মুখে তুলে বলল, আমরা সব হারিয়েছি কমল। বড় হতে হতে আমরা কত কিছু হারাই।

কমল ওর থাওয়া দেখছিল—সতর্ক নজর রাখছে—এ-ঘরে দু' ছোটো মাছি কি করে ঢুকল! আরও যে নেই কে জানে। কখন খাবারটার ওপর উড়ে এসে বসবে কে জানে! সে চারপাশে খুব সতর্ক নজর রাখছিল। আর চুরি করে অতীশের মুখ দেখছিল।

—রোজই আমি কেন জানি আশা করতাম, তুই আমাকে চিঠি লিখবি। এখন দেখছি নিজেই হাজির। আমার ঈশ্বর তোকে এখানে নিয়ে এসেছেন। আমি প্রার্থনায় বিশ্বাস করি অতীশ।

অতীশ বলতে পারত, দেশ ভাগের পর আমরা এক মহাপ্রাবনে ভেসে যাচ্ছিলাম। সেখানে দু' পারের সব কিছু অদৃশ্য হয়ে যাচ্ছিল। কোথায় কার ঘরবাড়ি কিছুই চোখে পড়ছিল না। কে কিভাবে বেঁচে আছে জানার কোন উপায় ছিল না। এখন প্রাবনের জল নেমে এসেছে। দু-পাড়ে বাড়ি-ঘর মাঠ, গাছপালা, পাখি সব এখন দৃশ্যমান। কিন্তু মানুষের যা হয়, জীবন বয়ে যেতে যেতে সে অল্প এক প্রাবনে ভেসে যায়। সে কোথাও স্থির থাকতে পারে না কমল। আমিও এক জায়গায় স্থির বসে নেই। কত রকমের জটিলতা আমাকে গ্রাস করছে তুমি জান না। কাল সারারাত ঘুমাতে পারি নি ভাল করে। এখানে আসার পর কেন জানি না আঁচির প্রেতাত্মার আবার গন্ধ পাচ্ছি। গন্ধটা পেলেই বুঝি আমার খুব সতর্ক থাকা দরকার। কোন দিক থেকে কি বিপদ আসবে বুঝতে পারছি না।

কমল সহসা বলল, তোর বৌ দেখতে কেমন হয়েছে রে?

—খুব সুন্দর। খুব ভাল মেয়ে।

—ভূঁইয়া দাছ কোথায় আছেন?

অতীশ বুঝতে পারল কমল তার সোনা জ্যাঠামশাইর খবরাখবর নিতে চায়।
সে বলল, বড়দার কাছে আছেন।

—তোমার সেই পাগল জ্যাঠামশাই?

—তিনি কোথায় চলে গেছেন?

—কোথায় গেলেন। কোন খবর পাস নি?

—না। বাবা জ্যাঠামশাই ঘর-বাড়ি বিক্রি করে চলে এলেন এখানে।
আমরা সবাই। তার পরের ঘটনার কথা ভেবে হাসি পেল অতীশের। সে তখন
জানতও না, হিন্দুস্থান বললে মাদ্রাসের কোন ঠিকানা বোঝায় না। কত সরল বিশ্বাসে
সে একটা গাছে লিখে এসেছিল, জ্যাঠামশাই আমরা হিন্দুস্থানে চলিয়া গিয়াছি।
অতীশের কথা বলতে গিয়ে কেন জানি চোখে জল এসে গেল। অতীশ চোখ
আঁড়াল করার জন্য মুখ ঘুরিয়ে বলল, উঠি কমল।

—দাঁড়া। আর একটু বোস। বলে কমল উঠে এল তার কাছে। তারপর
কেমন ঝুঁকে পড়ল মাথার ওপর। নাক টানল, তারপর কেমন হতাশ গলায়
বলল, ইঁা রে তোমার গায়ে যে চন্দনের গন্ধ লেগে থাকত, সেটা টের পাচ্ছি না
কেন রে।

অতীশ বলল, আমার গায়ে কবে চন্দনের গন্ধ ছিল কমল।

—ছিল। তুই জানতিস না। ছাদে আমি প্রথম গন্ধটা পাই।

—এখন নেই?

—না।

—বোধহয় তাও হারিয়েছি।

—এই তুই দাঁড়া তো!

অতীশ দাঁড়াল। কমলও পাশে এসে দাঁড়াল। আশ্চর্য স্রষ্টাণ কমলের
শরীরে। প্রায় গা বেঁধে। সেই বালিকা বয়সের মতো মাথায় হাত তুলে
দেখল, অতীশ তার চেয়ে কতটা লম্বা! অনেকটা। হাত নামিয়ে বলল, তুই
আমার চেয়ে তখন খাট ছিলি না রে?

অতীশ বলল, মনে নেই।

—আমার সব মনে আছে! সব।

সব বলতে কমল কি বোঝাতে চায়। কমলের কি সংশয় জন্মেছে, প্রাচীন
শ্রাওলা ধরা ঘরটার স্মৃতি সে ভুলে গেছে! সে ইচ্ছে করেই বলল, তোমার মুখ
বাদে আমার কিছু মনে নেই কমল।

—চিঠিটার কথা ?

—তাও ভুলে গেছি।

—এত ভুলে গেলে কোম্পানি চালাবি কি করে ? কমল কেমন একটু রুচ হয়ে উঠল।

—কুস্তবাবু আছে। মুনসীবাবু আছেন।

—তোর নিজের কিছু থাকবে না ! না থাকলে ওরা পেয়ে বসবে না !

অতীশ কোন জবাব দিল না।

কমলের ঝুঁকু তীক্ষ্ণ নাক মুখ। স্বর্ণ চাঁপার মতো রঙ। আর বড় বড় চোখ। পরনে লাল পেড়ে সিল্ক—যেন আগুন হয়ে জ্বলছে তার পাশে। অন্ধকারে মোমের আলোর মতো জ্বলছে। তার ভয় হচ্ছিল। কেউ এ-ঘরে আসতে পারে, রাজেন্দ্রনাথ আসতে পারে। এত কাছাকাছি যে সে ঘেমে উঠছিল। কমল তখনই বলল, অতীশ তুই নষ্ট হয়ে গেছিস। তুই আর ভাল নেই। চন্দনের গন্ধ চলে গেলে কেউ আর ভাল থাকে না।

সে বলতে পারত, জীবনে এক পরিমণ্ডল থেকে অন্য এক পরিমণ্ডলে চলে আসছি কমল। বয়স বাড়ছে, আর পরিমণ্ডল পরিবর্তিত হচ্ছে কমল। এখন আর ইচ্ছে করলেই হুম করে কাজ ছেড়ে দিতে পারব না। সেদিনও যা পেরেছি, আজ আর তাও পারব না। আগে আমার একটা ছোট জাহাজ ছিল। জাহাজটার যাত্রী মা বাবা ভাই বোন। এখন জাহাজে যাত্রী বেড়েছে। নির্মলা, মিন্টু টুটুল নতুন যাত্রী। এই জাহাজটাকে চালিয়ে ঘাটে পৌঁছে দিতে হবে। আগে জাহাজের ক্রু ছিলাম। এখন নিজেই কাপ্তান। খুশি মত যেখানে সেখানে তাকে ছেড়ে দিতে পারি না। যাত্রা অনিশ্চিত। তবু ঘাটে পৌঁছাব বলেই এই বড় শহরে চলে এসেছি। তুমি আমাকে যতই নষ্ট চরিত্রের বল, আমি আর কিছুতেই দাবড়াব না। তারপরই মনে হল সে কি সব হিজিবিজি ভাবছে। কমল কখন চলে গেছে এই বিলাস কক্ষ থেকে সে টেরও পায় নি। সামনে সেই উদ্দি পরা হাস্য-যুবক—সে বলছে, আজ্ঞে আইয়ে সাব। সে তাকে পথ দেখিয়ে নিয়ে যাচ্ছে।

স্বাভার টেলিমে কুমারবাহাদুর ঠাট্টা করে বৌরাণীকে বললেন, ছাশের পোলা কিডা কয়।

বৌরাণীও ঠাট্টা করে বলল, কিছু কয় না। তারপর চামচে করে সামান্য গ্রীন পিজ মুখে দেবার সময় খুব গম্ভীর হয়ে গেল বলতে বলতে, ওকে না আনলেই

ভাল করতে। ওর বাপকে চিনি, ওর জ্যাঠামশাইকে চিনি। সেকেলে মানুষ। ভাল মানুষ। অতীশও তাই। ওর বড় জ্যাঠামশাই পাগল হয়ে গেছিলেন। অতীশের আর কি সম্ভ্রান্ত চেহারা, ওর পাগল জ্যাঠামশাইকে না দেখলে বিশ্বাস করা যায় না মানুষ দেখতে কত সুপুরুষ হয়। ভূঁইয়া দাতুকে আমাদের বাড়ির সবাই সমীহ করত। বাবা ঈমার ঘাট থেকে নেমে প্রথম সে মানুষটার পায়ে মাথা ঠুকতেন। নিয়ম ছিল, আমাদেরও গড় হওয়া। তাঁর ভাইপোকে এনে কতটা ভাল করলে মন্দ করলে বুঝতে পারছি না।

৭

সকাল থেকেই সুরেনের মেজাজ বিগড়ে গেছে। সকালেই সে মেজ মেয়েটাকে সেই খারাপ লোকটার ঘরে যেতে দিল। লোকটা লম্বা চ্যাঙা। চুপচাপ জানালায় বসে থাকে। বিড়ি খায়। রেলের কাজ করে। মেসবাড়ির একটা আলগা ঘরে থাকে। জানালার একটা পাট বন্ধ থাকলে ভেতরে লোকটা কি করছে বোঝা যায় না। বাতাসী চা পাউরটি এনে দেয় রাস্তা থেকে। কখনও বাতাসী মুড়ি। বিড়ি পান যখন যা দরকার বাতাসীকে দিয়ে আনায়। সঙ্গে দশ-পাঁচটা পয়সা বেশি দেয়। একবার আলতার শিশি পাউডার কিনে দিয়েছিল। তা ছাড়া দরকারে-অদরকারে সুরেনকে পাঁচ-সাত টাকা ধার দেয়। ধার দিলে আবার ভুলেও যায়। কিন্তু এবারে কিছুতেই ভুলছে না। সকালবেলাতেই ডেকে বলল, অ সুরেন টাকা কটা দেবে নাকি ?

কদিন বাতাসীকে যেতে দেওয়া হয় নি। কুস্তবাবুর বাসায় সকালেই চলে যায়। রাসি রুটি দুখানা খেতে দেয় কুস্তদার বোঁ। দুপুরে ডাল-ভাতও দেয়। রাতে কুস্তবাবু ফিরে না এলে ছুটি হয় না বাতাসীর। কুস্তবাবুকে খুশি রাখার জন্তু সে বাতাসীকে ছেড়ে দিয়েছে। বাতাসী কোন দিক সামলাবে। টাকাটা চাইতেই সে বাতাসীকে বলল, যা হামুবাবুর ঘরে যা। ষাট-কাট দিয়ে আয়। খুব চটে গেছে। তারপরই মনে হয়েছিল মেয়েটা যেন খুব খুশি বাপের কথা শুনে। বলল, যাচ্ছি। এবং চুলে কাঁকুই দিয়ে বেশ সেজে-গুজে যেতেই মেজাজটা বিগড়ে গেল। তোর বাপের বয়সী মানুষ তার কাছে এত সাজ-গোজের কি থাকে! কিন্তু টাকাটা বড়ই দায় তার। গেলে যদি টাকাটার কথা হামুবাবু ভুলে যায়। তার-পরই মনের মধ্যে কূট কামড়। মেয়েটা তার ভাল করে বড়ই হয় নি—অথচ খুব

পেকে গেছে। মাঝে মাঝে এমনভাবে পুরুষমানুষ দেখলে ফিক্‌ফিক্‌ করে হাসে যে তার বুকে হিম ধরে যায়। তখন কাশিটা বাড়ে। বাতাসীর ঘর বাঁট দিতে অত সময় লাগার কথা না। কি করে! মনের মধ্যে তার প্রবৃত্তি ছোট হয়ে যায়। টুক টুক করে জানালায় হেঁটে এসে বলে, অ হামুবাবু, বাতাসীর হল!

হামুবাবু জানালার ফাঁক দিয়ে গলা বাড়িয়ে বলে, স্বরেন নাকি!

হামুবাবু নিচের দিকে হাত টেনে কি সামলায়। ঘরে বাতাসী আছে কি নেই বোঝা যাচ্ছে না। হামুবাবু শুয়ে আছে। হামুবাবু পোশাক-আসাকে বড়ই চিলেচালা। যতক্ষণ ঘরে থাকবে শুধু একটা আগারওয়েয়ার পরনে। মাকুন্দ মাহুষ, গায়ে একটা লোম নেই, চুল ছোট্ট করে কাটা—মাথা নাকি এতে হাল্কা থাকে। একটা জানালা একটা দরজা। মেসবাড়ির ভেতরে না ঢুকলে দরজাটা দেখা যায় না। বাতাসী কি করছে! স্বরেন বলল, বাতাসী, হয়েছে তোর!

বাতাসী ভেতর থেকেই বলল, এই হল যাই। হামুকাকার কাপ-ডিশ ধুয়ে যাচ্ছি।

—সকাল সকাল চলে যাস মা। কুস্তবাবু বের হয়ে যাবে।

বাতাসী ফ্রক গায়ে দেয়। ফ্রক গায়ে দিলে বড়সড় লাগে না। আর যে বয়সে যতটা শরীরে বড় হওয়া দরকার ছিল, যেন তা বাতাসীর ঠিকঠাক বড় হয় নি। অকালে সব অপুষ্টির জন্ম। কিন্তু মাহুষের সব জায়গায় অপুষ্টি বুঝি এক রকম থাকে না। স্বরেন ভাবল এটা-ওটা বলে দাঁড়িয়ে থাকা যাক—তাহলে এই যে গায়ে-কায়ে হাত দেওয়া সেটা হামুবাবু পারবে না। তবে সে আর কতক্ষণ—আর একটু বাদেই অফিস, তখন ছানাপোনাগুলি বেড়াল ছানার মত ম্যাও ম্যাও করে এখানে সেখানে ঘুরে বেড়ায়। কিছু গন্ধটন্দ পেলেই দাঁড়িয়ে যায়। তবে ঐ একটা স্তবধে। বয়স বাড়লে তার মেয়েরা আদর পায়। স্তবীর বেলাতেও দেখেছে। শরীরে মাংস লাগতেই রাধিকাবাবু বললেন, বিয়ে দিয়ে দে। ভাল ছেলে। জমি-জমা আছে। ইন্টিশনে ভাজাভুজির দোকান আছে। থাকবে ভাল, থাকবে ভাল। প্রায় বলতে গেলে ওরা তুলে নিয়েই গিয়েছিল। বাতাসীও আজকাল আদর পেতে শুরু করেছে।

স্বরেন বলল, সিগারেট আছে নাকি হামুবাবু?

আমি ত আজকাল গাঁজা খাচ্ছি স্বরেন।

স্বরেন কেমন ভীত গলায় বলল, অত কড়া সহ হবে না। গাঁজা খায় লোকটা সে শুনেছে। ইদানিং অফিসেও যায় না? এই ঘরটায় বসে বসে কেবল আইনের

বই পড়ে। হাম্বাবুর ধারণা, তার বিরুদ্ধে সবাই ষড়যন্ত্র করছে। 'সেই ষড়যন্ত্র আটকাবার জন্য সে এখন আইনের বই ঘাঁটাঘাঁটি করছে। মাঝে দেখেছে কপালে লগ্না সিঁছরের ফোঁটা টেনে কোথায় একবার নিরুদ্দেশ হয়ে গেল। কিরে এসে বলল, তীর্থে গেছিলাম। বাতাসীকে দিয়ে কাশী বিশ্বনাথের প্রসাদও পাঠিয়েছিল।

স্বরেনের কাছে হাম্বাবুর সবটাই ভাল, ঐ হাত-কাত দেয় এমন একটা খান্দা দেখা দিতেই মনটা বিগড়ে গেছে। আগে সে এটা বুঝতে পারত না। তার মেয়েদের আদর করে ডাকত ঘরে, বাতাসী টেবি সবাইকে। লজ্জাপ দিত খেতে। চা বানিয়ে নিজে খেত, মেয়ে তিনটেকে দিত। মুড়ি বাদাম ভাজা মেখে ভাগ ভাগ করে দিত। তিনটে মেয়েই হাম্বাবুর গ্যাওটা। রথের মেলায় গেলে দশটা করে পয়সা। এত কে করে! কিন্তু বাতাসী না গেলে রাগ করে। পয়সা ফেরত চায়। এটা স্বরেনের মনে ধন্দ ঢুকিয়ে দিয়েছে। কুট কামড়। সে ডাকল, হল বাতাসী।

—তুমি যাও না স্বরেন! হলেই চলে যাবে।

—বাবু আমরা হলেম পে কপাল পোড়া মানুষ। তা ঘরে আপনার থাকলে হাতের কাজ এগিয়ে দিলে কার কি আসে-যায়। কিন্তু কুস্তবাবু অকিসে যাবে ত।

—তা বাতাসী কেন?

—উ কুস্তবাবু আর ভরসা পায় না।

হাম্বাবু সব জানে। নতুন বাড়ির ওদিকে জানালাটা খুলে গেলেই সব বোঝে। সে বলল, পাহারা দিয়ে কিছু হয় না স্বরেন। এ হল গো ঘুসঘুসে আগুন। কেবল পোড়ে। আর পোড়ে।

—ভাল আছেন বাবু বিয়ে-থা করলেন না। মৃত্যু। কি খাব, কি খাওয়াব ভাবতে হয় না। ওরে বাতাসী হল?

হাম্বাবু বিরক্ত হয়ে উঠে বসল। পা দুটো কাঠি কাঠি—বৃক্ষণ সব ভেসে উঠেছে। রক্ত শরীর। মাংস না থাকলেও ছিবড়েটা আছে শরীরে। চোখ লাল করে বসে থাকে। গাঁজা খেলে চোখ সাদা থাকবে কি করে। তুরীয় ভাব সব সময়। কাজ-কাজ করে যা পায়, তাও নেশা-ভাঙে ওড়ায়। খায়-দায় কম। মেসে দুবেলা খায় ঐ নামে। আর কেবল মানুষের বসে বসে আত্মপ্রাণ করে। কোথায় মিছিল হচ্ছে, কোথায় প্লাবন হচ্ছে খুঁটিয়ে খুঁটিয়ে কাগজে দেখে। এতে তার খুব আনন্দ। কাগজটা মেলাই আছে। অপঘাত মৃত্যু, বালিকা হরণ,

বাসের চাকায় চেপ্টে গেছে, বৌ পলাতক, এ-সব খবর পড়ে লোকটা মজা পায়।

স্বরেন ভাবল, আজ কি মজার খবর আছে জেনে নেয়। এতে তারও মজা আছে। এই একটা জায়গায় হামুবাবুর সঙ্গে তার খুব মিল। সে বলল, কাগজে আর কি খবর হামুবাবু।

—খবর তো অনেক। তোমার রাজার মাথা ঠিক আছে ত।

স্বরেন বুঝতে পারল না, এ-কথা কেন সে বলল,—রাজার কি অভাব আছে হামুবাবু, মাথা ঠিক থাকবে না।

—তুমি একখানা মালুখ বটে স্বরেন। কাকের মত স্বভাব।

এই সন্ধ্যাবেলা কাকের সঙ্গে তুলনা করায় সে খুব আহত হল। কাক হল নিম্নস্তরের প্রাণী। সে হল নবীনগরের গাঙ্গুলীবংশের মানুষ। দেশ ভাগ হয়ে গিয়ে এত ক্ষেত্র। তাই এই লোকটা তাকে ফংপরোনাস্তি কটুক্তি করছে। সে মুখ ব্যাজার করে বলল, কাক কেন বাবু কোকিলের কথা বলুন।

—কোকিল কি আত্মা আছে। তুমি একটা আত্মার মত কথা বলছ। যেন কিছু জান না। খবর পাও নি!

স্বরেন খুব মহামুশকিলে পড়ে গেছে।—কি খবর। এ-বাড়িতে ত সকাল হলেই খবর লেগে থাকে। এই সেদিন, বৌরাণী নতুন ম্যানেজারকে অন্তরে ডেকে পাঠিয়েছিল বলে একটা খবর হয়ে গেল। ঘরে ঘরে এক কথা। এ-বাড়ির সব ভাঙছে। কেবল ভাঙচুর হচ্ছে। এটাতেও সে মজা পায়।

তখনই হামুবাবু বলল, তোমার রাজার ফুটানি এবারে যাবে। বুকেছ। বস্তি সব সরকার নিয়ে নেবে বলেছে। বিল আসছে।

সে বলল, তাই হয় যেন বাবু। সব যাক। ফিসফিস করে বলল, আমাদের রতনবাবু, চিনেন না, রাধিকাবাবুর শালক। নলগায়ের এজেন্ট ছিল, রাজা ওটাকে তাড়িয়েছে। লাখ টাকা নাকি মেরে দিয়ে সরে পড়েছে।

—রাজা কেস করছে না কেন।

—কেস! কি যে বলেন! রক্তে রক্তে পোক। কোথাকার জল কোথায় গড়াবে—রাজা মামলা একেবারে পছন্দ করে না। কত খাবি, নে লাখ টাকা নিয়ে স্থখে থাক।

—তাড়িয়ে দিল কেন! ওতো জেনে-শুনেই চোর পোষে। দু-পয়সা তোমার রাজারও হয়, তারও হয়। সাদা টাকা আর কে চায় এখন।

স্বপ্নে বলল, ভালো সিগারেট না থাকলে একটা বিড়ি দেন, ও বাতাসী তোর হল? আমার হয়েছে জ্বালা। বাবু আপনাকে কত বললাম, নব্বয়ে একটা কিছু করে দিন, মাথা ঠিক রাখতে পারছে না। কাল সারারাত ফেরেনি। কি দুর্ভাবনা কন। সকালে হাজির। বললাম, কোথায় গেছিলি। তোর জননী সারারাত না ঘুমিয়ে থেকেছে।

—কোথায় গেছিলি।

—রাস্তায় দাঁড়িয়ে গাড়ি গুনছিল নাকি।

—কে দিল এ-কাজ।

—নিজেই ঠিক করে নিয়েছে। পয়সা হাতে না থাকলে কি করবে। বলল, কাজটা খুবই ভাল। এতে কারো চোখ টাটায় না।

হামুবাবু বুঝতে পারল, বেকার থাকলে মাথায় গুণগোল দেখা দিতেই পারে।

—তুমি বললে না, গাড়ি গুণে কি হবে?

—আমার কথা শোনে!

—গাড়ি যখন গুনছে তখন ধূপকাঠি বিক্রি করছে না কেন?

—সেটা বুঝিয়ে বলুন না আপনারা! তারপরই মনে হল, গাড়ির সঙ্গে ধূপকাঠির সম্পর্ক কি থাকতে পারে? সে বলল, এ-কথা কেন বাবু?

—আজকাল দেখতে পাচ্ছ না, কত ধূপকাঠি জ্বলছে। সবাই ঘরে এখন ধূপকাঠি পোড়ায়। তোমাদের নতুন ম্যানেজারের নাকি গোছা গোছা ধূপকাঠি লাগে। ভাল ধ্বংসের। তারে পাকড়াও না।

—তারে ত কুস্তবাবুরে ধরে সিট মেটালে চোকানো যায় কিনা দেখছি। কুস্তবাবু নাকি হাতের মুঠোয় এনে ফেলেছে মালুঘটাকে। কাজ একদম বোঝে না। কুস্তবাবু পাশে না থাকলে চোখে আন্ধার দেখে।

—নব্বয়ে পাঠিয়ে দাও না নতুন ম্যানেজারের কাছে। কুস্ত তোমাকে ঘোরাবে।

—পাঠাব কি বাবু পেনসিল নিয়ে বসে এখন অঙ্ক করছে।

—আবার পরীক্ষা দিচ্ছে নাকি!

—পরীক্ষা না বাবু। সকালে এসেই মানটান সেরে মাদুর বিহিয়ে বসে পড়েছে। কেবল গুণ অঙ্ক!

—এত গুণ দিয়ে কি হবে?

—কি নাকি হিসাব করে দেখছে। দেশের অপচয় কতটা দেখছে। এই অপচয় বন্ধ করলে, কতজন বেকার কাজ পেতে পারে তার একটা সরল অঙ্ক মাথায় এসে গেছে তার। কিছুতেই মাতুর থেকে ওঠানো গেল না।

—নবর মাথা পরিষ্কার ছিল। তুমি পড়ালে না সুরেন! আমার ঘরে এসে কাগজ পড়ে যায়। কত বকমের প্রশ্ন করে। আমি ঠিক উত্তর দিতে পারি না। হামুবাবুর মধ্যে এখন একটা ভালমানুষ দেখা দেওয়ায় খুব গম্ভীর গলায় কথা বলছে।

—খুব মনে রাখতে পারে। কিছু বললেই সাল তারিখ উল্লেখ করে বলবে, সব বোটা কেরববাজ। ঘুষখোর। ধান্দাবাজ। সেতো কাউকে মানে না বাবু! ঈশ্বর পর্বন্ত তার কাছে একটা হারামী। বলেন, এ ছেলের কি গতি হবে।

হামুবাবু এবার কি ভেবে বলল, এই বাতাসী যা। আজ আর আসতে হবে না। কাল সকালে কুস্তুবাবুর বাড়ি যাবার আগে একবার আসিস। আর সঙ্গে সঙ্গে বাতাসী বের হয়ে গেল। সুরেনের ইজ্ঞতে বড় লাগল। বাপের কথায় গ্রাহ নেই। বাপ নয়, কাকা নয়, মামাও নয় লোকটা, তার কথা কেবল শোনে। সুরেনের আবার কান্না উঠল। কফ উঠল। সে জানালার পাশেই কফটা ফেলে রাখল। কফের পোকা দেয়াল বেয়ে উঠুক। জখম করুক লোকটাকে। এ-মুহুর্তে সেও মেশাখোরের মত বলল, মানুষ জাতটাই হারামী। জাতটার সব অঙ্গে ঘা হোক পোকা-হোক। বসে বসে দেখি। এবং এইসব বলতে বলতে সুরেনের মাথা গরম হয়ে গেল। সব তার হাতের নাগালের বাইরে। বড় ছেলে তাও বকে যাচ্ছে। সব কনিষ্ঠটিও তার পুত্র সন্তান। হামাগুড়ি দেয়। উঠে দাঁড়ায়। হাতে তালি বাজায়। পা পা করে হাঁটে। সামনে এক মানুষ সমান গর্ত। সারা বাড়ির মলমূত্র সেখান দিয়ে বয়ে যায়। ধর্মপত্নীকে বার বার সাবধান করে দিয়েছে, ডুববে। সব ডুববে। ধর্মপত্নীর এক কথা, কপালে থাকলে হবে। বিধাতার ওপর বড়ই বিশ্বাস! পাঁচ পাঁচটা নর্দমা পার হয়ে গেল, এই একটার বেলায় তেনার যত আদিখ্যেতা। কেউ তাকে মর্খাদা দেয় না। বাতাসী না, টেবি না, স্ত্রী না। বড়টা তো এখন অঙ্ক নিয়ে বসেছে। কোথা থেকে বগল দাবা করে এনেছে কাটা কাগজ। তাতে একটা রোঁয়া ওঠা পেন্সিল দিয়ে লগ্না অঙ্ক করছে। কার মাথা ঠিক থাকে। এখন গিয়ে মনে হল লাথি কষায়, হারামজাদা ইতর, কাজের কাজ না করে অঙ্ক করা। অঙ্ক করবে বাবু। তেনাদের হিসাব রাখতে হয়। তোর আছোটা কি হিসাব রাখবি। নর্দমা পার হয়েই হাঁক পাড়ল, বাবা নব, অঙ্ক তোমার হল?

—না বাবা। এই আর একটু তবেই হিসাব মিলে যাবে।

—বাবা নব, তুমি আর অঙ্ক কর না। হামুবাবু বলল, ধূপকাঠি বিক্রি করতে পুঁজি কম লাগে। নতুন ম্যানেজার বড় স্বপ্নের। সময় থাকতে পাকড়ে ফেল।

নবর বড় বড় চুলে কপাল ঢাকা। সে ছুয়ে অঙ্ক করছে। শিরদাঁড়াটা দাঁড়াশ সাপের মত মোটা হয়ে নেমে গেছে কোমরে। তার দু-পাশে পাজরা, অঙ্কের হিসাব মেলে না। যতবার গুনেছে এক দিকে পাঁচটা অপর দিকে এগারটা। ভাতারবাবু তার পাজরার হিসাব দিয়েছিল, বাইশটা। তার নিচে দুটো হলধে খলে পাঠার ফুসফুসের মত সেখানে নাকি বিজবিজ্ঞে পোকা বাসা বানিয়েছে। সে ভাল হয়ে যাওয়া মানেই সেখানে বড় রকমের একটা হত্যায়জ্ঞ।

সে এবার বলল, বাবা নব, তোমার অঙ্কের বিষয়টা জানতে পারি? হামুবাবু বললেন, বিষয়টা জেনে নাও।

—হামুবাবুকে বলবে, ওকে ধরে আমি ঠাণ্ডাবো, অঙ্ক করছি, এখন ডিস্টার্ব করবে না।

—তুমি বারান্দা থেকে নেমে অঙ্কটা কস। আমার স্নানের সময় হয়েছে। দুটো মুখে দেব বাবা।

নব খুব দার্শনিকের মত ঊঁবু হয়েই বলল, খাওয়াটা বড় কথা নয়। খেলে পেট ভরে এটুকু হলেই তোমার বাসনা উবে যায়। কিন্তু তারপরেও থাকে। তার খবর রাখ না!

—অত খবরে কাজ নেই বাবা নব। আমি অবগাহনে যাচ্ছি। তুমি নতুন ম্যানেজারকে গিয়ে বলে এস, এবার থেকে যত ধূপকাঠি লাগবে আমি দেব। পয়লা এই দিয়ে শুরু করে দাও। আলামোহন জীবন এ-ভাবেই শুরু করেছিল জান?

নব জানে, এগুলো সবই বাবার ধর্ম কথা। সেই কবে থেকে নজির টেনে আসছে। বাপের বিয়ে ক্লাস এইট পর্যন্ত। ঐ বিতায় যা খবর সংগ্রহ করেছিল সেটাই এখন জীবনে মূলধন হয়ে আছে। এই নিয়ে একশ আটাশবার বাবা আলামোহন দাসের নজির টানলেন। সে অঙ্কটা করছে বলে মাথা গরম করতে পারছে না। তা না হলে কুরুক্ষেত্র বেধে যেত। এটাও এ-বাড়ির সকাল বিকেলের ধর্মযুদ্ধ! সে তাই মাথা ঠাণ্ডা রেখে বলল, অঙ্কের হিসেবটা শোন তাহলেই মাথায় খাওয়া উঠে যাবে। ভি আই পিতে চকিশ ঘন্টায় গাড়ির সংখ্যা তোমার সতের হাজার চারশ আটাশ। এই সংখ্যাকে তুমি গুন দাও

তিনশ পয়ষটি দিয়ে। তোমার মনে আছে ত এই কটা দিনে পৃথিবীতে বছর হয়। তারপর গুণ কর গড়ে চার লিটার তেল। তারপর গুণ কর।

—কি দিয়ে গুণ করব বাবা ?

—দাম। তেলের দাম। কত টাকা হয় জ্ঞান। তোমার মাথায় আসবে না। বাবুদের বাবুগিরিতে একটা পঞ্চাশ হাজার একর জমির চাষ বছরে তি আই পিতে উবে যায়। এই দেশে কত এমন তি আই পি আছে। কত পঞ্চাশ হাজার একর চাষ হতে পারে কত পঞ্চাশ লক্ষ বেকার চাকরি পেতে পারে ভেবে দেখ।

স্বরেন ভাবল ছাওয়ালের মাথাটি গেছে। রেগে গেলে মাতৃভাষা তার লজ্জে আসে। সে বলল, বাইর হ শুয়ার। বাইরাইয়া যা। সে কি খুঁজতে থাকল। বোধ হয় লাঠিটাটি সে আব্রুরক্ষার্থে লাঠি টেনে বের করতে গেল।

বাপের এই রাগকে নব গ্রাস্ করে না। লাঠি টেনে এনে মাথায় তুলতেই থপ করে ধরে কেলল। পাশের খুপরি থেকে কখন বের হয়ে আসছে ছুতোর হরিচরণ, তার বোঁ, ছোট মেয়েটা তার পাশ থেকে ছুটে এসেছে রাজমিস্ত্রি অধীর। বিপত্নীক বলে একা। সঙ্গে পুটি ভবকা ছুড়িটা। নবর সঙ্গে মাঝে মাঝে ঠাট্টা-তামাশা করে। কোলাহল শুনে বাবুচিপাড়ার লোকজনও ছুটে এল। এরা সব একই লাইনবন্দী লোক। দুঃখ-কষ্টে একই গোত্রের মানুষ। স্বরেনের আজ আবার কি নিয়ে মাথা গরম হয়েছে। ওরা এসে দেখল নব বাপের লাঠি কেড়ে নিয়ে তার ওপর বসে আছে। আর মুখের ওপর আঠা দিয়ে জোড়া একটা লম্বা তালিকা। সে সেটা খুব নিবিষ্ট মনে দেখছে। মুখ নিশ্চিন্তে আড়াল করে হিসাবটা ফের মিলিয়ে দেখছে।

সবাইকে লক্ষ্য করে স্বরেন বলল, বলেন, কার মাথা ঠিক থাকে। তুই আমার জ্যেষ্ঠ পুত্র, তুই আমার শ্রদ্ধের অধিকারী আর তুই তোর পিতৃদেবকে কল্য দেখাস। দিনরাত টোটে করে ঘুরে বেড়াস।

রাজমিস্ত্রি অধীর বলল, দিনকাল খুবই খারাপ। আমাদের সময় যা হক করে কেটে গেল। বড় খারাপ দিন আসছে। লোক সব নী খেয়ে মরে যাবে। কলিতে মানুষের হেনস্তা কত। আগে থেকে হিসেব করে না চললে তারপর ভডনং। রাস্তায় ঐ পাগলটার মতো হাঁকতে হবে—কি যেন হাঁকে, ও হরিচরণ, কি যেন সাধুবাক্য কর।

—ও মনে থাকে না। কাল দেখি পাগলার মাথায় একটা কাগের পালক বাঁধা মার রাস্তায় উল্লসনেত্রে দাঁড়িয়ে আছে।

তখনই কেমন হাঁশ করে এল সুরেনের। তার জ্যেষ্ঠপুত্র পাগল হয়ে যাচ্ছে না। ত। পাগলের উপদ্রব খুবই বেড়েছে। দোতলা বাড়িটায় থাকে পাগলাবাবু নতুন ম্যানেজরের মাথায়ও কি নাকি আছে। সারা রাত ধরে ধূপকাঠি জ্বালিয়ে নাকি বসে ছিল। আর পাগলাবাবুর ত কথাই নেই। নতুন বাবু আসার পরই কেমন বিবেচক মানুষ হয়ে গেল। বিকেলে এখন মাঠে বেড়াবার অনুমতি পর্যন্ত পেয়ে গেছে। সে বলল, বাবা নব মাথা ঠাণ্ডা কর। মাথার মধ্যে গৌজা দিস না। ওতে বিপত্তি বাড়ে। তোর চাকরির ভাবনা কি। কুস্তবাবু বলেছে সিট মেটালে তোর একটা কিছু হয়ে যাবে বাবা। ছেলের মাথা ঠাণ্ডা করার জন্ত সাহস দিল। ঘেন সবই ঠিক হয়ে গেছে।

হরিচরণ বলল, তুমি যাও সুরেনদা। এখানে থাকলে তোমারও মাথা খারাপ হয়ে যাবে। অগত্যা সুরেন অবগাহন করবে বলে বের হয়ে গেল। সামনেই দুটো বড় বড় পুকুর। এ-ছাড়া আছে অন্দরের পুকুর। অন্দরের পুকুরের চারপাশে উঁচু দেয়াল। তার ওপর ঝাঁটাতারের বেড়া। ও-পাশে মাঠ। মাঠের পর গোয়ালবাড়ি—তারপর জেলখানার মতো উঁচু পাঁচিল। অন্দরে নতুন বোঁরাগী সকালে শাঁতার কাটেন। গায়ে-পায়ে প্রায় নাকি উলঙ্গই থাকেন তখন। একমাত্র খাস বেয়ারা শঙ্খ থাকতে পারে কাছে। তার হাতে তোয়ালে, গন্ধ সাবান এবং কতরকমের সুগন্ধী তেল। কুমার বাহাদুর বেতের চেয়ারে পাশের লানে বসে থাকেন। নভেল পড়েন। চুরুট খান। বোঁরাগী এসেই একটা নিজস্ব ফুলের বাগান করেছেন। সেখানে দুজনে জ্যোৎস্না রাতে ঘুরে বেড়ান। কত সব পাথরের মূর্তি সেখানে। স্নানে গেলেই মনে হয় পাঁচিল বেয়ে একবার ঐ ভিতরটা দেখে। কি ফুল, কি গাছ, কি দেবদেবীর মূর্তি আছে ওখানে দেখার একটা ঘুসঘুসে ইচ্ছা পুকুরের পাড়ে এলেই সুরেনকে কেন জানি পেয়ে বসে। সে এই খোলা পুকুরে শাঁতার কাটছে, তাকে দেখার কেউ নেই। সেও একসময় মেঘনা নদী পার হয়ে যেত। সেও একবার আসমানদি চরে শাঁতার দিয়ে রূপোর মেডেল পেয়েছিল। ধর্মপত্নী তার সাক্ষী। আর তখনই টেবি স্থায়ী আরও কেউ কেউ ছুটে আসছে। হাউহাউ করে চিংকার করছে। আর্ত চিংকার—বাবা তাড়াতাড়ি উঠে এস। দাদা কি করছে! কেমন করছে! সবাই জোরজোর করে ধরে রেখেছে। বাবা! বাবা!

মাথার সব উবে গেল সুরেনের। সে এসে দেখল নবর সঙ্গে ধস্তাধস্তি করছে সবাই। হরিচরণ হাত-পা বাঁধছে। সে বলল, কী হল নব বাবা? তোমরা ওকে ছেড়ে দাও। আমি দেখছি।

আরও সব লোকজন ছুটে এসেছে। প্রায় রাজবাড়ি ভেঙে। নব মাথা ঠুকছিল দেয়ালে। আমাদের ইজ্ঞত সব কেড়ে নিচ্ছে কেন। কেন, কেন? কপাল থেকে রক্ত পড়ছে। তারপরই সে কেমন হাত ছুড়ে বলল, খুন হবে, খুন। একটা খুন হবে। বলতে বলতে সে ছুটে রাজবাড়ির দেউড়ি পার হয়ে কোথায় অদৃশ্য হয়ে গেল।

অতীশ চোঁটামেটি শুনে বারান্দায় বের হয়ে এল। দেখল কিছু লোক দেউড়ির দিকে ছুটে যাচ্ছে। সে দেখল কুস্তবাবুর ভাইরা, দাস্তবাবু তার ছেলেমেয়ে, ওদিক থেকে আসছে। সে বলল, কি হয়েছে নিমু।

—স্বরেনের ছেলেটা বোধ হয় আত্মহত্যা করতে গেল।

—কোথায় গেল?

—রাস্তায়। গাড়ির তলায় চাপা পড়ে মরবে বলছে।

—কি হয়েছিল?

—চাকরি পাচ্ছে না। কাল নাকি সারা দিন ভি আই পিতে দাঁড়িয়ে গাড়ি শুগেছে।

এইসব অশুভ খবর অতীশকে খুবই বিড়ম্বনায় কলে দেয়। সে বুঝতে পারে না, স্বরেন এতদিন এই বাড়িতে কালাতিপাত করেও কেন ছেলের একটা কাজ সংগ্রহ করতে পারে না। সে দেখল তখন স্বরেনও ফিরে আসছে। অতীশ ওপর থেকেই বলল, পেলে?

—না। স্বরেন মাথা নীচু করে চলে যাচ্ছিল। মাহুঘের সন্তান কত প্রিয়— এই মাহুঘটারও তাই। চোখ মুখ শুকনো, বিপর্যস্ত এক মাহুঘ স্বরেন। সে যদি এখন ঘরে ঘরে আগুন লাগিয়ে দেয় তবু যেন তার সাতখুন হুঁমাপ। সে বলল, ভূমি একবার দেখা কর স্বরেন।

সে বলল, এখন ত হবে না বাবু। অফিসের টাইম হয়ে গেছে। পরে যাব।

আসলে মাহুঘ সেই কবে থেকে ক্রীতদাস পালন করে আসছে। তার থেকে মাহুঘ এখনও মুক্তি পায়নি। স্বরেন এখন ক্রীতদাসের ভূমিকা পালন করছে। তার নিজের মরার সময়টুকু নেই। ঠিকমতো হাজিরা না দিলে—কোনদিন একটা নোটিশ ধরিয়ে দেবে। তার লায়েক ছেলেটা কোথায় কি করছে এই মুহূর্তে তা নিয়ে ভাববারও সময় নেই। সবারই সন্তান-সন্ততি থাকে। তার নিজেরও আছে। সে কেমন নির্মম হয়ে গেল। সে সিঁড়ি দিয়ে নিচে নামতে থাকল। তারপর স্বরেনকে ডেকে বলল, কোন দিকে গেছে বলতে পার?

স্বপ্নের হতাশ গলায় বলল, মনু খানসামা লেন দিয়ে কোথায় চলে গেল।

অতীশের এই এক বিড়ম্বনা—কোথায় গেল বাপের কোন তাড়া নেই। সে কুস্তবাবুর বাড়ির পাশে আসতেই দেখল, একটা জটলা। অতীশকে দেখে কেউ কেউ চুপ করে গেল। কুস্তবাবু দরজায় দাঁড়িয়ে কথা বলছে। অতীশকে দেখেই বলল, আহ্নন দাদা, ঘরে আহ্নন।

—স্বপ্নের ছেলেটা নাকি চলে গেছে?

—আবার আসবে।

—বাসটাসের তলায় পড়ে নাকি মরবে বলছে।

—কতবার মরে এরা। সে-নিয়ে আপনার মাথা খারাপ করে কি হবে দাদা। আমরা কি করতে পারি। সরকারই কিছু করছে না। রাজাকে বললেও বলবে, দেয়ার ইজ গভমেন্ট, গো টু হিম। আমরা তো শোষণ করছি, আমাদের কাছে আর আসা কেন।

অতীশ এ-মুহুর্তে এই ছেলেটার জন্ম আর কার কাছে যাবে ঠিক বুঝে উঠতে পারল না।

সকালে উঠেই অতীশের কিছু লেখালিখি থাকে। লেখা নিয়ে নিবিষ্ট থাকতে হয়। আজ সকালে উঠে একটা লাইন লেখা হয়নি। বাড়ির জন্ম মনটা কেমন উদ্বিগ্ন হয়ে আছে। নির্মালা লিখেছে, টুটুলের জ্বর। বাবা নেই বলে মিস্ট্রু.মন খারাপ। সে স্ত্রী পুত্র ছেড়ে কোথাও এতদিন একা থাকেনি। সকালেই সে এক-বার তার কোয়ার্টার দেখতে গিয়েছিল। বড় বড় তিনখানা ঘর। সামনে লম্বা বারান্দা। রান্নাঘর বাথরুম। অন্দরের লাগোয়া ঘর। দরজায় দাঁড়ালে অন্দরের গাড়িবারান্দা দেখা যায়। সামনে সব বড় বড় পাতাবাহারের গাছ।

সবই ভাল—তবে খুব পুরানো বাড়ি বলে ঘরের পলেস্তারা সব খসে পড়েছে। এখন মেরামত হচ্ছে সব। মেঝের জায়গায় জায়গায় তাল্লিমাঝা। উঁচু শিলিং। আগেকার আমলের ঘরবাড়ি যেমন হয়ে থাকে। প্রকাণ্ড প্রকাণ্ড সব দরজা। মেরামত শেষ হলে 'হোয়াইট ওয়াস'। তারপরই সে নির্মালাকে নিয়ে আসতে পারবে। শনিবারে ভেবেছিল বাড়ি চলে যাবে—কয়েকদিনেই সে এখানে কেমন হাঁপিয়ে উঠেছে। কেমন একটা বন্দী জীবন—সব সময় নিরাপত্তা বোধের অভাব। বিশেষ করে তার অফিসে বসলে সে এটা বেশি টের পায়। লুজিং কনসার্ন। প্রিন্টিং সেকলে, গ্লোজ ঠিক আসে না। লিখো প্রিন্টিং এখন অচল। এই অচল কারখানার সে ম্যানেজার। কর্মীদের মাইনে দেখে সে খুবই অস্বস্তির মধ্যে পড়ে গিয়েছিল।

দশচেয়ে বেশি বেতন পায় প্রিটিংম্যান মণিলাল সেটা দু'শ টাকাও নয়। হেল-পারদের মাইনে সাতাশ টাকা। সাতাশ টাকায় কি হয়! সে একজন কর্মীকে ডেকে বলেছিল, তোর কে আছে? সে বলেছিল, কেউ নেই। সাতাশ টাকায় আর কেউ থাকলে চলে না! ফুটপাথে থাকি। চা-পাঁউন্ট খাই। তারপর ও যা বলেছে তাতে সে আরও হতবাক হয়ে গেছিল। মাইনে পাবার দিনে শুধু ভাত খায়। মাইনে হলে সে কলের জলে ভাল করে স্নান করে নেয়। ঐ একটা দিনই তার প্রকৃতপক্ষে স্নান আহার। এ-সব শুনে সে আর বেশি কথা বলতে সাহস পায়নি। দেখলেই ভয় ধরে যায়। যে কোন মুহূর্তে এরা ওর শরীরে কেরোসিন তেল ঢেলে আগুন ধরিয়ে দিত পারে। তার এখন মনে হচ্ছে, সুরেনকে দেখা করতে বলে খুব একটা বুদ্ধিমানের কাজ করেনি। সে সুরেনের ছেলেকে একটা হেলপারের কাজ অবশ্য দিতে পারে। এতে সে তার নিজের বিরুদ্ধে আরও একজন শত্রু তৈরি করবে। তবু মনের মধ্যে কি থেকে যায় সুরেনের জন্য তার কষ্টবোধ বাড়ি।

অকসিৎ যাবার সময় এ-নিম্নে একবার কুমার বাহাদুরের সঙ্গে কথা বলল। যে কোন কারণেই হোক কুমার বাহাদুর অতীশকে অন্য গোত্রের মানুষ ভেবে থাকে। তিনি বললেন, ব্যালেন্সশীট দেখেছ?

অতীশ বলল, দেখেছি।

—এরপর লোক নেওয়া ঠিক হবে কিনা ভেবে দেখ।

অতীশ কেমন শিশুহুলভ হাসিতে বলল, একজন নিলে আপনার আর কত ক্ষতি হবে দাদা।

কুমার বাহাদুর জানেন, অতীশই এমনভাবে কথা বলতে পারে। তিনি বললেন, তোমার কারখানা, যা ভাল বোঝ করবে।

অতীশ বাইরে এসে দেখল, সুরেন বারান্দায় দাঁড়িয়ে আছে। সে তাকে বলল, কাল তোমার ছেলেকে পাঠিয়ে দিও। কিছু একটা হয়ে যাবে। কুস্তাবাবু পাশের চেয়ারে বসেছিল। সে কথাটা শুনে চোখ কেমন ছোট করে ফেলল। অতীশের মাথা হেঁট করে কুমার বাহাদুরের ঘরে সে অবশ্য যেতে পারে না। তার সম্বল তার বাপ রাধিকাবাবু। কাবুল আর প্রাইভেট অকসিৎ আর—সনৎবাবু। সনৎবাবুকে সে গিয়ে চুপিচুপি বলল, আর অতীশবাবু সুরেনের ছেলেকে কারখানায় কাজ দেবে বলেছে। আপনি জানলেন না, আপনাকে না জানিয়ে এটা হচ্ছে। আমি-নিজেই এতে অপমান বোধ করছি।

সনৎবাবু দলিলের কপি মেলাচ্ছিলেন বসে বসে। পাশে একজন সেরাস্তাদার। এই কপি নিয়ে আজই উকিলের কাছে ছুটতে হবে। সব বস্তু অঞ্চলটাকে একটা পাবলিক লিমিটেডে কেস দেওয়া হচ্ছে। বছরকার রেভিনিউ স্ট্যাম্প জুডিসিয়েল স্ট্যাম্প সব জমা থাকে। সবই বেক ডেটে করা হচ্ছে। রেজিস্টারকে বড় রকমের খুশি দিলেই বাকি কাজটা হয়ে যাবে। এ-সব খুবই নটঘটে কাজ। দলিল দস্তাবেজ ঘাঁটতে ঘাঁটতে মাথা খারাপ ঠিক এই সময়ে এমন খবরে তিনি খুবই চটে গেলেন। বললেন, অতীশকে ডাক।

কুস্তবাবুর বাপ রাধিকাবাবু পাশের টেবিল থেকে উঠে এসে বলল, শ্রার এখন না। আগে কুমারবাহাদুরের সঙ্গে কথা বলুন। মনে হয় অতীশ কুমারবাহাদুরের সঙ্গে কথা বলেই করেছে। ওখানে ঠিক না করে, অতীশকে বললে ভুল করবেন।

পরদিন সকালে অতীশকে এসে স্বরেনই ডেকে নিয়ে গেল। রাস্তায় অতীশ বলল, ছেলেকে পাঠিয়ে দিও কিন্তু। কাল শুনলাম রাতে ফিরে এসেছে।

—যাবে বাবু। আপনি মা বাবা। একটু দেখবেন। আমার বড় আদরের ছেলে নব। জ্যাঠা সন্তান কার না আদরের হয় বলেন।

অতীশ কুমারবাহাদুরের ঘরে ঢুকেই দেখল তিনি একগাদা চিঠিপত্র নিয়ে ব্যস্ত। চিঠিগুলো তার খাস বেয়ারা স্বরজিত কাঁচি দিয়ে মুখ কেটে রেখেছে। তিনি একটা করে চিঠি বের করছেন, আর লাল পেনসিলে টিক মেরে যাচ্ছেন। কোথাও সামান্য নোট করছেন কিছু। সে যে দাঁড়িয়ে আছে তিনি যেন খেয়ালই করছেন না। চিঠি দেখতে দেখতেই সহসা বললেন, স্বরেনের ছেলেকে কাজ দেওয়া ঠিক হবে না। অতীশ কিছু বলতে যাচ্ছিল, তিনি ফের বললেন, কারো কারো ইচ্ছে নয় তার এখানে কাজ হোক। মাথা গরম ছোকরা, তুমি বিপদে পড়বে।

—কিন্তু কথা দিয়েছি।

—কথার দাম আমরা এখন ক'জন রাখতে পারি। সরকারই রাখতে পারছে না।

—এটা মানসম্মানের প্রশ্ন।

—সেটা আমাদের বাপ-জ্যাঠাদের অম্মলে ছিল।

অতীশ বলল, কতটা আর ও ক্ষতি করতে পারে?

—অনেক। আর তুমি এতটুকুতেই বিচলিত হলে চলবে কি করে? চার পাশে চোখ মেলে দেখ। রাস্তায় পাঁচিলের পাশে কত আঁস্তাকুড়। তুমি ভাঙতে

পারবে। বলেই তিনি বেল টিপলেন। দরজার পাশে অল্প কোন আমলা অপেক্ষা করছে। তাকে তিনি ডেকে পাঠালেন। অতীশ বুঝতে পারল, কুমারবাহাদুর এ-নিয়ে তার সঙ্গে আর কোন কথা বলতে চান না। তার চোখ মুখ কেমন লাল হয়ে যাচ্ছে। গায়ের রক্তে কোথায় যেন অসম্মানের কাঁটা বিজ্বল করছে। মগজের ঘিলুতে কেউ সূচ ফোটাচ্ছে। স্বরেনকে কি বলবে! তার কেন জানি মনে হচ্ছে এটা আর্চির কাজ। আর্চির সেই প্রেতাশ্রার প্রভাব। তার মাথার মধ্যে তক্ষুণি ঘণ্টাধ্বনি শুরু হল। সেই কবে থেকে সেটা হয়ে আসছে। সে যেমে যাচ্ছিল। কুমার বাহাদুর তার দিকে একবার চোখ তুলেও তাকায়নি। ভারি ঠাণ্ডা ব্যবহার। কেন এমন হয়! সেতো কারো প্রতি বিরূপ নয়, শত্রুতা করেনি। তবে কেন তাকে এভাবে বিভ্রম্নার মধ্যে টেনে নিয়ে যাওয়া হচ্ছে। তারপরই শুনতে পেল স্বদূর থেকে কারা যেন কিছু বলে যাচ্ছে—পৃথিবীতে সর্বত্রই আর্চির রয়েছে অতীশ ঘাবড়ে যেও না। দূরাতীত কোন গ্রহের মধ্যে জীবনের দেখা সেই তিন মহাপুরুষ যেন হাত তুলে দিয়েছেন—দেখল সেখানে ঈশ্বর, সারেওসাব আর আলি হিগিনস—তাদের হাত সে দেখতে পেল অনেক উর্ধ্বে উঠে গেছে। মাথা নিচু করে সে ধীরে ধীরে অগত্যা বের হয়ে এল। তার এখন সত্যি আর কিছু যেন করণীয় নেই

॥ আট ॥

অতীশ অফিসে আজ ভাল করে কাজে মনোযোগ দিতে পারল না। ভারি অসম্মান এবং অপমানে সে কেমন প্রায় চূপচাপই ছিল। বিল ভাউচার এলে সই করে দিয়েছিল। পার্টির কাছে তাগাদা দেবার পর্যন্ত উৎসাহ পেল না। কুস্তারু বাইরের ঘরে বসে সেল ট্যাকসের রিটার্ন করছে। সুপারভাইজার বলে গেছে বার্নিশ ভাল দেয়নি। পাঞ্চিং-এ রং চটে যাচ্ছে। ডাইস খারাপ হতে পারে—এসব কথাবার্তা কিছু এবং জানালা দিয়ে তাকালেই চোখে পড়ে সেই শিউলালের ঘর। সে কলপাড়ে বসে গা ঘষে। পাশ থেকে জল নিচ্ছে লাইনবন্দী লোকেরা। সে স্বরেনকে কিছু বলেও আসেনি। নব হয়ত আসবে। নব আসবে এই ভয়ে সে খুবই বিমর্ষ বোধ করছিল। আসলে সে স্বরেনের মনে একটা প্রত্যাশার জন্ম দিয়েছিল—সেই প্রত্যাশা সে পূরণ করতে এই মুহূর্তে অক্ষম। কেন যে বলতে

গেল নবকে পাঠিয়ে দিও। অথচ এই নিয়ে কুস্তবাবুর সঙ্গে আলাপ করলে মনটাই হাঙ্কা হতে পারে। দুবার কুস্তবাবু তার ঘরে এসে একটু বসার তাল খুঁজছিল। কিন্তু চূপচাপ থাকায় নিল ভাউচার সহী করিয়ে নিয়ে চলে গেছে।

আর সব কিছুতেই কেমন এক অস্বাভাবিক কিছু মনে হচ্ছে তার। শহরের মানুষ সে নয় বলেই হয়ত তার এসব খুব অস্বাভাবিক ঠেকেছে। কমলের সঙ্গে কথাবার্তা তার কিছুটা ভূতুড়ে ব্যাপার মনে হচ্ছে। আসলে কি তার ভেতর বৌরাণীকে দেখার পরই কমল অবচেতন মনে এসে আশ্রয় করেছে। সে রাতে কি কমলকে নিয়ে কোন স্বপ্ন দেখেছিল। কমলের ব্যবহারও ভারি বিশ্বয়ের মনে হয়েছে তার কাছে। এসব বনেদি বংশে ভাঙচুর হচ্ছে ঠিক, তাই বলে অন্ধরে ডেকে নিয়ে যাওয়া! তার এখনও অবিশ্বাস মনে হচ্ছে ঘটনাটা। মানসদা নয় সুরেন এবং ভ্রূণ হত্যা সবই কেমন রহস্যজনক। নব নাকি সারাদিন সারারাত ভি আই পিতে গাড়ি গোনে। মানুষের এমন নিষ্ঠুর পরিণতি শহরে না এলে যেন সে বুঝতে পারত না। সেই পাখিটা তাকে হপ্ট করছে। পাগলটা আজও দেখেছে একটা পালক বেঁধে লাঠিতে রাজাবাজারের দিকে বীর দর্পে হেঁটে যাচ্ছে। সে এই নগর জীবনের একজন মত্ত ব্যস্ত মানুষ যেন। সব কিছু আগ্রাহ করে কেবল হাঁকছে, দু ঘরের মাঝে অর্ধে সমুদ্রুর। কখনও বলছে, দম মাধা দম, পাগলা মাধা দম। তার কত কাজ। এক মুহূর্ত তার বসে থাকার সময় নেই। যেন সে চূপচাপ থাকলে, বসে থাকলে পৃথিবীটা রসাতলে যাবে।

আর এ সময়ই বাড়ির জন্তু মনটা কেমন হাহাকার করে উঠল। নির্মলা থাকলে আজ তাকে সব খুলে বলতে পারত। সব অপমান তা হলে সেই পাগলের মতো সেও অগ্রাহ্য করতে পারত। প্রায় মাস হতে চলল—কাজটাজ কিছুটা বুকে নিয়েছে। পার্টিরা আসছে। এবং সে এ কদিনেই টের পেয়েছে, এই পার্টিদের সঙ্গে কুস্তবাবুর একটা গোপন লেনদেন আছে। কুস্তবাবু সহজেই দশ-বিশ টাকা ট্যাকসি খবচা করতে পারে। বৌকে নিয়ে ট্যাকসি ছাড়া ঘোরে না। নমী রেক্তোরায় বৌকে নিয়ে প্রায়ই রাতের ষাওয়া-দাওয়া সারে। বৌকে প্রায়ই নতুন নতুন শাড়ি গয়না কিনে দেয়। এমন অভিযোগ তার কানে এসেছে। লোকটাকে চোখে চোখে রাখতে বলছে কেউ। কুস্তবাবু নিজেও ভারি কিটকাট থাকে। সামান্য মাইনেতে এটা কি করে সম্ভব সে বুকে উঠতে পারে না। কষ্টিং দেখা দরকার। সবটা বুকে না নিতে পারলে সে আপাতত কাজটা করতে পারছে না। তার জন্তু প্রাণপণে সে কাজের মধ্যে ডুবে থাকতে চাইছে।

হলে কি হবে—সেই এক পাগল বার বার হাঁকছে—এবং এই হাঁক থেকেই এসে বুঝতে পারে, লোকটা তার কোন গল্পের নায়ক হতে চলেছে। এ বাড়িতে ঢোকার দিন, যেন তাকে দেখেই পাগলটা হেঁকে উঠেছিল—অথচ তার মনে হয়েছিল অদৃশ্য কোন এক জগৎ থেকে সে হাঁকছে। এখন মনে হচ্ছে তার ভেতরে সব অপমানের জ্বালা এই পাগলটাই পারে নিঃশেষ করে দিতে। কারণ সে যখন লেখাতে দেখতে পায়, সেই মানুষ অবিকল উঠে এসেছে, তখন কেমন বিজয়ীর মতো তার উল্লাস—অহংকার অতীব এক তখন তাকে গ্রাস করে।

সে ক্যাশবুকের পাতা উন্টে যাচ্ছিল। কিছু ভাউচার এখনও ক্যাশবুকে রয়ে গেছে। ক্যাশবুকের সঙ্গে মিলিয়ে টিকমার্ক দিয়ে দিচ্ছে। ক্যাশ এখন থেকে তার কাছে আছে। কোম্পানির দায়িত্ব নেবার দ্বিতীয় দিনেই নির্দেশ এসেছে, ক্যাশ আগলানোর দায় তার। কারণ টিকিন এবং ট্রাভলিং-এ দেখা যাচ্ছে প্রতিদিন একটা বিরাট খরচের বহর। পার্টিদের ঘরে যাওয়া আসা কাজটা, টাকা আদায়ের কাজটা কুস্তবাবু টিকিনের পরে করে থাকে। ট্রামের মানখলি কাটা আছে। টিকিনের পর তাকে আর পাওয়া যায় না। সে তখন প্রায় মুক্ত। ট্রাভলিং অ্যালাউন্স বাবদ সে রোজই পাঁচ-সাত টাকা এখান থেকে নেয়। সনৎবাবু বলেছেন, এ দিকটা দেখতে। পার্টিদের নাম চাইবে। মাঝে মাঝে কোনে যোগাযোগ করবে। অর্থাৎ আকারে ইঙ্গিতে বিষয়টা যাচাই করে নিতে তাকে নির্দেশ দিয়েছেন। কিন্তু মুশকিল অতীশের মনে হয় এটা মানসিক নীচতার লক্ষণ। সে আজ পর্যন্ত কোন কান্টমারকেই ফোন করে বলতে পারেনি, কুস্তবাবুই পার্টির ঘরে গিয়েছিল কিনা।

এতে মনে হয় সে নিজেই পার্টির কাছে ছোট হয়ে যাবে।

এবং এই এক মাসে সে বুঝতে পারছে, কাজটার পক্ষে সে খুবই অল্পপুঙ্ক্ত। কাজটার সঙ্গে তার মনের কোন মিল নেই। সাধারণ সব কাজই মানুষের একদিন একঘেয়ে ঠেকে—কিন্তু এখানে এসে মনে হয়েছে—সে জীবনে আর একটা বড় ভুল করেছে। তার তখনই কেন জানি ইচ্ছা হয় যদি কোথাও আবার শিক্ষকতার কাজ পায় চলে যাবে। কোন দূর গাঁয়ে। সেখানে থাকবে আদিগন্ত মাঠ, নদী ফুল পাহাড় উপত্যকা, এমন একটা জায়গায় তার চলে যেতে ইচ্ছে করে। কিন্তু সে জানে, আপাতত যা মাইনে পাচ্ছে, শিক্ষকতা করে সেটা সে উপার্জন করতে পারবে না। তাছাড়া নিরাপত্তাবোধের অভাবেও সে বিশেষ উদ্বিগ্ন। একটা লজ্জাঝে কোম্পানির প্রায় সব দায়িত্বভার তার ওপর। টাকা আদায় কাঁচামাল

সংগ্রহ, পার্টির পেমেন্ট, সেল টেক্স, প্রভিডেন্ট ফাণ্ড কন্ট্রিবিউশন সব জমা ষ্ঠা-সময়ে দেওয়ার দায়িত্ব তার। সে বুঝতে পারে এটা এখন তার জীবনের বড় ফ্রন্ট। আর একটা ফ্রন্ট সেই প্রেতায়া। স্যালি হিগিনস যার সম্পর্কে সতর্ক করে দিয়েছিলেন, তৃতীয় ফ্রন্ট তার স্ত্রী-পুত্র এবং বাবা-মা। আর চতুর্থ ফ্রন্ট। সে নিজেই গলায় ফাঁসের মতো আটকে নিয়েছে—সেটা তার লেখা। সে বুঝতে পারে এখানে আজীবন তাকে চারটা ফ্রন্টে লড়তে হবে। আর তখনই আর একটা মুখ হৃদয় থেকে ভেসে আসছে—সে আর কেউ নয়, বনি। সে একটা বোট দেখতে পায়। সেও এক গভীর গোপন ফ্রন্ট। বনি চঞ্চল বালিকার মতো পাটাতনে ছুটে বেড়াচ্ছে। কখনও হালে বসছে। কখন চাপাটি তৈরি করছে। ছোটবাবুকে খেতে দিচ্ছে। আর চারপাশে খুঁজছে যদি কোথাও এতটুকু ডাঙা চোখে পড়ে। শুধু হাহাকার সমুদ্র বাদে বনি কিছু আবিষ্কার করতে না পারলে বলছে, ছোটবাবু আমাদের কী হবে?

ছোটবাবুর তখন আশ্বাস, এই দেখ চাট। তিনি সব বুঝিয়ে দিয়েছেন। আমরা এর বরাবর গেলে, ঠিক সান্তাক্রুজ দ্বীপ পেয়ে যাব। কোরাল সীতে সবচেয়ে কাছে দ্বীপ ওটাই। কম্পাসের কাঁটার দিকে লক্ষ্য রাখবে, যেন সউথ-ইস্ট ইস্টে বোটের মুখ ঘুরে না যায়।

তালে কি হবে?

আমরা তবে অজানা এক সমুদ্রে গিয়ে পড়ব।

তালে আমরা মরে যাব ছোটবাবু?

সেই মুখ কি করুণ আর অপাখিব। বালিকার চোখ সজল হয়ে ওঠে। কতদিন থেকে তারা সমুদ্রে ভেসে বেড়াচ্ছে। সেই কবে থেকে যেন। কোন দূর অতীতে মনে হয় বনি ডাঙার মানুষ ছিল। সেও। এখন সমুদ্রের সব রকমের হাহাকার দেখে বনি অভ্যস্ত হয়ে গেছে। এখন শুধু ছোটবাবুর জন্ত তার বেশি চিন্তা। ছোটবাবু এতটুকু মুখ ভার করে থাকলে, কাছে ছুটে এসে হাঁটু গেড়ে বসে।—এই ছোটবাবু বলে ছোটবাবুর খুতনি তুলে ধরে। বলো, বাবা সত্যি কি বলেছে বল! বাবা আমাদের সমুদ্রে ভাসিয়ে দিল কেন? সঙ্গে ক্রসটা দিয়েছে কেন? বাইবেল দিয়েছে কেন। আমরা কি কোন পাপ কাজ করেছি?

তিনি তো বনি আমাদের নামিয়ে দেবার আগে বললেন—সমুদ্রের অশুভ প্রভাবে পড়ে যেতে পারি সেজন্য ক্রসটা বোটে তুলে দিলেন, বাইবেল দিলেন। আসলে ছোটবাবু বলতে পারল না, আমরা আর ডাঙা পাব না। এই বোটাই

আমরা মরে পড়ে থাকব। মাথার কাছে বাইবেল থাকবে। ক্রসটা থাকবে। আমরা মরে গিয়ে আবার ভূত হয়ে না যাই—সেজন্য তিনি তাঁর ধর্মীয় কাজটুকু আগে থেকেই সেরে রেখেছেন। তারপরই ছোটবাবু দেখল সূর্য অস্ত যাচ্ছে। সমুদ্রে শান্ত। পারপারেজ মাছের ঝাঁক ভেসে উঠবে। অতলে নীল গভীর জল। যতদূর চোখ যায় শুধু অসীম জলরাশি। ছোটবাবুর মনে হয়, এখুনি সেখানে কোন অতিকায় প্রাণী ভেসে আসবে। পাইলট মাছ দেখলেই বুঝতে হবে কোন নীল হাঙর সমুদ্রের অতলে ঘাপটি মেরে আছে।

বনি হাঁটু গেড়ে বসে আছে পাটাতনে। মাথার ওপরে বিশাল আকাশ। কোথাও এতটুকু মেঘ নেই। নক্ষত্রের সব ফুটে উঠছে একে একে। দূর থেকে ভানার শব্দ পাওয়া যাচ্ছে। লেডি অ্যালবার্টস উড়ে গেছিল সকালে, সন্ধ্যায় ফিরে আসছে। কিরে এসেই চূপচাপ হালটার মাথায় ঘাড় গুঁজে বসে থাকবে। আর অজস্র প্রশ্ন তখন বনির, এই এলবা ডাঙার খোঁজ পেলে। কতদূর গেছিলে? আমরা ঠিক যাচ্ছি তো। কোথাও জাহাজ জেলে নৌকা কিছু দেখলে?

ছোটবাবু পালের দড়িদড়া খুলে ফেলছিল। বনির চিংকার তখন পরিত্যক্ত জাহাজটা সম্পর্কে, তখন একের পর এক প্রশ্ন করে যাচ্ছে। ওরা কোথায়? কত দূরে? বাবা কেমন আছেন?

ছোটবাবু পালের দড়িদড়া এক জায়গায় জড় করে রাখছে। সে পাটাতন খুলে দেখল অয়েল ব্যাগটা ঠিক আছে কিনা। সমুদ্রে এমন শান্ত থাকলে ভয়ের কথা। সে যেন বাতাসের গন্ধে ঝড়ের অভ্যাস পাচ্ছিল।

সে বলল, বনি জল, খাবার এখনও আমাদের মাসের মত মজুত আছে। দুই বুড়ো মনে হয় শেষদিকে নিজেরা কিছু খায় নি। অথবা বুড়োরা টের পেয়েছিল, জাহাজের পরিণতি এই হবে।

বনি বলল, তোমাকে আমি বিশ্বাস করি না। তুমি এখনও আমাদের সত্য কথা বলছ না!

ছোটবাবুর ভারি অসহায় মুখ। তাঁর নির্দেশ আছে, বনি যেন জানতে পারে এক অজানা সমুদ্রে ছোটবাবুর সঙ্গে বনিকে ভাসিয়ে দেওয়া হল। এখন একমাত্র যেন দৈবই তাদের রক্ষা করতে পারে।

ছোটবাবুর এই অসহায় মুখ দেখলেই আর্চার সেই দৌরাভ্যোর কথা মনে হয়। সঙ্গে সঙ্গে বনি কেমন হয়ে যায়। গায়ে নীলাভ ফ্রক, মাথায় নীলাভ চুল, সামনেই ডাঙা পাবে বলে সে বোটে উঠে এসেছিল। সে তার দামী দামী

পোশাক, পারকিউম সঙ্গে এনেছে। সন্ধ্যা নামার আগে সে একজন নারীর মতো সাজতে বসে গেল। ছোটবাবুকে কষ্ট দিলে সে নিজেই বড় বেশি ভেঙে পড়ে। তারপর প্লেটে খাবার, সামান্য জল। খাবার বলতে দুখানা চপাটি, দুটো সারডিন মাছ, এক গ্লাস জল, দুটো আলু সেক্‌দ। নিজের জন্তু বলতে গেলে বনি কিছুই রাখেনি।

ছোটবাবু পালটা ভাঁজ করে সব গিয়ারের সঙ্গে ফেলে রাখল। কম্পাসের কাঁটা দেখে সে বুঝেছিল উল্টো হাওয়া বইছে। কেমন এলোমেলো হাওয়া। যদি পাল তুলে রাখে যতটা তারা এগিয়েছে, ঠিক ততটা তারা পিছিয়ে যাবে। এই ভেবে পাল খুলে দড়িদড়া নিচে রেখে সমুদ্র থেকে জল তুলে হাতমুখ ধুয়ে নিল। লোনা জলে শরীর মুখ করকর করে। সেটা শুকিয়ে গেলে একরকমের প্রসন্নতা বোধ করে ছোটবাবু। দুপুরে ওরা দুজনেই দড়িদড়া ধরে সমুদ্রে ডুব দিয়ে উঠে এসেছিল। বেশি ঘাম হলে তেষ্ঠা পায়। ডুব দিয়ে বুঝেছিল, ঘাম হচ্ছে না, তেষ্ঠাও কম পাচ্ছে। গত রাত্রে মনে হয়েছিল অতিকায় কিছু মাছেরা পাশে ভেসে বেড়াচ্ছে। কিন্তু শেষ রাতে অন্ধকার ছিল বলে কিছুই টের পায়নি। আজ রাতে কি হবে কে জানে। একটা লম্ফ জ্বালা থাকে মান্তলে। কোন দূরবর্তী ওটাই জাহাজের এখন সংকেত। আর অজস্র প্রশ্ন তখন বনি এই যদি দূর থেকে কোন জাহাজ অথবা জেলে নৌকা তাদের দেখতে পায়! সে বলল, আগে লম্ফটা জালিয়ে দাও। এত তাড়াতাড়ি যেতে দেবার কি হল! কত কাজ বাকি।

বনির চোখ ভারি বিহ্বল। ছোটবাবু বনির এই চোখ দেখলে আবিষ্ট হয়ে যায়। হাঁটু গেড়ে পাশে বসে দুহাতে জড়িয়ে ধরে চূলে মুখ ঘষতে থাকে। বনি ছোটবাবুর বুকে টুপ ওরে মুখ লুকিয়ে ফেলে। অতিকায় পাখিটা তখন হাওয়ায় পাখা ঝাপটায়।

কুস্ত এসময় টেবিলে ঝুঁকে একবার উঁকি দিয়ে দেখল, মানুষটা ক্যাশবুকে ঝুঁকে আছে। সামনে ক্যাশবুক খোলা। বিরান্ট সেক্রেটারিয়েট টেবিল, চার-পাঁচটা চেয়ার সামনে। তার ভেতর দিয়ে মানুষটার মাথা মুখ হিজিবিজি মাকড়সার জালের মতো অম্পষ্ট দেখা যাচ্ছে। মাথা নিচু করে বসে আছে। কপালে অবিশ্রান্ত চুল পাখার হাওয়ায় উড়ছে। বড়ই আবিষ্ট। বোধহয় খুঁটিয়ে খুঁটিয়ে দেখছে সব। কিন্তু পরে মনে হল, না, কিছুই দেখছে না মানুষটা। নেশায় বৃন্দ হয়ে মানুষ বসে থাকলে যেমনটা হয় অনেকটা সেরকমের। খুব

কাহিল হয়ে গেছে। আজ যা বড় একখানা ল্যাং খেয়েছে তাতেই এই। সকাল থেকেই দেখছে খুব গম্ভীর। মুখে আশ্চর্য প্রসন্নতা থাকে সকাল থেকে, তা আর নেই। এই প্রসন্নতা সে সহ করতে পারে না। মুখে এমন একটা ধার্মিকভাব থাকে যে সাধুসন্ত ভাবতেও কষ্ট হয় না। এই ক্যামেফ্লেজটা লোকটার না ভাঙতে পারলে তার শাস্তি নেই। সে পুলকিত বোধ করল। সে ভাবল উঠে একবার যায় কাছে। একটু দরদ দিয়ে কথা বলে। এই ভেবে সে উঠে এল। তারপর চেয়ারে বসে বলল, কাবুল আসবে যাবেন নাকি ?

অতীশ কেমন ধড়মড় করে উঠে বসার মতো মুখ তুলে তাকাল।—অঃ আপনি !

—তবে কি ভেবেছিলেন !

—না, ভাবলাম... আসলে সে ভেবেছিল, নব বুন্ডি এসে গেছে।

—ঠিক প্লট ভাবছেন !

অতীশ বলল, ঐ আর কি !

—কাবুল আসবে। চান্দোয়ায় যাব। যাবেন নাকি। কাবুল খাওয়াবে বলছে।

কাবুলবাবু কুস্তুর ছেলেবেলার বন্ধু। একসঙ্গে রাজপ্রাসাদে বড় হয়েছে। কুস্তুর বাড়িতে কাবুলবাবুর যেতে কোন নোটিশ লাগে না। এই মালুমটা যখন তখন চলে আসে এবং কুস্তকে সঙ্গে নিয়ে কোথায় যায়। সে কোন প্রশ্ন করতে পারে না। কারণ কুস্তবাবুই বলেছে, কাবুল থেকে সাবধান থাকবেন। ও রাজবাড়ির এজেন্ট। ওর কাছে কোন বেকাস কথা বলবেন না।

অতীশ বলল, বিকেলে কাজ আছে। একটু কলেজ স্ট্রিট পাড়ায় যাব ভাবছি।

—আপনার ঐ এক দোষ দাদা। জীবনটাকে বড় সিরিয়াসলি নিয়েছেন ! সব ব্যাপারে অত সিরিয়াস হওয়া ভাল না। সকাল থেকেই দেখছি মুখ গোমড়া করে বসে আছেন।

—কখন মুখ গোমড়া করলাম।

—মুখ গোমড়া না করেন, মনটা প্রসন্ন নয় এটা আপনাকে স্বীকার করতেই হবে।

অতীশ ক্যাশবুকটা বন্ধ করে সরিয়ে রাখল। বেল টিপে স্থবীরকে ডাকল। স্থবীর এলে বলল, চা কর। সে কেমন জড়তা কাটিয়ে ওঠার জন্য ফ্যানটা পুরো পাঁচে দিয়ে এসে আবার নিজের জায়গায় বসল।

দুটো ঘর থেকেই মেশিনের শব্দ কানে আসছে। তিন নম্বর শেডটা দূরে বলে তার মেশিনপত্রের আওয়াজ এখান থেকে পাওয়া যায় না। অতীশ শব্দ শুনেই টের পায় কোন মেশিনটা চলছে, কোনটা বন্ধ আছে। জাহাজের এঞ্জিনরুমে কাজ করে তার ভেতরে এই ইনস্টিংট গড়ে উঠেছে। আর তার জানালা থেকে রাস্তার ও-পাশের শেডের সবটাই প্রায় দেখা যায়। এই একমাসেই বুঝেছে, কর্মীরা সাঁরাদিনে যা কাজ করে, ওভারটাইমে তার ডবল কাজ দেয়। কিছুতেই সে বুঝিয়ে-সুজিয়ে কারখানার উৎপাদন বাড়াতে পারেনি। যেখানে আট দশ হাজার কনটেনার তৈরি হয় আট ঘণ্টায়, কাজের লোকগুলি সামান্যতম আন্তরিক হলে একই সময়ে দ্বিগুণ কাজ দিতে পারে। আসলে ঘুণ ধরেছে—এই কারখানার দেয়ালে, দরজায়, যন্ত্রপাতিতে সর্বত্র ঘুণ। কাজের লোকগুলির শরীরেও ঘুণ ধরেছে। এভাবে চালালে, দু-চার বছরে কারখানা লাটে উঠবে। এই থেকে নিষ্কৃতি পেতে হলে তাকে কিছু একটা করতেই হবে। এবং যেটা এখন তার মাথায় বেশি কাজ করছে, সেটা হচ্ছে এদের বেতন বৃদ্ধি দরকার। এই বেতনে কোন মানুষের পক্ষে দুবেলা পেট ভরে খেয়ে বেঁচে থাকা সম্ভব না।

কুস্ত বলল, সকালে কুমারবাহাদুর কি বলল ?

অতীশ অকপটেই বলল, রাজি হলেন না।

—রাজি হলেন না মানে ?

—নব্ব্ব কাজের জগু বলছিলাম। কাল বললেন, নাও। যদি দরকার মনে কর নাও। আজ সকালে ডেকে একেবারে উল্টো কথা বললেন।

কুস্ত মনে মনে বেশ মজা পাচ্ছে। বলল, উল্টো কথা বলাই এদের স্বভাব। এরা বড় লোক দাদা। এরা টাকা ছাড়া কিছু বোঝে না।

স্বধীর এসে বলল, চা নেই স্থার।

কুস্ত ধমক লাগাল।—চা নেই তো আগে বলতে পার না কেন। দেখ্ স্বধীর, তোকে বার বার বলছি, কাজ ঠিক মতো করবি। তুই আছিস কি জন্তে! এখন চা এনে তারপর জল গরম করবি।

অতীশ ড্রয়ার খুলে টিফিন একাউন্টে দুটো টাকা বের করে দিল।—চা রাস্তা থেকে নিয়ে এস। এবার থেকে যেন ভুল না হয়।

সুপারভাইজার এসে দরজায় মুখ বাড়াল। দেখল কুস্তবাবু ম্যানেজারের সঙ্গে গল্প করছেন। সে একজন কর্মীর অভিযোগ নিয়ে এসেছে। কর্মীটি হেল্লার,

গিটের কাজ জানে, এখন জরুরী দরকার পড়ায় তাকে বিটে বসতে হবে। কিন্তু সে রাজি না। তাকে বিটম্যান না করলে সে কাজে বসবে না বলছে।

অতীশ অভিযোগটি মন দিয়ে শুনল। তারপর বলল, আজকের মতো চালিয়ে দিতে বলুন। কাল এ-নিয়ে কথা বলব।

—কথা অনেকদিন ধরেই হচ্ছে। কোন ফয়সালা হচ্ছে না।

অতীশ বলল, আমি তো আজই শুনলাম। একটা দিন ত দেবেন।

কুস্ত তখন বেশ জাঁকিয়ে বসে গেল। বলল, দাদা আসকারা দেবেন না। কারখানা জায়গাটাই খারাপ। আপনি যেই একজনকে লিফট দেবেন, অমনি দেখবেন পাতাল থেকে দশটা মুখ বার হয়ে আসছে। আপনাকে খাব খাব করছে।

অতীশ আগে এই সব সমস্যায় একটুকুতেই নিজেকে বিপর্যস্ত বোধ করত। এখন কিছুটা সয়ে গেছে। সে কুস্তকে বলল, আপনি একবার ভেতরে যান। দেখুন খুঁষিয়ে কিছু করতে পারেন কিনা। সঙ্গে সঙ্গে কুস্ত উঠে চলে গেল এবং কিছুক্ষণের মধ্যে সব ঠিকঠাক করে চলে এল। অতীশ ভাবল কুস্তবাবুর ক্ষমতা আছে। সে দেখেছে কিছু কিছু শ্রমিক ওর খুব বাধ্য। চার-পাঁচ বছর কুস্তবাবু আছে। মাঝখানে ম্যানেজার ছিল না কুস্তবাবুই চালিয়েছে সব। এতেই প্রভাব প্রতিপত্তি তার বেড়েছে। সে বলল, দেখুন তো কি ঝামেলা। এখন নব আসলে কি বলি!

—কি বলবেন আবার। সোজাসৃজি না করে দেবেন।

—কিন্তু ওর বাবাকে আমি কথা দিয়েছি। আর এটা তো আমার খুশি মতো করিনি। কতৃপক্ষের অহুমতি নিয়েই করেছি। এখন আমার সম্মানটা থাকে কোথায়।

কুস্ত ভীষণ রেগে গেছে মতো বলল, এতে শুধু আপনার সম্মান, কোম্পানির সম্মান যায় না! কতৃপক্ষের সম্মান থাকে। কান টানলে মাথা আসে না।

অতীশ বলল, কারা নাকি আপত্তি জানিয়েছে?

—কার দায় পড়েছে দাদা। একটা বেকার ছেলের কাজ হবে, তাতে কেউ বাধা দিতে পারে। ধর্মের ভয় নেই! আসলে কি জানেন দাদা, এরা সব পছন্দ অপছন্দ অপরের ঘাড়ে চাপিয়ে দিয়ে খালাস। নিজেরা ধোওয়া তুলসীপাতা সেজে বসে থাকে। এদের আপনি একদম বিশ্বাস করবেন না। দেখছেন ত কাবুলটা এলে সব নিয়ে কথা হয়। বলতে কি খিস্তিখাত্তাও হয়। কিন্তু কারখানা নিয়ে একেবারে স্পিকটি নট।

কুস্তর প্রতি অতীশের কেন জানি কৃতজ্ঞতায় মনটা ভরে গেল। যদিও মাঝে

মাঝে আশ্চর্য এক নিশ্চিতি গন্ধ পায়, কুস্তবাবুর নিঃশ্বাস প্রাশ্বাসে সেই নিশি পাওয়া ভূতের গন্ধটা কেন জানি লেগে থাকে। আর্চির সেই হাঁ করা মুখ—মুখের ওপর ছোটবাবু ওপোর হয়ে পড়ে দেখেছিল লোকটাকে সে যথাখই খুন করতে পেরেছে কিনা, আর তখনই ভক করে গন্ধটা এসে লেগেছিল নাকে। হাঁ করা মুখ থেকে একটা পচা গন্ধ বের হচ্ছে। ওর মাথাফাতা গুলিয়ে উঠতেই সিঁড়ি ধরে নেমে আসছিল। আর চারপাশে তখন কি গভীর অন্ধকার। চারপাশে জাহাজীদের হুলা চিংকার। এলিওয়ে ধরে কারা বোট ডেকে ছুটে যাচ্ছে। এনজিন রুমে বিস্ফোরণ! বয়লার-ফয়লার সব ছত্রাকার। সারা জাহাজে এক অতিকায় দুর্যোগ—ছোটবাবু দুর্যোগে পড়ে গন্ধটার কথা ভুলে গেছিল। পরে কিছুদিন সে স্বস্থ স্বাভাবিক। কিন্তু সমুদ্রে ভাসমান বোটে বনির লুকনো মুখের দিকে তাকাতেই সে শিউরে উঠল। একটা ভুরভুর পচা গন্ধ আসছে কোথেকে! সে বনিকে শুকে দেখল—না সেখান থেকে উঠছে না। অতিকায় একটা স্মরমাই মাছ ভুলে রেখেছিল, ওর ভেতর থেকে লাল চুষে খাবে বলে—সেটা পচে যেতে পারে, সে তাড়াতাড়ি মাছটার কাছে চলে গেল—না আঁঘটে গন্ধ, পচা গন্ধটা নেই। লেডি আলবট্রিসও বোটে নেই—তবে গন্ধটা আসছে কোথেকে। যেন চেনা চেনা গন্ধ। একবার এই গন্ধে তার মাথাফাতা গুলিয়ে উঠেছিল—সেটা কবে কখন, ঠিক সেই গন্ধ, ঠিক তক্ষুনি মাথায় ঘণ্টা ধ্বনি, যেন সেই অ্যাবট অফ অ্যাবট ব্রথক—নিরন্তর বড়ের রাতে ঘণ্টা ধ্বনি করে চলেছে, ছোটবাবু ভূমি আর্চিকে খুন করছে। সে তোমাকে ক্ষমা করবে না। তাহলে কি সেই প্রেতাচার নিঃশ্বাস-প্রাশ্বাসের গন্ধ। সে কাছেই রয়েছে। সে তার প্রতিশোধ নেবে বলে এই বিশাল দিগন্ত প্রসারিত জলরাশির ওপর ভেসে বেড়াচ্ছে। ছোটবাবু চিংকার করে উঠেছিল, গড সেভ আজ। সেভ আজ ক্রম অল ট্রাবলস। বনি টের পেয়ে বলেছিল, ছোটবাবু ক্রসটা আমার মাথার কাছে এনে দাও। ওটা ছুঁয়ে বসে থাক। কোন অশুভ প্রভাবে আমরা তবে পড়ে যাব না। কুস্তবাবু কাছে এলে মাঝে মাঝে সেই গন্ধটা কেন জানি নাকে এসে লাগে।

কুস্তবাবু বলল, চলুন ঘুরে আসি। মনটা ভাল হবে। কাবুল আমাদের ষাওয়াবে বলছে। ও গাড়ি নিয়ে আসবে।

অতীশ কোন জবাব দিল না।

তারপর ভারি বিশ্বস্ত মাল্লবের মতো বলল, জাহাজে ত শুনেছি সবাই সব খায় ॥ গরু বাছুর মেয়েছেলে মদ। আপনি খাননি।

অতীশ চেয়ারে মাথা এলিয়ে দিল। তারপর হাতটা মাথার ওপর ছড়িয়ে বলল, জাহাজে সবই চলে।

—তবে আপনি যেতে চাইছেন না কেন। আপনার জে প্রেক্সডিস থাকে ঠিক না।

—তা অবশ্য নেই। তবে এখন ভুলে গেছি সব।

তখনই কোনটা বেজে উঠল, হ্যালো হ্যালো। হ্যাঁ মিঃ ভৌমিক বলুন। কি খবর! মাল কাল যাবে না। তারপর অতীশ ক্যালেন্ডারের পাতা দেখে বলল, বুধবার পাবেন।

—বহুৎ রামেলা হো জায়গা বাবুজী। খোড়া জলদি করিয়ে।

—জলদিই করছি।

—বাবুজী সিজন্ টাইম আছে। খোড়া মেহেরবানী করিয়ে।

—আরে এতে মেহেরবানী করার কি আছে।

তখনই কুন্ত বলল, রামলাল ?

অতীশ ঘাড় কাৎ করল।

—হাজার তিনেক টাকা আরও আডভান্স চান।

অতীশ কোন আডভান্সের কথা বলল না। সে ফোন ছেড়ে দিল। কুন্তের ভেতরে তখন একটা জেদী চিতাবাঘ ওৎ পেতে থাকে। অতীশ আসার পর সব সময় থাকা উচিত বসে থাকে। যেন অতীশ খুবই একটা ভুল করে ফেলেছে। তার কথার কোন গুরুত্ব দেওয়া হল না। সে কি নিজের জন্ত এটা করছে। কোন নামাবার সঙ্গে সঙ্গে বলল, আডভান্সের কথা কিছু বললেন না।

—ওর তো অনেক টাকা আডভান্স পড়ে আছে। শোধ দেবো কি করে।

—আপনি কি মনে করেন, লোকটা এমনিতে লোটা কষল নিয়ে কলকাতায় এসেছে। ধান্দা নেই। এমনিতেই দশ-বার হাজার টাকা ফেলে রেখেছে। কোন ধান্দা নেই। মেহেরবানী করেন বলে, অথচ কোন ধান্দা নেই।

—আপনিই যে বলেছেন, লোকটা দুঃসময়ে কোম্পানিকে বাঁচিয়ে রেখেছে।

—বাঁচিয়ে রেখেছে কেন? আশের না থাকলে সে বাঁচাতে আসবে কেন। আর কারখানা নেই, আর মাল সাপ্লাই করার লোক নেই।

অতীশ এসব কথার জবাবে কি বলবে। এই মাহুসটাই রামলালকে একদিন সঙ্গে নিয়ে এসে বলেছিল, রামলাল ছিল বলে আপনি কোম্পানির ম্যানেজার হয়ে আসতে পেরেছেন। না হলে কবে লাটে উঠে যেত। বিপদে-আপদে শেঠজী

আমাদের রক্ষা করে আসছে। সেই শেঠজীকেই কুস্তবাবু এখন ধান্দাবাজ বলছে। লোকটার মতি-গতি অদ্ভুত রকমের। সে কুস্তবাবুর হাত থেকে নিজের পাবার জন্ত বলল, পরে এক সময় বললেই হবে।

—দাদা, ঐতো মুশকিল। তপ্ত কড়াইয়ে তেল ঢালবেন না, ত কী হবে! ওর চাপ আছে আপনিও চাপান দেবেন। দেখবেন হুড়হুড় করে টাকা নিয়ে হাজির।

কিন্তু তার মাথায় এখন আর কুস্তবাবুর কথা ঢুকছে না। সে সেই কুষ্ঠ রুগীর ঘরটার দিকে তাকিয়ে আছে। জানালা দিয়ে দেখা যায় শিবলাল রকে বসে পায়ে তাকড়া জড়াচ্ছে। তারপরই একটা মেয়েছেলে এসে তাকে খাবার দিয়ে যায়। শিবলাল ঘরের মধ্যে আসন পেতে থাকে। ঘরটায় সে একবার উকি দিয়ে দেখেছিল। দেয়ালে রাজ্যের ক্যালেন্ডার। সবই রাম সীতার ছবি। এবং একপাশে আরও একটা ছবি—বৈজয়ন্তীমালা। প্রায় উলঙ্গ হয়ে আছে মতো। জলে নেমে গাঁতার কাটছে। ঘরের মধ্যে আসবাব বলতে কাঠের একটা বাস্ক, কাঠের পাটাতনে বিছানা পাতা এবং ময়লা দুর্গন্ধযুক্ত কিছু কাঁথা বালিশ। সন্ধ্যা বলতে তিনটি রিকশা তার ভাড়া খাটে। বাইরে বিকেলে বসে থাকে। সামনে থাকে জলচৌকি সেখানে ভাড়ার পয়সা কড়া জ্ঞান্তি গুনে নেয়। সন্ধ্যা হলে, সে রাস্তার আলোতে তুলসীদাসী রামায়ণ স্তব ধরে পাঠ করে। সকালের দিকে দেখেছে, সে প্রত্যেক ভিখারীকে দুটো করে পয়সা দেয়। কাউকে ফেরায় না। যে মেয়েটি রৌঁবেবেড়ে খাওয়ায় কুস্তবাবু বলেছে যুবতীকে সে রক্ষিতা রেখেছে। এসব ভাবতে গিয়ে অতীশের মনে হল, মানুষের বেঁচে থাকার মতো বড় কিছু নেই। তার এত ভালমাহুষ না হলেও পৃথিবীর কোন ক্ষতি নেই। আসলে সে ভালমাহুষ, না কাপুরুষ। সব তাতেই ভয়। কি যেন তার হারিয়ে যাবে বলে ভয়। সেই ভয় থেকেই যত গন্ধ নাকে এসে লাগে। নিজেকে অতীশ শক্ত করতে চাইল। বলল, কখন যাবেন?

কুস্ত বলল, কোথায়?

—এই যে হোটেল যাবেন বলছেন।

—আপনি যাবেন ত। গেলে কাবুল খুব খুশী হবে। ওর বৌদির আপনি খুব পিয়ারের লোক। এখন আপনাকে তেল দেবার জন্ত রাজবাড়ির সব চোর ছাচোড়েরা উঠে পড়ে লাগবে।

অতীশ এমন কথায় কিঞ্চিৎ বিরক্ত হল। এর ভিতর কমলকে টেনে আনা

কেন তা ছাড়া কমল সম্পর্কে তার শৈশব থেকেই একটা দুর্বলতা আছে। কমলকে নিয়ে কেউ কিছু বললে সে অপমানিত বোধ করে। কুস্তবাবু আরও দু একবার জানার চেষ্টা করেছে, কি কথা হল বৌরাণীর সঙ্গে। কিছু বলল?

অতীশ বলেছিল, কিছু বলেনি। এমনি কথাবার্তা হয়েছে। কেনন লাগছে এই শহর। কোন অসুবিধা হচ্ছে না ত। এই সব আর কি।

—আর কিছু না।

—না।

—তাকটা কথা বলতে এত সময় লাগে।

—আর কি কথা হতে পারে বলে আপনার ধারণা।

—কত কথা হতে পারে। আমরা বাইরের লোক কি করে জানব। তবে দাদা সাবধান থাকবেন। লক্ষণ ভাল বুঝছি না। যারাই রাজার পেয়ারের লোক হতে গেছে তারাই মরেছে।

অতীশ বুঝতে পারছে না এরা সবাই রাজবাড়িতে জন্মেছে বড় হয়েছে, এদের কারো কারো তিন পুরুষ চার পুরুষ এই বাড়ির খেয়েছে, পরেছে, কেউ কেউ চুরি চামারি করে নিজেরাও ছোটখাট রাজা বনে গেছে—এবং এই যে কুস্তবাবু এদের স্বভেদে এ বাড়ির নিম্নের গন্ধ শুনলেই পাওয়া যাবে। কিন্তু প্রথম থেকেই কুস্ত কেনন বেপরোয়া। যেন সে পারলে গোটা রাজবাড়ীতে আগুন ধরিয়ে দেয়। আসলে তার আসার জন্য এটা হয়েছে কিনা কে জানে। সে এজ্ঞ কেন জানি এখন থেকেই কুস্তবাবুকে সামান্য তোয়াজ করতে শুরু করেছে। তা না হলে কমলের সঙ্গে দেখা হবার পর তাকে সাহস পায় কি করে প্রশ্ন করার। সেই বা এ নিয়ে কথা বলে কেন। তার তো বলা উচিত ছিল বৌরাণীর সঙ্গে কি কথা হল, আপনার জানার কি দরকার। অথবা সে এড়িয়ে গেলেই পারত। তারপরই মনে হল, অফিসের কাজে কর্মে সে এই লোকটার ওপর নির্ভরশীল। এই মোকায় লোকটা তাকে পেয়ে বসেছে। কাবুলবাবু এলে সে সোজাশ্রুতি বলল, আপনারা যান। আমার সময় হবে না।

কুস্ত বলল, এই দাদা সাহস। আপনার বোমা বলল, দাদাকে কিন্তু সঙ্গে নেবে।

অতীশ আঁতকে উঠল। সাধারণ মধ্যবিত্ত পরিবারের মানুষ কুস্তবাবু। অজ পাড়াগাঁয়ের মেয়ে তার বো। বছরখানেক হল বিয়ে হয়েছে। গর্ভবতী। মাস তিন-চার বাদে কুস্তবাবুর স্ত্রী জননী হবে। সেই জননীও যাচ্ছে সঙ্গে। তার মুখ থেকে রা সরছিল না।

কাবুল বলল, "রোজ তো হয় না।" দাদা বৌদি রোটারি ক্লাবে গেছে। শুধু পাটি আছে গ্র্যাণ্ডে। আমরাও তিনজনে মিলে ছোটখাট একটা পার্টির আয়োজন করছি। আপনি আমাদের গেস্ট।

অতীশ অগত্যা আর যেন কিছু বলতে পারছে না। সে ওদের পিছু পিছু উঠে গেল। কুস্তবাবু সুপারভাইজারকে ডেকে বলল, কেউ যদি কোন করে বলবেন কাজে বের হয়েছি। আমরা আর ফিরব না। ট্রাম রাস্তায় গাড়ি রেখে এসেছে। কাবুলবাবু। গাড়ির পাশ থেকেই হাসিরাণী দরজা খুলে দিল। দারুণ সেজেছে। চৌটে প্রচণ্ড লাল লিপস্টিক নখে রূপোলি নেল পালিশ, দামী শিকনের শাড়ি হাতে মীনা করা বালা। বগল খালি করে হাত তুলে বলছে, আপনি এখানটায় বসুন দাদা।

অতীশের কেন জানি মনে হল হাসিরাণীকে আজ হোক কাল হোক একটা লক্ষ্মীর পট তার কিনে দেওয়া দরকার। শরীরে বড়ই কামুক গন্ধ।

॥ নয় ॥

চার্চের ঠিক সামনে সেই পাগল। গায়ে কিছুতকিমাকার পোশাক। হেঁড়া তালিমারা উচ্ছিষ্ট জামা পাতলুনে ঢাকা শরীর। নোংরা। গালে দাড়ি। চোখ কোটরাগত। বগলে বোঁচকা। হাতে দমমাথা দমের লাঠি। হাকড়া জড়ানো পালক বাঁধা। একটা লম্বা দাঁত চৌচের ফাঁকে বের হয়ে ঝুলছে। - সে বিকেল থেকেই উন্মত্ত হয়ে উঠেছে। আর কেবল হাঁকছে দম মাথা দম পাগলা মাথা দম।

এখন চার্চের সামনে দাঁড়িয়ে সে মাথায় রুমাল বাঁধছে। মাথার ওপরে বাক উড়তে দেখে ভয় পেয়ে গেছে। কারণন এরা বড়ই তাকে চোকরায়। তায় এখন শত্রুপক্ষ বলতে শহরে এরাই। আর সব মেয়ে এনেছে। কুকুর ডেড়াল সে টেঙিয়ে সব তাড়িয়েছে। হাতের লাঠিটা জাদুমন্ত্রের মতো। সে ডাক্তারিনের পাণে ঘোরাফেরা করলে ভয়ে আর কেউ দ্রিমানা মাড়ায় না। কিন্তু কাকদের বেলায় তার জারিজুর খাটে না। এরা কোথেকে এসে সব ছৌ মেয়ে তুলে নেয়। এসব কারণে তার মাথা গরম। সে গাছে উঠে কাকের বাসা দেখলেই ভেঙে ফেলে। কদিন ধরে সে এই কাজটা খুব মনোযোগ সহকারে করে যাচ্ছে। আজ সকালে দুটো অস্থখ গাছ এবং দেবদার গাছ খুঁজে সাতটা কাকের বাসা ভেঙেছে। আর সেই থেকেই কাকের তাড়া থেকে বাচবার জন্ত। চার্চের বাকিনের মধ্যে

কিছুক্ষণ নুঁকিয়েছিল। সে ককিনটার শুয়ে থেকে দেখেছে মরে গেলে সে কতটা লম্বা জায়গা নেবে। খুব বেশি না। মরে গেলে তার এ জায়গাটুকুর অভাব হবে না বুকেই থের হয়ে এসেছিল। মনে ভাবি অশান্তি। তখনই দেখল একটা কাক আবার মাথার ওপর দিয়ে উড়ে যাচ্ছে। মাথা কাতা ঠুকরে না দেয়, ঠুকরে বিলু তুলে না খায়, খেলেই মাথাটা ফাঁকা হয়ে যাবে। বড় ভয় তার ফাঁকা মাথা নিয়ে আর যাই করা যাক এমন চোর-জোচোরের শহরে বোরাকেরা করা যায় না। কখন তবে কে তার সর্বনাশ করে বসবে। তার একটু সতর্ক থাকা দরকার। এবং এখন একমাত্র কাজ দামী মস্তিককে রক্ষা করা। এর মধ্যেই বিলু পোরা আছে। কাকেরা মস্তিকের বিলু খেতে খুব ভালবাসে। প্রথমে কমাল, পরে গামছা তারপর বোঁচকা বুঁচকির বত সংগ্রহ করা ছাড়া সব মাথার পেঁচিয়ে ওটাকে চাউস কুমড়া পটাস বানিয়ে ফেলল।—শা শালারা, কত খাবি খা। কত ঠোকরাবি ঠোকরা। শু বাপ এই ব্রহ্মতালু ভেদ করা আর তোগো কল্প নয় বাপ। মাথাটা ভারি নিরাপদ ভেবে সঙ্গে সঙ্গে দুটো ডিগবাজি।

একটা ডিগবাজি খেতেই স্বাদ পেয়ে গেল। চোখ ঘুরে যায় উণ্টে যায় মাথা ঘুরে যায়, বড়ই নেশার মতো লাগে। সে পর পর ডিগবাজি খায়। কাঠের ঘোঁষাল পার হয়ে ডিগবাজি খায়, ট্রাম লাইন ফাঁকা পেয়ে সে সম্রাট সিজার হয়ে যায়। সবই তার দখলে। সে সেখানেও ডিগবাজি খায়। তারপরই অগ্নিনিবৃত্তি বাসের ভিড় জটলা। কারা তেড়ে আসে সে দৌড়ে যায়। খেন বলে, আমার কোন ভোগ দখলের পূহ নেই বাপ, সব তোদের দান করে দিলাম। যা এবার লুটে পুটে খা।

তারপর সে আর যানবাহনের জন্তু বাহুরের জন্তু প্রতীক্ষা করছিল না। এখন এক পাগলিনীর জন্তু তার প্রতীক্ষা তার আসার কথা। সে তার জুড়িদার এই শহরে। সকাল থেকেই দেখেছে না। সে কাছে থাকলে সাহস পায়। তার মনোযোগ বাড়ে। আকর্ষণ বাড়ে। মারামারি করতে পারে। মনুষ্যকূলে এই একজনই তার বলতে গেলে সম্বল—যার সঙ্গে মিনি মাগনার শুতে পায়। কখনও খেতে পায়।

বর্ষাকাল, অথচ কদিন বৃষ্টি নেই। খা খা শুকনো আকাশ। প্রখর উত্তাপ। প্রখর উত্তাপে তার সঙ্গিনী গায়ে জামা কাপড় রাখেতে পারে না। নয় থাকে।

কতবার সে কোমরে গামছা বেঁধে দিয়ে বলেছে—ঢেকে ঢেকে রাখ, কাকের উপদ্রব বেড়েছে। ওটা ঠুকরে তুলে খেলে মজা বুঝবি।

ঠিক তখনই চার্চের সামনে এক শববাহী শকট। কাচের ভেতরে কালো বোরখা পরা বিবির মতো কফিনটা লম্বা। সোনার ঝালরে ঢাকা। কত তাজা ফুল হুগল আভর। সে জোরে জোরে নাক টেনে ঠায় দাঁড়িয়ে থাকল। ধূপকাঠি পুড়ছে। শোকের পোশাকে কিছু যুবক যুবতী। কালো পোশাক পরা সাঁদুল চুলের সেই লোকটা সিঁড়ি ধরে উঠে যাচ্ছে। হাতে একটা বই। তারই মতো জোকা গায়ে দেওয়া। মরা মানুষ এলেই সে দেখেছে এই লোকটা আসে। খুব মাগিগণি পুরুষ। মরামাছুয়ের কফিনটাকে তুলে নিয়ে যায় কারা। সে তখন গম্ভীর গলায় হুঁকৈ উঠে বলে—কে আসবি আয়, সংক্রান্তির মাদল বাজছে আয়। তারপরই অল্লীল গালাগাল—লে বাবা তোর হুখ পুটলিতে লিয়ে এলি না বাপ। যাবি যখন সব লিয়ে যাবি না। শেষে কি বিড়বিড় করে বলতে থাকে—লে বাবা, শালার কিছুই সঙ্গে গেল নাকো। একেবারে কক্কা। তারপরই ভেউভেউ করে কান্না ওখানটায় গিয়ে তোরে কে দেখবে গ। তোর সঙ্গে কেউ গেল না, কি হবে গো।

যাতায়াতের পক্ষে বড়ই বিয় এই পাগল। ছোঁয়াচ বাঁচিয়ে চলা পর্যন্ত দায়। কে একজন হেঁকে উঠল, এই উজবুক, ওঠ রাত্তা থেকে। গাড়ি চাপা পড়বি তো। রাজার বাড়ি থেকে গাড়ি বের হচ্ছে। কোটিপতি মানুষের বৌ যাচ্ছে গাড়িতে সেই গাড়িটা পর্যন্ত ছোঁয়াচে পড়ে যাবে ভেবে পাগলকে মার রাত্তায় বাঁচিয়ে চলে যায়। তখন দিগ্বিজয়ী বীরের মতো হাসে—হা হা হা। জয় জয় হে। জয় দাঁও প্রভু, কৃপানাথের। জয় রাজা হরিচন্দ্রের। সে কৌচড় থেকে এক এক করে বাতাসে উড়িয়ে দেয় পাখির পালক। এক মরা কাকের ছানাও সে উড়িয়ে দেয় হাওয়ায়। ওটার গন্ধেই কাকগুলি তার পিছু তাড়া করছিল। সে এতক্ষণে এটা টের পেয়ে রাত্তায় দাঁড়িয়ে মাথায় জড়ানো বোঁচকাবুঁচকি খুলে দেখতে থাকল পাগলিনী একটা ভাঙা ঠেলাগাড়ির নিচে শুয়ে সব দেখছে আর মুচকি হাসছে। তারপর কি ভেবে উঠে এক দৌড়। পাগলিনী সেই ছানাটা হাতে ছলিয়ে যেন বাজার করে ফিরছে মতো ঠেলাগাড়ির নিচের আভানায় গিয়ে চুকে পড়ল।

কবে কোন এক বড়ো নির্জীব ঠেলাওলা ওটা রাত্তার ধারে ফেলে চলে গেছিল। ছেঁড়া ত্রিপল ফেলে চলে গেছিল। পাগলিনী ভারি মজা ভেবে ঠেলাগাড়ির ওপরে দৌঁদৌঁড়ি করেছে কতদিন। তারপর ওটা আরও ওপরে তুলে নিয়ে রাজবাড়ির পাঁচিলের পাশে উঁচু মতো ছায়গা দেখে ফেলে রাখল। বড়ই পরিত্যক্ত ভূমি।

সব আবর্জনার আঁতাকুড় জায়গাটা। এখন সেটা আশ্রয় তার। সে রোদ বৃষ্টিতে তার নিচে শুয়ে থাকে। ঘুমিয়ে থাকে। ত্রিপলটা দিয়ে ঢাকা বলে কেউ দেখতে পায় না গাড়ির নিচে বসে সে কি করছে। কি খাচ্ছে।

কাকগুলি এখন আর সেই পাগলের মাথায় নেই। পাগল হরিণ নিশ্চিন্তে হেঁটে গিয়ে সেই দেবদারু গাছটার নিচে বসল। পোড়া বিড়ি বের করল বোলাবুলি থেকে। কাকের হাত থেকে রক্ষা পেয়ে তার রাজ্য জয়ে বের হবার ইচ্ছা। বের হবার আগে দম নিচ্ছে বসে বসে।

তখনই বাস ট্রামের লোকজন দেখতে পেল কাকেরা যুদ্ধ বাবিয়েছে। কঁাকে কঁাকে উড়ে এসে সেই ত্রিপলে ঢাকা পরিত্যক্ত টেলিগাডিটার কাপটা মারছে। ঠোকরাচ্ছে। নিশ্চিন্তে কেউ নিচে বসে কাকের ছানার পালক ছাড়াচ্ছে লোকজনরা কেউ আর টের পাচ্ছে না। এমন একটা কাকের যুদ্ধ—প্রায় যেন পলপাল নেমে আসছে, আকাশ কালো হয়ে গেছে, দুনিয়ার সব কাক মানুষের ইত্তরামিতে অতিষ্ঠ হয়ে যেন শহর আক্রমণ করতে আসছে। আশেপাশের বাসিন্দারা ভেতরই পেয়ে গেল। মন্ত্রিসভায় তখন বৈঠক চলছিল, পুলিশ তখন শ্বার দিল, শাস্ত্র কাকেরা শহর আক্রমণ করছে। এই শ্বরে দমকলবাহিনীকে ছুটে যেতে বলা হল। শ্বরের কাগজ থেকে সাংবাদিক ছুটল। সঙ্গে ফটোগ্রাফার। বড় বড় হরকে ছাপার জন্ত বার্তা সম্পাদক কি হেড-লাইন করা যায় ভাবতে ভাবতে পায়চারি শুরু করে দিল। জনগণ শ্বরটা শাবে। কিছুদিন থেকে শ্বরের বড় আকাল চলছে। এখন পাল্লা দিয়ে মজাদার হেড-লাইন না করতে পারলে কাগজ কাল সকালে মার খেতে পারে! সঙ্গে সঙ্গে কোন কোন সালে এই কাকের আক্রমণ ঘটেছিল, কাকের সংখ্যা কত, কত বিচিত্র রকমের শবাবের কাক আছে, এদের চরিত্র মনুষ্য চরিত্রর সঙ্গে কোথায় মিল এই নিয়ে একটা চতুর্থ পাতায় ফিচার লেখার জন্তও নানারকমের কাক চরিত্রসহ—এনসাইক্লোপিডিয়া সংগ্রহে মেতে গেল শ্বরের কাগজের সাতাররা।

ততক্ষণে পাগলিনী সতীবিবির পালক ছাড়ানো শেষ। আগুন জ্বলল নিচে। খড়কুটোতে বাচ্চাটাকে পুড়িয়ে নিল। তারপর গোগ্রাসে গিলে ফেলল কাকের রোট। বড়ই স্বস্তি শ্বাবার। জনগণেরা তখন ভারি ভিড় করেছে। ট্রাম বাস জ্যামে পড়ে গেছে। দোকানদার, দালাল, ফেরিয়াদা, নাট্যকার, কবি সাংবাদিক অঞ্চলের যে যেখানে ছিল ছুটে এসে দেখল, কাকেরা চলে যাচ্ছে। ধোঁয়া মাংস-পোড়া গন্ধ কমে আসতেই কাকেরা সব চলে যেতে থাকল। সামান্য ধোঁয়া

উঠছিল ত্রিপুরার কাঁক ফোঁকারে। হোসপাইপে জল মারতেই এক মূর্তিমান কলকাতা করোলিনী। সবাইকে দাঁড়িয়ে দাঁত ভাংচাচ্ছে। আসলে এটা কাকতালীয় ব্যাপার ভাবল শহরের লোকেরা। কেউ কেউ বলল, কাকেরা যুদ্ধ করলে দেশে প্রাণন দেখা দেয়। জ্যোতিষিরা বললেন, শনি ও রাহু সিংহে রয়েছে। আগামী দশই জুলাইর মধ্যে একের পর এক গ্রহ গিয়ে সিংহে সন্নিবিষ্ট হচ্ছে। রবি ৪ জুলাই শুক্র ৭ জুলাই, বৃহস্পতি ৯ জুলাই এবং বুধ দশই জুলাই সিংহে মিলিত হচ্ছে শনি ও রাহুর সঙ্গে। এতগুলি গ্রহ সন্নিবেশের ক্রিয়া প্রতি-ক্রিয়া সম্পর্কে বিবাদ বিসম্বাদ স্বাভাবিক। এই বিবাদ বিসম্বাদের ফলে আর কিছু না হোক কাকের আক্রমণ অবশ্যস্তাবী। এর ফলে বৃহৎ রাষ্ট্রের মধ্যে মনোমালিন্য দেখা দিতে পারে। মধ্য এশিয়ায় ও আফ্রিকায় বহুপাত ঘটতে পারে। রাজনৈতিক উত্তান পতনেরও সম্ভাবনা আছে। দক্ষিণ-পূর্ব এশিয়াসহ ভারতের কোন কোন অংশে ভূমিকম্প, প্রাকৃতিক দুর্যোগ মহাপ্রাণের আশঙ্কা আছে।

পাগলের এক্সব জানার কথা নয়। তার কাজ শুধু সঞ্চর করে যাওয়া। সে রাস্তায় কিছুই ফেলার জিনিস ভাবে না। যা পায় সঙ্গে নিয়ে নেয়। ভাঙা খুরি হাঁড়ি পাতিল দেশলাইর বাক্স প্রাণ্টিকের ছেঁড়া ব্যাগ সবই তার বড় দরকারী। সে তার সঞ্চর কোথাও ফেলে যায় না। দিনকে দিন সঞ্চর বাড়তে বাড়তে ওটা ভারি একটা বস্তা হয়ে গেছে। মাথায় তুলতে কষ্ট হয়। সেজন্ত সে মাথা থেকে নামাতে ভয় পায়। মাথায়ই থাকে। এবং ঘাড় শক্ত হয়ে যায়। শিরাতুলি শক্ত হয়ে যায়। তবু সে মাথা থেকে নামাতে সাহস পায় না। কে আবার তুলে দিতে এসে ছিনতাই করে নেবে তার চেয়ে এই ভাল বাবা মাথার জিনিস মাথায় থাক। কিছুই ফেলা যায় না। সেজন্ত সে নারকেলের মালা এবং সিগারেটের বাকস দিয়ে মালা গোঁথে গলার পরেছিল। পিঠে পুরাতন জামার নিচে পচা ঘামের গন্ধ। সে রাস্তায় জ্যাম দেখে, ভিড় দেখে মানুষের পাগলামি দেখে হাসছিল। পাগল হেসে হেসে সবাইকে বলছিল, দু-শরের মাঝে অর্ধে সমুদ্র। সে অল্প কোন সংলাপ খুঁজে পাচ্ছিল না। সে এই একটা কথাই এখন পর্যন্ত মনে রাখতে পেরেছে।

কিন্তু তার বোঁচকার কথা মনে পড়ে গেল। দম মাথা দমের লাঠিটার কথা মনে পড়ে গেল। মানুষের ভিড় দেখে মনে হয়েছিল এরা তার এতদিনের সঞ্চিত সব ভৈরবসপত্র ছিনতাই করে নেবে। সে বোঁচকা এবং দমমাথা দমের লাঠি ফেলে দেবদারু গাছটার নিচে ছুটে এসেছিল। তার বস্তাটা মাথায় নিয়ে দাঁড়াতেই

মনে পড়ল, গুগুলো সে কোথায় যেন রেখে এসে। এত সম্পত্তি ফেলে রাখা ঠিক নয়। এতে বিপত্তি বাড়বে। কোনটা ফেলে সে কোনটা রাখা করবে বুঝতে পারছে না। বস্তুটা মাথা থেকে নামালেই এটা তার সম্পত্তি থাকবে না এমন মনে হয়। মনে হয় সর্বসাধারণের সম্পত্তি হয়ে যাবে। এত কষ্ট করে মাথার দাম পায়ে ফেলে কি দরকার ছিল তবে সম্পত্তি বাড়ানোর। একটু উদার হওয়া উচিত না। এই দ্বিধে খুঁজে সে হাতা হতে পারে। ভাবতেই ধপাস করে ফেলে দিল মাথা থেকে বস্তুটা। সে লাঠিটা খুঁজতে ছুটে গেল। ওটাতে সে কাকের পালক কেঁধে রেখেছে। বড়ই মূল্যবান বস্তু। হারালে সে বংশে নিবংশ হবে।

মানুষের বংশে নিবংশ হওয়া ভাল কথা না। লাঠিটা না থাকলে সে নিবংশ হতে পারে ভেবে খুবই বিচলিত বোধ করল। যেন বড়ই আতঙ্কিত হয়ে পড়ে গেছে। তখন বাস ঘর টাম ঘর, মানুষের মিছিল ঘর। আর দেখে আঁতাকুড়টা ক্রমেই বন্ধ হয়ে যাচ্ছে। যেন জ্বলন্ত বলে আঁতাকুড়টা এই শহরের যা এখনও স্থায়ী পায়রা মঞ্চ আছে সব পুড়িয়ে যাবে। সে সেটা কিছুতেই হতে দেবে না। লাঠিটা বসলে থাকলে কাকের পালক বাঁধা থাকলে কোন দুষ্ট প্রভাব কাছে পৌঁছতে পারবে না। সেটা কাঁবে নিয়ে বেড়ালে মানুষের মঞ্চ হবে। এই মানুষের মঞ্চ হবে ভেবেই সে লাঠিটার খোঁজ করছে এত করে। দেখলে মনে হবে তর তর করে খুঁজছে সারাটা রাত। বুড়োটা চুরি করে নেয়নি তো, আবার। লোকটাকে সে কিছুদিন থেকেই খুব সন্দেহ করছে। কোথেকে এসে তার জায়গাটা দখল করে বসে গেল। সঙ্গে পুরুষটো মাইয়া আছে একখান। নাম কয় চার।

তখন শহরের প্রথম উত্তাপ কমে আসছে এবং ছায়াবিহীন এই পথ। ফুটপাথে অথবা গাড়িবাহিনীর দ্বারা রাত যাপন করছে যারা ঠিকানা বিহীন, তাদের তৈজসপত্র ছেঁড়া নোংরা এবং পাগল হরিশের মতো প্রাচীনকাল থেকে সব সংরক্ষণ করছে তারা এখনও অমের জন্ত কেবলবাজারের মতো খোঁজাখোঁজ করছে। ছেঁড়া সব তৈজসপত্রের ভিতর শুধু এক অতিকায় বৃদ্ধ মুখে দাড়ি লম্বাটের মতো এবং সাদা শিঁহি চুল আর অবয়বে রবীন্দ্রকবির মতো যে কপালে হাত রেখে শেষ শ্রুতিশ্রী আকাশে দেখার চেষ্টা করছিল। কিছুদিন থেকে হরিশ এই লোকটাকে সন্দেহ করছে। সন্দের ডবকা ছুঁড়িটা উদ্যোগ গারে পড়ে থাকে। গা আল্লা করে রাখে। এরাই দমদামের লাঠিটা গায়েব করতে পারে। লাঠিটার জাঁজটোনা টের পেয়ে গেছে বুড়োটা! তর তর করে খুঁজেও যখন পেল না তখনই বুড়োটার সামনে

এসে উর্ধ্ববাহু হয়ে গেল। এটা তার একটা প্রণয়ের তরীকা। উর্ধ্ববাহু হলোই বুঝতে হবে সে কিছু ফেরত চায়।

বুড়োটা বলল, আমার কাছে কিছু নেই।

হরিশ কোমর দোলাল। অর্থাৎ আছে।

বুড়োটা বলল, নেই, কিছু নেই।

হরিশ আরো জোরে ডাইনে বাঁয়ে কোমর দোলাল। অর্থাৎ আছে, আছে।

দাও। না দিলে অমঙ্গল হবে। মনুষ্য জাতি বিলোপ পাবে। ওটা বড়ই প্রয়োজনীয় অব্যবস্থা।

তখন বুড়োটা বিরক্তিতে অতিকায় বৃদ্ধ হয়ে যেতে থাকল। গায়ে কি পচা দুর্গন্ধ।—সরে দাঁড়া সরে দাঁড়া। বলে একটা ঠ্যাঙা নিয়ে তেড়ে গেল।

হরিশ উর্ধ্ববাহু হয়েই দাঁড়িয়ে থাকল। নড়ল না।

ফুলি বলল, কি হৃন্দর দিন। আমার এই ঘাসে এখন ঘুমিয়ে পড়তে ইচ্ছে হচ্ছে। ফুলি রাজবাড়ি থেকে বের হয়ে এখানে একটু প্রেম করতে চলে এসেছে।

সত্যি হৃন্দর দিন। বর্ষাকাল, অথচ কি নির্মল আকাশ। ঠিক শরৎের আকাশের মতো। ফুলি মাঠের ঘাস মাড়িয়ে যাচ্ছিল। পাশে তার হৃন্দর যুবক হৃন্দ। সে তার হাত ধরে হাঁটছে। এ-সময়ে পৃথিবীটা মাহুদের কাছে কত পবিত্র হয়ে যায়। ওদের হাঁটা চলা কাথাবার্তা থেকেই বরা যাচ্ছিল, ওরা এখন পৃথিবীর সবচেয়ে হুশী মানুষ। ওরা ঘাসের ওপর বসে পড়ল। তারপর দু'জন দু'জনের মুখ দেখল।

ফুলি সারাটা বিকেল শুধু আজ আয়নায় মুখ দেখেছে। বাথরুমে হুগন্ধ সাবানে চান করেছে। মা বলেছে, অত সময় ধরে চান করছিস কেন ফুলি। ফুলি মুখে জল নিয়ে ধুৎ করে উড়িয়ে দিয়ে বলেছে, ঠাণ্ডা জলে চানে কি আরাম। আহা সেই মানুষ আজ আবার তার জন্য কোন গাছের নিচে অপেক্ষা করবে বলেছে। কতদিন থেকে সে এমন আশা করতে করতে বড় হচ্ছিল। তার থাকবে একজন হৃন্দর প্রেমিক। যে সহজেই বলবে ফুলি তুমি কি হৃন্দর। চল না কোন জ্যোৎস্না রাতে আমরা কোন গভীর অরণ্যে চলে যাই।

ফুলি তারপর কার কাছ থেকে চেয়ে নিয়েছিল, সেই লতাপাতা আঁকা সিঁকের শাড়িটা। তার এক মাথা চুল। চুলে শ্যাম্পু দিয়েছে। ওর ফাঁপা চুল ঘন নীল

রঙের হয়ে যায় তখন। প্রতিটি লোমকূপ থেকে চুলের গভীর সৌন্দর্য ফুটে ওঠে। সে এটা টের পেলেই লা লা করে গান গায়। তার অহংকার বলতে এই ঘন নীল রঙের চুল। ছেড়ে দিলে একেবারে হাঁটু অঙ্গি নেমে যায়। সুনন্দ ফুলির সারা মাথা ভরা এক প্রকাণ্ড সবুজ বাবুইর বাসাটার দিকে হাত দিতে গিয়ে কেমন চঞ্চল হয়ে উঠল।

ফুলি বলল, এই কি হচ্ছে।

—একটু দেখি না।

—না এখন না।

সুনন্দ বলল, একদিন দেখ ঠিক আমি মরে যাব। আমি তোমার কিছুই পাব না।

সুনন্দর এই বোকা বোকা কথা ফুলির বুকে কেমন আশ্রয় ধরিয়ে দেয়। সে বলে, দাদা তোমাকে আমাদের বাসায় আসতে বারণ করেছে ?

—কৈ না তো!

—তবে তুমি যে সেদিন এলে না ?

—সেদিন মানে ?

—সব ভুলে যাও কেন। তুমি বললে না, রোববার বিকেলে যাব।

—ও সেই কথা। —যাব ভাবলাম, কিন্তু পরে মনে হলে গিয়ে কি হবে। সবাই বাড়ি থাকলে গিয়ে কি লাভ।

—ঐ একটাই বোকা। আর কিছু বোকা না। আর আসছি না দেখ।

সুনন্দ পায়ের শাড়ি সামান্য তুলে দেখল ফুলির। কি সাদা আর মাখনের মতো নরম উক।

ফুলি শাড়িটা নামিয়ে দিল জোর করে। —তুমি কি! মাছুষ জন আছে না।

—অতদূর থেকে কেউ বুঝতে পারবে না।

—ঐ দেখ, একটা ঘোড়সওয়ার পুলিশ।

সুনন্দ দেখল, দূরেই ঘোড়সওয়ার পুলিশ। ঘোড়ার মুখটা তাদের দিকে ঝুঁকানো আছে। সে একটু সরে বসে বলল, কি বলে বাড়ি থেকে বের হলে ?

—যা বলে বের হই।

—কিন্তু যদি ধরা পড়।

—কি হবে তবে ? বলব, সুনন্দদার কাছে গেছিলাম। তারপরই বলল,

রাজবাড়িতে জানো একটা মানুষের অ্যামব্রায়ো পাওয়া গেছে। আন্তার্কটিক পড়েছিল।

ফুলির উচ্চ মাধ্যমিকে বায়োলজি আছে সেই ছবানে ভ্রূণ-টুণ না বলে এমব্রায়ো বলল। বেন ফুলি কত অভিজ্ঞ—এবং সে বলল, জানো আমার আর শড়াশোনা করতে ভাল লাগে না! তোমাদের বাড়ি থেকে কিছু অমত হবে?

সুনন্দ বলল, এখনও আমার দুই দিদির বিয়ে বাকি—তুমি তো সব জান।

—তা হলে আমরা কতদিন এ-ভাবে থাকব।

—দিদিদের বিয়ে না হওয়া পর্যন্ত।

—কবে ওরা করবে।

—করবে মনে হয়। কারণ ওরাও তো তোমার মতো অধীর।

এ-সব কথা হামেশাই এ-শহরের উঠতি যুবকদের যুবতীদের এবং এরা নিয়-মধ্যবিত্ত ঘরের যারা তাদের এই পার্ক, সিনেমা, থিয়েটার এবং বড় মাঠটা সম্বল।
দূরে দূরে যতদূর চোখ যায়, কোথাও তরুণ যুবকেরা খেলা করছে—কোথাও ঘোড়া দৌড়ে যাচ্ছে কোথাও জোড়ায় জোড়ার ঘুরছে। মহারানীর স্মৃতিসৌধটির পাশে এমন সব যুবক যুবতী গাছের নিচে বসে উত্তেজনায় অধীর হচ্ছে। চোখ মুখ জ্বলছে। এই বয়সে তাদের আর কি করণীয়। কিন্তু তারা জানে তাদের অনেকেরই এক স্বপ্ন-সমুদ্রে শুধু ভেসে বেড়াতে হয়। ইচ্ছেমত তারা গভীরে প্রবেশ করতে পারে না। তাদের জন্ম সব সুন্দরী যুবতীর বড় হয় ঘুরে বেড়ায়, তারা শুধু দেখে যায়। সুনন্দ দেখল নদীর পাড়ে স্মৃতিস্তম্ভ হচ্ছে। অসংখ্য পাখি উড়ে যাচ্ছে মাথার ওপর দিয়ে। চারপাশে নগরীর কোলাহল, বাস ট্রাম এবং হাইড্রোপার। সে বেড রোডের গোলমোহর গাছগুলি পার হয়ে আরও গভীর ঝাঁটের মধ্যে ফুলিকে নিয়ে ঢুকে যেতে থাকল। ফুলির শরীরে আশ্চর্য লাগল। ওর জজ্বায় না জানি কোন মহাসমুদ্র খেলা করে বেড়াচ্ছে। সে এখনও সেখানটায় হাত দিতে পারেনি। এই একটা ভীষণ ইচ্ছে ফুলির কাছে এলেই তার শরীরে কেমন জ্বর এসে যায়। ইচ্ছে হয় কত কথা বলবে, কিন্তু কেমন মুক বধিরের মতো সে শুধু তাকিয়ে থাকে। শরীরকে ক্ষতবিক্ষত করে তাকে ফিরে যেতে হয়—কারণ মধ্যবিত্ত পরিবারগুলোর মধ্যে মা বাবা, ভাই বোন সব মিলে এক প্রাচীর তৈরি হয়ে আছে। সেই প্রাচীর ভাঙার জন্য একটু এগোলেই সংসারে কোথায় কিছু হারিয়ে যায়।

ফুলি বলল, এই, আমি ফিরব। সন্ধ্যা হয়ে গেছে।

—আর একটু চল না হাঁটি।

ফুলির মধ্যেও মানুষের সজ্জ পেলো বা হয়—এক জলোচ্ছ্বাস ঘটছে। সে সেটা টের পাচ্ছিল। সে হাঁটতে পারছিল না। কেমন শরীরে আশ্চর্য জড়তা নেমে আসছিল এবং সে নিজেকে নিজেই ভয় পাচ্ছিল। শেষ তো সেই এমব্রায়ো। ওটার জন্ত সে জানে খুব ভাববার নেই। কিন্তু অস্পষ্ট অন্ধকারেও সে বুঝল কোথাও এই শহরে একটু নিরিবিলা জায়গা নেই—যেখানে সে এবং সুনন্দ মুহূর্তের জন্ত এক হয়ে যেতে পারে। ফুলি অগ্নমনস্ক হবার জন্ত বলল, এই প্রিয় শহরে আমরা একদিন বুড়ো হয়ে যাব। ভাবতেও কেমন ভয় লাগে।

সুনন্দ বলল, বুড়ো হতে দিচ্ছি না।

—তুমি না দেবার কে! জান আমার মা এখন কেমন হয়ে গেছে। কি সুন্দর না ছিল দেখতে! আমার বয়সে বরে একটা কচৌতে মাকে মধুবালায় মতো সুন্দর লাগছিল। সেই মা কেমন হয়ে গেছে দেখতে। জান আমার কেবল ভয় করে—আমিও একদিন ঠিক মার মতো হয়ে যাব।

সুনন্দ দেখল এখন ওরা অনেকটা মাঠের গভীরে ঢুকে গেছে। বলল, এস আমরা পাশাপাশি এখানে শুয়ে থাকি।

—পুলিস ধরুক আর কি।

সুনন্দ বলল, বড়ই সুসময় চলে যাচ্ছে। এই সুসময় আমরা শুধু পালিয়ে ভালবাসছি। জানো রাতে তোমার কথা ভাবতে ভাবতে কেমন অস্থির হয়ে যাই, মা বাবা দিদি সব কেমন-দূরের মনে হয়। যেন এতদিন যে বড় হওয়া সে শুধু তোমার জন্ত।

ভালবাসার কথা সাধারণত এই রকমেরই হয়ে থাকে। কাজেই নতুন কিছু নেই। সুনন্দদের সময়ে এই কথা, তার আগেও এই কথা, তার আগেও এই কথা। আগামী জন্ম-জন্মান্তরে এই কথা। এইভাবেই মানুষ বালক থেকে যুবক হয়, যুবক থেকে প্রবীণ, তারপর বুড়ো। তখন ঈশ্বর দরকার হয়। মানুষের কোথাও না কোথাও একটা আশ্রয় বড়ই দরকার। এখন সুনন্দর আশ্রয় এই ফুলি।

সুনন্দ পাশে বসে দাঁতে ঘাস কাটতে কাটতে এসব ভাবছিল। ফুলির দাদা ওর সঙ্গে পড়ত সুরেন্দ্রনাথের। ওর দাদা ভাল কবিতা আবৃত্তি করতে পারত। নাটক করতে পারত ভাল। একবার একটা কবিতাও লিখেছিল কলেজ ম্যাগাজিনে। সে-কবিতাটা পড়ে ফুলির দাদার প্রতি আকৃষ্ট হয়েছিল। আলাপ,

ভাব, তারপর বন্ধুত্ব। ওর দাদা যা কিছু লিখত প্রথমেই তাকে সেগুলো দেখাত। স্বনন্দর মনে হত, ফুলির দাদা রবিঠাকুর না হয়ে যায় না। অশেষ গুণ আছে তার। কিন্তু এখন সে সব ছেড়ে-ছুড়ে দিয়ে একটা অর্ডার সাপ্লাইয়ের ব্যবসা করছে। আর স্বনন্দ এই নিয়ে আঠারবার ইন্টারভিউ এবং প্রথম প্রেম। ফুলির সঙ্গে তার প্রেম চলছে। সে ভেবেছে মরে যাবে ফুলির জন্য। একটা কিছু করে ফেলবেই। প্রেম নিয়ে সে ছেলেখেলা করতে ভরসা পাচ্ছে না।

—এই শোন। ফুলি স্বনন্দর হাত ধরে বলল।

—কী?

—বাবা সেদিন তোমার কথা দাদাকে বলছিল। স্বনন্দর খবর কিরে! দু-তিন হপ্তা হল আসছে না।

—স্বধীন কি বলল।

—বোধ হয় কাজে আটকে পড়েছে।

—একবার খোঁজ নিলে হয় না। ওরা তো বেলঘরিয়ায় থাকে। রিকুজী কলোমিতে ওর বাবা বাড়ি করেছে।

ফুলিদের পরিবারে রিকুজি জল চল নয়। প্রথম প্রথম স্বনন্দকে বাঙাল বলে বাড়ির সবাই ঠাট্টা তামাশাও করেছে। এবং জল চল নেই বলেই ফুলির বাবা প্রথম দিকে স্বনন্দর আসা খুব পছন্দ করত না। কিন্তু বছরখানেক ধরে অগ্ররকম। অকসিমে তার বস বাঙাল। সিট মেটালে নতুন ম্যানেজার এসেছে সেও বাঙাল। প্রাইভেট অফিসের ছার বাঙাল। একেবারে দেশটা ক্রমেই বাঙালে বাঙালে ছয়লাপ হয়ে যাচ্ছে। যেখানে যাও, অকসিমে ব্যাঙ্কে, ট্রামে বাসে গুধু বাঙাল ছাঁড়া মুখ দেখা যায় না। আত্মীয়-স্বজনদের মেয়েরাও এখন বাঙাল বিয়ে করতে ব্যস্ত। তার দিদির দুই মেয়েই ভালবাসাবাসি করে অকসিদের দুই বাঙালকে বাড়ি তুলে এনেছে। তার বোনের নন্দাই মেয়ের বিয়েই দিয়েছে বাঙাল দেখে। বাঙালরা নাকি খুব করিতকর্য্য হয়। মেয়েদের বিয়ে দাও তো বাঙাল খোঁজ। ছেলেদের বিয়ে দাও তো স্বজাতি দেখে দাও।

এইসব কারণে স্বনন্দর ওপর ফুলির বাবার বেশ মেহ ভালবাসা জন্মাচ্ছিল। এ-জন্ত অভাবের সংসারে ছবার নিমন্ত্রণ করেও খাইয়েছে। স্বনন্দ একটা চাকরিও করছে প্রাইভেট কার্মে। তবে সে ব্যাঙ্কে চেষ্টা চালিয়ে যাচ্ছে। ওর আশা ব্যাঙ্কে সে একটা কাজ পেয়ে বাবে। ফুলির বাবা আজকাল ঠনঠনে দিয়ে আসার সময় শরীর ভাল থাকে নিয়ে যখন মা ঠাকুরপকে মাথা ঠোকে তখন সঙ্গে

স্বনন্দর ব্যাক্তের চাকরিটার কথা মাকে মনে করিয়ে দেয়। —তোমার তো মা সবাই সন্তান। সন্তানের শখ-আহ্লাদ তুমি না মেটালে কে মেটাবে। মা মাগো তোরই ইচ্ছা সব। তারপরই মনে হয়, মুখটা খালি, দোক্তাপান খাওয়ার ভারি যত্নভ্যাস। পাশের পানের দোকান থেকে একটা পান হাতে কিছু জর্দা নিয়ে ছাঁটা দেয়। এ-সব অবশ্য ফুলিই বলেছে স্বনন্দকে। —মনে হয় বাবা তোমাকে এখন পছন্দ করছে। সেই স্ববাদে সব ঝঁটিয়ে সেদিন ফুলির বাবা পরিবারবর্গ নিয়ে দক্ষিণেধরে চলে গেল। ফুলি বাড়ি পড়ে থাকল একা। স্বনন্দর সেদিন আসার কথা। ফুলির মনে হয়েছিল, বাবা ভুলে গেছেন। মাও। দাদারা তো রাত দশটার আগে বাড়ি চোকে না। কেবল স্বনন্দ ওকে জড়িয়ে আদর করার সময় বলেছে, তুমি একা। ওফ্ কি যে ভাল লাগছে না।

সেই থেকেই ফুলির কাছ থেকে স্বনন্দ এটাওটা চেয়ে নেয়। সব চাইলেই অবশ্য পাওয়া যায় না। কুমারী মেয়ের নিরাপত্তার বিষয় ঘটতে পারে। নিরাপত্তার বিষয় না ঘটিয়ে যতটা দেওয়া যায়, ফুলি স্বনন্দ কিছু চাইলে সেইটুকু দেয়। তার বেশি না। সেজ্ঞ স্বনন্দ যে ছবি উঠে যাচ্ছে তার শেষ শো দেখে। হল ফাঁকা। অনেক কিছু এখন চাওয়া যায়। সেজ্ঞ স্বনন্দ কখনও অপরিচিত রেস্টোরাঁতে ফুলিকে নিয়ে বসে। পর্দা টেনে দেয়। তারপর জড়িয়ে ধরে চুমু খায়। ফুলি তখন শরীরের সঙ্গে একেবারে মিশে থাকতে ভালবাসে। এইভাবে মাস ছয়েক ধরে খেলা চালিয়ে যাচ্ছে। এখন ব্যাক্তে শুধু একটা চাকরি। ওটা হয়ে গেলেই সে নদীর পাড় ধরে আর হেঁটে যাবে না। নদীটা সোজাহুজি অতিক্রম করবে। এবং সেখানেই সে প্রথম এক গভীর অরণ্য দেখতে পাবে। ফুল ফল লতাপাতা, ঝড় বিদ্যুৎপ্রবাহ, স্বাপদসংকুল এক অরণ্য। নিয়তি মানুষকে শেষ পর্যন্ত সেখানেই টেনে নিয়ে যায়। স্বনন্দ দীর্ঘনিঃশ্বাস ফেলে বলল, তুমি মা হয়ে যাবে, আমি বাবা হয়ে যাব। দাঁত নড়বড়ে হবে—তবু ফুলি আমরা যুবকেরা যুবতীরা কি এক তাড়নায় সেখানেই শেষ পর্যন্ত গিয়ে হাজির হই। এইটুকু বলে স্বনন্দ ঘাসের উপর সত্যি শুয়ে পড়ল। সে যেন বলতে চাইল এইভাবে নিয়তি আমাদের কবরের দিকে নিয়ে যায়।

ফুলি মাথার কাছে বসে বলল, এই শুনে কেন?

স্বনন্দ বলল, কত নক্ষত্র না আকাশে?

ফুলি বলল, লক্ষ্মীটি ওঠো।

স্বনন্দ বলল, তুমি যাও।

ফুলি তখনই বলল, দ্বাধ কারা আসছে। দু-তিনটা যণ্ডামার্কী ছেলে

সনন্দ দেখল ছেলেগুলি তাদের বিরে কেলেছে। একজন বলল, দ্বাধা কি করছিলেন বেশ মজা, না বেশ টিপে টুপে দেখা হচ্ছে। তারপরই খাই করে মুখে ঘুষি।

সনন্দ বলল, আমাকে মারছেন কেন ?

—গ্রেম। খালা গ্রেম চুটিয়ে দিচ্ছি। এই ক্যাবা দুটোকেই ঝাংটো করে ছেড়ে দে ত।

—দেখন আমরা বেড়াতে এসেছি।

—আর জায়গা পাও নি চাঁদু। কি আছে দেখি।

—কিছু নেই।

একজন বলল, মার না আর একটা টুসকি। বাছাধন হড়হড় করে সব বের করে দেবে।

ফুলি ভয়ে কাঁপছিল। গলা শুকিয়ে আসছে। চিংকার করতে গিয়েও পারল না। পুলিশ পুলিশ! কিন্তু কোথাও কেউ নেই। গাছের ও-পাশ দিগ্ধে মাহুযজন হেঁটে যাচ্ছে। ফুলি দৌড়ে ধবর দেবে ভাবল। আর তখনই তিন নম্বর যণ্ডামার্কী ছেলেটা ওর হাত ধরে কেলেছে। দেখি রানী। কাছে এসে কি আছে? কিছু নেই। আহা! বলে কানের দুল খসিয়ে নিল। সনন্দ ষড়ি খলে দিচ্ছে। ফুলির হাতে আর আছে কাঁচের চুড়ি।

—পকেটে দ্বাধ কাপ।

পকেট হাতড়ে দেখা হল।

তখন সেই দম্ভ্য সর্দারটি বলল, তোর একে একে চুমু খা।

আর তখনই সনন্দের কি হয়ে যায়। সে ক্ষেপে গিয়ে এলোপাখাড়ি লাগি ছুঁড়তে থাকে। এবং প্রায় পাগলের মতো সে লাফিয়ে পড়ল এবটার ঘাড়ে তারপর ভোর হিন্দি সিনেমার মতো রক্তা চালাল। ওর মাথার মতো কেউ কিছু চালিয়েছে। সে রক্তাক্ত হয়ে যাচ্ছিল। ফুলি চিংকার করছে, মেরে ফেলল, মেরে ফেলল। সেই ভাও চিংকারে মাহুযজন ছুটে আসছে। তারপরই দেখল সব ফাঁকা। ফুলি অপরিচিত মাহুযজনের মধ্যে লোবা হয়ে গেছে। একটা কথা বলতে পারছে না। সনন্দ পায়ের কাছে পড়ে আছে। মাহুযজন দেখে ওঠার চেষ্টা করছে।

তখন জনতা ওদের ওপরই ক্ষেপে গেল। কেন আসেন—ঠিক হয়েছে।

বেশ হয়েছে। হৃন্দ তখন হাত ধরে টানল ফুলির, এই এস। মানুষজন
তামাশা দেখার জন্য ভিড় করতেই ফুলি বলল—তোমার রক্ত পড়ছে।

—ঠিক হয়ে যাবে। এস।

—রক্তক্ষরের ফল। জনতা থেকে কেউ একজন বলল। যেন এরা জীবনে
মেয়েমানুষ ছুঁয়েও দেখে নি।

—বাড়ির লোকও বলি, এমন একটা খিঙ্কি মেয়েকে ছেড়ে দেয়। তারপর
ওরা মানুষের নৃল্যবোধ নিয়ে কথা বলতে বলতে চলে গেল। সব ভেঙে পড়ছে।
জীবনে সত্যতা নেই। কি হল দেশটা।

হৃন্দ রমাল দিয়ে ক্ষত স্থানটা চাপা দিয়ে হাঁটতে থাকল।

ফুলি বলল, আমরা এখন কোথায় যাব হৃন্দ? অর্ন্ত অসহায় মেয়েটার
মুখের দিকে তাকিয়ে হৃন্দ কেমন বিন্মমে পড়ে গেল।

তখন বিশাল কাচের দরজা ঠেলে মতি ভিতরে ঢুকছে। হৃবিশাল
করিভোরের পাশে কাচের কাউন্টার। পাঁচ সাতটা ফোন নিয়ে ঘোম্বাবু দাঁড়িয়ে
আছেন। একটা তুলছেন, একটা নামাচ্ছেন। মৃষণ গোলগাল মুখ। মাছির
মতো দুটুকরো গোক নাকের নিচে। গলায় বো টাই। চেক কাটা টেরিকটনের
স্বাট পরে ফোনের রিসিভারে হুক্কে আছেন। কাউন্টারের ভেতরে মিস কাপুর
গোলাপী রঙের ভেলভেটের শাড়িতে আগুন হয়ে বসে আছে। এখনও বোধহয়
ঘোম্বাবু ক্লায়েন্ট ধরতে পারে নি। মতিকে দেখে মিস কাপুর সামান্ন্ত মাথা নত
করল। হাসল সামান্ন্ত। দেরিতে আসায়, তার পরে সে ক্লায়েন্ট পাবে।
তার নিভেরও আজ দেরি হয়েছে। ঘোম্ব মতিকে দেখেই, ইশারায় কাউন্টারের
ভেতর চলে আসতে বলল।

এখানে এলেই মতি যেন অন্ন্ত এক জগতে চলে আসে। কত হৃন্দর পৃথিবী
মাঝে নিভের জন্ন্ত তৈরি করে নিতে পারে এখানে না এলে বিশ্বাস করা যায় না।
লাল কার্পেট পাতা করিভোরে। সব অদৃশ্ন্ত লাল নীল আলো দেয়াল থেকে
যেন চুইয়ে পড়ছে। সব ছিমছাম নারী পুরুষ হল্পা করতে করতে ডান দিকের
সিঁড়ি ধরে উঠে যাচ্ছে। বয় বেয়ারারা সাদা উর্দি পরে ভারি ব্যস্ত। কাঁচের
দরজার ও-পাশে ইকবাল অনবরত সেলাম হুক্কে যাচ্ছে। তাকে দেখেও সেলাম
হুক্কেতে যাচ্ছিল—যেই দেখল মতি বোন, আর অমনি হেসে বলল, কদিন এদিকে
আর মাড়ান নি বুঝি।

কথাটার মধ্যে কেমন একটা নরুতা টের পেয়ে মতি প্রথম হ্র হুক্কে ছিল।

তারপর বুঝল, ইকবাল সে ধরনের মানুষই নয়। সে ইতর কথাবার্তা প্রায় জানেই না। মিস কাপুরের পাশে দাঁড়িয়ে রিসেপশনিস্টদের মতো হাবভাব করতে থাকল। এটা এগিয়ে দিচ্ছে। সিগারেটের কেস থেকে একটা সিগারেট তুলে নিল। কোন পুরুষ একা উঠে গেলেই মিষ্ট করে হাসতে হচ্ছে। কাউন্টারে দাঁড়ালেই এটা করতে হয়। কোথায় কোনটা কাজে লেগে যাবে—এই হাসির মধ্যে শরীরের এক বিশেষ ইচ্ছের প্রকাশ ফুটে উঠলে হয়ত এখানেই বুক করে ফেলতে পারে।

মতি আজ হাল্কা লিপস্টিক ঠোঁটে দিয়ে এসেছিল। ইদানীং সে বুঝেছে, খাপ খোলা পুরুষেরা খুব উগ্র সাজ পছন্দ করে না। সে জন্ত সে তার স্বভাবে চরিত্রে নারী মহিমময়ী এমন একটা ভাব ফুটিয়ে রাখে। লাজুক, চোখ নামিয়ে নেওয়া, আন্তে কথা বলা, কথা বলতে বলতে অল্পমনস্ক হয়ে যাওয়া, একটু উদাস হয়ে যাওয়া এ-সব অভিনয় রপ্ত করতে না পারলে বৈলাইনের পুরুষেরা আরাম পায় না। প্রথম দিকে তার স্বভাবেই ছিল এগুলো। পরে লাইনের মেয়ে হয়ে যাওয়ার পর, তার সে-সব হারিয়ে গিয়েছিল। ঘোষবাবু একদিন বিরক্ত হয়ে বলেছিলেন, ক্লায়েন্টদের সঙ্গে কি কর! ফিরতি বার আর তোমার নাম করে না। আসলে মতি বুকেছিল, সে পাকা বেশী হতে গিয়েই ভুল করেছে। পাকা বেশীদের বাবুরা ঠিক চিনে ফেলে। সেই থেকে সে এখন যেটা তার স্বভাবের ছিল, সেটা অভিনয়ে এনে দাঁড় করিয়েছে।

ঘোষবাবু কোন রেখে একটা চিরকুট এগিয়ে দিলেন। চলে যাও।

মিস কাপুর ভীষণ উত্তেজিত হয়ে উঠেছিল। পরে এসে আগে। আসলে বাঙালী বলেই এই স্বজাতি প্রীতি। কিন্তু লোকটা জানে না, এর আসল মালিক একজন পাঞ্জাবী। যদি এই প্রাদেশিকতার কথা কানে তুলতে পারে তবে নাকানি-চোবানি খেতে হবে খুব। তবু মিস কাপুর এই ঘোষবাবুকে সমীহ করে। কারণ তিনি ইচ্ছে করলে বলতে পারেন, আপনার চাহিদা কমে গেছে। বাজারে আর চলছে না। সেটা কত বড় অপমানের বিষয়। সে-জন্ত সে খুব করণ গলায় বলল, বাবুজী ইট ওয়াজ মাই টার্ন।

ঘোষবাবু দ্বিত হাঙ্গলেন। মাথার ওপরে কাঁচের বোর্ডে নীল অক্ষরে লেখা শুয়েল-কাম। তার নিচে ঘোষবাবুর মাছির মতো গোঁফের ফাঁকে দ্বিত হাসি বড়ই কুটনক ছড়াচ্ছিল। বললেন, ক্লায়েন্ট প্রেকারস মতি। হোয়াট কেন আই ডু।

এর পর মিস কাপুর অগত্যা চাবির রিং ঘোরাতে থাকল। মতি সিঁড়ি

ঘরে উঠে যাচ্ছে। প্রায় যেন একটা স্বর্গরাজ্য পার হয়ে আর একটা স্বর্গ রাজ্যে সে চলে যাচ্ছে। নীল রঙের কার্পেট পাতা সিঁড়িতে। পা ডুবে যাচ্ছিল। ৩০৮ নম্বর ঘর। তার এখন, কোন দিকে কোন ঘরের সিরিয়েল আরম্ভ সব মুখস্থ। একতলা, দোতলা, তিন-চার-পাঁচ তলা। দোতলায় সব লাউজ, ব্যাংকোয়েট হল পাঁচটা। সে এখন গ্রীন ভেলির পাশ দিয়ে যাচ্ছে। কাঁচের ঘরে ভেলভেটের তাকে নানান রকম ইংরাজী হিন্দি বই। দু'জন যুবক, একজন যুবতীকে নিয়ে বইগুলি দেখছে। পাশে একটা রকমারী শাড়ির শো-রুম। তারপরই ম্যাডভিলা—সেখানে মিউজিক বাজছে। কাঠের স্টুইডোর টেলেই সব নানা রকমের আবছা আলো আঁবারে শোনা যাবে মিউজিক বাজছে। আর দূরে অদূরে সব হিজিবিজি মানুষের মুখ—কেমন ভুতুড়ে ছায়া ছায়া—অবিকল এক নকল নরকের ভয়ের মতো জায়গাটা। নারী পুরুষ লাল নীল গ্লাসে চুমুক দিচ্ছে—আর কি গোপন ব্যাথায় মুগ্ধে যাচ্ছে—অথবা স্ত্রী বা মানুষকে অতীব এক সরলতা এনে দেয় একটা লোককে সে উঠে যেতে যেতে দেখল, দাঁড়িয়ে হাঁকছে এনি মোর ফ্লাওয়ার? মতি পাণের বিরাট কাচের ফুলদানি থেকে যেতে যেতে দুটো ফুল ফুলে নিয়ে লোকটার হাতে দিতেই কেমন চকমক করে তাকাচ্ছে। নেশায় লোকটা বড়ই টলছিল। ফুল পেয়েই মুখে পুরে দিল এবং চিবুতে থাকল।

॥ দশ ॥

প্রথমেই মনে হল একটা চোকো মতো মুখ তার চোখের সামনে ঘুরে গেল। তারপর বাঘের মতো একটা ভোরা কাটা মুখ; অতীশ চোখ বগড়াল। জিত ভারি হয়ে আলছে। মাথা বেশ বিমবিন করছে। হাসিরাসীর জু প্লাক করা। নাকে ফলস নথ। কাবুলবাবু লেমন জিন নিয়েছে। চুকচুক করে খাচ্ছে। কুম্ভাবুর হুইঙ্কি ছাড়া পছন্দ না। ওকেও পীড়াপীড়ি করেছিল। কিন্তু সে বলেছে অনেক দিন অভ্যাস নেই। আপনাদের অনারে সামাজিক বিয়ার খাব। হাসিরাসীর গ্লাসে খুবই সামাজিক লেমন জিন। সে বেশি খায় না। কখনও খায় না কেবল হাদার অনারে সে যেন নিয়ম রক্ষা করছে। সব কিছুই এভাবে অনারে হচ্ছিল, যখন প্লেট ভর্তি চিলি চিকেন, যখন অতীশ একবার ইতিমধ্যেই বাথরুম থেকে ঘুরে এসেছে তখনই চোখে একটা ভোরাকাটা বাথ উঁকি দিয়ে গেল। সে বুঝতে পারল না এত নেশা লাগছে কেন। জিত এত ভারি ঠেকছে কেন। এক

বোতল বিয়ারে এমন ত হবার কথা না। সে গ্রাসটা তুলে চোখের সামনে নিয়ে এল—না কিছুই বোঝা যাচ্ছে না। তারপর মনে হল দীর্ঘদিন অনভ্যাসের ফল—অথবা কলকাতায় আসলে বিয়ারের বদলে হুইস্কিই দেওয়া হয়। সে অনেক খবর রাখে, কিন্তু এই শহরের কোন খবরই রাখে না। এক মাসেই বুঝেছে তার শেকড় বাকড় আলগা হয়ে যাচ্ছে কের।

কাবুলবাবু বলল, আর একটা নি।

অতীশ মাংস চিবুচ্ছিল। কেমন গা বমি বমি ভাব। এটাও তার কখনও হয়নি। সে বলল, না আর পারব না।

কুস্ত হোহো করে হেসে উঠল। বলল, দাদা এই আপনার দৌড়! হাসি তো আপনার চেয়ে বেশি খেতে পারে?

—তা পারে। আমি পারি না।

—বাবা বাড়ি আছেন বলে না হলে দেখতেন।

হাসিরাণী বলল, না দাদা আমি খাই না। ও মিছে কথা বলছে।

কুস্ত বলল, খেলে দোষের কি! বৌরাণীও তো খায়। তার জ্ঞান বৌরাণীকে চরিত্রহীন বলতে হবে। খারাপ মেয়ে-মাহুষ বলতে হবে। কি কাবুল বলিস নি! কাবুল চুপ করে থাকল। অতীশের কোথায় যেন চড়াং করে লাগল। কমলকে নিয়ে কথা বলছে কুস্তবাবু। কুস্তর কথাবার্তা কাবুল ঠিক রেলিশ করছে না। বাড়ির আদর্শ বলতে কুমার বাহাদুর এবং বৌরাণী। এরা যখন খায় তখন এটা একটা আধুনিকতার লক্ষণ। এদের কথাবার্তায় বুঝেছে কুস্তবাবু বাহাদুর আদমি, দামী দামী ইংরেজী রেকর্ডে গান শোনে—কুস্তবাবুর বাড়িতেও সেই গানের রেকর্ড। কুমার বাহাদুর নীল রঙের টাই পরতে ভালবাসেন, কুস্তবাবুও মাঝে মাঝে নীল রঙের টাই পরে। কুমার বাহাদুর গাইপ টানে, অফিসে মাঝে কুস্তকে গাইপ টানতেও দেখেছে। মাঝে মাঝে কুস্ত বজ্রনী-গন্ধার ঝাড় কিনে নিয়ে যায়। ঘরটায় তাকে একদিন নিয়ে গেছিল—বসতে দিয়েছিল, দেয়ালে তার ও রাজা বাহাদুরদের ফটো, নিজের ফটো। সমুদ্র তীরের ফটো—শেষ পর্যন্ত সেখানে পৌছাতে চায়। কাবুল সে আর হাসিরাণী হাত ধরে দাঁড়িয়ে আছে। সংসারে সে হাসিরাণীর স্বপ্নের মধ্যে দাঁতের কাটে। তারপরই চিন্তার সূত্র এলোমেলো। কেমন কিম্বকিম মাথা। গা ভারি ভারি। দাঁড়াতে গিয়ে বুঝল বেশ টলছে—মাহুষজন অস্পষ্ট এবং ছুঁজন হয়ে যাচ্ছে। আসলে কি এরা বিয়ারে কিছু মিশিয়েছে এই যেমন হুইস্কি—এতে তার এলার্জি আছে। সে কখনও খায় না।

অতীশ বলল, আপনারা থান। আমি আর খাচ্ছি না।

হাসিরানী বোধহয় মানুষটার জন্ত ভেতরে কোন্ অত্যাগ বোধ করে থাকবে, সে বলল, তোমরা দাদাকে আর দেবে না, দিলে খুব ধারাপ হবে।

হাসিরানীর কথায় কুন্ত এবং কাবুল দুজনই কেমন সচকিত হয়ে গেল। বলে না দেয়। বলে দিলে মন্দ হবে। এই সন্দেহটা হলে তাকে নিয়ে ওরা যতদূর যেতে চায়, আর যেতে পারবে না।

কুন্ত বেয়ারাকে ডেকে বিল মিটিয়ে দিল। অতীশকে বলল, ধরব ?

—না ধরতে হবে না। চলুন।

সবার পেছনে হাসিরানী। এই মানুষটার পেছনে ওরা এত লেগেছে কেন ? বোরানীর খুব পছন্দ বলে, কুমার বাহাদুরের খুব বিশ্বাসী বলে। হাসিরানীর কেন জানি মনে হল, একদিন গিয়ে সে দাদাকে সতর্ক করে দেবে গোপনে। দাদা এদের সঙ্গে যাবেন না। ওরা আপনাকে বিপদে ফেলতে চায়। এবং তখনই কেন জানি হচ্ছে হয়, এই মানুষটার সঙ্গে হেঁটে গেলে সে আরাম বোধ করবে। কাবুল স্বরজা খুলে ধরলে হাসিরানী বলল, আহুন ভিতরে।

—কুন্তবাবু কোথায়।

—পান কিনছে।

হাসিরানী হাসল। বলল, বাড়িতে গন্ধ পাবে না।

—কি হয় গন্ধ পেলে ?

—কি ভাবে সবাই। দাদা মদ খায়। কি ভাবে বলুন।

—মদ খাওয়াটা ধারাপ হবে কেন। এতে কাজের ক্ষমতা বাড়ে। অতীশ কথাগুলি জড়িয়ে জড়িয়ে বলছে। কথা জড়ালেই ধারাপ। তখন শো। তখন অনিয়মে পড়ে যাওয়া। সে দেখল আরও চার-পাঁচজন বের হয়ে আসছে। একটা লোক বেহালা বাজিয়ে পরস চাইছে। গরীব ভিখারীর হাত লম্বা হয়ে আসছে। সে পকেট থেকে তুলে রেজকিগুলো দিয়ে দিল। হাসিরানী গাড়ির ভেতরে ঢুকে তাড়াতাড়ি অতীশকে যেন ভিতরে ঢুকিয়ে নিল। বলল, চূপ করে বসুন। মাথাটা এলিয়ে দিন, আরাম পাবেন।

অতীশ বলল, হাসি একটা কথা বললে রাগ করবে না বল।

—রাগ করব কেন ?

—বাড়িতে তোমার লক্ষ্মীর পট নেই। আমার খুব হচ্ছে একটা পট কিনে দেব। লক্ষ্মীর পট। পাঁচালি। কিনে দিলে নেবে ত ?

—ওর এসব পছন্দ না।

—কুস্তবাবু তো কালীভক্ত।

—তাই ও চায় না।

—তালে দেব না। স্বামীর অবাধ্য হতে আমি তোমাকে বলব না। স্বামীর অবাধ্য হওয়া ভাল না।

তখন কুস্ত এসে দেবল হাসিরাগীর পাশে অতীশ গা লেপ্টে বসে আছে। কুস্তর ভেতরটা গরগর করে উঠল। কিন্তু কিছু না বলে একটা পান এগিয়ে দিল অতীশের দিকে। বলল, খান। গন্ধটা মরবে। অতীশের মনে হল সেই ভোরাকাটা বাঘটা চোখের সামনে লাফিয়ে পড়ছে।

হাসিরাগী বলল, আমারটা কৈ?

—তোমার মুখে গন্ধ কোথায়, তুমি যে খাবে।

অতীশ বলল, আচ্ছা কুস্তবাবু আপনি কি আর জন্মে বাঘ ছিলেন? না, আই মিন বাঘের বাচ্ছা।

কাবুল চোখ টিপল। কুস্ত ওর বিয়ারের সঙ্গে তিন তিনবার হুইস্কি মিশিয়েছে। আর একটু হলেই কাবু করে আনতে পারত। কিন্তু হাসিরাগীর বাধা ছিল। বলল, আপনি কি টের পান, মানুষ কোন জন্মে কি থাকে?

—কি যেন হয় মাথার মধ্যে। এই দেখুন না কখন থেকে একটা জন্তর মুখ আমাকে কেবল তাড়া করছে। কখনও বাঘের মনে হয়, কখনও শেয়ালের, কখনও মানুষের মুখ—হিজিবিজি দাগ কাটা, টলতে টলতে আসছে। আমাকে ধরতে আসছে।

অতীশের পাশে কুস্ত বসে পড়ল। গাড়ি চালাচ্ছে কাবুল। কাবুলের কাছে অতীশবাবুর মুখোশ যত থলে ধরা যায়। কারণ সেই একমাত্র তার এখন নিজের লোক—যে তার হয়ে রাজাকে বলবে। সবই সে করছে হাসিরাগীর জন্ত, তুমি যে কেমন মেয়েছেলে বাকী বুঝি না। নিজের ভালটাও বোঝ না। তুমি জান না এই লোকটা আমার তোমার সব স্নেহ কেড়ে নিতে এসেছে।

কুস্ত মনে করছিল মদ খাওয়ার ঘোরে অতীশবাবু রাজার হুমুখো স্বভাব নিয়ে কিছু বলবে—এই ভুলচুক কথাবার্তা, সঙ্গে বেফাস দুটো-একটা বের হয়ে গেলেই কাজ দেবে। নবর চাকরির প্রসঙ্গও তুলেছিল। কিন্তু অতীশবাবু ভারি সেরানো, শুধু ঘাড় নেড়ে গেছে। নিজের কথা বলে নি। বৌরাণী তাকে ডেকে কি বলেছে, তাও সে বিন্দুমাত্র গুলায় নি। মদ খেলে তো মানুষ সোজা সরল হয়ে

যায়-অথচ এত খাওয়ার পরও রাজ্যের সম্পর্কে একটা বেকাস কথা বলে নি। এ-ছাড়া হুস্ত বোঝে তার মাথায় নানা রকম কন্দি খেলা করে বেড়ায়। কোথা দিয়ে কোন রকুপথে ঢোকা যাবে, কাকে কি-ভাবে জড়িয়ে দেওয়া যায়—এটাই তার মাথায় থাকে। সে ইচ্ছে করেই খাবার টেবিলে, বৌরাণীর কথা টেনে এনেছিল। অন্দর মহলের গোপন খবর কাবুল রাখে। আসলে সে অতীশবাবুর কাছে কাবুলকেও জড়িয়ে রাখল। যেভাবে রাজবাড়ির প্রভাব প্রতিপত্তি কমছে-বাড়ছে তাতে করে কাবুলের ফ্রন্ট দুর্বল করে রাখা দরকার। যখনই কাবুল তেরিয়া হয়ে উঠবে তখনই হাতের অস্ত্র, বৌরাণী মদ, খায়। কাবুলবাবু খবরের উৎস। কুস্ত্র চায় এক সঙ্গে ছোটো ফ্রন্টকেই খায়ের করতে। হাসির বুদ্ধি কম। সে বুঝছেই না, এতগুলি টাকা গচ্ছা এমনি সে দেয় নি। কাবুলের নামে পাটি দিয়ে সে দু ফ্রন্টে লড়াই জমিয়ে তুলতে চায়। কিন্তু এত করেও অতীশবাবুর মুখ থেকে রাজবাড়ির কোন নিন্দা প্রশংসাই বের করতে পারল না। ভেতরে ভেতরে সে টাকার জালায় জ্বলছিল। তবে এখন এটাই সুখ, কাবুলই অন্দর মহলের গোপন খবর বাইরে বের করে দেয়। অস্ত্রত কাবুলের সামনে অতীশের কাছে বৌরাণীর কথাটা প্রকাশ করতে পেরে মনে মনে কিছুটা আত্মপ্রসাদ লাভ করেছে।

গাড়িটা তখন রাজবাড়ির মুখে বাক নেবে। ওরা সবাই দেখল ঠিক ঢোকায় মুখে সেই পাগল উধবাহ হয়ে দাঁড়িয়েছে। কাবুল গলা বার করে বলল, এই হরিশ পালা। দাঁড়া একুনি পুলিশে খবর দিচ্ছি। সঙ্গে সঙ্গে কাজ। হরিশ দৌড়ে পাশের দেবদাক গাছটার নিচে হাঁটু মুড়ে বসে পড়ল।

আর কিছু পরেই ঢুকছে বৌরাণীর গাড়ি। রাস্তা থেকে গাড়ির হর্নেই টের পাশ আসছে। কিন্তু মাঝপথে যেন গাড়ি আটকে গেল। হরিশ উধবাহ হয়ে আবার দাঁড়িয়েছে। এই পাগলের উৎপাতে আর শহরে থাকা গেল না। শজা দরজা খুলে লাকিয়ে নামল। তারপর একটা ব্যাটন নিয়ে এগিয়ে গেল। কিন্তু হরিশ নড়ল না। সে ব্যাটনটা চেপে ধরল যেন পেয়ে গেছে। দম সাদা দমের লাঠিটা রাজবাড়ির লোক তালে চুরি করেছে। সে ব্যাটনটা চেপে ধরল। এবং ঈষৎ গাঙগোল হচ্ছে ভেবেই দারোয়ান দৌড়ে গেল। টের পেয়ে অস্ত্র পাইকরা দৌড়ে গেল। ঠেলেঠেলে খাবড়া মেরে হরিশকে বসিয়ে দিল সবাই। হরিশ সেই কখন থেকে খুঁজছে। পেয়েও পেল না। সে রাজবাড়ির দিকে মুখ করে দাঁড়াল। তারপর খুখু ছিটোতে থাকল।

তখন অতীশ সিঁড়ি ভেঙে উঠছে। যেন সে অন্ধকারে দাঁপ খুঁজে পাচ্ছে না। হাতড়ে হাতড়ে উঠে যাচ্ছে। অন্ধকারে বোধ হয় চামচিকে উড়ছিল। একটা এসে নাকে মুখে গোঁতা ঝেয়ে পড়ল—সে কোন রকমে বলল, যা পালা। তারপর আবার সিঁড়ি ভাঙতে থাকল।

অন্ধকারেও অতীশ ভারি সতর্ক—কেউ দেখে ফেলতে পারে, সে টলে টলে উঠছে। বাইরে থেকে আলো পড়ছে—সিঁড়িটা ক্রমে স্পষ্ট হয়ে উঠছে। পা টেনে টেনে সে উঠে এল। মানসদা দেখে ফেললে ভারি অবস্থিতে পড়ে যাবে। এই মাহুযটাকেই সে এখন এ-বাড়িতে একমাত্র সমীহ করে। আর সব কেন জানি মনে হয় ফালতু—মনে হয় সকাল সন্ধ্যা কেবল ধাক্কা ঘুরছে। তালা খুলে ঘরের ভেতর ঢুকতেই দেখল, একটা চিঠি—নীল ধামের চিঠি মেঝেতে পড়ে আছে। নির্মালা চিঠি লিখেছে। বড়ই ছেলেমাহুযের মত চিঠিটা তুলে নিল। ঘাম হচ্ছে—জবজবে ভিজা শরীর। ফুল স্পীডে পাখা চালিয়ে সে গড়িয়ে পড়ল বিছানায়। সারা শরীরে ক্লান্তি। চোখ বুজে আগছে—কেমন অসাড় লাগছে। তার জুতো মোজা খোলার পর্যন্ত যেন শক্তি নেই। অথচ চিঠিটা পড়া দরকার। বাড়ির খবরের জন্য উদ্বিগ্ন ছিল। টুটুল মিপটুর কথা মনে হলোই সে অগ্রমনস্ক হয়ে গেছে। এত প্রিয় চিঠিটা পর্যন্ত পড়ার জন্য সে কেন জানি আকর্ষণ বোধ করছে না। মেজাজটা কেমন বোঁদা মেরে আছে। চোখে মুখে জলের ঝাপটা দিতে পারলে ভাল হত। স্নান করলে সে আরাম পেত। এমন আলগ্ন শরীরে যে তার এক পা উঠে গিয়ে কিছু করতে ইচ্ছে হচ্ছে না। এত প্রিয় চিঠি সে এখনও অবহেলায় ফেলে রেখেছে। এভাবে কতক্ষণ ছিল সে জানে না, সহসা দরজায় খুটখুট শব্দ হতেই ওর যেন হুঁশ ফিরে এল—কে। কে।

—আমি নব।

অতীশ বুঝতে পারল সারা দিন এই ভয়টাই তাকে তাড়া করেছে। নব আসবে। নবর বাবাকে সে কথা দিয়েছে। নব এলে কি বলবে। নব বিশ্বাস করবে না, সুরেন বিশ্বাস করবে না চাকরি দেবার কোন ক্ষমতা তার নেই। রাজবাড়ির সে একজন ক্রীতদাস। এই ভয়ঙ্কর তাড়না তাকে শেষ পর্যন্ত কাঁবুলবাবুদের কাছে নিয়ে গেছে। নবর কাছ থেকে পালিয়ে যাবার এছাড়া তার যেন কোন উপায় ছিল না। না কি সে বুঝতে পারছে, নিয়তি তাকে এই বড় শহরে টেনে এনেছে। জীবনের এক পরিমণ্ডল থেকে অগ্ন এক পরিমণ্ডলে। মাহুযের নিয়তি এই রকমের, বিশ্বাস করতে পারলে তার কষ্ট থাকত না, এবং

জন্ত সেই দায়ী—এবং এসব ভাবনা আরও তাকে পেয়ে বসল, নব ফের ডাকল, শ্রায় সুখবর দিতে এলাম। দরজাটা খুলুন।

নবর জীবনে সুখবর, কেমন এক অত্যাশ্চর্য ঘটনা, সে তাড়াতাড়ি দরজা খুলে দাড়ে দাঁড়াল। মুখে মদের গন্ধ পেতে পারে। সে বিছানায় এসে বসল। নবকে অন্তঃসময় হলে বলতে পারত, এখন না কাল এস, কিন্তু সকাল থেকেই সে নবর কাছে একটা বড় রকমের কথা খেলাপ করে অপরাধী সেজে বসে আছে। তাঁর মুখে বড় কথা শোভা পায় না। ছোট কথাও না। সে বলল, কি খবর নব?

নব বসল না। দরজার কাছে দাঁড়িয়েই কাঁচুমাচু মুখে বলল, দশটা টাকা সাহায্য দেবেন শ্রায়। সাহায্য কথাটা যেন খুবই কৃপাপরবশ হয়ে নব বলল। সোজা বললেও যেন দোষের হত না। —দশটা টাকা ছাড়ুন তো। কেরামতি অনেক দেখা গেল। দশটা টাকা এখন দরকার। দিন।

অতীশের কাছে দশটা টাকা অনেক। এখানে সে খুব টিপে টিপে চলছে। দশটা টাকা চাইলেই হট করে দিতে পারে না। কিন্তু যেন যকের মত নব দরজার ঠাঙা মেয়ে দাঁড়িয়ে আছে। চোখ মুখ স্থির। ভয়ে ভয়ে সে বলল নব কাল হলে চলে না। এখন ত টাকা নেই।

—কালই দেবেন শ্রায়। শনিপূজা করব। মূলধনের অভাব। বাবা বললেন, নতুন শ্রায়কে বলেছি, তোকে যেতে বলেছে। আমি কিন্তু শ্রায় গেলাম না। রাজার কারখানা সব লাটে উঠছে। ভাঙা কপাল, আর ভাঙতে চাই না শ্রায়। তাছাড়া বামুনের ছেলে, পূজাপার্বণে লেগে থাকাই ভাল। সবার কাছ থেকে টাকা তুলছি। এই টাকাটা মূলধন হিসাবে। তারপর আপনাদের সঙ্গে পার্টনারশিপ বিজনেস শ্রায়। মোট ত্রিশ টাকা দরকার। একটা পুরোহিত দর্পণ, শনির পাঁচালী, বলে নব এগিয়ে এল। তাঁর বিজনেস প্রোগ্রামের খাতাটা খুলে দেখাল, বিশ্বাস না হয় দেখুন, এ ছাড়া আতপ চাল, কলা, বাতাসা দুখানা সন্দেশ, এক কেজি দুধ, চালের গুঁড়ো সিমি প্রসাদের জন্ত, ফুল-ফল আমের পল্লব, ঘট হর তকি তামা তুলসী এসবে মোট খরচ আঠার টাকা বায়ট্টি পয়সা। একটা আসন, মূর্তি গড়া চাকের খরচ বাবদ সাত টাকা। মিসলেনিয়াস খরচ আরও পাঁচ টাকা। ত্রিশ টাকা মূলধনে বিজনেস। কনসার্নের নাম নবর শনিপূজা। আমহার্ট দ্রুটের মোড়ে। রোজ শনিবার। শনি ঠাকুরকে সব শুয়োরের বাচ্চা ভয় পায় শ্রায়। মোক্ষম লাইন ধরেছি। কি বলেন শ্রায়। বলে নব কাছে ঘেঁষে

আসতে চাইলে, অতীশ সরে বসল। বলল, তুমি ওখানে থেকেই বল। হ্যাঁ হ্যাঁ সব বুঝছি। ভাল ব্যবসা।

—আপনার দশ টাকা শেয়ার। বাবার দশ টাকা শেয়ার, হামুবারু দেছেন পাঁচ টাকা, ছু টাকা মতিপিসি, এক টাকা নধরবাবু, এক টাকা রাধিকাদাছ। এই ছজন শেয়ার হোল্ডার। আর চারজন শেয়ার হোল্ডার টাকা দিচ্ছে না। যার দোকানের সামনে ফুটপাথ, সে একটা শেয়ার চাইছে। বাকি তিনটে শেয়ার নিজের। আমি স্ত্রীর আকটিং পার্টনার। আপনি ভাল মানুষ বলে দশ টাকার শেয়ার দিচ্ছি।

নব তাকে মুক্তি দিয়েছে ভাবতে গিয়ে অতীশের চোখে কেন জ্বলি জ্বলি এসে গেল। বলল, আমি এঙ্কুনি দিচ্ছি। তুমি নিয়ে যাও নব। তোমার ভাল হোক।

—ভাল আমার হবেই স্ত্রীর। আমি এই দিয়েই রিপনের কাজটা শুরু করব। আভঙ্কে ঘুম আসবে না চোখে। শনিঠাকুর বলে কথা। হাজার হাজার মানুষ যাচ্ছে। পাঁচ পয়সা দশ পয়সা দিলে তখন ভেবে দেখুন কত পয়সা। একটুও ব্লাক দিচ্ছি না স্ত্রীর। তারপর পরামর্শ নেবার মত গলা বাড়িয়ে আরও কাছে আসতে চাইলে অতীশ আবার দূরে সরে একেবারে খাটের কোণায় চলে গেল। তারপর এগোলে তাকে দেয়ালে ঠেস দিতে হবে।

—আচ্ছা স্ত্রীর কার্ড ছাপলে কেমন হয়। নবর শনি পূজা। স্বপ্নে পাওয়া। তিনি জাগ্রত, মানুষের হৃৎপিণ্ডে হৃদশায় বিচলিত হয়ে নবর আশ্রয়ে হাজির। এই এমন সব বিজ্ঞাপন দিয়ে একটা কার্ড ছাপালে কেমন হয়।

অতীশ বলতে পারত—কিছু হয় না। আবার হয়ও। কিন্তু কথা বললে কথা বাড়বে। সে বালিশের নিচ থেকে মানিব্যাগ বের করে দশটা টাকা দিয়ে সারা দিনের মানি থেকে মুক্তি পেতে চাইল।

নব বলল, স্ত্রীর আগনি দেখবেন, কি করি। সারা শহরটা শনির আখড়া বানিয়ে ছাড়ব। দরকার হলে পার্টনারশিপ থেকে প্রাইভেট লিমিটেড, ব্যবসা বড় হলে পাবলিক লিমিটেড করে ফেলব। উত্তর কলকাতা মধ্য কলকাতা, দক্ষিণ কলকাতায় আমরা অফিস খুলব। পাড়ায় পাড়ায় সমাজসেবা কেন্দ্র খুলব। ভিখারীদের জগা লন্দরখানা। অনেক স্বপ্ন স্ত্রীর, আশীর্বাদ করবেন যেন সার্থক হয়।

মদের ঘোরে অতীশ বলল, তোমাকে আশীর্বাদ করছি নব। আমার বাবা এখানে থাকলে তিনিও তোমাকে আশীর্বাদ করতেন। ভারত জননী বেঁচে

থাকলে তিনিও তোমায় আজ আশীর্বাদ করতেন। তুমি এবারে যাও। শুভ কাজ ফেলে রেখ না।

নব চলে যাবার পরই অতীশ কেমন হান্ধা হয়ে গেল। শরীরে জড়তা নেই। সে কেমন মুক্ত পুরুষ। তার চান করা দরকার। সে চান করে এল। খুব ফ্রেস লাগছে শরীর। ঘড়িতে দেখল এগারটা বেজে গেছে; পাশের বরগুলি থেকে কেউ দেখে না ফেলে, সেজন্য সে বারান্দার জানালা-দরজা বন্ধ করে রেখেছে। পেছনের জানালা খুলে দিয়েছে। খুলে দিলেই বড় একটা ডুমুর গাছ, আর তার পাশে সেই অতিকায় জেলখানার পাঁচিল। পলস্তারী খসে পড়ার শব্দ, কাঁট-পতঙ্গের শব্দ। তখনই মনে হল নির্মলার চিঠি। তার দুই জাতক, বাবা-মা ভাইদের খবর, বাবার অহুমতির খবর এসব এই চিঠিটা পড়লে জানতে পারবে।

খাম খুলে সে দুটো চিঠি পেল। একটি বাবার, একটি নির্মলার। চিঠি খুলে দেখল; কয়েক লাইন লেখা। টুটুলের জর সেরেছে। বাবার খুব ইচ্ছে নয় আমরা কলকাতায় যাই। কিন্তু আমার খুব কষ্ট হচ্ছে। তোমাকে ছেড়ে একদণ্ড থাকতে পাবো না। তালে মরে যাব। দাদাকে ফোন করেছিলে কিনা জানিও।

বাবার চিঠি খুবই দাঁদ। লিখেছেন, পরামকল্যাণবশত। বাবা অতীশ, তোমার পক্ষে সব অবগত হলাম। বৌমাদের নিয়ে যেতে চাইছ। তুমি জানিয়েছ সেখানে তোমার বিনা গয়সায় একটি থাকবার বাসস্থান মিলেছে। বৌমার ইচ্ছা যায়। আমারও অমত নেই। তবে বড় আশঙ্কা তুমি না আবার দ্বিতীয়বার ছিন্নমূল হও। সংসার থেকে মানুষ আজকাল বিচ্ছিন্ন হতে ভালবাসে। এটাই রেওয়াজে দাঁড়িয়েছে। বাড়ির টান ছিঁড়ে গেলে মানুষের মধ্যে স্বার্থপরতা বাড়ে। মানুষের মহৎ ছোট হয়ে যায়। ওরা চলে গেলে বাড়িটা খালি হয়ে যাবে এই কষ্টটা বাজছে। যাই হোক আমার কোন অমত নেই। তাছাড়া আর একটা দিকও আছে। সেটাও ভেবে দেখলাম। বৌমা কাছে থাকলে তোমার বাইরের আকর্ষণ কমবে। আমার নাতি-নাতনীর কাছে থাকলে তুমি পথ পরিবর্তন করতে ভয় পাবে। নিজের আত্মীয়পরিজনদের সঙ্গে এজন্যই ঘনিষ্ঠ থাকা দরকার হয়ে পড়ে। অশুভ প্রভাব থেকে এই ঘনিষ্ঠতা মানুষকে বাঁচায়।

বাবা কি টের পেয়েছেন, সে কখনও কখনও অশুভ প্রভাবে পড়ে যাচ্ছে। বাবা তো 'বলেন, তিনি সব টের পান। বৌরাণী কমলকে দেখে তার ভেতরে কিছু একটা হচ্ছে এটা কি বাবা ধরে ফেলেছেন। কিংবা বাবা কি তারপরের

চিঠিতে লিখবেন, অতীশ তুমি প্রলোভনে পড়বে না। হাসিরাগীর নথ যে তোমাকে নাড়া দিচ্ছে। বাবার এই ধরনের সাধুবাক্যের প্রতি তার সহসা কেন জ্বালি ভারি উগ্গা জ্বাল। যত্ন সব। যত না বৌরাণীর জন্ত, তার চেয়ে বেশি বাবার এই চিঠিটা তাকে পাগলা ঘোড়ার মত তাড়া করতে থাকল। কখনও মনে হয়েছে বোকামি, কখনও মনে হয়েছে না সে ঠিকই করেছে। ইস্কুলের কাজটা ছেড়ে দিয়ে কলকাতায় এসে সে ঠিকই করেছে। কাজের ক্ষেত্রে কোন সরল বিশ্বাসের ক্ষেত্র থাকবে না সে ভাবতে পারে না। অতীশ পরমুহূর্তেই বুঝতে পারে বয়সেরই দোষ এটা। অথবা বাবার জীবন যাপন—অঞ্চলী অপ্রবাসী থাকতে চেয়েছেন। শেষ পর্যন্ত কিন্তু প্রবাসে তাঁকে আসতেই হয়েছে। বাড়িধাক্কি খেয়ে প্রবাসে এসেছেন। প্রবাসে এসেও অঞ্চলী থাকার কি হাঙ্গুর প্রচেষ্টা। চিঠিটা পড়তে পড়তে বাবার ওপর কেমন ক্ষিপ্ত হয়ে গেল এসময়। বাবা সামান্য অসাধু হলে পৃথিবীর আর কতটা ক্ষতি হত। আর এরই নাম বোধ হয় রক্তে বীজ বপন করা। বাবার সব সংস্কার সে রক্তে ধারণ করে আছে। মাঝে মাঝে গা ঝাড়া দিয়েছে—বাড়তি কিছু ফেলেও দিয়েছে।

যেমন তার খুব শৈশবে উপনয়ন হয়েছিল। আঙ্গিক করা, দু বেলা আহার, একাদশীর দিনে শুধু কলমূল আহার—তাকে কিছুটা সংশয়ে ফেলে দিয়েছিল। জীবনে এটা বড় স্কন্ধতার দিক। বড় হবার বয়সে সে মাঝে মাঝে গা ঝাড়া দিত—বাবা তখন আরও ধার্মিক হয়ে যেতেন। তাকে কাছে ডেকে প্রাচীন ঋষি পুণ্ড্রের কথা বলতেন। তাঁদের কাম লোভ মোহ সম্পর্কে জাগতিক সরল ব্যাখ্যা দিতেন। এভাবে বর্ণাশ্রম থেকে আরম্ভ করে ঋষি যাজ্ঞবল্কি চলে আসতেন। শ্লোক উচ্চারণ করতেন গম্ভীর গলায়। বেদ উপনিষদের সব গুহ্য কথা আওড়ে যেতেন। ধর্ম মানুষকে বড় করে দেয়। ছোট করে না। এ-সবও বলতেন। তবু সে কেন জানি নিজের বিবেকের সঙ্গে ঠিক ঠিক সমঝোতা না। হওয়ায় জাহাজে ওঠার সঙ্গে সঙ্গে উপবীত ত্যাগ করেছিল, শরীরে অপ্রয়োজনীয় বাড়তি কিছু রাখা আদর্শেই কেন জানি তখন তার পছন্দ হত না। জাহাজ থেকে ফিরে এসে বাবার সঙ্গে প্রথম খটখটি সেই নিয়ে। এভাবে এক অদৃশ্য দ্বন্দ্বযুদ্ধ পিতা-পুত্রের মধ্যে চলছিল।

কিন্তু তার মনে হয় বাবাই শেষ পর্যন্ত জিতে গেছেন। এই যে সে কিছুকাল আগে স্কুলের কাজে ইস্তফাপত্র দিল, তারও মূলে বাবা। আসলে তার অহংকার সত্যতার অহংকার, বয়স বাড়ার সঙ্গে সঙ্গে বাবা কেন যে বললেন না, কিছু না

কিছু মানুষকে অসাধু হতেই হয়। এবং মানুষ এই অসাধু হবার প্রবৃত্তি থেকে রেহাই পায় না।

এসব কারণেই বাবার যৌবনকাল সম্পর্কে সে উদাসীন থাকতে পারত না। বাবার সঙ্গে যখন মুখোমুখি হবার বয়সে, তখন বাবার ঠিক যৌবনকাল ছিল না। খুব প্রৌঢ়ও নন। বাবার ঠিক যৌবনের কোন আচরণেরই সে সাক্ষী থাকে নি। থাকলেও মানুষের সেই কূট রহস্য বোঝার বয়স তার হয়নি। তা না হলে বুঝতে পারত কোন প্রলোভনে পড়ে গেছিলেন কিনা তিনি। হঠকারী এমন কি কিছু ঘটনা নেই, যা মানুষের বেঁচে থাকার পক্ষে অতীব প্রয়োজন—মানুষ কখনও না কখনও হঠকারী কিছু করেই থাকে—সব বাবাদের জীবনেই এটা ঘটে থাকে এবং সব বাবারাই পরে সাধুপুরুষ সেজে যান। সে এনিয়ে মাঝে মাঝে মার সঙ্গে কথা বলবে ভাবছে। কিন্তু সেটা এখনও হয়ে ওঠে নি। এমনিতেই মা বাবার ওপর খড়্গাহস্ত—একরোখা রক্ষাকালীর মতো সব সময় জিত ব্যাদন করে আছে। কেন এটা হয় সে বুঝতে পারে না। তার দিকে তাকিয়ে একদিন মা কেঁদেই ফেলেছিল, তোর বাবার সব সছ হয়—কিন্তু এমন নিম্পৃহ স্বভাবের মানুষকে কেউ সছ করতে পারে না। ঈশ্বর সিংহাসী মানুষ হওয়ায় বাবার কর্মক্ষমতায় যেন কোথায় ঘুণ ধরেছিল। এবং ঈশ্বর সম্পর্কিত চিন্তা, ভাবনায় যত মশগুল হতে জানতেন, কাঠখড় কেরোসিনের ব্যাপারে তত তিনি অনাগ্রহী। কৈশোর থেকেই পিতা-পুত্রের এজ্জা লাঠালাঠি। সে যতবার খোলা আকাশের নিচে দাঁড়াতে চেয়েছে, বাবা ততবার হাত ধরে নিয়ে গেছেন ঘরে। বাবার যৌবনকালের কোন অসাধু আচরণের ধর পেলে অন্তত হাতটা ছাড়িয়ে নিতে পারত। কিন্তু বহু চেষ্টায়ও সে সেটা পারে নি। আর পারে নি বলেই এখনও পিতার কাছে নতজানু হতে তার ভাল লাগে।

চিঠিটা খোলা পড়ে আছে। খুব জড়ানো লেখা। পড়তে পড়তে তার অভ্যাস হয়ে গেছে বলে কোন কষ্ট হয় না, সে চিঠিটা কের তুলে দেখল, বাবা লিখেছেন, তোমার কোম্পি সুবলকে দেখিয়েছি। সে বলল, এখন তোমার গ্রহ সন্নিবেশ খুব ভাল নয়। সাবধানে থাকবে। পারো তো হাতে একটা গোমেদ নেবে। এ-সবে অবশ্য তোমার বিশ্বাস কম, তবু এটা করবে, না পার একটা লোহার আংটি পরবে। তাতেও যদি আপত্তি থাকে ওটা কোমরের তাগাতে বেঁধে রাখবে। এতে জানবে গ্রহের প্রকোপ কমবে। এঁরা শাস্ত থাকলে জীবনে শান্ত হয়।

তার কেন জানি মনে হল আসলে বাবা খুবই একা পড়ে গেছেন। সোনা জ্যাঠামশাই বড় জ্যাঠিমা ছোট কাকা সবাই নিজেদের ভিন্ন আন্তানা গেড়েছে। বড়দার কাছে সোনা জ্যাঠামশাই আছেন। অন্তত সোনা জ্যাঠামশাই বাবার কাছে থাকলে পোষ হয় এত ভীতু হয়ে পড়তেন না। সংসারে বড় বুকের একটা প্রয়োজন থাকে। এখন যেমন বাবা তার কাছে বড় বুকের মতো তেমনি সোনা জ্যাঠামশাই-বাবার কাছে ছিলেন। এদেশে এসে সব ছত্রখান হয়ে গেল। বাবার ভরণ্য বলতে গৃহদেবতা। তার বালিশের নিচে কিছু ফুল বেলপাতা রয়েছে। শুকিয়ে কাঠ। তার ডাইরিতেও বাবা ফুল বেলপাতা গুঁজে রাখতে বলেছেন। সে এসব মানুক না মানুক তাকে সবই রাখতে হয়েছে।

তারপর বাবার চিঠিতে, আছে বাড়ির সব খবর। ধলীর একটা ব্যাটে কি হয়েছে—দুধ দোওয়ানো যাচ্ছে না। উত্তরের জমিতে বীজধান পুঁতে দেওয়া হয়েছে। প্রহ্লাদের স্ত্রীর অসুখ। সে ছুটি নিয়ে বাড়ি গেছে। দুটো বেড়ালের একটার কদিন থেকে খোঁজ নেই। হান্স-ভান্স পড়াশোনা করছে না। কেবল মাছ ধরে না হয় ক্লাব-ঘর বানায় এমন সব অভিযোগ। মার শরীর ভাল যাচ্ছে না। অলকা করে এসেছে। ঘরের চালে দুটো কুমড়া ফলেছে, আমের কলম করেছেন কটা, প্রতি বছরই তিনি তাঁর কল গাছগুলোর কলম বানান এবং যজমানদের বাড়ি বাড়ি বিলিয়ে দেন। এই সব খবর লেখার পর পুনশ্চ দিয়ে লিখেছেন, এটা শ্রাবণ মাস—পার ত সন্ধ্যার অন্ধকারে আকাশের দক্ষিণে যে তারামণ্ডল আছে তা দেখ। এটির নাম রুশিক রাশি। গ্রহ-নক্ষত্রের সঙ্গে মানুষের যোগ অমোঘ। ওকে অবহেলা কর না। রাশিটির উত্তরে ঠিক মার আকাশে সামান্য পশ্চিম ঘেঁষে আছে স্বাতী। তার উত্তরে সাতটি তারা নিয়ে সপ্তর্ষি আর ধ্রুবতারা নিয়ে শিশুমার। পশ্চিম দিকে তাকালে বড় একটা গ্রহ দেখতে পাবে। ওটা শনিগ্রহ। ওটা আছে সিংহ রাশিতে। এই সব গ্রহলোক অবলোকনে তোমার শরীর ভাল থাকবে। মন প্রশম হবে। অশুভ প্রভাব থেকেও রক্ষা পাবে—ইতি আং তোমার পিতৃদেব।

অতীশ চিঠি দুটো ভাঁজ করে তোশকের নিচে ফেলে রাখল তারপর মাথার জানলা খুলে দিল। সারা রাজবাড়ি নিরুন্ম। রাস্তার আলো জ্বলছে। প্রাসাদের গাড়ি বারান্দায় বলের মত আলোটা বাতাসে ছলছে। শ্রাবণী পূর্ণিমা আসছে। কোথাও মাইকে গান ভেসে আসছিল। বাবা তারকনাথের মাথায় জল দিতে যাবে, নতুন গামছা, সাদা প্যান্ট পরনে ছেলে-ছোকরারা মাইকে হল্লা

ছুড়ে দিয়েছে। বড় বিশী এবং বিরক্তিকর—মানুষের তীর্থযাত্রার আগে এই উল্লাস কেমন তাকে পীড়িত করছিল। আর এ-সময়ই মনে হল জ্যোৎস্নায় প্রাসাদের ছাদে কোন নারী উর্ধ্বমুখী হয়ে দাঁড়িয়ে আছে যেন গ্রহ-নক্ষত্র দেখছে। এত দূর থেকে স্পষ্ট নয়—তবু কমলের মত লম্বা কোন যুবতী, কোন দূর গ্রহলোকে দৃষ্টি এবং স্থির—অতীশ ভাবল কমলই হবে। এই প্রাসাদে আর কে আছে, রাণীমা এখানে নেই, তিনি কাশীতেই থাকেন। এক মাসে সে যা খবর জেনেছে তাতে করে সে জানে এই প্রাসাদে কমল বাদে আর কোন যুবতী বিচরণ করে না। এই পরিবার সম্পর্কে নানা রকম বহুশ্রময়তা জড়িয়ে আছে। মানসদা এ বাড়ির প্রতিপক্ষ শুনে সে প্রথমে কিছুটা হতভম্ব হয়ে গেছিল। কুন্তবাবুই আজ খবরটা দিয়েছে। সে প্রশ্ন করতে পারত, তিনি একা কেন, তালাবদ্ধ অবস্থায় থাকেন কেন? মাথার গোলমাল দেখা দেয় কেন? কিন্তু সে কোন প্রশ্নই করে নি। কারণ কাবুলবাবু এ-সব পছন্দ নাও করতে পারে। বাড়ির কেছা-কাহিনী কে সামনে বসে শুনতে ভালবাসে।

এ-ছাড়া আরো যা খবর, তাতে সে কমল সম্পর্কে কেমন আবেগ বোধ করেছে। গুজব কমল রাজেন্দার ধর্মপত্নী না হয়েও এ-বাড়ির বৌরাণী। রাজেন্দার ধর্মপত্নী আত্মহত্যা করার পরই কমল এ-বাড়িতে আসে। বাড়ির আনাচে কানাচে এমন খবর ছড়িয়ে আছে। একটু সতর্ক থাকলেই কানে আসে। খুব সাদামাটা একটা রেজিষ্ট্রেশন, তারপর পার্টি এবং কমল এ-বাড়ির বৌরাণী। এ-বাড়িতে কমলের পাঁচ বছর কেটে গেছে। কমল এখনও নিঃসন্তান। কমল এবং রাজেন্দার ওপর কিছুটা বিরক্ত হয়েই রাণীমা প্রাসাদ ত্যাগ করেছেন। এখন রাণীমার মহলে কিছু দাসীবাঁদী থাকে। রাণীমা কমলকে এ-বাড়ির বৌরাণী স্বীকার করে নিতে পারেন নি। কমলকে এ-বাড়িতে এনে বংশের ঐতিহ্য রাজেন চিড় ধরিয়েছে। বড় অস্থখী রাণীমা। রাজবংশের প্রতিপত্তি এভাবে একজন সাধারণ রমণীর কাছে বিকিয়ে যাওয়ায় তিনি রাজেনকে কুলান্দার ভেবেছেন। এবং এই মতান্তর থেকেই তাঁর কাশীধাম।

অতীশ কান পাতলে, এ-সব কাটা-কাটা কথা সে শুনতে পায়। সহ হ'বে কেন। রাজার ছেল তাই। শুভাশুভ বলে কথা। কোন মন্ত্রপাঠ নেই, অগ্নিসাক্ষী নেই। বৌরাণী করে ঘরে নিয়ে এলেই হল। কোথাকার কোন এক পরিবার তার কি ঐতিহ্য, তার বংশাবলী কি, কোন ঘরাণার কিছুই বাছ বিচার নেই। এ-বাড়ির বৌরাণী হয়ে আসা কি চাট্টিখানি কথা। খানদানী বংশ দেখে

বেছে বেছে এ-বাড়ির বৌরাণী করা হয়েছে। আর তুই কি না রূপ দেখে ভুলে গেলি। বংশের মুখে চুনকালি দিলি।

অতীশ বুঝতে পারে না, এতে ব্যভিচারের কি আছে। তবু থটকা থেকে যায়, অতীশ বারান্দা থেকে এবার ঘরে চলে এল। এই নিয়ে সে-এত ভাবছে কেন? কমল তাকে আর ডাকে নি, কিছু বলেওনি আর। তবু তার মনে হয় এই তাড়াতাড়ি কোয়ার্টার পাওয়ার পেছনে কমলের হাত আছে। কমল তাকে চিঠিতে কি লিখেছিল! সেই চিঠি, সেই কবেকার চিঠি, সে তখন ভাল করে বুঝতেও পারত না এ-সব। তারপরই কেমন একটা বিভ্রমে পড়ে যায়। চিঠিটা কমল দিয়েছিল না অমলা। সেই শ্রাওলাধরা ঘরটায় অমলা নিরিবিলি জড়িয়ে ধরেছিল না কমলা। কত দূর অতীতের স্মৃতি। সে ঠিক বুঝতে পারছে না। কখনও মনে হয় কমল, কখনও মনে হয় অমল। মাথার ভেতরে তার সেই ঘণ্টা বাজছে। বিভ্রমে পড়ে গেলেই এই ঘণ্টা বাজতে শুরু করে। সে যতবার ভাবে এ-নিরে আর কিছু ভাববে না তত কেন জানি বার বার একই গোলকের মতো চুলতে থাকে, কমল না অমল। এদিকে এলে কমল, ওদিকে গেলে অমল। অমলের চুল নীল, না কমলের চুল নীল। কার চুল সোনালী ছিল? বড় ফ্রক পরা মেয়েটার না, ছোট ফ্রক পরা মেয়েটার? এত আভিজাত্য ছিল ওদের অথচ এ-বাড়িতে কমল আসায় সবাই কেমন রুষ্ট।

অতীশ আলো নিবিরে উপুড় হয়ে শুল। পাখা চালিয়ে সে শোয় না। অভ্যাস নেই বলে, দু-এক রাতে চালিয়ে সে বেশ কষ্ট পেয়েছে। সারা শরীরে কেমন হাড় মুড়মুড়ি ব্যথা হয় পাখার হাওয়ায়। কিন্তু ভ্যাপসা গরম। তাছাড়া মাথাটা পরম হয়ে গেছে। আবার চিঠি, নবর শনিপূজা, রাস্তায় মাইকের হল্লা, প্রাসাদের ছাদে কোন রমণীর ছবি তাকে কেমন কাতর করে দিয়েছে! সে চোখ বুজে বলল, কমল তুমি আমার সঙ্গে তৎপরতা করো। তুমি কমল নও। তুমি অমল। তুমি ভেবেছ আমি সেই শ্রাওলাধরা ঘরটার কথা ভুলে গেছি। কমল আমি ভুলে যাইনি। তোমার মাথায় সোনালী চুল ছিল না কমল। কমলের মাথা ভর্তি ছিল নীলাভ রঙের চুল। তুমি আমার কাছে সত্যি লেজে থাকতে চাইছ। সত্যি কথাটা সে বারবার বিড়বিড় করে বকতে থাকিল। প্রায় মস্তোচ্চারণের মতো।

॥ এগার ॥

এই পাগল কতকালের চেনা। গাছের নিচে বসে ফকিরচাঁদ হরিশের দিকে তাকিয়ে থাকল। বুড়ো অথর্ব ফকিরচাঁদকে হরিশ এই সেদিন সারা দিনমান জ্বালিয়েছে। কথা নেই বার্তা নেই উর্ধ্ববাহ হয়ে দাঁড়িয়ে থাকা। ফকিরচাঁদ অভিশাপ দিয়েছে, হরিশ তোর মরণ ফুটপাথে। বেজন্মার বাচ্চা তুই, ভাবিস মরণ নাই। স্বার্থপর তুই—খাওয়া ছাড়া আর কিছু বুঝিস না। রূপড়িতে কে কোথায় কি লুকিয়ে রাখে তাকে তাকে থাকা। পাগল সেজে বেশ কালাতিপাত করে গেলে হে। চামনামি করে গেলে হে।

হরিশ তেরিয়া হয়ে গেল। কুকথা বলছে ফকরা। সে দু'ঠ্যাং ফাঁক করে চিংকার করে উঠল, ফকরা তোর মুখে চুনকালি পড়বে।

পাশে হবু যুবতী চাক চিংকার শুনে উঠে বসেছিল। এবং পিতামহের হাত ধরে ফুটপাথের অগ্ন প্রান্তে চলে গিয়েছিল। ওরা হরিশের ঝোলাঝুলির মধ্যে সতী বিবির ঝোলাঝুলির মধ্যে গচা গন্ধ পাচ্ছিল কারণ এই ঝোলাঝুলি বরফ ঘরের মতো। সবই দুর্দিনের জন্ত সংগ্রহ করা এবং কত রকমের যে উচ্ছিষ্ট খাবার! পাগলিনী সতীব্রি পাশেই চিং হয়ে শুয়েছিল। মাংসের হাড় অনবরত চোবার জন্ত গালের দু ধারে ঘায়ের মতো সাদা দাগ। শরীরে দীর্ঘ দিনের ময়লার পলস্তারা মুখের অবয়বকে নষ্ট করে দিয়েছে। চেনা যাচ্ছিল না ওরা জন্মস্থলে কোনো গ্রাম্য গৃহস্থের ঔরসজাত না অগ্ন কোনভাবে অথবা কোন অলৌকিক ঘটনার নিমিত্ত এই ফুটপাথ সংলগ্ন অসংখ্য ডাকবাকসের মতো পাতলা অস্থায়ী প্লাইউডের রূপড়িতে বসবাস করছে।

পাশের বাড়িটা চারতলা এবং নিচে ফুটপাথের ওপর ছাদের মতো গাড়ি-বারান্দা। সামনে হাসপাতাল এবং রাজবাড়ি। সদর দরজায় কোন এক গোপন চক্রান্তকারী এক হাত লম্বা গণ্ডারের ছবি ঝুলিয়ে রেখে গেছে। কেউ লক্ষ্যই করছে না দেউড়ির মাথায় বাঘ সিংহের পাশে ছবিটা লেপ্টে আছে। রাজবাড়ির ছাদের কার্নিসে কার্নিসে সব পর্দাদের মূর্তি। ওরা যেন বসনভূষণ আলগা বরে বাতাসে উড়ে যেতে চাইছে। সময়ে অসময়ে বুড়ো ফকিরচাঁদ সেইসব বৈভবের দিকে তাকিয়ে দীর্ঘনিশ্বাস ফেলে। হাসপাতালের বাড়িটাও দীর্ঘদিন খালি পড়েছিল, শুধু কাক উড়ত ছাদে এবং পাঁচিলের পাশের পেয়ারা

গাছটাতে এক জোড়া বুঘু পাখি আশ্রয় নিয়েছিল। ইদানীং চুনকাম হবার সময় মোনের মতো এক ইতর ছোকরা কিছু চুনগোলা জল ছাদ থেকে নালির ফুটোর মধ্যে ফেলে দিয়েছিল। মোষটা চারুকেও চেটেপুটে রেখে গেছে। সেই থেকে গাছটায় পাখিরা আর বসবাস করে না। সময়ে উড়ে এসে বসে, সময়ে হাওল পোলে উড়ে চলে যায়। কেউ আর গাছটায় বাসা বানায় না। নিচে চারু মাঝে মাঝে ছায়া পেলে গামছা পেতে শুয়ে থাকে।

আর এই বাড়িটার জুই ভোরের দিকে সূর্যের উতাপ ছাড়ের নিচে নামতে পারে না। অথবা লম্বা হয়ে যখন সূর্য হাসপাতালের মৃত মানুষের ঘর অতিক্রম করে পেয়ারা গাছটার মাথায় এসে নামে তখন ছাদের ছায়া পুরো ফকিরচাঁদকে রক্ষা করতে থাকে। এই জন্তে অভ্যাসের মতো এই জায়গাটা বসবাসের পক্ষে ফকিরচাঁদের পক্ষে বড়ই উপযোগী। স্টেশন থেকে সে বেশিদূর হেঁটে যায়নি। কাছেই জায়গাটা পেয়ে গিয়ে ফকিরচাঁদ হাতের কাছে স্বর্গ পেয়ে গেছিল। বাসস্থান মিলে যাওয়ায় সে আর নিজেকে উদ্বাস্ত ভাবতে পারে না। প্রায় নিজের ফেলে আসা বাড়ি ঘরের মতোই জায়গাটাকে সে ভালোবেসেছে। কেবল উপদ্রব বলতে এই পাগলাটা। যখন তখন সামনে এসে উর্ধ্ববাহু হয়ে দাঁড়িয়ে থাকে। পচা দুর্গন্ধে তখন টেকা যায় না।

চারু পাশে নেই। কোথাও আহারের জন্ত অন্ন সংস্থান করতে গেছে। একটা শতচ্ছিন্ন তালিমারা চাদর ফুটপাথে ছড়ানো। সে তাতে শুয়ে আছে। পাশে গোটা গোটা অক্ষরে লিখে রেখেছে জীবনের কিছু সুসময়ের কথা। পথচারীরা যায়, দেখে—কেউ দয়াপরবশে দু পাঁচ পয়সা ফেলে দিয়ে যায়। সকাল থেকে একটা পয়সাও পড়ে নি। ফলে ফকিরচাঁদ মানুষজনের ওপর ক্ষিপ্ত হয়ে উঠছে।

কি আর করে ফকিরচাঁদ। প্রচণ্ড দাবীদাহ যাচ্ছে। অনাবুষ্টি। একটা হেঁড়া কাগজে সে ফসলহানির কথা পড়ে ভারি চিন্তাধ্বিত। সবার হলে, খেয়ে পরে বাঁচলে তবে তার বরাদ্দ। সবাই ভাল থাকলে, খেতে পেলে সে খেতে পাবে। কিন্তু অনাবুষ্টিতে ফসলহানি হলে, তার চলবে কেন। কিছু তুকতাক মন্ত্রপাঠ সে জানে। সে বিশ্বাস করে, এই জাহ্নটোনা করতে পারলে আকাশ উপুড় হয়ে চল নামাবে। সে পানের দোকান থেকে চূনের টোকা চুরি করে এ জন্ত কাল রাত থেকে নিজের খুপড়িতে লুকিয়ে রেখেছে। রোদ উঠলেই সেটা নিয়ে সে যায়। হরিশ ব্যাটা ঠিক টের পেয়ে গেছে ও বেটা আরও বড় গুনি। হিতে বিপরীত হতে পরে ভেবে টোকাটা রোদে রাখার সময় ভারি সতর্ক—দেখে

ফেললেই গেল। সে বাণ মেয়ে তার অভিসন্ধি উড়িয়ে দিতে পারে। ফকিরচাঁদ বড়ই অস্বস্তিতে আছে। মন দিয়ে বাবা দয়া করেন পুত্র কত্না স্নেহে থাকবে, মঙ্গল হবে আপনার ঠিকঠাক বলতে পারছে না। বড়ই সমস্তা তার। চুনের টোফায় লোহা ডুবিয়ে তাতে দিলে বরুণদেবের কলিজা ফেটে যায়—ভয়ে বৃষ্টি নিয়ে আসে এমন বিশ্বাস ফকিরচাঁদের। কিন্তু তাতে দিলেই ঢামনা হরিশ ঠিক টের পেয়ে পালটা তুকতাক করে ফেলতে পারে। বেটা মল্লম্বজাতির অপোগণ্ড। ভাল চায় না। রাসাতলে সব গেলে সে হাহা করে হাসতে পারে। ফকিরচাঁদ মানুষের ভালর জ্ঞান বৃষ্টি নামাচ্ছে জানতে পারলেই ধুকুমার কাণ্ড বাঁধিয়ে বসবে। সেদিন যেমন লাঠি নিয়ে পড়েছিল, আজ ফকিরচাঁদকে। পুলিশে জানাজানি হলে জেল হাজতবাস হতে পারে। না বলে না কয়ে টোফা চুরি অসাপু কাজ।

সব কিছু রোদের উত্তাপে পুড়ে যাচ্ছে। বর্ষাকাল কে বলবে! গ্রীষ্মের মতো পিচে কাঁদা ধরেছে। চটচট করছে। বাস ট্রাক গেলে চটর চটর শব্দ সে গুনতে পায়। কর্পোরেশনের গাড়ি রাস্তায় বালি ছিটিয়ে যাচ্ছে। তখন পাগলা হরিশ পিচগলা পথে, মাথায় ছপুরের রোদ, লাঠিতে পাখির পালক বাঁধা—বিজয় গর্বে হেঁটে যাচ্ছে। যত শহরটা দাবানলে পুড়েছে তত হরিশ উৎস্কিপ্ত হয়ে উঠছে।

দূরে অদূরে সব ডাস্টবিনের জংশন এবং সেখানে হয়ত চারু পোছা কয়লা, ছেঁড়া কাগজ, লোহার টুকরো খুঁজছে? ফকিরচাঁদের বিশ্বাস খুঁজতে খুঁজতে একদিন চারু ঠিক শহরের গুপ্তধনের সন্ধান পেয়ে যাবে। এই আশায় ফকিরচাঁদ এখনও বেঁচে আছে—না হলে সে কবেই মরে যেত। ফকিরচাঁদ এবার উঠে পড়ল। এক মগ চা এসময়টায় সে খায়। চা চেয়েচিন্তে কিছু পয়সা দিয়ে নিয়ে এসে বসতেই মনে হল ঢামনা হরিশ এদিকটায় আসছে। বড় জালা হয়েছে। কিছু মুখে দিতে পারে না। গো হামাগুড়ি দিয়ে খুপরি মধ্য টুকে ঝাঁপ টেনে দিল। আর তখনই মনে হল টোফাটা রোদের তাতে রয়েছে। ওটা হরিশ এই ফাঁকে তার ঝোলাঝুলিতে পুরে ফেলতে পারে। এতবড় একটা শত্রু পক্ষ তার—মোকাবেলা করতে পর্যন্ত ভয় পায়। সে চা খাবে না টোফা তুলবে। কোনটা আগে দরকার। আসলে শরিকী বগড়া। ফকিরচাঁদ ভাবে এলাকাটা তার, হরিশ ভাবে তার। এই নিয়ে উভয়ের মধ্যে কতদিন থেকে একটা অদৃশ যুদ্ধ চলছে শহরের মানুষেরা যদি টের পেত। তাদের কি, খায় দায়—আছে স্নেহে। গাড়ি বাড়ি করে আছে বেশ। ঝামেলা বজাট কিছুই পোহানোর নেই। বুঝত, ঠাণ্ডা বুঝত, যদি হরিশের মতো থাকত একটা বড়ই হিসেবী শত্রুপক্ষ।

না হরিশ টের পায় নি। সে চা খাচ্ছে টের পায় নি। সে টোফা রোদে দিয়ে বসে আছে টের পায় নি। যাক নিশ্চিন্তি। পরম আরাম। হরিশ উত্তর থেকে দক্ষিণে চলে যাচ্ছে। গির্জার ওদিকটায় চলে যাচ্ছে। পথ থেকে সে তার অমূল্য আসবাবপত্র কুড়িয়ে নিতে ভুলছে না। কোনটা কখন কি মহার্ঘ কাজে লেগে যাবে কে জানে।

রাতের আহারের জন্য ঝড়কুটো অথবা পাতলা কাঁঠা সংগ্রহ করতে হয়। চাকু মাজবেলায় গাছতলায় আগুন দেয়। হাঁড়িতে চাল দিয়ে কুমড়া আলু কাটতে বসে। কোথেকে পচা মাছটাছও নিয়ে আসে চাকু। খুবই সংসারী। চাকু যে ঘরে যাবে, আলো হয়ে যাবে সে ঘর। বুড়ো ফকিরটাদ চোখ বুজে স্বপ্ন দেখে।

বুড়ো ফকিরটাদ এবার পা দিয়ে নিজের হস্তাক্ষর মুছে দিল। পাঁচিল সংলগ্ন ওর ছোট প্লাইউডের সংসার। বসবাসের উপযোগী নয়, শুধু তৈজসপত্র রাখার জন্য পাতলা প্লাষ্টিকের চান্দর দিয়ে সব ঢাকা। ফকিরটাদ কি মনে করে আজ সব টেনে বের করতে থাকল—হাঁড়ি পাতিল, ছেঁড়া কাঁথা, ভাঙা জলের কুঁজো সবই চাকুর সংগ্রহ করা—ডাস্টবিন থেকে। মেয়েটার সারাদিন ঘুরে ঘুরে ঐ এক সংগ্রহের বাতিক—ঠিক চ্যামনা হরিশের মতো। এবং চাকুই স্টেশন থেকে এই বাড়ি সংলগ্ন পরিত্যক্ত গাড়ি বারান্দা আবিষ্কার করে ফকিরটাদের হাত ধরে চলে এসেছিল এবং জায়গাটার দখল নিয়েছিল। দখল নিলেই হয় না, তাকে রক্ষা করতে হয়। এক বছরে পাঁচ সাতবার এই রাজ্যটার ওপর নানারকম আক্রমণ ঘটেছে। চাকুর চোপার গুণে কেউ তিষ্ঠাতে পারে নি। মেয়েটার চোপা ছিল বলেই এ-যাত্রা ফকিরটাদ বেঁচে গেল। পরজন্মে চাকুর মতন একটা নাতিন যদি না মেলে জীবনে হেনস্থা আছে। সে-জন্ম সে হরিশের মতো চুরি-চামারি করতেও ভয় পায়। ভগমান বড়ই সতর্ক প্রহরী।

ফকিরটাদ এ-সময় চারপাশটা দেখল। কত বড় শহর, কত লম্বা ট্রাম লাইন, কত মানুষজন, কেবল যাচ্ছে আর আসছে। শেষ নেই। সকাল থেকে মানুষের পেছনে কোন এক অদৃশ্য শক্তি তাড়া করে বেড়াচ্ছে। কাউকে নিস্তার দিচ্ছে না। তাড়া খেয়ে কেবল ছুটছে। দুদণ্ড অবসর নেবে তাও সময় নেই। এইসব মানুষের জন্য ফকিরটাদের কষ্ট হয়। কে সেই কাগতাদুয়া যে মানুষকে স্বস্তি দিচ্ছে না। মানুষজন, বাঁস, ট্রাম, বোলাবুলি দেখতে দেখতে এ-সব মনে হয় ফকির-টাদের। তার হাই ওঠে। মগের চা কিছু খেয়ে কিছুটা চাকুর জন্য রেখে দিয়েছে।

একটু দূরেই হরিশের আস্তানা। দুজনই একজনও কাছে ভিতে নেই। দু'জনই সারা রাত্তায় ঢামনামির জন্ত বের হয়ে গেছে। দুজনই কোমর ছুলিয়ে পাগলামি করে হোটেলের উচ্ছিষ্ট খাবার নিয়ে আসতে গেছে।

আর তখনই গাড়ি থেকে একটা সুন্দর মতো বৌ নেমে বলল, পাগলা বাবা কাঁহা?

ফকিরচাঁদ বৌটাকে চেনে না। কে জানে কি বিশ্বাস, বৌটা এক ঝুড়ি ফলমূল হরিশের আস্তানায় রেখে দাঁড়িয়ে থাকল। সঙ্গে চাপরাশিটাকে বলল, দেখত পাগলা বাবা কাঁহা?

ফকিরচাঁদ বলল, দে যান আমাদের, হরিণ এলে দেব। হরিণ কবে থেকে পাগলা বাবা হল! নধরকান্তি বৌটির নাকে নখ ঢুলাছে। ফকিরচাঁদকে হয়ত ফেরেববাজ ভাবছে। বৌটি কিছু বলল না। চাপরাশি এসে বলল, গির্জার ওদিকটায় হাঁটু মুড়ে বসে আছে। এবার গাড়ি থেকে এক স্থলকায় বাবু নামলেন, তিনি হনহন করে হাঁটতে পারেন না, বৌটি হনহন করে হাঁটতে থাকল। তারপর সেই পাগলা বাবার পায়ে গড় হতেই হরিণ বুঝল আরে সেই নারী, যারে সে-মুতে দিয়ে বলেছিল ষা, দেখবি তোর ভাল হয়ে যাবে। কে জানে কি হল, বৌটা সত্যি সামান্য কণিকামাত্র ধূলিকণার মতো আঙুলে তুলে মুখে মাখায় দিয়েছিল। স্বামীর বাড়াবাড়ি তা নিয়ে সে গেছিল ঠনঠনে। সেখানে পূজা দিয়ে ফেরার সময় পাগলা বাবার দেখা। পাগলা বাবা তার বিড়ম্বনা টের পেয়ে সাধু বাক্য উচ্চারণ করেছে। রমণী সবই সেই বিধাতার নির্বন্ধ ভেবে মুখে দিয়ে বাড়ি ফিরেছিল এবং অলৌকিক কিছু প্রায় তার স্বামীর শরীরে ঘটে গিয়েছিল। মানুষটা চোখ মেলে তাকিয়েছে। সেই থেকেই হরিশের খোঁজ। খুঁজে খুঁজে পেয়েও গেল একদিন। পাগলা বাবার জন্ত হাঁড়ি পাতিল ভর্তি দই সন্দেশ ফলমূল নিয়ে এসেছে। হরিণ দেখেই হাঁ হাঁ করে তেড়ে গেল। পাগলামি আরও বাড়িয়ে ফেলল। রাত্তায় অপোগণ্ড সব হাজির। দু'হাতে সে সব বিলিয়ে দিয়ে খালি পাতিল মাখায় টুপির মতো পরে দৌড়াতে থাকল। তারপর গলি ঘুজিতে ঢুকে উঁকি দিতে থাকল, বাবু মানুষের বৌটা আর খুঁজছে কিনা। উঁকি দিয়ে দেখতে থাকল।

অতীশ অফিস বাবার মুখেই দেখল, দেবদারু গাছটার নিচে পরিচিত কেউ যেন দাঁড়িয়ে আছে। আর এ যে শেঠজী! সিট মেটালের এক নম্বর খদ্দের। এত বড় মানুষটা এখানে! মাঝে খুব অস্থির শুনেছিল। কুস্তবাবু খুব যাতায়াত

করত তখন। তাকেও বলেছিল, চলুন। সময়ে অসময়ে কোম্পানির টাকা যোগায়। লোকটার ভাল মন্দের সঙ্গে কোম্পানির নসিব জড়িয়ে আছে। অতীশ যার যাব করবে যেতে পারে নি। সেই মানুষ দেবদারু গাছের নিচে! সে ট্রাম রাস্তা পার হতেই শেঠজী তাকে দেখে বলল, বাবুজী আপ!

—আপনি!

—আর বলবেন না। বছর মুসিব মে গির গিয়া। পাগলা বাবা খুখু ফিক দিয়া। কাঁহা চলে গেল!

রাস্তায় লোকজন জমা হয়ে গেছে। কারণ এই রাস্তার পাগলটাকে খাওয়াবার জন্ত খানদানি ঘরের বোঁ একজন ছুটাছুটি করছে। পাগলটা সব রাস্তার অপোগণ্ডের দিয়ে ধুয়ে খালি পাতিল মাথায় দিয়ে কোন দিকে চলে গেল! অতীশ শেঠজীর এই পাগল প্রীতিতে কিছুটা অবাক হয়ে গেল। ছ' নম্বরী কাজ করে মানুষটা বছর দশেকের মধ্যে কলকাতায় মোকাম, দেশে মোকাম ইস্কুল, মন্দির বানিয়ে ফেলেছে। এবং সিট মেটাল না থাকলে এটা সে পারত না। কোম্পানি ফাঁক পেলে ছ' নম্বরী মাল তৈরি করে। অতীশ গতকাল এটা টের পেয়েই মানসিক যন্ত্রণায় ভুগছে। তেল পাউডার, ওষুধের সব ডিকো বানিয়ে দিতে হয়। ছাপ নম্বর হুবহু এক থাকে। আজ এ-নিয়ে সে রাজেন্দার সঙ্গে কথা বলেছে। রাজেন্দা খুব দূর থেকে দেখার মতো দার্শনিক গলায় জবাব দিয়েছেন, চারপাশটা ভাল করে দেখ। বোঝ সব। আরও কিছুদিন লাগবে দেখছি তোমার।

অতীশ বলেছিল, এতে জেল হাজতের ভয় আছে। ধরা পড়লে।

—বিশ বছর ধরে এই হচ্ছে। কেউ ধরা পড়েছে বলে ত জানি না! তুমি পড়বে কেন? সব দিকে নজর রাখ, ঠিকঠাক রাখ, তবে দেখবে কেউ কিছু করতে পারবে না। তারপরই বাঙালীর অধঃপতন নিয়ে কিছু ভাব্য—এর জগাই জাতটা গেল। বাইরের লোক এসে ছ' দিনেই টু পাইস করে ফেলেছে। দেশের লোক, নিজের শহর, রামমোহন বিদ্যাসাগর মশাই এ শহরে বড় হয়েছেন, তোমরা তার উত্তরাধিকার, কিন্তু সব লুটেপুটে নিচ্ছে—আটকাতে পারছ না।

শেঠজী কানে কানে বলল, ই রাজবাড়ি ছায়া। কেতনা বড়া মোকাম। রাজাবাবু কো একদিন দেখিয়ে দেবেন।

অতীশ বলল, দেব।

—বহুত পুণাবান আদমী। দর্শনে মুক্তি ভি হয়।

অতীশ বলল, হয়।

অতীশ তারপর বলল, রাস্তায় লোক জমে যাচ্ছে। গিল্মিকে নিয়ে বাড়ি যান।

—হামার বাত ও শুনবে! পাগলা বাবা পাগলা বাবা করে ওয়ার ত জান গেল।

এই হচ্ছে মানুষ, অতীশের এমনই মনে হল। নিজের জন্ম সব পাপ কাজ করছে—পুণ্য কাজও করছে। সেও ভালো নেই। একটা চক্রান্তের মধ্যে সে নিজেও জড়িয়ে পড়ছে। এখান থেকে সে নিস্তারও পাবে না। এক জটিল আবর্তে সে পড়ে গেছে। আর এ-সময় কেন জানি নির্মলার ওপর সে খেপে গেল। তারপর ভাবল যেভাবেই হোক বাজারে দু' নদরী মাল সাপ্লাই সে বন্ধ করবে। আর দেখা গেল সেই জনতার ওপর দিয়ে কেউ দুই অতিকায় বাছ বাড়িয়ে দিয়েছে আকাশে। সে তখনই শেঠজীকে বলল, চলি।

শেঠজী বলল, নেহি নেহি। হামারা সাথ যানে হোগা। এ ভজনলাল, তেরা ভাবিকো বোলা। বাবুজী ইধর হায়।

কিন্তু ভাবিজীর এখন মাথা ঝরাপ। পাগলা বাবা খেপে গিয়ে কিছু খেল না। সে পাগলা বাবাকে খাওয়াতে পারল না। নসিবে কি আছে কে জানে। কোথায় আবার কোন অপদেবতা এসে ভর করবে সংসারে। সেই ভয়ে ভাবিজীর চোখ মুখ উদ্বিগ্ন। কাছে এলে শেঠজী তার বহকে বলল, বাবুজী। দেবতা আছেন।

অতীশ কোন উত্তর করল না। হাত তুলে নমস্কার করল। রাস্তায় দাঁড়িয়ে এই আলাপ তার খুব ভাল লাগছিল না। চারপাশের মানুষজন লক্ষ্য করছে। সে কিছুটা অস্বস্তিবোধ করছিল। গাড়ি এলে উঠে বসল। শেঠজী তাকে সিট মেটালে নামিয়ে দিয়ে চলে যাবে।

শেঠজীর বহ সারাটা ঋণ ঘোমটা টেনে বসে থাকল। বয়স শেঠজীর তুলনায় খুব কম। চোখ দুটো ছোট, বেঁটেখাট, ঠোঁট ভারি, ভরাট যৌবন। এই যুবতী এত ধর্মাপরায়ণ, ভীকু ভাবতে কেমন অতীশের কষ্ট হচ্ছিল। মানুষ সম্পর্কে অতীশের এমনিতাই নাশিশ কম, সে মানুষকে খুব ছোটও ভাবতে পারে না, শেঠজী আসলে যে একজন প্রতারক সেটা সে স্পষ্ট করে ভাবতে পারছে না। বরং মনে হল, সে নিজেই প্রতারক। দু' নদরী মাল তার কোম্পানী সাপ্লাই দিয়ে যাচ্ছে। সে সব বন্ধ করে দিতে পারে—কলে সে এর সঙ্গে শুধু নিজেকেই বিপন্ন করে তুলবে না, যে মানুষগুলি এই কনসার্নের সঙ্গে জড়িয়ে আছে তাদের

জীবনও বিপন্ন করে তুলবে। কাল সারারাত সে ঘুমাতে পারে নি, মাথা গরম। মাথা গরম হলেই কেমন এক অন্ধকার গ্রহনক্ষত্রের দেশ তাকে গ্রাস করে। তার মনে হয়েছে সহসা সে কিছু করতে পারে না। তাকে ধীরে ধীরে এগোতে হবে। তার প্রথম কাজ কষ্টং। সে কার্লি, টিন, বার্নিশ ম্যাথু ক্যাকচারিং বস্ট এবং মিসলেনিয়াস থরচাসহ প্রতিটি আইটেমের একটি তালিকা তৈরি করেছে। সারারাত জেগে এই কাজটা করেছে। তাকে গোপনে এ-সব করতে হচ্ছে। কার্বন কুস্তবাবুর পছন্দ না, এক্ষুণি মালের দাম বাড়িয়ে দেওয়া হোক। যে কটা কার্দ্‌মার আছে তবে তারাও থাকবে না বলে কুস্তবাবু অতীশকে ভয় দেখিয়েছে।

অকিসে ঢুকে অল্প দিন, একবার সব শেডগুলি ঘুরে দেখে। কোথায় কি কাজ হচ্ছে, ছাপাখানায় কি ছাপা হচ্ছে, একবার ঘুরে না দেখলে সে স্বস্তি পায় না। কিন্তু আজ কেন জানি কোন শেডে ঢুকতে ইচ্ছে হল না। স্নাইডোর টেলে সোজা নিজের ঘরে ঢুকে গেল। এক গ্লাস জল রাখা থাকে। সে বসে জলটা খেল। টেবিলের ওপর কিছু ফাইল, বিল ভাউচার। ক্যাস-বুক। বাইরে স্থায়ী বসে আছে। ভারি ভীতু মুখ ছেলেটার। সব সময় কেমন মুখ গোমড়া করে রাখে। আজ এক মাস হয়ে গেল, অতীশ কখনও ওকে হাসতে দেখে নি। কুস্তবাবু সব সময় ধমকের ওপর রাখে। কাজে জটিল বের করে পেছনে লাগে। এখানে আসার পর অতীশের কেন জানি ছেলেটির প্রতি একটা মায়ার জন্মে গেছে। একবার চুপি চুপি ডেকে বলতে ইচ্ছে হয়েছিল, অত ভয় পাস কেন। কিসের ভয়। কত মাইনে পাস যে ভয় পাবি। আমার মতো বেশি মাইনে পেলে না হয় চাকরির ভয় ছিল। তাছাড়া বিয়ে থা করিস নি। ছেলেপুলে হয় নি। এখনই ত সময় মাথা উঁচু করে চলার। কিন্তু সে বলতে পারে নি। এ রকমেরই স্বভাব তার। মনে মনে অষ্টপ্রহর সব অসাম্যের বিরুদ্ধে প্রতিবাদ, খোলাখুলি সে প্রতিবাদ করতে পারে না।

এখানে এসে সে আজ পর্যন্ত একবার নির্মলার বাগের বাড়ির খোজ নেয় নি। নির্মলা প্রতিটি চিঠিতেই লিখেছে, তোমার ফোন নম্বর জানাচ্ছ না কেন। দাদাকে লিখেছি, তুমি কলকাতায় কাজ পেয়েছ। দাদা তোমার ওখানে ঘুরেও এসেছে। পায় নি। তোমার একবার যাওয়া দরকার ছিল। বাপ মাই বা কি ভাববেন। আসলে সে এই কাজটা নেবার পর কেমন হতাশ হয়ে পড়েছে। এই গোন্ড মাইনে এসে বুঝেছে, স্বর্ণ অন্বেষণে এখানে কুস্তবাবুর মতো লোকেরই লেগে থাকা সম্ভব। যত দিন যাচ্ছে, তত জটিলতা উপলব্ধি করতে পারছে। রবিবার সন্ধ্যার

শাড়িতে নির্মাণ চল আসছে। সে মুখ ফুটে বলতেই পারবে না, নির্মাণ আমি এখন একজন প্রতারকের ভূমিকা পালন করছি। টুটুল মিন্টুর দিকে সে আর সহজে যেন চোখ তুলে তাকাতে পারবে না। শিশুরা বোধহয় সবচেয়ে বেশি বুঝতে পারে সব। তারাই প্রথম বুঝতে পারবে তাদের বাবা ভাল নেই। ঠিকঠাক বেঁচে নেই। এখানে আসার পর একটা লাইন সে লিখতে পারে নি। ছ' একজন লেখক বন্ধু বান্ধবকে সে ফোন করেছিল। তারা তার সঙ্গে কফি হাউসে দেখা করেছে। কেউ কেউ অফিসেও এসেছিল। এই বয়সে এমন একটা ভাল কাজ পাওয়ায় কেউ কেউ ঈর্ষা বোধও করেছে। অথচ সে তাদেরও বলতে পারে নি, আমি ভাল নেই। আমি ঠিকঠাক বেঁচে নেই। অর্চির প্রেতাত্মা আমাকে আবার গোলমালে ফেলে দিল।

সুইং ডোর টেলে কেউ ঢুকছে। চোখ তুলে দেখলে বুড়ো দারোয়ান রবুদীর। কতুয়া গায়ে হাঁটুর ওপর কাপড়। সে ঢুকে এক বাগিল টাকা রেখে বলল, মণ্টু সাহা দিয়ে গেছে।

—কত টাকা?

—আঠারশ টাকা। আরও দশ হাজার সুরমা নেবে বলেছে। বাজার ফিরতি দেখা করে যাবে।

অতীশ টাকাটা গুনে উশ্টে রেখে দিল। ক্যাশবুক খুলে টাকাটা মণ্টু সাহার নামে জমা করে ভাবল একবার বিলগুলি চেক করে দেখে। তখনই স্থবীর মুখ বাড়িয়ে বলল, দুজন লোক দেখা করতে চায়।

—ডাক।

দুজন দু রকমের মানুষ। দু রকম মানুষ ঘরে ঢুকে দুটো চেয়ারে বসতে বসতে বলল, রাম রামজী।

এই ধরনের অভিবাদনে সে আজকাল অভ্যস্ত হয়ে গেছে। মধ্যবয়সী মানুষের একজনের হাতে ছটা আংটি। মুখে ঐশ্বর্য। ধুতি পাঞ্জাবি পরনে। পায়ে বুট জুতো। অল্প জনের মুখে কেমন শয়তানের ছাপ। কথা বলতে বলতে একটা কনটেনার পকেট থেকে বের করে বলল, এ-রকম মাল চাই।

অতীশ দেখল একটা চালু গুয়ের কোটা।

সে বলল, হবে।

—ঠিক এরকম হবে না বাবুজী।

—কি রকম হবে?

—একটা হসস্ব বাদ। লাল মার্জিন থাকবে না।

অতীশ বুঝল সেই নকল মালের পাটি। মেজাজটা কেমন বিগড়ে গেল বলা, হবে না।

—বাবুজী ভাল দাম দেব।

—হবে না। এখানে দু নম্বরী মাল হয় না।

এ-কথা শুনে লোকটা মুচকি হাসল। বলল, বিশোয়াস কা বারে মে কৈ ছজ্জুতি নেই হোগা।

অতীশের মনে হল লোক দুটো শয়তানের প্রতিভূ। সব খবরা-খবর নিয়ে এসেছে। এদের পাশাপাশি আরও একজন অলক্ষ্যে দাঁড়িয়ে শীতল চোখে তাকিয়ে আছে। যেন বলছে, ছোটবাবু আমি এদের চেয়ে খারাপ ছিলাম না। জাহাজে তুমি আমার প্রতিদ্বন্দী ছিলে, মুখে বালিশ চাপা দিয়ে খুন করছে। সবার অলক্ষ্যে সমুদ্রে ছুঁড়ে ফেলে দিয়েছিলে। এখন কি করবে ?

অতীশ মুখ নিচু করে বসে থাকল।

তখনই ঢুকল কুস্তবাবু। লোক দুটোকে দেখেই অবাক হয়ে গেছে যেন। আরে আপনারা। কি ব্যাপার।

—মাল চাই। লিকিন বাবুজী বলছেন হোবে না।

কি মাল যেন কুস্তবাবু কিছই জানে না।

ওরা টেবিল থেকে মালটা তুলে নিয়ে দেখাল।

কুস্তবাবু অতীশের দিকে তাকিয়ে বলল, আমাদের ডাইন আছে। হবে ন কেন ?

অতীশের কেন জানি এ-সময় চিংকার করে উঠতে ইচ্ছে হল। বলতে ইচ্ছা হল, দু নম্বরী কারবার সব বন্ধ করে দেব ভাবছি। নতুন কোন আর অর্ডার নেব না। কিন্তু বলতে পারল না। শুধু বলল, ওরা দু নম্বরী মাল চায়।

কুস্তবাবু বলল, তালেত মুশকিল। আমরা করি না সে স্পষ্ট করে বলতে পারল না। তাকে আরও চতুর হতে হবে। সে সোজাহাজি ওদের সামনে বলতে পারল না, হবে। সেই যে পাঠিয়েছে, কপিলদেব তাকে ধরেই যে এই দুজন লোককে পাঠিয়েছে তাও বুঝতে দিল না। শুধু বলল, আহ্নন। আমার সঙ্গে আহ্নন।

ওরা বের হয়ে গেলে অতীশ হাঁফ ছেড়ে বাঁচল। এত গরম লাগছে কেন। এই শহরে গরম কি খুব একটা বেশি। ফুল স্পিডে পাখা চালিয়েও সে রেহাই পায় না। এবং তখনই আবার কুস্তবাবু হাজির। বলল, ভাল রেট দেবে। দেড়

গুণ রেট। মোটা অ্যাডভান্স দেবে। কাল মাইনে। টাকা নেই। বুঝতেই পারছেন, সাধা লক্ষী পায়ে ঠেলা ঠিক হবে না।

অতীশ বলল, মণ্টু সাহা কিছু টাকা দিয়ে গেছে। কপিলদেবের লোক আসার কথা। আর ব্যাঙ্কে যা আছে হয়ে যাবে।

—এরাই কপিলদেবের লোক।

সে আর কোন কথা বলল না। কিছু জেতুইন কাস্টমার আছে। সে তাদের একজনকে ফোন করে ধরার চেষ্টা করল। বৈজনাথ সাধনার কিছু মাল কোম্পানি সাপ্লাই করে থাকে। যোগেশবাবুকে ধরতে পারলে কাজ হয়। এবং ফোনে পেয়েও গেল। সে তার অসুবিধার কথা বললে, তিনি তার রেট আরও কমাবার সন্যোগ নিলেন। অতীশ হতাশ গলায় বলল, তাই হবে।

কুস্তবাবু আজ কিছুতেই অতীশকে দিয়ে অর্ডার বুক করাতে পারল না। লোকসানের কোম্পানিকে আরও লোকসানে ফেলে দিচ্ছে। কুস্ত ভীষণ অপমানিত বোধ করল। পার্টিদের কাছে তার প্রভাব অতীশের চেয়ে বেশি। সততার চ্যামনামি কুস্ত একদম পছন্দ করে না। সে বিকেলেই এই নিয়ে বেশ কড় রকমের একটা গোলযোগ বাধিয়ে তোলার জন্য অফিস ফেরত সোজা সনৎবাবুর কাছে চলে এল।

সনৎবাবু দোতলার বারান্দায় একটা ইজিচেয়ারে আরাম করছিলেন। পাশে বড় ছেলের নাতি। সামনে গ্যারেজ, পাশে লম্বা দুটো তালগাছ। একটা পাখি ডানা মেলে এসে বসল। নাতি ছুঁ খাচ্ছে না। ছোট্টাছুটি করছে, দাঁপাদাঁপি করছে। তিনি পাজামা পাঞ্জাবি পরে সন্ধ্যার সময় সমুদ্রের হাওয়া খাওয়ার মতো একটা টেবিলে পা তুলে বসে আছেন। খুব বড় বড় গেল কদিন। বতিগুলি হাত ছাড়া হতে যাচ্ছিল। প্রাইভেট লিমিটেড করে দিয়ে আপাতত তৈরি কাজ দেওয়া গেছে, বছরকান্ন আর লাখ টাকার ওপর রক্ষা পেয়ে যাওয়ায় কুমার বাহাদুর এ মাস থেকে আরও দুটো ইনক্রিমেন্ট দিয়েছেন। এখন রিটারার করার বয়স, এই বয়সে যত তিনি কাজের মানুষ প্রতিপন্ন করবেন, তত বাড়তি সন্যোগ। সরকারী কাজে যে যাননি, যোগ্যতা থাকতেও এই রাজবাড়িতে এসে যে প্রথমেই অফিসার পদে চাকরি পেয়ে গেছিলেন, সেটা আজ মনে হচ্ছে বড়ই সৌভাগ্য। পাশে কিছু আঙুর আপেল এবং বেদানার কোয়া। এক গ্লাস দুধ। কুটকুট করে খাচ্ছেন। রোগা কাল ছিমছাম চেহারা। মাথা ভর্তি সাদা চুল। খুব প্রাজ্ঞ মানুষের মতো মুখের অবয়ব। টেবিলের একপাশে একটা ইংরেজী

পত্রিকা। ওপরে ওয়ালেস স্টিভেনসের কবিতা সংগ্রহ। এটা পড়বেন বলে এনেছেন। নানারকম আইনের মার-প্যাচ মাথায় ঘোরার জন্য তিনি এ'কদিন বইটি উন্টেও দেখেন নি। কুমার বাহাদুরের প্রিয় কবি। কুমার বাহাদুরই পড়তে দিয়েছেন। এবং এটা পড়ে নতুন কিছু আরও আবিষ্কার করতে পারলে বিগের দোঁড়ে এই বয়সেও কম যান না তিনি আন্দাজ করতে পারবেন! স্ততরাং আর দশটা রাজকীয় কাজের সঙ্গে সম্প্রতি কবিতা পাঠও যোগ হয়েছে।

সিঁড়ি ধরে কেউ উঠছে। পুত্রধু ফিরতে পারে। কলেজ করে বাপের বাড়ি হয়ে আসার কথা। শঙ্কু ফিরতে পারে অফিস ছুটির পর। কিছু টুকটাকি বাজার সেয়ে ফেরার কথা। কিন্তু এই পায়ের আওয়াজ তিনি ঠিক ধরতে পারছেন না। খুব সতর্ক পা ফেলে কেউ উঠে আসছে। তারপরই বুঝতে পারলেন, কুন্ত। এ বাড়িতে সিঁড়ি ভাঙার সময় কুন্তই একমাত্র টেনে টেনে পা তুলে হেঁটে আসে। এ-বাড়িতে কে কি খায়, কার দু পয়সা ফাউ রোজগার আছে তলে তলে সবারই জানার আগ্রহ। এবং তিনি একজন সৎ এবং অভিজ্ঞ মাহুম হিসাবে সম্মানীয় ব্যক্তি—প্রায় কুমার বাহাদুরের পরই। তবু এত সব ভাল খাবার দেখলে কুন্তর চোখ টাটাতে পারে। বাপকে বলতে পারে—শ্রীরেরও বেশ দু পয়সা আলগা তালে হচ্ছে। তিনি তৎক্ষণাৎ খাবারের প্লেট ঘরে পাঠিয়ে কবিতার বই খুলে গম্ভীর মুখে বসে থাকলেন। কারণ এইমুখোশটাকে রাজবাড়ির সবাই বড় ভয় পায়। এটি তার প্রিয় মুখোশ।

ভিতরে ঢুকলে, সনৎবাবু বই থেকে মুখ না তুলেই বললেন বস। কুন্ত বসল, কিছু বলল না। শ্রীর বইয়ে নিমগ্ন। বড়ই অসময়ে এসে গেছে। কিন্তু এখন উঠে চলে যেতেও পারে না। এই লোকটার হাতে অনেক ক্ষমতা। এর পরামর্শ ছাড়া গিট মেটাল সম্পর্কে কুমার বাহাদুর কোন সিদ্ধান্ত নেন না। তাছাড়া সে যে চোর-ছ্যাচোড় জাতের লোক শ্রীর তা আন্দাজ করে ফেলেছে। দু-একবার হাতেনাতে ধরা পড়তে পড়তে বেঁচে গেছে। এজন্য কুন্ত খুব সরল বিনয়ী এবং বাধ্য ছোকরার মতো এখন চেয়ে আছে কখন মুখ তুলে একটু কথা বলবেন।

সনৎবাবু এবার বইয়ের পাতায় একটা বাপের টিকিট গুঁজে দিলেন। তার পর বই বন্ধ করে বললেন, কিছু বলবে?

—শ্রীর কোম্পানি লাটে উঠলে আমায় দোষ দেবেন না। কান্টমারের সব ষেপে যাচ্ছে। অতীশবাবু অর্ডার নিচ্ছেন না। ভাল ভাল অর্ডার হাতছাড়া হয়ে যাচ্ছে। এই বলে চুপ করে থাকল। সনৎবাবু বললেন, খুলে বল সব।

এতে কি আমি বুঝব। কুস্তুর ভেতরে যে অপমানের দাপাদাপিটা চলছিল সেটা কিছুটা প্রশমিত হচ্ছে। সে বুঝতে পারছিল—তার কথাবার্তা এখন অনেক স্পষ্ট। এবং সনৎবাবু সব শুনে কিছুক্ষণ ছুঁ আঙুলে চোখ টিপে ধরলেন। গভীর বিষয়ে চিন্তা করলে এটা তাঁর হয়। কুস্তুর মনে মনে আর কিভাবে লাগান যায়, আর কি অসহনীয় সব ব্যবহার সে লক্ষ্য করেছে অতীশের এবং কোম্পানির পক্ষে তা কত মারাত্মক হতে পারে এই নিয়ে বক্তব্য রাখার একটা পরিকল্পনা করতেই মনে হল তিনি ওর দিকে চোখ মেলে তাকিয়েছেন।

সনৎবাবু উঠে দাঁড়ালেন। রেলিং-এ ঝুঁকি দেখলেন কিছু। বোমা এখনও এল না। শঙ্করও ফেরার সময় হয়ে গেছে। গিন্নি শনিপূজা দিতে গেছে কোথায়। বাড়িতে চাকর নাতিন এবং নিজে। সমস্তা একের পর এক। তিনি বললেন, কাল অফিসে এস। রাজার সঙ্গে কথা বলে রাখব। আমার মনে হয় সবার কাছেই বিষয়টা পরিষ্কার হওয়া দরকার।

কুস্তুর বুল জল ঘোলা করে তুলতে পেরেছে। এবং পরদিনই সে সেটা টের পেল। সকাল নটায় দুজনেরই ডাক পড়েছে। বারান্দায় অতীশবাবু একটা হলুদ কলার দেয়া গেঞ্জি গায়ে বসে। সে কাছে গিয়ে বলল, দাদা কি ব্যাপার আমাদের সহসা এতেলা।

অতীশ দেখল কুস্তুরি প্রসন্ন আজ তুলে তলে যে ঠাণ্ডা মুছটা চলাছে অতীশ আজ টের পেতে দিল না। আসলে সে নিজেও ধূর্ত হয়ে উঠেছে। ধূর্ত না হলে সে হেসে বলতে পারত না, বোধহয় রাজবাড়িতে নেমস্তন্ন। আমাদের খেতে ক্ষেতেছেন। তারপরই অতীশ সুরেনকে ডেকে বলল, কি হে পাত পাড়বে কখন?

নধরবাবু জানকীবাবু আছেন। বের হলেই আর পাত পড়বে।

একটু পরে সনৎবাবুই মুখ বার করে বললেন, তোমরা এস।

সনৎবাবু আগে, মাঝে কুস্তুরবাবু, সে পেছনে। দরজার গোড়ায় জুতো খোলার পাট। সে তা করে না। সে পেছনে দাঁড়িয়ে দেখছে। প্রথম দিন থেকেই সে এই দাস মনোভাব থেকে আত্মরক্ষা করে আসছে। বাড়ির আমলারা কেউ এটা পছন্দ করছে না—কিন্তু রাজার মর্জি বোঝা ভার। এই আমলারা ভেতরে ঢুকে সামনের চেয়ারে বসারও সাহস পায় না। দাঁড়িয়ে দাঁড়িয়ে কাজ করে আসে। সনৎবাবু একমাত্র বসতে পারেন। তিনি ভিতরে ঢুকে প্রথম গড় হলেন। কুস্তুর আরও বেশি মাথা হুয়ে গড় হল। খালি পা দুজনের পেছনে অতীশ একটা তামাশা দেখার মতো দাঁড়িয়ে। রাজেন্দ্র তাকে দেখেই বললেন, আরে এস এস। কি

খবর, সন্দলবলে দেখছি। সে পাশের চেয়ারটা দখল না করে মাঝখানেরটার গিয়ে বসে পড়ল। সন্ধ্যাবু পাশে বসলেন। কুন্ত বসতে ইতস্তত করছিল। আশ্চর্য রাজেন্দা কুন্তকে বসতে বলছেন না। অতীশের নিজেরই গায়ে কেমন লাগছে। সে বলল, বহন না।

রাজেন্দা যেন বাধ্য হয়ে বললেন, বোস বোস।

কুন্ত বড়ই বিনয়ী এখন। যেন জীবনে কোন কুবাক্য শোনেনি। যেন পৃথিবীটা সাধুজনেই ভরে আছে।

অতিকায় টেবিলটার ওপাশটায় একজন সাধারণ মানুষের এত প্রভাব। ফুলকো লুচির মতো টাক। জুলপি এবং গোঁফে চুলের খামতি ঢাকার চেষ্টা রাজেন্দার। তিনি সন্ধ্যাবুর মুখ থেকে একটা বিস্তারিত রিপোর্ট শুনলেন। 'হঁ' হা করছেন। কথায় মাঝেই একবার অতীশকে বললেন, বোমা কবে আসছে? তোমার বাবা-মা কেমন আছেন। আরে তোমার ঐ গল্পটা নিয়ে এক ভদ্রলোক খুব তারিক করলেন—এ রকমের কিছু কথাবার্তা। সাংঘাতিক বিচারালয়ে এমন হান্ধা মেজাজে কেউ সব অভিযোগ শুনতে পারে অতীশের কেমন অবস্থাস ঠেক-ছিল। এবং পরে রাজেন্দা শুধু বললেন অতীশ এ শহরে লোকে খালি হাতে আসে। ফুটপাথে থাকে। তুমি খালি হাতে আসনি! এটা তোমার জীবনের পক্ষে বড় সৌভাগ্য ভাবতে পার।

অতীশ বুঝতে পারছে রাজেন্দা তাকে তিরস্কার করছেন। তার তিরস্কারের ভঙ্গীটাও মনোরম। তবু সে বলে, চোখ মুখ লাল হয়ে উঠছে। সে মাথা নিচু করে বলল, আমাদের অ্যাকুমুলেটেড লস দু' লাখের উপর। এটা এ-বছর আরও বাড়বে। কাস্টমার ব্যাঙ্ক সর্বত্র দেনা। জাল মাল করলে কাস্টমারদের হাতের মুঠোয় চলে যাব। পরে দেখবেন ওখানটায় একটা অশ্বখ গাছ আছে। আর কিছু নেই।

কুন্তাবু একটা কথাও বলছে না। সে আগেই সব বলে রেখেছে। সে কেবল রাজার নির্দেশ জানতে চায়। কোম্পানির প্রতি তার এতদিনের প্রচেষ্টা সফল দেখতে চায়। সে নিজের জ্ঞান অভিযোগ দায়ের করেনি। যেন তার মূল লক্ষ্য কোম্পানিকে সমূহ ক্ষতির হাত থেকে রক্ষা করা। কিন্তু অতীশাবু একটা বেশ বড় বৃদ্ধাঙ্গুষ্ঠ দেখাল। রাজার মাথায় কি গেছে কথটা! শুধু একটা অশ্বখ গাছ থাকবে। ওটা রাজাকে একটা বৃদ্ধাঙ্গুষ্ঠ দেখানোর সমান। রাজা এটা বুঝে না কেন!

অতীশ আগে একবার সব হজম করে গেছে। আজ কেন জানি সে তার দিকান্ত থেকে নড়তে চাইল না। সে তেমনি ঠাণ্ডা গলায় বলল, দু আড়াই মাস আগে যা ছিলাম এখন আর তা নেই। কিছু কিছু আমিও বুঝি। তারপর থেমে গেল। যেন বাকিটা বললে অশোভন হবে। সে বলতে চেয়েছিল আপনার হাতে অস্ত্রে ভামাক খেয়ে যাবে কেন। তামাকটা আপনিই খান।

সনৎবাবু বললেন, তুমি বোঝ না কে বলেছে?

—না কেউ কেউ এমন ভেবে থাকতে পারে।

কুন্তর মনে হচ্ছিল সে হেরে যাচ্ছে। সে বলল, এই মুহূর্তে মালের দাম বাড়ার আমি পক্ষপাতি নই স্তার।

অতীশ বলল, আমি পক্ষপাতি। কষ্টেই করে দেখলাম মার্জিনাল প্রফিট দূরে থাক ধরচাই ওঠে না।

কুন্ত বলল, আরও তো কারখানা আছে। তারা কি রেটে কাজ করে দেখুন না।

—কেউ বলে না কি রেটে কাজ করে।

—কান্ট্রিমারদের ডিজেন্স করলে জানতে পারবেন।

অতীশ বেশ দূর থেকে যেন বলল, ওরা রেট নিয়ে মিছে কথা বলে। কম বলে। পার্টিদের এত অ্যাডভান্স রাখার কি কারণ থাকতে পারে। যদি একদিন সব পার্টি অ্যাডভান্স ফেরত চায় কোম্পানির ঘাট বাটি বিক্রি করে দিতে হবে।

রাজেন্দা কি যেন বুঝলেন। দুজনই কোম্পানির ভাল চায় দুজনই দুঃস্বপ্নের কথা বলছে। সনৎবাবু অভিযোগ দায়ের করার পর চূপ। তবু অতীশ নতুন। রাজেন্দা অতীশকে বললেন, আপাতত নকল আসল সব অর্ডারই বুক কর। কাজ চালু রাখতে হবে ত!

অতীশ কেমন মরিয়া হয়ে বলল, নকল অর্ডার আমি বুক করতে পারব না। কুন্তবাবু যদি করেন করুন। অর্ডার বুকের বই ওঁকে দিয়ে দিচ্ছি।

কুমারবাহাদুর সনৎবাবুর দিকে তাকিয়ে কি যেন জানতে চাইলেন। অতীশের মুখ খমখম করছে। তখনই একটা চিরকুট কেউ দিয়ে গেল কুমারবাহাদুরের হাতে। তিনি বললেন, অতীশ তিতরে যাও। তোমাকে ডাকছে। শঙ্খ হাজির। অতীশ বের হয়ে গেলে কুমারবাহাদুর বললেন, ভীষণ সেনসেটিভ ছেলে। টেকল করা মুশকিল। কি করবেন?

আসলে মানুষ শৈশবে ফিরে যেতে বাব্বার ভালবাসে। এই মুহূর্তে অতীশের সব রাগ ক্ষোভ কেমন উবে গেল। অমল তাকে ডেকে পাঠিয়েছে। সেই যেন বিশাল ছাদের কার্নিসে দাঁড়িয়ে আছে অমল। কখন সেই ছেলেটা আসবে বলে দাঁড়িয়ে আছে। তার কাছে যাচ্ছে অতীশ। আপনজন বলতে এ বাড়িতে তার অমল। এবং এ-মুহূর্তে এটা মনে হতেই চোখমুখে রক্তচাপ বেড়ে যেতে থাকল। চারপাশে জাঁকজমক—ধনাঢ্য পরিবারগুলোর যা হয়—ঘরের পর ঘর।

অশ্রিতজনেরা একসময় এই বাড়ির তলাকার অসংখ্য ঘরে গিজগিজ করত। এখন তারা নেই। বৈভবের শেষ পর্যায় চলছে বোধহয় এটা। আর দু এক পুরষেই এরা আর দশজনের মতো নামগোত্রহীন হয়ে যাবে।

শঙ্খ আগে যাচ্ছে। যেন অনেকদূর কোথাও আজ অতীশকে নিয়ে যাবে বলে সে রওনা হয়েছে। কোথাও বেশ অন্ধকার কোথাও আসবাবগত ঠাসা ঘর, তারপরই সিঁড়ি, নীল সবুজ আর লাল গালিচা পাতা সিঁড়ি ধরে উঠতে থাকল। সেই গন্ধটা চারপাশে। লেভেণ্ডারজাতীয় গন্ধ—অথবা ধূপদীপের মতো গন্ধ—কিন্তু ধূপদীপ নয়—সে উঠে যাচ্ছে। সিঁড়ি ভেঙে দোতলায় উঠতেই ঝাউ-গাছগুলোর ফাঁকে সূর্য দেখতে পেল। একেবারে শেষ মহলায় তাকে নিয়ে আসা হয়েছে। বিরাট প্রাসাদে মানুষজন কম। চাকর চোপদার, খাজাফি নায়েব গোমস্তা অথবা সেরাস্তায় যেসব লোক থাকত তারা আর তেমনভাবে জাঁকিয়ে বুঝি নেই। মাঝে মাঝে দু-একজন দাসী বান্দি চোখে পড়ছে—অতীশ আসছে দেখেই ওরা মুহূর্তে অন্ধকারে কোথায় লুকিয়ে পড়ল।

শঙ্খ বলল, যান ভিতরে বোরানী আছেন।

সামনে বিশাল লম্বা বারান্দা। কাককাজ করা মোজাইক। নীলরঙের চিক কেলা। কথা বললেই গমগম করে বাজছে। শঙ্খের গলা সে বড়ই গভীর শুনতে পেয়েছিল।

অতীশ ইতস্তত করছিল। ভেলাভেটের পর্দা প্রকাণ্ড দরজায় বুলাচ্ছে। এর ভেতরে যেতে হবে তাকে। এতক্ষণ মনটা যেভাবে হাঁকা হয়ে গেছিল, এখানে এসে আবার তা গভীর হয়ে গেল। তার মনে হল মহলা, সে আর সেই নদীর পাড়ে দাঁড়িয়ে নেই। অনেক দূর অতীতে সে তা ফেলে এসেছে। আর তখনই পর্দা তুলে বোরানী বলল, আয়।

যেন নির্দেশ। তার কিছু করণীয় নেই।

যেতে যেতে বোরানী বলল, খুব ঝেপে গেছিস শুনলাম।

সব খবর এখানে আগেই পাচার হয়ে যায়। সেদিন যে সে মাতাল হয়ে বাড়ি ফিরেছিল, তার খবরও বোধহয় রাখে।

বোঁরানী আগে আগে যাচ্ছে। এখন সে এই রমণীকে অমল কিংবা কমল কিছুই ভাবতে পারছে না। লম্বা দৃঢ় মজ্জবুত রমণী। পুরো শরীর হাঙ্কা সবুজের ওপর লাল ফুল ফল আঁকা ম্যাকসিতে ঢাকা। ইতিহাসের-পাতার ছবির মতো কোন সম্রাজ্ঞী যথার্থই তার সামনে হেঁটে যাচ্ছে যেন। ম্যাকসির ঝুলন্ত মেরুর অনেকটা ছড়িয়ে চলে যাচ্ছে। রূপোলী চুমকিতে সারা অঙ্গ জ্বলজ্বল করছিল। কোমর এবং বাহু দুই ভারি কামনার উদ্বেক করে। অতীশ ভয়ে রমণীর দিকে তাকাচ্ছে না। সে দেয়াল এবং দুপাশের বিদেশী শিল্পীদের আঁকা ছবি দেখতে দেখতে চলে যাচ্ছে। কেমন সামান্য বেহুঁশের মতো হেঁটে যাচ্ছিল।

দরজা ঠেলে পর্দা তুলে ফের বলল, আয়।

সে চুকলে বলল, বস। তারপর জরুরী কাজ পড়ে আছে মতো অল্প দরজার দিকে এগোলে, অতীশ বলল, আমি কিছু বুঝতে পারছি না অমলা, তুমি আমাকে এখানে নিয়ে এলে কেন!

বোঁরানী কেমন সহসা অতর্কিতে ফিরে দাঁড়াল। বলল, ঠিক বলছিস 'আমি অমলা'?

—হ্যাঁ, তুমি অমলা। অমল। কমলা নও। কমলার চুল নীল ছিল।

—তাহলে তোর সব মনে আছে?

—আছে?

—ছাদের কথা?

—মনে আছে।

—নদীর ধারে সেই কাশবন...

—মনে আছে।

—ল্যাগোতে পূজা দেখতে বের হয়েছিলাম তোকে নিয়ে...

—মনে আছে।

—স্ট্রিমার বাটের সেই আলো তারপর সেই বনটা—কত শত পাখি, রাতের জ্যোৎস্না...

—সব সব।

—সব মনে আছে তোর! যেন এবারে অমলা বলতে বলতে চিংকার করে উঠবে—মনে আছে তোর সেই শ্রাওলাপিচ্ছিল ধূসর পৃথিবীর কথা! কিন্তু বলতে

পারল না। গ্রীক রমণীর মতো চোখেমুখে এক আশ্চর্য মুহূর্ত। ওর মজবুত দৃঢ় লম্বা শরীরের দিকে তাকিয়ে কেমন অস্পষ্ট কর্তে বলে উঠল, অতীশ তুই একটা দস্য। তুই দস্য অতীশ। কেন তুই এখানে মরতে এলি অতীশ।

॥ বার ॥

অন্যদিনের চেয়ে চন্দ্রনাথের আজ আরও সকালে ঘুম ভেঙে গেল। দরজা খুলে বাইরে এসে দাঁড়ালেন। খালি পা। হাঁটুর ওপর কাপড়। পায়ে খড়ম। বাইরে বের হয়ে সব আকাশটা ঘুরে ঘুরে দেখলেন। পূর্ব আকাশটা এখনও ফর্সা হয়নি। নিঃশব্দ ব্রাহ্মমূর্ত্ত। এই মূর্ত্তটি তাঁর অতি প্রিয়। কোথা থেকে ঝাঁকে ঝাঁকে পাখিরা মাথার ওপর দিয়ে উড়ে যায়। রাত শেষ হয়ে আসছে, কিছু নক্ষত্রের শেষ ঝিকিমিকি। কীট-পতঙ্গের ডাক তেমন শোনা যাচ্ছে না। আবছা অস্পষ্ট আলো পৃথিবীতে জেগে উঠছে। তিনি সোজা দাঁড়িয়ে থাকলেন। গলায় উপবীত। আবছা অস্পষ্ট আলোয় ঈশ্বরের মহিমা। জায়া জননীর মতো এই নিবাস। সব কিছুর মধ্যে চন্দ্রনাথ অহুভব করলেন অশেষ করুণা তাঁর। তিনি প্রতিদিনের মতো নতজাহ্নু হলেন, তারপর উঠোন থেকে নখাগ্রে মাটি তুলে কপালে তারপর জীভে এবং বাকিটুকু মাথায় ঘষে দিলেন।

চারপাশে গাছপালা আকাশ সমান উঁচু হয়ে উঠতে চাইছে। বাতাস বইছিল। সামান্য হাওয়ায় গাছগুলির শাখা-প্রশাখা আন্দোলিত হচ্ছে। এই সব গাছপালা সবই তাঁর রোপণ করা। ঘন জঙ্গল কেটে তিনি এখানে তাঁর ঘর-বাড়ি তৈরি করেছিলেন। যখন যেখানে খবর পেয়েছেন স্থম্বাদু আম জামের গাছ আছে, সেখানে ছুটে গেছেন। একবার তিনি বালির ঘাট থেকে একটি আমের কলম নিয়ে এসেছিলেন। হাতে পয়সা ছিল না। দশ ক্রোশ রাস্তা হেঁটে সেই কলম কাঁধে করে নিয়ে এসেছিলেন। সব ফলমূল্যের গাছগুলিই এখন সজীব। তারা এই বাড়িঘরে এরা সন্তান-সন্ততির মতোই বেঁচে আছে। একটা ভাল ভেঙে ফেললে কেউ তিনি খেপে যান। ভারি মনঃকষ্টে ভোগেন। শেকড় ক্রমেই গভীরে প্রবেশ করছে।

এই ব্রাহ্মমূর্ত্তে তিনি কেন জানি আজ সব গাছপালার নিচ দিয়ে হেঁটে যেতে থাকলেন। গাছগুলো ছুঁয়ে দেখলেন। পর পর আমগাছ, তারপর ছুঁটো

কাঠাল গাছ। নারকেল গাছের সারি পশ্চিমের দিকে। বাদিকে দুটো সফেদা ফলের গাছ, লিচু গাছ। কাঠাখানেক জুড়ে লেবু গাছের ঝোপ। এদিকটায় তিনি গন্ধপাদালের লতা লাগিয়ে রেখেছেন। কাঠাখানেক জুড়ে আছে বাঁশের ঝাড়। তার এই গাছপালার মধ্যে তিনি এক আশ্চর্য সবুজ ঝাণ অনুভব করেন। এত প্রিয় এই সব কিছু তার অঞ্চ সবই চলে যায়। চন্দ্রনাথ ধীরে ধীরে এসে এবার করবী গাছটার নিচে দাঁড়ালেন। দূরবর্তী বড় সড়কে গরুর গাড়ির আওয়াজ উঠছে। সদরে যাবে বলে শাক-সবজি বোকাই করে চাষী মানুষেরা বের হয়ে পড়েছে। আর মাথার ওপরে পাখিদের ডানার শব্দ। এরা বোধহয় সবার আগে টের পায়, রাত শেষ হতে বেশি দেরি নেই। যে যার জায়গা মতো চলে যাবার জগৎ আকাশের প্রান্ত দিয়ে উড়ে যায়।

চন্দ্রনাথ সকলের অলক্ষ্যে প্রতিদিন এই ঘোরাঘুরিটা করেন। মানুষ জানেই না এই সময়টাতে ঈশ্বরের কাছাকাছি আসার প্রকৃষ্ট সময়। এই সময়টায় মানুষের সব রকমের লোভ মোহ কাম কেটে যায়। এই সময়টায় পৃথিবীর রূপ বদল ঘটে। চন্দ্রনাথ এসব ভাবতে ভাবতে খালের পাড়ে এসে দাঁড়ালেন। ওপারে তাঁর বিশেষ কয় ভূঁই—ধানী জমি, সবুজ আভা নিয়ে চারা বড় হচ্ছে। হাত দিলেই টের পাওয়া যায় পাতায় পাতায় শিশির ভেজা আশ্চর্য এক সমারোহ। প্রতিটি মুহূর্তে অনুভব করেন চন্দ্রনাথ, বড় মূল্যবান সময় চলে যাচ্ছে। ঘোরাঘুরি করে এসব না দেখলে বোকাই যায় না, কত মূল্যবান এই চাষ আবাদ। সব সময় উত্তেজনা। সেই কাদান থেকে আরম্ভ করে বীজ বপন, তার বীজতলা থেকে চারাগাছ তুলে রুয়ে দেওয়া, তাদের জমিতে লেগে যাওয়া, বড় হওয়া, কি এক বড় প্রতীক্ষা যেন। এই প্রতীক্ষার মতো অমূল্য হচ্ছে মানুষের আর কি থাকতে পারে চন্দ্রনাথ বুঝতে পারেন না। এর মতো প্রবল আকর্ষণ মানুষের আর কি থাকতে পারে। অতীশ এসব উপেক্ষা করে চলে গেল। আজ বোমা দাঙ দিদিভাইও চলে যাবে। তাই কদিন থেকেই চন্দ্রনাথের বাড়িতে বড় চান ধরেছে। সকলের অজ্ঞাতে দিশেহারার মতো নিজের আবাসে ঘোরাঘুরি শুরু করেছেন।

কিছু কাক তখন কা-কা করে উঠল। তিনি দাঁড়িয়ে কাকের শব্দ শুনলেন। কাকেরা নানাভাবে ডাকে। এদের ডাকে শুভ অশুভ ধরা যায়। এদের ডাকে কখনও প্রবল দীর্ঘশ্বাস থাকে। বড়ই আর্ত সে ডাক। গেরস্থের তাতে অমঙ্গল বাড়ে। কাকের ডাকে মানুষ টের পায় আর শুয়ে থাকার সময় নেই।

তিনি তার আগেই উঠে পড়েছেন। কিছু ঘাস মাড়িয়ে তিনি খালি পায়ে এখন হেঁটে যাবেন। শিশির ভেজা ঘাসে হেঁটে বেড়ালে আয়ু বাড়ে তাঁর এমন একটা বিশ্বাস আছে। রোগভোগ কম হয়। ধানের আলে তিনি নেমে গেলেন। গাছের গোড়ায় পরিমিত জল আছে। কিছু আগাছা জন্মাচ্ছে। এগুলি সাফ করা দরকার। যত গাছ বাড়ে যত কালো হয়ে ওঠে ধানগাছের গুচ্ছ তত তিনি ছেলেমানুষের মতো পুলক বোধ করেন। মনে হয় ঈশ্বরের মতো নিজেও সৃষ্টি করে যাচ্ছেন একটা নতুন পৃথিবী। এই পৃথিবীর বাসিন্দা রামি তামি গোলা পায়রার দল, ছোটো কুকুর, একপাল হাঁস, তিনটে গাভী এবং ধনবোঁ সন্তান-সন্ততি আর নিরিবিলা নানাবিধ কলের গাছ। দূর থেকে নিজের আবাসের প্রতি তখন তাঁর তারি মমতা বাড়ে। লোকজনে ভরে আছে—সেই বাড়িটা আজ অনেকাংশে খালি হয়ে যাবে। এই দুঃখে তিনি তারি পীড়িত হচ্ছিলেন।

পূব আকাশ ফর্সা হয়ে উঠছে। আকাশের নিচের গাছপালা এবং পাখিদের এবার স্পষ্ট চেনা যাচ্ছে। কেমন যেন গভীর স্বপ্ন থেকে এটা তাঁর ধীরে ধীরে জেগে ওঠা। একটায় ট্রেন। গ্রহলাদ সঙ্গে যাবে। লটবহর কাল রাতেই বাঁধাছাঁদা হয়ে গেছে। কালই বোঁমানদের যাত্রা করিয়ে রেখেছেন। অলকার সঙ্গে উত্তরের ঘরে আজ বোঁমা গুয়েছে। বড় ঘরে আজ আর তারা আসতে পারবে না! মিষ্টু অতসব বোঁকে না। বড়ই অবুঝ। তার প্রতি সতর্ক দৃষ্টি রাখতে হবে। কারণ চন্দ্রনাথের বিশ্বাস, বড় ঘরে এলে যাত্রার বিঘ্ন ঘটবে।

একবার ভেবেছিলেন, নিজেই সঙ্গে যাবেন। কেমন জায়গায় অতীশ তার আবাস ঠিক করছে, নিজে দেখে এলে শান্তি পেতেন। কিন্তু সন্তোষের মাতৃ বিরোগ হওয়ায় যাওয়া হচ্ছে না। কাল ষোড়শ শ্রাদ্ধ। যজ্ঞমানের শান্তি অশান্তি বলে কথা। তিনি অশ্রু পুরোহিতের কথা বলেছিলেন, কিন্তু সন্তোষ মুখ ব্যাজার করে ফেলেছিল। আর ওর মার পূজাপার্বণে বড় খুঁত-খুঁত স্বভাব ছিল। যত দেরিই হোক, যত উপবাসে কষ্টই পাক, তিনি ফুল বেলপাতা না দিয়ে বৃদ্ধা তৃপ্তি পেত না। কিছু আহারও করত না। লাঠি ঠুকে ঠুকে সকালবেলায় চলে আসত ওর মা। ঠাকুর প্রণাম, চন্দ্রনাথের পায়ের ধুলো নিয়ে ঠুকঠুক করে আবার চলে যেত। গাছের যা কিছু কর্তাকে না দিয়ে নিজে খেয়ে তৃপ্তি পেত না। এ একটা ঠেক রয়েছে গেছে বলেই চন্দ্রনাথ নিজে যেতে পারছেন না। মনে মনে অস্বস্তি বোধ করছেন।

আর সকাল থেকেই চন্দ্রনাথের হাঁক-ডাক, ও বোঁমা ওঠো। প্রণাম সেরে

ফুল বেলপাতা তুলে দাও। পূজার ঘরে একটু সকাল সকাল ঢুকতে হবে বোমা। কি রে হান্স ওঠ। রাধানাথকে বলবি যেন তিনটে রিকশ আনে। প্রহ্লাদ তুই বাবা ঘাসপাতা কেটে রেখে যা। বাড়ি থাকবি না, গরুগুলি থাকে কি। এই বলে তিনি টং থেকে কবুতরগুলো ছেড়ে দিলেন। পায়ে পায়ে সেই শ্রাবণীর কুকুর দুটো ঘুরছে। শ্রাবণীর মেলা থেকে আসার পথে কেন জানি কুকুর দুটো তাঁর পিছু নিয়েছিল। যতই তিনি দূরছার করেন, নড়ে না। হাঁটতে থাকলে, কুকুর দুটো পেছনে হেঁটে আসে। বাড়িতে কিরে দেখেন, ওরা তেমনি আসছে। সেই থেকে ওরাও এবাড়ির বাসিন্দা হয়ে গেল। আগের কুকুরটা নিরুদ্দেশ হয়ে যাবার পর যে জায়গাটা সংসারে খালি পড়েছিল, এরা আসায় তা আবার ভরভর্তি হয়ে গেছে। তিনি সেই কুকুরটাকে আর খুঁজেই পেলেন না। প্রথম মনে হয়েছিল বেইমান, পরে মনে হয়েছে, দূরের রাস্তায় গাড়ি চাপা পড়ে মরে থাকলে কে টের পাবে। কেউ লোভ দেখিয়ে নিয়েও যেতে পারে। বড় সাবলীল ছিল কুকুরটা। এই শ্রাবণীরা আসায় তাঁর সেই দুঃখটা এখন অনেক কমে গেছে। রামিটা দুদিনের জগু কোথায় চলে গিয়েছিল, আবার কিরে এসেছে। যে যায় সে কিরে আসে না, এই ভয়টা বড়ই তাঁর বেশি। বড় ছেলে সতীশ কী রকমের হয়ে গেল। অতীশ চলে গেল। বোমা চলে যাচ্ছে। নাড়ির টান ছিঁড়ে গেলে কে আর স্থিতির থাকতে পারে! তিনি আজ সকাল থেকে আরও বেশি চঞ্চল হয়ে উঠেছেন।

হান্সর সহজে ঘুম ভাঙে না। সে শুয়ে উঠে আসে। উঠছে না। চন্দ্রনাথ বললেন, ও ধনবো তোমার সন্তানেরা তো কেবল ঘুমাতে শিখেছে। আর কিছু শিখল না। কখন থেকে ডাকছি, কিছুতেই উঠছে না।

ধনবো অগুদিন হলে বিরূপ আচরণ করত। কিন্তু আজ তারি চুপচাপ। সংসারে ত কাজের শেষ নেই। এখন ছেলেদের নিয়ে পড়লে অশান্তি বাড়বে। টুটুল ঘুম থেকে উঠেই ঠামা ঠামা করছিল। গোটা তিনেক কথা টুটুল বলতে পারে। মা বাবা ঠামা। দাদু বলতে পারে না। এজগু ধনবো মনে মনে খুশী। দেখ সংসারে কার টান কত বেশি। শুধু ঈশ্বর ঈশ্বর করে সারাটা জীবন কাটালে। দুটো পয়সা সংরক্ষণ করলে না। ছেলের হাত তোলার ওপর বাঁচতে হবে ভেবেই স্বাবড়ে গেছে। বুঝি না কিছু মনে কর। বড়টা তো কবেই সম্পর্ক ছিঁড়েছে। শুধু চিঠিপত্র আর অস্থখ-বিস্থখের খবর দেয়। অভাবের খবর দেয়। এখন দেখ এরা গিয়ে কি করে। সকালবেলায় ধনবো বিরূপ হয়ে উঠলে এসবই

বলতেন। কিন্তু আজ এরা চলে যাবে। সকালবেলায় বগড়া করতে মনটা সাম্ন দিচ্ছিল না।—বাসি কাপড় ছেড়ে ঠাকুরঘরে ঢুকে গেল। ঠাকুরের বাসনপত্র, তামার টাটি কোষাকুশি সব বের করে সোজা ঘাটে। অলকাকে ডেকে তুলে দিয়ে গেল। বলল, টুটুলকে নিয়ে একটু গাছতলায় বেড়া। আমার কাছে এখন আর আনিস না।

চন্দ্রনাথ আজ নিজেই গুণে গুণে একশ একটা তুলসী পাতা তুললেন। পাতা-গুলিতে আবার কোন খুঁত না থাকে। তুলসীপাতা কলাপাতায় ভাঁজ করে ঠাকুর-ঘরে রেখে এলেন। শালগ্রামের মাথায় এই একশ একটা তুলসীপাতা তিনি উৎসর্গ করবেন। রাস্তাঘাটে কত রকমের চোর-জোক্তোর অগ্নিকাণ্ড, দুর্ঘটনা ঘটতে পারে। কলকাতায় পৌঁছাতে যাতে কোন অসুবিধা না হয়, এজন্য তিনি তার হাতের পাঁচ কাছে রেখে দিচ্ছেন। তা না হলে নিশ্চিন্তে রাতে ঘুমতে পারবেন না। আত্মীয় অনাত্মীয় প্রতিবেশীর বেলায় যেমন তিনি ঠাকুরের সামনে-বসে খুব নিমগ্ন হলে চোখের ওপর ছবি ভেসে উঠতে দেখেন—নিজের সম্ভান-সম্ভতির বেলায় সেটা সহজে দেখতে পান না। ফলে বয়স যত বাড়ছে তত আরও বেশি ধর্মভীরু, তত উচাটন, তত যেন কঠিন হয়ে পড়ছে ঘরবাড়ি ঠিক ঠিক রেখে যাওয়া। শক্রপক্ষ চারিদিকে। কে কখন কি তুলে নেবে—ঈশ্বর নিজেও কম যায় না। তার কোপকেই সব চেয়ে বেশি ভয়। ফলে সকালবেলায় তিনি ঠেঙিয়ে গেছেন বুড়ি-বিবির হাতায়। হাতার দীঘি থেকে দুটো পদ্ম তুলে এনেছেন, লক্ষ্মী জনার্দনের পায়ে দেবেন বলে। গাছ থেকে নিজেই আজ গোটা গোটা সব পদ্ম তুলে আর কি করণীয় কাজ বাইরের পড়ে থাকল—ফুল বোমাই তুলবে—বাড়তি আর কি কাজ আছে, বিগ্রহ আর কি পেলো আরও বেশি খুশি—এইসব চিন্তার জটিল গ্রন্থিগুলো থেকে মুক্তি পেলে মনে হল সামান্য তামাক সেবনও চায় ঠাকুর। প্রহ্লাদকে তামাক সাজতে বলে নিজে একটু কুশাসনে পদ্মাসন করে বসলেন। সকালবেলায় বিগ্রহের পূজা না হওয়া পর্যন্ত জল গ্রহণ করেন না। মাঝে মাঝে তামাক সেবন। তিনি চোখ বুজে তামাক খাচ্ছিলেন—তখনই মনে হল টিকিটা ধরে কে টানছে! চোখ মেলে দেখলেন টুটুল। হামাগুড়ি দিয়ে উঠে এসেছে। পিঠে ভর দিয়ে উঠে এসেছে। পিঠে ভর দিয়ে দাঁড়িয়ে টিকি টানছে।

—ও বোমা দেখ, আবার আমার টিকি টানছে। আমি কিন্তু চিমটি কাটব। আ আমার লাগছে!

টুটুল অ আ তু তু করছে। বিচিত্র রহস্য টের পায় বুঝি টুটুল এর মাঝে। চন্দ্রনাথ ভারি আরাম বোধ করছিলেন। গায়ে গা লেপ্টে আছে। টুটুলের শরীরে আশ্চর্য উত্তমতা আছে। চন্দ্রনাথ চোখ বুজে টের পাচ্ছিলেন—বাংশের পিণ্ডদানের প্রথম অধিকারী এখন তার গায়ে গা লাগিয়ে দাঁড়িয়ে আছে। এতে তিনি কেমন এক পরম নির্ভর পান। মাঝষের আর কি লাগে। বড়টার কেবল মেয়েই হচ্ছিল। তিনি মেয়েদের ব্যাপারটাকে কিছুটা অচুতের মতো মনে করেন। এদের পিণ্ডদানে আত্ম পরিতৃপ্ত হয় না। যেন কোন দূর গ্রহলোকে বসে আছেন চন্দ্রনাথ। তাঁর এত কষ্টের ঘরবাড়ি দেখতে পাচ্ছেন। পূর্ব পুরুষদের জল দেবার অধিকারী এই শিশু। এবং মনে হয় দূরের গ্রহলোক থেকে তার পিতামহ প্রপিতামহ সবাই দেখছে, চন্দ্রনাথের পাশে তার নাতি অভীক দীপঙ্কর ওরফে টুটুল বসে বসে তার টিকি টানছে।

চন্দ্রনাথ বললেন, দাও পারবি ত ঘাড় দিতে।

টুটুল আরো সজোরে টিকি ধরে টান দিল। খুব বড় নয়, লম্বা নয় বেঁটে-খাটো টিকি। টুটুল ওটাকে কজা করতে পারছে না। ব্রহ্মতালু থেকে টুটুল বোধহয় চায় ওটা তুলে নিতে। বার বার চেষ্টার পরও যখন পারল না, তখনই টুটুল ভ্যাক করে কেঁদে দিল।

চন্দ্রনাথ নাটিকে কি আর করেন। কাঁধে তুলে নিয়ে বের হয়ে গেলেন। কোথাও যাবেন মনে হয়। আসলে তিনি এই বাড়ি-ঘরের জন্য যে মায়া বোধ করেন এই উত্তরাধিকার তেমনি মায়া বোধ করুক মনে মনে বোধ হয় এমন চাইছিলেন। গাছপালায় ভর্তি বাড়ি-ঘর। পাখ-পাখালি কত—প্রজাপতি ফড়িং কীটপতঙ্গ সব মিলে এক প্রবহমান জীবনধারা। এই জীবনধারায় তার এক বছরের নাতি অভীক দীপঙ্করকে নিয়ে পরিভ্রমণে বৃত্ত হলেন। তিনি হেঁটে যাচ্ছেন, পায়ে পায়ে শ্রাবণীরা আসছে। আকাশ মেঘাচ্ছন্ন। চারপাশের মাঠ গাছপালার ভিতর দিয়ে তিনি যাচ্ছিলেন, আর অজস্র কথা বলছিলেন। কথাগুলো বড়ই অকিঞ্চিৎকর। তবু কেমন গভীর এবং তীক্ষ্ণ।

চন্দ্রনাথ বললেন, কত বড় আকাশ দেখ।

আবার বললেন, সামনে কি বিস্তৃত মাঠ।

বললেন, এখানেই আমরা ঘোরাঘুরি করব। কেউ বেশি দূর যাব না। বেশি দূর যেতে পারি না। পরমাষু শেষ হলে আমি তোমাদের সবাইকে দেখতে পাব। স্থখে থাকলে আত্মা শান্তি পাবে।

ধীরেধীরে মা সামনে পড়ে গেছে।—ওমা কর্তার ঘাড়ে এ কে গ। কি কষ্ট। বলছেন গ ঠাকুর।

চন্দ্রনাথ বড়ই লজ্জায় পড়ে গেলেন।—আর বলিস না। ঘাড়ে চড়ে ঘুরবে বলছে। খুব কান্নাকাটি করছিল।

—বৌমাঝা নাকি চলে যাবে আজ।

—হ্যাঁ।

—এই ত সংসার গ কর্তাঠাকুর। কে কোনদিকে যায় ঠিক থাকে না। মরণ আপনার। জ্বলায় জ্বলবেন।

অলকা তখন মিল্টুকে ধাওয়াচ্ছিল। দুধ মুড়ি কলা। মিল্টু খাচ্ছে আর বলছে: আমরা বাবার কাছে আজ চলে যাব না মা?

নির্মলার সামান্য গোছগাছ বাকি। সেটা সকাল সকাল সেরে নিচ্ছিল। আজ আড়াই মাস মানুষটা নেই। এদিকে একবার আসেওনি। কত সহজে ভুলে থাকতে পারে। অভিমান, বড় অভিমান, কেন যে ভিতরে এই চাপা অভিমান—কোন প্রকাশ নেই। কাছে গেলেও প্রকাশ করতে পারবে না। এত দিন থাকি কি করে! তুমিই বা থাক কি করে! এবং অভ্যন্তরে কেমন রোমাঞ্চ। মানুষটাকে কত দীর্ঘকাল যেন না দেশে আছে! দু আড়াই মাস সময়টা এত দীর্ঘ হয় এই প্রথম সেটা টের পেল নির্মালা। আর কি যে হয়, যেন সময় শেষই হচ্ছে না। তারপর যাত্রা, রিকশা, ট্রেন উন্মুখ আকাজক্ষা—এই নিয়ে সে কতকাল যেন প্রতীক্ষায় বসে থাকবে। মনের মধ্যে এক অব্যক্ত স্থখাহুত্ব যা পরম এবং চরম, কদিন থেকে লাফিয়ে লাফিয়ে বেড়াচ্ছে। যেন স্টেশনে নামলে নির্মালা চোখ তুলে মানুষটার দিকে তাকাতেই পারবে না। সে কত দীর্ঘ চিঠি দিয়েছে। চিঠিতে মাঝে মাঝে সে নির্লজ্জ বেহায়ার মতো তার রাতে ঘুম হয় না জানিয়েছে। আর কতইচ্ছের কথা ছিল—ভাবতেই কেমন লজ্জা বোধে নির্মালা পীড়িত হতে থাকল। চিঠিতে অত উতলা না হলেই যেন তার ভাল ছিল। চার বছরে তাকে মানুষটা যা না চিনেছে, এই আড়াই মাসে চিঠির মারফতে তাকে যেন আরও বেশি চিনে ফেলেছে। এবং সেখানে কিছুটা এমন ইচ্ছের প্রকাশ ছিল, যা ভাবলে চোখে-মুখে রক্তচাপ বেড়ে যায়। ফলে নির্মালা সকাল থেকেই একটু বেশি চুপচাপ আজ। কারণ তার মনে হয়, এই পরিবার থেকে ছিন্ন হবার সময় তাকে কিছুটা দুঃখী দেখানো দরকার।

চন্দ্রনাথ আজ সকাল সকাল হাতার পুকুর থেকে স্নান সেরে এলেন। স্নান

সারতে সারতে তিনি নিত্যকালী স্তোত্র, সূর্য কবচ গায়ত্রী কবচ পাঠ করেন, আজও সেই মন্ত্রোচ্চারণ—কেমন গম্ভীর নিনাদের মতো শোনায়। বাড়ির মানুষজন প্রাণিকুল সহ এই গাছপালা মাঠ, প্রতিবেশীজনের মঙ্গলার্থে তার বিশ্বাস এই মন্ত্র পাঠ, মানুষের অকাল মৃত্যু অপমৃত্যু বিনাশ করে। জনপদ শস্তাহানি থেকে বেঁচে যায়। দুর্ভিক্ষ মহামারী দেখা দেয় না। নিরন্তর বিশ্বাসের মধ্যেই তার এই মন্ত্রোচ্চারণ। ধরণীর শান্তি বজায় রাখার এটি তাঁর কাছে অমোঘ আয়ুধ। আজ আরও বেশি এ বিষয়ে তিনি কেমন সচেতন হয়ে পড়েছেন। কারো সঙ্গে তিনি এখন একটা কথাও বলছেন না। পূজা শেষ না হওয়া পর্যন্ত ঠাকুরঘরে এক সমাহিত মানুষের মতো বসে থাকবেন। ঠাকুরঘরে ঢোকায় সময় নির্মালা গুনতে পেল বাবা বলে চলেছেন—ব্রহ্মোবাচ—গায়ত্রী কবচং বক্ষ্যে ধর্মকামার্থ সিদ্ধিধ্বং। তারপর তিনি দরজা ভেজিয়ে দিলেন। নির্মালা আগেই স্থান সেয়ে নিয়েছে। আজ তাকে অশ্রুদিনের চেয়েও পবিত্র দেখাচ্ছিল। কপালে গোল লাল বড় সিঁড়রের টিপ, সূর্যাস্তের মত সিঁড়িতে লাল আভা। লাল পেড়ে শাড়ি পরনে, ভেজা চুল সারা পিঠে ছড়ানো। সে আগেই ফুল ফল নৈবদ্য সব সাজিয়ে রেখে এসেছে। যেখানে যা দরকার দুধা আতপচাল, হরীতকী তিল তুলসী সব। পঞ্চ দেবতার উপচার সহ ঠাকুরের আলাদা আলাদা নৈবদ্য। এছাড়া সন্তানের শুভ কামনার তিনি স্থির করেছিলেন, সামান্য ভোগ দেওয়া হবে লক্ষ্মীজনার্দনকে। ফলে আরও সকালে মা স্থান সেয়ে ভোগের রান্না সেয়ে কেলেছে। এবং এগারটা না বাজতেই চন্দ্রনাথ পূজা-আচারি কাজ সেয়ে ঘণ্টা কাঁসি বাজালেন। শঙ্খে হুঁ দিলেন। এই সব তার করার অর্থ, যত দূর এই শব্দ তরঙ্গ যাবে, তত দূর মানুষজনের কোন আপদ-বিপদ থাকবে না। ধর্মবিশ্বাসী মানুষটা এতক্ষণেই যেন কিছুটা বিচলিত ভাব কাটিয়ে উঠেছেন। হাসিমুখে পূজার ঘর থেকে বের হয়েই ডাকলেন, টুটুল কৈ রে।

টুটুলকে ভাছ কোলে নিয়ে ঘুরছিল, সে দাড়ুর ডাকে ঠিক সাজা পায়। সে বুঝতে পারে, দাছ তাকে কিছু এগুন খেতে দেবে। ভাছুর কোল থেকে জোরজোর করে নেমে হেঁটে যাবার চেষ্টা করলে, চন্দ্রনাথ এসে ধরে ফেললেন—এখনও খুব ভাল হাঁটতে পারে না। কিছুটা গিয়েই পড়ে যায়। কিন্তু শিশুও ঈশ্বরের মহিমা বুঝি টের পায়। ঠিক হাত তুলে বলছে, আমা আমা। অর্থাৎ প্রসাদ দাও। আমি ধাব। মিষ্ট কোথায় খেলছিল, সেও দৌড়ে গেছে। দৌড়ে এসেছে প্রতিবেশীদের বালক বালিকারা। তারা হাত পেতে দাঁড়িয়ে আছে। সবার হাতে হাতে চন্দ্রনাথ

ঈশ্বরের মহিমা বিতরণ করতে লাগলেন। বললেন, তোরাই আমার ঈশ্বর। চাল কলা নারকেল এবং সামান্য পায়ের সবাইকে বিলিয়ে দিয়ে বললেন, ওদের খেতে দিয়ে দাও ধনবোঁ। প্রহ্লাদ কোথায় রে? খেয়ে নে। সময় হয়ে গেছে।

হা হু ভা হু আজ বাড়ি থেকে নড়েনি। সারাটা সকাল ভাইপো ভাইবিকে নিয়ে পড়েছিল। অলকা একবার চিংকার করে বলেছে, মা এখন আর কার তুমি নাক টানবে। ধনবোঁ রান্নাঘরে—কোন সাড়া দেয়নি। অলকা আবার বলেছে, মা তোমার নাতির বোঁচা নাক তুলতে পারলে না? এ সংসারে সবাই নাক দীর্ঘ। টুটুল মায়ের গড়ন পেয়েছে। নির্গলার নাক কিছুটা চাপা। ধনবোঁর কাজই ছিল মনের আগে টুটুলের সারা শরীর ভাল করে তেল মাশিশ করে রোদে কেলে রাখা। দু আঙুলে তেল নিয়ে নাকটাকে টেনে তোলা। নিত্য কাজের মধ্যে এই বড় কাজটা আজ থেকে আর করতে পারবে না। বোঁচা নাক নিয়েই টুটুলটা আজ চলে যাবে। এজন্ম ধনবোঁ বড়ই কাতর হয়ে পড়েছে। চোখে তার জল এসে গেছিল।

দেশ ভাগের পর সংসারটা অগাধ জলে পড়ে গেছিল। কিনা দিন গেছে। কত জায়গা ঘুরে শেষ পর্যন্ত এই আবাস, বাড়ি ঘর। স্থখে দুঃখে সব সন্তান-সন্ততি নিয়ে এই বাড়িটা যখন ভালগালা মেলে দিচ্ছিল, তখনই সতীশ লিখল, মেসের খাওয়া সহ হচ্ছে না। সে বাসা করেছে। মানুষটা চিঠি পেয়ে গুম হয়ে বসেছিল। তারপর সব খালি করে ওরা চলে গেল। অতীশ নেই। সবে এদেশে আসার বছর তিন পরেই উদাও। তারপর খোঁজ নেই। তখন মানুষটা একদণ্ড স্থির থাকতে পারত না। কখনও ইন্টিশনে কখনও পোড়ো বাড়িতে কখনও রাস্তায় ফেলে তাদের কোথায় না কোথায় চলে গেছে মানুষটা। তারপর ফিরে এসেছে আবার! মাথায় বড় গুঁটলি। তারপর এই বাড়িঘর—সেও কত অনটনের মধ্যে। যখন হুথের মুখ দেখার কথা তখন আবার অগ্ন রকম এক কষ্ট। মানুষের কপালেই বৃষ্টি এমন থাকে। মুখ গুঁজে ধনবোঁ রান্নাঘরে কাজ সারতে সারতে এমনই ভেবে যাচ্ছিল—আর মাঝে মাঝে কেন যে চোখ জলে ভার হয়ে আসছে।

যেন সেই মা মা ডাকটা ধনবোঁ এখনও শুনতে পায়। গভীর রাতে দরজায় দাঁড়িয়ে কেউ ডাকছে, মা মা আমি। আমি ফিরে এসেছি। বাঁশের মচান থেকে ধড়কড় করে জেগে উঠেছিল ধনবোঁ। পাশের মানুষটাকে ঠেলে তুলে বলেছিল, হাগ অতীশ ডাকছে। শুনতে পাচ্ছ। চন্দ্রনাথ এটা আগেও দেখেছে, ধনবোঁ হঠাৎ হঠাৎ রাতে জেগে উঠে বলত, ঐ শোন, অতীশ ডাকছে না! কাজেই

মানুষটার বিশ্বাসই হয়নি। মনের ভুল। সেদিন মানুষটা বলেছিল, ঘুমোও। মন হাক্কা কর। ঈশ্বরকে ডাক। তিনিই তোমার সন্তান আবার ফিরিয়ে দেবেন। কিন্তু সেদিন ধনবোঁ কোন কথাই শোনেনি। নেমে দরজা খুলে দাঁড়াতেই—
 বান্দার অন্ধকারে ছায়ামূর্তি—দেখেই বুক জড়িয়ে ধরেছিল। —ওগো আমি ভুল বলিনি? এস না।

চন্দ্রনাথ, অন্ধকারে ধনবোঁ কি সব হাদিজাবি প্রলাপ বকছে ভেবে নিজের জ্ঞাত পায়ে নিচে নেমে গেলেন। দেখলেন অন্ধকারে কেউ ধনবোর পায়ে পড়ে আছে। ক্ষমাপ্রার্থীর মতো। চন্দ্রনাথ বলেছিল, কে?

—অতীশ। তোমার বিশ্বাস হচ্ছে না। অলকা ওঠ। আলোটা জ্বাল। আলো জ্বাললে চন্দ্রনাথ পুত্রের লম্বা চওড়া সাহেব-স্ববো চেহারা দেখে বিশ্বাস করতে পারেননি, এ তার অতীশ। কৈশোরে হারিয়ে যাওয়া এ তার মেজ পুত্র। যেন যোঁবনে সেই বড়দা এসে হাজির হয়েছেন আবার। বড়দা পাগল হবার আগে কলকাতা থেকে ফিরলে এমনই একটা মানুষের চেহারা পেয়েছিল। পরে সবই ভেঙে বলেছিল মানুষটা। ধনবোঁ বলেছিল, ঠিক বলছ। বড় ভাস্করঠাকুর যোঁবনে এমন দেখতে ছিলেন।

—ঠিক এই রকম। এই রকম উঁচু লম্বা মানুষ। এমনই বড় বড় চোখ। ভারি সুন্দর পোশাক ছিল গায়ে।

অতীশকে নিয়ে সেই থেকে কেমন একটা আশঙ্কা ধনবোর মনে। কারণে অকারণে অতীশের মুখের দিকে তাকিয়ে দেখত—যদি সেই সব চিহ্ন অবিকল কখনও ধরা পড়ে যায়। এই ভয়ে সে বেশিক্ষণ অতীশের মুখের দিকে তাকিয়ে থাকতেও পারত না। বুকটা কখনও হিম হয়ে আসত। পরিবারে কে কখন যেন বলে গেছে বংশে বড় অভিশাপ। কেউ না কেউ পাগল হয়ে যাবেই। যদি বংশদোষে অতীশ পাগল হয়ে যায়—স্বপুরুষ—ভারি স্বপুরুষ হয়ে গেছে অতীশ। তিন বছরে শরীরে ভারি পরিবর্তন এসে গেছে। ঠিক সেই পাগল মানুষটার মতো আচ্ছন্ন থাকতে ভালবাসে। বড় গভীর চোখ। গভীরে কোথাও কিছু বুঝি বাজে। সেটা কি কখনও ধরতে পারিনি। চূপচাপ শান্ত নিরীহ—আবার পড়াশোনা, কাজ এবং সংসারে লেপ্টে থেকেও যেন সে ভারি আলাদা মানুষ। অতীশকে ধনবোঁ কিছুতেই বুঝতে পারত না। আবার জাহাজে যেতে চেয়েছিল, বাপের ইচ্ছে নয় পরিবারের কারো ইচ্ছে নয়, ধনবোঁ না পেরে কান্নাকাটি জুড়ে দিয়েছিল—তারপরই অতীশ অবাধ্য হতে বুঝি সাহস পায়নি। এখানেই থেকে

গেল। গাছপালার মতো শেকড় গভিয়ে দিল। সে ঘরবাড়ি ছেড়ে কখনও খুব বেশিদূর হেঁটে যেত না। কেমন আচ্ছন্ন থাকার স্বভাব। কিন্তু কেন সে এত আচ্ছন্ন থাকে চূপচাপ থাকে, বড় বিষাদ চোখে মুখে—তার কারণ ধনবোঁ এতদিনেও টের পায়নি! মাঝে মাঝে অগ্নমনস্ক থাকলে বলেছেন, তুই এত কি ভাবিস?

অতীশ বলেছে, কৈ কিছুই না।

—তুই আমার পেটে হয়েছিস না আমি তোমার পেটে হয়েছি। আমি বুঝি না!

অতীশ তখন হেসে 'ওঠার চেষ্টা করত। মার ভয় দূর করার জন্ত বলত লীলাময় বলেছে, ওর জামাইবাবুকে বলে কোন স্থলে ঢুকিয়ে দেবে।

—হ্যাঁ বাবা, এখানেই দেখ কিছু একটা হয় কিনা। তুই ছিলি না—তোমার বাবা কেমন জলে পড়ে গেছিল। কাছে থাক, থাই না থাই শান্তি।

তারপর ধনবোঁর মনে হয়েছিল বিয়ে থা দিলে হয়ত চোখ মুখের আচ্ছন্ন ভাবটা কেটে যাবে। আর গাছের নিচে চূপচাপ বসে থেকে বিকেলটা কাটিয়ে দেবে না। কিংবা একা একা হেঁটে বেড়াবে না কোথাও। নির্মলা আসার পরও সেই ভাবটা গেল না। মিন্টু হবার পর ভেবেছিল ঠিক হয়ে যাবে। মিন্টু টুটুল হবার পর ধনবোঁ লক্ষ্য করেছে অতীশ কিছুটা স্থস্থির বোধ করছে। এভাবে যদি সেরে যায়। ইদানীং মনে হয়েছে ধনবোঁর সেরে গেছে। কিন্তু নির্মলা সেদিন চূপি চূপি বলতেই বুকটা আবার কেঁপে গেছে। নির্মলা বলেছে আমি বলেছি বলবেন না। ও বলতে পারছে। কিন্তু বড় ভয় হয়?

—কি ভয়!

—ও রাতে মাঝে মাঝে ঘরে ধূপকাঠি জালিয়ে বসে থাকে।

—ধূপকাঠি জালিয়ে বসে থাকে!

—হ্যাঁ, মা।

—তুমি কিছু বল না?

—কি বলব! এমন চোখ-মুখ, বলতে আমার সাহস হয় না।

ধনবোঁ চন্দ্রনাথকে ডেকে বলেছিল, শুনছ।

চন্দ্রনাথ হাতে দা নিয়ে এসে দাঁড়িয়েছিল। হাতে পায়ে ঘাস পাতা লেগে আছে। ধনবোঁ চাল বাছছিল, সেসব ফেলে রেখে ফিসফিস গলায় বলেছিল, বোঁমা কি বলছে!

—কি বলছে।

—অতীশ মাঝরাতে ঘরে ধূপকাটি জ্বালিয়ে বসে থাকে।

নির্মলা বলেছিল, চোখে মুখে একটা আতঙ্ক। ভয় পেলে, ঘাবড়ে গেলে যেমনটা হয়।

—কবে থেকে হয়েছে?

—স্কুলের ঝামেলার পর থেকেই।

চন্দ্রনাথ দাঁটা পাশে রেখে বারান্দায় বসে পড়েছিলেন—কিছুক্ষণ মাথাটা নিচু করে দূর অতীতে কোন পাপ কাজ করেছিলেন কিনা যেন স্মরণ করার চেষ্টা। না। তেমন কোন কাজ তিনি করেন নি। তাঁর পুত্র পাগল হয়ে যাবে তিনি ভাবতে পারেন না। শুধু বললেন, কিছু বল না। আমি দেখছি। তার পর একদিন খেতে বসে এটা-ওটা নিয়ে কথা হবার সময় চন্দ্রনাথ প্রশ্ন করেছিলেন, তুমি কি ভয় পাও?

—ভয় পাব কেন?

—দেখ অতীশ জীবনে নানাভাবে গোলযোগ দেখা দেয়। তুমি বাঁচবে, অথচ কোন গোলযোগ পোহাবে না সে হয় না। তোমার ভীতির কোন কারণ আমি বুঝতে পারছি না।

অতীশ বুঝতে পেরেছিল, নির্মলা ভয় পেয়ে সব বলে দিয়েছে। সে বলল, মাঝে মাঝে নাকে কিসের দুর্গন্ধ লেগে থাকে। ঘুম ভেঙে যায়। আর ঘুম আসে না। তখন ধূপকাটি জ্বালাই। স্বস্তি বোধ করি।

—দুর্গন্ধটা কিসের?

অতীশ চুপ করে থাকল।

—দুর্গন্ধটা কিসের বলবে ত!

—মানুষের। অতীশ কেমন মরিয়া হয়ে যেন না বলে প্যুরল না।

—আমার গায়ে কি সেটা পাও? তোমার মার! বোঁমার! পুত্রকন্ডার!

অতীশ ভাত নাড়ছিল। খাচ্ছিল না। বড় কঠিন প্রশ্ন ভুলেছেন বাবা। সে কি জবাব দেবে বুঝতে পারছিল না।

চন্দ্রনাথ কিছুটা দৃঢ়তার সঙ্গে বললেন, জবাব দাও। কথা বলছ না কেন? পাপ কাজ করলে মানুষের শরীরে দুর্গন্ধ থাকে। সবাই টের পায় না। কেউ কেউ টের পায়। তবে আমার বিশ্বাস মানুষের একটা পাপ কাজের দুর্গন্ধ দশটা ভাল কাজে মুছে যায়।

অতীশ ক্রমেই গম্ভীর হয়ে যাচ্ছিল।

চন্দ্রনাথ ফের বললেন, বুঝলে পৃথিবীতে যখন এসেই গেছ, তখন প্রশান্ত চিত্তে সব ভাল মন্দ মেনে নাও। এতে কষ্ট কম পাবে।

অতীশের মনে হয়েছিল, যেন সেই আলিঃিগিনস তাকে পৃথিবী সম্পর্কে সুপরামর্শ দিয়ে যাচ্ছেন। সে খেতে খেতেই বুড়োর সেই মস্তোচ্চারণের মতো কথাগুলি ছবছ মনে করতে পারছিল—ছোটবাবু মনে রাখবে গুডম্যান ইট টু লিভ, ব্যাডম্যান লিভস টু ইট। সে বলল, গন্ধটা সব সময় পাই না। এখানে এসে ভালই ছিলাম। কিন্তু কটুবাবুদের মিথ্যে অভিযোগের পর থেকেই এক রাতে ঘুম ভেঙে গেল বাবা। ওরা মিথ্যে করে আমার নামে ডি পি আইয়ের কাছে অভিযোগ করেছে। যাতে কাজ ছেড়ে দি সে-জন্ত। মান্নুষের নীচতা আমাকে বড় কষ্ট দেয়।

—তারপরই বুঝি গন্ধটা পাচ্ছ।

—তাই।

—মনে কর না, তারা তোমার কিছু অনিষ্ট করতে পারে না। তিনি যদি অনিষ্ট না করেন তাদের কি ক্ষমতা অনিষ্ট করার। মনে কর না এটাও তোমার জীবনের পক্ষে তাঁর কোন শুভ ইচ্ছার প্রকাশ।

অতীশ হেসে দিয়েছিল। কারণ এছাড়া তার যেন অন্য কোন উপায় ছিল না। সে বলেছিল, আপনার একটা আশ্রয় আছে। আমার তাও নেই।

চন্দ্রনাথ জানেন শৈশব থেকেই তার এই পুত্রটি ঈশ্বরের প্রতি বিরাগ। পরিবারের আর দশজনের মতো তার ধর্মবোধ গড়ে ওঠেনি। আচার বিচার নিয়ে মাঝে মাঝে পিতাপুত্র কথা কাটাকাটি হয়েছে, ঈশ্বর আছেন, এও তার পুত্র বিশ্বাস করতে কষ্ট পায়। মৃত্যুর পর সব শেষ সে এমন ভেবে থাকে। আত্মা এবং পরলোক সম্পর্কেও তারি অবিশ্বাস। তিনি কিছু বইয়ের উল্লেখ করে বলেছিলেন, এসব পড় জানতে পারবে।

অতীশ ভিতর থেকে ভীষণ বেয়াদব হয়ে উঠেছিল। বলেছিল, মৃত্যুর পর কি আছে কেউ জানে না বাবা। যদি কেউ কিছু বলে থাকে, মিছে কথা বলেছে। আমার বোধ-বুদ্ধিতে তোমাদের ঈশ্বরকে ধরতে পারি না।

—এখন পারবে না। আর একটু বয়েস হোক সবই পারবে। তারপরই চন্দ্রনাথ কিছুটা বিচলিত বোধ করেছিলেন। যদি সেটা না হয় অতীশের, তবে মান্নুষের দুর্গন্ধ তাঁর নাকে লেগেই থাকবে। এবং এই দুর্গন্ধটাই তাকে শেষ পর্যন্ত পাগল করে দিতে পারে। তিনি বললেন, তোমার জন্য তিনি না থাকুন, তোমার

সন্তান-সন্ততির জন্য অন্ততঃ তিনি থাকুন। চন্দ্রনাথ কিছুটা বিরক্ত হয়েই যেন পুত্রকে এমন কথা বলতে বাধ্য হয়েছিলেন।

অতীশ শুধু বলেছিল, আমারও ভরসা এরা যদি বেঁচে থাকে ভাল হয়, সজ্জন হয়, তবে তা আপনার পুণ্যফলেই হবে।

চন্দ্রনাথ আবার অনেক হৃদর থেকে কথা বলছিলেন যেন, আমি চাই আমার পাপ-পুণ্য বলে যদি কিছু থাকে তা তোমাকে স্পর্শ করুক। ঈশ্বর তোমাকে এই দুর্গন্ধ থেকে মুক্তি দিন।

নির্মলা পাশের ঘর থেকে গুনতে গুনতে কাঠ হয়ে গেছিল। এমন ঈশ্বর-বিহীন মানুষ নিয়ে তাকে সারা জীবন ঘর করতে হবে। ভাবতে গিয়ে ভয়ে কান্না উঠে আসছিল। তবু আশা বাবা বলেছেন, তাঁর পাপপুণ্য বলে যদি কিছু থাকে তা মিস্ট্রু টুটুলকে স্পর্শ করবে। সেই আশায় আজ-বাবার সময় বাবার দেওয়া সবকিছু যত্নের সঙ্গে নিয়ে নিল। বাবার হস্তাক্ষরে লেখা কালীর স্তোত্র, গায়ত্রী-কবচ—কবচ পাঠ করতে বলেছেন, বিপদে আপদে কবচ পাঠ করলে সব আপদ কেটে যায়। আর ঠাকুরের ফুল-বেলপাতা—সেও সঙ্গে দিয়েছেন। সব শেষে তিনি যাত্রা করার আগে টুটুলকে বারান্দায় বসিয়ে তার মাথার ওপর গোটা পাটা তুলে দিয়ে বলেছেন, ঈশ্বর তোমাকে অল্পসরণ করুক। ঈশ্বর তোমার সহায় হোন।

সারি সারি তিনটে রিকশা যাচ্ছে। গাছপালার অভ্যন্তরে তিনটে রিকশা চলে যাচ্ছে। গাছের নিচে দাঁড়িয়ে আছেন চন্দ্রনাথ ধনবোঁ অলকা এবং প্রতিবেশীরা। চন্দ্রনাথ হাত তুলে দিয়েছেন। টুটুলও মায়ের মাথা ডিঙিয়ে পিতামহের প্রতি হাত তুলে দিয়েছে। নির্মলা পেছন ফিরে শুধু দেখল। যাত্রা আরম্ভ। কোথায় শেষ সে জানে না। তার চোখে জল নেমে এল।

॥ তের ॥

এই কলকাতা শহরে তখন একজন ভোজবাজিওয়াল খেলা শুরু করার পায়তাজী কষছে। ডুগডুগি বাজছিল। বাঁশের খুঁটি পোতা হয়ে গেছে। লোকজন জমছে না। সে হাঁকছিল, খেলা শুরু হ'গেল। রূপয়াকা খেলা জাদুকা খেলা। মরণ ভারের খেলা। চাকতি কা খেলা। এবং বিবি বাচ্চা লেড়কি সব হরদম সং সেজে নাচছিল। হারমনিয়ম বাজছিল।

লোকজন সব নানা ধান্দায় ছুটছে। সময় নেই। শুধু রূপায়া চাই। চাই জৌলস। মানুষেরা তবু কেউ কেউ কেন যে কৌতূহলী হয়ে যায়—স্বর্ঘ ভোবার আগে এই নিরস ইট কাঠের শহরে পরম রোমাঞ্চ বোধ করে দাঁড়িয়ে যায়। লোকটির পরনে হাফ হাতা জামা প্যান্ট, মাথায় জোকারের টুপি—পেটে চুন কালি দিয়ে মানুষের কংকাল—হারেরে হাতাতে—বড়ই মরণ আমার। বাচ্চাভি রূপায়া কা জাহ্ন ঘুচক লিয়া। এই ঘুচক লিয়া শব্দেই অতীশ থমকে দাঁড়িয়েছিল। শহরের এদিকটায়া একটা বড় খাল পাড়—ব্রীজের মুখে কেউ ঘুচক লিয়া বলছে। সে সবার মতো ভিড়ের ভেতর নিজেও উকি দিল। বছরখানেকের বাচ্চা একটা ফুলপরীর মতো সাজিয়ে ছেড়ে দিয়েছে ফুটপাথে। চোখ কালো কাপড়ে বাঁধা। একটা রূপোর টাকা লোকটা দৌড়ে দৌড়ে বসিয়ে দিচ্ছে। বাচ্চাটা হামাগুড়ি দিয়ে ছুটছে ঠিক সেদিকে।—টান বুঝেন বাবু। টেনে লিয়ে আসছে। ও বাচ্চাকা কৈ তরিকা নেহি বাবু। ষো কুচ তরিকা ই রূপিয়াকো? তারপর হাত তুলে নেচে নেচে সে বলছিল, খানদানি বলেন, আমদানি বলেন, জামদানি বলেন, সব রূপায়াকা মেহেরবান। পয়দা হোয়া ও রোজ। লোকিন রূপয়া চিন লিয়া।

অতীশ সত্যি আশ্চর্য হয়ে গেল দেখে, সেই সেদিনের পয়দা, ভাল করে হামাগুড়ি দিতে শেখেনি, কিন্তু টাকা চিনে গেছে। চোখ বাঁধা। অথচ লোকটা যেখানে যেদিকে টাকাটা রাখছিল বাচ্চাটা হামাগুড়ি দিয়ে সেদিকেই ছুটে যাচ্ছে। হামাগুড়ি দিতে দিতে টাকাটার ওপর হুমড়ি খেয়ে পড়ছে। এবং টাকাটা হাতে নিয়ে আর দিতে চাইছে না। সে খেলাটা দেখে সত্যি; তাজ্জব বনে যাচ্ছিল। তার তাড়া আছে। সে সকাল সকাল অফিস থেকে বের হয়েছিল। আরও কিছু কেনাকাটা বাকি। আজ নির্মালা আসবে। দু-তিনদিন ধরে তার কি উত্তেজনা! নির্মালা, সেই স্বন্দর দীর্ঘাঙ্গী মেয়েটি এই বড় শহরে চলে আসছে। মিন্টু টুটুল ভ্রাসছে। প্রহ্লাদ কাকা নিয়ে আসবেন। দু-তিন দিন ধরেই নির্মালার জন্ম চোখে ঘুমটুম গেছে। কাল রাতে কি যে গেছে! এত বড় একটা বাসা বাড়িতে সে একা কাটিয়েছিল। সারাটা রাত তাকে আর্চি বনি নির্মালা টুটুল মিন্টু ঘিরে রেখেছিল! সে টুটুলের কথা ভেবে কেমন ভয় পেয়ে গেছিল। কারণ সে স্পষ্ট দেখেছে, রাতের আঁধারে কেউ তার পাশ দিয়ে হেঁটে গেল। কোন ছায়ামূর্তি। সে মনের ভুল ভেবে আলো জালিয়েছিল। না কিছুই নেই। কিন্তু দরজার ওপাশে কোন মৃত হাত ঝুলে থাকলে যেমন দেখা যায় তেমন একটা হাতের ছায়া। সে চিৎকার করে উঠেছিল, কে ওখানে

দাঁড়িয়ে! হাতের ছায়াটা ঢুলছে। বড় বড় তিনটে ঘর—সামনে বিশাল বারান্দা, পাশে রান্নাঘর। প্রাসাদের পেছনের দিকে ওকে থাকতে দেওয়া হয়েছে। ঘরগুলো কত লম্বা ডাচ যেন! সে মই দিয়েও ছাদের নাগাল পাবে না। কথা বললে গম-গম করে উঠেছে। সে জোরে কথাও বলতে পারছিল না। চিংকার করতে গিয়ে বুঝতে পেরেছিল, খুবই তীক্ষ্ণ হয়ে যায়—ঘুম ভেঙে যেতে পারে সবার। সে ধীরে ধীরে আবার বললো, তুমি কে। অন্ধকার থেকে হাত বের করে ভয় দেখাচ্ছ?

তখন হাতের ছায়াটা অদৃশ্য হয়ে গেল। ওতে অতীশ আরও ভয় পেয়ে গেছিল। সারা শরীরে ঘাম। সেই প্রেতাঙ্গার কোন প্রভাব টাভাব হবে। সে সাহসী মানুষের মতো দরজাটার কাছে এগিয়ে গেল। না কিছু নেই। ছুটো টিকটিকি তাড়া খেয়ে ছুটছে। সামনের দরজা খুলে সে বারান্দায় বের হয়েছিল। কেউ যেন বারান্দা দিয়ে চলে যাচ্ছে। কোন ছায়া নেই অথচ ছায়ার মতো, জলীয় বাষ্পের মতো কোন অবয়ব। ঠিক মানুষের অবয়ব। সমুদ্রের জলোচ্ছ্বাস সে দেখেছে। প্রায় তার মতো হাওয়ায় ভেসে গেল! এবং বাইরে পাতাবাহারের গাছগুলির মধ্যে ঢুকে কেমন মিশে গেল সব কিছু। জ্যোৎস্না এবং হাওয়ায় তখন শুধু পাতাবাহারের গাছগুলো ঢুলছে। অতীশ দরজা খুলে বাইরে বের হয়ে এসেছিল। সে গাছের পাতায় হাত দিতেই আতঙ্কে হিম হয়ে গেল। পাতার গায়ে সজ্জা লেগে থাকা জলকণা। আর্চিকে সে কখনও আর এ-ভাবে প্রত্যক্ষ করেনি। আর্চি যাবার আগে আর কখনও এমন প্রত্যক্ষ প্রমাণ রেখে যায় নি। তারপরই যা হয় ভয়ে সে ধূপকাঠি জ্বালিয়ে সারারাত বসেছিল। নির্মালা টুটুল মিন্টুকে সে রক্ষা করতে পারবে কিনা জানে না। আর্চি বনিকেও এ-ভাবে তাড়া করেছে শেষ পর্যন্ত। —ঐ দেখ দেখ, জ্যোৎস্নায় কি ভেসে বেড়াচ্ছে!

সমুদ্রে দৃশ্য দেখে সে ভয়ে চোখ বন্ধ করে ফেলেছিল। বিশাল সমুদ্র—রাত্রে বড় গেছে। বড়ের সময় বোটের সামনে অয়েল ব্যাগগুলিয়ে দিয়েছিল। সারা আকাশময় জলকণা ভেসে বেড়াচ্ছে। তালগাছ প্রমাণ সব উচু চেউয়ে বোট আছাড় খেয়ে পড়ছে। অতীশ হাল ধরে বসে আছে পাথরের মতো। বনি ছইয়ের নিচে বসে অন্ধকারে চোখ বুজে। এত অন্ধকারে বোটের ওপাশটা পর্যন্ত দেখা যাচ্ছিল না। কিছু গড়িয়ে পড়েছিল। বনি লাফিয়ে বের হয়ে টর্ট জেলে পাটাতন তুলে দেখতে গেছে কি পড়ে গেল। না, কিছুই পড়েনি। সব ঠিকঠাক। আবার পাটাতনের নিচে হুড়মুড় শব্দ। অতীশ বিপদে পড়ে যাচ্ছিল।

পাটাতনের নিচে কে এত দাঁপাদাঁপি করছে। সে বলল, নিচে ঢুকে দেখ। আসলে সে হাল ছেড়ে উঠে যেতে পারছিল না। বড় বড় ঢেউ থেকে অজস্র জলকণা তার গায়ে এসে লাগছে। ঢেউয়ে বোট একটা তালপাতার ডোঙার মতো ঢুলছে। হাল বেসামাল হলেই ওরা সেই অন্তহীন গভীর সমুদ্রগর্ভে নিমজ্জিত হয়ে যাবে। অতীশ সে-জন্ত হাল ছেড়ে যেতে পারছিল না। সে বনিকে বারবার ধমকাচ্ছে। ও-কি করছ বনি। দেখ না। দেখ। নিচে দেখ।

বনি আবার পাটাতন তুলে বলেছে, না কিছু পড়ে যায়নি ছোটবাবু। জায়গারটা জায়গায় আছে।

তারপর সারারাত বড় আর এই হুড়মুড় শব্দ। বড় উঠলেই এলবা আর বোটে থাকে না। আকাশে নিরন্তর ঢেউয়ের মাথায় ডানা ঝাপটায়। কখনও নেমে আসে, কখনও উঠে যায়। এই করে সারা আকাশময় সমুদ্রময় তখন তার খেলা। না কি এলবাও টের পেয়েছে, আঁচির আক্রমণ ঘটছে বোটে। ভয়ে সেও পালিয়েছে।

সকালের দিকে বড়টা খেমে গিয়েছিল। সমুদ্রকে চেনাই যাচ্ছিল না। শান্ত বালিকার মতো সে যেন হাত পা ছড়িয়ে শুয়ে আছে। মুহূ হাওয়া, এবং পালে সামান্য হাওয়া লাগায়, বোট ওপরের দিকে উঠে যাচ্ছে। সকালে ওরা আশা করেছিল, দ্বীপটিপ পেয়ে যাবে। চারদিন হয়ে গেল অথচ কোন কিছুই চিহ্ন নেই। শুধু দিগন্তব্যাপী আকাশ আর সমুদ্র। দিগন্তব্যাপী অসীম শূন্যতা। আর ভয়ংকর কঠিন এক মৃত্যুর যেন হাতছানি। তবু বনি অতদিনের মতোই উত্থন জেলেছিল। চাপাটি করেছে। বড়ে গোটা দশেক উড্ডুক্ মাছ এসে পড়েছিল বোটে। সেই মাছভাজা আর চাপাটি। সকালে শুধু মাছ ভাজা দিয়ে ব্রেক-ফাস্ট, দুপুরে চাপাটি মাছ ভাজা। রাতে চাল ভালে খিচুড়ি মাছ ভাজা। এবং জ্যোৎস্নায় যখন নিরিবিলা, বনি অতীশকে বুক নিয়ে বলেছে—আমরা তো বাঁচব না। একদিন বা কিছু আমাদের প্রিয় খেলা আছে খেলবে নেই। এবং সেই পরম মুহূর্তে সহসা চিৎকার করে উঠেছিল বনি, ঐ দেখ। দেখ ছোটবাবু আকাশে কি ভেসে রয়েছে।

ঠিক সেই মুখ। জলীয় বাষ্পের মতো আঁচি ভেসে ভেসে চলে আসছে অথবা নেমে আসছে। কিছুটা দূরে এসেই সেটা কেমন স্থির হয়ে থাকল। নড়ল না। তারপর যেমন ছড়িয়ে ছিটিয়ে যায় তেমনি আকাশের নিচে ছড়িয়ে ছিটিয়ে যেতে থাকল। একদিকে মুণ্ডটা ভেসে গেল, একদিকে পা, হাত আঙুল সব

ছিন্ন ভিন্ন হয়ে আকাশের গায়ে পেঁজা তুলার মতো উড়ে বেড়াতে থাকল। বনি শাড়ীত্যাগি গাউন টেনে ছোট্টবাবুকে ঠেলে দিল, ছোট্টবাবু, কেন কেন তুমি ওকে খুন করতে গেল। কেন? কেন?

ছোট্টবাবু একজন নাবালকের মতো মুখ করে বসে ছিল। জবাব দিতে পারেনি। অতি দূর থেকে সেই সতর্কবাণী, কেউ যেন অনুচ্চারিত কণ্ঠে বার বার প্রতিক্ষণ করে যাচ্ছে, ছোট্টবাবু তোমার ক্ষমা নেই। আর্চি তোমাকে ক্ষমা করবে না। সেই দূর অতীত থেকেই, তিনি যেন আবার বলছেন, মানুষের এই ভাগ্য ছোট্টবাবু। সে এ-ভাবেই জীবনে জড়িয়ে যায়।

আর তখনই অতীশের চোখ মুখ অস্তির হয়ে ওঠে। আসলে সে যত বড় হচ্ছে, বয়স বাড়ছে, দায়দায়িত্ব গ্রহণ করছে তত এক অদৃশ্য ভয় তার চারপাশে বেড়াজালের মতো গ্রাস করছে। কেউ জানে না সে খুনী। তবু ভয় পায়। কেউ সাক্ষী নেই, তবু সে ভয় পায়। সেই সমুদ্রে আর্চির শেষ অস্তিত্বটুকু অতিকায় মাছেরা গ্রাস করেছে। লগুভগু করে খেয়েছে তার শরীর। ওদের রক্তে আর্চির কোন অনু-পরমাণু বেঁচে থাকলেও থাকতে পারে। আর্চির শরীর ওদের প্রোটিন যুগিয়েছে। নতুন রক্ত কণিকার জন্ম দিয়েছে। তারাই একমাত্র সাবলীল এখনও। সে ভেবেছিল, মাছে খেলেও শেষ হয়ে যায় না। মানুষ মরেও শেষ হয়ে যায় না। কোথাও না কোথাও ধূলিকণায় সে পড়ে থাকে। বৃষ্টিপাত হয়, মাটির উর্বরা শক্তি বাড়ে। ঘাস জন্মায়। ঘাস মাটি থেকে রস শুষে নেয়। সেই মানুষের অস্তিত্ব তার শরীরে—গাভীর ঘাস খায়, দুধ দেয়। মানুষ আবার প্রোটিন সংগ্রহ করে। এবং শরীরে তার বীজের জন্ম হয়। সে এ-ভাবে কোন পুনর্জন্মের কথা ভেবে থাকে—এ-ছাড়া মানুষের অন্য কোন পরলোকে তার বিশ্বাস নেই। সে তার জীবনের সবটুকু অনুভূতি দিয়ে এটা বার বার ভেবে দেখেছে। এত সব সত্ত্বেও কি করে সে আর্চির প্রেতাশ্রায় বিশ্বাসী হোকে না।

সে তার জীবনের এই কালো দিকটার কথা পৃথিবীর কাউকে বলেনি। বাবাকে না, নিমলাকে না, কাউকে না। বাবাকে বললে, জানে শাস্তি পেত। তিনি তাকে নানাভাবে দৈবের কথা বলে অনুপ্রাণিত করতে পারতেন। ঈশ্বরের কথা বলে ভয় কাটিয়ে দিতে পারতেন। কিন্তু সে জানে, বাবা শুনলেই বলবেন, এ-বেশ হয়েছে তোমার। ঈশ্বরে বিশ্বাস নেই, ভূতে তোমার বিশ্বাস আছে। অর্থাৎ বাবা বলতে চাইবেন, যেমন পৃথিবীতে ঈশ্বর আছেন, তেমনি ভূতও আছে। একজনকে বাদ দিয়ে আর একজনকে স্বীকার করা যায় না। হুতরাং

এই ভয় দূর করতে হলে তোমার ঈশ্বর বিশ্বাস দ্রুতকার। তা না হলে খোলা মাঠে বীজ রোপণ করা যায় না। গাইগুরুতে তা বিনষ্ট করবেই।

অতীশ স্ট্যাণ্ডে বাসের অপেক্ষায় দাঁড়িয়ে আছে। সোজা স্টেশনে যাবে। চারপাশে মানুষজন পোকার মতো থিকথিক করছে। বাসগুলিতে ওঠা যাচ্ছে না। বাসের পাদানিতে পর্যন্ত একটু ফাঁকা নেই। অনেকদিন সে বাসের ভিড় এড়াবার জন্য হেঁটে চলে যায়। কিন্তু আজ তাড়া আছে। আশেপাশে একটাও ট্যাকসি নেই। রিকশতে যেতে পারে। তাতে আর কতটা সময় বাঁচবে। সে তারপর ভাবল, বাসে না গিয়ে ট্রামে গেলে হয়। ভিড়টা কম মনে হল ট্রামে। কোনরকমে সে গুল্লোগুল্লি করে একটা ট্রামে উঠে গেল। নানারকম কথা হচ্ছে। সরকার কম্যুনিষ্টদের গ্রেপ্তার করছে। কে যেন বলল, চীনের দালাল এরা। এবং এ সময়েই মনে হল, দেয়ালে ভেসে উঠছে লেখা, চীনের চেয়ারম্যান আমাদের চেয়ারম্যান। এটা মনে হবার কারণ কি সে বুঝতে পারল না। তবু এইসব ভাবনা তাকে স্বস্তি দেয়। অকসি বোনাস নিয়ে কোন প্রকার গুল্লোগুল হযনি। গত বছরের এগ্রিমেন্ট ছিল। সেই স্ববাদে সব হয়ে গেছে। এ-ভাবে নিজেকে আর কি ভাবে অগ্রমনস্কে রাখবে বুঝতে পারছে না। অমলার কথা তাদের বৈতবের কথা ভাবতে পারে। এখন অগ্র যে কোন ভাবনাই তাকে আচির অস্বস্তির হাত থেকে রক্ষা করবে। কিংবা আড়াই মাসে টুটল আর কতটা বড় হয়েছে। বাবাকে চিনতে পারবে ত! কারণ টুটল মিস্ট্রু জানেই না তারা যত বড় হচ্ছে তত সে অসহায় বোধ করছে। নিরাপত্তার অভাব এত বেশি এই শহরে যে মানুষগুলোকে পাগলা কুকুর বানিয়ে ছেড়েছে।

তখনই ট্রামটা স্টপেজে এসে গেল। বড়িতে পাঁচটা বেজে গেছে। সে কেমন দৌড়ে যাচ্ছিল। চারপাশের মানুষজনের প্রতি কোন তার ভ্রক্ষেপ নেই। এখনই এনকোয়ারিতে গিয়ে জিজ্ঞেস করতে হবে, ক'নম্বর প্র্যাটিকরমে ট্রেনটা আসছে। লেট আছে কিনা। একটা প্র্যাটিকরম টিকিট কাটতে হবে। এগুলো সে স্টেশনে ঢুকেই সেরে ফেলল। বড়িতে দেখল, আরও আধ ঘণ্টাখানেক সময়। এই সময়টা সে কি করবে! এই সময়টা সে ভাবল মানুষজনের মুখ দেখে কাটিয়ে দেবে। অবশ্য এত নোংরা প্র্যাটিকরম যে পা ফেলার জায়গা নেই। দলে দলে উদাস্ত আবার আসছে। সারা স্টেশন জুড়ে বাকস প্যাটরা মলিন পোশাক পরা উদাস্তর দল। সেও এ-ভাবে তার বাবার সঙ্গে এ-দেশে এসেছিল। এখনও সেই মিছিল চলছে। এত ভালমানুষ জন্মায়, অথচ মানুষের নীচতা তাতে

নষ্ট হয় না। ঈশম দাদার কথা আজ অনেকদিন পর হঠাৎ কেন জানি মনে পড়ে গেল। তিনি কেমন আছেন কে জানে। এরা কোথা থেকে এসেছে জিজ্ঞেস করলে হয়। —কোথা থেকে।

—করিদপুর বাবু।

লোকটা আরও কথা বলতে চাইছিল। কিন্তু অতীশ জানতে চায়, সেই সোনালী বালির নদীর চরের কাছাকাছি কেউ আছে কিনা। থাকলে যেন প্রশ্ন করত, কতিমাকে চেনেন? সামসুদ্দিনকে। ঈশম দাদাকে। তারপরই মনে হল সবটাই সে কোন অদৃশ প্রেতাশ্রয় ভয় থেকে করছে। এইসব মানুষেরাও এক অদৃশ প্রেতাশ্রয় শিকার। ঈশ্বর এবং প্রেতাশ্রয় কেউ কম যায় না। এরা ঈশ্বরের নামে তাড়া খেয়ে ভিটে মাটি ছেড়েছে। এবং এই সময় সে কেমন তার বাবার ওপর কিছুটা বিজয়ী। সে মনে মনে বলল, বাবা আপনার ঈশ্বরের অবস্থা দেখে যান। আপনার ঈশ্বর ঈশমদাদার ঈশ্বরের এই পরিণতি।

সে তারপর আর দাঁড়াল না। দেখল সামনে সংখ্যায় প্র্যাটিকরম নুসর ঝুলছে। তিতরে ঢুকে গেল। কোথায় দাঁড়ালে ঠিক হবে বুঝতে পারছে না! পাশের প্র্যাটিকরমে একটা লোকাল গাড়ি এসে ভিড়ছে। মুহূর্তে প্র্যাটিকরমটা মশামাছির মত ভনভন করতে থাকল। চিংকার এবং গুঞ্জন, ট্রেনের হুইসিল কানে প্রায় যেন গরম ইস্পাত চলে দিচ্ছে। এবং কি ভয়ংকর উত্তেজনা তার। সে প্রায়চারি করছিল, আর ভাবছিল, কখন নির্মলার মুখ দেখতে পাবে। নির্মলা জানালা দিয়ে যেন উঁকি দিচ্ছে, আমরা এখানে। আগের দিকে থাকবে, না পেছনের দিকে থাকবে সেটা চিঠিতে জানালে ভাল করত। সে-ভাবে সে জায়গা ঠিক ঠিক করে নিতে পারত। এবং সে বেশ অস্থির হয়ে পড়ছিল। পুত্র কন্ঠার মুখ দেখার জন্য অধীর হয়ে পড়ছে। কিছুটা সে বিচলিত বোধ করছে। দীর্ঘদিন পর স্বামীস্ত্রীর সঙ্গে দেখাদেখির বিষয়টা তার জানা নেই। আজ কেন জানি নির্মলার জন্য বড় বেশি আবেগ তার। কাল রাতেও। কিন্তু সবটা মাটি করে দিয়ে গেছে আর্চির প্রেতাশ্রয়। এখন আবার সেই জুছুর ভয়টা গ্রাস করতে চাইলে সে জোর করে তাবল, সব মনের ভুল। সব সে ভুল দেখে। পাপবোধ তাকে পীড়ন করে চলছে। যে ভাবেই হোক তাকে মনের জোরে লড়ে যেতে হবে। সে খুবই স্বাভাবিক মানুষ। কাল রাতে জাগরণ গেছে নির্মলাকে কিছুতেই টের পেতে দেবে না। নির্মলা তবে ভেঙে পড়বে। এখানে ভেঙে পড়লে নির্মলাকে দেখার কেউ নেই। ওখানে অন্তত আর কেউ না থাকুক তার বাবা ছিলেন।

অতীশ মনে মনে বলল, কিরে টুটুল আমাকে চিনতে পারবি ত। ভুলে যাসনি ত আমাকে। হামাগুড়ি দিতে দিতে উঠে দাঁড়াস। দু হাত তুলে বা বা করিস। সে নিজের সঙ্গে নিজে যখন এ-ভাবে কথা বলছিল তখনই ট্রেনটা প্র্যাটিকরমের ভেতরে মাথা বাড়িয়ে দিয়েছে। সঙ্গে সঙ্গে সে ছেলেমানুষের মতো ছোটোছুটি লাগিয়ে দিল। সে জানালাগুলো দেখে যাচ্ছে। কত মানুষ, ভদ্রজন ভেঙার চাবী শ্রমিক জীপুত্র নিয়ে পরিবার যুবক যুবতী বুড়ো বুড়ি এবং হল্লা চোঁচামেচি—সব আছে কেবল নির্মালা নেই। সে শেষ কামরা পর্যন্ত ছুটে গেল। না নেই। ওরা তাহলে আসেনি। চারপাশে মিছিলের মতো মানুষজন। বেশে ছুটে যাচ্ছে। আহাশ্বকের মতো কতবার যাত্রীদের সঙ্গে ধাক্কাধাক্কি পেয়ে যখন একেবারেই নিরাশ, ফিরে যাচ্ছে তখনই চিংকার, মেজদা এদিকে। ঐ ত নির্মালা। প্র্যাটিকরমে বাজ পেরটা নিয়ে দাঁড়িয়ে আছে। টুটুল কোথায়? মিন্টু! কিছুটা দূরে থেকেই মিন্টুকে দেখতে পেল। টুটুল দু হাতে মাথের পা জড়িয়ে দাঁড়িয়ে আছে।

* তাড়াতাড়ি বের হওয়া দরকার। মানুষটা ছুটে আসছে। সারা রাত্তার ক্লান্তি উদ্বেগ মুহূর্তে নির্মালার জল হয়ে গেল। মানুষটা আসছে। প্রায় ছুটে আসছে। নির্মালা তাড়াতাড়ি টুটুলকে কোলে তুলে নিল।

অতীশ হাঁপাতে হাঁপাতে এসে বলল, তোমরা এত সামনে থাকবে বুঝ কি করে। ওদিকে খুঁজছি। প্রফ্লাদ কাকা সব নামিয়েছে ত। হাত একবার দেখে আর দিচ্ছ আবার পড়ে থাকল কিনা।

এই মানুষের এত সংসারী ছওয়া দেখে নির্মালা মুচকি হাসল। বলল, সব নামিয়েছি।

আর তখনই আশ্চর্য সেই টুটুল কেমন সহসা মার কোল থেকে অতীশের কোলে ঝাঁপিয়ে পড়তে চাইল। টুটুল, দু হাত বাড়িয়ে দিয়েছে বাবাকে দেখে। এতটুকু শিশু বোঝে কি করে সে বাবা। সে তার প্রিয়জন। অতীশও দুহাত বাড়িয়ে দিয়েছে। টুটুল অতীশের কোলে উঠেই গলা জড়িয়ে ধরেছে। অতীশ বলল,—তুই আমাকে চিনতে পারলি। আমার কত ভয় ছিল, আমাকে ভুলে গেছিস হয়ত।

নির্মালা বলল, কাণ্ড দেখে ছেলের। আমরা যেন কেউ না।

অতীশ নির্মালার কথাই হাসল। সে এই প্রথম নির্মালার দিকে চোখ তুলে তাকাল। লক্ষ্য করল নির্মালা ওর দিকে ভাল করে তাকাতে পারছে না। ক্লান্তি

অথচ চোখ মুখে বড় বেশি অধীরতার ছাপ। সে বুঝতে পারছিল, নির্মলা ওকে গোপনে দেখছে। তাড়াতাড়ি সে কিছুটা অশ্রুমনস্ক হবার মতো বলল, নাও হাঁটো।

হুলিরা মাথার দুটো নীল রঙের ট্রাংক বিছানা তুলে নিয়েছে। মিষ্টু পা পা হেঁটে যাচ্ছে। টুটলটা ভীষণ পাজি। বাবাকে দখল করে বসে আছে। ওর ভারি হিংসা হচ্ছিল! সে কাছে গিয়ে বলল, বাবা আমি মিষ্টু।

—হ্যাঁ মা। তুমি আমার মিষ্টু। বলে সে হুয়ে আর এক হাতে মিষ্টুকেও বুকে তুলে নিল। এবং দুজনেই পরম নির্ভয়ে বাবার গলা জড়িয়ে কেমন শরীরে বাবা বাবা গন্ধ শুঁকছে। যেতে যেতে অতীশের মনে হচ্ছিল, শিশুরা বোধহয় গন্ধ শুঁকে টের পায় কে তার আপনজন। টুটল কত কথা বলছে যার মাথা মুগ্ধে কিছুই বুঝে না। এক অতিকায় শেডের নিচে সে তার পুত্রকন্যাকে বুকে নিয়ে হেঁটে যাচ্ছে। পরম গভীর উষ্ণতায় অতীশ জীবনের অল্প এক মহিমা অনুভব করল আজ। যেন কতকাল ধরে এদেরই প্রতীক্ষায় সে এই পৃথিবীতে বসেছিল।

হাস্তর হাতে একটা অ্যাটাচি, একটা লেদার ব্যাগ। প্রহ্লাদ কাকা নিয়েছে বড় একটা পুঁটুলি। মার দেওয়া সব টুকিটাকি জিনিস আছে ওতে। প্রহ্লাদ কাকার কাছে ওটা খুবই মহার্ঘ বস্তু। সব ফেলে গেলেও যেন কিছু আসে যায় না। কিন্তু এটা বাসায় পৌঁছে দেওয়া তার বড় দরকারী কাজ। নানারকমের আচার, আমসব্ব লেবু আনারস ভাল দুটো গাছের, পেয়ারা, ক্ষেতের মুহুরি মুগ ডাল, কিছু সুগন্ধ আতপ চাল—ছেলে খেতে কি ভালবাসে না বাসে, সব ঐ পোটলিটা খুললেই বোকা যাবে। স্ততরাং প্রহ্লাদ কাকা খুব প্রফুল্ল চিত্তে এখন যেতে পারছে। সে এই কলকাতা শহরে কখনও আসেনি। দরজার গোড়ায় সব নামিয়েই বলল, মেজবাবু আমাকে একবার কালীঘাট দর্শন করিয়ে দেবেন।

নির্মলা শেষ পর্যন্ত এত বড় বাসা বাড়ি দেখে অবাক। পুরোনো বাড়ি, নতুন চুনকাম করা, ছ-ঘরে দুটো তক্তাপোশ। একটা টেবিল, বসার দুটো চেয়ার এবং বাসার পক্ষে এগুলি খুবই অকিঞ্চিৎকর—কার্প, সোফা সেট, বাতিদান নেই। জানালায় পর্দা কেনার পয়সা মাল্লুঘটার হস্তনি। গায়ের বাড়িতে একভাবে কেটে যায়। শহরে এলে যেন এসবের দরকার বোধ হয়। কিন্তু নির্মলা মাল্লুঘটাকে জানে—চলে যাবার মতো হলে সে বেশি কিছু চায় না। নির্মলার বাপের বাড়ির আত্মীয়স্বজন বড়ই প্রতিষ্ঠিত জীবনে। ওদের নিজেদের যেমন গাড়ি বাড়ি আছে, আত্মীয়স্বজনদেরও তেমনি। সোদিক থেকে তার মাল্লুঘটা

প্রায় খুব গরীবই বলা চলে। এবং মানুষটার এ-জগুই তার বাপের বাড়ির প্রতি একটা তাক্সিল্য ভাব আছে। গরীবের অহংকার তো ঐ এক জায়গায়। সব কিছু তুচ্ছ করে দেখা। এবং তার মানুষটার ধারণা দেশটা যা তাতে গাড়ি বাড়ি সোকা সেট মানুষের মানায় না। যে পারে তাকে কিছুটা অধার্মিক হতেই হয়। কোন না কোনভাবে সে শোষণের হাতিয়ার হয়ে পড়ে।

এই রাজবাড়ি, বাসা এবং সামনে পাতাবাহারের গাছ, কিছু দূরে বড় এক শেফালী ফুলের গাছ, তারপরে বাগান, বাবুঁচি পাড়া, পুকুর, মাঠ এবং ছোটখাট একটা ঈশ্বরের বাগান এটা—চিঠিতেই স্বানতে পেরেছিল নির্মলা। মনে মনে সে এমনই আশা করেছিল। বাতিগুলা জালিয়ে দেওয়া হয়েছে। কুস্তবাবু খবর পেয়ে এসে গেছে টুটুলকেও কোলে নিয়ে আদর করছে। নির্মলাকে বৌদি বৌদি করছে। ওর বৌ এসে ঘরদোর ঠিকঠাক করতে লেগে গেল নির্মলার সঙ্গে। অতীশ হান্সকে আন করে নিতে বলল। স্টোভে চা বসানো হয়েছে। সবই সে এনে রেখেছিল। মাছটাছ আনেনি। ডিমের কোল ভাত। কুস্তবাবুর কথাবার্তা শুনে নির্মলা খুব খুশী। মানুষটা তাহলে একজন ভাল সহকারী পেয়ে গেছে। শহরে এ-সবের বড়ই দরকার।

অতীশ বলল, প্রফ্লাদিকা, এখন একটু চা মিষ্ট খাও। তারপর রান্না হলে খাবে।

—নাগো মেজবাবু। সারা রাত্তায় বোমা বড়ই খাইয়েছে। মিষ্ট খেয়ে স্ব্থ পাব না। রাত হলই খাব।

টুটুল কখন তক্তাপোশের নিচে গিয়ে বসে আছে। মিষ্ট টুটুলের ঠ্যাং ধরে টেনে আনছে। আর ডাকছে বাবা বাবা টুটুল কথা শুনেছে না। ছুটুমী করছে। আমাকে কামড়েছে।

নির্মলা বলল, তোরা এসেই লাগালি।

অতীশের এসব বড় ভাল লাগছিল। এতদিন সে যেন বনবাসে ছিল। মনমরা, কেউ নেই, কেমন সম্পর্কহীন হয়ে পড়ছিল। আর্চি এই সুযোগে তার ওপর বেশ হামলা চালিয়ে গেছে। এখন আর্চি আসতে ঠিক ভয় পাবে। আর কাউকে না পাক টুটুল মিষ্টুকে পাবে। কারণ এ-বয়সে এরা বড়ই পবিত্র। ফলে আর্চির আক্রোশ থাকারও কথা নয়। তারপরেই কেন জানি মনে হল, এরা তার জাতক, যদি আর্চি এদের কোন অনিষ্ট করতে চায় : যদি আর্চি টের পেয়ে যায় তার পৃথিবী বলতে এরাই। সে কিছুটা তক্ষুনি কেমন স্ত্রিয়মাণ হয়ে গেল।

সামনেই বড় সেই পুকুর। কালো জল। হেঁটে হেঁটে যদি চলে যায়, যদি পড়ে যায়, অথবা কে জানে, কোন এক অদৃশ্য আক্রোশ কখন কিভাবে কাজ করবে। পুকুরটা যে এত ভয়ের হতে পারে, সে টুটুল মিন্টু আসার পরই কেমন টের পেয়ে গেল সেটা।

নির্মলা তখন চা করে এনেছে। কুস্তবাবু বলল, বোর্দি কেমন লাগছে জায়গাটা?

—খুব ভাল। আর একটা মিষ্টি দি।

কুস্তব বেশ মনোযোগ সহকারে খাচ্ছে। অতীশকেও দেওয়া হয়েছে। চা নিয়ে তক্তপোশে বসতেই কোথা থেকে ঠিক গন্ধ পেয়ে টুটুল টলতে টলতে চলে আসছে। এক মাথা চুল, চোখ টানা। আর চাপা নাক বাদে এই ছেলের আর সবই বাপের মতো। অতীশ ছেলেকে ভাল করে দেখছিল। টলতে টলতে এসে হাঁটুর ওপর ঝাঁপিয়ে পড়ল। অতীশ ছেলেকে পাশে বসালে টুটুল গা বেয়ে উঠে দাঁড়াল। হাত বাড়িয়ে বাপের চা টেনে নিতে চাইল। মিষ্টির প্লেট টেনে ফেলে দিতে চাইল। বাধ্য হয়ে অতীশ কিছুটা মুখে দিতেই টুটুল শাস্ত চূপচাপ। আসনপিড়ি হয়ে ভাল ছেলে হয়ে গেল টুটুল। কেবল মুখের খাবার শেষ হয়ে গেলেই অস্থির হয়ে পড়ছে। মিন্টু টুটুলের এটা সহ করতে পারছিল না। সে বড় হয়ে গেছে এ-বোধটুকু খুব প্রবল। কাছে এসে বলল, নাম নাম। বাবা খাচ্ছে। খেতে নেই। কিন্তু জোরজোর করেও নামাতে পারছে না। টুটুল বাপের জামা খামচে ধরে রেখেছে।

অতীশ এবার মিন্টুকে তুলে নিল আর এক পাশে। এবং মিন্টুর মুখে দিতেই সেও খুব ভাল মেয়ে হয়ে গেল। বলল, বাবা পুতুল দেবে। আমি পুতুল নেব। বাবা, একটা না বড় সাপ, মাকে ভয় পায়। তুমি ভয় পাও না বাবা।

—হ্যাঁ মা আমিও ভয় পাই।

—টুটুলটা ছুটু, ও ভয় পায় না।

দিদির এসব কথা টুটুল গ্রাহ্যই করছে না। সে প্রশংসা বাপের সঙ্গে খেয়ে চলছে। নির্মলা একবার এসে ধমক লাগাল, মাছটাকে বসে তোরা শান্তিতে একটু খেতেও দিবি না। নাম বলছি। অতীশের দিকে তাকিয়ে বলল, তুমি ফি। নিজে খাচ্ছ না কেবল ওদের খাইয়ে যাচ্ছ। পেট ছাড়লে আমি কিছু জ্বালি না বাপু।

সবই এত ভাল লাগছে কেন। এই যে সামান্য অভিমান নির্মলার তাও

এত মধুর মনে হচ্ছে কেন! সে নিজে আরও উপভোগ করার জন্য চুটুলের মুখে সামান্য সিঙাড়ার কুচি দিতেই ঝাল খেয়ে খুঁ খুঁ ছিটাতে থাকল। তারপর না পেরে বাপের ধোয়া জামায় মুখ ঘষতে লাগলে জামাটায় হলুদ ছোপ ধরে গেল। নির্মলা এসে যখন দেখল, রেগে কাই।—দাগটা উঠবে ভাবছ!

অতীশের সবই ভাল লাগছিল। বড় ভাল লাগছিল। জীবনের এই ভাল লাগাটার দাম সামান্য দাগে কিছু আসে যায় না। সে বলল, কুস্তবাবু হাসিরানীকে একটা লক্ষ্মীর পট কিনে দেবেন। মাঝে মাঝে কেন জানি মনে হয় সংসারে এই পটটা বড়ই দরকার।

কুস্ত মনে মনে বলল, সবই দেব। আগে আপনাকে কি দিই দেখুন। তার এখন কাজ এ লোকটাকে বাগে আনা। সেই যে কি বলে না, ঘোড়া হাতি গেল তল, তারপরের লাইনটা সে মনে করতে পারল না। প্রথম রাউণ্ডে সে জিতেছে। নবর কাজে বাগড়া দিয়েছে। সনৎবাবুর ইগোতে ধুনি জালিয়ে দিয়েছিল। দ্বিতীয় রাউণ্ডটা জটিল ছিল বলেই পারেনি। রাজার কাছে কয়সালার সময় সে আর সনৎবাবু এক পক্ষ থাকবে এমনটা তার মনে হয়েছিল—কিন্তু স্মারটি বেশ কায়দা করে ধরি মাছ না ছুঁই পানির মতো ভণ্ড সেজে বসেছিল। ফলে দ্বিতীয় রাউণ্ডে তার হার হয়েছে। তাছাড়া এই লোকটার পেছনে বোরানী আছে। রাজা একটা ম্যাড়া। কি যে তুচ্ছতাক করেছে—বোরানীর ওপর এখন রাজবাড়িতে কারো কথা নেই। শেষপর্যন্ত জাল মাল তৈরী করা নিষিদ্ধ হয়ে গেল। যুদ্ধক্ষেত্রে জয় অনিবার্য সে জেনে এসেছে। এতে তার সহায় ঈ তার। সকালে উঠেই স্নান দেবে মার পায়ে রাঙাজবা দেয়। ভুলগ্ঠিত হয়। মা, মাগো আমার কি অপরাধ বল। অর্জুনের জ্ঞান তুই-মা তার। ভুল হলে পথ দেখাস মা। সে হেরে গিয়ে মায়ের কাছে প্রায় হত্যা দিয়ে পড়েছিল। বুড়ো ম্যানেজারকে তাড়ানো থেকে লেবার প্রেলেম ট্যাকল করা কত ওস্তাদী লাগে হাসিরানী যদি বুঝত! সবই মায়ের রূপা। এখন রূপা পরবশে সে বুঝেছে, কিছুদিন এই লোকটার হিঁতৈবী সেজে থাকা ভাল। কোনদিকে কে ধোয়া দেবে কে জানে। সে বলল, কি যে বলেন না দাদা! হাসিকে লক্ষ্মীর পট দেবেন তা আবার আমাকে জিজ্ঞেস করে নিতে হবে

—না যদি কিছু মনে করেন আবার!

—এই বোঝলেন, বৌদি দেখুন বৌদি, ও বৌদি আমাকে কেমন পরপর ভাবছে।

নির্মলা সব গোছগাছ করছিল সে শুনতে পাচ্ছে সব। ও-ঘর থেকেই বলছে, আপনার দাদার আবার ঈশ্বর বিশ্বাস কবে থেকে হল। ওতো এসব কিছু মানে না।

অতীশের কোলে টুটুল। হাসর স্নান হয়ে গেছে। নির্মলা ও-ঘর থেকে কথা বলছে। ঈশ্বর বিশ্বাস নিয়ে কথা বলছে, টুটুলকে কোলে নিয়ে সে কেমন দুর্বল হয়ে পড়েছিল। আসলে আশ্রয়। হাসিরানীর কিছুটা আশ্রয়ের অভাব আছে। কাবুলবাবুর সঙ্গে সম্পর্কের কথাও তার মনে এসেছে। সেই থেকে কেন জানি মনে হয়েছে—একটু আশ্রয় পেলে প্রলোভনের হাত থেকে হাসি মুক্তি পাবে। মা জ্যাতিমারা যেমন সব প্রলোভন থেকে নিজেদের আত্মরক্ষা করতে শিখেছিলেন, হাসিরানীও তেমনি তার প্রলোভন থেকে মুক্তি পাক।

মানুষের শুভাশুভের বিশ্বাস থেকেই কথাটা বলা। এটাকে অতীশ সেভাবে ঠিক ঠিক ঈশ্বরে বিশ্বাস ভাবে না।

কুস্তবাবু ভূত দেখার মতো অতীশকে দেখছে। মানুষের ঈশ্বর বিশ্বাস না থাকলে সে শুনেছে শয়তান হয়ে যায়। একমাত্র শয়তানেরই ঈশ্বর বিশ্বাস থাকে না। আর সেই উটকো সব কম্যুনিষ্ট আছে তারাও এটা করে না। কুস্তবাবু কাছে কম্যুনিষ্ট আর শয়তান এক। সে তাদের ফারাক বড় বেশি বোঝে না। সে বলল, দাদা আপনি তালে কম্যুনিষ্ট।

অতীশ হা হা করে হেসে উঠল। বলল, সুযোগ পেলাম কোথায়। দাড়ি গোঁফ না গজাতেই পেটের টানে বের হয়ে পড়েছি।

—কিন্তু এটাত ভাল কথা নয়। তারপর তলে তলে কুস্তবাবু কুট অভিসন্ধি কাজ করতে থাকে। এই শয়তানের ভয় রাজবাড়িকে বড়ই কাবু করে রেখেছে। গন্ধ পেলেই হল। এবং এই সুযোগটা হাতছাড়া করা তার বোকামি হবে। সে আরও সামান্য রগড়ে দেখতে চাইল, বলল, ঈশ্বর ত কারো ক্ষতি করে না দাদা। তিনি মঙ্গলময়। সন্তান-সন্ততি নিয়ে ঘর করেন, ঈশ্বর বিশ্বাস করেন না, অসুখে বিস্ময়ে ভরসা পাবেন কিসে।

অতীশ বলল, এখনও ভেবে দেখিনি সেটা।

যাই হোক কুস্তবাবুতে পারল, সহজে মড়ে বসবে না। ধীরে ধীরে চামড়া খসাতে হবে। একদিনে হবার নয়। সে উঠে যাবার সময় বলল, দাদা যাই। তারপর টুটুলকে চুমু খেল। মিশ্টকে দুবার লাফিয়ে ওপরে তুলে ধরে ফেলল। নির্মলা বলল, মানুষটা বেশ।

অতীশ কিছু বলল না। সে জানালায় দেখল সেই পাতাবাহারের গাছ। সবাই শুয়ে পড়লে সে গোপনে বের হয়ে দেখবে—আজও পাতায় জল লেগে আছে কিনা। তারপর কেমন ভীতু গলায় নির্মলাকে ডেকে বলল, সামনেই পুকুর। টুটল মিষ্টকুে চোখে চোখে রেখো। পুকুরটা ভাল না। প্রায় বছরেই কেউ না কেউ ডুবে যায়।

॥ চোদ্দ ॥

চার-পাঁচ দিন ধরে কি রুষ্টি। সঙ্গে ঝড়ো হাওয়া। পথঘাট ট্রাম-বাস বাড়ি-ঘর সব রুষ্টিতে লেপ্টে ছিল। সকালের কাগজে শুধু এক খবর। দেশের কোথায় বন্যা, কোথায় ব্রিজ ভেঙে গেছে, কোথায় ট্রেন অচল হয়ে থেমে আছে তার খবরে সকালের কাগজটা ভরা। বড় বড় হেড লাইন, যেন কাগজে তখন এই খবরটাই মানুষের পড়ার কথা। সব কাগজগুলোয় সংবাদদাতাদের নিদারুণ অভিজ্ঞতার বর্ণনা, শব্দহানির খবর। গবাদি পশু সব ভেসে গেছে। জলবন্দী মানুষজন উদ্ধারের জন্য মিলিটারি নেমেছে। বর্ষাকাল এলেই এই সব খবর। তারপর হেমন্ত আসে। সোনালী ধানের মাঠ তখন দিগন্তব্যাপী। বান বন্যায় ভেসে গিয়েও মানুষের জন্য কিছু না কিছু আবাদ টিকে থাকে।

মানসনারায়ণ চৌধুরীর ঘরেও আজকাল কেউ কাগজ দিয়ে যায়। সে বাথরুম থেকে ফিরেই দেখতে পায় কাগজটা পড়ে আছে। আজকাল সে আর উত্তেজিত হয় না। উত্তেজিত হলেই মাথার মধ্যে অস্বাভাবিক সব রেলগাড়ি ঢুকে যায়। সে ঠাণ্ডা মাথায় আজকাল কাগজ পড়তে পারে। এখন তার ঘরে তাল পড়ে না। সে ইচ্ছে মতো, রাত্তায় বের হতে পায়। একদিন গড়ের মাঠে গিয়েও বসেছিল। বাইরে যেতে চাইলে তাকে পুরনো ভকসলা গাড়িটা দেওয়া হয়। বাহাদুর তাকে শহরটা ঘুরিয়ে দেখায়। কোনো পার্কে তার পায়চারি করতে ভাল লাগলে রাত করে ফিরতে ভালবাসে। কিন্তু রাজেনটা আবার কি মনে করবে—সেতো স্বাভাবিকভাবেই সব করে যায়, কিন্তু ঠিক সময় না ফিরলেই একটু বেশি হাঁটাইটি করতে চাইলেই কেমন সংশয়ের চোখে তাকায় সব। সে বড়ই ফুকর্ম করে কেলেছে।

রুষ্টির জন্তু কদিন এই ঘরেই বন্দী হয়ে আছে। কাগজটা সারাদিন উন্টে-পাণ্টে

দেখে। কখনও কখনও একই লাইন বার বার পড়ে। নবীন যুবক ঐ দিকটায় চলে গেল। তার ঘরটায় গিয়ে আগে বসিটসা যেত। নবীন যুবকের পাশে বসে থাকলে সে কেমন স্বস্তি পেত। ওর চোখের ভেতর এমন কিছু আছে যা তাকে বেঁচে থাকার জন্য প্রেরণা দেয়। সেটা কি সে ধরতে পারে না। বেচারী পঞ্চানন বলেছে, হুজুর অতীশবাবুকে বলেন ত ডেকে দি। পঞ্চানন কি বুঝতে পেরেছে সে অতীশের জন্য টান বোধ করে। সে ত কখনও কাউকে কিছু বলে নি। কিছু দিন মাত্র ছিল। ওর ছবির খুব প্রশংসা করেছে অতীশ। বলেছে, দাদা আপনি কেন ছবি আঁকা ছেড়ে দিলেন। ওটা ছাড়বেন না। মাহুঘের ত বেঁচে থাকার জন্য কিছু একটা চাই। কত দিন পর যেন সে শুনতে পেল সে সত্যি ভাল ছবি আঁকে। তাঁর হাত পরিষ্কার। মাষ্টারমশাইরাও এমন বলতেন। মডেলের ক্লাসে তার মত সাবলীল ভঙ্গীতে কেউ তেমন করে সুষমা-মণ্ডিত ছবি আঁকতে পারত না। সবচেয়ে ওটাই ছিল তার প্রিয় ক্লাস। ইদানীং সে আবার ছবি আঁকা শুরু করেছিল। বৃষ্টিতে বের হতে পারে নি। সরকার-বাবুর কাছে পঞ্চাননকে দিয়ে একটা লিস্ট পাঠিয়েছিল। একটা ইজেল, কিছু জলরঙ এবং বুরুশ। এই সব দিয়ে গেছে কদিন হল। বৃষ্টির কদিন তার নিরন্তর ছুটি। অল্প দিনগুলি তার অনন্ত কাজ। তার মাথার মধ্যে রেলগাড়ি ঢুকে না গেলেও পাশ দিয়ে চলে যায়। সে সে-জন্য কিছুই করতে পারে না। উগ্রতা যখন চরমে তখনই সে হাবিজাবি দেয়ালে লিখতে শুরু করে দেয়। যেন গত জন্মের কথা লিখে যাচ্ছে। সেই কথাগুলো রাজেন এত ভয়াবহ ভাবে কেন সে বোঝে না। ঘরে যারা ঢুকতে পায় তারা দেখে ফেলবে ভয়েই রাজেনটা তালা দিয়ে দিতে বলে? তারপর আবার নদীর জল সরে গেলে যেমন বালিয়াড়ি পড়ে থাকে তেমনি কখনও সে গত জন্মের কথা ভুলে গেলে, ভাল পোশাক, বনেদীমানার সব পুরস্কার কপালে—আর তারপরই ঘরে চুনকাম হয়ে যায়। বার বার, পাঁচ-সাত-বার বছরে ঘরটা চুনকাম করা হয়ে যায় এভাবে। মানস খুবই এতে মজা পায়।

কিন্তু সেই যে নবীন যুবক উসকে দিয়ে গেল, প্রায় আগুনে ঘি ঢালার মত, বলে গেল মানসদা মাহুঘের বেঁচে থাকার জন্য এটা বড় দরকার। আপনার কি হারিয়েছে আমি জানি না, মাহুঘ কিছু না হারালে এমন হয় না। আপনার ছবি আঁকা খুব দরকার। অভ্যাসটা রাখুন। অল্প এক রহস্য খুঁজে পেলে বা হারিয়েছেন তা আবার কিরে পাবেন।

অতীশ চলে যাবার পর সে পঞ্চাননকে দিয়ে একটা ফিরিস্তি পাঠিয়ে

দিয়েছিল। ঘরে এখন ইজেল, রঙ, বার্নিস যা দরকার সব আছে। কুটির কদিন সে একটা মাত্র ছবি আঁকার চেষ্টা করেছে। কিন্তু কি এঁকেছে সে নিজেই বুঝতে পারছে না। সে প্রথম আঁকতে চেয়েছিল, নদীর পাশে রাজবাড়ি, সামনে বালির চর, দুজন অশ্বারোহী যুবক রাজবাড়ির দিকে উঠে আসছে। ঘোড়া দুটো কদম দিচ্ছিল। প্রথম ছোট একটা আঁট পেপারে স্কেচ করতে গিয়ে মনে হল একটা ঘোড়ার মুখ বড়ই লম্বা। আর একটা বড়ই বেঁটে। তারপর মনে হল, ঘোড়ার মুখই হয় নি কেমন জিরাকের মুখের মত লম্বা। তবু রঙ তুলি নিয়ে যখন বসল— সেটা শেষ পর্যন্ত কি দাঁড়াল বুঝতে পারছে না। আবছা অন্ধকারে এক বিশাল রাজবাড়ির ছায়া, আরও অস্পষ্ট দুটো ঘোড়া, অশ্বারোহী আছে কি নেই বোঝা যায় না, কেবল সাদা বালিগাড়ি আর নদীর জল স্পষ্ট। তার মনে হল, কাগজে রঙ দেয় নি বলে বালিগাড়িটা সাদা দেখাচ্ছে। সেটা এই ছবির সঙ্গে বেমানান। সে সেখানে কিছু পিংক কালার এবং ব্লু রঙে আবছা ছাই রঙ করে দিতেই গোটা ছবিটা মনমরা হয়ে গেল। মনে হল ঘোড়ায় চড়ে ফেরার পথে প্রাসাদ অলিন্দে কিরানা ঘরানার ধারক কোন সঙ্গীতশিল্পীর স্বর ছবিতে জেগে উঠছে না। গোটা ছবিটাই তার কাছে কেন জানি অর্থহীন মনে হচ্ছে।

মানস ছবিটা দু দিন ফেলে রেখে অল্প একটা ছবিতে মন দিয়েছিল। কিছু কাঁচের গ্লাস। লাল মদ। দুজন প্রবীণ মানুষ দরজা দিয়ে ঢুকছেন। একজনের মাথায় উষ্ণীয়, গায়ে রাজার পোশাক। অন্যজন টাক মাথা বেঁটে-খাটো মানুষ। ধূত পাঞ্জাবি গায়ে। কিন্তু মুখটা একজনের উটের মত হয়ে গেল। অন্যজনের বাধ। সে বুঝল, হবে না। সে তারপর কদিন কিছুই আঁকে নি। কদিন থেকে অতীশের পাতা পাওয়া যাচ্ছে না, যে তাকে ডেকে দেখাবে। সে দেখলে বুঝতে পারত ছবিটা কিভাবে শেষ করা যায়! মাথায় এক রকমের চিন্তা থাকে, ছবিটা আঁকতে গেলে সেই চিন্তা গুলিয়ে যায়। তখন আর মনে করতে পারে না আসলে সে কি আঁকতে চেয়েছিল।

পঞ্চানন সকালের খাবার নিয়ে এসেছে। ওর খাওয়া হলো সব নিয়ে যাবে। সে খেতে খেতে বলল, অতীশবাবুকে ডেকে আনবি বলছিস?

—হজুর আপনার চোখ মুখ ভাল না। অতীশবাবু ছিলেন বলে বেশ ভাল ছিলেন।

—তা ছিলাম। কিন্তু বেচারী বোঁ-ছেলেপিলে নিয়ে এসেছে। কারখানার কাজের চাপ। রাত-দিন পড়ে থাকছে শুনছি, বাড়িতে কি পাবি?

ঈশ্বরের বাগান

—হুজুর দেখে আসব।

—আয়।

—কিছু বলব?

—আজ রববার না?

পঞ্চানন বলল, আন্ত্রে।

—দাঁড়া। বলে মানস একটি চিঠি লিখল—অতীশ, তুমি আমাকে ভুলে গেছ। আমি তোমার মানসদা। বড়ই বিপদে আছি। সময় এবং সুযোগমতো একবার পারলে এস।

পঞ্চানন ফিরে এলে দেখল, অতীশ পেছনে দাঁড়িয়ে আছে। কেমন অভিমান হল দেখে। মানস অন্য দিকে তাকিয়ে বলল, খুব ব্যস্ত।

অতীশ ভিতরে ঢুকে দেখল, মেঝেতে অজস্র ছবি ছড়ান। সে খুব আগ্রহের সঙ্গে একটা তুলে নিয়ে দেখল—বিরাট ফাঁকা ঘরে হুজন সারেকিবাদক বসে আছে। নামাজ পড়ার মত হাঁটু ভাঁজ করে বসার ডঙ্গী। চোখ উর্ধ্বনৈত্র। ছাদের ফুটো থেকে একটা হাত বের হয়ে আসছে। ঠিক এমনই একটা ছবি বিলিয়ার্ড টেবিলটা যে ঘরে আছে সেখানে বাঁধান রয়েছে। অতীশের মনে হল, তবে সেই ছবিটাও এই মানুষ এঁকেছেন। ছবিটা দেখে সে প্রথম ভয় পেয়ে গেছিল। একটা কাল কোট তার হাত দেয়াল ফুটো করে বের করে দিয়েছে। নিচে মিস্তরদ্ব জল। ছবিটা দেখে ভয় পাওয়ার চেয়ে শরীর বেশ শিরশির করে উঠেছিল।

অতীশ বলল, অনেক ছবি দেখছি।

—অনেক কোথায়। ছোটো ত।

সে বলল, এই যে।

মানস বলল, ওগুলো কিছু না। তুমি এটা দেখ। কিছু হয়েছে কিনা দেখ।

অতীশ দাঁড়িয়ে দু' হাত মেলে ছবিটা দেখছিল।

—বসে দেখ না। এই পঞ্চানন, চেয়ারটা এগিয়ে দে না।

অতীশ বসতে বসতে বলল, আপনি করেছেন কি!

মানস কিছুটা যেন শঙ্কা বোধ করল। তাহলে কি সে সত্যি যা আঁকতে চেয়েছিল সেটাই ফুটে বের হচ্ছে। আর অতীশ সেটা বুঝতে পেরে ভয় পেয়ে গেছে। রাজবাড়ির চেহারাটা অতীশ তাহলে দেখতে পাচ্ছে। সে বলল, তুমি ভয় পাচ্ছ?

অতীশ মানসদার কথার অর্থ ধরতে পারল না। ছবিটা থেকে মুখ তুলে মানসদার দিকে তাকিয়ে থাকল।

—ভাবছিলাম ভয় পাচ্ছ কিনা। ছবিটা তাহলে যা আঁকতে চেয়েছি তাই হয়েছে বলছ। রাজেনটা তবে ক্ষেপে যাবে। কি যে করি।

অতীশ ভারি অবাক হল। বলল, ছবিটা আমাকে দিন। বাঁধিয়ে রাখব। দেয়ালে টাঙাব। রাজেনদা রাগ করবে কেন।

—কি জানি। আমি ত রাজেনকে ক্ষমাই করে দিয়েছি।

তার বলতে হচ্ছে হল, রাজেনদা আপনার কে হয়! এ-বাড়িতে এসে বুকেছি, সবাই এখানে বুকে কেলেকে, এই শেষবেলা, যে যে-ভাবে পারো গুছিয়ে নাও। সিগনাল ডাউন হল বলে। একমাত্র আপনিই নির্বিচার। রাজার সব লোক এখন টের পেয়েছে—এদের যা অবশিষ্ট আছে তার কিছুটা লুটেপুটে নিলেও তিন পুরুষের নিশ্চিন্তি। কিন্তু আপনি বসে আছেন। আপনি এই রাজবাড়িতে আশৈশব মাছুষ। পুরানো লোকেরা কিছু খবর রাখে। কুন্ত মাঝে মাঝেই বলে, বলতে পারি বলব না। এ-ব্যাপারে আমার আগ্রহ অনাগ্রহ সমান। ভয় যদি কুন্ত আপনাকে ছোট করতে চায়, রাজেনদাকে ছোট করতে চায়। মাছুষ ছোট হয়ে যাচ্ছে দেখলে আমার কেন জানি কষ্ট হয়।

—এই কি তুমি ছবিটা নিজেই কেবল দেখছ। কি দেখছ বলছ না কেন!

—একটা বড় স্মৃতিসৌধ মনে হচ্ছে আঁকতে চেয়েছেন।

—গভীর অন্ধকার থেকে দু'জন অস্বাভাবিক পুরুষ উঠে আসছে। পেছনে সাদা বাগিয়াড়ি। বোধহয় জ্যোৎস্না পড়ায়। সেটা হয়েছে। আকাশ আবছা মেঘে ঢাকা। ফাঁকে ফাঁকে জ্যোৎস্না বৃষ্টির জলের মতো নেমে আসছে। তার পেছনে নদী—ওপরে অস্পষ্ট কুয়াশা। সময়টা শীতকাল—ছবিটা দেখে এই মনে হচ্ছে।

মানস ছবিটা ওর হাত থেকে টেনে নিল। নিজে ভাল করে দেখল, আবার। কিন্তু কিছুই মিলছে না। সেই কুমারদহ রাজবাটীর ছবি এটা যেন নয়। সে তখন ভগ্ন প্রাসাদ। দেবোত্তরের সেবাইত, দু'জন গোমস্তা একজন খাজকি মাত্র থাকে। বিরাট সব আম বাগান, শহরে কিছু বাড়ি ভাড়া, একটা বাজার কিছু বালির চর এবং বড় বড় সব তৈলচিত্র, মাঝে মাঝে রাজেনটা বিদেশে গিয়ে কি করে সব, তারপরই সাহেব-স্ববোরা আসে। গাড়ি করে চলে যায়—কার্টের কাজ করা বাতিদান থেকে মিনে-করা সব সৌখিন আসবাবপত্র, পূর্বপুরুষদের সংগ্রহ করা ছবি পাচার করে দেয় তারা। এই রাজবাড়ির ঘরে ঘরেও জমে

আছে সব এমন কত অমূল্য বিষয়-আশয়। সব খালি করে দিচ্ছে রাজেনটা। সে তা আঁকতে চায় নি। আঁকতে চাইলে শস্ত্রবিহীন একটা মাঠের সে ছবি আঁকত। তাতেই বড় রকমের শূন্যতা ধরা যায়। আসলে যে পাপ বাপ-পিতামহের আমল থেকে জমা হয়ে আছে তার কিছুটা প্রথা-প্রকরণ মেনে ছবি আঁকা ছিল তার বিষয়বস্তু। অতীশ ধরতে পারছে না। না সে নিজেই সব ভুলে গিয়ে মাহুঘের ভুলে থাকা ভালবাসার এক মহান চিত্রপট তৈরি করতে চেয়েছিল। ঘোড়ায় সে এবং রাজেন। পেছনের অন্ধকারে খুব আবছা মতো নারী মূর্তি—সেটা অতীশ কেন খোয়াল করল না। পেছনে সব কেলে সেই নারীর আবছা অন্ধকারটা রাজপ্রাসাদ গ্রাস করছে সেটা অতীশের নজরে এল না কেন।

অতীশ অন্ত সব ছবিগুলিও তুলে তুলে দেখছে। ছবিগুলির নাম দিয়েছেন সাদা ফুল। বসন্ত। নদীতটে আমি জ্বরজ সন্তান। কালের ঘোড়া। পতিতালয়। এমন সব কত হিজিবিজি নাম। ছবির সঙ্গে নামগুলির প্রায় কোন দিক থেকেই মিল নেই। যেমন ‘বসন্ত’ ছবিটাতে শুধু কালো কিছু ফুটকরি। আঁকাবাঁকা গাছের অভ্যন্তরে কোন পক্ষী শাবকের লেজ। দুটো সরীসৃপ গোড়ায় ওণ্ড পেতে বসে আছে। অতীশ এ-বয়সেই কিছু কিছু শিল্পীর জীবনী পড়েছে। কোন না কোনভাবে এরা অধিকাংশই অধ-উন্নাদ। সে এবার মানসদার দিকে তাকাল। মানসদা হাতে ছবিটা নিয়ে কেমন আবিষ্ট হয়ে বসে আছেন। কিছু তাকে বলেছেনও না। কোথাও যদি আরও ছবি থাকে—সেখানে যদি মানসদা নিজেকে তুলে ধরেন। সে তন্ন তন্ন করে খুঁজতে থাকল। একটা ছবি আশ্চর্য লাল রঙে আঁকা। আগুনের লেলিহানে গ্রাসের মধ্যে নির্বিঘ্নে এক উলঙ্গ নারী, মুখ চোখ আশ্চর্য রকমের শাস্ত। নাম দিয়েছেন ব্যভিচারিণী। একমাত্র এই ছবিটার সঙ্গে নামকরণের আশ্চর্য সার্থকতা পেয়ে বলল, মানসদা এ ছবিটা কবে আঁকলেন।

ছবিটা দেখে বলল, ও ওটা অমলার ছবি। কেলে দাও। আমার কাছে ছবিটার কোন দাম নেই। ইচ্ছে করলে নিয়ে যেতে পার। তোমার সঙ্গে শুনেছি খুব ভাব। তারপরই কেমন সচকিত হয়ে গেলেন। কি যেন মনে পড়েছে। কি যেন তার জিজ্ঞেস করার আছে অতীশকে। মানসদা এবার হাত থেকে ছবিটা ঝেড়ে ফেলে দিলেন। এতক্ষণ যেন বড়ই অপবিত্র বিষয় নিয়ে ষাঁট্যাঁটি করছিলেন, বললেন, অমলাকে ভুলি চেন শুনেছি।

—কার কাছে শুনলেন?

—আমার কাছে সবাই খবর দিয়ে যায়। ও বাবু এবারে আমার খেলা জমে উঠল।

অতীশ বলল, একথা কেন?

—এই আর কি। ওরা বোঝে রাজেনটা আমাকে ঠকাচ্ছে। আমাকে সম্পত্তির ভাগ দিচ্ছে না। আমাকে ওরা খুব ভালবাসে।

অতীশ এইসব পারিবারিক রেষারেষি শুনতে কখনও আগ্রহী হয় না। বিষয়-আশয়ের প্রতি এমনতেই একটা তার উদাসীনতা আছে। সেটা বোধহয় সে বাবার কাছে থেকেই পেয়েছে। মাল্লবের চলে যাবার মতো উপার্জন থাকলে খুব ছোটোছুটি তার পছন্দ নয়। সে তা করেও না। অথবা তার মনে হয়, এ-বাড়ির সবাই সত্য মিথ্যা বানিয়ে বলতে ওস্তাদ। আসলে রাজেনদা কিংবা তার পূর্বপুরুষরা বৈভব রক্ষা করতে গিয়ে দেওয়ান থেকে ম্যানেজার সবার হাতে গুটি বনে যেত। সংসারে ব্যভিচার ঢুকলে যা হয়। সেটা টাকার হতে পারে, নারীর হতে পারে, যেমন এখন সে বুঝেছে যে কোনভাবে সব সম্পত্তি স্বনামে রাখা আর রাজেনদার নিরাপদ নয়। তার সম্পত্তি গ্রাস করার জন্য সবাই উচ্ছত। আইন বদলাচ্ছে। এবং এমন একসময় আসবে যখন বসবাস এবং উপার্জনে চলে যায় মতো সম্পত্তি ছাড়া তার আর কিছুই থাকবে না। রাজেনদার বাবার ঠাকুর্দা দুটো কোলিয়ারি বিক্রি করে এই এস্টেট গিলেগোর কোম্পানী থেকে উদ্ধার করেছিলেন। তারপর থেকেই বাড়িয়ে যাওয়া ছিল স্বভাব। প্রভুহু এবং পৌরষ এই দুই মিলে এস্টেটের যখন রবরবা তখনই স্বাধীনতা। জমিদারী চলে গেল। সরকারি কমপেনসেশন বাদে যা থাকল তাও কয়েক কোটি টাকা। খেলিয়ে তুলতে পারলে অনেক। বার চোদ্দ বছরে রাজেনদা বুঝি সব বুঝে ফেলেছেন, অকর্মণ্য সব মাল্লবজন পুষে রেখেছেন, সব ব্যবসাই যেতে বসেছে— এবং এ-জন্ত দায়ী তার সব আমলারা। আসলে আভিজাত্য যে জীবনে কাটা হয়ে আছে সেটা রাজেনদা বুঝতে পারছেন না। ফলে বেনামে সম্পত্তি বিকি বাট্টার সময় বেশি টাকাটার হিসেব থাকে না। পচা টাকায় এই রাজপ্রাসাদ তরে যাচ্ছে। মাঝে মাঝে এই পচা টাকার গন্ধ সে পায়, মানসদা পায়। স্বপ্নে পায়। তারপরই মনে হয় বড়ই বিদ্যুটে সব চিন্তাভাবনা। এগুলি নিয়ে তার মাথাব্যথা থাকার কথা নয়। কিন্তু সে বুঝতে পারে আগুনের ওপর দাঁড়িয়ে থাকবে শরীর পুড়বে না, এমন রসিকতার কথা কবে সে শুনেছে। সেজ্ঞা অতীশ ভারি বিমর্ষ বোধ করছিল।

মানসদা বললেন, নবীন যুবক তোমার কপালে সন্ন্যাস টন্যাস নেই ত!

অতীশ হাসল।

—কথা বলছ না কেন। মাথা গুঁজে ছবিতে এত কি দেখছ। যা দেখছ তা ঠিক। এই জরুলটাও জঙ্ঘায় আছে। হাত দিলে টের পাবে। আমি মিছিমিছি ছবি আঁকি না।

আসলে আগুনে উবু হয়ে বসে থাকা নারীমূর্তিটি অতীশকে ভয় ধরিয়ে দিয়েছে। অমলার সঙ্গে মানসদার কোন গভীর সম্পর্ক আছে।

ছবিটা যে কোন নারীমূর্তিরই হতে পারে। কারণ উবু হয়ে বসা। মুখ দেখা যাচ্ছে না। চুল আগুনের মধ্যে বলকাচ্ছে। এবং পেট জঙ্ঘা বাহ সবই ম্পষ্ট। ছবিটা একবার দেখার পরই চোখ সরিয়ে নিয়েছিল। কিন্তু মাথা তোলেনি বলে মানস ভেবেছে, সে ছবিটাই দেখছে। মানসদার কথায় অতীশ ফের ছবিটা দেখে আঁতকে উঠল। তার মনে হল সত্যি অমল তার সামনে উলঙ্গ হয়ে বসে আছে। সে ভিতরে ভিতরে কাঁপছিল।

—তুমি অমলাকে তবে চেন?

অতীশ বলল, চিনি।

—কবে থেকে।

—অনেককাল আগে। আমি তখন খুব ছোট। ওদের জমিদারিতে বাপ জ্যাঠারা কাজ করতেন।

—তাহলে এখন থেকে তুমিই আমার হয়ে অমলাকে যা বলবার বলবে।

অতীশ চুপ করে থাকল।

—কী চুপ করে থাকলে কেন?

—ওকে ত আমি দুদিনের বেশি এখানে দেখিনি। তাছাড়া আমার সঙ্গে দেখাও হয় না।

—হবে।

—হলে বলব।

—কি বলবে শুনলে নাত।

—কি বলব!

—শুধু বলবে আমি সত্যি পাগল নই। ওকে এটা তোমায় বোঝাতে হবে।

—আপনি সত্যি তো পাগল নন।

—সে তুমি বললে হবে কেন? পৃথিবী শুকু সব লোক বললেও হবে না।

তারপরই তিনি উঠে দাঁড়ালেন। জানালায় গিয়ে কি দেখার চেষ্টা করলেন। গলা বাড়িয়ে ডাকলেন, পঞ্চানন। পঞ্চানন এলে বললেন, আমাদের একটু চা খাওয়া।

অতীশ কেমন আবার বিভ্রমের মধ্যে পড়ে যাচ্ছে। সে বলল, আচ্ছা মানসদা, বড় হলটায় একটা ছবি দেখলাম। একটা কোটের কালো হাতা, কাঁঠের বেড়ার ফুটো দিয়ে বের হয়ে আছে। ওটা আপনার আঁকা?

—মনে করতে পারছি না।

—বিলিয়ান টেবিলটা যে-ঘরে আছে।

—অমলা হয়ত এখনও দু একটা ছবি রেখেছে। হতে পারে। আবার নাও হতে পারে। রাজেনটা আমার কিছু রাখতে দেয় না। ছেলেবেলা থেকেই ও বড় হিংস্রটে স্বভাবের ছিল। আমার সব কিছু কেড়ে নিতে চাইত। তারপর সামান্য খেমে কেমন নির্লিপ্ত গলায় বললেন, তুমি পল সেজনের নাম শুনেছ?

অতীশ বলল, না।

—সে যাই হোক। ছবিটা দুই নারীর। সম্ভবত মা মেয়ের। সম্ভবত দুই বোনের। কি ছবি এখন আমি স্পষ্ট মনে করতে পারছি না। কিন্তু চোখ দুটো আমি নিবিষ্ট হলে এখনও দেখতে পাই। সেই চোখ বালিকার সেই চোখ যুবতীর, চোখ মায়ের, চোখ বারবনিতার! এতগুলো চোখ সেই দুই নারীর চোখে তিনি এঁকে ছিলেন। এক জোড়া চোখ কখন কেমন হবে বলতে পার না।

অতীশের সব কথাবার্তা শুনে শুনে কেমন মাথা বরে যাচ্ছিল। এই মুহূর্তে সে যা ভাবেছে, তিনি সেখান থেকে তাকে কত সহজে অগ্ন জ্বালায় নিয়ে যাচ্ছেন। সে বলতে চেয়েছিল, সেই হাতটা আপনার আঁকা কি না। সেই হাতটাই আমি ভুলে নির্মলার আসার আগের দিন রাতে দরজার পাশে ঝুলতে দেখেছি কি না। সেই হাতটাই আমার মাথার মধ্যে আঁচির প্রেতাঙ্গার ভয় আবার ঢুকিয়ে দিয়েছে কিনা! কিন্তু বলে লাভ নেই। অমলাই হয়ত দেবেন না। আঁচির কথাটা তাঁকে বললে কেমন হয়। কারণ এই মানুষ তার কাছে প্রথম যেন কত গোপন খবর এ বাড়ির বলে দিল। অথবা দৈত্যের কথা, পরাজয়ের কথা—এসব কথা সহজে মানুষ অগ্ন মানুষকে বলতে চায় না। মানসদা তাকে বেশ স্পষ্টই যেন বলে দিল, তোমার কাছে আমার কিছু গোপনীয় নেই। তোমাকে অতীশ আমি বিশ্বাস করি।

অতীশ বলল, আপনার প্রেতাঙ্গার বিশ্বাস আছে?

মানসদা উঠে দাঁড়লেন, চোখ বড় বড় করে বললেন, সেটা আবার কি ?

অতীশ একেবারে জলে পড়ে গেল। এমনভাবে সে বোকা বনে যাবে বুঝতে পারে নি। সে তবু মরিয়া হয়ে বলল, কালো কোট গায়ে একটা হাত শুধু আঁকলেন কেন! কি অর্থ এ ছবির।

—দেখ সত্যি আমি মনে করতে পারছি না।

—আপনি সব পারেন। ইচ্ছা করলে সব পারেন। ভূতেও বিশ্বাস করতে পারেন। আপনি পারেন না এটা আমি বিশ্বাস করি না।

পাজামা পাজাবি পরা মানুষটিকে বড়ই সুদীর্ঘ এক মহিমময় পুরুষের মতো মনে হচ্ছে। এবং তখনই মনে হল, মৃত রাজার চেহারার সঙ্গে মানসদার বড় বেশি মিল। কিন্তু সে শুনেছে, রাজেন্দা একমাত্র তার উত্তরাধিকার। রাজার সঙ্গে রাজেন্দার চেহারার অমিলটাই বেশি। আদৌ দীর্ঘকায় নয়, গৌরবর্ণ নয়, বড় চোখ নয়, নাক, নাকটা কার মতো? কারো মতো নয়। মানুষের মতোও নয়। কিছুটা শিম্পাঞ্জীর মতো। এত চাপা নাক নিয়ে রাজেন্দাকে শেষ পর্যন্ত মোটা গৌরবর্ণের আশ্রয় নিতে হয়েছে।

অতীশ চা খেয়ে উঠে পড়ল।

—তাহলে তুমি কিন্তু বলবে।

অতীশ মনে করতে পারল না তাকে কি বলতে হবে। কারণ কালো কোট এবং হাত, আগুনে ছবি দুই নারী এবং দুই অথারোহী ক্রমাগত তার মাথার মধ্যে চৌকাতুর্কি করছিল। এখানে এসে আঁচির প্রভাব বেড়ে যাওয়ায় সে সব সময় শঙ্কার মধ্যে থাকে। প্রথম দিন থেকেই এখানে একটা কালো হাত মাথার মধ্যে ঢুকে বসে আছে এবং ওটাই ওকে তাড়িয়ে বেড়াচ্ছে। মানসদার ছবিগুলি না দেখলে সেটা যেন মনে হত না। অন্ততঃ একটু যুক্তি খাড়া করতে পেরে সে নিশ্চিত হতে গিয়ে কি বলতে হবে ভুলে গেছে। সে কিছু না ভেবেই বলল, বলব।

নিচে নামতেই নবর সঙ্গে দেখা। সে বলল, শ্রার, আপনার কাছে যাচ্ছিলাম।

নব একটা ধুতি ফেরত দিয়ে পরেছে। খালি গা। গলায় পৈতাটা ভারি চকচক করছিল। সে আজকাল খালি গায়েই ঘোরাফেরা করছে। পৈতেটা রোজই বোধ হয় মাজে। একদিন মিন্টুকে ডাকতে গিয়ে দেখেছিল পুকুরে নাই-জলে দাঁড়িয়ে জোরে জোরে মত্তপাঠ করেছে। অতীশ বুঝতে পেরেছিল নব এখন তাব কাজে কর্মে খুব আন্তরিক। এই সময়টায় দেখা হয়ে যাওয়ায় সে বলল, ভাল আছি।

নব ও-সব কথার উত্তর দিল না। —একদিন গেলেন না স্ত্রার।

অতীশ বলল, যাব।

—স্ত্রার জন্মে উঠেছে খুব!

নব তার শনিপূজার কথা বলছে,

—পর্যসা হচ্ছে?

—একাউট রাখছি। তবে সবই পাঁচ পরসা দশ পরসা। গুড বিজনেস সেন্টার। কমপিটিশনও আছে স্ত্রার। আমার দেখাদেখি ও-পাশটাও ঢাক গুড়-গুড় হচ্ছে। পাল্লা চলছে খুব। আসছে শনিবারে আসুন না স্ত্রার। তিনটি ঢাকি ঢাক বাজাবে। একটা ছিল ওরা দুটো করায় আমি তিনটে ঢাকি বায়না করেছি। আপনারা পূজার সময় থাকলে শোভা বাড়ে। বৌদি যদি যান! আপনারা গণ্যমান্ন লোক যদি পূজার সময় কাছে থাকেন গুডউইল বাড়ে।

সে নবর হাত থেকে রক্ষা পাবার জন্যই বলল, যাব এবং সে বাসার দিকে ইঁটা দিলেই নব ছুটতে ছুটতে আবার আসছে।—স্ত্রার, এখানে বলব কি বাসায় গিয়ে বলব?

—কী বলবে!

—চলুন। খুব জরুরী কথা।

ভারি ঝামেলা করছে নব। কিন্তু কাজের কথা দিয়ে রাখতে পারে নি অতীশের এই একটা অস্বস্তিও আছে। সে সোজা বলতে পারল না এখন নয়। আমার কাজ পড়ে আছে। সে বলল, এখানেই বল না!

—স্ত্রার, আপনার তো রাজার সঙ্গে খুব ভাব। রাজার সঙ্গে এখানকার এম এল এর ভাব। ওরা মিলে যদি উদ্বোধন করে আমার পূজাটা।

—সে এখন কি করে হবে? পূজা ত তুমি আরম্ভই করে দিয়েছ।

—পঞ্চম হস্তা পুঁতি এই সিলতার জুবলি টুবলির মত! এই উপলক্ষে যদি...

অতীশ বিরক্ত হচ্ছিল। আবার মজাও পাচ্ছিল। কিন্তু তাকে নির্মলার কাজের বিষয়ে একজন স্থল সেক্রেটারির সঙ্গে আজ দেখা করার কথা। খুবই গণ্যমান্ন লোক। রাজেন্দ্রা নিজেই চিঠি দিয়েছেন। এখন এসব নিয়ে তার ভাববার একদম সময় নেই। সে বলল, কাল সকালে এস। আলোচনা করা যাবে।

তবু নব যায় নৈ। —স্ত্রার, ওরা মাইক লাগিয়ে শনিমাহাত্ম্য প্রচার করছে। ওরা স্ত্রার এম এল একে দিয়ে উদ্বোধন করিয়েছে, ইস মাইরি স্ত্রার কি যে ভুল হয়ে গেল!

অতীশ ছাড়া পাবার জন্ত বলল, তুমি তো সপ্তাহ পুঁতি করছই তখন না হয় ভেবে দেখা যাবে।

হঠাৎ নব প্রায় পায়ে গড় হয়ে পড়ল। তার আমার প্রেক্ষিজ নিয়ে টানাটানি। আপনি আমাকে বাঁচান।

অতীশ বলল, আমার ত কোন পরিচিত এম এল এ নেই। পাবলিক ফাংসন করে এমন লোককে ধর।

নব কিছুটা হতাশ গলায় বলল, হামুবাবুকে বলেছি। তিনি পারেন। কিন্তু টাকা চায়। অত টাকা দেব কোথেকে।

অতীশ দেখল নবকে ভারি দুশ্চিন্তাগ্রস্ত দেখাচ্ছে। আসলে কাকে ধরলে কিভাবে হবে সেটা নব ঠিক জানে না। অঙ্ককারে হাতড়াচ্ছে। কাছে তাকে পেয়ে ভেবেছে এই সেই লোক—একে ধরলে হয়ে যেতে পারে। কিন্তু অতীশ তাকে কোন ভরসা দিতে পারছে না। এবং পরদিন সকালে শুনল অতীশ, নব কাকে ধরে একজন হবু কবি ঠিক করেছে। তিনিই বক্তৃতা করবেন। তারপর সে আরও এক সকালে শুনল নবকে ধরে পাড়ার ছেলেরা খুব পিটিয়েছে। তার জায়গা কেড়ে নিয়েছে। এত পর্যা হাচ্ছিল নবর সেটা তাদের সহ নয়। অবশ্য পরে নব তাকে বলেছে আসলে প্রতিপক্ষ দলের কারসাজি। পাড়ার ছেলেরা মিলে ছোটো জায়গাই দখল করে নিয়েছে। বেকার যুবক শুধু তুমি না আমরাও। বে-পাড়া থেকে এসে লুটেপুটে থাকে সে হচ্ছে না। নব শেষে বাধ্য হয়ে তার পুরানো প্রফেসানেই আবার ফিরে এল। সে কিছুদিন ধরে মনোযোগ দিয়ে আবার অঙ্ক কষে যাচ্ছে। অঙ্ক কষলে মাথা পরিষ্কার হয়, এমন একটা সুন্দর প্রফেসান হাত ছাড়া হয়ে গেছে শুধু নিবুদ্ভিতার জন্ত। মাথা সাফ না থাকলে কিছু হবে না। সে মাথা সাফ করার জন্ত আবার বসে যেতেই কুস্তবাবু বলল, বুঝলেন দাদা নবর হয়ে গেল!

কত মানুষেরই এভাবে হয়ে যাচ্ছে। অতীশ বলল, কার কবে হবে ঠিক কি! নব কি...

—না না খুন-টুন হয়নি। গাড়ির তলারও পড়েনি।

অতীশ কোনে কথা বলছিল! ঠিক মন দিয়ে শুনতে পারছে না। কুস্তবাবু ইতিমধ্যে আরও কিছু ঝামেলা তৈরি করেছে। কাস্টমারদের দিয়ে কিছু মিথ্যা অভিযোগ তৈরি করিয়েছে। মাল পাঠালে রঙ ঠিক হয় নি, কামড়ি খুলে যাচ্ছে, ঢাকনা আলগা এমন সব রিপোর্ট দিয়ে মাল ফেরৎ পাঠাবার বেশ একটি পাকা

ব্যবস্থা তলে তলে করে এসেছে। অতীশকে এ-জন্ত সব সময় সতর্ক থাকতে হচ্ছে। সুপারভাইজারকে বলেছে, সব ডাইস মেরামত করান। কোটার টিন থেকে খরচ করুন। বাজারের টিন থেকে কাজ করবেন না। এক গেজের মাল দিন। আর এ সময়ই কুস্তবাবু বলল, নবর হয়ে গেল।

ফোন ছেড়ে দিয়ে বলল, নবর কি হয়ে গেল!

—নব দেশ ভ্রমণে বের হয়ে গেল।

—সে খবরই ভাল কথা।

টেপিটাকে বলেছে আমার বৌর কাছেই রেখে দেবে। খেতে দিলেই হবে। বৌদির কাছে সুখীকে রাখুন না। সুখীর রান্নার হাত ভাল। স্বরেন ত পাগলা কুকুর হয়ে গেছে। কাকে এখন কামড়ায় দেখুন। হামু কাঁকা বলেছে বাতাসীর খোরাক পোশাক দেবে। অতীশ বলতে পারত, বাগড়া না দিলে নবটার দেশ ভ্রমণ হাতে লেখা থাকত না। স্বরেনটাও হাঁক ছেড়ে একটু বাঁচত। তারপরই মনে হল মানুষের মধ্যে কি যে থাকে! কুস্তবাবু সত্যি স্বরেনের ভাল করার জন্ত বেশ চিন্তিত। তার কথাবার্তা খুবই আন্তরিক যেন দায়টা স্বরেনের নয় তার নিজের। কুস্তবাবুকে আজ বড় ভালমানুষ মনে হল তার। শেষে বলল, আপনার বৌদিকে বলে দেখি।

—বৌদির চাকরি হলেত লোক লাগবেই। রাজার চিঠি নিয়ে গেছেন যখন.....

অতীশ বলতে পারত, হবে না। সবাইই নিজেদের লোকজন আছে। ওদের না হয়ে নির্মলার হবে সে আশা করে না। সংসারে বেশ টানাটানি। মাসের শেষটা আর কাটতে চায় না। লেখা থেকে টাকা পেলে চলে যায় না হলে নির্মলার সংসার টানতে কষ্ট হয়। প্রাচুর্য থেকে এলে মানুষ সেই কষ্টটা আরও বেশি টের পায়। মাঝে মাঝে নির্মলার মুখ দেখলে সে সেটা ধরতে পারে। নির্মলা শাস্ত স্বভাবের মেয়ে তবু গত মাসে বলেছিল, টাটলের জুতো নেই বাবাকে কটা কম টাকা দাও। অতীশের মনে হয়েছিল, নির্মলা বাড়ির দিকটা বুঝতে চাইছে না। টাকা কম দিলে বাবা কষ্ট পাবেন। বাবা কষ্ট পেলে কোথায় যেন সে জোর হারিয়ে কেলে। শুধু বলেছিল লেখা থেকে কিছু টাকা আসবে। ও দিয়ে করে নিও।

নির্মলা বলেছিল, কোন সঞ্চয় নেই। অসুখ বিস্ময় হলে কি করবে! কত রকমের দায় অদায় থাকে।

তখনই কুস্ত বলল, আপনি আমার মেয়ের নামটা আর দিলেন না। আপনারা আলাদা জাতের মানুষ, হাসির খুব ইচ্ছে আপনি নাম রাখেন।

অতীশের মুখে কুট হাসি ফুটে উঠল। এই মানুষটাই তাকে সর্বক্ষণ বিড়ম্বনার মধ্যে দেখতে চাইছে। এই মানুষটাই তার সবচেয়ে উপকারী লোক। কারণ এই মানুষটাই তাকে বাক্সে একটা একাউন্ট খুলে দিয়ে বলেছে, টাকা পয়সা চেকে আসে, এখানে জমা রাখুন। টাকার জন্ম তাহলে মায়া বাড়বে। মায়া বাড়লে সংসারে মন বসবে। আপনি বড় অসংসারী লোক মশাই। তখন মনেই হয় না, কনটেনারের দাম বাড়িয়েছে বলে, সে পার্টিদের ঘরে ঘরে গিয়ে পরামর্শ দিয়ে আসছে। আগরওয়াল কিছু মাল ফেরতও পাঠিয়েছে। সে বড় বিপদের মধ্যে আছে। ভয়ে ভয়ে আছে। আবার কে কখন কোন করে বলবে, এই ছাপা? চলবে না। টাকনা লুজ চলবে না। খুঁত দেব করলেই হল।

এমনিতেই দাম বাড়াবার জন্ম অভ্যর্থনা কম আসছে। এতেও কুস্তবাবুর হাত আছে কিনা কে জানে। ওভারটাইম কমে গেছে। ভিতরে ভিতরে শ্রমিক অসন্তোষ বাড়ছে। অতীশ অফিস ঘরে বসেই সেটা টের পায়। আসলে সারা দিনে বা কাজ দেয়, তিনঘণ্টা ওভারটাইম দিলে তারা প্রায় সেই কাজটা ভুলে দেয়। উৎপাদন বাড়াতে না পারলে সে প্রতিযোগিতায় টিকে থাকতে পারবে না। মাইনে বাড়াবার দাবী করেছিল, সে বলেছে, সব হবে, আগে ঠিক হক, কতটা তোমরা মাল বানাতে পার। ওরা বলেছে, যা হয় তাই। আর এক পিস বেশি বাড়বে না। অতীশ বলে দিয়েছে, মাইনে যা আছে তাই। এক পয়সা বাড়বে না। কুস্ত ছদিকেই তাল দিচ্ছে। সে যেকোন ভাবে গুণগোল পাকাতে চায়। অতীশ বুঝতে পারে তার চারপাশে তখন আঁচি ঘোরাকেরা করে। সে স্লুদুরে দেখতে পায়, বনি হাঁটু মুড়ে বসে বাইবেল পড়ছে। প্রার্থনা করছে বনি, ঈশ্বরের কাছে নতজানু হয়ে বসে আছে। ছোটবাবুর জন্ম সন্ধ্যা প্রার্থনা করছে দুহাত তুলে।

চারপাশে শান্ত সমুদ্র। বাতাস পড়ে গেছে। এক কোঁটা মেঘ নেই আকাশে। আগুনের মতো সমুদ্রের জলে তাত। বনি ছোটবাবুকে বলছে, এস পাশে বস। আমাদের এখন আর ঈশ্বর ছাড়া কেউ নেই। শুধু প্রাণ বলতে জলের নিচে কিছু পারপয়েজ মাছের ঝাঁক। এলবা ছদ্দিন হল নিখোঁজ। সে আর রাতে কিরে আসছে না। একটু থেমে কি ভেবে বনি আবার বলল, ছোটবাবু, কবরে আমার ছোট্ট একটু জায়গা দরকার।

ছোটবাবু বুঝতে পারছিল না, বলল, বনি এসব আজ্ঞেবাজে বকছে কেন ? তখনই ছোটবাবু শুনতে পেল, হাই। সেই বর্গুস্বর ঠিক অবিকল সে মনে করতে পারছে। জালি হিগিনস শেষ বারের মতো সব বলে যাচ্ছেন, আর্চিকে তুমি খুন করেছ, সে তোমাকে ক্ষমা করবে না। স্তূতরাং সমুদ্রের অতীব মায়ায় পড়ে গেলে মরীচিকা দেখতে পাবে। তেষ্ঠায় যখন বুক ফেটে যাবে সমুদ্রে স্নান করে নিতে পার। ঘামে যে ছুন বের হয়ে যাবে, শরীর ঠাণ্ডা হলে তা লাঘব হবে। সামান্য লোনা জলও খেতে পার। বাম কম হবে। তবু পিপাসা না গেলে বুঝতে পারবে চোখ মুখ বসে যাচ্ছে—গলা শক্ত হয়ে যাচ্ছে কাঁঠের মতো। তখন যদি পার কোন মাছ শিকার করে ইউ ক্যান সাক হার ব্লাড। মনে রাখবে যা হয়ে থাকে, মাছুষ দিশেহারা হয়ে যায়। পাগল হয়ে যায়। পাশের লোকটির ওপর ঝাঁপিয়ে তার টুটি কামড়ে ধরে। তুমি বনিকে অনায়াসে ধরতে পার। ইউ ক্যান সাক হার ব্লাড। তাহলে তুমি আর মরীচিকা দেখতে পাবে না। গ্রাণ ফিরে পাবে।

ছোটবাবু বুঝল সমুদ্রের হাহাকার দেখে বনি পাগল হয়ে যাচ্ছে। সে চিৎকার করে উঠল, বনি, প্রিজ মাথা খারাপ কর না। আমরা শিগগির গাছপালা মাটি দেখতে পাব।

বনি হাসল। দু চোখ বয়ে জল ঝরছে। ছোটবাবু দুটো হাত নিজের হাতে তুলে বাইবেল থেকে কিছু পাঠ করে শোনাল। ছোটবাবু বুঝতে পেরেছিল, ঈশ্বর এবং সমুদ্র সাক্ষী রেখে বনি তার সব অস্তিত্ব ওকে অর্পণ করছে। তারও মনে হল প্রজ্জলিত কোন অগ্নি সাক্ষী রেখে সে সেই অস্তিত্ব যেন গ্রহণ করছে।

আবার সেই গীড়ন। অতীশ বুঝতে পারছে, ছোটবাবু তাকে গীড়ন করছে। শরীরে আবার এসে পোকাকার মতো উড়ে বসেছে। মগজের ঘিলু থেকে অস্থি মজ্জায় সর্বত্র প্রচণ্ড কামড়। মাথাটা তার কেমন করছে।

॥ পনের ॥

দিন ছোট হয়ে আসছিল। রাজবাড়ির ছাদের কানিসে সূর্য হেলে গেলে মিস্ট্রু টুটুল জানলায় এসে দাঁড়ায়। সামনে পাতাবাহারের গাছ, তারপর পথ, দুপাশে রাজবাড়ির বাগান। নতুন বাড়ির পাশে রক্তকরবী গাছটায় টুটুল একটা ফড়িং আবিষ্কার করেছিল। সেই থেকে সে বিকেল হলেই, মাকে বলে, আমি দাব

কড়িং ধরব। দুটো একটা কথা ফুটেছে। মা শুয়ে আছে। মিন্টু টুটুল ফাঁক বুঝে নেমে এসেছে তক্তাপোশ থেকে। দুবার দরজায় ছুটে গেছে। দরজা টেনেছে—মাকে ডাকতে সাহস পাচ্ছে না; পালিয়ে হুজনে কড়িংটা ধরার মতলবে ছিল। দরজা বন্ধ দেখে ওরা কি ভাবল কে জানে, দরজা ফাঁক করে উবু হয়ে কি দেখল। একটা লোক আসছে—সেই মোটা মতো লোকটা। টুটুল ওর সঙ্গে কথা বলার জ্ঞান জানালায় ওঠে দাঁড়াল। ডাকল, অ্যাঁ অ্যাঁ। সঙ্গে সঙ্গে দুমবার সিং বলল, থোকনবাবু ভাল!

টুটুল বলল, দুমবা ভাল।

—হ্যাঁ ভাল থোকনবাবু।

মিন্টুর সঙ্গে কথা বলছে না বলে বড় অভিমান। সে বলল, ভাই আমার খাতা খেয়ে ফেলেছে।

—তাই নাকি! খুব খারাপ।

—ভাইটা না প্যান্ট পরতে চায় না।

দুমবার বলল, ব্যাং আছে। ব্যাং ধরে হুহুতে ঝুলিয়ে দেব।

টুটুল অত সব কিছুই বোঝে না। তার সঙ্গে যে কথা বলে সেই তার বন্ধু। সারাক্ষণ তার কথা বলা চাই। না বললে দু'ঠ্যাং ছড়িয়ে কাঁদতে বসে। এই যে লোকটা দিদির সঙ্গে কথা বলছে টুটুলের ভাল লাগছে খুব। সেও অজস্র কথা বলছে। হাত বাড়িয়ে দিচ্ছে। মিন্টু বলল, টুটুল প্যান্ট পরে আয়। ব্যাং বেঁধে দেবে।

টুটুল মুখ নাক গলিয়ে দিয়েছে শিকের ফাঁকে। সে কথাবার্তার বিষয়টা ঠিক বুঝে উঠতে পারে। দুমবার সত্যি কোথা থেকে একটা ব্যাং ধরে নিয়ে এল তখন ভয়ে নেমে সোজা দে এক দৌড়। মার কাছে উঠে বসল চুপচাপ। তারপর দুহাতে খামচে ধরল মাকে।

নির্মলার ঘুম ভেঙে গেলে দেখল টুটুল বড় বড় চোখে বলছে—মা' ব্যাঙো। ব্যাঙো আসছে।

নির্মলা টুটুলের সব কথা বুঝতে পারে না। সে বলল, হ্যাঁ ব্যাঙো আছে। ঘুমাতে পর্যন্ত দিস না। চোখে তোদের এক ফোটা ঘুম নেই! দিদি কোথায়।

টুটুল তাড়াতাড়ি মায়ের কোলে উঠে বসল, ব্যাঙো আসছে। থাকে। আমি ভাল। দিদি ভাল না।

মিন্টু তখন ভাইয়ের হয়ে দুমবার সিংকে বোর্ প্রবোধ দিচ্ছে। ভাই

আর ল্যাংটো থাকবে না। প্যান্ট পরে থাকবে। ভাই ভাই। বগে সে তখন চোঁচাচ্ছে।

মিষ্টু কার সঙ্গে কথা বলছে! তক্তপোশ থেকে নির্মালা নেমে গেল। সারা শরীরে শাড়ি জড়িয়ে বারান্দায় আসতেই দেখল, দুমবার মিষ্টুর সঙ্গে কথা বলছে। হাতে একটা জাম্বু ব্যাঙ। দুমবার মিষ্টুর কাছে এগিয়ে বলছে, ভাই কোথা। ভাইকে বুলিয়ে দেব। এবং তখনই বারান্দায় নির্মালাকে দেখে, বলল, সেলাম মাইজি, থোকাবাবু পালিয়েছে। সে হাসতে থাকল।

—আর বল না। সারাটাক্ষণ ভাইবোনে মারামারি। একটু যদি ঘুমোয়। তোমার ভয়ে তক্তপোশে বসে আছে। নামছে না। নির্মালা পেছনে তাকিয়ে দেখল, টুটুল উকি দিয়ে সেই দুমবার জানালায় আছে কিনা দেখছে। নির্মালা বলল, ভাল হয়েছে। কিছুতেই জামা প্যান্ট পরবে না। সব খুলে বসে থাকে। তুমি রোজ আসবে।

দুমবার সঙ্গে মার এত কি কথা হচ্ছে। উকি দিয়েই টুটুল কেমন ঘাবড়ে গেল। সেই ব্যাঙটা হাতে ধরে রেখেছে। তক্তপোশ থেকেই টুটুল বলল, জামা কৈ। আমার জামা কৈ!

মিষ্টু এবার ভাইকে সাহস দেবার জন্য বলল, দুমবার ব্যাঙো চলে গেছে।

টুটুল দিদির কথা বিশ্বাস করল না। জামা কৈ জামা কৈ করছে। নির্মালা জামা প্যান্ট পরিয়ে দিতেই সে ধীরে ধীরে যাবে কি যাবে না, কিন্তু লোকটা যে ভারি রহস্যময় জগতের বাসিন্দা টুটুলের কাছে। কিন্তুতকিমাকার পাগড়ি মাথায়। পায়ে নাগরাই জুতো, সাদা ফতুয়া গায়ে। আর লম্বা সাদা প্যান্ট। সবচেয়ে বিরাট তার বপু আর গৌফ। টুটুলকে একদিন দুমবার গৌফ ধরতে দিয়েছিল। সেই থেকেই দুজনে ভারি বন্ধুত্ব। মিষ্টু বের হলেই টুটুল বলবে, দুমবার যাব। দুমরাই একদিন কাঁধে নিয়ে মিষ্টু টুটুলকে রাজবাড়ি ঘুরিয়ে দেখিয়েছে। পুকুর পাড়ের শান বাঁধান ঘাটে দুমবার এক বিকেলে ওকে নিয়ে এসেছিল। ছোট ছোট বেলে মাছ ফটিক জলে দেখেছে টুটুল। গোশ ঘরে ছোটো খরগোশ থাকে। টুটুল তাও দেখেছে। আর হেমন্ত চলে যাচ্ছে, বেলি ছোট হয়ে আসছে, পূবের মাঠ অথবা শান্তক্ষেত্র থেকে উড়ে আসছে অজস্র ফড়িং প্রজাপতি। এই গাছপালা প্রজাপতি এবং পাখির ডাক শোনার জন্য বিকেল হলেই টুটুল ছটকট করে। মিষ্টুর হাত ধরে ঘুরে বেড়ায়। খুব বেশি দূর যাবার নিয়ম নেই। ঐ রক্তকরবী

গাছটা পর্বস্ত। সেখানে গিয়েই ভাই-বোন দাঁড়িয়ে থাকে। বাবা তার এই পথ দিয়ে ফিরে আসে।

হুমবার নির্মলাকে বলল, আমার সাথে খুব ভাব হয়ে গেছে মাইজি। গেল কোথায়। হাতে কিছু নেই। দু হাত ওপরে তুলে ভারি ছেলেমানুষের মত বলল, হাত খালি। ব্যাঙ্গে নেই খোকনবাবুর মুখ দেখ।

নির্মলা হুমবার সব খবর শুনেছে। সেই কবে বালক বয়সে দেশ ছেড়ে রাজবাড়িতে হাজির হয়েছিল মানুষটা। তারপর থেকেই গেল। কুমার বাহাদুর আর মানসবাবুকে ছেলেবেলা কোলে-পিঠে করে মানুষ করেছে। মানসবাবু কুমার বাহাদুরের সম্পর্কে কিছু একটা হয়। সেটা কি নির্মলা জানে না। টুটুলের বাবাই বলেছে, সম্পর্কে একটা বড় রহস্য আছে। কি সেটা টের পাওয়া যাচ্ছে না। হুমবার কিছু বলে না। সে অনেক কথা বলে, এই প্রসঙ্গে কিছু বলে না। আর সেই থেকে হুমবার রাজবাড়ি ছেড়ে যায় না যখন মানসদা পাগল হয়ে যায়, হুমবার ওপর তার পড়ে তাকে সামলানোর। সে এই পাগড়ি মাথায় নাগরা জুতো পরে। মানসদার কাছে লাঠি হাতে হাজির হয়। তারপরই মানসদা নাকি প্রকৃতিস্থ হয়ে যায়, অথবা আরও কিছু, সব সে স্পষ্ট কিছু বুঝে উঠতে পারে না। এ-বাড়িতে ঘোরাগির নিজস্ব কিছু জার্সি গরু আছে। সকালে-বিকালে হুমবার এক বালতি দুধ নিয়ে যায় এই জানলার পাশ দিয়ে। এইটুকু কাজ করতে দেখে। আর যখন দেখে—ভারি পরিপাটি, মাথায় পাগড়ি, পায়ে নাগরাই জুতো। এ দিকটায় এলেই হাঁক দেবে, খোকনবাবু পরী ধরে আনতে যাব। যাবে নাকি।

হুমবার মাতৃভাষাও বুঝি ভুলে গেছে। মাঝে মাঝে কথায় কিছুটা পশ্চিমা টান থাকে। বয়স জিজ্ঞেস করলে বলে, প্রথম যুদ্ধের কথা। সেই যুদ্ধে নাম লেখাতে বাড়ি থেকে পালিয়ে বের হয়ে এসেছিল। কম বয়স দেখে পণ্টনে নেওয়া হয় নি। তারপরই হুমবার আর কি করে। দেশে ফিরে গেলে বাপ ধরে গাছ পেটা করবে—ভয়ে আর যায় নি। হুমবার মা নেই। সে হবার পরই মা-জমী চলে গেছে এমন বলে। সবচেয়ে বিস্ময়, পৃথিবীতে লোকটার আপন বলতে কেউ নেই। কিন্তু তার জ্ঞান তার এতটুকু হুংস নেই। হুমবারকে নির্মলা সব সময় দেখেছে ভারি প্রসন্ন চিত্ত। মিস্ট্রুকে বলেছে, পরী ধরে এনে দেবে। ফলে হুমবারকে দেখলেই দুই ভাই-বোন পরীর কথা জিজ্ঞেস করতে ভোলে না। হুমবারকে দেখলেই দুই ভাই-বোন জানলায় লাফ দিয়ে উঠে দাঁড়ায়। পরীটা ধরা পড়েছে কিনা মিস্ট্রু জিজ্ঞেস করলে বলবে, ও ধরা পড়ে যাবে। শীতকাল আতঙ্ক না। তখন কুয়াশা হয়। খুব কুয়াশা,

ভারি চাদরের মত। পরীরা রাজবাড়িতে নেমে আসে। ছাদে ঘুমিয়ে থাকে। ছোট্ট পরীটা সে ধরবে ঠিক করেছে। দু-একবার ধরেওছিল। তবে বড় কান্নাকাটি করে। মা মা রে। সে ছেড়ে দিয়েছে। শীতের কুয়াশায় পরীরা আটকে থাকে। শীত না এলে হবে না।

মিষ্টু বলেছিল, উড়ে যাবে না।

—তা কি উড়তে পারে। কুয়াশায় পাখা ভিজে যায় না, মিষ্টুদিদি। উড়তে পারে না। খপ করে তখন...

মিষ্টুর ভারি কান্না পায়।—কতটুকুন দেখতে।

—এই তোমার মত। ঠিক তোমার মত দেখতে। ছোটো ডানা জুড়ে দিলে মিষ্টুদিদি পরী হয়ে যাবে।

—ধ্যাৎ আমি পরী হব কেন? পরীদের মা-বাবা থাকে?

দুমবার এমন কথায় কিছুটা বিভ্রমে পড়ে গেল। পরীদের মা-বাবা থাকে কিনা তারও জানা নেই। মা-বাবা বড়ই প্রিয় মানুষের। তার কিছুই নেই। শুধু রাজবাড়ির সব কাচা-বাচা তার এখন বন্ধু। তার নাগরাই জুতো মাথায় পাগড়ি দেখে ভারি মজা পায় সবাই। সে বলল, তোমার মা-বাবা আছে না!

—ঐ তো। তুমি আমার মা না?

দুমবার বলে, না না। ও তো আমার মা।

—হ্যাঁ বলেছে। আমার মা।

টুটুল বলল, আমার মা। বলেই মাকে জড়িয়ে ধরল। যেন দুমবার সত্যি অধিকার করতে আসছে তার মাকে। সঙ্গে সঙ্গে মিষ্টুও নেমে গেল জানালা থেকে। মাকে পিছন থেকে ধরে বলল, তোমার মা না। আমাদের মা।

নির্মলার এখন কাজ অনেক। বেলা পড়ে আসছে। ধর ঝাঁট দেওয়া, ধর মোছা, কলপাড়ে বাসন মাজা সব পড়ে আছে। এগুলো তাকে বেলা থাকতেই সেরে রাখতে হয়। হাতের কাজ শেষ না করে ফেললে, সন্ধ্যার পর মিষ্টুকে নিয়ে বসতে পারে না। ওকে এ-বছরই ফুলে দেওয়া দরকার। রাস্তা পার হলে নিবেদিতা কিণ্ডার গাটেনে ভর্তির কথাবার্তা বলে এসেছে। খুব কড়াকড়ি। মানুষটা ত অকস্মিক থেকে ফিরেই দু দণ্ড বসতে পারছে না। হাত মুখ ধুয়ে বের হয়ে যায়। নির্মলার কাজের জন্ত ছুটাছুটি করছে। কিছুই হচ্ছে না। নিত্য অভাব বাড়ছে।

নির্মলা ওদের ছেড়েও যেতে পারছে না। সংসারে কি যে হয়! চার-পাঁচ

সহর আগে এরা তার কেউ ছিল না। সে জানতও না অতীশ বলে এক যুবক তার জন্ত কোথাও বড় হচ্ছে। কোথাকার কে, সে এসে এই জীবনে সবটা জায়গা জুড়ে বসে গেছে। যত মিণ্টু টুটুল তাকে হুমবার নিয়ে যাবে ভেবে শক্ত করে জড়িয়ে ধরেছিল, তত সে অগ্নমনস্ক হয়ে যাচ্ছিল।

পাতাবাহারের গাছগুলির ও-পাশে হুমবারও কেমন চঞ্চল হয়ে ওঠে শিশুদের মত।—মাকে আমি নিয়ে যাব। আমার মা। তোমাদের মা-বাবা থাকবে আমার কিছু থাকবে না। বড়ই কাতর দেখাচ্ছে মিণ্টু-টুটুলকে।

নির্মলা বলল, ছাড়। কাজ আছে কত। আমি তোদের মা হই। হুমবারও।

এই কথায় মিণ্টু কিছুটা সাহস পায়। বলে, হুমবার দাদা আমার পরী আছে জান।

—কোথা। কে ধরে দিল।

মিণ্টু মাকে ছেড়ে-দিয়েই ছুট। সে তার ছোট্ট পুতুল হাতে করে এনে দেখাল, আঁখ। কি সুন্দর চোখ, নাক। আমার পরী। নির্মলা দেখল, টুটুল মিণ্টু আবার জানলায় উঠে গেছে। হুমবার কিছু কেড়ে নেবে না তাদের। সাহস কিরে পেয়ে আবার জমে গেছে। এই ফাঁকে সব কাজটাজ করে ফেলা দরকার। কাজের লোক ইচ্ছে করেই রাখে নি যতটা এক হাতে পারা যায়। খরচ বাড়ছে সেই অল্পপাতে আয় বাড়ছে না। মাঝে মাঝে মাছটার মুখ দেখলে প্রাণে কেমন ভয় ধরে যায়। চোখ মুখে অদৃশ্য এক যাতনা বয়ে বেড়াচ্ছে। খুলেও কিছু বলে না। লেখার টেবিলে বসে থাকে। কি ভাবে। তারপর কোন কোন সকালে সহসা খুব প্রসন্ন হয়ে যায়। বুঝতে পারে, লেখাটা শেষ করতে পেরেছে। একমাত্র এই দিনটাতেই সে শিস দেয়, বাজার যায়। ভাল মাছটাছ কেনে। মিণ্টু টুটুলের পাশে বসে এক সঙ্গে খায়। নির্মলার সাহস বাড়ে।

কলপাড় থেকে ফিরে দেখল হুমবার নেই। পুতুলটা নিয়ে ভাই-বোনে আরামারি শুরু করে দিয়েছে। টুটুল প্রাণপণ চেপে ধরেছে পুতুলের একটা পা। মিণ্টু ভাইয়ের মুখ খামচে ধরেছে। কেউ টু শব্দ করছে না। বগড়া করছে—কাছে না গেলে নির্মলা বুঝতে পারত না। টুটুল ক্ষণে ক্ষণে বড় জেদি হয়ে যায়। দিদির যা কিছু সবই তার দরকার। মিণ্টু কিছু নিয়ে বসলেই টুটুল সেটা নিয়ে টানাটানি শুরু করে দেয়। কাছে গিয়ে নির্মলা ছেলেকে কোলে তুলে নিল,—এভাবে ভাইকে খামচে দেয়। মিণ্টু হেরে গিয়ে হাউহাউ করে কাঁদতে

থাকল। আমার সব কিছু ও নিয়ে নেবে। পুতুলটার হাত ভেঙে দিয়েছে ও বাবাকে এলে বলব, টুটুল আমাকে মারে। টুটুল আমাকে কামড়ায়।

নির্মলা বলল, দিদিকে তুই মারিস কেন? মারলে দিদি তোকে ভালবাসবে!

মিষ্টু বলল, তোকে আজ বেড়াতে নিয়ে যাব না। দুমবার পরী ধরে দেবে, তোকে দেব না। রাতে শুয়ে থাকবি, দুমবা এসে ব্যাঙ্কো ঝুলিয়ে দেবে। যতভাবে পারা যায় মিষ্টু ভাইকে একটা ভয়ের সাম্রাজ্যে নিয়ে যেতে চায়। নির্মলা, ছেলেকে কোলে নিয়ে হাত-পা মুছিয়ে দিচ্ছে। মুখ মুছিয়ে দিচ্ছে, কাঁজল টেনে দিচ্ছে চোপে এবং জন্দের পরিপাটি এক শিশু শিশু খেলায় মনটা ভরে আছে তার। মিষ্টুর রাগ এতে আরও বাড়ছে। সে ব্যর্থ হয়ে রান্নাঘরের দরজার আড়ালে লুকিয়ে পড়ল। যেন সে হারিয়ে গেছে। এবারে মা কাঁদুক। টুটুলটাও কাঁদুক— দিদি নেই।

অতীশ অফিস থেকে তখন হেঁটেই বাসায় ফিরছিল। তার কিছু ভাল লাগছে না। কারখানার দেয়ালে পোস্টার পড়ছে। নানা রকম দাবী। অতীশ কি করবে বুঝতে পারছে না। আসছে মাসে মাইনে দেবে কিভাবে সে জানে না। বাজারে দেনা বাড়ছে। কোটার টিন তোলার টাকা নেই। অর্ডারপত্র কম। চার পাশ থেকে গাড়াশি আক্রমণ। দু নম্বরী মাল করলে এগুনি কিছু কাস্টমার বড় রকমের অ্যাডভান্স করতে রাজি। কিন্তু অতীশের ভেতরের সেই গৌয়ার লোকটা মাথা পাততে রাজি হচ্ছে না। কুম্ভাবুর কাছে তারা বার বার আসছে। বার বার ফিরে যাচ্ছে। নামী কিছু প্রতিষ্ঠান এই কোম্পানির দীর্ঘকালের খদ্দের। তারা বাজার দর শুধু দেখে না, মালের কিনিসিং দেখে। মেটালবক্স কিংবা এই জাতের বড় বড় প্রতিষ্ঠানে সিট মেটালের প্রতিদ্বন্দ্বী নয়। সিট মেটালকে এদিক-ওদিক ছড়ানো-ছিটানো ছোট ছোট কারখানাগুলির সঙ্গে লড়তে হয়। প্রিন্টিং কিনিসিং দুই তাদের বেশ ভাল। অতীশ জানে লিথো প্রিন্টিং অচল। কিন্তু আপাতত সে কিছু করতেও পারছে না। প্রিন্টিং মেশিন কিংবা কিছুটা রদবদল করে জিংক প্লেটে ছাপার ব্যাপারেও যে টাকাটা লাগাতে হবে, কোম্পানির হাতে সে টাকা নেই। এই সব চিন্তা ভাবনা মাথার মধ্যেও পোরেক ঢোকায়। আর সব সময়ই মনে হয় সেই এক অশুভ প্রভাব সর্বত্র কাজ করছে।

সে ফুটপাথ ধরে হেঁটে যাচ্ছে। পাশে এত লোকজন, অথচ এরা তার কেউ না। হেমন্তকাল এটা। শীতের বেলার মতো কলকাতার মাথায় রোদ্দুর ঠাণ্ডা তাপহীন। শরীরটা ভাল লাগছে না বলে সে তাড়াতাড়ি বের হয়ে এসেছে।

এবং কি যে হয়, অফিস থেকে বের হয়ে এলেই তার মনে হয় কেমন একটা মুক্তির স্বাদ। যতক্ষণ থাকে, এক দণ্ড সে নিজের কথা ভাবতে পারে না। অভ্যস্ত সমস্তা। রঙের সমস্তা, ডাইসের সমস্তা, কামাইর সমস্তা, ওভারটাইমের সমস্তা। কেবল মনে হয়, এরা কেন ঠিকমত কাজ করে না। কেবল মনে হয়, ওরা যা পারে তার সিকি ভাগ কাজ করে না। এই ছবুঁদি তারা কোথায় পায়। সে তো জাহাজে কাজ করে দেখেছে—পুরো আট ঘণ্টা কাজ। এক দণ্ড তার ফুরসত ছিল না। কাজে কোন ফাঁকি ছিল না। মাইনে কম, কিন্তু যা পরিস্থিতি মাইনে বাড়িতে গেলেই মাল বাড়ান দরকার। সে সবাইকে ডেকে বার বার বুঝিয়েছে। ওরা বলেছে ভেবে দেখি স্তার। সে বলেছে, এত কম মাইনেতে তোমরা বাঁচবে কি করে। আমাকে বাঁচাও, আমি তোমাদের বাঁচার পথ দেখছি। খুব তখন ওরা ভাল মানুষের মত স্বীকার করে গেছে, স্তার আপনি ঠিকই বলেছেন। কেউ কেউ গোপনে বলে গেছে, স্তার লাগানি-ভাঙানি হচ্ছে। কিছু করা যাচ্ছে না।

অতীশ হাঁটতে হাঁটতে বুরতে পারছিল, সংসারে ভাল থাকার কোন দাম নেই। সে ভাবল, কালই কুস্তবাবুকে এই কাজে লাগাবে। কুস্তবাবুর স্বভাব তাকে বড় করে দিলে, সে সব করতে রাজি হয়। কুস্তবাবু চায় সবটাই তার হাতে দিয়ে হোক। এবং পরদিনই সে কুস্তবাবুকে অফিসে ডেকে বলল, আপনি দেখুন না ওদের সঙ্গে কথা কয়ে কিছু একটা করতে পারেন কি না। কুস্তবাবু বলল, সব বেইমান দাদা! বেটারা খেতে পেতিনা না, হাতে পায়ে ধরে ঢুকেছিল। ঢুকেই অল্প চেহার। তা আপনি যখন বলছেন, দেখছি।

কুস্তবাবু জানে, তার একটা আলাদা সুবিধা আছে। সে যখন এদের চৌপ দেবে, তখন অল্প কেউ আর এক পাশে চৌপ ফেলে বসে থাকবে না। সব কিছু বানচাল করে দিতে চায়, আর কিছুর জ্ঞান না, শুধু সে দেখাতে চায়, সব সেই করতে পারে। অতীশবাবু এভাবে সহজে তার কবজায় আসবে, সে কল্পনাই করতে পারে নি।

সে বলেছিল, কি ভাবে রক্ষা করতে চান।

—আট ঘণ্টায় ওরা এ-মালটা তৈরি করতে পারে। বলে অতীশ চাইপ করা একটা লিস্ট কুস্তবাবুকে দিল। তারপর বলল, আপনি কি ভাবেন? আপনি ত অনেকদিন এখানে। আমার চেয়ে এটা আরও বেশি ভাল বুঝবেন।

কুস্তবাবু তালিকাটি দেখল। যা পারে, বরং তার চেয়ে কমই চেয়েছেন। যতবার অতীশবাবু এ-নিয়ে ফয়সালা করতে চেয়েছে, ততবার সে তলে তলে বাগড়া

দিয়েছে। —তোমরা রাজি হলেই মরবে; কোম্পানীর কাছে এটা রেকর্ড হয়ে থাকবে। এগ্রিমেন্টে গেলেই ফেসে যাবে।

কুন্ত বলল, মাইনে কি রকম বাড়তে চান?

অতীশ আরও একটি টাইপ করা তালিকা দিল তাকে। দুজন অফিস অ্যাসিস্ট্যান্ট আছে তার। সে তাদের দিয়েই সব করিয়ে রেখেছে।

তালিকাটি কুন্ত খুব ভাল করে দেখে বলল, আপনি ত দেখছি রাজাকে দেউলিয় করে ছাড়বেন দাদা।

অতীশ কিছুটা হতাশ গলায় বলল, এ-কথা কেন?

—আপনি দাদা মনে মনে কম্যুনিষ্ট আছেন। না হলে কেউ এমন এগ্রিমেন্ট করে।

অতীশ বলল, মনোরঞ্জনর সঙ্গে এই নিয়েই তো কথা বলেছি। কিন্তু ওরা রাজি হয়নি। আপনি আরও কমাতে চান।

—তা না হলে অ্যগ্রিমেন্ট করে লাভ কি। সবটাই ওরা খাবে। রাজার থাকবেটা কি!

—রাজা তো এখান থেকে কিছুই পান না।

—কিছু পান না বলবেন না, পেতেন। আপনি আসায় সেটা বন্ধ হয়েছে। কিন্তু জানেন ত এরা এ-সব শুধু দেখে দেখে আর দেখে। যদি কিছু না করতে পারেন যতই আপনার পেয়ারের লোক হোক...

অতীশ মুখ নিচু করে বসে আছে। তার যেমন জোর আছে অমলা তেমনি কুন্তবাবুর জোর তার বাবা। সে এসে বুকেছে এত বড় এন্টেন্টের এখনও যা কিছু স্বাবর অস্বাবর আছে তার বেচাকেনায় একটা বড় রকমের ব্যভিচার রয়েছে। এই ব্যভিচার শুধু ওপর মহলের দু-একজন আমলাই খবর রাখে। রাধিকাবাবু তার একজন। খুব একটা ঘাঁটাঘাঁটি করতে রাজাও তাকে সাহস পায় না।

অতীশ বলল, এটা অণ্ডায় মনে করেছি। জ্যাপের টাকা তিনি পেতে পারেন না। আর এতে কটাই বা টাকা, এটা পেলে না পেলে তাঁর কিছু আসবে যাবে না। আমাদের আসবে যাবে।

কুন্ত হা হা করে হেসে উঠল।—দাদা আপনি কোন যুগের লোক। টাকা মানুষের আত্মার কাছাকাছি। এদের কাছে আত্মার বিনাশ আছে কিন্তু টাকার বিনাশ নেই। শুধু রেখে যাওয়া। বাড়িয়ে যাওয়া।

অতীশের সবই কেমন গুলিয়ে যাচ্ছিল। এই লোকটাই রাজার হয়ে এত

ভাবে, এই লোকটাই রাজার এমন অপযশ গায়। সে বলল, কোম্পানির লাভ হলে তিনি তো ডিভিডেন্ট পানেনই।

—ভালোই হয়েছে। এতদিন সবুর সহ্যে না। আর কোম্পানীর লাভ বলছেন, এত সোজা। লাভ হলেই হতে দিচ্ছেটা কে। এখন নতুন আছেন, রাজা হাত দিচ্ছেন না। পরে হাত দেবেনই। শুধু একটু রয়েসসে হাত বাড়াবেন এই যা!

অতীশ সবই বুঝতে পারে। যত বুঝতে পারে তত শিটিয়ে যায়। তত এক অশুভ প্রভাব টের পায় মাথার ওপর ঘোরাঘুরি করছে। ওর চোখে কেমন স্থির হয়ে থাকে। অসহায় মানুষের মতো শুধু বলে, যা ভাল বুলুন করুন।

কুস্ত বলল, রাজার সঙ্গে সনৎবাবুর সঙ্গে কথা বলে নিয়েছেন?

অতীশ বলল, ওরা দেখেছেন।

—কী বলল দেখে?

—বলেছেন, ঠিক আছে। যদি তোমার মনে হয় এতে সুবিধা হবে তাই কর।

কুস্ত বলল, চা খাব দাদা। বলেই বেল টিপে সুধীরকে ডাকল। সুধীর এলে চা করতে বলা হল। তারপর কিসকিস গলায় কিছু যেন বলল কুস্ত। কিন্তু ও-ঘরে প্রিন্টিং মেশিন চলছে গুমগুম আওয়াজ। অতীশ স্পষ্ট শুনতে পাচ্ছে না। সে তাকিয়ে থাকল। কুস্তর মনে হল মানুষটা ভারি নিরুপায় এখন। এবং এখনই তাকে নিয়ে খেলা জমিয়ে তোলার প্রকৃষ্ট সময়। সে তালিকা দুটি ভাঁজ করে ব্যাগে ভরে রাখল। পরে ব্যাগের মধ্যে আর যা যা থাকার কথা দেখল ঠিক আছে কিনা। যেন একটা মোক্ষম অস্ত্র পেয়ে গেছে। সে ত আর অতীশবাবুর মতো বলবে না, আমি তোমাদের সঙ্গে কথা বলছি, সে বলবে, রাজার এই ইচ্ছে। রাজা এর চেয়ে এক পরসাদো বাড়াবে না। সে আগেই গেয়ে রেখেছিল মনোরঞ্জনকে, যাই করুন, রাজা এ-সব মানবে না। এগ্রিমেন্টের কোনো দাম নেই। দরকার পড়লে কারখানা বন্ধ করে দেবে। ভেতরে ভেতরে অনেক কিছু হচ্ছে। আসলে সে রাধিকাবাবুর ছেলে, এবং সহজেই রাজবাড়ির অনেক গুচ্ছ কথা জানার তার সুযোগ আছে। মনোরঞ্জন এটা বিশ্বাস করে। মনোরঞ্জন মানেই তার কর্মীরা। ইউনিয়নের সে এক নম্বর পাণ্ডা।

কুস্ত চা খেতে খেতে বলল, দেখতো সুধীর, আমার ওখানে কেউ বসে আছে কিনা। যদি থাকে বসতে বলবি। তারপর অতীশের দিকে তাকিয়ে বলল,

মাইনে ত দেখছি কারো কারো প্রায় দ্বিগুণ করে দিয়েছেন। যা মাল দেবে, সবটা ত ওরাই খেয়ে নিচ্ছে দেখছি।

—তা হবে কেন। কোম্পানীর অল্পসব খরচা একই থাকছে। মার্জিনেল প্রফিট বাড়বে।

কুস্ত বুঝতে পারে, অতীশবাবুর মাথা পরিষ্কার। সব ঠিক বোঝে। সামান্য ত্যাগ হলে আখের গোছাতে পারত। সেটাই নেই। এ সময়ে মানুষের যেটা সব চেয়ে বেশি দরকার। সে আবার সেই ফিসফিস গলায় বলল, আমাদের জন্য কি রাখলেন?

অতীশের এটা মাথায় আসে নি। মাইনে বাড়লে সবার বাড়ি উচিত। সে বলল, আগে এটা হোক, অর্ডার-পত্র বেশি আনুন। আমাদেরও হবে।

কুস্ত তত সহজে বুঝবে কেন। সে বলল, আমরাও দাদা মাইনে ভাল পাই না। একজন কেরানীর মাইনেও দেন না। ওতে চলে না। আসলে সে জম্মই যে তাকে ধান্দাবাজি করতে হয় সেটা ও বলে ফেলল, মানুষ চোর হয়ে জন্মায় না দাদা। পরিবেশ তাকে চুরি করতে শেখায়। কি, আপনি মানেন কিনা বলুন!

অতীশ বলল, সব সময় নয়।

হারামি। নিজের খুঁটি থেকে এক পা নড়বে না। তারপরই মনে মনে সে প্রফুল্ল হয়ে উঠল। আজই পিতৃদেবকে দিয়ে রাজার সঙ্গে একটা গোপন সাক্ষাৎকারের ব্যবস্থা করতে হবে। তালিকা দুটো এখন তার সখল। সে যে রাজার দিকটা কতটা দেখে, এই তালিকা দিয়েই আর একবার তা প্রমাণ করার চেষ্টা করবে। এবং সে উঠে পড়তেই স্বধীর এসে বলল, বসে আছে। কুস্ত কি ভেবে আবার বসল। লোকটা যখন এসে গেছে তখন কাজটা সেয়ে যাওয়াই ভাল। সে বলল, দাদা দশ টন পি সি আর সি পাওয়া যাচ্ছে। নেবেন। খুব সস্তায় হবে। পাউডারের কোঁটা হবে।

—নরম মাল ত!

—নরম মাল।

—কত করে বলছে।

সে দামের কথাটা লিখে দিল।

অতীশ বলল, পঞ্চাশ টাকা কম করে হবে কিনা দেখুন।

কুস্তর থিত্তি করতে ইচ্ছে হল। ঠিক সব খবর রাখে। তবু তার পনের টাকা

করে দালালী থাকবে। অনেক কমে গেল। অগত্যা বলল, টাকাটা আজই দিন। না হলে, রাখা যাবে না।

অতীশ বলল, মালটা পাঠিয়ে দিতে বলুন। সবটাই এক সঙ্গে দিয়ে দেব। তারপর কি মনে হতেই বলল, কত গেজ।

কুস্ত বলল, চলে যাবে। ত্রিশ একত্রিশ হবে। এসট্রেড।

পরদিন কুমার বাহাদুরের ঘরে তিনজনের এক সঙ্গে ডাক পড়ল। সনৎবাবু ভিতরে ঢোকান আগে সবটা বুঝে নিয়েছেন। আগলে অতীশ হেলপারদের মাইনে অনেক বাড়াবার প্রস্তাব দিয়েছে। যারা সাতাশ টাকা পেত, তারা পাবে পঞ্চাশ টাকার মত। পাঞ্চম্যান, কিটার কামড়িম্যান, লেদম্যানের মাইনে বাড়াবার প্রস্তাব দিয়েছে গড়ে কুড়ি টাকা করে। প্রিন্টার ব্লকম্যানদের আরও কম। এই এগ্রিমেন্টে সবচেয়ে উপকৃত হবে হেলপাররা। তারাই সংখ্যায় বেশি। অতীশ এ-সব ভেবেই এটা করেছে। সে গরিষ্ঠের সমর্থন পেতে চায়। এরাই সবচেয়ে বেশি শোষিত। তালিকা দুটো করার সময় অতীশের মাথায় এই চিন্তা ভাবনাই কাজ করেছে। কিন্তু মনোরঞ্জন এবং ইউনিয়নের পাণ্ডারা সায় দিচ্ছে না। এই এগ্রিমেন্ট মেনে নিলে, তাদের ওভার-টাইম বৃদ্ধ হয়ে যাবে—এমন কেউ বুঝিয়েছে। অতীশ বলেছে, আমরা পার্টিদের কাছ থেকে আরও অর্ডার আনব। প্রথম দিকে অসুবিধা হলেও আখেরে তোমাদের লাভ হবে। এত সব করেও সে পারে নি। এখন কুস্তবাবুর হাতে ভার দিতেই রাজার ঘরে ডাক পড়েছে। সে বুঝতে পারছে না, কেন আবার এই নিয়ে দরকার হবে। সিদ্ধান্ত সে একা নেয় নি। রাজেন্দা এবং সনৎবাবুর সঙ্গে পরামর্শ করেই এই তালিকা তৈরি করেছে।

ভিতরে ঢুকেই অতীশ দেখল রাজেন্দা বড় গম্ভীর। নীল রঙের টাই পরেছেন। চোখে নীল রঙের চশমা। গোঁফে দুটো একটা পাকা চুল সে আগে দেখেছে—আজ তাও নেই। মুখে পাইপ। তিনজনেই ঢুকে প্রথমে দাঁড়িয়ে থাকল। অতীশ দেখছে, তিনি মনোযোগ দিয়ে একটা ডিডের পাতা উল্টে যাচ্ছেন। এরা যে এসেছে, দাঁড়িয়ে আছে তা যেন তিনি বিন্দুমাত্র টের পান নি। অতীশ বুঝতে পারে বড়লোকদের এটা অভিনয়। এত ব্যস্ততার কিছু থাকতে পারে না। বাড়ির তিন চার বিঘে জমির ওপর গম চাষ হয়েছে। গমের সবুজ গাছগুলির ওপর দিয়ে কিছু শালিখ পাখি উড়ে গেছিল। শহরের মানুষজন যখন ফুটপাথে বস্তুতে জায়গার অভাবে কালাতিপাত করছে, তখন তার চার বিঘে

জমিতে অমলার সখের গম পাছগুলি সহসা চোখের ওপর মাথা তুলিয়ে গেল। এ-পাশে ট্রাম লাইন, ও-পাশে রেল লাইন, উত্তরে হাসপাতাল, ইস্কুল, বস্তি বাড়ি, এবং বিভিন্ন শহর। কত স্থলভরাৎবে এরই মধ্যে মানুষটা বেঁচে থাকার চেষ্টা করছে। শহরের ময়লা জল পথ-ঘাট উপচে এই বাড়িতে কোনদিন ঢুকে যেতে পারে— সেটা কুমার বাহাদুরকে দেখে কিছুতেই ভাবা যাচ্ছে না। তখনই চোখ তুলে কুমারবাহাদুর বললেন, বোস। সনৎবাবুকে বললেন, বসুন। ওরা উভয়ে বসে পড়ল। কুস্ত তখনও দাঁড়িয়ে আছে।

অন্য দিন অতীশই বলে, এ-পাশে এসে বসুন। আজ সে কিছু বলতে পারল না। সে কেমন টের পায়, কুস্তবাবু জল বেশ ঘোলা করে দিয়েছে। রক্ত মাথায় উঠে যাচ্ছে। এবং মাথা কিমঝিম করছে। সে মাথা নিচু করে বসে থাকল।

কুমার বাহাদুরই বললেন, তুই আবার দাঁড়িয়ে থাকলি কেন? বোস। সেই বাড়ির ছেলের মতো, কুস্ত: যে এ-বাড়িতেই জন্মেছে, বড় হয়েছে, এ-বাড়ির জন্ত তার যে একটা মায়ী থাকবে তাতে আর অবিশ্বাসের কি আছে।

কুস্ত বসতেই বললেন, তোর কি মনে হয়?

—এগ্রিমেন্ট ঠিকই আছে তবে...

—তবেটা কি বল!

—অর্ডারপত্র কম। অর্ডারপত্র না বাড়িয়ে এই এগ্রিমেন্ট যাওয়া ঠিক হবে না!

—কেন হবে না? কুমার বাহাদুর আবার প্রশ্ন করলেন।

—কুস্ত বলল, কাজ ঠিক-ঠাক পেলো ফাঁকা মাঠ হয়ে যাবে।

—স্পষ্ট করে বল!

—লোকজন বসে পড়বে।

অতীশের দিকে তাকিয়ে বললেন, তুমি এ দিকটা ভেবে দেখেছ?

অতীশ বুঝতে পারছে, কুস্তবাবু স্বযোগ সন্ধানী হয়ে উঠছেন। কুস্তবাবু অগ্রভাবে বিষয়টা তার বাবাকে বুঝিয়েছে। তার বাবা কুমারবাহাদুরের সঙ্গে কাজ সেরে ওঠার সময় হয়ত বলেছিল, কুস্তটা বলল, অতীশ ত ঠিক বোঝে না, ভাল মানুষ, ভাল মানুষ দিয়ে ত কুমার বাহাদুর সব কাজ হয় না, ঐ ত কি একটা এগ্রিমেন্ট করতে যাচ্ছে, গোড়ায় গলদ...এবং এই সবই মাথায় অতীশের কিলবিল করে পাক খাচ্ছে। সে কি বলবে বুঝতে পারছে না। মনে হল, সত্যি সে এদিকটা ভেবে দেখে নি। সে খুবই অক্ষম মানুষ। তার পক্ষে ঠিক এ-

ভাবে এগ্রিমেন্ট করার কথা ভাবা ঠিক হয় নি। তারপরই সে কেমন নেতিয়ে যাচ্ছিল—আর ঠিক সেই সময় মনে হল কুন্তাবু চায় আবার সেই দুই নম্বর মাল বানাবার সুযোগটাকে কল্যাণ করতে। এই সুযোগে রাজার কাছ থেকে অনুমোদনটা করিয়ে নিতে চায়। সঙ্গে সঙ্গে মাথার মধ্যে রক্তপাত শুরু হয়ে যায়—মানুষের পক্ষে এতটা ধান্দাবাজি ঠিক না। দু' নম্বর মাল দিয়ে কি হয় সে জানে। সে পীড়িত বোধ করতে থাকল।

সন্ধ্যাবু বললেন, প্রচুর অর্ডারপত্র হাতে থাকলেই অতীশ এটা তোমার সম্ভব।

অতীশ কোথায় যেন এবার দৃঢ়তা পেয়ে যাচ্ছে। সে বলল, যা আছে তাতে বসে যাবার কথা না।

কুমারবাহাদুর পাইপ খুঁচিয়ে আবার চোখ বুজে ধোঁয়া টানলেন। ধোঁয়া আসছে না। খুক খুক কাশলেন, কেমন একটা জ্বদ করার মতলবে যেন ওরা তিনজনই ওর চারপাশে এখন কাশতে শুরু করেছে। বেশ সময় নিয়ে কুমার বাহাদুর তারপর বললেন, এরা যদি মাল বাড়িয়ে দেয়, তুমি যদি মালের দাম না কমাও যদি বাজার হাত ছাড়া হয়ে যায় তখন কি করবে?

চাপটা প্রবলভাবে আসছে। সে বলল, দাম কমালেও এর চেয়ে অর্ডারপত্র বেশি আসবে না। আমাদের নতুন কান্ট্রিয়ার খুঁজতে হবে। মাছাতার আমল থেকে যারা আছে, তারাই নিচ্ছে।

কুমার বাহাদুর বললেন, তার কিছু ব্যবস্থা নিয়েছ?

—কিছু কিছু চিঠি পাঠিয়েছি। ধরুন কে এম পি রাজি হয়েছে! প্রিটিং আরও ভাল চায়। লিথো ব্লকে চলবে না। জিংক প্লেটে যেতেই হবে। কোটা, ইমপোর্ট লাইসেন্স সব দরকার। টাকা নেই।

—তুমি বেশ আছ, টাকা নেই, তুমি এদিকে সবার মাইনে বাড়াতে চাইছ।

—ওরা মানবে না। আপনাকে বাড়াতে হবেই। সেটা আজ নয় কাল।

কুমার বাহাদুর বললেন, আজ-কালের মধ্যে তাকাং অনেক হে ভায়া। তোমরা সেটা বুঝতে শেখ নি। হাতের কাছে যা পাবে তাই নিয়ে নাও এখন। তারপর এগ্রিমেন্টে যাও।

সেই দু' নম্বরী মালের প্রসঙ্গে আসছে। শেঠজি, রামলাল, কিশোরীলাল, পিয়ায়ীলালেরা ঘোরাকেরা করছে। সে বলল, আগে ইউনিয়নের সঙ্গে অ্যাগ্রিমেন্ট হোক। তারপর দেখি বসে যায় কিনা। যদি যায় এরা ত আছেই। এখনই তাড়াহুড়া করে খুব লাভ নেই।

এবার কুমার বাহাজুর কুস্তবাবুর দিকে তাকিয়ে বললেন তাহলে ওটা করে ফেল। অতীশ ত রাজি আছে। বসে যদি যায়, তখন না হয় শেঠজীদের মালের কথা ভাবা যাবে। কুস্তর মনে হল হেরে যাচ্ছে। সে বলল, আক্ষে তাই তবে হবে। কিন্তু কুস্তর মুখ দেখে অতীশ বুঝতে পারল, সে সহজে তাকে নিস্তার দেবে না।

কুস্তর মেজাজ বিগড়ে গেলে চোখ দুটো লাল হয়ে যায়। এটা মানুষের পক্ষে স্বাভাবিক। অতীশের কাছে এটা মনে হয় তারি বিপজ্জনক বিষয়! সে আঁচিকো দেখেছে, ঠিক এ-ভাবে মাথা ঠিক রাখতে পারত না। আঁচির ছিল বনির ওপর প্রলোভন। এবং প্রলোভনে পড়ে গিয়ে সে ছোটবাবুকে যখনই স্বযোগ পেত নির্ধাতন করত। কুস্তবাবু চাকার প্রলোভনে সেই একই কাজ করছে। এবং এটা যে কখন নির্দাক্ষণ নিষ্ঠুর হয়ে উঠবে, অতীশ আবার দেখতে পাবে একটা বাঘের মতো মুখ—যেন ভোরা কাটা, প্রায় আঁচির মতো মাথা উঁচিয়ে বসে আছে—সে ভীত হয়ে পড়েছিল। সে মনে মনে বলল, না না, ওটা বাঘের মুখ না। মানুষের মুখ। বাঘের মুখ হয়ে গেলেই মনে হবে, হতায় কোন পাপ নেই। যদি আঁচির মুখে সে সামান্যতম মানুষের অবয়ব খুঁজে পেত! তবে বোধ হয় খুন করতে পারত না। সে পেছন থেকে ডাকল, কুস্তবাবু। আসলে সে আবার মুখটা দেখতে চায়। মুখের অবয়বে মানুষের মুখ দেখতে চায়। কারণ সে নিজেকে বড় ভয় পায়। নিজেকে সে বিশ্বাস করে না।

কুস্তবাবু বারান্দায় এসে বলল, আমাকে ডাকছেন দাদা?

অতীশ অপলক দেখতে থাকল মুখটা। আঁচির মতো বেঁটে, রং ফর্সা, নাক খাবড়া, চোখ গোল গোল, বাঁটা গোঁফ এবং মাথায় কৌকড়ানো সেই চুল। সে বলল, গোঁফটা অত বড় কেন রেখেছেন কুস্তবাবু।

কুস্ত বলল, কি হয়েছে তাতে?

অতীশ ভীক বালকের মতো বলল, আমার ভয় করে।

কুস্ত হা হা করে হেসে উঠল। এবং সেই হাসিতে অতীশ কেমন শ্রিয়মাণ হয়ে যায়। বুঝতে পারছে, সে স্বাভাবিক কথাবার্তা বলছে না। সে এমন হয়ে যায় কেন! তার মাথার মধ্যে কে টরে-টকা বাজায়।

॥ ষোল ॥

জানালা থেকে রোদে নেমে গেলেই কাবুলের চঞ্চলতা বাড়ে। বড় স্তম্ভসময়
বয়ে যাচ্ছে। বাবুঁচি পাড়া, বাবু পাড়া, পুরান পাড়ার ঘরগুলিতে এখন পুরুষদের
সংখ্যা কম। কাজে-কন্মের দান্দায় দশটার আগেই পাড়া খালি করে তারা বের
হয়ে যায়। তখন কাবুল উকি দিয়ে দেখে। গ্যারেজের চাবি নিয়ে আঙুলে
রিঙ খোঁরায়। আর একটু সময়—কারণ হাসিরানীর বাড়িতে এখনও কিছুটা স্নান
আহারের তাড়া আছে। কুস্তুর ভাই দুলাল শব্দ কলেজে গেলেই বাড়িটা ফাঁকা।
স্বরেনের মেয়েটাকে কুস্তুর পাহারায় রেখে যায়। ওতে তার সুবিধাই হয়েছে।
কাই করমাস দিয়ে বাইরে পাঠিয়ে দিলেই সব স্নানসান। অবশ্য ইদানীং হাসি-
রানীর সতীপনা বেড়েছে। মেয়েটা হয়ে যাওয়ার পরেই আর গায়ে ফায়ে বেশী
হাত দিতে দেয় না। তবু কি যে হয়, হাসিরানীর গোলগাল চোবলা মুখ,
চোখের সামনে ভাসে। মাথা কিম মেরে থাকে। কেবল জানলায় চোখ দিয়ে
বসে থাকে। এই রাধিকাবাবু গেল, এই কুস্তুর গেল। শব্দ দরজায় এসে দাঁড়িয়েছে।
সেও বের হয়ে যাচ্ছে। বাকি থাকল এক। কাবুল বেশ অস্থির হয়ে পড়েছে।
ঘরে পায়চারি করছে। কান চোখ মুখ কেমন গরম, জ্বর আসার মতো। সে
এক দণ্ড বসে থাকতে পারছে না। হাসিরানী বোঝে না কত সে করে। কুস্তুর
ছ্যাঁচড়া স্বভাব। বোঁরানী সব জানে, টের পায়। তার তখন এক কথা, ছ্যাঁচড়া
লোকটা তোমাদের আছে বলেই সিট মেটাল টিকে আছে। সব অভিযোগ সে
সময় খণ্ডন করে দেয়। এবং কুস্তুর যদি কখনও এসে দেখতে পায়, রাধিকাবাবু
যদি দেখতে পায় সবটাই হজম করে নেয়। ঐ এক গেরো। সে তখন বেশ
সরল মানুষের মতো হেসে দেয়। আরে কুস্তুর যে! তোমার শালা বড় খারাপ
স্বভাব। বোঁকে ছেড়ে থাকতে পার না। মেসোমশাইকে বলবে, চা খাচ্ছি। এ
বাড়ির চা না খেলে দিনটাই খারাপ যায়। এই হাসি এত কিপ্টে কেন বাবা!
এক কাপ চাও দেবে না! অথবা নানা রকমের কথা ইস্টবেঙ্কল মোহনবাগানের
কথা। সিনেমার নায়ক নায়িকার কথা। কোথাও যদি দুখটনা ঘটে থাকে তার
কথা। কেবল কথা।

রাধিকাবাবু জানে, কুস্তুর চাকরি কাবুল করে দিয়েছে। রাধিকাবাবু জানে
তিনি যে বিখ্যাত মানুষ, এটা কাবুলই বলে বলে এখনও বোঁরানীর কাছে ঠিক

রেখেছে। অর্থাৎ এ-বাড়িতে কি খাওয়া হয়, কি বৈভব আছে, তা বোরানীর কানে যায় না কাবুল হাতে আছে বলেই। যা মাইনে ভাতে পেট চালানো দায়। অথচ রাধিকাবাবু এখনও দেশের বাড়িতে ছুগা পুজো করেন। মেয়েদের মাসহারা পাঠান। ছেলেদের সবার নামে ব্যাংকে একাউন্ট করে দিয়েছেন। একটা আমবাগান, নারকেল বাগান, দশ বিঘের ওপর নীলগঞ্জের কুঠিবাড়ি বেনামে কিনে নিয়েছেন রাজার কাছ থেকে। এত সব করছেন, অথচ বিশ্বাসী হতে আটকাচ্ছে না। মূলে আছে কাবুল। তাত-ছাড়া হলেই সব দাপট যাবে।

কাবুল না থাকলে কুস্তকে ক্যা ক্যা করে ঘুরে বেড়াতে হত। চাকরি করে দেবার পরই কুস্ত এসে বাপকে একদিন বলল, সব চুরি হয়ে যাচ্ছে বাবা। জ্যাপ বিক্রি করছে, টাকা জমা পড়ছে না। বুড়ো ম্যানেজার মেরে দিচ্ছে।

রাধিকাবাবু বলেছিলেন, তার আমি কি করব ?

—রাজার কানে কথাটা তোলেন।

—শুনবেন কেন ? আমার ত ওতে কথা বলার এক্তিয়ার নেই। আসলে নিজের পাছায় ঐ যে কি লেগে থাকে না, তাই হয়েছে রাধিকাবাবুর। সব সমস্ত সতর্ক থাকতে হয়। তার ওপর পুত্রের ঝামেলা তিনি কাঁধে নিতে রাজি না। যে যায় লঙ্কায় সেই হয় রাবণ। দোষের কিছু না।

সুতরাং কাবুলকেই ধরতে হয়। কুস্তর কাবুলই ভরসা। এক সঙ্গে বড় হয়েছে। এক সঙ্গে পড়েছে, ফুটবল খেলেছে। বেশালয়ে গেছে কাবুলের টাকায়। এস্টেট থেকে মাসহারা পায় কাবুল। সে অনেক টাকা। যত ফুটি-ফাটা কাবুলই তাকে করিয়েছে। এখনও কাবুল সহায়। কাবুলকেই সে বলে বলে কান ভারি করেছিল। তারপর কি সুসময় কুস্তর। রাজা ডেকে পাঠিয়েছিলেন। রাজা সব খবর নিতে থাকলেন। সনৎবাবুকে ডেকে বলেছিলেন, সিট মেটালেজ ম্যানেজার সব ত ফাঁক করে দিচ্ছে। খবরটা রাখেন। সনৎবাবু বলেছিল, না জানি না। আমার বিশ্বাস হয় না। আমি তাকে খুবই ধার্মিক মানুষ জানি। তখন লাগে সনৎবাবুর পেছনে। এই করে এত দূরে আসা কুস্তর। কুস্ত তখন হাসিরানীকে বলত, কাবুল এলে আদর যত্ন কর। কুস্ত জানত হাসিরানীর প্রতি কাবুলের কিছু দুর্বলতা আছে। কুস্ত বাড়ি না থাকলেও সে আসত ঠিক বাড়ির ছেলের মতো। এখন যত দিন যাচ্ছে কাবুলের আকাঙ্ক্ষা বাড়ছে। আর দশজনও দেখছে, কিন্তু রাধিকাবাবু চুপ, কুস্ত কখনও কিরে এসে দেখলেও চুপ। ভিতরটা গুম মেরে গেলেও ওপরে ঠাট্টা তামাশা। এখন আর তত সহজে বলতে পারে

না, কুস্ত আমার জন্ত যা করেছে! কুস্ত না থাকলে হাসিরানীর মুখে আর হাসি ফুটত না।

কাবুল এবার নিঃশ্বাস ছেড়ে বাঁচল। যাক দুলালটাও চলে গেল। এখন কোয়ার্টারে শুধু হাসিরানী আর টেবি। এই দুজন। হাসিরানী ঠিক এখন মেয়েকে নিয়ে মজছে। সে পেছন থেকে গিয়ে একটা হুঁম করবে। হাসিকে ভয় পাইয়ে দেবে। তারপর মোড়া টেনে বলবে, এই টেবি যা ত, রবির দোকান থেকে গরম সিঙাড়া কচুরি আন। হাসি চা লাগাও। যেন এই চায়ের জন্ত ফন্দি ফিকির করে গোপনে ঢুকে যাওয়া। বলে রাখা, এখনও সময় হয় নি, কুস্তকে বল, সবটাই খেলিয়ে তুলতে হয়।

তখন কুস্ত বলল, দাদা শরীরটা ভাল লাগছে না। অফিস যাচ্ছি না। আপনি যান।

সাধারণত অতীশ এবং কুস্ত একই সঙ্গে কারখানায় যায়। কোন দিন কাবুলের সঙ্গে। কুস্তর রাজবাড়ির আলগা কাজ থাকলে কুস্তর যেতে দেরি হয়। সেদিন অতীশ একা যায়। আজও হয়ত কোন কাজ টাঙ্গ পড়ে গেছে! সে বলল, কাবুলবাবুর সঙ্গে কোথাও বের হবেন!

কুস্ত বারান্দার গোল টেবিলের পাশে দাঁড়িয়ে কিছু যেন ভাবছে অতীশের কথা শুনতে পায় নি। কালও রাজার সঙ্গে কথাবার্তা প্রায় ঠিক। আগে মাইনে বাড়ান, মাল বাড়ান ওভারটাইম বন্ধ করুন, সব ঠিক আছে। কিন্তু অর্ডারপত্র কম। বেশি অর্ডার পত্র নিতে হলেই রামলাল পিয়ারিলালের দরকার। এত বছর এই করে চলে আসছে। আজ হঠাৎ রামায়ণ গাইলেই হবে কেন! রাজাও কথা দিয়েছিল—কিন্তু তারপর সব কেমন ওলটপালট হয়ে গেছে। কে সেটা করে! তবে সে অতীশকে যতটা বোকা ভেবে থাকে, সে ততটা বোকা নয়। বোকা ঠিক নয়, যতটা ভালমাহুষ ভাবে, ততটা ভালমাহুষ নয়। বোরানীর সঙ্গে কি কোন গোপন সম্পর্ক আছে! কে জানে! কুস্ত মনে মনে ভীষণ জেদি হয়ে উঠছে। চোখ মুখ লাল। অতীশ ফের কোন কথা বলতে সাহস পেল না। সে এই সব মুখে কি ধরা পড়ে, জানে। এবং কুচক্রীকে সে ভয় পায় আর তার মুখে বাঘের মুখ দেখে ফেলে বলেই ভয়। এখন আর সে মাহুষের মুখে বাঘের মুখ দেখতে চায় না। টুটুল মিন্টু আছে। মিন্টুর জন্ত সে ভেবেছে একবার নিবেদিতায় যাবে। নির্মলার শরীর ভাল যাচ্ছে না। এখানে এসে রোগী হয়ে গেছে। নির্মলার দাদা এসে একবার কিছুদিন নিয়ে রাখতে চেয়েছিল, অতীশের অসুবিধা হবে।

তেবে যায় নি। আসলে নির্মলার এখন একার হাতে সংসার। সে টানতে পারছে না। অভাব বাড়ছে। এই সব সাত পাঁচ চিন্তা ভাবনায় সে যখন ট্রাম রাস্তা পার হচ্ছিল তখন কুস্ত বরের দিকে হাঁটছে।

আসলে উচ্চাকাঙ্ক্ষা মানুষকে কখনও কখনও ভাবি গোলমালে ফেলে দেয়। এবং এই আকাঙ্ক্ষা মানুষকে কখনও কখনও বড় রক্তাক্ত করে। মেজাজ মজি ঠিক রাখা যায় না। কুস্ত বাড়ি ঢুকেই মেজাজ মজি ঠিক রাখতে পারছে না। দাঁত চেপে হুজুম করে যাচ্ছে। টেবিটা নেই। সে ঢুকেই বলল, টেবি কোথায়?

কাবুলের ভেতরটা কেঁপে উঠল। কুস্ত অসময়ে! অবশ্য অসময়ে কুস্ত আরও এসে দেখেছে, খোস মেজাজে হাসির সঙ্গে নানা রকমের সে গুল ঝেড়ে যাচ্ছে। কাবুল জানে দায়টা কুস্তর কোথায়। সে সহজেই খুব সরল মানুষ হয়ে যেতে পারে। কুস্তকে দেখেই বলল, কি বে খুব জোর লেগেছে!

কুস্ত হাসির দিকে তাকিয়ে বলল, একটু গরম জল বসাও। দাঁত ব্যাথা করছে।

হাসি বলল, বসাও না। আমি কি বসে আছি। কুস্ত কিছু বলল না। ব্যাগটা ঘরের ভিতর রেখে নিজেই কেটলিতে জল ঢালতে থাঁকল। হাসি যেন পান্ডা দিচ্ছে না। সে ত কাবুলকে নিয়ে কিছু করছে না, মেয়েটার গায়ে তেল মাখাচ্ছে। কাবুল পাশে মোড়ায় আছে। কে আসে কে যায় হাসির যেন মাথাব্যথা নেই।

কুস্ত জলটা ঢেলে টোতে কেটলিটা নিজেই বসিয়ে দিল। খুব গম্ভীর। কাবুল লক্ষ্য করছে সব। কাবুল এটা টের পায়, কুস্তর যতই মেজাজ বিগড়ে যাক, যতই দাঁত ব্যাথা করুক এখন উঠতে চাইলেই ধরে রাখবে। বসিয়ে রাখবে। খুঁটিয়ে খুঁটিয়ে রাজবাড়ির ভেতরের ঘর নেবার জন্য দাঁত ব্যাথা সত্ত্বেও অনর্গল বকবে। সে বলল, কুস্ত জলটা বেশি করে দে। তোর বৌকে ত বলে পারলাম না। একটু চা পর্যন্ত করে দেয় না এলে। আমার মূল্য ধরে দেখছে না।

—বাদ দে ভাই আমাদের কথা। সে ঘরে গিয়ে সব খুলে একটা লুঙ্গি পরে এল। তারপর কারো দিকে তাকাল না। কাবুল তাকালেই হাসিকে সে নষ্ট মেয়ে ভাবছে। হাসির মুখ দেখলেই ধরে পেটাতে ইচ্ছে করছে। শরীরে তার এত কি জ্বালা! গতরের জ্বালা, সে আমারও কম নেই।

হাসি বেশ খুশি খুশি। কুস্তর দাঁত ব্যাথার জন্য এতটুকু কোন সহনশীলতা নেই। সে মেয়েটার টুংলা গালে চুমো খাচ্ছে। হু-হাত হু-পা মূঠো করে ছেড়ে দিয়ে

বলছে, ফুকা। মেয়েটা খিলখিল করে হেসে উঠছে। একবার কুস্তর দিকে চোখ টেরচা করে চেয়েছে। তারপরই ভেবেছে, তুমি একটা ম্যাঙ্কো। আমাকে ধষ্টাবে। লোকটাকে ত কিছু বলতে পার না। ভাল লাগলে কি করব। রাজবাড়ির গন্ধ লোকটার গায়ে। সে একবার এটা বলেও ফেলেছিল, সন্দ যখন বারণ করে দাও না। তুমি না করলে আমিই করব।

কুস্ত জলে পড়ে যাবার মতো চিংকার করে উঠেছিল, আরে না না! চটাতে যেও না। বন্ধুবান্ধব লোক। এক সঙ্গে মানুষ হয়েছি, মা বাবা কেউ নেই, পিসতুতো ভাইয়ের কাছে আছে। আছে বলেই যে কুস্তর রক্ষা সেটা আর বলে না। হুতরাং হাসি ভয় পায় না। বরং মজা পায়। ছজন পুরুষকে নিয়ে খেলতে মজা পায়। মেয়েটা হবার পর পুরো এক মাস সিনেমা না দেখেছিল। সাত পাকে বাঁধা বইটা হাসি চারবার দেখেছে। আবার এলে দেখবে। এসেও-ছিল। চলেও গেছে। এক মাসে হাসির জীবনে অনেক ক্ষতি হয়েছে। মেয়েটা হওয়ায় এই ক্ষতি। তার পর টেবির কাছে রেখে সেটা বাকি তিন মাসে পুষিয়ে নিয়েছে। এখন তার আকাশ বড় স্বকমক করছে ফের। সে একা কাটায় কি করে! আর মানুষের কথা সে টের পেয়ে গেছে সব। ওদের দৌড় বিছানা পর্যন্ত। যতই লক্ষ্যবস্তু হোক রাতে সব কাত। না, শরীর ভাঙাচ্ছে না। আমাকে ঘুমোতে দাও। আর যায় কোথায়। সোহাগে সোহাগে তখন পাগল করে ছাড়বে। কি চাই, শাড়ি, দেব। অলংকার—দেব। সিনেমা—দেখাব। তখন আর পৃথিবীতে কিছু বাদ থাকে না—সব এনে শ্রীচরণ পদ্মে হাজির। হুতরাং হাসি কুস্তর দাঁতের ব্যথায় গা করল না। রাত এলেই সব সেয়ে যাবে। ব্যথা টেখা সব পগার পার। হালুম হালুম তখন। খাব খাব তখন।

কাবুল বলল, হাসি তুমিও পার। দাঁত ব্যথা বলতে! জলটা বসিয়ে দিতে কি তোমার ক্ষতি ছিল বুঝি না!

হাসি কাবুলের কথাও গ্রাহি করল না। সে মেয়েকে চান করাতে থাকল। রোদে জল দিয়ে রেখেছিল, সেটা দিয়ে চান করাচ্ছে। দুগাছা দুর্বা দেওয়া জলে। জলে কোন সংক্রামক বীজাণু থাকতে পারে ভেবে এই দিয়ে রাখা; পূজো আচার্য যা লাগে শিশুর স্নানে তা দিলে সংসারে পাপ থাকে না। অথচ শরীরে কি যে থাকে! শিশু বড় হয়, বালিকা হয়, যুবতী হয়। কুস্ত হয়, হাসি হয়, কাবুল হয়। আর এ-সময়েই মনে হল অতীশও হয়। সবই হয় পৃথিবীতে। লোকটা তাকে বলেছিল, লক্ষ্মীর পট কিনে দেবে। এখন যেন সেটাই বেশি তাকে

কামড়াচ্ছে। কন্তোটির শরীর মুছিয়ে দিতে গিয়ে বিড়বিড় করছিল, কেউ কথা রাখে না। যে যার মতো মিছে কথা বলে। লক্ষ্মীর পট কিনে দেব একটা। তাঁর আর নাম গন্ধ নেই।

কুস্ত আর পারল না। সেই লোকটা এ-বাড়িতেও ঢুকে গেছে। রাজবাড়িতে ঢুকছে ঢুকুক। এ-বাড়িতে কেন। সে কালীঘাটের কালীর মানসপুত্র। তার পরে লক্ষ্মীর পট কেন আবার। সরল সুখা! সে সহসা চিংকার করে উঠল, আর কিছু চাই না!

—চাইলেই দেয় কে?

কাবুলের দিকে তাকিয়ে কুস্ত বলল, দেখছিস, দেখছিস হারামজাদী মাগী কি বলছে।

কাবুল খুব মাগিগন্ডি মানুষের মতো বিচারে বসে যায়। —অথবা মাথা গরম করছিস কেন ভোরা?

—আমি করছি। বল, আমি করছি।

—কেউ করছিস না। নে, চূপ কর।

হাসি মেয়ের জন্ম দুধ গরম করবে! জল গরম এখনও হয়নি। ঠাস করে কেতলি নামিয়ে ছুঁটা বসিয়ে দিল। মেয়েটা এক হাতে ঝুলছে।

—দেখলি ত। আমি কি তোর মাগী গোলাম।

—ছোটলোকের মতো কথা বলবে না বলে দিচ্ছি। হাসির চোখ গরম হয়ে গেল।

কুস্ত বলল, একশবার বলব। নষ্টামীর আর জায়গা পাস না।

হাসি মেয়েটাকে খাটে শুইয়ে দিয়ে এসে বলল, একশবার করব। মূরদ থাকে ত সামলিও।

কুস্ত কেমন বিচলিত বোধ করে। কাবুলের দিকে তাকিয়ে বলল, সব যাবে। তুই জানিস লক্ষ্মীর পট কিনে দিয়ে সে কি করতে চায়?

—সে তুমি বোঝগে। আমার সময় নেই বোঝার কি করতে চায়।

কাবুল বুঝতে পারছে বিষয়টা তাকে নিয়ে নয়। নতুন ম্যানেজারবাবুকে নিয়ে। অতীশ হাসিকে লক্ষ্মীর পট কিনে দেবে বলেছিল। সেদিন গাড়িতেই যেন কথাটা হয়েছে। অতীশকে হাত করার জন্ম সঙ্গে হাসিকেও নিয়েছিল কুস্ত। কাবুল কিছুটা রেগে গিয়েই বলল, তা কিনে দিলেই পারিস। হাসি একটা ঘরে লক্ষ্মীর পট বিক্রিতে চায়, তা করে দিচ্ছিস না কেন? ঠাকুর দেবতা বলে কথা।

ঠাকুর দেবতাই সম্বল কুস্তুর। তার এতে সায় যে নেই তা নয়। কিন্তু যে মাহুয়া তার উপার্জনে বাগড়া দিয়ে যাচ্ছে, তার অমঙ্গল কামনা করছে, সেই মাহুয়ের পরামর্শমত লক্ষ্মীর পট কেন আসবে বাড়িতে!

সে বলল, আরে তুই মেয়েছেলে, লোকটা তোর কোন উপকারে লাগে বুঝিস না। কেবল কেড়ে নিতে এসেছে। গয়নাগাটি পরে খামটা নাচ এবারে তোর পরে করে দেবো। এতবড় স্থযোগ নালে হাতছাড়া হয়। সময় খারাপ যাচ্ছে, কাবুল। তুই যে বলছিলি, আমার হাতটা কাকে দিয়ে দেখাবি। পাথর-টাথর খাণ করলে গ্রহের কোপ কমে যায়। সব গ্রহের দোষ হচ্ছে বুঝি। কিন্তু কি করব গণ। তুমিও তো শালা কোন কন্সের নও। তোমার দাদাটি আর এক নপুংসক।

কাবুল এতক্ষণে কুস্তুর জ্বালাটা কোথায় বুঝতে পারছিল। দাদাকে টেনে আনায় সে কিছুটা অস্বস্তি বোধও করছে। আজ কিছু একটা হয়েছে। কি হয়েছে সেটা সে আন্দাজও করতে পারল। ভেবেছিল কুস্তুর বাপকে দিয়ে কাজ উদ্ধার করবে। রাতে খাবার টেবিলেই দাদা তাকে বলেছিল, বুঝুছিস ভায়া জুটো হুঁরকমের; একটা চোর ছাঁচোড়, অগুটা গোঁয়ার। কোনটাকে যে সামলাই। সে শুণ্ণ ফুট কেটে বলেছিল, অতীশবাবু যদি পারে করুক না। ছু নদরী মাল গানিয়ে কতদিন চলবে।

আর সেই কথায় বৌদিরও সায় ছিল। বলেছিল, অতীশকে নিয়ে আসাই ভাল হয়েছে। ওর বাপ জ্যাঠাকে আমি জানি। রক্তে দোষ আছে। তাকে দিয়ে তুমি পারবে না।

কুস্তুর বলেছিল, সব হবে বৌদি। ঠেলার নাম বাবাজী। এখন হচ্ছে না, পরে হবে।

এইসব কথাবার্তা রাতে হয়েছে। সে কুস্তুর পক্ষে একটা কথাও বলেনি। কুস্তুর যে চোর ছাঁচোড় সেই খবরও কাবুলই দাদার কানে পৌঁছে দিয়েছিল। আর তার কাজই এখন এটা। সে সব কনসার্নে ঘুরে বেড়ায়। নিচু মহলের লোকদের সঙ্গে মিলে মিশে যেতে পারে। এবং রাজার ভাই বলে সবাই আখড়ার খবর তার মারফত সঠিক জায়গায় পৌঁছে দিতে চায়। বাপকে দিয়ে উদ্ধার পেতে যাচ্ছে কুস্তুর। সেয়ানা হয়ে উঠেছে। ভেবেছে তার আর দরকার নেই। এখন গোপন, কত ধানে কত চাল। কাবুল বলল, আমাকে আগে থাকতে বলবি ত। কি হয়েছে বলবি ত।

কুস্তুর কি ভেবে বলল, না কিছু হয়নি।

—হয়নি ত শালা অফিস, যাগনি কেন! এসেই বোর ওপর হসি তঙ্কি করছিস কেন।

—মানুষের শরীর খারাপ হতে পারে না।

—তোমার শরীর খারাপ। তা'লেই হয়েছে।

—কেবল রাজ-রাজড়ার বুদ্ধি শরীর খারাপ হয়।

কাবুল বুঝতে পারল, আবার শালা দাদাকে টেনে আনবে। পরে বোদিকে। বোদির সঙ্গে অতীশের বাল্যপ্রণয় ছিল কিনা, তাও কুস্ত অনায়াসে বলে যেতে পারে। মুখে ওর কিছু আটকায় না। মজি মতো কাজ না হলেই সব মানুষ ওর কাছে খারাপ। কাজ উদ্ধারের জন্ত সে সবকিছু করতে পারে! না পারলে দুনিয়া শুদ্ধ লোক তার কাছে ইতর এবং ধান্দাবাজ। সেই লোক এখন বারান্দার এক কোনায় গুম মেয়ে বসে আছে।

টেবি তখনই এল একগোঁড়া সিঙাড়া কচুরি নিয়ে। কাবুল হাসির দিকে তাকিয়ে বলল, কুস্তকে দাও।

কুস্ত টেবির দিকে তাকিয়ে বলল, নারে আমি খাব না। তোরা খা।

—আরে খা খা। মাথা গরম করিস না। মাথা গরম করলে কাজ হয় না। এই হাসি, দাও না। তোমাকে দিতে বলছি না।

কুস্ত দেখল, হাসি দুটো প্লেটে দুটো করে কচুরি একটা সিঙাড়া রাখছে। একটা কুস্তর দিকে ঠেলে এগিয়ে দিল। সেই এক ভয়ংকর ঘটনায় মাথাফাত। কুস্তর কেটে যেন চোঁচির হয়ে যায়। বদমায়েশ মেয়েমানুষ, তুই আমার বোঁ, না কাবুলের। তার কথায় আমাকে ঠেলা মেয়ে দিস। প্রায় লাথি মেয়েই প্লেটটা ছিটকে ফেলে দিত। কিন্তু তখনই কাবুল প্রায় দৈব বাণীর মতো যেন বলল, আমি'ত আছি। আমাকে বললি না কেন। দু-নধরী মাল করাতে চাস, কোম্পানী বসে যাবে, তোর ভয়, সব বলবি ত।

কুস্ত আর পারল না। চোখে ক্ষোভে দুঃখে জল এসে গেছিল প্রায়। সর্বত্র সে মার খাচ্ছে। ঘরে বাইরে। কাবুল যদি পারে। সে বলল, রাজার বাপের সাথি নেই কারখানাকে বাঁচাতে পারে। ওটাতে কি আছে। ছাপা বার্নিশ কত সেকলে। দু-নধরী মাল লোকে করাবে না'ত, এক নধরী করাতে যাবে। তোমার দাদা জানে না, যা ছাপা বার্নিশ তাতে এক নধরী মালও দু-নধরী হয়ে যায়। খদ্দেররা দায়ে পড়ে এখানে আসে। সস্তায় মাল পাবে বলে আসে। এদিকে গোড়া কেটে আগায় জল ঢালছে শুয়োরের বাচ্চা।

শ্রয়োৱের বাচ্চা কথাটা অতীশকে লক্ষ্য করে। তার দাদাকে নয়। এতেই কাবুল কিঞ্চিৎ খুশী। যাক হুমতি হয়েছে কুস্তুর। সে বলল, নে এবার খা'ত। হাসি তোমার জন্ম রেখেছ ত।

—রেখেছি।

কুস্তুর এটাও জ্বালা। কোন মান অপমান নেই। ঠিক নিজের জন্ম রেখে দিয়েছে। কেবল খাব খাব করে। দুপুরবেলা স্নানটান করে দুপুরের খাবার খাবি কোথায়, তা না কাবুলকে দিয়ে এক গৌড়া গরম কচুরি সিঙাড়া আনিয়েছে। আমি কি তোকে কিছু খেতে দি না। তোর নাহলে এত রস।

কাবুল বলল, কিরে খা। তুই না খেলে আমি খাই কি করে। ও টেবি নে, তুই একটা নে। কাবুল নিজের প্লেট থেকে টেবিকে একটা তুলে দিল।

কুস্তুর এখন খাচ্ছে। কচুরিতে কামড় বসিয়ে বলল, তোর দাদাকে বুঝিয়ে বলিস। খুবই ভুল করল। বলিস এগ্রিমেন্ট আমাকে দিয়েছে ক্ষয়শালা করার জন্ম। নতুন বাবুর সেই মুরদটিও নেই। কারখানার লোকেরা সব ক্ষেপে আছে। মাইনে বাড়িয়ে ওভারটাইম বন্ধ করার তালে আছে, ওরা তো নেকু নয় যে ম্যানেজারের কন্দি ফিকির বুঝবে না।

কাবুলের বলতে ইচ্ছে হল, তুই একটা পয়মাল! কিন্তু বলল না। রাগ করবে। রাগ পড়ে আসছে। পড়ে আসবেই। কুস্তুর আরও সব গড় গড় করে বলার জন্ম জ্বল খাচ্ছে। দাঁত ব্যথা-ক্ষেত্রে কিছু নেই। কাবুল একটু এগ্রিয়ে বসল। বলল, এগ্রিমেন্ট তোকে দিল কেন!

—এই দেখ না। বলে কুস্তুর উঠে গিয়ে ব্যাগ থেকে এগ্রিমেন্টের দু কপি বের করল। দেখল কিছু তারপর বাইরে এসে বলল, আমাকে দিয়েছে। পারে নি। ভেবেছিল একাই করবে। দু-চারবার কথা বলে বেপান্তা। কি করি, এই দেখ না! তবে ভাই আমি চেষ্টা করব। সাধ্যমত করব। সে বলতে গেছিল, এটা নিয়ে ল্যাজে খেলাব, কিন্তু কি ভেবে বলল না। ভেতরের কথা সে কাউকে আর বলবে না। বোঁটা বার বিশ্বাসদাতক, সে আর অন্তরে বিশ্বাস করে কি করে! সবাইকে আপন ভেবে সে ঠকেছে।

কাবুল বলল, তুই পারবি। সেটা দাদা জানে। বোঝে।

—এইত মুশকিল, কাজ করব আমি, বাগড়া দেবে তুমি। আমি ত' মাঝব।

কাবুল চা সিঙাড়া সব খেয়ে ফেলেছে ততক্ষণে। হাসি মেয়েটাকে কাবুলের কোলে দিয়ে বাঁধরুমে ঢুকে গেল। কুস্তুর গুম মেয়ে গেল ফের। ওর কোলে দিতে

পারত হাসি। সে তোর কে রে। কাবুল এখন উঠে এসে মেয়েটাকে কুস্তর কোলে ফেলে দিল, নে ধর। বাপ হবি তুই, সামলাব আমি। বেশ মজা।

মেয়েটাকে কোলে নিতেই কি যে হয়ে যায় কুস্তর। কারো ওপর আর কোন যেন অভিমান থাকে না। সে মিথ্যে সংশয়ে ভুগছে। হাসিরানী পায়ে ধরে একদিন বলেছিল, তোমাকে ছাড়া আমি কিছু জানি না। আমার আর কে আছে! বলতে বলতে কেঁদে ফেলেছিল। গরীব ঘরের মেয়ে বলেই এই হেনস্থা। এবং তখন কুস্ত হাসিরানীর মাথা কোলে নিয়ে বার বার চুমু খেয়েছে, অভিমান ভাঙিয়ে বলেছে—তুমি ত বোম্ব হাসি, তোমাকে বাদে আমি সর্বহার। তুমি ছাড়া আমারও কেউ নেই। তারপর দুজনই ফিক করে হেসে দিয়েছিল। আলো জ্বলে হাসি যাত্রার সখির মতো সাজতে বসেছিল। যখন সব হয়ে যায়, নিশুতি রাত, ঘুম, নাক ডাকিয়ে লম্বা ঘুম। কুস্তর পাশে হাসিরানী। একেবারে খালি গা হাত পা, শরীর ভাঁজ করে পড়ে আছে। সন্তানের জনকজননী হতে গেলে এ-সবই লাগে। কুস্ত সকালে ওঠার সময় চাদরটা শরীরে টেনে দিয়েছিল। বড় ভয়ংকর মনে হচ্ছিল তখন হাসিকে। এরা সবই গিলে খেতে পারে। সুতরাং কুস্ত নিশীথে একরকম, সকালে একরকম, সকালে তার কালীকবচ পাঠ, প্রাতঃস্নান, কালী কলকাত্তাওয়ালির ফটোর সামনে বসে অম্বর-নাশিনীর ধ্যান। তারপর, দিগ্বিজয়। আজ তার দিগ্বিজয়ে বাধা পড়েছে। সে যেন হত্যা দিতে এসেছে অম্বর নাশিনীর কাছে। সেটা কে? হাসি না বোরানী! সে কেন জানি বুঝতে পারল, হাসি হলেও নিস্তার নেই, বোরানী হলেও নেই। কিন্তু সে জানে, কত ধানে কত চাল। সেটাই তার সম্বল।

সেই সম্বল নিয়েই কুস্ত কথা শুরু করল কারখানার কর্মীদের সঙ্গে। কথা-বার্তার সময় সে আর মনোরঞ্জন। সে বলেছে, বেশি লোকের দরকার নেই। কোম্পানীর পক্ষে সে, কর্মীদের পক্ষে মনোরঞ্জন। কথাবার্তা শুরু হল এইভাবে—

—আরে মনোরঞ্জন, এস এস। খবর কি! তোমার বড় ছেলে এখন কি করছে?

—কিছু তো করছে না।

—কিছু না করলে চলবে কেন?

—কোথায় পাবে বলুন।

কুস্তর ঘরে মনোরঞ্জন বাদে এখন কেউ নেই। অতীশবাবুর ঘরে দুজন কাস্টমার। পাশের ঘরে দুজন অ্যাসিস্ট্যান্ট কাজ করছে। মেশিনপত্র চললে,

এমনিতেই কিছু শোনা যায় না। দুজনের কথা অল্প কেউ শোনার চেষ্টা করছে না। করলেও শুনতে পাবে না। কারণ কুস্ত প্রত্যেক ঘর থেকে তার ঘরের দূরত্ব এবং ধনিতরঙ্গ কখন কতটা তারতম্য হয় সব মাপজোক করে বসে আছে। কোথা থেকে কতটা শোনা যায় সে জানে। তাকে এজ্ঞা সবসময় সতর্ক থাকতে হয়। সে বলল, রাজার কাছে বলব তোমার ছেলের কথা।

—কুস্তবাবু।

কুস্ত চোখ তুলে চাইল।

—আপনি'ত আগ্রিমেন্টে রাজি হতে বারণ করেছেন।

—করেছি। দরকার বুঝেছিলাম বলে করেছি। তারপরই কুস্ত কি বলবে ভেবে পেল না। মনোরঞ্জন মুখের ওপর স্পষ্ট কথাটা শুনিয়ে দেবে সে আন্দাজ করতে পারেনি। সে মনে মনে বলল, আমি কুস্তকুমার, আমার ডরালে চলবে কেন! ঘাবড়ে গেলে চলবে কেন! সে একটা কস করে পকেট থেকে সিগারেট বের করে মনোরঞ্জনকে দিয়ে বলল, ধরাও। মনোরঞ্জন তার চেয়ে বয়সে বড়, লম্বা ঢ্যাঙা। শুধু হাড় ক'খানা সম্বল করে কাজ করছে। কুস্তর হাড় মাস দুই আছে। কুস্ত প্রবল প্রতিপক্ষ। সূত্রাং সেভাবেই বলল, রাজার মেজাজ ভাল না। বড়বাবু কানে কি ফুসমস্তুর দিয়েছে, কে জানে। রাজা বলেছেন, মাল না বাড়ালে কোম্পানী বন্ধ করে দেবে। আমি চাইছি আপাতত সেটা বন্ধ করতে। তোমরা মেনে নাও। পরে কত অজুহাত পাবে। যদি দেখ ওভারটাইম বন্ধ হয়ে যাচ্ছে, তখন স্বেযোগ বুঝে কোপ বসাবে।

—দেখুন কুস্তবাবু, খুব একজন বিবেচক মানুষের মতো সে বলল, ওভারটাইম আছে বলে ছেলে মাগ নিয়ে বেঁচে আছি। না থাকলে শুকিয়ে মরব।

—কেন মাইনে বাড়ছে!

—সেটা আর কত! ওতে হেলপারদের পোষাতে পারে, আমাদের পোষাবে না। আমাদের দিকটা আর একটু দেখুন।

কুস্ত বলল, এখন আর তা হবে না। তোমাদের কথা দিচ্ছি পরে হবে। অ্যাগ্রিমেন্ট দু বছরের। দেখই না কি দাঁড়ায়।

মনোরঞ্জন জানে, হেলপাররা একপায়ে ষাড়া। আরও যারা বেশি স্বেযোগ-সুবিধা পাচ্ছে তারাও রাজি। কেবল তার মত মোল্লারা বাধ সাববে। কিন্তু যদি ছেলেরটা কিছু হয়ে যায়, যদি পরে অজুহাত সৃষ্টি করা যায়। কুস্তবাবু তো বলেই দিয়েছেন, তোমাদের অজুহাতের শেষ নেই। দরকার মনে করলে, এটা

ওটা খারাপ দেখিয়ে যেমন খুশি মাল দিতে পারি। বড়বাবুরও বলার কিছু থাকবে না। রাজাকেও কচু দেখান গেল।

মনোরঞ্জন বলল, একটা দিন আমাদের ভাবতে দিন।

একটা দিন পর কুস্তবাবু এসে অতীশের ঘরে ঢুকে বলল, ওরা রাজি। হুতরাং মিঞা-বিবি যখন রাজি তখন শুভদিন দেখে সেরে ফেলা ভাল।

অতীশের মনে হল লোকটা ভোজবাজি জানে। কুস্তর মনে হল সে দিখিজুরী। সে তার মতো করে সই করিয়ে নিচ্ছে। কোম্পানীর কি থাকল সেটা বড় নয়, আসল কথা সে এই কোম্পানীর কত অপরিহার্য মানুষ রাজা এবার ভেবে দেখুক।

অতীশকে খুবই তখন স্ত্রিয়মাণ দেখাচ্ছিল। সে ভাবছিল, তার মত অপদার্থ লোক কতদিন এভাবে কাজ চালিয়ে যাবে। কারখানায় এলে নরকে ডুব দিতে হয়, সেটা যদি সে আগে জানত। শীত পার হয়ে গ্রীষ্ম আসতেই সেটা আরও টের পেল অতীশ। কুস্ত একদিন মুখের ওপরই এসে বলল, দাদা, আপনাকে আর পারা যাবে না। আমরা কত মাইনে পাই খদ্দেররা জানে কেন? আপনি নিজের সম্পর্কে কি ভাবেন! সত্যি কথার ভাত আছে। মর্যাদা আছে। এত কম পাইনে পাই, সেটা বলার দরকার কি! লোকে শুনে কি ভাবে!

অতীশ কি কথায় কথায় যেন সেদিন একজন খদ্দেরকে কথাটা বলে ফেলেছিল। সে ত জানে না, কুস্তবাবু অত্যন্তকম বলেছে। সে বলল, যা পাই তাইত বলব।

—এতে আপনার সম্মান বাড়ল। আপনি এই পোলে আমরা কি পাব, ওরা টের পাবে না। তিনগুণ বাড়িয়ে বলি, সেটা আপনার দিকে চেয়ে, কারখানার কথা ভেবে, রাজার মানসম্মান যায় বলে। আপনি সেটাও বোঝেন না!

অতীশের মনে হল, সে ঠিক ঠিক পৃথিবীর মানুষ না। সে যে পরিমণ্ডল থেকে এসেছে, সেখানে এইসব তাকে শেখানো হয়নি। মাইনের সঙ্গে একটা মানুষের মর্যাদার প্রশ্ন থাকে সেটাও সে ভাল করে ভেবে দেখেনি। চারপাশটা সেই অজানা সমুদ্রের চেয়েও ভয়ঙ্কর মনে হচ্ছে তার। সেখানে জীবনমৃত্যু অহরহ সামনাসামনি হাজির। এখানে জীবনমৃত্যুর চেয়ে আরও বেশি কিছু কঠিন সত্য হাজির। দিন যত যায় আচ্ছন্নতা তার তত বাড়ে।

॥ সতের ॥

তখন দম মাধা দম, পাগলা মাধা দম, পাগল হরিশ নাচছে। ফুটপাথে লাঠি বগলে নাচছে। পালক বাঁধা দম মাধা দমের লাঠি নিয়ে গাজনের মতো শিবের নাচন নাচছে। এক পা সামনে, আবার পেছনে। ঘুরে-ফিরে নাচ। জনগণের মধ্যে তার এই কিস্তুতকিমাকার নাচ প্রবল হাসির ষোঁরাক জোগাচ্ছিল। সে হাঁকছে দম মাধা দম, পাগলা মাধা দম। নাচতে নাচতে হুয়ে পড়ছে। আবার উঠে দাঁড়াচ্ছে। পাশে গৌরী সতীব্রিবি, শিব গৌরীর নাচ দেখাচ্ছিল জনগণকে। এভাবে এই শহরে গ্রীষ্মকাল পার হয়ে যায়। সে তবু নাচে। এই শহরে বর্ষাকাল পার হয়ে যায়, সে তবু নাচে। শরৎ, হেমন্ত আসে সে নেচে যায়। মাথায় পাগড়ি পায়ে কাগজের বেড়ি, হাতে বাঁশি ফুলের মালা, সে নেচে যায়। শহরের গাড়ি যায়, ট্রাম যায় বাস যায় সে নাচে। রাজার বাড়িতে ঘন্টা পেটায় কেউ, সে নাচে। গোলাপের বাগানে বোরানী ইজিচেয়ারে শুয়ে থাকে, চোখে-মুখে চাপা হতাশা কেউ টের পায় না। কি এক গোপন দুঃখ বুকে নিয়ে বসে আছে কেউ জানে না। সে নাচে।

ফুলির প্রেমিক আসে না। ফুলি বারান্দার থামে হেলান দিয়ে দাঁড়িয়ে আছে। স্নানদ খোঁজ-খবর নেয় না। স্নানদ কোথায় অণু হীরে-মাণিক পেয়ে গেছে। ফুলি সকালে ফুঁপিয়ে ফুঁপিয়ে কাঁদে। রাতে কাঁদে। কেউ জানে না ফুলি স্নানদের জন্ম কাঁদে।

দাহুবাবু ফুঁসছে। বেটা বান্দাল, নেমকহারাম। ব্যাংকে কাজ পেলি, আর এবাড়ি আসা ভুলে গেলি। এটাও একটা গোপন দুঃখ। সে জোরে বলতে পারে না, তার মেয়েটা শুকিয়ে যাচ্ছে। চোখ-মুখ বসে যাচ্ছে। রাজাকে ধরে কিছু টাকা ধার চাইবে তারও উপায় নেই। আগের দেনা শোধ দিতে পারিনি, আবার তাকে দেবে কেন? সে শাপ-শাপান্ত করছিল রাজাকে, বেজম্মার বাচ্চা বলছিল। সবাই জানে, তুমি কে! তোমার শরীর পোকায় থাকবে। এত পাপ সহ্য হবে কেন? স্নানদ থেকে রাজা, তারপর বোঁ-বেটা সবার প্রতি বড় বিদ্বেষ তার। সবাই মিলে তাকে কানা করে দিল। কোন স্বথ নেই, স্বস্তি নেই। অভাব থাকলে মানুষের স্বথ স্বস্তি কিছুই থাকে না। সে একসময় একজন বড় খেলোয়াড় ছিল, দেখলে কে বলবে।

নধরবাবুর মেয়ে চিত্র আবার সেজে-গুজে কলেজ যায়। খোঁপায় বেল ফুলের মালা গুঁজে রাখে। ভ্রূণের খবরটা জানাজানি হয়নি। সে এই পৃথিবীতে কুমারী মেয়ে ফের। বরং রাজা মতিকেই সন্দেহ করেছিল। সুরেনও জানে মতির ওপর রাজার রাগ আছে। কিন্তু বোঁরানী মতিকে খুব পছন্দ করে। যতই সন্দ করুক, রাজা বোঁরানী না বিগড়লে কারো হিন্মত নেই কিছু করে। তাই নির্বিবাদে মতি সন্ধ্যার বের হয়ে যায়, সবার শেষে রাত বারোটায় ফেরে। কোনদিন ফেরে কোনদিন ফেরে না। সকাল হয়ে যায়। কখনও কখনও চার-পাঁচ দিন এমন কি মাসের জন্ম দেখা যায় মতি উধাও। রাজবাড়ির গেটের খাতায় রাত বারোটায় মতি ঢুকছে, নাম তোলা থাকে না। তখনই দারোয়ান থেকে রাজা জেনে যায় মতি পর্যটনে গেছে।

সুরেন টের পায় সবার আগে। মতি বোন না থাকলে, বাজারের থলে হাতে ছোড়িদি নেমে আসবে। ফ্রক গায় দেয়। ফ্রক গায়ে না দিলেই ভাল। বড় ফুলেফেঁপে থাকে। দশজন আকথা কুকথা বলে। এই সংসারটার জন্য তার মায়া হয়। দ্বিজেনবাবু অকালে মারা না গেলে এত হেনস্থা হত না মতি বোনের। মানুষের কপালে কার কি লেখা থাকে কেউ জানে না। দ্বিজেনবাবুর মনটা সব সময় বড় প্রসন্ন থাকত। টাকাটা সিকিটা বখশিশ সে কতবার পেয়েছে। ভাল মন্দ হলে সুরেনকে ডেকে খাওয়াত। এত বড় রাজবাড়িতে দিল বলতে দ্বিজেনবাবুর ছিল। সেই মানুষটা নিশ্চিন্তে স্বর্গ সূত্রে আছে। একবার ওপর থেকে উঁকি দিয়ে দেখেও না, খুড়িমার চলে কি করে! তখনই সুরেন বোঁকে এতে কোন পাপ নেই। বরং মতি বোনকে দেখলেই সে এবাড়িতে বেঁচে থাকতে সাহস পায়। নবর খোঁজ নেই, নব মরেছে কি বেঁচে আছে তার জন্মও সে আর বিচলিত বোধ করে না। বরং সে বুঝেছে, অন্ধের হিসেবটা গোলমেলে। সময় মতো ধরতে না পারলে এই হয়। এ জন্মটা তো চলেই গেল, আগামী জন্মে সে আর বোকামি করবে না।

সে বাজারে বাবার সময় প্রথম কফটা ফেলল, রাধিকাবীপুর দরজায়। পায়ে পায়ে ঘরে যাক। বিছানায় উঠুক। তারপর মুখে বুকে। পরের পালা, হামুবাবুর জানালার পাশে। বাতাসে ছড়াক। বড়ই সংক্রামক ব্যাধি। সে মরেছে, সবাই মরুক। কাশছে আর কফ ফেলে যাচ্ছে। তার বড়ই আরাম। কফ ফেলতে পারলেই প্রসন্ন বোধ করে। এবারে কেউ চক্কত্তির দরজায় এই করে সে রাজার ঘরে পর্যন্ত গোপনে কফ ফেলে রাখে। সে কাউকে নিন্তার দেবে না। দুটো ঘর

বাকি, নতুন ম্যানেজার আর দ্বিজেনবাবুর ঘর। সেখানে সে ফেলে না। ওর মনে হয় কোথাও যদি এতটুকু পুণ্য বেঁচে থাকে তবে ঐ ঘর দুটোয় এখনও আছে। সে সেখানে কফ ফেলতে এখনও কেন জানি সাহস পায় না। বড় অধর্ম হবে ভাবে।

তখনও পাগল হরিশ নাচছিল দম মাধা দম, পাগলা মাধা দম। স্বরেন দেখল সকাল বেলায় রোদের তাপে আজ পাগলটা, পাশে পাগলিকে নিয়ে নাচছে। শিব গৌরীর নাচ। এই নাচ দেখে সেও কেমন ভেতরে খুশ পেয়ে গেল। এত তাপের সংসার থেকে বের হয়ে এখানে একটু নেচে গেলে কেমন হয়। বাজনা বাজলে, সেও বোধ হয় এক পা সামনে, এক পা পেছনে রেখে ঘুরে ফিরে নাচত। মনে মনে বলল, বড়ই সুখ। আহারের ভাবনা নেই, মৈথুনের ভাবনা নেই, শোওয়ার ভাবনা নেই, ধর্মের ভাবনা নেই। বড় সুখ হে হরিশ তোমার। তোমার এ সুখের কাঙাল আমি। তার চোখ কেটে জল বের হয়ে এল।

স্বরেন একদিন বলেছিল, বেটা পাগল, শুধু নেচেই গেলি!

হরিশ কেমন বোকার মতো তাকিয়েছিল তার দিকে!

—এত নাচে কি সুখ।

—সুখ আছে হে। দেখ না এসে! এই বলে যেন সে করতালি বাজাতে চেয়েছিল।

—বেটা মরবি ফুটপাথে।

মানুষের মরণ গাছে লেখা থাকে না। পাতায়ও লেখা থাকে না। মানুষ মরে ম'রে বাঁচে। রাজার বাড়িতেও সে যায়। লিখে দিয়ে আসে—কিছুই থাকে না হে। গাছ থাকে না, পাখি থাকে না, মানুষ থাকে না। সব মরে যায়। মরে ভূত হয়ে যায়। তুমিও মরে ভূত হয়ে যাবে একদিন। হরিশ যেন নেচে নেচে এই কথাগুলি বলতে চায়। স্বরেন তখন বড়ই উদ্বিগ্ন হয়ে পড়ে। সে পাগলটার কাছে গিয়ে বলতে পারে না, মাঝে মাঝে তোর মতো হতে ইচ্ছা যায়। পারি না। সংসার বড় টানে। মরণে বড় ভয়।

তখন বৌরানীর ঘরে মানস।—তোমাকে এখানে না রাখলে কেমন হয়?

মানস বলে, তোমার ইচ্ছে!

বৌরানী হা-হা করে হাসে।—ভয় পেলে না তো?

—ভয় পাব কেন?

—কিন্তু কিছু যে করতে পারছি না। সব খুঁজছি। পাচ্ছি না।

—কি খুঁজছ?

—বারে মনে করতে পারছ না?

—না অমলা।

—সেই চিঠিটা!

মানস সহসা টের পায়, অনেকদিন আগে, যেন জন্ম-জন্মান্তরের আগের কথা।
সে পলে, আমি কে?

—তুমি রাজা। তুমিই সব আমার।

—সব ভুলে গেছি অমলা।

—ভুললে চলবে কেন? এতখানি এগিয়ে আর ফিরে যেতে পারি না!

—আমার কিছু আর লাগবে না। রাজেনের স্ত্রী হয়ে আছি তাই থাক।

অমলা বলল, না, সে হয় না।

—কেন হয় না অমলা।

—রাজেন তোমাকে ঠকিয়েছে। আমি রাজেনকে ঠকাতে চাই?

—ওর কি দোষ!

—তবে কার?

—মাহুবেরই এটা হয় অমলা। রাজেন ত মাহুব।

অমলা কিঞ্চিৎ মুখ তুলে মানসের দিকে তাকাল। রাজবাড়ির সদরে ঘণ্টা পড়ছে। ডালহৌসি পাড়ায় রাজেন ঠাণ্ডা বরে বসে এখনও বোধহয় কাগজপত্র দেখছে।

—তাহলে মাঝে মাঝে পাগল হয়ে যাও কেন?

—মাহুব হয়ে বাই বলে।

—এটা আবার কেমন কথা হল?

—ঠিক কথাই অমলা। যা দেখছি তাতে সত্যিকারের মাহুব ভাল থাকতে পারে না। মাথা ঠিক রাখার কথা না। চারপাশে কেবল দুঃখ।

—চারপাশের দুঃখ দেখ কেন?

—চোখ না থাকলে হত?

—তোমার চোখ দুটো যদি গেলে দি।

—সেটা পারলে খুবই ভাল হত অমলা!

—তুমি জান আমি পান্নি না। তাই এত সাহস তোমার।

—সাহসের কথা নয়। ইচ্ছের কথা। কোথাও মানুষ স্বাভাবিক আছে বল?
মানুষ নরকে ডুবে থাকলে, দুটো একটা মানুষ আর ভাল থাকে কি করে?

—দেখার দোষ।

—তা হবে।

সে চোখ তুলে দেখল। সেই বিশাল লাইব্রেরী ঘর। বাপ ঠাকুরদা করে গেছে।
বিকলে তার ডাক পড়েছে আবার এখানে। চারপাশে কোন কাক-পক্ষী সাফী
নেই। চুলদাড়ি কামায় না মানস খবর এলেই এই ঘরে তার ডাক পড়ে।
স্বাভাবিক কথাবার্তা বলে, অথবা ভয় দেখিয়ে ভাল করে তোলা। অতীশ আসার
পর বলতে গেলে সে ভালই আছে। কোথায় যেন এই ভাল হওয়ার সঙ্গে অতীশের
সম্পর্ক আছে। বোরানী বলল, তুমি এভাবে ভাল হয়ে গেলে আমার ভয়।

—ভাল হয়ে যাচ্ছি?

—তাই ত! সবদিন দেখি না। আগের মতো রেলিঙে দাঁড়িয়ে থাক না
কেন?—আমার কথা ভেবে কষ্ট হয় না?

—না।

—কিন্তু আমি যে চাই চিঠিটা বের করতে।

—রাজেন চিঠি রাখবে কেন?

—হুম্বার সিং বলেছে, চিঠিটা আছে। রাজেন চিঠিটার কথা জানে না।

হুম্বার? কতদিন পর যেন সেই বিশাল এক প্রাসাদের পাশে আবার এক
ঘোড়সওয়ার, পাশে হুম্বার, ছ'পাশে ঝাউ গাছ, বড় নদী জলে ছলাং ছলাং শব্দ,
এবং নদীর বালিরাড়ি থেকে কেয়ার সময় ছুই অন্ধারোহী। তার একজন
রাজেন। হুম্বার ছায়ার মতো দীর্ঘির পারে অপেক্ষা করছে।

মানস উঠে দাঁড়াল।—যাই।

—আর একটু বোস।

তখনই অমলা বলল, অতীশকে তুমি কি বলেছ?

—কৈ কিছু না ত।

—ছবি এঁকে দেখিয়েছ?

—আমি দেখাইনি, ওই তুলে তুলে দেখল!

—এই ছবিটা আঁকলে কেন?

সেই ছবিটা, আগুনে ছবি, দাঁউদাঁউ করে রমণী জলছে। উবু হয়ে বসে
আছে।—ওঃ সেই ছবিটা। কেমন হয়েছে বলত!

—আমি ছবি এখন বুঝি না।

—তুমি এত বুঝতে, একসঙ্গে এত ছবি আঁকলাম। তোমার এত বাহবা ছিল। এখন বলছ কিছু বোঝ না। তারপরই অমলার চোখ দেখে সে কেমন হিম হয়ে যায়। বড় করুণ চোখ। বড় অপার্থিব। এই চোখ দেখলেও মানুষ পাগল হয়ে যেতে পারে। সে অন্তরিকে তাকিয়ে থাকল।

বোঁরানী বলল, তুমি কি সত্যি চাও আমার এই পরিণতি হোক।

—জানি না।

—তোমরা কি মনে করো আমি সত্যি এত খারাপ?

—জানি না।

—তুমি ভাল হয়ে গেলে কেন? ভাল থাকলে তোমার মাথা সাঁক থাকে। কি করতে কী করে বসবে। কে তোমাকে এমন স্বাভাবিক করে তুলল?

—জানি না।

অমলার পাশে সেই বড় মারবেল পাথরের দেয়াল। দেয়ালে তার শব্দের তৈল চিত্র। তার নিচে আর দুজন। অতীশ কেন এবাড়িতে এল। অমলা কেমন জমেই ক্ষুব্ধ হয়ে উঠেছে। বে মানুষটাকে তার পাগল করে রাখার ইচ্ছা ছিল, না হলে মানুষটা আত্মহত্যা পর্যন্ত করতে পারে, কারণ বিষয়আশয়ের মমতা মানুষের মধ্যে নরক সৃষ্টি করে থাকে, সেই মানুষটা ভাল হয়ে গেলে ভয়, হয়ত একদিন শুনতে পাবে দরজা বন্ধ। বাইরে থেকে দরজা খোলা যাচ্ছে না। সেই ভয়ে ভেতরে সিলিং ক্যান রাখা হয়নি। কড়ি-বরগা নেই ঘরের। ভেতর থেকে দরজা বন্ধ করারও ব্যবস্থা নেই। বাইরে থেকে তালা দেওয়া থাকে। সকালে কেউ খুলে দিয়ে আসে। রেলিং উঁচু করা, ছাদে ওঠার সিঁড়ি নেই। সেই মানুষটা একেবারে নিরাময় হয়ে গেলে যথার্থই ভয়। অমলার এটা বিশ্বাস হয়নি। আজ ডেকে স্বচক্ষে দেখতে গিয়ে বুঝতে পেরেছে, দুমবার মিছে কথা বলেনি। ওর বুকটা কেমন হিম হয়ে গেল। সে বলল, অতীশ তোমাকে কি বলেছে?

—কিছু বলেনি তো?

—কোন কথা না?

—না!

—তাহলে এত স্বাভাবিক হলে কি করে? না, আসলে তোমার এটাও এক ধরনের পাগলামি!

প্রশ্নের পর প্রশ্ন। সত্যি মানসও জানে না, এটা হল কেন? অতীশকে

দেখার পর সে স্বাভাবিক হয়ে গেল কেন! সে কি কোন দৈববাণী শুনেছে। অতীশ কি তার হয়ে কোন দৈববাণী করেছিল, না রাস্তায় সেই পাগলাটাকে দেখে ভেবেছে, ঘাটতে গেলে তার চেয়ে ভয়ংকর জীবনের সাক্ষী লোকটা। সে কি বলবে বুঝতে পারছে না। সে কি ইচ্ছে করেই পাগল সেজে বসে থাকে!

বোরানী ফের বলল, অতীশকে তুমি সাধু সন্ত ভেবে থাক?

—না।

—মহাপুরুষ!

—না।

—অতীশ তবে তোমাকে নিরাময় করে দেয় কি করে?

সেটা সেও ভেবে দেখেনি। তারপরই অতীশের দুটো চোখের ছবি, ভাসতে ভাসতে এগিয়ে এল। কেমন মোহাচ্ছন্ন। ভেতরে বেদনাবোধ বড় তীব্র। এই চোখই মানুষকে পাগল করে দেয়। ওর কেন জানি মনে হয়েছিল, অতীশ পাগল হয়ে যেতে পারে। এই চোখ নিয়ে নিষ্ঠুর পৃথিবীতে স্বাভাবিক থাকা সম্ভব না। কেমন একটা মায়া তার জন্মে গেছে অতীশের জন্ম। অতীশকে স্বাভাবিক রাখার জন্ম সে এখন উঠে পড়ে লেগেছে। এটা যেন তার দায়। সে আজকাল খুব বেশি করে ফুল-ফলের ছবি আঁকছে। জলাশয়ের, শিশুর এবং মানুষের গুত বোধের ছবি আঁকছে। অতীশ ছবিগুলি দেখলে ছেলেমানুষের মতো উল্লাসে কেটে পড়ে।

অতীশের জন্ম হৃন্দর সব ফুল ফলের ছবি আঁকতে গিয়ে নিজের সব ক্ষোভ দুঃখ জ্বালার কথা ভুলে গেছে মানস। অতীশই একমাত্র বলতে পারে, যে মানুষ এত হৃন্দর ছবি আঁকে পৃথিবীতে তাঁর আর কি লাগে। আমি মানসদা মানুষের এমন ছবি আঁকতে চাই। আপনি আমাকে আশীর্বাদ করবেন। এত কথা পর সে আর পাগল থাকে কি করে! সে তার যে সত্য থেকে সরে গেছিল, তা আবার অতীশ ফিরিয়ে দিয়েছে।

—কি কথা বলছ না কেন?

—কি বলব?

—তুমি এই যে ভাল হয়ে গেলে, সব সহ্য করতে পারবে? মনে পড়বে না!

—না।

—তাহলে আমি কেন এত জলে নামলুম। বলেই মানসের জামা খামচে ধরল বোরানী। আমাকে তুমি এত নিচে নামালে কেন?

—আমি নামালাম ?

—কার জন্ত তবে ?

—সেটা আমি ভাবিনি !

অমলা হাউহাউ করে কাঁদতে থাকল। আমার শরীর পেলে রাজেন পাগল হয়ে যায় আর তুমি বলছ, তুমি কি বলছ ! তুমি যদি কিছুই না চাও, কালই আমি চলে যাব ?

—কোথায় ?

—যেদিকে দু চোখ যায়। আমার কি দরকার এই বৈভবের।

মানস ঠিক গা থেকে পোকা ঝাড়ার মতো অমলার হাত ছুটো ছাড়িয়ে নিল। বলল, পাগলামি কর না।

—অতীশকে কালই আমি চাকরি থেকে বরখাস্ত করব ?

—কেন ?

—তাহলে আমার তুমি ভুলে থাকতে পারবে সব।

—আর পারব না। কারণ আমি জানি, আমার চেয়েও বড় দুঃখ কোথাও অতীশের আছে ! কি জানি, জানি না বুঝি না অথচ চোখ দেখে তাই মনে হয় আমার। এবাড়িতে এসে অতীশটাও না আমার পাগল হয়ে যায়। ওর চোখে সেটা আছে। ওর বড় সেবা শুশ্রূষার দরকার।

অমলাও মনে হল কথাটা—মানস ঠিকই বলেছে। অতীশ সব কিছু ভেঙে চূরে দিতে চায়। রাজেনের মুখের ওপর কথা বলে। বাড়ির আদব-কায়দা মানে না। এতদিন ব্যবসাপত্র যেভাবে চলছে সে তা নাড়তে চায়। পাগল ছাড়া এটা কে ভাবে। এত বড় জগদল পাথর টানাটানি পাগল ছাড়া কে করে ?

বৌরানী যেন আর পারছে না। বিরাট কাঁচে মোড়া টেবিল, বাতিদান, লাল নীল বস্তুর কাঁচের বল, পুরানো বইয়ের গন্ধ সব সরিয়ে দিয়ে সে এবার তার অন্ত এক সাম্রাজ্যে পৌঁছে যায়। কাশফুল নদীর চর বড় সাদা বোড়া, ল্যাণ্ডের সেই কোচোয়ান এরপরই এক বিশাল পুরুষের ছবি চোখের ওপর ভাসতে থাকে। সে বলল, তুমি জান, অতীশের জ্যাঠামশাই পাগল ছিল।

—তবে বংশে আছে। মানস চূপ করে কিছুক্ষণ কি ভাবল। শেষে বলল, সোনায় সোহাগা।

—ওর লেখা পড়েছ ?

—মানস বলল, না।

—ওর লেখাতে পাগলের আধিক্য।

মানস এটা শুনে চোখ বুজে ফেলল। সে ইজিচেয়ারে মাথা এলিয়ে দিয়েছে এখন। বোরানীর মজি না হলে সে এখান থেকে ছাড়া পাবে না। নতুন বাড়ির এদিকটায় দুমবার সিং থাকে। কাবুল থাকে। করিডোর দিয়ে দুকলে দুদিকে দুটো রড বারান্দা। এবং যেটা দিয়ে ঢোকা যায় সেটা আর একটা। কুমারদহ থেকে আনা কিছু ছবি এই বাড়ির দেয়ালেও আজকাল সে দেখতে পায়। কোন ছবিটা কোন ঘরে ছিল সে যেন এখনও চোখ বুজলে মনে করতে পারে। রাজেন বিক্রি করেও শেষ করতে পারছে না। একটা দুটো নয়, যেমন যেখানে যত বাগানবাড়ি ছিল, দেওঘর, রাঁচি, পুরী, দেৱাঘন, দার্জিলিং, কন্দাবন, সব জায়গা থেকে আনা ছবিগুলি ভাঁই মারা, কিছু কিছু বিক্রি করেছে, কিছু কিছু যেখানে ফাঁকা দেয়াল আছে ঝুলিয়ে রেখেছে। এ-বাড়ির রাজারা ছবির সমজদার ছিলেন, গানের সমজদার ছিলেন। এখন সব গেছে। আগে ফুতিকর্তাই ছিল, সঙ্গে শিল্প বোধ ছিল। এখন রাজেনের শুধু ফুতিকর্তাই আছে। বাইরে থেকে ধরা যায় না। অমলার চোখ দেখলে টের পাওয়া যায়। সে বলল, আধিক্য কেন!

বোরানী বলল, ওকে জিজ্ঞেস কর না?

মানস এবার সহসা কি মনে পড়ার মতো বলল, তাহলে আমি যাই। কাজ আছে।

বোরানী হাসল। খুব কাজের লোক। নিজের জায়গাটুকু ঠিকঠাক রাখতে পারলে না, এত কাজ করে আর কি হবে! বোরানী আর আটকে রাখল না। বলল, যাও। তারপরই লাল আলো জ্বলে উঠল, দুমবার প্রায় গড়িয়ে গড়িয়ে ছুটতে থাকল। দরজা ঠেলে ভেতরে ঢুকে সেলাম দিল।—বাবুকে দিয়ে এস।

মানস বলল, আমি তো ভাল হয়ে গেছি, আর দুমবার কেন?

প্রথর উত্তাপের জ্বল এখন পথ জনবিরল। ট্রাম-বাস চলছে কিমিয়ে কিমিয়ে। দোতলায় মসজিদ, সেখানে মোল্লার আজান। এই আজান শুনেই ফকিরচাঁদ ততস্থ হয়ে ওঠে—চারুটা গেল কোথায়! সকালে বের হয়, আজানের আগে আগে চলে আসে। আজ আসেনি! ফকিরচাঁদ উঠে দাঁড়াল। খুঁজতে হয়। কপালে হাত রেখে দেখল ট্রাম ডিপোর সামনে ডাস্টবিন। সেখানে অনেকের সঙ্গে চাক্র উপুড় হয়ে এখনও কি খুঁজছে। খুঁজে খুঁজে কিছু পাচ্ছে না। শুধু কিছু

পোড়া কয়লা বাদে কিছু পাচ্ছে না।, তবু খোঁজে। অবিরাম এই খুঁজে খুঁজে শহরের গভীরে ঢুকতে চায়। ফকিরচাঁদ বলেছে, বড় শক্ত কঠিন। কিছু হবে না। চারু তবু শোনে না। ফকিরচাঁদের রাগ বাড়ে। সে মনে মনে ক্ষিপ্ত হয়ে উঠল। খেতে দেয়নি। না খেলে মানুষের মেজাজ ঠিক থাকে কি করে।

ক্ষোভে দুঃখে বড় বড় হৃদয় হস্তাক্ষরে ফকিরচাঁদ ফের ফুটপাথ ভরিয়ে তুলল। প্রখর উত্তাপের জন্তু সামনের বড় বড় বাড়িগুলির দরজা জানালা বন্ধ। ট্রাম ফাঁকা এবং বাসযাত্রী উত্তাপের জন্তু কম। হৃদয় হস্তাক্ষরের ওপর কেউ ছুঁ দশ পয়সা ছুঁড়ে দিচ্ছে না। রাগটা আরও বাড়ছে। চোখে আগুন। সে তার হস্তাক্ষরের ওপর থুথু ফেলল। তারপর রাগে দুঃখে মাঠের শুয়ে পড়ল।

চারু আসছে না। ওর গলার আওয়াজ প্রখর নয়। ফকিরচাঁদের মিনমিনে গলার ডাক চারু শুনতে পায়নি। সে নিজেকে খুবই অসুস্থ ভাবল—এই দুঃসময়ে সে যেন আরও স্থবির হয়ে যাচ্ছে। চলৎশক্তি হারিয়ে ফেলেছে। এত বেলা হল, এখনও পেট নিরন্ন—সামনের হোটেলটাতে গিয়ে দাঁড়ালে চারু কিছু ঠিক পেত। কারণ, সে বুঝতে পারে, শেষ খন্দের চলে যাচ্ছে। এখন না গেলে আর মিলবে না।

ফকিরচাঁদ অভিমানে শুয়ে শুয়ে কাঁদল। তারপর উঠে দাঁড়াল। খিদে পেলে তার এখন শুধু কান্না পায়। কিন্তু উঠে দাঁড়াতে গিয়ে মাথা ঘুরে পড়ে গেল। ফের দুবার চেষ্টা, তারপর লাঠিতে প্রায় ভর দিয়ে হাঁটা। পরে হেঁটে হেঁটে রেস্টোরাঁর সামনে যখন উপাসনার ভঙ্গীতে মাথা হেঁট করে দাঁড়াল, যখন করুণাই একমাত্র জীবনধারণের সঞ্চল এবং আর কিছু করণীয় নেই এই ভাব—তখন সে দেখল সব সোনা-রূপোর পাহাড় আকাশে। আকাশ গুড়গুড় করে উঠল। মেঘে মেঘে ছেয়ে যাচ্ছে আর বাতাস পড়ে গেল। দরজা-জানালা খুলে গেল ফের। এবং গ্রীষ্মের প্রখর উত্তাপের পর ঝড়ের জন্তু সর্বত্র কোলাহল উঠছে।

আর তখনই চার্চের দরজাতে শববাহী এক শকট। মাঠের মন্ডন ঘাস মাড়িয়ে সে ভেতরে ঢুকে যাচ্ছে। তুলে নেওয়া হচ্ছে মানুষের ইচ্ছার শেষ বাসনাটুকু। অথচ মানুষ যায়, মানুষ আসে। বহুদূর থেকে তারা যেন আসে আবার হৃদয় এক পরলোকে হারিয়ে যায়। ফকিরচাঁদ মৃত্যুর গাড়ি দেখে, আকাশে সোনা-রূপোর পাহাড় দেখে তার অন্নকষ্ট ভুলে যায়। তার ইচ্ছে হয় ভাবতে মানুষের যাওয়া-আসা বড় মধুর। ইচ্ছে হয়, বসে বসে অনন্তকাল সে মানুষের মিছিল গুণে যায়। মনে হয় নিজেই একজন সময়ের প্রহরী।

তখনই দু-এক ফোঁটা বৃষ্টি ওর মুখে মাথায়! প্রচণ্ড দাবদাহের পর শহরের এই বৃষ্টি তাকে বড় কাতর করছিল।

বাস-স্ট্যাণ্ডে যারা দাঁড়িয়েছিল তারা পর্যন্ত কয়েক ফোঁটা বৃষ্টির জগ্ন অপেক্ষা করল। কারণ, দীর্ঘ সময় ধরে ধরা চলছে। ঘাস মাঠ শুকনো। আকাশ গনগনে। পিচ গলে কাদা। সারা শহরটা গরম তাপে সেক্ষ। তখন বৃষ্টির ফোঁটা অমৃতের স্বাদ বহন করে। সব মানুষজন ঘরবাড়ি সর্বত্র এক আকাঙ্ক্ষা। আয় বৃষ্টি ঝেঁপে—সবাই যে-যার দরজা-জানালা খুলে অপেক্ষা করছে। ফকিরচাঁদও বৃষ্টিতে ভেজার জন্য খোলা আকাশের নিচে উবু হয়ে বসল।

এবং পাগল যে শুধু হাঁকছিল, ‘দম মাথা দম পাগলা মাথা দম, শুধু, হাঁকছিল। কে আসবি আয়, সংক্রান্তির মাদল বাজছে আয়—সে এখন কিছু না হেঁকে শান্ত নিরীহ বালকের মত অথবা কোন কৈশোর স্মৃতি স্মরণ করে আকাশের মেঘের খেলা দেখছিল। বড়ই পবিত্র—বড়ই স্বথ ভেসে যায়। সে অপলক মেঘের খেলা দেখতে দেখতে বড়ই নিমগ্ন। কোথা থেকে এল ঝড়ো হাওয়া, পাখির পালক নিয়ে উধাও। তার কিছু আসে যায় না। সে কোথাও যেন, দূর অতীতের মধ্যে সেনার খনির সন্ধান পেয়ে যায়। ভারি পাগল করে দেছে তারে। লাঠিতে পালক নেই। সে জানেও না প্রকৃতি এই মুহূর্তে তারে বড় নিঃশ্ব করে দেছে।

তখনই কে যেন হাঁকল, যায় উড়ে যায়!

কি উড়ে যায়! পাগল চারপাশে তাকায়।

পালক উড়ে যায়। সে দেখল, সত্যি একটা পাখি মাথার ওপর দিয়ে উড়ে যাচ্ছে। পালক তার পাখি হয়ে গেছে।—সে কোন পাখি তুমি! সংবিশ্ব ফিরে আসার মতো পাগল পাখির পেছনে ছোটো।

পাগলিনী নিভূতে ট্রাম ডিপোর বাইরে লোহার পাইপের মধ্যে বসে আকাশে মেঘের ওড়াউড়ি দেখছিল। উত্থাল-পাতাল হচ্ছে মেঘ। সে দেখছে আর বসে বসে দাঁতে নখ খুঁটছে। কেউ চিৎকার করছে, পাখি উড়ে গেল।

সতীবিবি দু-হাতে খপ করে হরিশের এক পা চেপে ধরল। বলল, দ্যাখ, জল আসছে। ছুটছিস কোথায়?

সে কিছুই শুনছে না। তার যে কখন কি চলে যায়। নিয়ে যায় কে সব। তার এভাবে কতকাল থেকে হরণ করে নিচ্ছে কারা। তার পাখিটাও মেঘ দেখে আকাশে উড়ে গেল। সে পা ছড়িয়ে আবার ছুটতে থাকল।

বড় বড় ফোঁটার বৃষ্টি হচ্ছিল। চারু সেই আবর্জনা ঠেলে ছুটে আসছে। ফকিরটার কাছে এসে বলল, সব উড়িয়ে দেবে, ভাসিয়ে নেবে। তাড়াতাড়ি কর। সে প্লাস্টিকের চাদর টেনে তার অমূল্য হাঁড়ি-এনামেলের কড়াই, কাঁথা-বালিশ চেকে দিতে থাকল। বৃষ্টির ছাটে সব ভিজে যায়।

বৃষ্টির ফোঁটা বরফের কুঁচির মতো কালো পাথরে যেন ভেঙে ছিটিয়ে ছড়িয়ে যাচ্ছে। পথের যাত্রীরা কেউ পথে নেই। সবাই বাস স্টপের শেডে এবং দোকানে দোকানে সাময়িক আশ্রয়ের জন্তু ঢুকে গেল।

হৃদীর তখন জানালাটা বন্ধ করে দিতে এলে অতীশ বলল, না, খোলা থাক।

—ছাট আসবে শ্রাব।

—আসুক।

সে সব কাজ ফেলে দূরের আকাশ দেখার চেষ্টা করল। মনের মধ্যে বৃষ্টির সহসা আবির্ভাবে আশ্চর্য হৃষ্মা খেলা করে বেড়ায়। তার মনে হয়, এই বৃষ্টি পৃথিবীর জন্য সবুজ শস্যকণা বয়ে আনে।

কুন্তবাবু উঠে এসে বলল, দাদা, ভিজে যাচ্ছেন ত।

—একটু ভিজি।

—কি দেখছেন? কাগজপত্র সব ভিজে যাচ্ছে।

অতীশ একটা পাট ভেজিয়ে দিয়ে বলল, ক'দিনের ছুটি নেব।

—কোথাও যাবেন?

—বাড়িতে যাব তাবছি।

—বৌদির কাজ ঠিক হয়েছে শোনলাম।

নির্মলা কাটোয়ার কাছে একটা স্থলে কাজ পেয়েছে। এখনও সে ঠিক করতে পারছে না কি করবে। টাকার খুব দরকার। গত মাসে বাবাকে সে টাকা পাঠাতে পারেনি। অক্ষমতা। বাবা কি না জানি ভাবছেন। বাবাকে এই নিয়ে চিঠি লিখতেও সাহস পার্যনি। ইচ্ছে আছে, যদি লেখা থেকে কিছু টাকা পায় আগামী মাসে দু-মাসেরটা একসঙ্গে পাঠিয়ে দেবে। টুটুল মিন্টু তার কাছে থাকবে। টুটুলকে নিয়ে যেতে চাইছে নির্মলা। কোয়ার্টার পাবে। সে শুধু বলল, বেশ জোরে বৃষ্টি নেমেছে।

—বৌদি একা যাবে?

অতীশ বলল, এখনও কিছু ঠিক হয়নি। দেরি আছে।

—এখানে হল না। রাজার চিঠি নিয়ে বেন কোথায় গেলেন?

—না হল না।

—অতদূরে চলে যাবে, আপনার কষ্ট হবে না?

কুম্ভর কথাবার্তাই এই রকমের। সহজেই সে মানুষকে আপন করে নিতে পারে। সহজেই সে মানুষকে শত্রু করতে পারে। কিন্তু সে তা পারে না। সে বলল, আপনার বৌদির শরীরটা ভাল যাচ্ছে না।

বুড়িতে পথঘাট ভেসে যাচ্ছে। আর একটু হলেই জল জমে যাবে। কড়-কড় শব্দ করে কোথাও একটা বাজ পড়ল। অতীশ ভয়ে ভয়ে কাঠের ওপর পাতুলে দিয়েছে। সব সময় আশঙ্কা, তার কিছু কেউ কেড়ে নেবে। টুটুল মিন্টু অত বড় বাড়িটায় এখন কি করছে কে জানে। নির্মলার শরীর দিচ্ছে না আর। একটা লোকের খুব দরকার। নির্মা ফাঁক পেলেই শুয়ে থাকে। সে বাড়ি থাকলে বুঝতেই দেয় না, নির্মলার মধ্যে কোন অস্বস্তি আছে। ডাক্তার দেখছে। পিরিয়ডের গুণ্ডগোল, তলপেটে প্রচণ্ড ব্যথা—এবং রক্তপাত গভীর। ওর দিদিও দেখে গেছে একদিন। বলেছে, শীত এলে নিয়ে যাবে হাসপাতালে। মাইনর অপারেশন। ভয়ের কিছু নেই।

বিচ্ছু দুটো আবার না বুড়িতে ভিজে বেড়ায়। দুটোই হয়েছে হাড়ে হাড়ে বজ্রাত। ফাঁক পেলেই টুক করে নেমে যাবে। পাতাবাহারের গাছগুলো পার হয়ে বোরানীর সখের ভুট্টার জমিটার দিকে চলে যাবে। ক' বিঘে জমিতে লাঙ্গল লাগিয়ে চাষ। গম আর ভুট্টার খেত। বড় বড় পাতা, আর হলুদ রঙের ভুট্টা—বড়ই লোভ। এবং তারপরই পুকুর। পুকুরের জলে গভীর একটা অন্ধকার। এই অন্ধকারটা বাইরে গেলেই তাকে কেন যে তাড়া করে। রাতে সে টের পায়, ঘরের অন্ধকারে সেই কোন ছায়া। যে দেখা দেয় না, তবু পাশে পাশে থাকে। ছায়ার মতো, কিংবা কুয়াশার মতো। তার কি ইচ্ছে কে জানে। অতীশ বলল, কাল আসতে দেরি হবে?

—তা আসবেন।

পরদিন রাজবাড়ির কেউ কেউ দেখল, অতীশ পুকুরে চান করতে যাচ্ছে। হাত ধরে আছে মিন্টু। মিন্টুকে অতীশ সাতার শেখাতে নিয়ে যাচ্ছে। পায়ে পায়ে আসছে টুটুল। সে সবাইকে গর্ব করে বলছে, আমার বাবা। আমার দিদি।

স্বপ্নে বারান্দায় উবু হয়ে সব শুনছিল। ও বসে বসে কাশছে। সকালের
দিকে কাশিটার প্রকোপ বাড়ে। ভোর রাতে ঘাম দিয়ে জ্বরটা সেরে যায়।
হালকা লাগে শরীর। এই সময়টায় সে বড় দুর্বল বোধ করে। উঠতে ইচ্ছে হয়
না। নড়তে ইচ্ছে হয় না। সংসার রসাতলে গেলেও সে চোখ বুজে পড়ে
থাকতে ভালবাসে। কাশি এবং জ্বর প্রবল হওয়ায় আজ অফিস যেতে পারেনি।
নতুন ম্যানেজার তার দরজার পাশ দিয়ে কোথায় যাচ্ছে। পাজামা পরনে, গায়ে
গেঞ্জি এবং কাঁধে তোয়ালে। খালি পা। এদিকটায় কোনদিন তাকে এভাবে
দেখা যায় না। আজ কেন? সে মুখটা লদা করে দিল। আর তখনই শুনতে
পেল, সেই সুন্দর শিশুটি বলছে, আমার বাবা।

স্বপ্নে উকি মেরে বলল, না আমার বাবা।

টুটল ঘাবড়ে গেল। সে দৌড়ে বাবাকে জড়িয়ে ধরে বলল, আমার বাবা।

পাশাপাশি ঘরগুলি থেকে সবাই তখন টুটলকে ফেপাচ্ছে, আমার বাবা।

যত সবাই বলছে, তত ত্রাহি চিৎকার টুটলের, না আমার বাবা। কিন্তু
এতগুলি মানুষের সঙ্গে সে পারবে কেন। যদি সত্যি তাদের বাবা হয়ে যায়।
সে বাবাকে ছেড়ে দিয়ে দু-চোখ দু-হাতে চেপে ধরল। অতীশ বুঝতে পারছে,
টুটল তার কান্না সামলাচ্ছে। সে তাড়াতাড়ি ওকে বুকে তুলে নিয়ে বলল, না
না, আমি তোমারই বাবা।

শিশু কি বোঝে সে জানে। মুখে চোখে বাপকে জয় করতে পেরে
দিশবিজয়ের হাসি। তারপরই প্রশ্ন, বাবা ওটা কি?

—ওটা গাছ।

—কি গাছ বাবা?

—কদম ফুলের গাছ।

—আমাকে ফুল দেবে।

—দেব।

ঘাটলায় এসে অতীশ বলল, তুমি এখানে বস। নামবে না কিন্তু। জলে
শেকল আছে। বড় একটা শেকল। নামলেই পায়ে এসে জাপটে ধরবে।
জলের তলায় নিয়ে যাবে। আমরা তোমাকে আর তবে পাব না।

টুটল ঘাটলার সিঁড়িতে চূপচাপ বসে থাকল। কালো জল, পদ্মপাতা, দুটো-
একটা পাখি, ওপরে কেউ ছিপ কেলে বসে আছে, ঘাটলায় মানুষজন চান করছে।
জলের ওপর শেকলের শব্দ ভেসে ওঠে যদি—সে চারপাশে বড় বড় চোখে এমন

ভেবে তাকাল। যদি ওটা এগিয়ে এসে সত্যি পা জড়িয়ে ধরে। সে ভয়ে তার
দু-পা চেপে ধরে বসে আছে।

তারপরও আশ্বস্ত হতে না পেরে বলল, বাবা ভয় করে।

—ভয় নেই। পোস ওখানে।

মিষ্টু তাইকে বলল, তুই হাঁদা। বাবা থাকলে শেকল কিছু করে না, না
বাবা?

অতীশ মিষ্টুকে ধীরে ধীরে জলে নামাচ্ছে। জলে নামতে তারও ভয়।
কোন ফাঁকে তার পায়ে না সাপটে ধরে। অতীশ দেখল, সহসা মিষ্টুর চোখ-
মুখ ভাবি গম্ভীর হয়ে গেছে। সে বলল, কি হল, নামো, নামো। আমি ত ধরে
রেখেছি। ভয় কি।

টুটুলের ভারি মজা। সে বলল, দিদি আমাকে মারে বাবা।

—কবে মারলাম, মিথ্যাক।

অতীশ বলল, ঠিক আছে, এবারে পা-দুটো নামিয়ে দাও। পা-দুটো নাড়।
জলে না নামিলে কেহ শিখে না শাঁতার। এই প্রবচনটি অতীশের মাথায় খেল
গেল। সে বলল, কি হল, তুমি পা নাড়াচ্ছ না কেন? হাতে জল টান। এই
স্বাথ জল, সে কিছুটা জলে নেমে তার দুই সন্তানকে শাঁতার বস্তুটি কি তার একটা
নমনা দেখাল। আর তখনই দেখল, মিষ্টু জল থেকে উঠে উদ্ধ্বাসে বাড়ির
দিকে ছুটেছে। পেছনে টুটুল।

অতীশ হাঁ হয়ে গেল। বাসায় ফিরে দেখল, ওরা কোথাও নেই। নির্মলা
স্বাধাধরে মোড়ায় বসে আছে। সে বলল, দেখলে ত কাণ্ড। জল দেখেই
পালিয়েছে।

—দেখতে হবে কার ছেলে।

অতীশ বুকল, নির্মলা ওকে ঠেস দিয়ে কথা বলছে। সে বলল, ওরা
কোথায়?

—বাথরুমে ঢুকে আছে ভয়ে।

—এত ভয়!

—নির্মলা বলল, তুমি থাকলেই ভয়। ওদিকে ত তুমি জান না, মিষ্টু ফাঁক
পেলেই তাইয়ের হাত ধরে পুকুরপাড়ে চলে যায়। দুমবার বলেছে, ওখানে নাকি
রাজবাড়ির পরীরা থাকে। ওরা পরী দেখার জন্য বাসের মধ্যে উবু হয়ে বসে
থাকে।

পরীরা তবে রাজবাড়িতেও ঘোরাকেরা করে। পরীরা আকাশে বাতাসে সমুদ্রে সর্বত্র উড়ে বেড়ায়। বুঝি, মাথার মধ্যে, বস্ত্রে নিরন্তর খেলা করে পরীরা। ওদের মতো সেও এক পরীর ঘোরে পড়ে গেছে। কতদূর টেনে নিয়ে যাবে কে জানে।

॥ আঠার ॥

সকালে দৈনিক কাগজের প্রথম পাতায় বর্ষণ এই শীর্ষক খবর এবং ঠিক প্রথম পাতার ওপরে বড় এক ছবি—যুবতী নারী জলের ফোঁটা মুখে চন্দনের মতো মেখে নিচ্ছে। পাশে ফোর্ট উইলিয়ামের ছবি, দুর্গের বুকজে জালালী কবুতর উড়ছে। নিচে হরেক রকম পাঁচমেশালি খবর। কোথাও মল্লিসভা ভেঙে দেওয়া হয়েছে। চাষাবাদ নিদারুণ মার খাচ্ছে। মাছ আনাড় অগ্নিমূল্য। কোথাও দমদম দাওয়াই চলছে—কাজের কাজ হচ্ছে না। ষাণ্ডে ভেজালের মতো শত্রুদানায় স্বয়ম্ভরত, কত রকমের হরেক ভোজবাজি—মিছিল, দাঙ্গা রক্তপাত মাহুষ ঠিকঠাক বেঁচে নেই।

তারপর সারারাত দিন ধরে বৃষ্টি হয়েছে। কখনও টিপ টিপ, কখনও ঘোর বর্ষণ এবং জোরে হাওয়া বইছিল। ভোরের দিকে হাজির কর্পোরেশনের গাড়ি। গাড়ি থেকে টুপটাপ লোক নেমে গেল। ম্যানহোল খুলে দিল। ট্রামবাস বন্ধ। বৃষ্টির জল ছাতার পাখিরা কলকাতার মাঠ পার হয়ে গঙ্গার ওপারে। হুগলী নদীর পাড়ে পাড়ে চটকলের বাবুরা বাগানে তখন ফুলের চারা পুঁতে দিচ্ছে। বুড়ো ফকিরচাঁদ কলকাতার গলা জলে দাঁড়িয়ে তখন আকাশ দেখছে। পাশে চাক। তলপেটে হাত। মাঝে মাঝে কুকড়ে যাচ্ছে। পেটে তার ঈশ্বর ছানা পোনার মতো বড় হচ্ছিল। মেঘ গুড়গুড় করতেই সে নেমে আসার জগৎ দাপ-দাপি শুরু করে দিয়েছে।

চাকর পাতলা প্রাইউন্ডের ঘর এখন জলের তলায়। মরা ইঁদুর বিড়াল জলে ভাসছে। জানালায় যুবতীর মুখ। বৃষ্টির ঘ্রাণে চোখ অলস। গর্ভবতী হবার বড় স্বপ্নময় এটা। বৃষ্টি এলেই মনের মধ্যে সে কণ্ঠ কয়! শরীর অস্থির হয়ে পড়ে। যে কোন পুরুষই তার এখন কাম্য। সে সকালে বাবা দাস্তাবাবুকে বলেছে স্বাভাবিক আমার জ্বর আসে। আমার ঘুম আসে না। দাস্তাবাবু বলেছে, বৃষ্টি বন্ধ

হলেই সেবে যাবে। সব সেবে যায় তখন। দাস্তাবুর মনে হয়েছে, বৃষ্টির পরে তার পাত্রেব খোঁজে বেব হওয়া দরকার। মাহুয ত গাইবাবুর। সময়ে পোষা জীব না দেখালে মতিভ্রম ঘটতে পারে। ভারি দুশ্চিন্তা দাস্তাবুর।

চারু এবং ফকিরচাঁদ সারারাত জলে ভিজেছে। রাস্তার দুপাশে কত ঘরবাড়ি কত মাহুযজন, তবু তারা এতবড় কলকাতা শহরে ডাঙা জমির খোঁজ পায় নি। শীতে কাঁপছিল। ডাঙার খোঁজে সারারাত চারু জল ভেঙেছে। অসীম সাহস কুকে নিয়ে সর্বত্র বিচরণ করতে করতে সামনের চার্চ এবং রাজাবাজারের ডিপোতে অথবা লোহার পাইপগুলো অতিক্রম করে অগ্ন কোথাও.....চারু পরিচিত সব জায়গা খুঁজেও সামান্য আশ্রয়ের সংস্থান করতে পারেনি।

ওরা প্রায় সাতার কেটে রাস্তার ওপারে গিয়ে উঠতেই দেখল, বৃষ্টি ধরে আসছে। মাথার ওপর গুমোট অন্ধকারটা নেই, কিছু হাল্কা মেঘ বাতাসে ওড়াওড়ি করছে। এ-সময়ে হরিণ রাস্তায় পুরোপুরি নয়। হাঁটু জলে দাঁড়িয়ে আছে। ভিজে জামাকাপড় গায়ে নেই—সব হাতে। চারু নিজেও পাঁচিলের আড়ালে উলঙ্গ হয়ে শাড়ি থেকে জল নিংড়ে নিল। ফকিরচাঁদ শীতে খুবই কাবু, সাদাটে মুখ, হাতে পায়ে হাজা, কেবল চুলকাচ্ছে।

একটু ডাঙামতো জমিতে দুটো পাইপ। পাগলিটা আরামেই আছে। পাইপের মধ্যে মুখ বার করে বাসি হাড় মাংস চিবুচ্ছে। আর আকাশে মেঘ দেখছিল। রাস্তায় মাহুযজনের দুর্গতি দেখছিল। হরিণের ল্যাঞ্জে গোবরে অবস্থা দেখছিল। আর হি হি করে হেসে মরছিল।

হরিণ কিছু ভিজা কাগজ তুলে নিয়েছিল জল থেকে। তাই দিয়ে তার সোনার অঙ্গ ঢাকা। সে মুণ্ডমালার মতো তাই কোমরের ধারে ধারে ধারণ করে যেন কত আয়াসে লজ্জা নিবারণ। আকাশে হাল্কা মেঘ দেখে এবং আর বৃষ্টি হবে না ভেবে ঠিক টাকি হাউজের সামনে—তেরে কাটা দিন এইসব বোলে শরীর গরম রাখার জন্তু হামেশাই নাচছে আর চিংকার করছে, শালো কলকাতা বিষ্টির জলে ডুইবে গেল। পাখি উড়ে গেল বাতাসে। দম মাধা দম পাগলা মাধা দম। শালো সব ভেইসে যাক, ডুইবে যাক। জল উঠোক, পাঁচতালা সাততালা বাড়ির মাথায় জল উঠঠে যাক। কলকাতার সে সাক্ষীগোপাল।

তখনই চারু হরিণের পেছনে গিয়ে ঠেলা মারল, বলল, এই ল্যাংটা। হরিণ এই কথায় ভারি আশ্চর্য। একটু চিতিয়ে সে লাঠিটা মাথার ওপর তুলে দিল। কিছু নেই, সব ফক্সা ভোজবাজিয়ালা সে, কত সহজেই ফুসমন্তরে এই কলকাতায়

বানভাসি জল নিয়ে এল। এত গরিমা তার আর চাক কি যে বলে! সে অবিশ্বাসী চোখে মুখে চাকর সামনে কোমর দোলাতে থাকে। এই ছাথে চাক আর পারে না। লজ্জায় মুখ ঘুরিয়ে নেয়।

ফকিরচাঁদ রাজবাড়ির পাঁচিলের নিচে বসে আছে। সে উঠতে পারছে না। থেকে-থেকে কাশি উঠছে এবং চোখ ক্রমশ বোলা দেখাচ্ছিল। জল কমলে ফের ট্রাম বাস চলতে শুরু করবে অথবা জল আরও হলে এইসব সারি সারি ট্রাম বাস উঠের মতো মুখটি তুলে দীর্ঘ উ-টি আছে খুলে হয়ে থাকবে। ফকিরচাঁদ শীত তাড়াবার জন্য কাতরভাবে শৈশবের ‘অয় অজগর আসছে তেড়ে, ইঁদুর ছানা ভয়ে মরে—যা শালা বিষ্টি। ইঁদুরের ছানাকে আর বেঁচে থাকতে হচ্ছে না। সেও শহরে একটা নেংটি ইঁদুর। এখন জলে মরে ভুত হয়ে থাকবে। কিন্তু তার তো মরে গেলে হবে না—কত কাজ বাকি, চাক আসন্নপ্রসঙ্গ। চাকর সন্তান না দেখে সে মরে কি করে! গাছেরও গাছ থাকে। তার গাছ না থাকুক ফল আছে, ফলের বীজ থেকে অঙ্কুর। কত আশা তার। সে দেয়ালে এসময় কি লেখার চেষ্টা করল, কিন্তু বাতাসে আর্দ্রতা ঘন বলে কোন লেখা ফুটে উঠল না।

ক্রমশই মেঘ হাল্কা হয়ে উড়ে যাচ্ছে। কোথায় যে যায়। কোথা থেকেই বা আসে। ভগমানের লীলা খেলাতে রহস্যের অন্ত নাই। ফকিরচাঁদ এখন রোদের জন্য অপেক্ষা করতে থাকল। যা সরে যা, যা মেঘ উত্তরে। যা মেঘ দক্ষিণে, আকাশ হাল্কা করে দিয়ে যা।

ফুটপাথ থেকে জল নামতে শুরু করছে। গবগব করে ম্যানহোল দিয়ে জল-সেঁধাচ্ছে। ট্রাম বাস ফের চলতে থাকল। মানুষজন বাড়তে থাকল ফুটপাথে। পঙ্কপালের মতো গেছো মানুষের আঁটি সব এখন আবার রাস্তায়। মনে হচ্ছে আর বৃষ্টি হবে না। কেমন শরৎকালীন হাওয়া। বুড়ো এই সময় চাককে পাশে নিয়ে বসল। চাক বসতে পারছে না। ছু-পা বিছিয়ে বসেছে। বড়ই হেনস্থা করছে পেটটা। ভারি উঁচু। ভিতরে স্বর্ণসুখ। বোদি উঠবে ভেবে সে চাককে কিছু কথা বলতে চাইল। কতদিন আর সে আছে কে বলতে পারে। সে কিছু আশার কথা বলল। কার কপালে কিডা লেখা আছে কোন মনিয়ি জানে! তুই যে রাজধানী হবি না অ্যাডাও কেউ হলপ করে বলতে পারে না। তারপর সে গোঁকি বলে একজন মানুষের গল্প করল। তার মায়ের গল্প করল। চাকর কতদিন পর মনে হল দেশে থাকতে বুড়ো মানুষটা ইঙ্কলে মাস্টারি করত।

বুড়ো এবার কি ভেবে উঠে দাঁড়াল। চাকর চোখও বোলা বোলা দেখাচ্ছে।

একটু চা খেলে চাকর শুকনো পরাণভা ভাজা হবে। সে থিক থিক কান্দা এবং আবের্জনা পার হয়ে এক মগ চা নিয়ে এল। দুজনে খুরিতে ভাগ করে খেল। বৃষ্টি আর আসছে না ভেবে বড়ো অনেকদিন আগেকার কোন গ্রাম্যসংগীত মিন-মিনে গলায় গাইল। তারপর সে তার স্বাবর অস্বাবর সম্পত্তির ভেতর থেকে একটা ভাঙা এনামেলের থালা বের করে নিল। বসে থাকলে চলে না। খেতে খেতে হয়। এই আশ্বাবাক্য সার করে ভিক্ষা করতে বের হয়ে গেল। হোটেলের রেস্টোরাঁয় তার জন্ম উদ্ভূত অন্ন থাকে। জীবনটা এভাবে কেটে যাচ্ছে। জীবনটা রাজবাড়ির সদরে কোলানো এক হাত গণ্ডারের ছবির মতো—মাথা সব সময় উচিয়েই আছে।

কিন্তু কিসে কি হয় বলা যায় না। সমাজের সব ধূর্ত শেয়ালদের মতো মেঘে মেঘে আকাশটা কালো হয়ে গেল। ফের বৃষ্টি—বর্ষাকাল এসে গেল। বৃষ্টি ঘন নয় অথচ অবিরাম। ফকিরটাদের বসবাসের স্থানটুকু আবার ভিজে গেছে। হরিশ সতী কেউ নেই। বৃষ্টির ধান্দা দেখে ভয়ে ফের পালিয়েছে। যেমন পালায়, সময়ে অসময়ে ওদের আর দেখা যায় না। কোথায় যে নিরুদ্দেশ হয়ে যায়। ফকিরটাদ উচ্ছিষ্ট অন্ন খেতে খেতে হাঁ করে থাকল—আকাশের পরিস্থিতি ভাল না। আজ সারাদিন আবার বৃষ্টি হবে। একটু উত্তাপের জন্তে ফের কান্না পাচ্ছিল। ঠাণ্ডায় মরে পড়ে থাকলে চাকর আর কেউ থাকবে না।

চাকর পাচিলের পাশে ফকিরটাদকে টেনে তুলল। এই শেষ শুকনো ভাঙা জমি। আর কোথাও নড়বার জায়গা নেই। দুটো কুকুর একটা ভেজা বেড়ালও উঠে এসেছে। কলকাতার বানভাসি জলে বড়ই তারা কাতর। চাকর তলপেট কুকড়ে যাচ্ছে এবং ভেঙে যাচ্ছে। চাকর নিজের কষ্টের কথা ভুলে গেল। কুকুর বেড়ালের মাঝখানে ফকিরটাদকে বসিয়ে রেখেছে। কুকুর বেড়ালের গায়ের ওমে যদি দাছুটা গরম থাকে। ফকিরটাদের ঠাণ্ডা তবু যায় না। কাতরায়। বলে, চাকর আমারে নিয়ে যা কোথাও। গরম লেপ তোশক দে। আগুন জ্বাল। নালে আমি মরে যাব। তুরে দেখবে টা কে?

—কোথায় যাবরে! আমার শরীর দিচ্ছে নারে। যুবতী চাকর তলপেটে দু-হাত রেখে কথাগুলো বলল।

ফকিরটাদ ফের বলল, আমারে কোথাও নিয়ে চল চাকর। ভারি ঠাণ্ডা—হি

চারুর মনে হচ্ছিল তখন জ্বায়ুর ভিতর গাঁহিতি মারছে কেউ। সে কথা বলতে পারছে না।

বাস ট্রাম যাবার সময় কাদা জল উঠে আসছে ফুটপাতে। ফুটপাত থেকে ঘোলা জল নেমে গেলে প্রায় ঘন কাদায় থিক থিক করছে। ফকিরচাঁদের এখন উঠে দাঁড়াবার পর্যন্ত শক্তি নেই। সে ক্রমেই স্ববির হয়ে পড়ছে। নড়তে পারছে না, গা হাত পা ব্যথা করছে। ঠাণ্ডায় শরীর অবশ। হিমেল হাওয়ায় ত্রিভুতির করে গাছের পাতা নড়ছে।

থেকে থেকে ট্রাম বাস চলছিল এবং ছাতা মাথায় যারা যাচ্ছে তারা ছাতার জলে আরও ভয়াবহ করে তুলছে ফুটপাত। ফকিরচাঁদ বুড়ো বলে তার রাগ হচ্ছে। অথচ কি সুন্দর ছিল তার হস্তাক্ষর, পণ্ডিত ছিল ফকিরচাঁদ, প্রাথমিক বিদ্যালয়ের পণ্ডিত তারপর ফকিরচাঁদ পুত্র এবং পরিবারের সবাইকে হারিয়ে দীর্ঘস্থত্রতার জন্য ফুটপাতের ফকিরচাঁদ হয়ে গেল।

এখন দিন নিঃশেষের দিকে। জল এখানেও ওঠে আসছে। কুকুর বেড়ালগুলো সময় থাকতেই জলে ঝাঁপিয়ে পড়েছে। গাতার কাটছে। তাদেরও চাই ভাঙা জমি। পাড়ে যেতে হবে। কুকুর বেড়াল যা বোঝে দাঁড়া তাও বোঝে না। চারু স্কের দাঁহুর হাত ধরে জল ভাঙতে থাকল। দাঁহুকে টেনে হিঁচড়ে নিয়ে যাচ্ছে। কলার খোলার মত জলের ওপর দিয়ে ভাসিয়ে নিয়ে যাচ্ছে। সর্বত্র মাছুয়ের ভিড়। পোকাকর মত থিক থিক করছে। কোথাও সে এতটুকু জায়গা পাচ্ছে না। সামনে পোল, পোলের ওপরো যদি গিয়ে উঠতে পারে। আগে থেকেই সবাই সব টের পায়। গাড়িবারান্দা সব জলের তলায়। মাথার ওপর এক টুকরো ছাদের বড় দরকার। চারু বুঝতে পারছে জায়গা সব গেছে। অগত্যা চারু আর কি করে, টেনে-হিঁচড়ে সেই এক জায়গায় কিরে আসে।

ঠাণ্ডা হাওয়া দিচ্ছে। তখনই চোখে পড়ল একটা চালাখর। কেউ নেই। কিছু খড়কুটো এবং উচ্ছিষ্ট ভাঙা প্রতিমা। জলে ভিজে অবজবে। তারই আড়ালে ফকিরচাঁদকে নিয়ে ঠেলে তুলল। কি করে এমন একটা জায়গা ফাঁকি রয়ে গেছে বোঝা গেল না। রাস্তার আলো এখন ফকিরচাঁদের মুখে। দাড়িতে বিন্দু বিন্দু জল মুক্তোর অক্ষরের মত। যেন লেখা, আমার নাম ফকিরচাঁদ শর্মা, নিবাস যশোহর। চোখ সেই ঘোলা ঘোলা। কিছু খেলে যদি শরীরে তাপ ওঠে। চারু ঠাণ্ডা অডহরের ডাল কটি ফকিরচাঁদের মুখে ভেলা ভেলা গুঁজে দিতে থাকল।

ফকিরচাঁদের চোয়াল শক্ত হয়ে যাচ্ছে। খাবার গিলতে পারছে না। সে সামান্য উত্তাপের জন্য চারুর উরুর মধ্যে হাত গুঁজে দিতে চাইল।

চারু বলল, দাঁহু তুই ইতর। সর। সর। কে শোনে কার কথা। চারু আর কি করে। ডাকতে থাকল, দাঁহু। দাঁহু।

ফকিরচাঁদ ঈষৎ চোখ মেলে তাকাল।

—ভাল লাগছে।

ফকিরচাঁদ বলল, হুঁ।

আর তখনই চালাটা বড়ো বাতাসে উড়িয়ে নিয়ে গেল। ফকিরচাঁদ যেন জ্বোর পাচ্ছে। সে বলল, কি হবে চারু।

চারু ভাড়াভাড়ি একটু আশ্রয়ের জন্য হোক অথবা ভীতির জন্য হোক উঠে পড়ল। আশ্রয়ের জন্য ফুটপাথের সর্বত্র এমন কি গলিঘুঁজির সন্ধানে সে ছুটে বেড়াতে থাকল। চারু পাশে শুধু জল, জলে থৈ-থৈ করছে। ট্রাক বাস সব আবার বন্ধ। কেমন একটা মৃত শহরে সে যেন একা। শুধু জলের আর হাওয়ার ভীত শিস। ছলাং ছলাং জলে ঢেউ খেলে যাচ্ছে। বাড়িঘরগুলো সব যেন হুগছে। চারু ইলিশ মাছ ভাজার গন্ধ পাচ্ছিল। ঠাণ্ডা বাবু। ঘরে জাঁকিয়ে বসে আছে। খিঁচুড়ি ইলিশ বাসছে। চারুর বড় স্কুবার উদ্বেগ হচ্ছে। হাঁটু জলে দাঁড়িয়ে সে ঢোক গিলল।

আর অধিক রাতে চারু ফিরল নিরাশ হয়ে। তখন তলপেটে ফের সেই ঈশ্বরের কামড়। শরীরটা নুয়ে পড়ছিল। ইতস্তত দূরে দূরে জলের মধ্যে কিছু ট্যাকসি কচ্ছপের মত ভেসে আছে। মানুষ-জন দেখা যাচ্ছে না। ছু পাশের ঘর-বাড়ির দরজা-জানালা বন্ধ। চারুর এখন বড় ক্লিষ্ট চেহারা, বড় করুণ। সামনে অপরিচিত অন্ধকার, চার্চের সামনে হেমলক গাছ। লোহার রেলিং টপকে গেলে ছোট ঘর এবং সেখানে কাঠের কক্ষিনটা মাচানের মত করে রাখা। ভেতরে কবরভূমি। পৃথিবীর সবচেয়ে উঁচু ডাঙা জমি।

চারু সন্তর্পণে লোহার রেলিং টপকে কাঠের কক্ষিনে ঢুকে সন্তান প্রসব করবে তাবল। তখনই মনে হল ফকিরচাঁদ তার আশ্রয় বসে আছে। না গেলে স্কুডোটা আরও হতাশ হয়ে পড়বে। হতাশ হয়ে পড়লে মানুষের বেঁচে থাকতে ইচ্ছে করে না।

চারু ধীরে ধীরে রাজবাড়ির সদর দরজায় কোলান এক হাত গণ্ডারের ছবির নিচে এসে দাঁড়াল। ওর বুক বেয়ে কান্না উঠে আসছে। কে বা কারা মাঘ

ভগমান তার সব স্বৰ্ণ হরণ করে নিল। তবু সে আসছে। তাকে শক্ত হওয়া দরকার। জন্মের পর এই বুড়োচাঁই তার সম্বল। আর সেই মোঘের মত মানুষটা যাকে সে তার সর্বস্ব উজাড় করে দিয়েছিল, যে চুনগলা জল ফেলে ঘুঘু পাখিদের উড়িয়ে দিয়ে গেছে অথচ আর ফিরে এল না।—সদর দরজায় এক হাত গণ্ডারের ছবির নিচে দাঁড়িয়ে চারু কঁাদতে থাকল। বুটের দন ফৌটা, গাছ-গাছালির অস্পষ্ট ছায়া অথবা সাপ বাঘের ডাকের মত ব্যাঙের ডাক আর নগরীর দুর্ভেদ্য স্বার্থপরতা চারুর দুঃখকে অসহনীয় করে তুলছে। চারুর শ্বাস নিতে কষ্ট হচ্ছিল। এমনকি কুকুর বেড়ালও এই বুটতে বের হচ্ছে না। পুলিশ কোথাও পাহারায় নেই। চারু একা। এত বড় শহরের মধ্যে সে একা, এবং একমাত্র সম্ভান যে মুখ বার করার জন্য ব্রহ্মাণ্ডের ভেতর দাপাদপি করছে। আর তখনই চারু দেখতে পেল সেই পাগল, জনহীন নগরীতে হেঁকে যাচ্ছে ছু ঘরের মাঝে অর্থে সমুদ্রুর। পেছনে পাগলিনী। গভীর রাতে আজ দুজনের হাতেই লাঠি। যেন শহরের সব দুষ্কৃতকারীদের খুঁজে বের করার জন্য জল ভেঙে হেঁটে যাচ্ছে। লাঠির মাথায় পালক। চারুর বুকে সাহস জমে গেল।

চারু তাড়াতাড়ি ফকিরচাঁদের হাত ধরে টানাটানি করতে থাকল।—উঠ দাছু উঠ। বাবি। জায়গা পেয়ে গেছি।

তারপর চারু ফকিরচাঁদের হাত ধরে কাঠের দোকানগুলি টলতে টলতে পার হয়ে গেল। ওদের জামা-কাপড় জলে ভিজ়ে সপ-সপ। শীত আরও কনকনে, বাতাস আরও প্রবল। ওরা দুজনেই এবার ঠাণ্ডা থেকে বাঁচবার জন্য নয় হয়ে গেল। রেলিং টপকে গেলেই মানুষের কফিন। তার মধ্যে ঢুকে বসে থাকলে ঝড়ো হিমেল হাওয়া আর দাঁত বসাতে পারবে না। এখন ফকিরচাঁদই সব করছে। কত বড় কথা, তার গাছের গাছ সেই থেকে অন্ধুর যেন সরলরেখার মত শীর্ণ একটা বরাবর রেখা টেনে যাওয়া। ভারি উত্তেজনা বোধ করছিল ফাকর। বংশ রক্ষা হচ্ছে কত তার স্বখ এখন। জল ঝড় হিমেল ঠাণ্ডায় সে আর কাবু হচ্ছে না। চারু পাশে একটা খুঁটি ধরে দাঁড়িয়ে আছে। মাথার ওপরে দেবদারু গাছ, পাশে কবরভূমি, ডাঙা, মাচান এবং আড়ালে-আবড়ালে চারুর সম্ভান প্রসব।

মাচানের নিচে চারু ঢুকে যেতেই গুনল কফিনের ভেতর থেকে কারা যেন কথা বলছে।

—কে? কে! এখানেও বেদখল! ফকিরচাঁদ যুবকের মত রুখে দাঁড়াল।

কফিনের ডালা খুলে একটা কিস্তিকিমাকার মুখ উকি মারল। সেই পাগলা হরিশ। লম্বা দাঁতটা হিমেল হাওয়ায় আরও লম্বা হয়ে গেছে। তার পাশে আর একটা মুখ। চুল উসকো খুসকো। সতীব্রি যেন উকি দিয়ে মল্লের অপোগন্দের দেখছে। তাজ্জব সে। এখানেও দখল নিয়ে কাড়াকাড়ি।

ককিরচাঁদের মনে হল, মাল্লই মাল্লের সহায়। সে বলল, তোরা সবাই মিলে চারুকে ধর। চারুর বাচ্চা হবে।

সতী এ-কথায় কোন এক স্বদূরের ছবি দেখতে পায়। চারু মা হবে। মা হবার মত মেয়েদের বড় কিছু নেই। ঝড় জলের রেতে মনেই থাকল না মাল্লের হারামিপনায় অতিষ্ঠ হয়ে সে পাগল হয়ে গেছে। মস্তিষ্কে পোকা বাসা বেঁধেছে। সে বলল, সর সর। তোরা সরে যা। তাদের দেখলে আমার বমি আসে।

কি করে আর। ককিরচাঁদ এবং হরিশ হেমলক গাছটার নিচে গিয়ে বসে থাকল। আর সতী চারুকে বগলদাণা করে তুলে নিল মাচানে। মায়ের মত স্নেহ এবং করুণা ছু চোখে। সে চুমো খেল চারুর উরুতে।

তারপর কফিনের ভেতর সন্তানের জন্ম হলে পাগলিনী গ্রাম্য প্রথায় তিনবার উলু দিল। সেই শব্দের বংকারে মনে হচ্ছিল সমুদ্র কোথাও না কোথাও সৃষ্টিকর্তার ভূমিকা পালন করে থাকে, মনে হচ্ছিল এই সংসার হাতি অথবা গণ্ডারের ছবির মধ্যে কখনও লুকিয়ে থাকে। শুধু কোন সং যুবকের সংগ্রামের প্রয়োজন। উলু শুনে পাগল শেষ রাতের অন্ধকারে গলা ফাটিয়ে চিৎকার করে উঠল, কে আসবি আয়, সংক্রান্তির মাদল বাজছে আয়। তখন ককিরচাঁদ খুসর অন্ধকারে সুন্দর হস্তাক্ষরে শিশুর নামকরণ করে অদৃশ্য এক জগতের উদ্দেশ্যে রওনা হয়ে গেল।

ঠিক তার দুদিন বাদে এক বিকেলে অতীশের ফোনটা সহসা কেমন পাগলা ঘোড়ার মত বেজে উঠল। স্বধীর চা রেখে গেছে। একগালা চালান সই বাকি। চা খেয়ে চালানগুলি সই করবে ভাবছিল—তখনই ফোন। সে ফোন নিজে তুলল না। কারণ ঠিক এ-সময়ে শেঠজী ফোন করে থাকে। ফোনে তাকে জালায়। একবার ধরলে আর ছাড়তে চায় না। সে বেল টিপল এবং স্বধীর এলে বলল, দেখত কে ফোন করছে। শেঠজী হলে বলবি, বাবু খাচ্ছেন। পরে করবেন।

স্বধীর বলল, বাবু, মেয়েছেলে কথা বলছে।

মেয়েছেলে কে হতে পারে। সে চাটা রেখে কোন তুলে বলল, হালো।

—তুই কোথায় ছিলি। কোন কে ধরেছিল।

—বৌরাণী।

—হ্যাঁ। তোমার মুণ্ড।

—কি খবর? কোন স্থধীর ধরেছিল। চা খাচ্ছিলাম।

—স্থধীরটা আবার কে? আমাকে মেয়েছেলে বলে কেন?

—বেয়ারা।

—তুমি আস্ত একটা বেয়াড়া মানুষ। তোমাকে নিয়ে অনেক ঝগড়া। অতীশের মুখটা কেমন কাল হয়ে গেল। সে এত খাটছে, এত দৌড়ঝাঁপ করছে, কোটা, ইম্পোর্ট লাইসেন্স বাড়াবার জ্ঞান কারখানার উন্নতির জ্ঞান, অথচ কিছুই করতে পারছে না, সবাই আশা দেয়, আশা মত সে ভাবে, এবারে ঠিক লাইসেন্স আসবে, কিন্তু এত-কম কেন? যা দরকার তা পাওয়া যায় না কেন? হুস্ত বলেছে, আমাকে ভার দিন, দেখুন সব হবে, আপনি পারবেন না! সোজা আঙুলে ঘি ওঠে না দাদা।

—এই তুই কি কাল।

—না...যানে.....।

—শোন কর্পোরেশনের লোকটাকে কিরিয়ে দিস না। ওর পাওনাটা দিয়ে দিস।

সে বুঝতে পারছে, বৌরাণী গোপনে তাকে জানিয়ে দিচ্ছে সব। হেলথ লাইসেন্স ট্রেড লাইসেন্সের বাবদ কোন ঘুষ সে দেয় নি। বলে দিয়েছিল, ঠিক আছে নতুন করে অ্যাসেসমেন্ট করুন। যা হবে তাই দেব। তারপরই বুঝতে পারল, কে যেন অলক্ষে বলছে, এটা তোমার বাপের টাকা, তুমি দেবার কে হে। নতুন করে অ্যাসেস করালে, হাজার দেড় হাজার টাকায় গিয়ে দাঁড়াবে। সেখানে আড়াইশ টাকার প্যাকেট দিলে ঝামেল চুকে যায়।

সে বলল, দেখি।

—লক্ষী ছেলে ওটা দিয়ে দে। সব কাজেই আজকাল ঘুষ দিতে হয়। তুই ত নিচ্ছিস না। কাজ উদ্ধারের জ্ঞান দিচ্ছিস।

সে আবার বলল, আনুক তো ফের। তারপরই কেন জানি অত্যন্ত বিরক্ত বোধ করে। সে বুঝতে পারে তাকে দিতেই হবে। কিন্তু না দিলে কেমন হয়, দেখা যাক না, কত দূর যুগড়ায়। শেষ পর্যন্ত সে দেখবে। এবং তুমি এক

নিদারপ ছবি চোখে ভেসে ওঠে। এই কলকাতায় এসে সে এটা আরও বেশি দেখছে। রাস্তাঘাটে সে দেখছে, অসংখ্য আশ্রয়হীন মানুষ। সন্তান-সন্ততি নিয়ে প্রাইভেটের বাঞ্চে তারা বাস করছে। ঠিক মিন্টু টুটুলের মত শিশুরা হাত পা ছড়িয়ে বসে আছে। অন্নহীন হাহাকার মুখ। বাপেরা আদর্শে মুখ কালো করে, মায়েরা পচা দুর্গন্ধযুক্ত আঁশ জড় করে স্নেহ করছে। পচা আনাজপাতি স্নেহ করছে। যেতে যেতে সে কখনও দাঁড়িয়ে গেছে। ভেতরে এক কঠিন অপ্রত্যাশিত ভয় নাড়া দিয়েছে তখন।— যেন সেই দুর্ভাগ্য, তাকে শেষ পর্যন্ত একটা ফুটপাথের মানুষ বানিয়ে ছাড়বে।

আসলে অতীশ নিজেকে নিজে ভয় পায়। এবং ভয় পায় বলেই সে তখন খুব সংযত গলায় কথা বলে। সে তার নিজের জ্ঞান ভাবে না। দিন যত যায় তত মনে হয়, দুই শিশু তার পায়ে পায়ে হাঁটছে, বড় হচ্ছে। বাবা তাদের জন্য নিয়ে আসবে একটা এলিস-ইন-ওয়াটার ল্যাণ্ড। সেখানে গাছ, গাছের নিচে প্রাইভেটের সংসার, উদ্ভব মুখে এক দীর্ঘকায় যুবক দাঁড়িয়ে আছে, ভাললেই বুকে কি যেন নড়েচড়ে ওঠে।

—ফের আসুক না আসুক, তুই কুন্তকে দিয়ে টাকটা পাঠিয়ে দিস।

তার কথা বলতে ইচ্ছে হচ্ছিল না। তবু কেন যে বলল, আচ্ছা।

সঙ্গে সঙ্গে তার মগজের মধ্যে কে নৃত্য করতে থাকে। অট্টহাসি স্তনতে পায়। এবং সেই দুর্গন্ধ। আজ আবার তাকে একগাদা ধূপকাঠি পোড়াতে হবে। সে তলিয়ে বাবে, তলিয়ে যাচ্ছে, সে এ-সব পারবে না বলে ইঙ্গুল ছেড়ে পালিয়ে এসেছিল। অদৃশ্য দুর্ভাগ্য তাকে দিয়ে ঠিক সেই কাজ করিয়ে নিচ্ছে। সে যেখানে, দুর্ভাগ্যও সেখানে।

বৌরাণী ফের বলল, কদিন ছুটি নে।

সহসা এমন কথায় অতীশ শঙ্কা বোধ করল। চার্জ কি তবে বুঝিয়ে দিতে হবে। তারপর ছুটি, তারপর এসে দেখবে কুন্ত তার চেয়ারে বসে কাজ করছে। কুন্ত কি—অত দূর বাবে—কি জানি, তার হাই উঠল। পরিচিত মানুষদের ছবি চোখে ভেসে উঠল কিছু। কার কাছে যাওয়া যায়।

বৌরাণীর আবার গলা পাওয়া গেল। ভারি সরল মেয়ের মত বলছে, পার্ক স্টেটের বাড়িতে আমার সঙ্গে কদিন থাকবি। কেমন।

অতীশ কথাটাতে খুব হতভম্ব হয়ে গেল। নির্মলার শরীর খারাপ যাচ্ছে। রোজই আশা করে রাতে নির্মা ও-ঘর থেকে চলে আসবে। কিন্তু আসে না।

শরীরের মধ্যে কি যে থাকে। চোখ জ্বালা করে। ভেঁটা পায়। জানলায় চূপচাপ দাঁড়িয়ে নীত গ্রীষ্মের জোনাকি উড়তে দেখে। নির্মলার বিছানার পাশে দাঁড়িয়ে থাকে। নির্মলার শ্বাস-প্রশ্বাসের শব্দ শুনতে পায়। কত সহজে নির্মলা ঘুমিয়ে পড়তে পারে। সন্তর্পণে হাত ধরতে চায়। কিন্তু কোথায় যেন বাধে। সে পারে না। অমলা কি বুঝতে পেরেছে, শরীরে তার হাহাকার জমেছে। সে কি জ্বাববে বলবে ভেবে পেল না। কোন হাতে নিয়ে বসে থাকল।

—হালো হালো।

অতীশ শুকনো গলায় বলল, হ্যাঁ বল।

—ভয় পেয়ে গেলি বুঝি। আমি তোকে খেয়ে কেলব ভাবছি।

—না মানে, নির্মলার শরীরটা ভাল না অমল।

—ওকে নিয়ে কোথাও থেকে ঘুরে আয়। ডান্টনগঞ্জ খাবি। ব্যবস্থা করে দিচ্ছি। ওখানে আমাদের একটা বাংলো আছে, কোন অসুবিধা হবে না।

এত টাকা! অতীশের নেই। সে বলল, এখন এত দূরে যাওয়া সম্ভব হবে না।

—তোর ছেলেটা খেতে ফড়িং ধরে বেড়াচ্ছিল। আমাকে দেখে কি হাসি।
তোর ছেলেটাকে আমাকে দেনা। কিরে দিবি।

অমলার আজ হয়েছে কি। এক কথা থেকে আর এক কথা। সে বলল,
নিও।

—ঠিক কথা দিচ্ছি।

অতীশ বলল, একদিনেই পাগল করে দেবে। ষা ছেলে।

তারপরই খুব গম্ভীর গলা শুনতে পেল বৌরাণীর।—শোন কমলা আসবে।
কাল রাতে তুই খাবি আমাদের সঙ্গে। একা আসবি না কিন্তু। একা এলে ঢুকতে দেব না। তোর বৌকে আনবি। বাচ্চা দুটোকে আনবি। প্রাণ খুলে একটু আদর করব। আমার তো কেউ নেই। কমলা আছে আর তুই আছিস। রাজেনের আত্মীয়েরাও আমাকে ভাইনী ভাবে রে। শেষের দিকে অমলের কর্তৃত্বের কেমন ধরে আসছে মনে হল অতীশের।

অতীশের কেন জানি ভারি কষ্ট হল অমলের জন্ত। সেই বিরাট প্রসাদোপম বাড়ি, সামনের দীঘি, বাউগাছ, নদীর চর এবং কাশফুলের কথা মনে হয়। জ্যোৎস্না বাত, বিশাল ছাদ, কিছু বালিকার ছোটোছোটো, লুকোচুরি খেলার মধ্যে তার এক সময় স্বপ্নময় দ্বিন গেছে। নতুন জায়গা, অপরিচিত মানুষজনের মধ্যে দুই

শালিকা অমল কমল তাকে ভারি আপন করে নিয়েছিল। সে তবু রাতে জ্যাঠামশাইর পাশে শুয়ে মার জন্তু কাঁদত। ছেলেবেলা মা বাদে মানুষের আর কিছুই থাকে না বুঝি। অথচ এক বছরের ওপর হয়ে গেল, সে বাড়ি যায়নি। মাকে ছাড়া কোথাও এক রাত থাকতে তার ছেলেবেলাতে কত কষ্ট হত। অথচ তারপর নিরুদ্দেশ, কেউ জানে না কোথায় সে। বনি এসে জীবনে আর এক নতুন রহস্য গড়ে দিল। তার মনে হয় এভাবে মানুষ এক জগৎ থেকে আর এক জগতে নিরন্তর সরে যায়। গাছের নিচে দাঁড়িয়ে কেউ কেবল ডাকে। সে কখনও জননী, কখনও জায়া, এক দিগন্ত থেকে অগ্নি দিগন্তে। নতুন জগৎ, নতুন চমক, নতুন আকর্ষণ। মানুষ এক দণ্ডের জন্য এক জায়গায় দাঁড়িয়ে থাকে না।

অমলা বলল, কথা বলছিস না কেন?

—না ভাবছিলাম...

—কি এত ভাবিস! তুই নাকি রাতে কি সব করিস?

—কি করি আবার।

—মানস বলল, ধূপকাঠি জালিয়ে বসে থাকিস।

—ওটা আমার হয়।

—কেন হয়?

—কেন হয় জানি না।

—তোমার জ্যাঠামশাইর মতো কিন্তু হয়ে যাস না।

অতীশ সরল বালকের মতো হেসে দিল। বলল, তোমার ভয় করে!

—আমার ভয় কি। আমি তো কাউকে পরোয়া করি না। রাজেনকেও না। মানসকেও না। তারপরই কেমন হুম করে বলে দিল, আমি মা হতে চাই অতীশ। আমার কবে থেকে সেই হচ্ছে। তুইতো জানিস।

অতীশের শরীরটা কাঁটা দিয়ে উঠল। সেই শ্রাওলা ধরা ঘর এবং সেই অন্ধকার এক মরীচিকার মতো, যেন সে ভিতরে ডুবে গেলে প্রথম পাগবোধের কথা এখনও মনে করতে পারে। ঘর থেকে বের হয়ে তার মনে হয়েছিল, সে সাংঘাতিক একটা পাপ কাজ করে ফেলেছে। সেদিন সে একা একা নদীর চরে হেঁটে বেড়িয়েছিল। ওর মনে হয়েছিল, বাড়ি ফিরে গিয়ে যদি মাকে আর দেখতে না পায়। ঈশ্বর বিশ্বাস ছিল তখন খুব বেশি। তিনি রাগ করে যদি মাকে নিয়ে যান। যদি গিয়ে দেখতে পায় মার শরীর সাদা চান্দরে ঢাকা। সারাদিন সে

ভীতু বালকের মতো পালিয়ে বেড়িয়েছিল। অমলা কমলা ডেকে ডেকেও তাক সাড়া পায়নি। সে পাগল জ্যাঠামশাইর হাত ধরে নদীর পাড়ে নেমে গেছিল। বার বার বলছিল, ভগবান আমি আর করব না। আমি ভাল হয়ে থাকব। তুমি আমার মাকে ভাল রেখ। এখন তার আর সেই ঈশ্বরও সফল নেই। বড় হয়ে উঠতে উঠতে পরলোক, দেবদেবী ধর্মশাস্ত্র সব মনে হয়েছে তার বানানো কথা। ভয় থেকে সব ঋষি মহাঋষিরা মানুষের জন্ত নানারকমের শেষ আশ্রয় বানিয়ে রেখে গেছে। ঠিক তার লেখার মতো, মনে যা আসে, নানারকমের ছবি, অর্থাৎ সে ভিতরে ডুব দিয়ে যা দেখতে পায়, তার কথা লেখা হয়ে উঠে আসে। সেইসব দেবদেবীরাও মানুষের কল্পিত পৃথিবী। তাকে সে গ্রাহ্য করে কি করে!

অতীশের পলকেই এসব মনে চলে আসে। ভুলেই যায় সে কারও সঙ্গে কথা বলছে। আবার হালো, হালো।

—হ্যাঁ আমি।

—তুই কি মাঝে মাঝে মরে ঘাস!

—তাই বলতে পার।

—আমার মা হওয়ার ব্যাপারটা এত লঘু করে দেখছিস কেন?

অতীশ কি বলবে! ফোনে এসব কথা বেশি না বলাই ভাল। সে বলল, তুমি তো রোজই আমার বাড়ির পাশ দিয়ে ছুমবার সিং-এর সঙ্গে গোয়ালবাড়ির দিকে যাও। কৈ একবারও তো এত বড় সমগ্রার কথা তোমার চোখ মুখ দেখে আমার মনে হয় নি। একবারও ডেকে কথা বলনি।

—তুই রাজবাড়িতে একটা চাকর। একথা ভুলে ঘাস কেন? তোর বাসার দিকে তাকাব, কথা বলব এত সাহস হয় কি করে!

তখনই মনে হল, সত্যি সে একজন ক্রীতদাস প্রায়। তার বাড়ির পাশ দিয়ে বোঁরাগী অথবা রাজেন্দা গেলে সে নিজেকে আড়াল করে রাখে। যেন সে বাড়িতে নেই। তারা ডাকেও না। বরং ওরই উচিত দেখতে পেলে ছুটে যাওয়া। অল্প আমলাদের মতো দেখা হলেই হাত জোড় করে গড় হওয়া। সে সেটা পারে না বলেই যতটা পারে এড়িয়ে চলে। একবার বাড়ি কেয়ার সময় দেখেছিল, রাজার গাড়ি বের হয়ে যাচ্ছে। দু পাশে যারাই রয়েছে হাত জোড় করে আছে। এমন কি ছোট ছোট শিশুরাও। সেখানে সে মিন্টুকেও দেখেছিল। রাজার গাড়ি গেলে, বাড়িতে এই নিয়ম। ছোট্ট মেয়ে মিন্টু যার

কাঁচ কাঁচ দাঁত, যে ভাইয়ের হাত ধরে শুধু গাছপালার মধ্যে আমলকীর বনে ঘুরে বেড়াতে ভালবাসে, সেও সবার মতো হাত জোড় করে দাঁড়িয়ে আছে। আর তাতেই ওর পায়ের রক্ত মাথায় উঠে যায়। ভারি অপমান বোধ করে সে।

সে মিন্টুকে বলেছিল, এস। মিন্টু বাবাকে দেখেই ঝাঁপিয়ে পড়েছিল, বাবা বাবা, রাজার গাড়ি। পাশে টুটুল। মিন্টু টুটুলের হাত ধরে হাত জোড় করা দেখাচ্ছিল। সব ওর চোখে পড়েছে। এবং সে অল্প দিনের মতো দু'জনের কাউকেই বুকে তুলে নিতে পারে নি। অপমান বোধে তার কান মাথা ঝা ঝা করছিল। সে শুধু বলেছিল, এস। কথা আছে। কিছুই বোঝে না শিশুরা। তারা দেখতে পায় তাদের এমন হৃন্দর বাবা কেমন গুম মেরে আছে। ভয়ে ভয়ে পায়ে পায়ে ওরা গুটি গুটি হেঁটে আসছে। তারপরই যা হয়ে থাকে, শিশুদের মায়া অতীশের বুকে কেমন বড় তুলে দেয়। শিশুরা তাকে ভয় পাচ্ছে। যেন এর চেয়ে বড় অপরাধ কিছু নেই। ঝাঁপিয়ে সে ওদের বুকে তুলে নিয়ে বাসায় ঢোকান সময় বলেছিল, যখন তখন এ-ভাবে হাত জোড় করে দাঁড়িয়ে থাকবে না। আমি এতে কষ্ট পাই।

টুটুল বাবার গালে চুমু খেয়ে বলেছিল, আর কব না। শিশুও বোঝে বিষয়টা। অথচ সে বোঝে না, সে ভুলে যায় সব। সে বলল, আর কিছু বলবে অমলা!

—আমার খুশি বলব কি বলব না। তুই কোন ধরে বসে থাক। যখন তের আমি এবার থেকে তোর সঙ্গে কথা বলব। তারপরই হাসতে হাসতে চুরি তোর খুব অহংকার না রে!

—কিসের অহংকার অমল!

—আছে। আছে। আমি সব বুঝি। তুইও একটা স্বৈরাচারী। যা ভাবিস তাই করিস। এক চুল নড়তে চাস না। শোন, তারপর যেন উপদেশ দেবার মতো বলল, আমরা সবাই তারের খেলা দেখাচ্ছি। যে কোন মতো পড়ে যেতে পারি। তবে এত ভেবে মরব কেন রে! আমরা সবাই তারের ওপর দিয়ে হেঁটে যাচ্ছি। তারপরই খুঁট শব্দ। অমল কোন কেটে দিয়েছে।

॥ উনিশ ॥

ফোন ছেড়ে দেবার পরই অতীশ ঘোরের মধ্যে পড়ে গেল। এতক্ষণ কোনে কি কথা হয়েছে বোঁরাণীর সঙ্গে তার একটা কথাও মনে করতে পারছে না। কেবল কোন স্নদুরে একটা বড় কাঠের ঘোড়া দেখতে পাচ্ছে। সেই অতিকায় কাঠের ঘোড়া ক্রমে বড় হতে হতে আকাশ সমান উঁচু হয়ে গেছে। সেই ট্রয়ের ঘোড়া দাঁড়িয়ে আছে সামনে। শৈশবে এই কাঠের ঘোড়া পেলে, তার আর কিছু লাগত না। শিশু বয়স পার হলে কেউ তার কাঠের ঘোড়াটা কেড়ে নিল। তারপর কাঠের ঘোড়া না থাকলেও সে স্বপ্ন দেখত ঘোড়াটার। তারপর সপ্তম অথবা অষ্টম শ্রেণীতে আবার কাঠের ঘোড়াটা এসে গেল। ট্রয়ের ঘোড়া, হেলেন অফ ট্রয়। আশ্চর্য এক দেশ ট্রয় নগরী। রাজবধূর নাম হেলেন। কেমন স্বপ্নময় জগৎ। তরবারি, রথ, লোহার বর্ম, প্রায়ই মনে হত, সে সেই মহাযুদ্ধের এক সৈনিক। হেলেনকে আবার সে যেন উদ্ধার করে ফিরিয়ে আনছে। সেই থেকে মাঝে মাঝে স্বপ্নেও দেখত কাঠের ঘোড়াটাকে। তখন তার জীবনের স্বপ্নমা বলতে সব কিছু সেই কাঠের ঘোড়া। কিন্তু বয়স বাড়ার সঙ্গে সঙ্গে সে তাও হারিয়েছে—হিজিবিজি হয়ে গেছে সব। কি করে যে সব হয়ে যায়, কত সব গোলমালে জুঁমি তো—অথবা কখনও মনে হয়েছে বনি তার সেই হেলেন, তাকে কেউ তার দিকে যাও। ক চুরি করে নিয়ে গেছে। তারপর সব কেমন আবার হিজিবিজি, সে আমার মনে ছেড়ে নতুন অগ্ন এক ট্রয় নগরীতে প্রবেশ করেছে। কি হবে—না।

তখনই মনে হল, ফ্যাক্টরির মধ্যে কিছু সোরগোল। সুপারভাইজার ছুটে আসছে। ধরাধরি করে কাউকে বাইরে এনে মাথায় জল ঢালছে। তার হুঁশ ফিরে আসে। সুপারভাইজার বলছে, স্ত্রীর মাথব বমি করছে।

অতীশ বলল, বমি করছে কেন?

তখন কর্মীদের বেশ একটা বড় জটলা, ওরা ছড়োছড়ি লাগিয়ে দিয়েছে গেটের সামনে। সে বুঝতে পারছে না কি ব্যাপার। কোন দুর্ঘটনা হতে পারে। সেজন্ত গুণ্ডগোল।

মনোরঞ্জন বলল, হাসপাতালে পাঠালে ভাল হয়

—কি হয়েছে

—রক্তবমি। কাশতে কাশতে হয়েছে।

—ওকে আগেই বললাম এক্সরে কর। খুক খুক কাশি, জ্বর ভাল না।

মনোরঞ্জন হাসল। ঠোঁটে বিদ্রূপ। অতীশ সেটা খেয়াল করেছে। সে বলল, এখানে এনে লাভ কি। আমি এর কি বুঝি! ই এস আই ডাক্তারের কাছে নিয়ে যাও।

আসলে সে ভয় পেয়ে গেছে। বাতাসে জাবানুরা ঘোরাকেরা করে। নিশ্বাস নিতে পর্যন্ত ভয় করছিল তার।

কিছুটা বলির পাঁঠার মতো মাধবকে ধরে এনে ওর অফিসের সামনে দাঁড় করিয়ে দেওয়া হয়েছে। যেন সব কিছুর জন্ত দায়ী অতীশ। এই যে রাজরোগ তার নূলে সে, শোষণের ক্ষেত্র তৈরি করেছে সে, বীজ বপন করেছে সে। এখন সে না সামলালে কে সামলাবে। সে বলল, কুস্তবাবু তো নেই। ও আহুক। আপাতত তোমরা ওকে ডাক্তারের কাছে নিয়ে যাও। বলে সে দশটা টাকা ক্যাশ থেকে বার করে মনোরঞ্জনের হাতে দিল।

মনোরঞ্জন টাকাটা মেলে দেখল। চলবে কিনা, কারণ সর্বত্র জাল কারবার, কাজেই বিশ্বাস করা কঠিন, এবং যখন রিকশা করে নিয়ে চলে গেল, অতীশ কেমন কিছুটা হান্ধা বোধ করল। এতক্ষণে মনে হল, মাধবকে সে একটা কথা বলতে ভুলে গেছে। তারপরই ভাবল কথাটা কি, কথাটা কি হ্যাঁ হ্যাঁ মনে পড়ছে, ছেলেবেলা মাধবকে কেউ কাঠের ঘোড়া কিনে দিয়েছিল কি না! সে কাঠের ঘোড়া বগলে নিয়ে হেঁটেছিল কিনা। তারপর কেউ সেই কাঠের ঘোড়াটা চুরি করেছিল কিনা! এবং কে সেই কাঠের ঘোড়া বার বার চুরি করে নিয়ে যায়! কিন্তু পরে মনে হল, এ-সব প্রশ্ন করলে তার মাথা খারাপ আছে ভাবতে পারে। অথবা বলতে পারে, হ্যাঁ ঘোড়া তো আপনারাই চুরি করেছেন।

কুস্ত কিরে এসে যেই শুনল, অমনি কান্নায়। দশটা টাকা দিলেন! একটা ব্যাড প্রিসিডেন্ট তৈরি করলেন।

—তা ছাড়া কি করব!

—জানেন না, ই এস আই আছে। ই এস আই সব করবে।

—জানি।

—তাহলে আমরা খরচ করব কেন! পাবলিক মানি আপনি খুশিমত খরচ করতে পারেন না।

—এ সময়ে এতটা দেখলে হয় না।

কুস্ত বলল, যা খুশি করুন। আপনার পাঠা লেজে কাটেন ঘাড়ে কাটেন কারু কি দেখার আছে। দশটা টাকা জলে ফেললেন।

অতীশ কেমন একটু মাথা গরম করে ফেলল, আপনার কি ভাবেন কুস্তবাবু, এমন অসময়ে কিছু দিলে কোন ক্ষতি হয় না।

—জলে গেল আর কি! আগুনে পুড়িয়ে দিলেও যা এও তাই। আপনি ভাবছেন দশ টাকায় রোগ সেরে উঠবে।

—তা উঠবে না।

—তবে। দশটাকায় যখন রোগ সারবে না, দশটাকায় যখন বাঁচানো যাবে না তখন আপনার জেনে শুনে কোম্পানির টাকা নষ্ট করা ঠিক হয় নি।

আসলে কুস্ত চায়, যে কোন লেজ ধরে ওপরে বেয়ে ওঠা। যে কোন ভাবে। এই যে এখন অতীশবাবু তাকে না বলে টাকাটা দিল, দেবার হক অবশ্যই আছে তার, কিন্তু দিলেই সে ছেড়ে দেবে কেন। সেও জানে, কি-করে কাকে স্ত্রীতায় নাতায় কজায় আনতে হয়। দোষ ধরার মতো আনন্দ কুস্ত আর কিছুতেই উপভোগ করতে পারে না। আর এরেই বলে খেলা। এরেই বলে হাসিরাণী, তুমি তারে লক্ষ্মীর পট কিনে দেবে, আমি তারে পূজা করব। তুমি যা খুশি তাই করবে, আমি আশ্বাস মতো সহ করব, এবং কত গুরুতর বে-আইনী কাজ, সেটা সমঝে দেবার জন্ত বলল, দাদা আপনার এই একটাই দোষ। সব কিছু সংসারের নিজের ভাবেন।

অতীশের কথা বলতে ইচ্ছে হচ্ছিল না। কর্পোরেশনের লোকটাকে সে কিরিয়ে দিয়েছিল, আড়াইশ টাকায় রফা, তার মধ্যে লোকটা তাকে খোলাখুলি বলেছিল, একশ টাকা পেয়ে থাকি, বাকিটা কর্পোরেশনের খাতায় জমা পড়ে। কত অবলীলায় লোকটা কথাটা বলতে পারল। মানুষের সামান্য সন্ত্রম বোধ থাকলে এ-ভাবে কখনও কথা বলতে পারে না। আর যা হয়ে থাকে ভেতরে গোঁয়ার লোকটা তখন তেরিয়া হয়ে যায়। সে বলেছিল, এখন যান। পরে ভেবে দেখব। সে এইটুকু মাত্র বলেছিল, আর তাতেই মানে লেগেছে, চা না মিষ্টি না। চা মিষ্টি খাইয়ে টাকাটা যেখানে হাত জোড় করে দিতে হত, সেখানে এই নবীন লোকটি, নবীন না ভেবে, মাথায় গুণ্ণোল আছে ভাবতে পারে, কারণ একালে এমন ভাবে কেউ কথা বলতে পারে, সে বিশ্বাসই করে উঠতে পারেনি। পরে কুস্তবাবু ক্যাচটা মিস করতে চায়নি। প্রাণপণ দৌড়ে সেটা লুফে নিয়ে গেছে রাজার বাড়িতে। প্রথমে রাধিকাবাবু, পরে কাবুলবাবু, আরও পরে সনৎবাবু—

পাবলিক মানি বলে কথা। পাবলিক মানি ড্রেনেজ হবে ভেবে কুস্তবাবু বড়ই অস্থির হয়ে পড়েছিল। নতুন অ্যাসেসমেন্ট হলে দেড় দু হাজার সোজা কথা! তখন আবার আর এক দফা।

অতীশ গুম মেরে আছে আর কিছু চালান সই করে দিচ্ছে। কুস্ত উঠছে না। সহজে উঠবে না। সে আবার এই দশ টাকার বিষয়টি নিয়ে সবার কান ভারি করবে। এই হয়েছে জালা। এখন যেন কুস্ত তার সামনে এক অতিকায় প্রতিপক্ষ তারে যায় না ফেলা, দিনে দিনে ঘাড়ে চেপে বসছে। কিছুক্ষণ আগে রৌরানী ফোনে অল্পরোধ করেছে দিয়ে দিতে। সে বুঝতে পারছে জল অনেক দূর গড়িয়েছে। কিন্তু কুস্তটা উঠছে না কেন। সে যেন এই লোকটার দিকে চোখ তুলে তাকাতোও ভয় পাচ্ছে। পাছায় লাগি মেরে উঠিয়ে দিলে কেমন হয়। কুস্ত বেশ আরাম করে তবু বসে থেকে কয়েকবার হাই তুলল। মুখের ওপর তুড়ি মারল। কিছু লোক গেটে দাঁড়িয়েছিল, তাদের কুস্ত ধমক দিল। —তোরা এখানে জটলা করছিস কেন! তারপর প্রিন্টারকে ডেকে বলল, জনার্দন ব্রাদার্স কমপ্লেন করেছে। গ্রাম্পলটা নিয়ে আসুন।

অতীশ চোখ তুলে তাকাল না। শুধু একটা মাকড়সা দেখতে পেল। মাকড়সাটা জাল বুনে যাচ্ছে। সে আরও মনোযোগী হয়ে পড়ল। যেন এফুনি ক্যাশটা মিলিয়ে রাখা দরকার। চেকগুলো ব্যাংকে পাঠানো দরকার। গ্যাজেস কোম্পানীর সেলট্যাক্স ডিক্লারেশনগুলো ঠিক আছে কিনা দেখা দরকার। কুস্ত প্রিন্টিং দেখছে দেখক। আসলে অতীশ বুঝতে পারে কুস্ত কিছুই দেখছে না। ফোঁত জালা থেকে তার এসব হচ্ছে। যদি কর্পোরেশনের লোকটাকে টাকা না দিয়ে থাকতে পারে তবে কুস্ত আরও ভয়ংকর ভাবে জেদি হয়ে উঠবে। সঙ্গে এই দশটা টাকার বিষয় মাথার ঘিলুতে লেপ্টে আছে তার।

প্রিন্টার মণিলাল, একটা সিট এনে দেখাল। সামনে কোঁটার গ্রাম্পল ধরে রাখল।

কুস্ত বলল, এক রং হল! বাফ কালার ঠিক আসছে মনে করেন!

প্রিন্টার বলল, ঠিকই ত আছে বাবু।

—ঠিকই আছে! কুস্ত কপাল কুচকাল।

প্রিন্টার অতীশের দিকে সিটটা নিয়ে গেল। স্থার দেখুন ত।

অতীশ সবই বোঝে। কিন্তু কি বলবে ভেবে পেল না। ঠিকই আছে। খুঁত ধরতে গেলে সহজেই ধরা যায়। নিখুঁত মাল এখানে আশা করা ঠিক না।

এবং এখানে সব রঙই প্রিন্টারের ঘিলু থেকে বের হয়ে আসে। কাজ করতে করতে জেনেছে, কোন রঙের সঙ্গে কতটা অল্প রঙ মেশালে আর একটা রঙ ফুটে বের হবে। কোন নিজের মাপ নেই। মণিলালকে নিয়ে পড়ার অর্থ যে কোন ভাবেই কুস্ত জেনেছে, প্রিন্টারটি তার হাত ছাড়া হয়ে যাচ্ছে। যেমন কাবুল রাজবাড়ির এজেন্ট, তেমনি কুস্তও এখানে তার এজেন্ট রেখে দিয়েছে। ম্যানেজারের পক্ষে কে কি কথা বলে সহজেই তার কানে আসে। মণিলালটা কুস্তর বিরুদ্ধে ঠিক কিছু বলেছে, এবং এই মণিলালকে নিয়ে পড়ার অর্থই হচ্ছে, কেউ পার পাবে না। দাঁড়াশি দিয়ে টেনে বক্র জিত বের করে ফেলবে! কেন যে বোকার মতো বলতে যায়! সে বলল, ঠিকই ত আছে।

ঠিক যে নেই তা প্রমাণ করার জন্য কুস্ত এবার উঠে দাঁড়াল! বলল, দাদা বাইরে আসুন। দেখবেন। এ-আলোতে বুঝতে পারবেন না।

অতীশ বুঝল, কুস্ত প্রমাণ করবেই। সে মণিলালকেই বলল, একটু দেখে শুনে কাজ করুন। কমপেন হলে আমাদের সবার ক্ষতি। রুটি রোজগার সব ত এখানে। যান।

মণিলাল চলে গেলে কুস্ত বলল, তবু মুখের ওপর বেয়াড়া তর্ক করে।

অতীশ ক্যাশবুক বন্ধ করে বলল, বোঝে না।

কুস্ত সিগারেট ধরাল। বেশ দামী সিগারেট, তিন আঙুলে চারটা সোনার আংটি। চার রকমের পাথর, গোমেদ, মুনস্টোন, পলা, এবং নীলা। বছর ধানেক ধরে সে নিজের গ্রহনক্ষত্রের অবস্থান নিয়ে খোঁজাখুঁজি করতে করতে কখন হাত দেখার চার্টটা যে তার মাথায় ঢুকে গেছিল! হাত দেখা শিখছে, কিরোর একটা বই কিনে এনেছে। অবসর সময় সে এখন এই চর্চা করছে। যেন হস্তরেখায় তার অগাধ বিশ্বাস। এবং এই রেখা সম্পর্কিত বিষয়টি অধীত বিজ্ঞায় মধ্যে পড়ে গেলে অনেক অনেক গুঁচ কাজ উদ্ধার করতে সমর্থ হবে। কুস্ত বলেছিল, দাদা পৃথিবীটা বড় গোলমেলে। কিছু তুচ্ছতাক জেনে রাখা ভাল। সেই লোকটি এখন তার দিকে তাকিয়ে খোস মেজাজে বলছে, কাল শোনলাম ভোজ খাচ্ছেন।

অতীশ ভাবল, আরে এষে সত্যি অন্তর্যামী, সে তার বিষয় গোপন করতে পারল না। কুস্ত টের পেয়ে বলল, ডুবে ডুবে জল খান মনে করেন সতীলক্ষ্মী টের পায় না।

অতীশ বলল, কাল অমল খেতে বলেছে।

—অমল! কুস্ত ভীষণ স্তম্ভিত গলায় বলল, অমল মানে!

—বোঁরাগী।

—দাদা, মাইরি আপনার হাতটা দিন দেখি।

অতীশ বলল, আপনি ত জানেন, আমি এ সবে বিশ্বাস করি না।

—দেখি না। এমন করছেন কেন! আপনি সত্যি পারেন। সত্যি দাদা, আপনার মতো লোক হয় না। বলেই উঠে এসে টুক করে প্রণাম সেরে বলল, পাবলিক মানি না ছাই। যা খুশি করুন। ক্র্যাপের টাকা আগের বড়বাবু খেত। আমি যখন চার্জে ছিলাম, কুমার বাহাদুর খেত। আপনি আসায় চক্ষুসজ্জার বন্ধ আছে। তবে বন্ধ বেশিদিন থাকবে না। থাকতে পারে না। এখন সেটা কোম্পানী খাচ্ছে। খওয়াটাই মোদা কথা। কেউ খেলেই হল। না খেলে ঈশ্বরের বংশ নাশ বোঝলেন না, দিন হাতটা দেখি!

—কি ছেলেমানুষী করছেন!

—পার্ক স্ট্রিটের বাড়িতে যেতে বলেছে কেন বলুন ত!

—জানি না।

—ওটা লীলাক্ষেত্র। বোঁরাগী লীলা করেন ওখানে।

এ-সময়ে অতীশের মাথায় আক্রোশ চেপে যায়। কার ওপর আক্রোশ সে বুঝতে পারে না। বোঁরাগী, আর্চ বনি না নির্মালা! তখনই কুস্তুর সোনা বাঁধানো সামনের দাঁতটা ঝিলিক মেরে উঠল। ঠিক সেই লীলাক্ষেত্রে যেন কুস্ত দাঁত বের করে হাসছে।

অতীশ কেমন ভয় পেয়ে গেল। কুস্ত আর্চ পাশাপাশি দুটো মুখ, জ্বলছে নিভছে। জোনাকি পোকের মতো উড়ে যাচ্ছে, খপ করে ধরতে চাইল একটাকে। পিষে মারতে চাইল। অথচ হাত ফাঁকা। খালি মুঠো। আকাশ নিবিড় অন্ধকার এবং বুঝতে পারছে আজ গিয়ে আবার না সেই প্রেতাশ্রয় ভয়ে পড়ে যায়। তার মুখ কালো হয়ে গেল। সে আর কিছু না বলে উঠে পড়ল।

সে বাড়ি ফিরে যাচ্ছে। মিশু টুটুল ঠিকঠাক বাসায় আছে ত! যা ভুলে হয়েছে, কখন বের হয়ে যায়, আর সেই পুকুর পাড়ে আমলকী বনে পরী খোঁজে বেড়ায়। পরীদের নেশায় পেয়েছে টুটুলকে। আসলে এই নেশাতেই মানুষ বুঝি বড় হয়। যেন সামনে সব সময় অলৌকিক কিছু আছে, কিছু অপেক্ষা করছে তার জন্ম। যেমন মনে হয় তার সে বাসায় ফিরেই কোনো স্মৃতির পেয়ে যাবে। কেউ তার জন্ম নীল থামে হৃদয় চিঠি রেখে যাবে। চিঠিটা কার তার

জানা নেই। তবু প্রত্যাশা সব সময়, হৃদয় থেকে আসবে চিঠিটা। লেখা থাকবে, সবাই ভাল আছে, সবাই মঙ্গল মতো আছে, অথবা মনে হয়, কোনো চিঠি, কোন প্রকাশক পত্রিকা তার লেখা চেয়ে পাঠিয়েছে। অথবা কোনো চিঠি নীল খামে চিঠি, হৃদয় হস্তাক্ষরে কেউ জানিয়েছে আপনার জ্ঞান আমরা অপেক্ষা করে আছি।

অতীশ হেঁটে বাসায় ফিরছে। মনের মধ্যে একটা নীল পোকা ছল ছুটিয়ে বসে আছে। মাথবটার টিবি, নির্বাত টিবি, তার বাবা মা নেই। সে একাই থাকে, একাই খায়। দশ টাকা বড়ই অমূল্য ধন, কুস্তবাবু এ-নিয়ে আরও বাড়াবাড়ি করত। করবে না যে তাও এখন বলা যায় না! কুস্তবাবু সব কিছু সময় বুকে কোপ মারে। কোপটা দিন যায় বুলে থাকে, কোপটা দিন যায় ওঠে নামে, তারপর অমাবস্তা পূর্ণিমা দেখে নামিয়ে দেয়। এই দশটা টাকা সে পকেট থেকে দিয়ে দেবে শেষ পর্যন্ত ভাবল। একজন রুগ্ন মানুষের জন্য কোম্পানির হয়ে তার এটাও করার উপায় নেই! সে কোন কোন পয়েন্টে আক্রমণ হবে তাও জানে। কুস্তবাবু না। করবে সনৎবাবু। সনৎবাবুকে দিয়ে কুস্তব সব করাবে। কাল কিংবা পশু ক্যাশবুক যাবে। রোজকার একাউন্ট পাস করার শেষ মানুষ তিনি। নামের আত্মাক্ষর বসিয়ে নিচে তারিখ দেবেন। তিনিই বলবেন, দশ-টাকা! দশ টাকা বলতে গিয়ে সনৎবাবুর মুখ বিষয়ে লম্বা হয়ে যাবে। তারপরই তার প্রশ্ন মিটু টুটল তোমাদের মা কি শুয়ে আছেন! আজও পেটের ব্যথাটা কি উঠেছে। মাকে ছেড়ে কোথাও যেও না। তোমাদের মা বুঝি আর পেরে উঠেছে না। তোমরা মাকে দেখ। এবং যেটা হয়, বাড়ি ফিরে কেমন এক বিষন্নতা, নির্মলার সেই হৃদয় হাসিখুশী মুখ নেই। নিত্য অভাব। অতীশ একে অভাব মনে করে না, কিন্তু নির্মালা মনে করতে শুরু করেছে! বিশেষ করে বাপের বাড়ি থেকে ফিরে এলে তার এটা বোধ হয়। নির্মালা নিজের পছন্দ মতো মানুষকে বিয়ে করেছে। বাপের বাড়িতে অভাবের কথা বলতে পারে না। ওরা বুঝতে পারেন, কিন্তু এগিয়ে আসতে সাহস পায় না। সেখানে অতীশের অহংকার দরজায় মাথা ঠুঁচ করে দাঁড়িয়ে আছে। সে হাঁটতে হাঁটতে বলল, কি করব নির্মালা, আমি তো দাঁভার কাটছি। তারপরই বলল, ঠিক পাড়ে উঠে যাব। কিন্তু তারপরই চারপাশের মানুষজন, ফুটপাথে ভিখারি, সেই গাছটা, নিচে আঁস্তাঝুড় থেকে তুলে আনা খাবার সব কেমন মাথায় মধ্যে কিলবিল করে ওঠে। সে আর আগের মতো সাহসী থাকতে পারে না।

আগে থাকতেই সাবধান হওয়া ভাল। রাজবাড়ি ঢোকান মুখে, একটা বড় স্টেশনারি দোকান তার চেনা। সে ছোটো প্যাকেট কিনে ফেলল। এই ধূপকাঠির প্যাকেট দেখলে নির্মালা গুটিয়ে যায়। বাগের মধ্যে সাবধানে রেখে দেওয়া দরকার। মিন্টুর আবার ব্যাগ হাতড়াবার স্বভাব। বাপ কি আনল। সে তার শিশুদের জুতা টকি নিয়ে যেত, কিন্তু নির্মালা বায়োসায়েন্স পড়া মেয়ে। সে খুব অগছন্দ করে। দাঁত নষ্ট হয়, তুমি কেন যে আন। স্তরীং সে এক প্যাকেট বিস্কট নিয়ে মিল। কিছু নিতেই হয়, এবং বেলা পড়ে আসছে। বেশ লম্বা ছায়া হয়ে গেছে গাছের। গেট দিয়ে ঢুকতে গিয়ে ভয় পায়, যেন এক্ষুণি দারোয়ান বলবে; স্তার শিগগির বাড়ি যান, এবং যখন দেখল, না আর দশটা দিনের মতোই সেলাম করছে, খুব গম্ভীর হয়ে আছে, তখন বাসায় সব কিছু ঠিকঠাকই আছে। এবং যা আশা করে থাকে, মিন্টু টুটুল, তারা রাস্তায় দাঁড়িয়ে থাকবে। চিংকার করে উঠতে ইচ্ছে হল, মিন্টু টুটুল তোমরা কোথায়! এখনও দু হাত তুলে ছুটে আসছ না কেন? এবং তারপরই সেই শিশুরা, মাঠ থেকে দৌড়াতে শুরু করে বাবা, বাবা। আমার বাবা। মাথার মধ্যে যা কিছু অস্বস্তি সব কেমন জল হয়ে যায়। বাবা, বাবা, আমার বাবা। অতীশ নিজের ভিতর থেকে বলে ওঠে, হ্যাঁ, আমি তোমাদের বাবা। সংসারে আমি বাদে তোমাদের কেউ নেই। তার চোখে জল আসে।

টুটুল দু হাত বাপের দিকে বাড়িয়ে দিয়েছে। বাবাকে দেখেই সে আর হাঁটতে পারছে না। পায়ে জোর পাচ্ছে না মতো দাঁড়িয়ে আছে। অতীশ টুটুলকে বুকে তুলে নিতেই মিন্টু বাবার পায়ে পায়ে দৌড়াতে থাকল। আর অগ্নিশ কথ। সারাদিন টুটুল কি কি খারাপ কাজ করেছে হাজার লগ্না ফিরিস্তি। যেতে যেতে বলল, জান বাবা, বৌরাণী টুটুলকে ছুষ্টমী করতে বারণ করেছে। পুকুর পাড়ে টুটুল ঢিল ছুঁড়ছিল। বৌরাণী না বাবা, টুটুলকে বাড়ি দিয়ে গেছে। টুটুল কিছুতেই বৌরাণীর কোলে উঠবে না। সারাটা পুকুরপাড় ছুটে বেড়িয়েছে ছুঁজনে।

অতীশ বলল, তোমাকে নেয়নি?

—না বাবা। আমি দাঁড়িয়েছিলাম। বৌরাণী আমাকে হাত ধরে নিয়ে গেছিল। আমি ত বড় হয়ে গেছি।

—পুকুরপাড়ে ভাইকে নিয়ে যেও না। কত জল, জলের নিচে শেকল থাকে। ধরে নেয়। কত বলেছি তোমাদের।

—টুটুল না বাবা ভয় পায় না।

বাবার কোল থেকে টুটুল দিদির সব অভিযোগ শুনছে। সে কিছু বলছে না। সে শুধু হাত নাড়িয়ে বলল, এত বড় মাছ বাবা।

—ওটা মাছ না। শেকল। জলে ভেসে মানুষকে লোভে ফেলে দেয়।

—আমার কিছু করে না বাবা।

অতীশ মনে মনে ফের সেই অস্বস্তির মধ্যে পড়ে গেল। নির্মলাকে বার বার বলেছে, দরজা বন্ধ করে রাখবে। দরজার তালা মেরে রাখলেই হয়। বার বার বলেও এটা করতে পারে নি। কিন্তু এত সবের পরে বোঁরাগী এসেছিল, এই চিন্তাটাই তাকে আবার ভাবনায় ফেলে দিয়েছে, কাল থেতে বলেছে অমল। নির্মলার শরীর কেমন থাকবে কে জানে। এখানে আসার পর সহসা নির্মলা সব উগ্ধম কেমন হারিয়ে বসে আছে। নির্মলার আশা ছিল, কলকাতায় সে কোন একটা ইন্সুলে চাকরি পেয়ে যাবে। ছুঁজনে কাজ করলে, সংসারের অভাবটা এত বড় হয়ে দেখা দেবে না। যত দিন যাচ্ছে, তত সে ভেবে নিয়েছে এখানে কিছুই হবার নয়। এছাড়া বাইরে গেলে, ছুঁসংসার! ছেলেমেয়েদেরই বা কার কাছে রাখবে। অতীশ নিজে থাক না থাক, কর্তব্যবোধে পঙ্গু। বাড়িতে মাস গেলে বেতনের একটা বড় অংশ পাঠাবেই। বোঝে না, মিষ্টু টুটুল বড় হচ্ছে। সংসারে কেউ কারো না। এই সব সাত পাঁচ চিন্তায় শরীরে ঘুণ ধরে গেছে নির্মলার। অতীশ বাসায় ঢোকার আগে বলল, মা শুয়ে আছে ?

মিষ্টু বলল, মা তোমার জন্তু পুড়িং বানাচ্ছে।

অতীশ বুঝল, নির্মলা আজ ভাল আছে। সে সারাদিন এই একটা আশাই করে এখন। নির্মলার বিষণ্ণতা কেটে যাক। মাঝে মাঝে আজকাল কথা কাটাকাটি হয়। তিক্ততা দেখা দেয়। অতীশ বুঝতে পারে, এই তিক্ততা তার অক্ষমতাকে কেন্দ্র করে গড়ে উঠছে। বাড়িতে টাকা পাঠাবার সময় নির্মলার অভাব আরও বেড়ে যায়। কেমন অবুরের মতো হয়ে ওঠে। নির্মলা শহরে আসার আগে এমন ছিল না। তখনই মনে হয়, সে কি ছিন্নমূল হয়ে যাচ্ছে। বাবা কি এই ভয়টাই করেছিলেন। বাবা চিঠিতে বার বার লিখছেন, তুমি ভাল নেই অতীশ। শেকড় আলাগা হয়ে যাচ্ছে। বাড়ি ঘুরে যাও। ভাল লাগবে। নিজেই যেতাম। ঠাকুরের নিত্য পূজা কে করে। জমিতে চাষের সময়। কখনও লেখে জমিতে ফসল তোলার সময়, তোমার মার শরীর ভাল যাচ্ছে না। তোমরা সবাই সংসার থেকে আলাগা হয়ে যাচ্ছে।

দরজায় দেখল তখন নির্মলা। বেশ খুশী। রুগ্ন মুখে কোথায় যেন প্রাণের সাড়া। টুটুলকে বলল, ধেড়ে ছেলে, বাপের কোলে উঠে বসে আছ। নাম। বাবাকে কষ্ট দেয় না। টুটুল কি বোঝে কে জানে। সে নেমে পড়ল। মিস্ট্রু যাও, বাবার পাঞ্জামা পাঞ্জাবি বাথরুমে রেখে এস। তারপর অতীশ দেখল, নির্মলা তার দিকে তাকিয়ে আছে। ছেলেমেয়েরা কেউ কাছে নেই। লম্বা বারান্দায় স্বামী-স্ত্রী। অতীশ নির্মলার চোখে আশ্চর্য সজীবতা লক্ষ্য করে উৎফুল্ল হয়ে উঠল। কাছে গেল। ডাকল, নির্মলা।

—নির্মলা বলল, বোঁরাগী তোমার চেনা।

—হ্যাঁ।

—তোমার দেশের মেয়ে।

—হ্যাঁ।

—কৈ আগে বলনি ত!

—বলার কি আছে নির্মলা।

—বোঁরাগী ত কত কথা বলে গেল।

—সবই নাশিশ তো।

—তাছাড়া কি। বলল, তোমার মরণ হল না মেয়ে, এই হতচ্ছাড়ার সঙ্গে ঘর করছ।

—তাই বুঝি! সে নির্মলার দিকে তারপরও তাকিয়ে থাকল। বোঁরাগী যদি আরও কিছু বলে থাকে।

—তুমি নাকি দশটা কথা বললে একটা কথা বল।

—কি জানি, বুঝি না।

—আমাকে বার বার বলল, অতীশকে আমি এতটুকুন দেখেছি। মুখচোরা স্বভাব। দেখে শুনে রেখ। আমরা ছাদে খেলতাম, নদীর পাড়ে হেঁটে যেতাম। এ সব তুমি ঘুণাঙ্করেও বলনি।

—বললে কি হত।

—তোমাকে কত ভালবাসে। আজ ত দেখে গেল, বলল, বাসার এই ছিরি। লোক এলে বসতে দিতে পার না বোঁমা। ওটা যে কবে মাছুষ হবে।

অতীশের বুকটা গুরগুর করে উঠল। বোঁরাগী নির্মলাকে লোভে ফেলে দিতে চায়। অমল তুমি আর যাই কর করণা দেখিও না ওটা আমি সহ করতে পারি না। আমার মধ্যে স্বপ্নের এক মাছুষ বড় হয়ে উঠছে। সেই শৈশব

থেকে, আমি পৃথিবীর গ্রহনক্ষত্র গুণে গুণে বড় হয়েছি। অনেক বড় আর বিশাল সেই ব্রহ্মাণ্ড! আমার মধ্যে এক স্নান্দর বালিকার প্রেম রূপের কোঁটায় ভরা আছে। আমি মানুষের সমান্য করণার ভিখিরি না অমলা। তুমি নির্মলাকে আর যাই কর লোভে ফেলে দিও না। এমনিতেই ওর বাড়ির প্রাচুর্য তাকে কষ্ট দেয়। আমি মাথা নিচু করে দাঁড়ালে তুমি হুহাত তার ভরে দেবে যদি বুঝতে পারে তবে আমার আর দাঁড়বার ঠাই থাকবে না। লক্ষ্মী মেয়ে, আর যাই কর, এত বড় সর্বনাশ কর না।

—খাবার কথা বলে যায়নি।

—বলেছে।

—তুমি যাচ্ছ ত।

—বারে যাব না। কী ভাল। বলল, আমাকে বোঁরাণী ডাকবে না। পিসি ডাকবে। ওর সম্পর্কে আমি পিসি হই।

তাহলে নির্মলা ওর ভাইপোর বোঁ। সম্পর্কটা বেশ পাতিয়েছে। নির্মলার সরল বিশ্বাসে সে টোকা মারতে চাইল না। বলল, তা পিসি হয়।

—তুমি নাকি পিসি বলে ডাক না। কত বলেছে, সেই ছেলেবেলাতে তোমাকে কত বলেছে, পিসি ডাকবি, তুমি ডাকতে না। নাম ধরে ডাকতে।

—তখন অত বুঝতাম না নির্মলা।

—এখনই বা কি বোঝ। নিজের ভালটা সবাই বোঝে, কুস্তবাবু কত বলছে কি একটা রফা করলে তোমার অনেক টাকা হয়, তুমি কিছুতেই মাথা পাতছ না। বার বার আমাকে বলল, বৌদি দাদাকে বুঝিয়ে বলুন। কমিশানে সর্বত্র কাজ হয়। কমিশন তুমিই বা নেবে না কেন? ওটা ত আর চুরি না।

কুস্তব কথায় মাথায় আগুন জলে উঠল। কিন্তু সে কিছু বলতে পারে না। কতদিন পর সে নির্মলার মুখে হাসি দেখতে পেয়েছে। চোখ সজ্জীর, যেন বহুকরার মতো শস্ত্র স্ত্রীমালা হতে চায়। এমন সুসময় সে মাথা গরম করে হেলায় হারাতে পারে না। মানুষের নিজের মধ্যেই থাকে বিজ্ঞ বিজ্ঞা। রেহাই নেই। ক্ষেত্র তৈরি থাকে, শুধু হামলে পড়া। সে কেমন নিশ্চেষ্ট গলায় বলল, তুমি কি বললে?

—বললাম বুঝিয়ে বলব। তবে জানেন ত, যা বোঝে, তার বাইরে যায় না। এমন কি বাবাও পারেন নি। বাবার এত ঈশ্বর বিশ্বাস তার ছেলে কি হয়েছে চোখের উপরই দেখছেন।

নির্মলা হাত থেকে ব্যাগটা নেবার সময় সে বলল, তাহলে কমিশন নিতে রলছ!

নির্মলা ঘরের দিকে যাচ্ছে। ঘাড় ফিরিয়ে বলল, কুস্তবাবু যদি নিতে পারে তুমি নেবে না কেন?

অতীশ পেছনে পেছনে হেঁটে যাচ্ছে। সে পায়ে জোর পাচ্ছে না। তার মিণ্টু টুটুল বড় হচ্ছে। সে দেখল, টুটুল দরজার ফাঁকে দাঁড়িয়ে বাবাকে উঁকি দিয়ে দেখছে। বাবা এখন থাকে। বাবা কতক্ষণে বাথরুমে যাবে, সে আর না পেয়ে বাবার হাত ধরে টেনে নিয়ে যাচ্ছে বাথরুমের দিকে। এখন টুটুলের কাছে বাবার সঙ্গে খাওয়া বাদে আর কোন সমস্যা নেই। অতীশ সামান্য বিরক্ত গলায় টুটুলকে বলল, যাচ্ছি। সে এখনও নির্মলার পেছনে যেতে চাইছে। সে ফের বলল, কুস্তবাবু যা পারে আমি তা পারি না নির্মলা।

নির্মলার গলার ঝাঁক শোনা যাবে ভেবেছিল। কিন্তু সে এও জানে অফিস থেকে এলে নির্মলা কোন ঝাঁক রাখে না গলায়। যা কিছু অভিযোগ রাতের খাওয়া হয়ে গেলে। অতীশের মধ্যে কিছু ছেলেমানুষী রাগ আছে। খুব তিন্তবোধ করলে, সে থেতে পারে না। মাথা গরম হয়ে গেলে সারাদিন সে না খেয়ে থাকে। এবং এটা নির্মলা জানে বলেই খাইয়ে-দাইয়ে আজকাল সব অভিযোগ তোলে। আর এও জেনে ফেলেছে নির্মলা, সে রাগ বেশিখন পুষে রাখতে পারে না।

নির্মলা বলল, হাত-মুখ ধুয়ে নাও। দাঁড়িয়ে থাকলে কেন?

অতীশ তক্তপোশে বসে আবার বলল, কুস্ত কখন আসে?

—তুমি চলে গেলেই।

—আর কি বলে!

—কি বলবে; বলে দাদাকে বলবেন, এটা কলকাতা শহর। একটা মানুষও নেই যে ধান্দায় না ঘুরছে।

—ধান্দা! কিসের ধান্দা?

—সে তো জিজ্ঞেস করি নি। সে তো কাল থেকে পারুলের মাকে কাজে আসতেও বলে দিয়েছে।

—কত দিতে হবে?

—তাও বলে নি। বলল, দাদার সঙ্গে কথা হবে। তারপরই নির্মলা কেমন ঠাণ্ডা গলায় বলল, ভারি ভাল মানুষ।

অতীশ পা নিচে রেখে বালিশে চিং হয়ে শুয়ে পড়ল। সে অনেক দূর থেকে যেন আবার বলছে, কমিশন নিতে বলছ?

নির্মলা ও-ঘর থেকে শুনতে পায় নি। নির্মলা বলল, কিছু বলছ?

অতীশ উঠে বসল, বারান্দায় ছুটে গেল। রান্নাঘরে উকি দিয়ে বলল, হ্যাঁ বলছি।

নির্মলা অতীশের চোখ দেখে কেমন অবাক। ঠাণ্ডা-মেয়ে গেল। সেই চোখ। লাল, গোল গোল কেমন স্থির হয়ে আছে। ধূপকাঠি জেলে বসে থাকলে তার এমন হয় দেখেছে। নির্মলা হাতে প্লেট নিয়ে একেবারে হিম হয়ে গেল। যেন কেঁদে ফেলবে।

অতীশ বুঝল, এ-বাড়ির মধ্যে সে ঠিকই আছে। কুয়াশার মতো সে হেঁটে বেড়ায়। পাতাবাহারের পাতায় তারপর জল হয়ে লেগে থাকে। অদৃশ্য সেই ছুঁই আত্মার সঙ্গে সে পারবে কেন! শুধু বলল, কুম্ভাবুর ঈশ্বর আছে নির্মলা। তার মাথার ওপরে ঈশ্বর আছেন। সে পারে। আমার কিছু নেই। কেউ নেই। আমি পারি না। আমি একেবারে একা।

নির্মলা বলল, তুমি একা কেন? আমরা কি তোমার কেউ না।

অতীশ এবার দুঃখে হেসে ফেলল। তারপর আর কিছু বলল না। বাথরুমে হাত-মুখ ধুল। প্লেটে পুডিং চা, তিনখানা গরম শ্রাকা রুটি। একটা গোল টেবিলে রেখে গেছে নির্মলা। চা আসছে। মিন্টু টুটুল, দু-পাশে দাঁড়িয়ে। অতীশ নিজে মুখে দেবার আগে তার দুই সন্তানের মুখে রুটি পুডিং দিল। এখন টুটুল খুব ভাল ছেলে। দু-হাত মাথায় বুলিয়ে দাঁড়িয়ে আছে। বাবাকে দেখছে, বাবার খাওয়া দেখছে। মিন্টু বাবার গা লাগিয়ে দাঁড়িয়ে আছে। কে কতটা আগে গিলে ফেলতে পারে এবং হা করা মুখ দেখলেই বাবা টের পাবে, সে খেয়ে ফেলেছে। নির্মলা জানে বলেই ডাকছে, তোমরা এখানে এস। তোমাদের খাবার দিয়েছি। কেউ গ্রাহি করছে না মার কথা। নির্মলা বুঝতেই পারছে না, বাবার সঙ্গে খাওয়ার কি আরাম। সে দুই সন্তানকে আরও কাছে নিয়ে বসে থাকতে চায়। যেন ভয়, সর্বত্র, সেই যে বলে না, এক অজগর হেঁটে বেড়ায়, সে শুধু গ্রাস করে—সেই গ্রাস থেকে বাঁচবার জন্য তার নিরন্তর এক শঙ্কা। সে বলল, মিন্টু তোমার টাস্ক করে ফেল। টুটুলকে সে এখনও মুখে মুখে পড়ায়। বিত্বারস্ত না দিয়ে লেখাতে পারছে না। বার বার বার চিঠিতে লিখেছে, তুমি আর যাই কর বিত্বারস্ত না দিয়ে টুটুলের পড়াশোনা শুরু করবে না। নির্মলাও বাবার এ-সব বিশ্বাসের অংশীদার। এ সময়ে ওরা দুজনই তার প্রতিপক্ষ। সে তাই বলল, পিতামহের নাম কি টুটুল?

টুটুল ঠিক ঠিক বলল।

তোমার প্রপিতামহের নাম? বৃদ্ধ প্রপিতামহের নাম এই করে অতীশ তার বংশতালিকা সহ এক বিশাল পটভূমির কথা টুটুলকে বলে যাচ্ছিল। কারণ এটা হয়, সে যখন বুঝতে পারে, তার চারপাশে নিয়ত এক ভয়াবহ প্রেতাত্মা নাচছে তখন তার সম্বল সেই শৈশব এবং নদীর পাড় অথবা বালিয়াড়ি এবং শস্তক্ষেত্র। সেখানে সে বড় হয়েছিল, সেখানে সে সোনালী যব গমের ক্ষেতে দাঁড়িয়ে আকাশ দেখেছিল। এ-সব কথা বংশ পরম্পরায় বলে যেতে পারলে পাগখণ্ডন হবে। তাহলে সে একদিন না একদিন সেই ভয়াবহ পাপ থেকে ঠিক মুক্তি পাবে।

নির্মলা ঠিক তখনই বলল, তোমার তো কেউ নেই? টুটুলকে কাদের কথা এত বলছ? তুমি না বলছিলে একা, খুব একা!

অতীশ তখনও বলে যাচ্ছিল, আমাদের ভারি সুন্দর একটা তরমুজ খেত ছিল। আমি যখন তোমার মতো ছোট্ট ছিলাম, ঈশম দাদা আমাকে নিয়ে তরমুজের ওপর বসিয়ে রাখত। তখন দূর দিয়ে পাগল জ্যাঠামশাই হেঁটে যেতেন। একবার একটা হাতি এসেছিল। হাতির পিঠে আমি আর পাগল জ্যাঠামশাই।

হাতির কথায় আসতেই টুটুল দুহাতে বাবাকে গলায় জড়িয়ে ধরল, বাবা আমাকে হাতি কিনে দেবে? আমি হাতির পিঠে উঠে পরী ধরব।

এই হয় মাহুঘের। হাতি পরী রাজহাঁস মধুরপখী পক্ষীরাজ কত কিছু দরকার মাহুঘের। টুটুলেরও দরকার। তারও দরকার, তার বাপ ঠাকুরদা সবার দরকার ছিল, এই করে মাহুঘ বড় হয়ে ওঠে। এই সব ধরতে ধরতে মাহুঘ বড় হতে চায়। অথচ শূন্য খাঁ খাঁ প্রান্তরে হেঁটে যাওয়া শুধু তারা বোঝে না। অতীশ টুটুলকে বলল, তোমাকে আর কি কিনে দিতে হবে?

—ঘোড়া দেবে। ঘোড়ায় চড়ব। গাড়ি দেবে, আমি আর দিদি গাড়ি চড়ব। মা সামনে। তুমি পেছনে বসবে। তারপর কুঁ-উ-উ-উ

—আর?

—আর, আর? বড় বড় চোখে তাকিয়ে থাকল। যেন অর্থে জলে পড়ে গেছে টুটুল।

—বল, বল!

অনেক ভেবে এবং হাতড়ে শেষ পর্যন্ত পেয়ে গেল টুটুল। বাবার পেটে মুখ মুকিয়ে চুপি চুপি বলল, একটা রাজার টুপি।

॥ কুড়ি ॥

অতীশ এ-সময় মনে করতে পারল না, কোথায় যেন সেই নাটক, নাটকের পাত্র-পাত্রীরা সব গণ্ডার হয়ে যাচ্ছে। শরীরে সবুজ রঙ এবং গায়ের চামড়া ক্রমশ ভারি হয়ে যাচ্ছে। নাটকের করণ পরিণতি—বেরিনজার কাঁদছে। বেরিনজার চুল ছিঁড়ছিল। প্রাণদণ্ডের আসামীর মত দু হাত ছুঁড়ে বলাছিল, ঈশ্বর আমি মনুষ্যের মত বাঁচব। আমাকে গণ্ডার করে দিও না ঈশ্বর।

সেই দৃশ্যের ভিতর অতীশ ফোনের রিসিভারটা দেখছে। রিসিভারটা নড়ে-চড়ে উঠছে। তারপর হাত পা মুখ, গাঁজিয়ে যাচ্ছে। আন্ত গণ্ডার। সারাটা সকাল সে রাজেন্দার সঙ্গে কথা বলেছিল এই নিয়ে। শেষেষ চুকে বুকে যাক। কেমন একটা জেদ তাকে পেয়ে বসেছিল। ভেবেছে হেস্তনেস্ত হোক। সে পারবে না। তারপরই মিন্টু, টুটুল, নির্মালা, বাবা-মা, সে অতীশ, বাপের স্ত্রপুত্র, নির্মালার অল্পগত স্বামী এবং দায়িত্বশীল পিতা হয়ে যায়। কোথায় দাঁড়াবে। ফুটপাথ, সে ত ক্রমেই লম্বা হয়ে যাচ্ছে। অসংখ্য গণ্ডার দৌড়ছে। ঠিক সেই নাটকের মত মনুষ্যেরা তার কাছে প্রায় গণ্ডারের শামিল। এবং রাজেন্দাকে মনে হয়েছে আরও সাবলীল গণ্ডার। বাসের প্রান্তরে দাঁড়িয়ে দেখছে দলবল কোনদিকে যায়। এবং ফোনটাও যখন নড়েচড়ে গণ্ডার হয়ে যেতে চাইল তখনই সে কেমন ভয় পেয়ে ডাকল, স্বধীর স্বধীর! সে বেল টিপতে ভয় পেয়ে গেছে। এবং সেই ব্রাণ। আঁচি আবার হাজির। মজা দেখছে। তার মনে হল, আঁচি তার পাশে দাঁড়িয়ে থেকে আজ মজাটা দেখবে। কি রকম, কি রকম হে সাধুপুরুষ! এখন নিজেও যে গণ্ডার হয়ে যাচ্ছে! ভয় করছে না।

সে বলল, আঁচি তুমি যাও। তুমি না গেলে আমি এখানেও ধূপকাঠি জালিয়ে বসে থাকব। যাও বলছি। হাসছ কেন!

—না হাসছি না। দেখছি।

—কি দেখছ?

—যুয কিভাবে দাঁও দেখব।

—আমার জন্ম দিচ্ছি না।

—কার জন্ম।

—কোম্পানীর জন্ম।

—বনিকে আমি ভালবাসতাম। আর্চি দাঁত বের করে হাসল।

—চউপ। অতীশ প্রায় চিংকার করে উঠতে চাইল। ভালবাসলে শয়তানের মত কাজটা করতে না।

—বনি না ভালবাসলে কি করি! শরীর ত।

—তুমি একটা বাচ্চা মেয়েকে তাই বলে রেপ করবে!

—বাচ্চা! বনি বাচ্চা! কি বলছ! তুমি তাকে নিয়ে বোটে কি না করেছ। আমি বুঝি দেখি নি! বাচ্চা মেয়েকে ওভাবে করা যায়।

—প্লিজ আর্চি, তুমি নোংরা হয়ে যেও না। বনিকে ছোট করে দিও না।

—না না, ছোট কেন করব! মহীয়সী। মহীয়সী। মেয়েরা সব মহীয়সী! বোরানী কেমন খাওয়াচ্ছে। কত সুন্দর করে।

—তা খাইয়েছে। ছেলেবেলা থেকে ওর ভারি টান!

—বুঝতে পারছ কি হবে বিষয়টা?

—না বুঝতে পারছি না। তুমি যাও আর্চি। আমাকে ক্ষমা কর। বনিকে ক্ষমা করে দিও। আমি এখন বাবা। ছুটো বাচ্চা আমার। আমি না থাকলে ওদের কি হবে ভেবে দেখ। বাবা না থাকলে, আমাদের এখন আর কেউ থাকে না।

—সেই ত বলছি। তুমি বাবা। তবে এতক্ষণ বলছিলে কেন, কোম্পানীর জন্ম ঘুষ দিচ্ছ। অজুহাত খাড়া করছ কেন। চাকরিটা ছাড়তে পারছ না। ভয় ফুটপাথে দাঁড়াবে। মানুষের টাকা না থাকলে কি হয়, বেকার থেকে কতবার সেটা বুঝেছ!

—তা বুঝছি।

—এখন আমি চাই তুমি বেকার হয়ে যাও। আত্মহত্যা কর।

তখনই অতীশ আরও ভয় পেয়ে গেল। —না করলে!

—তোমাকে গণ্ডার হতে হবে। চামড়া ভারি হবে, টের পারবে না। বুঝতে পারবে না চামড়া পুরু হচ্ছে! পুরু হতে হতে যখন সত্যি গণ্ডার হবে তখন দেখবে কোন আর দুঃখ নেই। চারপাশে তোমার মত সব লোকজন, সমাজটাকে মনে হবে বিচরণ ক্ষেত্র। মানুষের নির্ঘাতন তোমার চোখে লাগবে না।

—যদি না হই।

—তবে আত্মহত্যা।

—বলছ!

—বলছি। দুটোর যে কোন একটা, বলে যেন আর্চি তার দুটো আঙুল দেখাল। ডোরাকাটা সেই বাঘের মত মুখ। সারা গায়ে কিছুতকিমাকার দাগ—দুলছে, নড়ছে। দুটোর একটা। দুটোর যে কোন একটা। দুলছে। নাচছে। লাকিয়ে লাকিয়ে নাচ দেখাচ্ছে। দুটোর যে কোন একটা। অনেক দূরে কোন নীল জলরাশির ওপর অনন্ত আকাশের নিচে ভেসে ভেসে চলে যাচ্ছে, দুটোর যে কোন একটা। তারপর সেই গোলাকার চোখ, লাল কুট চোখ, হাতের আঙুলে ভি। ভিষ্ঠিরি! তখনই অতীশ আর পারল না। ডাকল, স্তবীর স্তবীর। স্তবীর এসে বলল, শিগগির দু প্যাকেট ধূপকাঠি নিয়ে আয়। বলেই সে উঠে দাঁড়াল। যেন খুঁজছে! কোথায় আরও কিছু অবলম্বন পাওয়া যেতে পারে—খুঁজছে। সে অফিস ঘরেই পায়চারি শুরু করল। একবার কাঁচের জানালা দিয়ে দেখল, ঐ তো আসছে! সে জানালায় ভাল করে দেখল, হ্যাঁ আসছে। বুকাটা কাঁপছিল। মানুষটা কত সহজে পান চিবুতে চিবুতে চলে আসছে। আমরা পেয়ে থাকি। কতদিন থেকে পেয়ে আসছি। যেন আর্চিই আসলে ভিন্ন ভিন্ন চেহারায়ে তার কাছে হাজির হচ্ছে। কখনও কুম্ভাবু, কখনও ইঙ্কলের সম্পাদক, কখনও রাজেনদা, কখনও সেই ঘুঘোর লোকটা অথবা শেঠজী। রাজেনদার রাশভারি গলা, তুমি অতীশ, কোম্পানীর তাই বলে ক্ষতি করতে পার না। টাকাটা না দিলে কোম্পানীর ক্ষতি হবে। বেশি টাকা কে দেয় বল। আইন ফাঁকি দেয় না, কে এমন আছে। শেষে যেন বলতে চেয়েছিল, আসলে তুমি গোয়ার। এভাবে ত কাজ হবে না। এর নাম সততা নয়।

তারপরই আবার আর্চি জানালায় ছলে ছলে নাচছে। আমার খুব কষ্ট হয়েছিল ছোটবাবু। নিশ্বাস নিতে না পারলে কত কষ্ট বল। বালিশে মুখ চেপে হত্যা করেছে। দম বন্ধ হয়ে আসছে। চোখ কেটে বের হতে চাইছে। অতীশ তাড়াতাড়ি অগ্নি দিকে মুখ ফিরিয়ে নিল। দম বন্ধ করে দেখল, দেখা যাক কতক্ষণ নিশ্বাস বন্ধ করে রাখা যায়। মৃত্যু যন্ত্রণা সে অনুভব করতে চাইছে। এই এই কি করছ! অতীশ অতীশ! কি হয়ে যাচ্ছে। আমার এটা কি হচ্ছে। স্তবীর শিগগির কর। এত দেরি কেন?

অস্বাভাবিক যন্ত্রণায় সে কাতর হয়ে পড়ছিল। কষ্টটা কিসের? সম্ভ্রমবোধের! ইজ্জতের। ইজ্জত শব্দটি মাথার ঘলুর মধ্যে পাক খাচ্ছে। ইজ্জত না পাপ। আর্চি তাকে দিয়ে সব রকমের পাপ কাজ করিয়ে নিতে চায়। বিজয়ীর মত সেই যে ঘরের মধ্যে এসে ঢকেছে আর বের হতে চাইছে না। গন্ধটা আরও

বেশি আজ ভুর ভুর করছে। সুইংডোর কেউ খুলছে। সুধীর। হাতে ধূপের প্যাকেট। সে প্রায় হামলে পড়ে প্যাকেট ছুটো খুলে নাকের কাছে ধরল। তারপর যা হয় টেবিলে, কাঠের দেয়ালে, আলমারির কোণায় গুচ্ছ গুচ্ছ ধূপ জ্বালাতেই দেখল সব পরিস্কার, সব স্বাভাবিক। টেবিলের ওপর স্তূপীকৃত ফাইল এবং ক্যাশবুক। কিছু ডেবিট ভাউচার, ক্রেডিট ভাউচারের বাঙিল। দোয়াত-দানিতে নানা রকমের কলম। জানালা কাঁচ দিয়ে ঘেরা। পাখাটা ভাল ঘুরছে না। হুতরাং সে নিজেই জানালাটা খুলে দিল। ঠাণ্ডা হাওয়া ঘরে ঢোকায় শরীরটা হালকা লাগছে। সামনে রাস্তা। দুজন জোয়ান লোক ঠেলাগাড়ি টেনে এনে কারখানার গেটে লাগিয়েছে। মাল যাবে। কারখানার কারিগরেরা নর্দমাতে ছেপ কেলে সদর দরজায় ঢুকে যাচ্ছে। তারপর ঘণ্টার শব্দ, মেশিন চালু করার শব্দ। সুপারভাইজার হস্তদন্ত হয়ে ছুটছে। সুইংডোর খুলে যাচ্ছে। সব অতীশের কাছে এখন পরিস্কার। এই ধূপকাঠি জ্বলে দিলেই গন্ধটা মরে যায়। সে খুব স্বাভাবিক বোধ করে। সুইংডোর ঠেলে সুপারভাইজার মুখ বাড়তেই দেখল, তার ম্যানেজার সারা অফিসে ধূপকাঠি জ্বালিয়ে দিয়েছে। মুখ ভয়ঙ্কর গম্ভীর। সুপারভাইজার অবস্থা শুনেছিল, মাথায় বাবুটির গুণ্ডগোল আছে। ধূপকাঠি জ্বালায় রাতে। কিন্তু এই দুপুরে কে এমন রাশি রাশি ধূপকাঠি জ্বালায়! সে কিছুটা বিভ্রমে পড়ে গেল। কিন্তু তখনই তাঁর গম্ভীর কথাবার্তা, কিছু বলবেন? সুপারভাইজার অবাক। প্রথর ব্যক্তিত্বে মানুষটা কথা বলছে। সে বলল, স্ত্রীর ভিতরে আসব?

—আম্বন।

—সাতজন কামাই করেছে টিকিনের পর।

—কি করব?

—এভাবে ত চলে না। আপনি জোর অ্যাকশন না নিলে কি করব?

—একটা লিফ্ট করে দেবেন, দেখব কি করা যায়।

—কিন্তু মেডিক্যাল দিলে কি করবেন?

—এত মেডিক্যাল পায় কি করে?

—স্ত্রীর ই এম আইর ডাক্তারদের সঙ্গে রফা আছে। ওষুধ দেয়। মেডিক্যাল সার্টিফিকেট দেয়। ওরা মেডিক্যাল নিয়ে অস্ত্র জায়গায় কাজ করে। এখানে কাজ না করেও তারা হাফ মজুরি পায়। সুবিধা কত দেখুন। এখানে হাফ মজুরি অস্ত্র জায়গায় ফুল মজুরি। কে ছাড়ে!

অতীশ বলল, আমার কিছু তবে করার নেই! আসলে অতীশের মনে হল, আচ্ছা জাঁতাকলে সে পড়েছে। এত কামাই হলে সে কি করে। সে বলল, বার্নিশ থেকে তুলে নিন।

—তিন নম্বর পাঞ্চ মেশিন খালি। প্রেস মেশিনের দুজন আসে নি। বিশ্বনাথ নিমাই নন্দ সবক'টা ডুব মেরেছে।

—চলুন ত দেখি। অতীশ উঠে পড়ল। কারখানায় ঢুকলে দেখল সব ভালমাহুষ। গভীর মনোযোগ কাজে। কেউ যেন ফাঁকি দেয় না জীবনে। 'কামড়ি এক গাদা জমে আছে। মাল তুলে নেবার লোক নেই। হাত খালি করে চাপা মেশিনে পরাণ বসে আছে। পর পর মেশিনগুলির কাজ বন্ধ। চেন সিটেমে কাজ। ভ্যাকুয়ামের কাজও হচ্ছে না। কানপুর পার্টির মাল হচ্ছে। সে বলল, এই বিশ্বনাথ এদিকে আয়। বিশ্বনাথ এলে বলল, যা মাল দে। বার্নিশ বন্ধ রাখ। এই গোপাল, আমার সঙ্গে আয়। চাপা থেকে ভ্যাকুয়ামে নিয়ে যাবি। তারপর বিটের মনোরঞ্জনকে বলল, আপনারা ইউনিয়ন করেন, এদিকটা দেখেন না কেন? হঠাৎ ডুব মারলে, কোম্পানীর ক্ষতি হয় না!

মনোরঞ্জন বিট খামিয়ে বলল, দেখছেন না স্ত্রার, কেমন দিনকাল। অসুখ-বিসুখ লেগেই থাকে। মাথাটাকে বের করে দিয়েছে বাড়িয়াল। টি বি পেশান্ট রাখে কি করে!

—কোথায় আছে?

—পুরান দালানের রোয়াকে শোয়। সেখানেই থাকে।

এটা অতীশেরই দায়িত্ব। সে এখনও ই এস আইকে বলে কিছু করতে পারেনি। সে কুস্তবাবুকে নিয়ে ক'দিন থেকে দৌঁড়াদৌঁড়ি করেছে। একটা বেডও খালি নেই। দরিদ্র বান্ধব হাসপাতালে দুটো ই এস আইর বেড আছে। খালি না হলে কিছু করা যাচ্ছে না। সকালে এসে মনোরঞ্জন বলেছিল, স্ত্রার যাবেন একবার। দেখবেন কি অবস্থা! সে যায় নি, যেতে তার ভয় লাগে। সে জানে, এই শহরের বুকে যেমন দশটা পাঁচটা লাশ রাস্তায় পড়ে থাকে মাধবের বেলাতেও তাই হবে। রোগ নিরাময়ের সে কিছুই করতে পারছে না। দশটা টাকা দিয়েছিল, তাই নিয়ে শেষ পর্যন্ত মনঃস্বাবুর সেই কথা। তুমি কেন বুঝ না, অতীশ এটা তোমার টাকা না। তোমার টাকা যে-ভাবে হচ্ছে খরচ কর, আমরা কিছু বলব না! এ-টাকা দিতে হলে বোর্ড থেকে অ্যাপ্রভাল নিতে হবে। এতদূর গড়াবে সে জানবে কি করে। অগত্যা সে বলেছিল, ঠিক আছে

ভাউচারটা ছিঁড়ে ফেলুন। ক্যাশবুকে খরচটা কেটে দেব। আমার যখন দায়, তখন সেটা আমার পকেটেই থাক। আর তখনই সনৎবাবু হাঁ হাঁ করে উঠেছিলেন। না না, তুমি দেবে কেন। দেখি কুমার বাহাদুর কি বলেন! দশটা টাকা এত মহার্ঘ্য সে আগে জানলে বোধহয় আহাম্মকের মতো কাজটা করত না। আজই সেই নিরেট গণ্ডারটি আসছে। তাকে এক দেড়শ টাকা দিয়ে যে-ভাবেই হোক খুশি রাখতে হবে। মাথার মধ্যে কি যে হয়, সে হঠাৎ চিংকার করে উঠতে চাইল, মাধবকে বলুন না মশাল নিতে হাতে। সব বাড়িঘর পুড়িয়ে দিতে বলুন না! কি হবে শুধু শুধু মরে গিয়ে।

মাধব সেই এক মানুষ, চাঙা পাতলা। খড়খড়ে চেহারা। আগে ফুটপাথে শুত, মাইনে পেলে স্নান আহার, হোটেলে ভাত, ঐ নির্দিষ্ট দিনেই সে শুধু ভাত খায়। খুতনিতে খোঁচা খোঁচা দাড়ি। চুল কাটে ছ'মাসে ন'মাসে। লম্বা চুল উক্কখুক। হেঁড়া তালিমারা জামা প্যান্ট। আর এক ধাপ এগিয়ে গেলেই রাস্তার সেই পাগলা হরিশ। বস্কুরা তার করতলে। মাধবটা সেই হয়ে যেতে পারত। রাজরোগে তাকে খেয়েছে। এবং চোখ জ্বাকুলের মতো করে তাকালে অতীশের ভয় করত। মাইনে বাড়তে মাঝে মাঝে জুয়া খেলার নেশায় মাধবকে পেয়ে বসে। এই মানুষের যেমন আর দশটা সখ' থাকে। সে হুগাহে একবার বেঞ্চালয়ে যায়। শরীর বলে কথা, স্ত্রুথ সখ বলে কথা। দুনিয়ায় এসে স্ত্রুথ সখ না মিটিয়ে যায়টা কি করে। সে সহজেই বচসা করতে পারে মারামারি করতে পারে। সেই মাধা এখন চিংপাত হয়ে আছে রোয়াকে।

অতীশ বলল, খায় কি? ওষুধপত্র কে দেয়।

—নিমাইর বৌ ছুবেলা দুটো করে দেয়। আমরা পাল্য করে ওষুধ খাইয়ে আসি। কথা শোনে না স্ত্রার। ঐ শরীর নিয়েই বেঞ্চাবাড়ি গেছিল। নিজে বাঁচতে না চাইলে কি করি! ই এস আই থেকে কিছু হল না স্ত্রার?

অতীশ আর কথা খুঁজে পেল না। শুধু বলল, চেষ্টা ত করছি। কিন্তু কি করব বলুন! সে জানে ঘুষ দিলে হয়ে যেত। কে দেয়! ঘুষ দূরের কথা, দশটা টাকা দেবারও তার ক্ষমতা নেই। সে আর তার দশটা টাকার কথা বলল না। এই নিয়ে তাকে কুস্তবাবু জালিয়েছে, জানাজানি হয়েছে জানলে, কোনদিকে আবার ফণা তুলবে কে জানে। কম কথা বলা ভাল। যত দিন যায় তত এটা তার মনে হয়েছে।

তারপর সদর দরজা অতিক্রম করতেই শিবপূজনের মুখ। সে ভাঙা টুলে

বসে হাত পা চুলকাচ্ছিল। ওর চোখ মুখ চোপা কুলের মতো। হাতে ঘা। আঙুলগুলো ফুলে আছে, কাঁকড়ার মতো বঁকে গেছে। নখ খসে গেছে। হাতে পায়ে সব সময় ব্যাণ্ডেজ বাঁধা। একদিন শিবপূজন ব্যাণ্ডেজ খুলে পাটা অতীশকে দেখিয়েছিল—ঘন সাদা রঙের ঘা, ক্ষতস্থানটুকুতে অবিরাম দুর্গন্ধ। আর এই সব দেখলেই গা শিরশির করে। যেন পোকাটা তার শরীরে বেয়ে উঠছে। নিজের মধ্যে এক অস্থির খবর টরে টকা বাজায়। সে দেখি না দেখি না করেও সবটা দেখে ফেলেছিল। শিবপূজন বলেছিল, মানুষ মরে যেতে চায় না কেন বাবু। মরে গেলে রেহাই। আমার মরার ইচ্ছে কবে হবে বাবু? আমার বেঁচে থাকতে এত ভাল কেন লাগে বাবু?

অফিস ঘরে ঢুকতেই ফোনটা বেজে উঠল। অতীশ ইচ্ছে করেই হাত বাড়াল না। ইদানীং সে এই ফোনটাকে বড় ভয় পায়। অদ্ভুত সব স্বর ভেসে আসে। যেন আঁচি গলা নকল করে কথা বলছে। কেবল তাগাদা। দাও। আর দাও। সবাই তার কাছে তাগাদা মারে। মালটা গেল না। টাকাটা কবে দেবেন। না, এ-ভাবে ঘোঁরাতে চলবে না। বার্নিশ বন্ধ করে দেব। মাল ডেয়ারেজ আছে। সেলট্যাকসের কি হল! রং খারাপ। বার্নিশ ঠিক হয়নি। ঢাকনা আলগা, মাল ফেরত যাবে।

স্বধীর বলল, বোর্দিমণির ফোন।

ফোন! কোথেকে করছে। তারপরই মনে হল, অমলা তো পিসি হয়। ফোনটা হাতে নিয়ে অতীশ বলল, বল।

—শরীরটা ভাল যাচ্ছে না।

—সে ত আসার সময় দেখে এলাম!

—দাদা এসেছেন। আমি বরং কদিন মার কাছে থেকে ঘুরে আসি।

—সে ত ভাল কথা। যাও। আসলে এটাও অতীশের অভিমান থেকে বলা। সংসারে তার একটা বড় দুঃখের দিক আছে। সেটা কেউ বোঝে না। সে একা থাকলে আরও কষ্টের মধ্যে পড়ে যায়। বড় নিঃসঙ্গ লাগে। কলকাতায় এসে সে এটা হাড়ে হাড়ে টের পেয়েছে। নির্মলারও বুঝি একঘেয়ে ঠেকছে তাকে। সে মাসে ছ'মাসে নির্মলাকে সঙ্গে নিয়ে বের হয়। তার সময় হয় না। তার নিজের বলতে একটাই কাজ, একটু লেখা, আর বাকিটা সে নির্মলা টুটুল মিস্ট্রির জন্তে করে যাচ্ছে। অথচ নির্মলা এটা টের পায় না। নির্মলা চায় ঘুরতে ফিরতে। সে বেড়াতে ভালবাসে। নির্মলার জীবনে সচ্ছলতা দরকার।

সে এভাবে যে শেষ পর্যন্ত জীবন কাটাতে পারবে না যেন আড়ে ঠাড়ে বুঝিয়ে দিচ্ছে।

অথচ নির্মলার সঙ্গে তার একটা ভালবাসার যুগ ছিল। নির্মলাই তাকে সেই বিষন্নতা কাটিয়ে পৃথিবী সবুজ শস্য-শ্রামলা, ঝুটপাত হয় গাছপালা বাড়ে, আবার শীত আসে, পাতা ঝরে যায়; রুখে মাঠ কড়কড়ে হাওয়া, ধুলোবালি ওড়ে এ-সব শিখিয়েছিল। তার মনে হয়েছিল, নির্মলা তাকে ফের কোন বড় বেলাভূমিতে নিয়ে যাবে। সেই নির্মলা এখন তাকে একা ফেলে কিছুদিন বাবা মার কাছে থাকতে চায়।

তখনই পার্ট-টাইম কাজের লোকটা এসে বলল, শ্রার, সব পার্টিদের স্টেটমেন্ট অফ একাউন্টস গ্রিশ তারিখের মধ্যে দেওয়া একেবারেই অসম্ভব।

—কেন?

—শ্রার, একা পেরে উঠব না।

—কুস্তবাবুকে সঙ্গে নিন।

কারখানা থেকে হাপরের শব্দ আসছে। কিছু ঝালাইর কাজ থাকে মাঝে মাঝে। দূরে কোথাও বচসা হচ্ছিল। সেখানে অনেক লোক জমেছে। সে কাচের জানালায় বসে সব দেখতে পায়। সামনের অনেকটা পথ চোখে পড়ে। ভাল করে তাবালে, দূরের বেজালয় চোখে ভেসে ওঠে। সেখানেও সে ভিড় দেখতে পেল। স্বীর এসে খবর দিল, শ্রার, মারামারি হচ্ছে।

—মারামারি হচ্ছে কেন।

—লীলাকে নিয়ে ঝগড়া। লীলা মরে গেছে।

লীলাকে সে জানে না। লীলা কোন বেশারমণী হবে। স্বীর এত কথা বলতে পারে না। সে এ-পাড়ার ছেলে। ষরদোর সব জানা চেনা। সে লীলাকে চিনতে পারে।

সে বলল, লীলাকে নিয়ে ঝগড়া কেন?

—লীলার স্বামী এসেছে। সে তার মরা বোকে দেশে নিয়ে যেতে চায়। ওরা বলছে দেবে না।

—ওরা কারা?

—লীলার ঘরে যারা আসত।

কেমন একটা রহস্য টের পেয়ে ওর কত কিছু প্রশ্ন করতে ইচ্ছে হচ্ছে। লীলার স্বামী আছে অথচ লীলা তবে এখানে কেন এসে উঠেছিল! অভাব অনটন থেকে

এটা যদি হয়। মানুষ কি অভাব অনটনে পড়ে গেলে মাথা-কাতা গুলিয়ে ফেলে। তখনই সে দেখতে পাচ্ছে কয়েকজন মাতাল যুবক লীলার খাটিয়া নিয়ে এদিকেই আসছে। একবার রাস্তায় নামাল পর্যন্ত। কি ফেলে এসেছে, কেউ তা আনতে গেছে। সে দেখল কপালে সিঁদুর, হাতে নোয়া। বড় সুন্দর মুখ। চোখ বুজে আছে মতো। লীলা স্বামীকে ফেলে চলে এল কেন? শহর কি টানে! যুবকেরা খাটিয়া বয়ে নিয়ে যাচ্ছে। সব যুবকেরাই লীলার স্বামী। লীলা চোখ বুজে যেন মুচকি হাসছে এমন ভেবে। ওর শরীরটা কেমন গুলিয়ে উঠল। তা তুমি যাও না! তোমার যদি নিত্য অভাব এত বেশি মনে হয়, যাও। চাকরি কর গে। টুটুল মিন্টুকে না হয় আমিই দেখব। তারপর লীলার খাটিয়া ঝুলিয়ে তারা চলে গেলে, রাস্তাটা একেবারে ফাঁকা হয়ে গেল। এবং পরে সে দেখতে পেল, এক বাঁকা ফুল নিয়ে কেউ যাচ্ছে। বেল ফুলের মালা। তার ইচ্ছে হল তাকে বলে, এই বেলফুলের মালার কত দামের? মাঝে মাঝে নির্মালা বেলফুলের মালা পরতে চায়। সব মেয়েরাই বেলফুলের মালা পরতে চায়। সংসার ঠিকঠাক রাখতে হলে কিনে দেওয়া দরকার! নির্মালা বাপের বাড়ি থেকে ফিরে এলে গোপনে কলাপাতায় সে একদিন বেলফুলের মালা কিনে নিয়ে যাবে ভাবল।

অতীশ কাশবুকের ওপর এই ভেবে মাথা রাখতেই ফোনটা বেজে উঠল। সেই নীরেট গুণ্ডারটি নয় তো! —শ্রাব যাচ্ছি। টাকাটা ঠিক রেখেছেন ত! সে কোনরকমে ফোনটা তুলে বলল, বলুন।

—আমাদের ডিজাইনটা?

কেমন সে হাঁপ ছেড়ে বাঁচল। বলল, একটু ধরুন। এই জগৎ, জগৎ। অতীশ জগৎকে গলা ছেড়ে ডাকতে থাকল। ভুলেই গেছে তার বেয়াড়া বাইরে বসে আছে। ভুলেই গেছে লাল নীল আলো জ্বললে, স্থবীর ছুটে আসে।

স্থবীর বাইরে বসেই টের পায় সব। শ্রাব ভাল নেই। শ্রাবের কিছু আজ একটা হয়েছে। সে উঠে গিয়ে বলল, জগৎদা, শ্রাব আপনাকে ডাকছে।

জগৎ এলে অতীশ বলল, ধর্মবীর কোম্পানীর ডিজাইনটা হয়েছে?

—ওর কোন ডিজাইনটা? ডিজাইন শুধু তিনটে করতে দিয়েছে।

—গন্ধা যমুনা পাউডারের।

—হাতে দুটো ব্লকের কাজ আছে। ওটা হয়ে গেলেই।

অতীশ বুঝতে পারে আরো বেয়াড়া প্রশ্ন করলে জগৎ আরও বেশি মিছে

কথা বলবে। অনেক অজুহাত দেখাবে। স্ত্রীরাং পার্টির কাছে কথা ঠিক রাখার জ্ঞান বলল, আজই ওটা ওভারটাইমে করে দেবে। করে দিতে হবে। যাও।

আবার অতীশ কিছুটা অগমনস্বভাবে বলল, আজই করে দিতে হবে। যাও তারপর কোমটা রাখার আগে বলল, কাল আসবেন। ডিজাইনটা এফ্রত করে যাবেন। তারপর সে তার টেবিলে রাখা উইকলি প্রোগ্রামটা দেখে বুঝল, টিন দরকার। খোলা বাজার থেকে টিন তোলা দরকার। পিসি আর সি হলেই হবে। সে ফোন করল, হেলো, পিসি আর সি!

—হ্যাঁ স্যার।

—আপনাদের ব্ল্যাক প্লেট আছে?

—আছে।

—কত গেজের?

—পয়ত্রিশ ছত্রিশ অ্যাসরটেড।

—দাম কি নিচ্ছেন?

—পুরো দুই স্যার।

—পঞ্চাশ কমবে না?

—হয় না স্যার। কিছু তবে থাকবে না।

অতীশ কুস্তবাবুকে ডেকে পাঠাল। কুস্তবাবু সব সময় ডাকলেই আসে না, একটু দেরি করে আসে। যেন বোঝাতে চায়, ডাকলেই আসা যায় না। সবাই দেখুক, এ-অফিসে তারও দাপট কম না। অর্ডার করলেই সে দাসাত্মদাস হতে পারে না। তারপরই এসে বলবে, দাদা ডাকছিলেন, পে-বিল করছিলাম। যেন কত কাজে মগ্ন থাকে সে।

কুস্ত এলে একটা চেক এগিয়ে দিল।—এটা ভাটিয়ে আনবেন। পনের তারিখে তেষ্টার সেলটেঞ্জ/কেস আছে। কাগজপত্র সব ঠিক করে রাখবেন। ডিক্লারেশন বাকি থাকলে আদায় করে নিন। তের তারিখে আমার টেবিলে সব প্রিভিউস করবেন।

কুস্ত চোখ টান করে ফেলল। খুব বসগিরি ফলানো হচ্ছে! খুব তেজি ঘোড়া। সে এই মাত্র এসেছে পার্টির ঘর থেকে। এসেই শুনেছে বড়বাবু ঘরে ধূপকাঠি জালিয়ে বসে আছে। কারো সঙ্গে আজ ভাল করে কথা বলছে না। খুব গম্ভীর হয়ে গেছে। কুস্ত শুনে বেশ প্রফুল্ল হয়ে গেল। এ-সময়ে ঘাটাঘাটি করা

ঠিক না। সেই লোকটা আসবে ভয়েই জুজু হয়ে আছেন। তার ভারি মজা লাগছিল। কোনদিকে সামলাও শূয়োরের বাচ্চা এবার দেখব। জাল পাতা হচ্ছে, তুমি জান না এটা কলকাতা শহর। এটা তোমার বাইনচুত জাহাজ না। কত ধূপকাঠি পোড়াতে পার দেখি। সে বলল, কিছু ভাববেন না দাদা। সব ঠিক করে রাখব।

আর এ-সময়েই অতীশ দেখল, আসছে। বেঁটে মোটা মতো মানুষ। চুলে পাক ধরেছে। গাল গলা মশণ। মাথায় টাক। আর বেশ ধীরে ধীরে হেঁটে আসছে। ডোরাকাটা দাগ মুখে নেই ত! অথবা পোড়া দাগ। না কিছু নেই। সামনে এলে দেখল কপালে শুধু বড় একটা আব। ঠিক মাঝ-কপালে। সেদিন সে দেখেছিল বেশ ছোট, কদিনেই বড় হয়ে গেছে। মাংস হাড় ফুটে বের হয়ে আসছে। গণ্ডারের মতো খড়্গ গজাচ্ছে। যেন যতদিন যাবে, লম্বা হয়ে যাবে আবটা। এবং ধারালো হয়ে উঠবে। সে লোকটি ঢোকায় সঙ্গে সঙ্গে বলল, দেখুন এখানে আমি নতুন। কার কি প্রাপ্য ঠিক জানি না। আপনি সেদিন টাকা চাইলেন দিতে পারলাম না।

বাবুটি অসভ্যভাবে হাই তুলছিল। অতীশের কথাবার্তা কর্কশ হয়ে যাচ্ছে। ভেতরে কেমন জর জর ভাব। সে দেখল অজগর সাপেরা বাবুটির মুখে অনায়াসে ঢুকে যাচ্ছে। অতীশের শরীর গোলাচ্ছিল। কোনরকমে বলল, এ-ব্যাপারে ওপরয়ালার সঙ্গে কথা বলছি।

—তিনি কি বললেন?

—আপনারা পেয়ে থাকেন।

—আপনি নতুন আছেন।

—খুব নতুন বলবেন না। কুস্ত পাশ থেকে বলল।

লোকটির আবার হাই উঠছে। কি জালা! মানুষের এত হাই ওঠে কি করে। হাই ওঠা সংক্রামক ব্যাধির মতো। অতীশেরও হাই উঠতে থাকল।

লোকটি বলল, আপনি ত, এ-লাইনে নতুন?

অতীশ স্বাভাবিক হতে চাইল। বলল, সব খবর রাখেন দেখছি।

—সব খবর রাখতে হয় স্তার। জুলে ছিলেন, বেশ ত ছিলেন। এখানে মরতে এলেন কেন?

সেই এক কথা। জুলে যে এখন আর সবুজ মাঠ গাছপালা কিংবা সবুজ শস্ত ক্ষেত্র নেই সেটা সে বলতে পারল না। তার মুখটা সহসা খুব কাতর দেখাল।

একজন সহকারী শিক্ষকের কাজ মোটামুটি মন্দ না। কিন্তু তা সে পাবে কোথায়! আর কতদূরে! তার মিন্টু টুটুল বড় হয়ে উঠতেই সে কোন নিরিবিলা গ্রাম্য-জীবনের কথা আর ভাবতে পারে না। অস্থখ-বিস্থখ আছে। পড়াশোনা আছে। এই শহরেই তা স্থলভ। কলিকাতা কলকাতা বলে সে দু'বার মন্ত্রপার্ঠের মতো বিড়-বিড় করল কিছু।

কুস্তবাবু এতক্ষণে বাবুটির জন্ম চা এবং মিস্তি আনার অর্ডার দিয়ে দিয়েছে।

অতীশ মাথা গৌঁজ করে বসেছিল। মাথার ভেতরটাতে যেন আগুন জ্বলছে। সে মাথা গৌঁজ করে সেই আগুন থেকে রক্ষা পেতে চাইছে।

—আপনার সঙ্গে দেড়শ টাকায় রক্ষা হতে পারে। দু'বছরে তিনশ টাকা দেবেন। পরে পঞ্চাশ করে দিলেই চলবে।

অতীশ কপালটা টিপে ধরল। শরীরে মনে হচ্ছে জ্বর আসছে। আর এ-সময় অযথা জ্বরের ঘোরে প্রলাপ বকতে ইচ্ছে হচ্ছে। কাছাকাছি সেই বেথুনালয়ে গেলে কেমন হয়। বেথুনালয়, হারামি, শয়তান ইত্যর অথবা টাকার গীদর এমন সব শব্দমালা, গলার কাছে ধরে আছে কেউ। কুষ্ঠকণী শিবপূজন লাঠির ওপর ভর করে হাঁটার চেষ্টা করছে। চোখ মুখ বীভৎস। ফুলে ফেঁপে আছে কেমন। ভয় ধরে যায়। যেন অতীশ নিজেই কুষ্ঠরোগে আক্রান্ত। সে হাতের আঙুল দেখতে থাকল। কানের লতি ধরে দেখল। ফুলে উঠছে না! চুলকাচ্ছে। নাকের ডগা চুলকাচ্ছে। টের পাওয়া যায় না কখন কোথা থেকে আক্রমণ ঘটবে—এবং সে নিজেই বসে আছে একা এক শূন্য ঘরে। কেউ নেই। মিন্টু টুটুল নির্মলা কেউ নেই। ভয়ে তারা পালিয়েছে। সে ভীতু বালকের মতো চোখ মুখ করে আর একবার কর্পোরেশনের বাবুটির মুখের দিকে তাকাবার চেষ্টা করল। স্বাভাবিক হতে চাইল। গা ঝাড়া দিল। তবু সংক্রামক ব্যাধির মতো আত্মায় কারা পেরেক পুঁতে দিচ্ছে। শুধু অস্বহীন এক অন্ধকার জীবনের গাফিলতি নামে এক পাপের তাণ্ডারে তাকে কেউ নিক্ষেপ করছে। পাপ খণ্ডনের কি উপায় সে জানে না। এক পাপ থেকে আর এক পাপ তাকে পাগলা কুকুরের মতো তাড়া করছে।

বাবুটি বলল, আপনার শরীর ভাল নেই মনে হচ্ছে।

অতীশ এবার বাবুটির মুখের দিকে তাকিয়ে থাকল। তারপর সেই এক অগ্নমনস্কভঙ্গীতে বলা, না ভালই আছে। সে দেখল, অজগর সাপের লেজটা বাবুর মুখে টিকটিকির লেজের মতো নড়ছে। লেজ ধরে সাপটাকে টেনে বের

করবার স্পৃহাতেই সে যেন উঠে দাঁড়াল। তারপরই কেমন হুঁশ ফিরে আসে। যেন বাবুটি বলছে, ওটা ঠিকই আছে। ওকে টানবেন না। টানলে অনর্থ ঘটবে। বসে পড়লে কুস্তি বলল, দাদা আপনার চোখ এত লাল কেন? রাতে ঘুম হয় নি বুঝি।

অতীশ বলল, ঠিক জানি না। অতীশের কোন কথাই বলতে ভাল লাগছিল না। জ্বরী রুগ শরীর ক্যাঁকাসে। চোখের নিচটা সব সময় ফুলে থাকে। এই সব দৃশ্য অতীশকে তখন কাতর করছে।

তখন একটা পুরো পানামা প্যাকেট কুস্তি টেবিলের ওপর রাখল। বাবুটি বলল, চলে না। সে তার নিজের পকেট থেকে উইলস বের করে বলল, চলে?

অতীশ বলল, না।

তারপর আর কি কথা বলা যায়। বাবুটি যেন কথা খুঁজে পেয়ে গেল, বলল, বড় প্যাচ প্যাচে রুটি। আর ভাল লাগছে না। এবারে রোদ উঠুক।

অতীশ বলল, রোদের দরকার। সে ক্যাশ থেকে তিনশ টাকা গুনে টেবিলের উপর রাখল। আর তখনই স্তূর থেকে যেন কেউ ডেকে উঠল, বাবা বাবা!

ডাকটা ক্রমে এগিয়ে আসছে, বাবা! বাবা! টুটুল ভয় পেয়ে কোন দুঃস্বপ্ন দেখে যেন ডাকছে, বাবা বাবা! সে পেছনে তাকাল! আবার কেউ ডেকে যাচ্ছে বাবা বাবা! এ মুহূর্তে কোথাও কোন দুর্ঘটনা ঘটেনি ত। বাসের চাকার নিচে টুটুল চিৎপাত হয়ে শুয়ে আছে। নির্মালা চুপ হয়ে গেছে। বাস থেকে নামতে গিয়ে এই কাণ্ড। সে চিৎকার করে উঠতে চাইল, টুটুল তোমাকে কি কেউ খুন করেছে। তুমি আত্মগলায় ডাকছ কেন!

বাবুটি বলল, বড় খাম আছে?

অতীশ কোন কথা না বলে, খাম বের করে দিল।

কুস্তি গোছগাছ করে টাকাটা খামে ভরে বলল, কি যে উপকার করলেন!

অতীশ কোন আর কথা বলছে না। এ-সময় কেউ ডাকে কেন! কে ডাকে! টুটুল তুমি ডাকছ? আমি বাবা, আমি তোমার বাবা। আমি মাহুব নেই। গভীর হয়ে যাচ্ছি বলে তুমি ভয় পাচ্ছ। না কি সত্যি কোন দুর্ঘটনা। তোমার দাড়ুর মতো দূরের কিছু কি আমি টের পাই। অতীশ কেমন চঞ্চল হয়ে পড়ল।

বাবুটি তখন সাঙ্ঘনা দেবার ভঙ্গীতে বললেন, ধীরে ধীরে সব ঠিক হয়ে যাবে।

সেই যেন শ্রাণি? হিগিনসের কথাবর্তা। ডোপ্ট বি অ্যাক্রেড। উই আর

ওমলি কারিং গু ক্রস। তারবাহী জন্তর মতো এই জীবন। শুধু পিঠে ক্রস বয়ে নিয়ে যাওয়া।

অতীশ মাথা তুলতে পারছে না। ভেতরে ছটফট করছে। যদি কোন পাপ কাজ করিয়ে নিয়ে আর্চি প্রতিশোধ নিতে চায়। এবং সেই মর্মান্তিক দুর্ঘটনা। ডাকছে, বাবা বাবা। বাবা তুমি তো এমন ছিলে না। অতীশ তাড়াতাড়ি করতে চাইছে। এক্ষুনি বের হওয়া দরকার। না কি একবার ফোন করে দেখবে, এবং সঙ্গে সঙ্গে সে ফোন তুলে বলল, হ্যালো! কে?

—আমি বিমলা!

—ও বিমলা! শোন, টুটুল ওরা পৌঁছে গেছে?

—হ্যাঁ এই ত এল! দেব দিদিকে?

—না থাক। বলে ফোন ছেড়ে দিতেই সে যেন হাঁপ ছেড়ে বাঁচল। তারপর মাথা নিচু করে রাখল, জীবনে সৎ থাকার সব প্রয়াস এক অতর্কিত আক্রমণে মুছে যাচ্ছে। আর এ-সময়ই সেই বিদ্যালয়ের সম্পাদকের মুখটি মনে পড়ল। ঠিক যেন এই বাবুটির মতো, এক বিরাট অজগর গিলে বসে আছে। অতীশ লেজ ধরে টানতেই সম্পাদক মশাই তেরিয়া হয়ে উঠেছিলেন, ওটা টানবেন না। অনর্থ ঘটবে।

অতীশ বলেছিল, তা হয় কি করে?

সম্পাদক বলেছিলেন, হয়। সব হয়। জানতে পারেন না। সরকার থেকে অনুমোদিত টাকা ফলস ভাউচার করে ঋণ দেখান এবং টাকাটা তুলে নিন। তারপর হাসতে হাসতে বলেছিলেন, বলুন তো টাকাটা তারপর কোথায় রাখবেন?

অতীশ বলেছিল, জানি না।

সম্পাদক মশাই হা হা করে আবার হেসে উঠেছিলেন। কিছুই জানেন না দেখছি। ওটা আমার নামে ডোনেশান দেখাবেন। ডোনেটেড বাই ভূজঙ্গ-ভূষণ মজুমদার। বাফ হয়ে গেল। বাবার নামে ইস্কুল। ডোনেশান ফুডি হাজার থেকে বেড়ে বাইশ হাজারে দাঁড়াবে! লোকে বলবে, বিদ্যার সাগর দয়ার সাগর তুমি বিখ্যাত ভুবনে। শেষ কথাটা না বললেও অতীশ বুঝেছিল, জেলা সমাহর্তাকে সভাপতি নির্বাচন, তারপর আরও কিছু হোলমেল ডিলারশিপ। ব্যবসায়ী মানুষ! আখের ছাড়া তাঁর জীবনে আর কোন আকাঙ্ক্ষা নেই।

অতীশ বলেছিল, ফলস ভাউচার হবে না। অতীশ যথার্থই লেজ ধরে টান দিয়েছিল।

—তবে চলে যেতে হবে। ব্যবসায়ী সম্পাদক অমায়িক হেসে কথাটা বলেছিল। প্রভাব এবং প্রতিপত্তির কাছে অতীশ শেষ পর্যন্ত হেরে গেল। সে এখানেও হেরে গেল! তার এখন হুহু করে গায়ে জ্বর আসছে। সে শীতে কেমন কাঁপতে থাকল।

বারুটি তখন তার সামনে বসেই হেলথ লাইসেন্স ইস্যু করছে। ট্রেড-লাইসেন্স পরে পাঠিয়ে দেবেন, এমন বলে তিনি টাকাটা সযত্নে ব্যাগে ভরে নিচ্ছেন প্রসন্ন হাসি মুখে। কুস্ত চুপচাপ মজা উপভোগ করছে।

আর তখনই কোনটা রমরম করে বেজে উঠল। যেন সব নড়বড়ে করে দিয়ে কোনটা ক্রমাগত বাজছে। অতীশ আর পারছে না। অতীশ কোনের দিকে হাত বাড়াল। বলল, বলুন! অ তুমি! বল বল।

—আজ আসবি একবার।

—কুস্ত বলল, কার কোন দাদা?

—অমলার। যেন কতকাল রোগভোগের পর অতীশের গলার স্বর আর স্বাভাবিক নেই।

॥ একুশ ॥

ওরা দু'জন পাশাপাশি বসেছিল। দুমবার গাড়ি চালাচ্ছে আজ। শহরের পাশেই গঙ্গা, গঙ্গার ওপারে চটকল, জেটি, চিমনি এবং পাখিদের উড়ে যাওয়া। আকাশে কোন মেঘমালা নেই। মেঘের ভাসাভাসি নেই। মানুষজন গাড়ি ট্রাম বাস নিত্যদিনের মতো চলাফেরা করছে। অমলা তাকে কোথাও নিয়ে যাচ্ছে। সে অমলাকে প্রশ্ন করেছিল, আমায় কোথায় নিয়ে যাচ্ছ? অমলা আড়চোখে তাকিয়ে বলেছিল, ভয় পাচ্ছিস! মেয়ে কেলব না। অমল আরও কত কথা বলেছিল। যেন অতীশ এক হুবোহু বালক, কিছু বোঝে না, জানে না। কলকাতার কিছুই চেনে না। এই হুমায়ূনের মধ্যে কত বিচিত্র মানুষ, বিচিত্র জীবন, চোখ খুলে তাক। জাহ্নবী, হাওড়ার পুল, লাট ভবন, গড়ের মাঠ, এবং রেড রোড, তারপর সেই কোর্ট উইলিয়ামের দুর্গ—সবটাই এক মায়াবী জগৎ। জাহাজে যাবার আগে এই রাত্তর তার মনে হয়েছিল একবার, অমলা কমলা কত বড় হয়েছে কে জানে! অমলা কমলা এই শহরেই থাকে।

—কোথায় যাব জানি না। আমি ভেবেছিলাম, কোন জরুরী কথাবার্তা আছে, তাই ডেকেছি।

—সব সময় জরুরী কথাবার্তা থাকতেই হবে তার কি মানে আছে! আমার সঙ্গে একবেলা ঘুরতেও তোর কষ্ট। তা-ছাড়া জরুরী কথাবার্তা তোর সঙ্গে আমার কী হতে পারে! অতীশ চুপ করে থাকল।

অতীশ সামান্য আলগা হয়ে বসেছে। রাজবাড়ির গাড়িতে বোরানীর সঙ্গে অন্য কেউ যাচ্ছে ভাবাই যায় না। এটা বাড়ির মর্যাদার প্রশ্ন। কিন্তু অমল রাজবাড়িতে তাকে দুমবারের পাশে বসিয়ে নিয়েছিল। রাজবাড়ি পার হয়ে যখন গাড়ি এয়ার ইণ্ডিয়া অফিসের কাছাকাছি এল, তখনই অমল বলল, গাড়ি থামাও দুমবার। তারপর দুমবারকে পেছনে পাঠিয়ে অমল নিজেই স্ট্রিয়ারিং ধরল। এদিক ওদিক ঘুরল শহরের। একটা হোটেলে রিসিপসানিস্ট মহিলার কাছে গিয়ে কি বলে এল। তারপর রবীন্দ্রসদনের সামনে আসতেই আবার গাড়ি থামিয়ে দুমবারের হাতে স্ট্রিয়ারিং দিয়ে দিল। কিন্তু তারপর অতীশের কথাবার্তা শুনে কি ভাবল কে জানে, সে কিছুটা গিয়েই ফের বলল, দুমবার তুমি বাড়ি চলে যাও। অতীশকে নিয়ে তোমার কমলা বহিনজির কাছে যাচ্ছি। শজ্জকে বলে দিও, আমরা ওখানেই থাক। নধরবাবুকে বলে দিও, আমার কোন এলে যেন বলে কমলের বাড়ি গেছি।

অতীশ সব শুনছিল। অমল এত সুন্দর কথা বলতে পারে, অমল এত রূপবতী যুবতী যেন হাত দিলেই কোন মিউজিকের মতো বেজে উঠবে সে। নির্মলার জ্ঞান ভারি কষ্ট হতে থাকল। নির্মলা তাকে ফেলে চলে গেছে।

রেসকোর্সের পাশে এসেই অমলা বলল, গাড়ি চালানোটা শিখে নে না।

—কে শেখাবে?

—কেন আমি।

—তাহলেই হয়েছে।

—তুই কি ভাবিস বলত! গাড়ি কি ঠিক চালাচ্ছি না।

—গাড়ির আমি কিছু বুঝি না অমল।

—ক'দিন এলেই হবে।

—তোমার ত ড্রাইভার অনেক। কবুলবাবু আছে। তাছাড়া বাড়তি আবার আমাকে কেন!

—এই মারব। তুই আমার ড্রাইভার হবি বলেছি!

অতীশ বলল, আমি এখন সব কিছু হতে রাজি অমলা। যেন সেই পাপ থেকে আরও বড় পাপে ডুব দেবে বলে সে কঠিন মুখ করে রাখল।

—একদম মুখ গম্ভীর করবি না। আয় এখানটায় হাঁচি। বলে দরজা খুলে বাইরে বের হয়ে এল। খোলা আকাশের নিচে বালিকার মতো করছে অমলা। এই আয় না। দৌড়াই।

—লোকজন আছে। তুমি রাজবাড়ির বোঁ!

—কেউ চেনে না। বাড়ির পাশের লোকই খবর রাখে না আর এখানে। এই আয়। তোর বোঁ চলে গেছে বলে মন খারাপ!

—ওতো বাপের বাড়ি গেছে!

—ওর কি অসুখ রে?

অতীশ এই কথার জবাবে বলতে পারত অনটনের অসুখ। আমার চলে যায়। কিন্তু ওর চলে যায় না। মিন্টুকে ভাল ইঙ্কলে দিতে না পারায় ক্ষোভ রয়ে গেছে ভেতরে। নীলরঙের গাড়ি আসবে, গাড়িতে মিন্টু ইঙ্কলে যাবে, আবার নীলরঙের গাড়ি আসবে, গাড়ি মিন্টুকে দিয়ে যাবে—নির্মলা তাই চেয়েছিল। আমার ক্ষমতার বাইরে। নির্মলা হাত ধরে নিয়ে যায়, আবার হাত ধরে নিয়ে আসে। নির্মলা এটা চায় না। নির্মলার ভেতরে কষ্ট। সে বলল, অসুখটা কি জানি না। মাইনর অপারেশন দরকার। তবে এখনও নাকি সময় হয়নি।

—অপারেশন কোথায়?

অতীশ সোজাসজি বলল, জরায়ুতে।

অমলা বলল, তোর খুব কষ্ট।

—আমার কষ্ট হবে কেন?

—তুই পুরুষমানুষ না?

—অমলা!

—চল হাঁচি।

খোলা মাঠ সামনে। সবুজ ঘাস। দূরে দূরে গাছপালা। টাটা সেন্টারের অতিকায় বাড়ি। কাচের ঘর, সারি সারি সব অট্টালিকা রঙ-বেরঙের এবং মাথার ওপরে নিরন্তর আকাশ। সূর্য অস্ত যাচ্ছে, লাল আভা, অদূরে কোথাও জাহাজের মাস্তুলের মাথায় লম্বা জালিয়ে দেওয়া হচ্ছে। নামাজ পড়ছে কেউ ডেকে। পুরানো এক জীবন, নীল জলরাশি, অমলা হেঁটে যাচ্ছে বালিকার মতো। কার্পেটের চিট পায়। নরম সবুজ ঘাসে ওর পায়ের ছাপ। স্বদূরের শাওলা ধরা

ঘরের বালিকার এখন শরীরে অনন্ত যৌবন। গোপন অন্তর্যামীর মতো সে কোন পোকার আশ্রয়ে অমলের উরু বেয়ে এখন ওপরে উঠে যাচ্ছিল। যত যাচ্ছিল, তত শীত শীত করছে। হাত-পা ঠাণ্ডা। জ্বর আসছে মতো। সেই রাস্তার লোকটির বেলাতেও তার ভারি শীত করছিল। এখন আবার শীতটা জাঁকিয়ে বসছে। যত উরু থেকে জজ্বার নিকটবর্তী হচ্ছে পোকাটা, তত সে কেমন ভিতরে ভিতরে কাঁপছিল। অমল তুমি আমাকে মেরে ফেলতে পার। মিহি নরম রাবারের মতো যা কিছু আমায় ছুঁতে দিয়েছিলে, সে এখন কেমন আছে অমল। সে অমলের সঙ্গে যেন হেঁটে পারছে না। তার পা স্থবির হয়ে আসছে কেন। সে এখানেই মাথা-কাতা ঘুরে পড়ে যেতে পারে। পোকাটা গম্ভীর চালে এগিয়েই যাচ্ছে। সে সহসা ডেকে উঠল, অমল!

অমল পিছন ফিরে দেখল। এবং ওর আঁচল জ্বলল। সুন্দর বর্ণমালার মতো সে অধীর চোখে তাকিয়ে বলল, তোর শরীর খারাপ।

—আমার শীত করছে অমল।

অমল কাছে এসে ওর কপালে হাত দিল। কিছু বুঝতে পারল না। ভেতরে কিছু হচ্ছে অতীশের। সে এবার আরও সংলগ্ন হয়ে গাল ঠেকাল অতীশের গলায়। উষ্ণতার রকমকের টের পেতে গিয়ে বুঝল, অতীশের তাপ উঠেছে। বড় সুসময়।

অমলা বলল, তা বোস।

অতীশ বসল না। বলল, আমি যাব।

—কোথায়!

—আমার কাজ আছে।

—আজকের মতো কাজটা থাক। তোর মন ভাল নেই। অফিসে ধূপকাঠি জ্বালিয়ে বসেছিলি! তোর কেন এটা হয়। প্রেতাশ্বা তোকে নাকি তাড়া করে।

—প্রেতাশ্বা?

—নির্মলা যে বলল!

—কি বলেছে নির্মলা?

তখনই অমলের মনে পড়ল, নির্মলা সতর্ক করে দিয়েছে, ভারি গোপন, কেউ জানে না! মাঝে মাঝে আপনার ভাইপো আর্চি বলে কাউকে ডাকে। কোন এক অদৃশ্য শত্রু এই আর্চি। অতীশ বুঝতেই পারে না, সে কখনও আর্চি বলে

ভাকে। সে ত তখন কোন কথাই বলতে পারে না। যা কিছু কথাবার্তা তার ভারি গোপনে। মনে মনে! অথচ নির্মলা অনেকদিন শুনেছে, অতীশ বলছে, আর্চি তুমি আমাকে মুক্তি দাও।

অমলার প্রশ্ন, আর্চিটা কে?

—তা বলে না।

—তুমি বোমা কঠিন হতে শেখনি।

নির্মলা বলেছিল, আপনি কিন্তু আবার ওকে ওসব বলতে যাবেন না পিসিমা।

—আরে না।

এখন অমলা বুঝতে পারল, তার কথাটা বলা ঠিক হয়নি। সে বলল, তুই এত কষ্ট পাস কেন?

—কষ্ট পাই? কোথায়!

—আমি সব বুঝি। সংসারটা সরল নয় এও বুঝি। ছেলেপেলে হয়েছে, বুঝে চলতে শেখ। তোর কিছু হলে ওরা তো ভেসে যাবে।

অমল প্রায় এবার ওর হাত ধরে জোর করে বসিয়ে দিল। শোন, আমার কথা ভেবে দেখ। আমিও ভাল নেই। কই আমি তো তোর মতো মুখ গোমড়া করে রাখি না। মাথা খারাপ করি না।

অমলা ভাল নেই কথাটা শুনে অতীশের কেমন হাসি পেল। শরীর জ্বলছে অমলার। সারা শরীরে আগুন। যে কেউ এই যুবতীকে একা গোপনে পেলে এখনই ধর্ষণ করতে পারে। সে যত সাধু-সন্ত হোক, ভাল মানুষ হোক, তার উপায় নেই। পতঙ্গের মতো উড়ে এসে পড়বেই। এবং এই অগ্নিকুণ্ডের চারপাশে সে এখন পতঙ্গের শামিল। নির্মলা যদি জরাযুতে অস্থির না বাধাত। আসলে মানুষের রক্তে গোপন এক জন্ম রহস্যের মছন চলছে। সে বার বার প্রকাশ পেতে চায়। বার বার তার অধীর আক্রমণ। আক্রমণ করতে না পারলে ভেতরের রক্ত কণিকা মরিয়া হয়ে ওঠে। ক্ষেপে থাকে। যে-কোন দুর্গম পথই স্ফুগম করে তোলে। সে এ-মুহূর্তে আর্চির চেয়ে কম দুঃখী নয়। আসলে এটাই বোধহয় অমলের কাছে ভাল না থাকা।

সে বলল, আমি ভাল আছি অমল। তুমি আমাকে ছেড়ে দাও।

—আর্চিটা কে বল? না বললে ছাড়ছি না।

—তুমি চিনবে না ওকে। বললেও বুঝতে পারবে না!

—তোর মনে আছে? বলেই অমলা কেমন মাথা নিচু করে দিল।

—কার কথা বলছ ?

—যেদিন শ্যাওলা ধরা ঘরটায় তোকে নিয়ে গেছিলাম ?

—মনে আছে। অতীশও মাথা নিচু করে দিল।

—সে-রাতে তুই দুঃস্বপ্ন দেখেছিলি ?

—মনে আছে।

—সকালে নদীর পাড়ে হেঁটে গেছিলি।

—মনে আছে।

—কেন গেছিলি বল ?

—তখন একটা বিশ্বাস ছিল। তখন বড়দের সব কথাই মনে হত সত্যি কথা। মা বলতেন, দুঃস্বপ্ন দেখলে জলের কাছে নদীর কাছে সব বলে দিস। কোনো অমঙ্গল হবে না। দুঃস্বপ্ন সত্য হবে না।

—এখনও তাই। যা দেখিস, প্রিয়জনকে বল। আমি যদি না হই, নির্মালা, নির্মালা না হলে ভূইঞা দাছ। বাড়িতে এত সব গুণাবান মানুষ থাকতে তুই আহাম্মকের মতো কষ্ট পাচ্ছিস কেন ?

অতীশ কিছু বলল না। সে অল্পদিকে তাকিয়ে আছে। অমলের জ্ব প্লাক করা। মিহি নরম ডিমের কুসুমের মতো জ্বতে লাগণ্য। সারা মুখে শরীরে এই আগুনে রঙ এবং মুখশ্রীর সুষমা তার শরীরে কাঁপুনি ধরিয়ে দিয়েছে। কতদিন যেন সে নদী পার হয়ে বড় মাঠে যায় না। কতকাল যেন সে একা বসে আছে কোন নির্জন গাছের নিচে। অমলা সেই গাছের নিচে এসে হাত-পা মেলে দিয়েছে। কোন ব্যালেরিনার মতো নেচে নেচে যাচ্ছে। হাত তুলে, পা তুলে স্কি করছে। অঙ্গ-প্রত্যঙ্গে কোন বসন নেই, ভূষণ নেই। নারীর নগ্ন রূপ তাকে বড় কাতর করে। চোখ বুজলেই সে সব ভবন দেখতে পায়। শীত আরও বাড়ে। আর তখনই শুনতে পায় কেউ ডাকে, বাবা। বাবা তোমার শীত করছে! বাবা আমি বুকে তোমার মুখ রাখব। তুমি উষ্ণতা টের পাবে। শীত করবে না। কার গলা! অবিকল মিল্টু, সরল শিশু, বাবাকে ছাড়া থাকতে পারে না। কষ্ট হয়। বাবার ফিরতে দেরি হলে জানালায় ওরা উঠে দাঁড়িয়ে থাকে। বাবাকে দূর থেকে দেখতে পেলেই নাচতে শুরু করে দেয়। আমার বাবা, আমার বাবা।

আর অমল তখনই ছুঁম করে বলে ফেলল, অতীশ, তুই আমার বাল্যসখা। ভেবে দেখ, সেই বয়সে তেমন কিছু বুঝতাম না। তোকে দেখে আমি কেমন

হয়ে গেছিলাম। তাকে দেখতে না পেলে কষ্ট হত। গোপনে সারা বাড়িতে তখন তাকে খুঁজে বেড়াতাম। কাছারি বাড়ি থেকে কমল তাকে ধরে আনত।

অতীশের সবই মনে পড়ছে। সেই গোপন গভীরে তারপর কেমন ভয় সংকোচ, পাপবোধ, সন্ধ্যায় একা একা নদীর পাড়ে দীঘির ধারে বসে থাকা। গিলখানায় পাগল জ্যাঠামশাইর হাত ধরে চলে যাওয়া। মনে বড় শঙ্কা। কিছু একটা ঘটবে। মাকে ছেড়ে দূরবর্তী এক জমিদার প্রাসাদ তখন বনবাসের মতো। কেবল ভয় তার পাপে মার যদি কিছু হয়। সে হয়ত গিয়ে মাকে আর দেখতে পাবে না। ঈশ্বর রাগ করেন যদি। রাগ করলে তার যাবার মতো মা। মা বাদে সে পৃথিবীতে তখন আর কিছু বুঝত না। এবং রাতে সেই ছঃস্বপ্ন। সাদা চাদরে ঢাকা মার শরীর। শীতকাল। কুয়াশা উঠোনে। মাকে বের করে রাখা হয়েছে উঠোনে। সে কাঁদছে না। যেন মা বলছে সোনা তুমি এটা কি করেছ। তুমি খারাপ হয়ে গেলে কেন! আমি চলে যাচ্ছি। সাদা চাদরে মার পা ঢাকা নেই। শীত করছে। পায়ে ঠাণ্ডা লাগছে। সে মার পা দুটো চাদর টেনে ঢেকে দেবার সময়ই মুখটা বের হয়ে এল। স্থির চোখ। ঘুমিয়ে নেই। আকাশ দেখছে মতো তাকিয়ে আছে। এবং তখনই ঘুম ভেঙে গিয়েছিল। জ্যাঠামশাই ডাকছে, ওঠ সোনা। হাত-মুখ ধুয়ে নে। সে উঠেই কাঁদতে বসেছিল। তারপরও কি কান্না।

জ্যাঠামশাই বলেছিলেন, বাড়ির জন্তু মন খারাপ করছে। কাল দশমী। তারপরই চলে যাবি। অলিমদ্দি নোঁকা নিয়ে আসবে।

কমল এসে বলেছিল, ও মা তুই কি ছেলেবেলায়? মার জন্তু কাঁদছিল। আমরা মাকে ছেড়ে এসে থাকছি না। মাকে ছেড়ে থাকতে আমার, দিদির কষ্ট হয় না! আমরাও তো বাবার ছুটি শেষ হলে চলে যাব। তারপরই সেই ঘটনা। অতীশের সব মনে পড়ছে। দশমীর রাতে হাতিতে দশহরা দেখতে যাবার কথা। বিসর্জনের বাজনা বাজছিল। প্রতিমা বিসর্জন যাবে। হাতির গিঠে চড়ে ওরা যাবে দশহরা দেখতে। কিন্তু কিসে কি হয়ে গেল। হাতি আর এল না। অমলা কমলাকে সে আর দেখতে পেল না। কোথাও একটা কিছু হয়েছে। পরে সে জেনেছিল, সে-রাতেই অমলার মা-মারা যায়।

অতীশ মুখ তুলে এবার বলল, সকালেই গুনলাম তোমরা চলে গেছ ভোর রাতের ষ্টিমারে। মাকে তুমি হারিয়েছ।

মার কথা আসতেই অমলের চোখ ছলছল করে উঠল। বলল, ওটা কি আমার পাপে ?

—ঠিক জানি না অমল। কোন পাপে কি হয় জানি না।

অমল বলল, মার একটা প্রিয় হেমলক গাছ ছিল ? ফাঁক পেলেই তার নিচে চুপচাপ বসে থাকতেন। কার জন্ত যেন তার নিশিদিন অপেক্ষা। সে আসবে। সেটা কে আমরা জানতে পারি নি। বাবাও জানতেন না। বোধ হয় মার কাছে সেই ছিল ঈশ্বর। শেষ দিকে বুঝি বুঝতে পেরেছিলেন, সে আর আসবে না। মা বিছানা নিলেন। আমরা কলকাতায় ফিরে মাকে আর দেখতে পেলাম না। আমার পাপে হয়েছে আমি বিশ্বাস করি না !

অতীশ বলল, কত ছেলেমানুষ ছিলাম। এখন বুঝতে শিখেছি তিনি কেউ নন। তিনিও মানুষের সৃষ্ট আর এক প্রেতাঙ্গ। আমি তাকে ভয় পাব কেন ?

—কার কথা বলছিস রে ?

—এই জুজুর ভয়ের কথা। তাকে আমি আজীবন অগ্রাহ করে যাব।

—কেন কেন ?

গলায় ভারি আগ্রহ অমলের।—মানুষের এত বড় আশ্রয়কে তুই অগ্রাহ করবি। তুই কি কম্যুনিষ্ট। কাবুল বলছিল ওর দাদাকে, তোমরা শেষ পর্যন্ত একটা পাড় কম্যুনিষ্টকে ধরে এনেছ !

—আমি কম্যুনিষ্ট !

—কাবুল কুস্ত রাজবাড়ির সবাই তাই ভাবছে। তোর রাজেনদা এটাকে বড় ভয় পায়। আমাকে বলল, ত্বাশের পোলার খবর রাখ !

অতীশ বলল, অমল জীবনে সে-সময় পাইনি। ঈশ্বর বিশ্বাস না থাকলেই কম্যুনিষ্ট হওয়া যায় জানতাম না।

—ওরা তাই বলছে। তুই এসেই শ্রমিকদের পক্ষে ওকালতি করছিস। ঘুষ দিতে চাস না। হু নম্বরী মাল বন্ধ করেছিস। এ-সব করলে চলবে কি করে। রাজেনের ত আর জমিদারী নেই, বছর বছর লোকসান দিয়ে যাবে। কোটা, বের করতে হলে ঘুষ দিতে হবে, ইমপোর্ট লাইসেন্স পেতে হলে ঘুষ দিতে হবে। না দিলে খোলা বাজার থেকে বেশি দামে মাল কিনতে হবে। তুই ভেবে দেখেছিস সব। এমনিতেই রাজেনের ভয় যা দিনকাল তাতে সে কমনার হয়ে যাবে। রাতে ভয়ে ঘুমায় না। ব্যবসায় যদি কিছু হয় এই ভেবে তোকে আনা।

অতীশ বুঝতে পারছে এটা কুস্তর কাজ। কম্যুনিষ্ট বলে চালিয়ে দিতে

পারলে তার আশের তাড়াতাড়ি খুলবে। দ্বিন রাত ফেউয়ের মতো লেগে থাকলে সে যে কি করে! এ-সময় তার মেজাজ রুদ্ধ হয়ে উঠল। সে বলল, এই তোমার বলার ছিল!

—আরে না না ।

অতীশ উঠে পড়ল। অমল তাকে ধরার জন্য যেন নিজেও উঠে পড়ল। প্রায় ছুটে ছুটে যাচ্ছে। আকাশে জ্যোৎস্না সামান্য। ঠাণ্ডা হাওয়া দিচ্ছে। জোর হাওয়ায় অমলের বব করা চুল স্বর্ণলতার মতো ছলছে। এবং স্তন ভারি মজবুত। জ্যোৎস্নায় তা আরও রোমহর্ষক হয়ে উঠছে। এই সব দেখলেই গুনতে পায় কেউ ডাকে, বাবা বাবা। সে বলল, অমল, তুমি আর যাই কর, আমাকে এক পাপ থেকে আর এক পাপে নিয়ে যেও না। তাহলে আমার শিশুরা বড় অসহায় হয়ে পড়বে।

সে বুঝতে পারছে যত দিন যায় মা-বাবা দূরে সরে যায়, দূর থেকে আবার
কারা হেঁটে আসে। কাছে দাঁড়ায়। ছু হাত বাড়িয়ে দেয়, এই যে বাবা
আমরা। মানুষ বুঝি একা বেঁচে থাকতে পারে না। এদের ক্ষেলে সে আর
কোথাও যেতে পারবে না। অমলের শরীরে বতই আকর্ষণ থাকুক সে বুঝতে
পারে শুধু কাতর হওয়া ছাড়া তার অন্য উপায় নেই। সে অমলকে বলল, তুমি
জান না অমল, ~~যদি আমি মরি তবে আমার সন্তানকে~~
~~তোমার কাছে রেখো।~~ । মানুষ সেখানেই যেতে চায়। কিন্তু পারে না। শরীরের
রক্ত মাংসে নানাবিধ পোকা ঘুরে বেড়ায়। পোকাকর কামড় বড় কামড়।

অতীশই এমন কথা বলতে পারে। নানাবিধ কথাটা গুরুগম্ভীর। এই নানাবিধ বলে সে যেন অনেক কিছু বোঝাতে চাইছে। এই নানাবিধ কথার মধ্যেই আছে, ব্যক্তিগত স্বথ, লোভ মোহ ইন্দ্রিয়পরায়ণ হওয়া। নিজ এলাকার মধ্যে এক বড় উঁচু পাঁচিল দাঁড় করিয়ে দেওয়া। এক দৈত্য সদর দরজায় দাঁড়িয়ে থাকে। তার মুখ হাঁ করা। শুধু খাব খাব করে। সব খাব। সব হরণ করব। শোষণ করব। রাজেন এখন গুপ্ত লকারে অজস্র কালো টাকায় ভরে ফেলছে। যেখানেই হাত দেয় সেখানে ভূষী কালির মতো পাহাড় হয়ে যাচ্ছে গুচ্ছ গুচ্ছ বাণ্ডিল। বিদেশে এজেন্ট নিয়োগ, টাকা সংগ্রহ, ব্যাঙ্ক ব্যালেন্স এ-সবের জন্য তার ছোট্টাছুটির অন্ত নেই। তার ধারণা, তাকে কমনার করে দেবার জন্য সবাই উঠে পড়ে লেগেছে। তার বৈভব যত হরণ করে নিতে চাইছে তত সে মরিয়া হয়ে উঠছে। বিদেশ যাচ্ছে কথায় কথায়। যারা

এ-দেশে টাকা পাঠিয়ে, তাদের সে তালিকা তৈরি করছে। এখানে রাধিকাবাবুর কাছে থাকে আর একটা তালিকা। তালিকা অনুযায়ী বাড়ি বাড়ি সে টাকা পৌঁছে দেয়। এই গুপ্ত লেন-দেনে বড় অঙ্কের একটা টাকা বিদেশের ব্যাঙ্ক-গুলিতে ফেঁপে উঠছে। যে-কোন সময় তাকে যেন দেশ ছেড়ে চলে যেতে হবে। অমলের তখন হাসি পায়। এখনও রাজেন নিজেকে রাজপুরুষ ভাবে। কুমার বাহাদুর না বললে মনে মনে চটে যায়। রাজেন্দ্রনারায়ণ চৌধুরীর চেয়ে কুমার বাহাদুর নামটা স্বভাবে বেশি আটকে আছে। অতীশ এসেই জারিজুরি সব ভেঙে দেবার চেষ্টা করছে। মানসও করেছিল। পারেনি। পাগল হয়ে গেল। অতীশ কতটা আর পারবে। সে অতীশের পাশে পাশে চুপচাপ হেঁটে যাচ্ছিল আর এমন সব আকাশ পাতাল ভাবছিল।

গাড়ির দরজা খুলে অমল বলল, বোস। তারপর বাড়ি দেখল।—অমরা একসঙ্গে খেয়ে বাড়ি কিরব।

—কমলের বাড়ি যাচ্ছ?

—না।

—তবে কোথায়?

—চল না।

অমলের পাশে দু হাত ছড়িয়ে বসেছিল অতীশ। সেই থেকে বাবা বাবা ডাকটা শুনে আসছে। ঘুষ দেবার সময় থেকে। এখনও ডাকটা শুনতে পাচ্ছে। সে বলল, কোথাও ফোন করা যাবে অমল।

অমল কেমন চুপ করে থাকল।

আলোর মালা পরে আছে শহরটা। অমল গাড়ি চালিয়ে যাচ্ছে। দু-পাশে অজস্র গাড়ি ট্রাম বাস। স্থায়ী মাল্‌মজদার! ফুটপাথে অজস্র নাম গোত্রহীন মাল্‌মজদার। আকাশের দিকে মুখ করে শুয়ে আছে। কিছুই করার নেই। শুধু হাত-পা ছড়িয়ে পড়ে থাকা। হা-হানের জগৎ বসে থাকা। কোথাও থরা চলছে, লোকজন গাঁ গঞ্জ ছেড়ে চলে আসছে দু-মুঠো ভাতের আশায়। যেন ঠিক সেই বাবার প্রথম ছিন্নমূল হওয়ার সময়, সেই বাড়ি ঘর বানানোর সময়, এবং অন্য মাল্‌মজদার বড়ই প্রিয় বিষয়। থাপছাড়া অসংলগ্ন কিছু চিন্তা অতীশের মাথায় ঘুরছে। তার ইচ্ছা হচ্ছিল অমলকে অপমান করে। যেন তাকে অপমান করেই সব শোধ তুলতে চায়। মানসদার সেই নাক টানা, ওক কি পচা গন্ধ! পচা টাকার গন্ধ। স্থায়ী লোকজন গাড়ি প্রাসাদ বিলাস এবং অপচয় দেখলেই তারও

গন্ধটা নাকে লাগছে। আঁচির চেয়ে পেটা কম দুর্গন্ধযুক্ত নয়। কিন্তু কি যে আছে মনে! অমলের প্রতি তার এত দুর্বলতা এতদিন কোথায় ছিল! অমলকে ত সে প্রথমে ঠিক চিনতেই পারেনি। মনের মধ্যে অমলের সেই অংকুরউদগমের সময় থেকে আজ তা মহীকহ হয়ে যাওয়ার কথা। কিন্তু মাঝের এক বিরাট ফাঁকা প্রান্তরে বৃক্ষহীন হয়ে সে বেঁচে ছিল। বৃক্ষহীন কথাটা ভাবতেই তার কেমন কাঁটা দিয়ে উঠল ভিতরটা। দু হাত তুলে দূর থেকে আসছে এক বালিকা, ফ্রক গায়ে, সেই কেবিন। কেবিনের দরজা খুলেই ছোটবাবু ভূত দেখছে। সেই শয়তান ছেলেটা কেবিনে বালিকা সেজে বসে আছে। ছোটবাবু চিংকার করে উঠেছিল, আবার তুমি জ্যাক! এবং সেই ষণ্টাকনি মাথায়, যেন অসীম অজ্ঞাত অনন্তকালের ষণ্টাকনি মাথায়। সারা সমুদ্র সফর জ্যাক তাকে অতিষ্ঠ করে তুলেছিল। সেই জ্যাক, কেবিনে বালিকা সেজে বসে আছে। সে প্রতিহিংসাপরায়ণ হয়ে উঠতে থাকল। জ্যাক, তুমি আবার বালিকা, চাতুর্যে মনোহারিণী, তুমি আমায় আর কত নির্যাতন করবে। তারপর কেমন পাগল পাগল লাগছিল তার। সে উন্মাদের মতো বালিকার গাউন ছিন্নভিন্ন করে দিলে, জ্যাক কঁদে ফেলেছিল। বলেছিল, আমি বনি ছোটবাবু, আমি মেয়ে, তুমি বিশ্বাস কর আমি মেয়ে।

আর ছোটবাবুর মাথায় তেমনি ষণ্টাকনি। পাহাড়ের উঁয়রাই পার হয়ে সে কোন জলদস্যুর মতো উঠে যাচ্ছে। হাঁশ নেই। সে দেখতেও পাচ্ছে না ঠিক হাতের নিচে সেই অসংখ্য তরঙ্গমালা সমুদ্রের, ছিঁড়ে ফেললেই প্রলয়ংকর ঘটনা ঘটে যাবে পৃথিবীতে। দু হাতে সুন্দর গাউন ফালা ফালা করে ছিঁড়ে ফেলতে চাইছে—ছোটবাবুর সঙ্গে বনি কিছুতেই পেরে উঠছে না। দু হাতে বনি তার পোশাক সামলাচ্ছে। আর কখন যে ছেঁড়া পোশাকের ভেতর নীলাভ বর্ণমালা অবিকল যুবতীর শরীর হয়ে গেল ছোটবাবু বুঝতে পারছে না! জ্যাক—সেই ছেলেটা, সেই ছেলেটা, জ্যাক, তুমি এটা কি হয়ে যাচ্ছ! সে পাগল হয়ে যাচ্ছে না ত! অযথা অতিরিক্ত মগ্পানে চোখে যদি বিভ্রমের সৃষ্টি হয়। ভাল করে আবার চোখ রগড়াল ছোটবাবু। সে এ-সব কি দেখছে! ছেঁড়া পাল খাটানো জাহাজের অভ্যন্তরে সাগরের তাজা মুক্তোর মতো জ্বলজ্বল করছে সব কিছু! জ্যাক নড়ছে না। তাকে ছিঁড়ে ছুঁড়ে উলঙ্গ করে দিয়েছে ছোটবাবু। যেন জ্যাকের কিছু করণীয় নেই। জ্যাক কোনরকমে দু হাতে তার রক্তরাজি বিছানায় চাঁদর টেনে শুধু ঢেকে ফেলল। শেষে অসহায় বালিকার মতো কান্নায় ভেঙে পড়ল।—ছোটবাবু তুমি এত নিষ্ঠুর। ছোটবাবু!

ছোটবাবু চিংকার করে উঠেছিল, আমি পাগল হয়ে যাচ্ছি জ্যাক ! তুমি কে ! তোমার এমন কেন ! কি দেখছি এ-সব !

বনি দেখছে, ছোটবাবুর চোখে বিভ্রম ! চোখে মুখে হতাশা ! কেমন মায়া বেড়ে যায় ! বলার ইচ্ছে, তুমি পাগল হয়ে যাওনি, তুমি ছুঁয়ে ছুঁয়ে ছাখো আমি বনি ! আমি মেয়ে ! আমার সব কিছুর ভেতর আমি বনি ! তুমি ঠিকই দেখছ ! ঈশ্বর সাক্ষী বেধে আমি বলছি আমি এই ! কিন্তু কিছুই বলতে পারল না ! ছুঁপিয়ে ছুঁপিয়ে কেবল কাঁদছে ! ছোটবাবু যদি সত্যি পাগল হয়ে যায় ! ওর চোখের দিকে কিছুতেই তাকানো যাচ্ছে না ! চোখে, কেমন, বিভীষিকা ! ছোটবাবুর কি আবার সেই মাথার আঘাত..... অথবা মাথার ভেতর তার কিছু হচ্ছে ! মাস্তুল থেকে পড়ে গিয়ে মাথা ফেটে গেলে যা হয় ! ছোটবাবুর কি সত্যি ভাল হওয়ার আশা নেই ! বনি বার বার প্রশ্ন করেও বাবার কাছে থেকে জানতে পারেনি, ডাক্তার কি বলেছে ! ছোটবাবুর চোখ পাথরের মতো ! শক্ত কঠিন ! বনি কি করবে ভেবে পাচ্ছে না !

ছোটবাবুর পাথরের মতো চোখ দেখতে দেখতে সব লাজনার কথা বনি একেবারে ভুলে গেল ! ছোটবাবুকে নিরাময় করে তুলতে না পারলে সে মরে যাবে ! ছোটবাবু পাগল হয়ে গেলে সে হাহাকারে পড়ে যাবে ! সে কোন রকমে তার ছেঁড়া পোশাক সামলে-সুমলে ছোটবাবুর কাছে এগিয়ে গেল ! ধীরে ধীরে বলল, তুমি এস ! ফিসফিস গলায় বলল, আমি মেয়ে ছোটবাবু ! আমি বনি ! বাবা ভয়ে জাহাজে আমাকে ছেলে সাজিয়ে রেখেছে..... !

তখনই অমল গাড়ি থামিয়ে দিল ! বলল, নাম ! বাইরে বের হয়ে গাড়ি লক করল ! তারপর বড় কাচের দরজা পার হয়ে সেই নীলাভ এক ভূখণ্ডের মুখেই কাকে দেখে আঁংকে উঠল !

অতীশ দেখল, রাজবাড়ির মতি বোন দাঁড়িয়ে ! সে কোনদিনই মতির সঙ্গে কথা বলেনি ! মতি সম্পর্কে আকথা কুকথা কিছু শুনেছে ! তার কি হল কে জানে, সে বলল, মতি বোন আপনি এখানে ?

মতি কিছুটা হকচকিয়ে গেছে ! অতীশবাবুকে এখানে দেখবে আশাই করতে পারিনি ! মাহুঘটাকে সে সমীহ করে ! রাজবাড়ির গেটে যেতে আসতে মাঝে মাঝে দেখতে পায় ! কেমন অন্তমনস্ক ! কথা কম বলে ! মনে হয় অনেক গভীরে দেখতে পায় ! সে কি বলবে ভেবে পেল না ! এবং ধরা পড়ে গেছে মতো অপরাধী মুখে তাকিয়ে বলল, ঘোষাবাবু আমার আত্মীয় ! ওর কাছে একটু কাজে এসেছি !

অতীশ ঘোষবাবুর দিকে তাকিয়ে বলল, মতি বোন আমি এক রাজবাড়িতে থাকি।

সিঁড়ি ধরে ওঠার মুখে মতিকে দেখেই অমলা নিজেকে আড়াল করে রেখেছে। অমল অতীশের কাণ্ডজ্ঞানের অভাব দেখে জ্বলে যাচ্ছে। মতির সঙ্গে দাঁড়িয়ে কথা বলছে। রিসেপসানে আরও সব মেয়েরা অতীশকে দেখছিল। হাবলা একটা। তুই ওখানে কি করছিস! তোর এত কি কথা। তোর মান সম্মান বোধ পর্যন্ত নেই।

অতীশ খুব ঘনিষ্ঠ হয়ে বলল, মতি বোন আমি একটা ফোন করব।

মতি খুব ক্রতজ্ঞতা বোধ করল। ভয় কেটে গেছে মতো সে ঘোষবাবুকে বলল, কোন। অতীশ ফোন নম্বর দিলে ডায়াল ঘোরাতে থাকল ঘোষবাবু।

কোনটা পেয়ে অতীশ একবার মতির দিকে তাকাল। তারপর বেশ জোরেই বলল, নির্মলা আছে?

—দিচ্ছি।

—নির্মলা?

—হ্যাঁ।

—টুটুল মিস্ট্রু কান্নাকাটি করছে না ত।

—কান্নাকাটি করবে কেন?

—না মানে…… অর্থাৎ অতীশের মনে হয়েছিল, এই যে সারাদিন ধরে বাবা বাবা ডাক শুনে আসছে, সেটা মিস্ট্রু টুটুল বাবাকে ছেড়ে থাকতে পারে না, কান্নাকাটি করতে-টরতে পারে এবং সেইজন্যই সে বার বার শুনতে পাচ্ছে এমন একটা আর্ত ডাক।

সে বলল, ঠিক আছে। ছেড়ে দিচ্ছি।

—টুটুল তোমার সঙ্গে কথা বলবে।

—বাবা! অতীশের বুকটা ভারি তোলপাড় করে দেয়।

—হ্যাঁ বাবা বলছি।

—কাল তুমি আসবে।

—যাব।

—আমার টুপি! রাজার টুপি

—হ্যাঁ হ্যাঁ ভুলে গেছি। নিয়ে যাব।

—মা বলছে, মেস থেকে খাবার আনবে।

—তা আনব।

—মিস্ট্র বুলল, বাবা আমি।

—অতীশ বুলল, হ্যাঁ মা তুমি।

তারপরই আবার নির্মলার গলা।—চাবি দারোয়ানের কাছে আছে। সকালে স্থখী সব করে দিয়ে যাবে। তোমার কলমটা ড্রয়ারে আছে।

—আচ্ছা।

আর কিছু বোধ হয় কথা নেই। সে কোনটা ছেড়ে দেবার সময়ই দেখল অমলা কাছে কোথাও নেই। কথা বলার ফাঁকে ফাঁকে সবই চোখে পড়ছিল। মতি বোনকে কেউ কিছু তার সম্পর্কে জিজ্ঞেস করছে। কোন ছেড়ে দিতেই মতি বুলল, রিজিয়া, কাউর, লতা। সে সবাইকে হাত তুলে নমস্কার করল। প্রায় ঘিরে ধরেছে মেয়েরা। স্বর্গ থেকে সব দেবযানীরা নেমে এসেছে যেন। আশ্চর্য ভ্রাণ শরীরে। ভুরু কাল। চোখ টানা টানা। এই সব দেবযানীদের সঙ্গে কথা বলতে বলতেই সে কাকে যেন খুঁজছিল। তার কেউ যেন হারিয়ে গেছে।

মতি বোন বুলল, কারো আসার কথা?

অতীশ বুলল, হ্যাঁ, মানে। সে ইতস্তত করছিল।

—বাড়ি ফিরবেন।

—দেখি।

কি করবে যে বুঝতে পারছে না। অমলা তাকে ফেলে কোথায় গেল। সিঁড়ির ও-পাশে অমলা অর্ধেক হয়ে পড়ছে। উঁকি দিতেও সাহস পাচ্ছে না। মতি তাকে দেখতে পায় নি। দেখতে পেলে সব জানাজানি হয়ে যাবে। কলেঙ্কারি। মান সম্মেলের প্রশ্ন। মতি এত বড় হোটেলের আসে সে জানতই না। তার কাছে কাবুল এত খবর পৌঁছে দেয়, আর এটা পারে না। কেউ কোন কন্ডের না। ভিতরে সে আজ বড়ই জ্বালা বোধ করল। এবং একবার সব তুচ্ছ করে যখন রিসেপসানে ফিরে এল, দেখল অতীশ নেই। মতিও নেই। সে ক্ষোভে দুঃখে জ্বালায় চোখের জল চাপতে পারল না।

॥ বাইশ ॥

ফুলির শরীর বেশ বাড় বাড়ন্ত । সব কিছুই একটু বেশি বেশি । বেশ নজর কেড়ে নেবার মতো । যে যায় সেই দেখে ফুলি বারান্দায় দাঁড়িয়ে আছে । এ-সময়টায় ফুলি আর কোথাও যায় না । কিছুদিন ফুলি ঘর থেকে বের হত না । কিছু একটা হয়েছিল সবাই আন্দাজে এমন ভেবে নিচ্ছিল । দাণ্ডাবু বলতেন, গেলেই শালাকে এক কোপে কাটব । সেটা কার উদ্দেশ্যে কেউ বুঝত না । মাঝে একবার কোথায় ফুলির কানের চুল ছিনতাই হয়েছিল সেই থেকে মেয়ে বড় স্থগীলা বালিকা । দাণ্ডাবু রেগে-মেগে পড়া বন্ধ করে দিয়েছেন । ঐ একটা ধান্দা ছিল মেয়েটার । পড়ার নাম করে ছুটহাট বের হয়ে যেত । প্রেমও করেছিল, আগেও ছিল সব । কিন্তু চেখেচুখে রেখে যাওয়ার পর দাণ্ডাবু বাঙাল দেখলেই ফেপে যান । নতুন ম্যানেজারকে দেখলেই বলবেন, নে শালারা লুটে থা তোদের সময় এখন, তোরা খাবি নাতো কে খাবে । বোঁরাবীর সঙ্গে আজ নুন ম্যানেজারকে দেখেই ফেপে গিয়েছিল ।

হাম্বাবু ফিরছিল । সন্ধ্যা না হতেই ফিরে আসছে দেখে দাণ্ডাবু ডাকলেন, কি হামু সকাল সকাল দেখছি । খবর রাখ ?

হামুর এখন খবর শোনার সময় নয় । সে সকালেই খবরের কাগজ খুঁটিয়ে খুঁটিয়ে পড়ে । কথার জবাব না দিয়েই চাল যেত । কিন্তু সামনে কমলাসুন্দরী ফুলি উদাস চোখে তাকিয়ে আছে । বিকেলে গন্ধ সাধান মেখে চান করেছিল বুঝি । কাছে আসতেই গন্ধটা নাকে লাগছে । এবং ভাল লাগছে । সে দাঁড়াল । মেয়েটাকে দেখল । কাবুলের ঘরে আজকাল মাঝে মাঝে যায় । কেন যায় কে জানে । রাজার গায়ের গন্ধ নিতে সবাই বুঝি ভালবাসে । রাজাকে পাবে কোথায় । রাজার ল্যাজুড ঐ কাবুলটা । ফুলির সঙ্গে এখন নতুন ভাবসাব । এটা হাসিরাগিকে দেখিয়েই করে । হাসিরাগির বুক জ্বালা ধরিয়ে দেবার এটা একটা মোক্ষম চাল । সেও কাবুলকে উসকে দিচ্ছে । লাগুক ভেঙ্কি । যত ভেঙ্কি তত তারি আমোদ । সে বলল, না দাদা, সকালের কাগজে ত জুতসই কোন খবর দেখলাম না ।

—আরে খবরের কাগজে কি সব থাকে । চোখের ওপরে কি হচ্ছে দেখছ না !

—কোথায় আবার কি হল।

—তোমার বোঁরাণী নতুন ম্যানেজারকে নিয়ে বের হয়ে গেল।

—পিসি ভাইপো দাদা। মন্দ দেখছেন কেন?

পিসি ভাইপো কথাটাতে কেমন ভড়কে গেল দাশুবাবু। বলল, তার মানে?

—ফুলি জানিস না? ফুলির কাছে বিষয়টা খুব পরিষ্কার। দেশের পোলা। সম্পর্কে পিসি। বোঁরাণী ম্যানেজারের পিসিগ দাদা। হামু ফুলির দিকে তারচা চোখে তাকাল।

ফুলি বাবার দিকে তাকাল। কিছু বলল না।

দাশুবাবু কিছুটা দমে গেলেন। কাবুলকে জড়াচ্ছে। মেয়ে তার গোপনে কাবুলের ঘরে গিয়েছিল ঠিক। সেত একটা টাইপ স্কুলের ভর্তির বিষয় নিয়ে। কাবুলের চেনা জানা জায়গা। আজায়গায় কুজায়গায় শহরটা ভরে গেছে। বাড়ির লোকের সঙ্গে জানা চেনা থাকলে যেখানে সেখানে যেতে সাহস পাবে না ফুলি। তা-ছাড়া কাবুলের চোখ দেখে বুঝেছে, ফুলিকে সে ইদানীং পছন্দ করছে। ফুলির সঙ্গে নির্দোষ ঠান্ডা ইয়ার্কি করছে। ফুলিও কাকা কাকা করে এমন নিজের করে ফেলেছে যে হু একবার গেলে দোষের হয় সেটা দাশুবাবুর মাথায় আসে নি। সে বলল, ফুলি আমার অত বোঝে না হামু। তোমাদের চোখের সামনে বড় হয়েছে। বেচাল দেখছ কখনও?

তা তোমার মেয়ে, তুমি বোঝবে বাবা! দাঁড়িয়ে আছে কেন? সেজেগুজে ঝাজ বেলায় দাঁড়িয়ে থাকে কেন। মাঠে ঘুরে বেড়ায় কেন? কাবুলের সঙ্গে কষ্টিনষ্ট করে কেন! রাজবাড়ির উঠতি ছোকরারা শিস দেয় কেন? তুমি চাঁহু বাপ বোঝ না সেটা। হামু ব্যাগটা হাত পাণ্টে বলল, ফুলির মতো মেয়ে হয় না দাদা। যে ঘরে যাবে আলো হয়ে যাবে।

ফুলি বোধহয় এমন কথায় লজ্জা পাচ্ছিল। সে বারান্দা থেকে নেমে হাঁটা দিল। হুলাল শব্দ ফিরবে। নধর জ্যাঠার ছেলে রমেন ফিরবে। ওরা দেখবে ফুলি ফুলপরী সেজে বাগানে ঘুরে বেড়াচ্ছে। মাঝে মাঝে ওরা ফুলিকে দেখলে দাঁড়িয়ে যায়। দুটো একটা কথা বলে। ফুলির তখন বড় শরীরে আরাম হয়। কলেজের পড়াটা বন্ধ করে দিল বাবা। অম্ভারি অনটনের কথা পেড়ে বন্ধ করে দিল। এখন টাইপ শিখে নিতে পারলেই ফুলির ধারণা সে সুন্দর বিশ্বাস-যাতকতার উচিত জবাব দিতে পারবে। তার চোখ তখন জলে। জালা ঘরে যায়। ব্যাকের কাজটা পেয়েই সুন্দর তাকে ছেড়ে দিল।

হামু ফের বলল, যাই হুঁদাদ। আজ আবার একাদশী। একটু ফলমূল আহার করব ভেবে বসে আছি।

দাশুবাবু তত্তপোশে বসেছিলেন। অফিস ছুটির পর এই তত্তপোশটাই যেন তার সখল। পানের বাটা পাশে। জাঁতা সঙ্গে। কটর কটর স্থপারী কাটেন আর পান মুখে দেন। তা না হলে মাথা ঠিক রাখা যায় না। কেউ পাশের ঘরে জোর হারমনিয়াম বাজিয়ে গলা সাধছে। বেতার শিল্পী হতে এসেছিল কলকাতায়। রাজার কাজটা ছিল ফাউ। এখন এটাই মোক্ষ। ফাঁকে ফোকরে গলা থেকে অদৃশ্য সাপেরা উকি দিলে স্থির থাকতে পারে না। গলা বড় চুলকায। শালা তোমার গলায় জংলি কচু মেজে দেব। বুঝবে একদিন ঠাণ্ডা। বুঝবে দাশু বাবাজী কারে কয়!

দাশুবাবু সারাক্ষণ ফেপেই থাকে! অফিসে কাজ করতে করতে ফেপে যায়। কেবল গজগজ করে। সারাটা বাড়ি জুড়ে চক্রান্ত। তার হাতে পেয়ারা বাগানের আদায় ছিল। দু'পয়সা আসত। রাজার কান ভাঙিয়ে সেটাও কেড়ে নিল রাধিকাবাবু। ওরই কাজ। নধরবাবু তো কাজ করতে করতে মাজা খসিয়ে দিল। কেমন বঁকে গেছে। থেকে থেকে ভয়ংকর উদগার! পেটে আলসার। সারাক্ষণ পেট ধরে বসে থাকে আর কাজ করে যায়। সকাল আটটায় কাজ আরম্ভ রাত দশটায় শেষ। রমেনটা উঠতি ছোকরা। বাজারটাও করে না। রাজবাড়ির বাইরে বের হলেই দেখা যায় কলেজের সামনে ইয়ার বন্ধু নিয়ে দাঁড়িয়ে আছে। কলেজের ছুকারিগুলোর পেছনে লাগে। গোটা রাজবাড়ির পরিবেশটাই নষ্ট। কাকে আর দোষ দেবে! শঙ্কু জুলাল বাপকে মানে না। কবে একদিন ঠিক লাঠালাঠি হবে। এটা হলেই সে ভেবেছে ঠনঠনে গিয়ে পূজা দিয়ে আসবে। ফুলিকে নিয়ে তোমার মাথাবাখা শুয়োর। ফুলির কন্ম ওটা। না চিহ্নর! মতি বাদ যাবে কেন! না না তাকে ডেকেই শেষ পর্যন্ত রাজা শাসাল। ফুলিটাও কেমন হয়ে গেছে! কারো সঙ্গে মেশে না। কেউ ফুলির সঙ্গে কথা বলে না। তার এমন নিস্পাপ মেয়েটাকে কলঙ্ক দিল রাধিকাবাবু। তোমার খবর রাখি না ভাব। দেব সব ফাঁস করে।

মাথা গরম হয়ে গেলে দাশুবাবু আরও বেশি পান খায়। লাগোয়া ঘরটায় সতীসাক্ষী শুয়ে আছে। তলপেটে কষ্ট। কান পাতলেই ঘরের মধ্যে গোঙানি শোনা যায়। কান পাতলেই মনে হয় কেবল ডাকছে। সন্দ আছে। মতির সঙ্গে একটু কথা বলাবলি আছে তার। সতীসাক্ষীর তাই সন্দ। একটু চা খাবে

তাও উপায় নেই। নিজের হাতে কর। ফুলিটার এখন তো বয়েসকাল। সেজেগুজে না বেড়ালে শরীর ঠিক থাকবে কি করে। ফুলি এখন এই রাজ-বাড়ির মাঠেই ঘুরতে ফিরতে গেছে। তাকে ডেকে বিরক্ত করা ঠিক না। গলা বাড়িয়ে বলল, ও কেঁষবাবু তোমার চা হচ্ছে নাকি!

কেঁষবাবুর কাছে গান শেখার অছিল। করে আসে হাসপাতালের আইবুড়ে আয়া ময়না। কেঁষকে দাদা দাদা করে। মেয়েটাকে দেখেই সে কথাটা বলল। কেঁষ গলা আর সাধছে না। লুঙ্গি তুলে পরেছে। তোয়ালেটা কাঁধে ফেলে দরজাটা একটু ভেজিয়ে দিতেই দাশুর ডাক শুনতে পেল। শালা রাজার কাণ্ড। এমন কোয়াটার যে হাঁচি কাশি পর্যন্ত দেবার উপায় নেই। সদর রাস্তায় ঘর-বাড়ি হলে যা হয়। তবু দাশুবাবুকে কেঁষ ভয় পায়। নষ্টামির গন্ধটা পাশের ঘরে যায় সে বুঝতে পারে। অনেককালের প্রতিবেশী হুঁজনে। চটাচটি হয় না। বরং হুঁজনে সবসময়ই আছে বেশ। বলল, চা বানাচ্ছে। ও ময়না, এক কাপ চা বেশি কর। তোমার দাশু দাদা থাকবে।

ময়না চা দিয়ে গেলে দাশুবাবু বড়ই প্রসন্ন বোধে কেঁষের দরজার কাছে এগিয়ে গেল।—শুনলে নাকি?

কেঁষবাবু বিছানায় বেশ আসন পিঁড়ি করে এখন চা খাচ্ছে। ছুপাশে দুটো তক্তপোশ। একটায় কেঁষ শোয়। পাশেরটায় কে শোয় এতদিন কাছে থেকেও দাশুবাবু টের পায় না। একটা আলনা। দুটো লুঙ্গি। দুটো কোঁচানো খুঁতি। বাফতার পাঞ্জাবি ঝুলছে পাশে। নিচে ছোট ব্যাকে কলপের শিশি। ক্রিম পাউডার। বয়স হয়ে গেলেও বড় শৌখিন। ময়না খাটে বসে অগুদিকে মুখ ঘুরিয়ে চা খাচ্ছে।

দাশুবাবুর কথা কেঁষবাবু গ্রাহ্য করে না। কিন্তু ময়নার সামনে ওর কেন জানি দাশুবাবুকে নিজের মাল্খ প্রমাণ করার আগ্রহ বেড়ে গেল। ময়না এমনিতেই এখানে আসতে চায় না! কত রকমের লোক থাকে রাজবাড়িতে। কে কি ভাবতে পারে। ময়নাকে নিয়ে কেউ কিছু ভাবে না এইটাই এখন কেঁষের প্রমাণ করার ইচ্ছে। ভাল করে কথা বললে, দাশু ময়নার সঙ্গেও দুটো একটা কথা বলবে। যেন কত আপনার জন সবাই। তাই কেঁষবাবু বলল, রাজার কথা বলবে ত।

—রাজার কথা বলব। অধ্যম হবে না। বলে জিত কাটল। ময়নার সামনে বলা ঠিক হবে কিনা দেখে একেবারে চৌকাঠ ডিঙিয়ে কেঁষের কানের কাছে ছুয়ে বলল, নতুন ম্যানেজার বৌরাণীর ভাইপো।

—তা ভালই। আত্মীয় সম্পর্ক না থাকলে চলে। কিন্তু বলেই কেমন ময়নার দিকে তার চোখ পড়ে গেল।

দাম্ভাবু বলল, পিসি ভাইপো কোথায় বের হয়ে গেল। বলেই হা হা করে হাসি।

আর রাত দশটায় আবার রাজবাড়ির ঘরে ঘরে খবর, ফিরেছে। গেল বোঁরাগীর সঙ্গে। ফিরে এল মতির সঙ্গে। রাজবাড়ির মাহুশগুলোর ঐ এক কাজ—কে কোথায় যায়। সর্বক্ষণ নজর রাখা। কুস্ত বলল, বাবা আপনি রাজাকে সব খলে বলুন।

—কি বলব?

—কী কাণ্ডকারখানা সব চলছে। আপনারা এ বাড়ির বিশ্বস্ত মাহুশ। আপনারদের কথা ফেলতে পারবে না। বাড়ির ইজ্জত গেল।

রাধিকাবাবু ঠিক বুঝতে পারল না কুস্ত কি বলতে চায়। খাবার পরে তিনি ইজিচেয়ারে কিছুক্ষণ বিশ্রাম নেন। তারপরে রাজবাড়িটা ঘুরে দেখেন। কোথাও কোন ফাঁকে অনাচার ঢুকে গেল কিনা নজর রাখেন। সদর গেটের খাতা দেখেন। রাত দশটার পর কে কে ফিরল লেখা থাকে। দেখল রাত দশটার পরে সত্যি মতি এবং অতীশ একই গাড়িতে গোট দিয়ে ঢুকেছে।

কুস্ত বলল, অতীশবাবু মদে চুর হয়ে ছিল।

রাধিকাবাবুর সামনে লম্বা ফরাস। নল মুখে তিনি হঁ হাঁ করছেন। রাজার পরেই এ-বাড়িতে স্ত্রীর সনৎবাবু, তারপরই তিনি। খুবই আত্মপ্রসাদে ভোগেন। অতীশের খবরে খুব একটা বিচলিত বোধ করলেন না। ঘাঁটাঘাঁটি করা কতটা ঠিক হবে বুঝতে পারছেন না। রাজার বাড়িতে মাতাল হয়ে কেউ কেউ ঢোকে। তবে সেটা ভারি গোপনে। বুঝতে পারলেই অশান্তি হয়। অতীশ মতির সঙ্গে ফিরেছে। গেছে বোঁরাগীর সঙ্গে। ভ্রষ্টা মেয়ের সঙ্গে অতীশ ফিরেছে। তা হবার কথা। বোঁরাগীর মর্দাদাবোধ যেমন, অতীশেরও তাই, যে গাছে যে ফল ধরে। তারপরই নীতিভুক্ত পান করালেন কুস্তকে। বললেন, নিজের কাজ করে যাও। কর্মই সব। মা ফলেসু কদাচন। মনে রাখবে আমার এ-জায়গায় আসার পেছনে অনেক আত্মত্যাগ আছে। কে কি করছে তোমার দেখার কি। তারই ইচ্ছে। তিনি যে পায়ে যেমন জল রাখেন।

কুস্ত বড়ই পিতৃভক্ত মাহুশ। শোবার আগে বাপের পদধূলি গ্রহণ করে থাকে। বাপের গচ্ছিত কত টাকা ব্যাঙ্কে আছে হিসেবটা সে এখনও টের

করতে পারছে না। শত্ৰুটা জানতে পারে। কনিষ্ঠ সন্তান। মমতা বেশি। কিন্তু মুখে কুলুপ। তবে হাসিরানী বড়ই চমকপ্রদ একথান খবর দিয়েছে। শত্ৰুর মাথায় নাকি অতীশবাবুর মতো ফাঁকা মাঠ একখানা ঢুকে গেছে। ঈশ্বর মানে না। বলে সব ফালতু। কম্যুনিষ্ট হবার উপসর্গ। এটাই সার বুকে কুন্ত মুখ বুজে আছে। এখন এ-সব বাপকে বলাও ঠিক হবে না। পাকা ফলটি পড়ুক। কপ করে ধরে ফেলবে একেবারে। বাবার একখানা জুমার লাখি পাছায়। বের হও অধর্মিক। রাজবাড়ির ছুন খেয়ে শেষে এই। ঈশ্বর মানে না। এমন অধগতি। ত্যাজ্যপূত্র করতেও পারে।

রাধিকাবাবু বললেন, শত্ৰুটা রাত করে ফেরে। বাইরে এত কি কাজ তার? ওকে ডাকত।

শত্ৰু কালো ছিপছিপে তরুণ। হৃন্দর নাক মুখ। দীর্ঘকায়। চোখে প্রখর দৃষ্টি। যেন কোথাও তার বাবার কথা থাকে সব সময়। বাপের সামনে এসেই বলল, আমাকে ডাকছেন?

—তুই আজকাল রাত করে ফিরছিস শুনি।

—শুনবেন কেন। দেখতে পান না!

রাধিকাবাবু জানেন, শিশু বয়সে মাতৃহারী হলে একটু রগচটা হয়। শত্ৰুর সব তিনি ক্ষমা করে দেন। বললেন, দিনকাল খুব খারাপ আসছে। বুকে শুনে চলিস।

শত্ৰু বুঝতে পারে বাবা কি বলতে চায়। সে কলেজে ইউনিয়ন করছে। বাবার কানে বোধ হয় কথাটা উঠেছে। তা উঠুক। এটা ত আদর্শের লড়াই। এই যে বাড়িতে গোপন অনাচার সবই এই সমাজব্যবস্থার ফল। কাবুলবাবুকে বাবা কতক আদরযত্ন করে। কাবুল যখন তখন আসে। যায়। কিছু বলে না। তারপরই হাসিরানীর মুখ উকি দিতেই কেমন এক অসতী মুখের ছবি। দাদার ফুটি ফার্তা এবং সংসারে নানাভাবে অপচয় দেখেই সে বোঝে, গোপন টাকা এ-বাড়িতে সেই কবে থেকেই আসতে শুরু করেছে। পরিশ্রমে অর্জিত না হলে যা হয়। চুরি চামারি যেমন তার বাপ করে আসছে, তেমনি বড়দা হাত পাকাচ্ছে। এই বিষয়টি তাকে এখন ভীষণ গম্ভীর করে রাখে। মাঝে মাঝে সে শুনতে পায় বড়দা অতীশবাবুর বিরুদ্ধে নানারকম অভিযোগ তুলছে। অভিযোগ একটাই, একটা আধ পাগলা মাছ। ছুতমার্গ। ঘুষ দেবে না। দু নম্বরী মাল করবে না। কিন্তু আজ অশ্রু কথা। সে তার ঘরে বসে শুনছিল সব।

—বুলেন বাবা আজ দুপুরে সারা অপিস-ঘরে ধূপকাঠি জালিয়েছে।

—কর্পোরেশনের লোকটাকে কিরিয়ে দেয়নি ত!

—না।

—যাক বাঁচা গেল। শজুর মনে হয়েছিল বাবার মাথা থেকে মস্ত বড় একটা বোরা নেমে গেল। তারপর আরও কিছু কথাবার্তা শজুর কানে আসছিল।— হাত পাকানো দরকার। ছেলেটা অন্য জগতের মানুষ। তার যখন মতিগতি পাচ্ছে, স্ববুদ্ধির উদয় হয়েছে তখন তর তর করে উন্নতি। মনে হয় তোদের মাইনেও বেড়ে যাবে।

কুস্ত বলল, রাজা কিছু বলল।

—তাইত বলল, খাটছে। অর্ডারপত্র ব্যালেন্সসীট দেখে রাজা খুশী। এখন তুমি আর অতীশের পেছনে লাগতে যেও না। কিছু করতে পারবে না।

শজু এবার রাধিকাবাবুকে বলল, তোমার কি মনে হয় অতীশবাবু ঠিক কাজ করেছে? লোকটাকে তোমরা সবাই মিলে নষ্ট করে দিচ্ছ।

রাধিকাবাবু পুত্রের কথায় প্রথম একটু চমকে গেল। এমন কথা কেন। কি নিয়ে এই প্রশ্ন।

রাধিকাবাবু মুখ থেকে নল নামিয়ে বলল, আমরা নষ্ট করার কে?

—তা-ছাড়া কারা করছে। ঘুষ দিতে তাকে তোমরা বাধ্য করলে কেন?

—ঘুষ।

—এই যে খেতে বসে বললে, যাক বাঁচা গেল।

তা হলে তার পুত্রটি সব আড়াল থেকে শোনার চেষ্টা করে। কুস্তর সঙ্গে এই নিয়ে কিছুক্ষণ আগে আলোচনা হয়েছে। সব মনে করতে পেরে বললেন, যেমন দিনকাল তাতে এটা দোষের না।

—দোষের না, গুণের। এটা ক্রাইম তাও বোঝেন না।

—ক্রাইম হবে কেন। ক্রাইম মনে করলেই ক্রাইম। না হলে কিছু না। এখন এটা ঈশ্বর বৃত্তি। সবাই পেয়ে থাকে।

—আমি জানি অতীশবাবু সারারাত ঘুমোতে পারবে না। তাকে তোমরা খুন করার মতলবে আছ।

—খুন! কি বলছিস!

—হ্যাঁ খুন এটা। মাঠঘকে নষ্ট করে দিলে খুন করা হয়। বলেই চলে যাচ্ছিল। রাধিকাবাবু কি এক আশঙ্কায় ভয় পেয়ে গেলেন। আজকালকার

ছেলে ছোকরারা কেমন অন্তরকম হয়ে যাচ্ছে। তাদের এ-সব কে শেখায়! তিনি দেখতে পেলেন হৃদুরে এক দীর্ঘকায় ব্যক্তি ফসলের মাঠ পার হয়ে যাচ্ছে। আর যেন বলছে ফসল ফলাও, খাট, কাজ কর। পরিশ্রমের বিনিময়ে খাদ্য এবং আশ্রয় সংগ্রহ কর। রাধিকাবাবু বলল, তুমি যাচ্ছ কোথায়?

—বাইরে।

—এত রাতে বাইরে কি আছে।

—অতীশবাবুকে দেখতে যাব।

—তাকে দেখার কি আছে?

—বলে আসব দাদা আপনি নষ্ট হয়ে যাবেন না। আপনি নষ্ট হলে আমরা দুর্বল হয়ে পড়ব।

—হঁ। রাধিকাবাবু হঁ শব্দটির সাহায্যে পুত্রের অর্বাচীন চিন্তা ভাবনার প্রতি শ্লেষ ছুঁড়ে দিল। বলল, এখন বের হতে হবে না। নিজের কাজ করগে। কোথাকার কে অতীশ সে মরে বাঁচে তোমার কি! সংসারে এই হয়। এখন বুঝবে না, বড় হলে বিয়ে করলে বুঝবে। সব স্বপ্ন তখন মরুভূমি। পায়ের নিচে মানুষের মরুভূমি না থাকলে ঈশ্বর বৃত্তি কেও দেয়ও না, নেয়ও না। যেন বলতে চাইল রাধিকাবাবু, বাপের খেয়ে সবাই বনের মোষ ভাড়াতে পারে।

কুন্ত মজা পাচ্ছিল। সে এটাই চায়। হাসিরানী বড়ই বুদ্ধিমতী। ঠিক টের পেয়ে গেছে। সে বলল, আপনার বোমা আমাকে আগেই সাবধান করে দিয়েছে। শত্ৰুকে তোমরা দেখ। এখন বুঝছি মাথায় ফাঁকা মাঠ ঢুকেছে।

—ফাঁকা মাঠ।

—ঐ আর কি। অতীশবাবুর কথা এটা। ঘুষটুসের কথা শুনেলই কেমন মাথা নাকি তার ফাঁকা হয়ে যায়। আর কে এসে ওখানে উপদ্রব শুরু করে দেয়।

—ফাঁকা থাকলে হবে। মাথা ফাঁকা হতে দেবে না। মানসটারও তাই হয়। এখন ত ভাল আছে। কেবল ছবি আঁকছে। মাথা ফাঁকা রাখতে দিচ্ছে না।

বাপের সঙ্গে শত্ৰুর কথা কাটাকাটি শুনে হাসিরানী ছুটে এসে বলল, বাবা বলছে, তুমি আবার কেন? এস। হাসিরানী কুন্তর হাত ধরে টানতে থাকল।

কুন্ত এতটা আহাম্মক হতে রাজি নয়। সে বলল, হাত ছাড়! তারপর বাপের দিকে তাকিয়ে বলল, কলেজের পাণ্ডাগিরি বাড়িতে যেন না ফলায়। ওকে বারণ করে দিন।

শত্ৰু কলেজে সাতচল্লিশ ঘণ্টা প্রিন্সিপালকে ঘেরাও করে রেখেছিল। এই

নিয়ে কিছুদিন বাড়িতে একটা হৈটচ গেছে। কুমার বাহাদুর রাধিকাবাবুকে ডেকে সতর্ক করে দিয়েছিলেন, বড়ই মাথা গরম ছোকরা। আইন-কানূনের ধার ধারে না। ওরকম করলে বাড়িতে থাকতে দেওয়া হবে না। শভুকে বলে দেবেন। রাধিকাবাবু এক সকালে শুধু বলেছিলেন, তোর দিদির বাড়ি থেকে ঘুরে আয়। দেশ ভ্রমণে স্বাস্থ্য ভাল থাকে।

শভু কোন দিকে না তাকিয়েই বলল, পাণ্ডাগিরি ফলালে এ-বাড়িতে তোমরা থাকতে পারতে না।

কুন্ত ফেপে গেল। বলল, তোর খাই। বাবার খাই। আমি রোজগার করি না। এক চড়ে সব কটা দাঁত খসিয়ে দেব।

কতদিন পরে যেন কথাটা শুনতে পেল। শভু দীর্ঘকাল এমন সোহাগের কথা শুনতে পায় না। আরও ছোট বয়সে পড়াশোনা না করলে দাদা এ-ভাবে শাসন করত। তখন ছিল ভারি নির্দোষ একটা জীবন। সব মানুষকেই মনে হত ভাল মানুষ। সবাইকে প্রিয় মনে হত। দিদি বেড়াতে এলে ছাড়তে চাইত না। দিদি চলে গেলে কান্নাকাটি করত। কিন্তু বয়স বাড়ার সঙ্গে সঙ্গে সে বুঝতে পারছে পৃথিবীটা বড়ই স্বার্থপর। দাদা এখন আর তার জন্য কোন দুশ্চিন্তা করে না। একটা দেয়াল উঠে গেছে। বিয়ের পরই দাদা যেন আলাদা মানুষ। হাসিরানী ছাড়া তার আর কোন সম্বল নেই। সে আর একটা কথা না বলে নিজের ঘরে ঢুকে গেল। তারপর কি মনে হতেই আবার উঠে এল। বলল, বাবা কাবুল এ-বাড়িতে এলে কিন্তু খারাপ হবে। ওকে আসতে বারণ করে দেবেন।

এমন কথায় কুন্ত রাধিকাবাবু দুজনেই হতবাক হয়ে গেল। অথচ শভুকে কিছু বলতে পারল না। নাড়ির মধ্যে ঘুণপোকা কটকট করে কাটছে। কুন্ত মাথা নিচু করে বাইরে বের হয়েই হাসিরানীর মাজায় দুম করে লাথি কষিয়ে দিল। আর তখনই বিদ্রী একখানা কাণ্ড। হাসিরানী চিৎকার করছে, বাবা আমাকে মেরে ফেলল। বাবা বাবা।

হামু বাবু উঠানের ওপাশে তখন নিজের ঘরে ফলমূল আহার করছে। মেস বাড়িতে ঠাকুর সবাইর খাওয়া শেষে আলুর দম মাংস ভাত নিয়ে খেতে বসেছে। স্বরেন হামুবাবুর জানালার পাশে বসে থকথক করে কাশছে। মাঝে মাঝে উকি দিয়ে দেখছে বাতাসীটা কি করছে! অন্ধকার থেকে দেখা যায় না স্বরেনকে। ওপাশে কাবুলবাবুর ঘরে রেকর্ডের গান, এই হামু দেওয়ানা গোছের কিছু উচ্চ-

মার্গের সঙ্গীত। কাবুল একা বসে শুনেছে সব। পেট্রল পাম্পের একটা দৈনিক হিসাব লম্বা হয়ে পড়ে আছে সামনে।

এত কোলাহলের মধ্যে হামু আহার শেষ করল। বাতাসীকে বলল, মনে হচ্ছে তোর বাপ অন্ধকারে দাঁড়িয়ে আছে। বাড়ি যা। সে কাঠ এবং চাকুটা তত্তপোশে রেখে গামছায় হাত মুছল। এখন তার ঈশ্বর সেবা হবে। তার পরই তুরীয় মার্গ। এই মার্গে পৌঁছাতে পারলে সংসার বড় অর্থহীন। কুস্তটা কাউকে পেটাচ্ছে। আগে দৌড়ে যেত। কোথায় কার কি কখন লাগে টের পাওয়া যায় না। বাড়ির নিত্যকর্মের মধ্যেই পড়ে যখন, কেউ আর এখন দৌড়ে যায় না। সে খুব নির্বিকার চিন্তে ঈশ্বর সেবায় বসে গেল। এমন সুসময় তার খুব কম, মাহুঘের আরও কম। সবার দোষ ধরে ধরে যখন ক্লান্ত তখন একমাত্র ঈশ্বর সেবায় সান্ধনা পাওয়া যায়। কুস্তটাকে তাই চেষ্টা করেছিল ধরাবার। উঠতি তরণ। কিন্তু একদিন এক টান দিয়েই মাথা ব্যোম। সব ব্যোম দেখতে দেখতে মাথা ঘুরে পড়ে গেছিল। রাধিকাবাবু সেদিন খড়ম নিয়ে তাকে তেড়ে এসেছিল, হারামজাদা রাজার বাড়িতে তোমার নেশা ভাং। এখন মজা বোঝ। নেশা মাহুঘের কত রকমের। নতুন নেশায় কুস্ত ফাঁক পেলেই বোঁকে পেটায়। আর সকালবেলায় বোঁকে সোহাগ করে ঘুম থেকে তুলে চা বানিয়ে খাওয়ায়। বাসি কাপড় ধুয়ে দেয়। বাচ্চাটাকে হাগায় মোতায়। সব কাজ তখন একা সামলায়। কে বলবে, এই কুস্তই বোঁকে ধরে রাতে পিটিয়েছে। তারপরই দে টান বলে একেবারে উপুড় হয়ে নাভির অতলে ঝাঁস টেনে সব ধোঁয়া রক্ত মাংসে ছড়িয়ে দিল। নাভি থেকেই উদগার তুলে হাঁকাড় দিল ব্যোম কালী কলকাত্তাওয়ালী। শুকনো টিকটিকির মতো লম্বা শরীরটা সটান পদ্মাসনে শেষমেশ উর্ধ্বনৈত্র হয়ে গেল তার।

বাতাসী কাছে গিয়ে বলল, যাই কাকা। সে বাকি ফলমূল যা কিছু ছিল কোঁচড়ে তুলে নিল। স্বরেন অন্ধকারে দাঁড়িয়েই বাতাসীকে ইশারা করছে। জ্যাভে যদি কিছু পড়ে থাকে দেখতে বলছে। হাত ঢুকিয়ে ইশারাতেই ঠোঁট উটে দিল। নেই। তারপর আর কি নেওয়া যায়, না আর তেমন কিছু নিতে পারে না, ধরা পড়ে যাবে। রাস্তায় নেমে আসতেই স্বরেন প্রায় হামলে এক ঝাঁজলা কাটা শাকআলু তুলে কচকচ করে খেতে থাকল। মনে হচ্ছিল বৃহস্পতি মাহুঘের এই খাওয়া শেষ পর্যন্ত না পৃথিবীটা গিলে খায়।

অতীশ তখন বাসার সব আলোগুলো জ্বলে দিয়েছে। অন্ধকারকে তার বড়

ভয়। খুঁটখাট আওয়াজে কেমন সতর্ক হয়ে যায়। সে এক। সারাটা দিন সে আজ ভাল ছিল না। ভাল না থাকলেই আতঙ্ক ভয় মনের মধ্যে স্রস্র করতে থাকে। বাথরুমের আলোটা নেভান ছিল। সে উঠে গিয়ে তাও জ্বেলে দিল। ঘর থেকে পাতাবাহারের গাছগুলো দেখা যায়। সে আসার পর থেকেই গাছগুলো কেমন সজীব হয়ে উঠেছে। লকলক করে বাড়ছে। ঘন হয়ে উঠছে গাছের ঝোপঝাড়। রাধিকাবাবুকে গাছগুলো কেটে ফেলার কথা বলেছিল। রাধিকাবাবু তার কথায় ভারি বিস্ময় প্রকাশ করেছেন। দামী পাতাবাহারের গাছ, পরে কোথা থেকে ওই গাছের কলম আনা হয়েছিল, গোটা রাজবাড়িটাকে বাগানবাড়ি বানাতে রাধিকাবাবুর কি স্ট্রাক্টিভাইস তার একটা জ্যান্ত বর্ণনা। অতীশ বলে বড়ই আহাম্মক। সত্যি তো তার বিবেকবুদ্ধি কম। মাথায় দোষ আছে ভাবতে পারে। প্রায় পালিয়ে বেঁচেছিল। গাছগুলি তো কোন অনিষ্ট করেনি তার। সে কেবল ভেবে থাকে, গাছগুলির এই পুষ্টি সাধন করছে আঁচির প্রেতাত্মা। তা না হলে, এত তাড়াতাড়ি বাড়ে কি করে! পাতাবাহারের গাছ বেশি বড় হয় না। গাছগুলো জানালার কত নিচে ছিল। তলপোশে বসলে একটা পাতা চোখে পড়ত না। জানালার কাছে গেলে দেখতে পেত নির্জীব গাছগুলো সারি সারি দাঁড়িয়ে আছে। আর এখন সেই গাছ জানালার বুক সমান উঠে এসেছে। যেন হাত বাড়িয়ে তাকে ছুঁতে চায়। সে মাঝে মাঝে খুব গোপনে গাছের ডালপালা ভেঙে রাখে। কত বাড়তে পারে সে দেখবে। একবার একটা গাছের অনেকটা ভেঙে রেখেছিল। ওখনই খবর রাজবাড়ির অন্দরে, এত সুন্দর পাতাবাহারের গাছ কে নষ্ট করে রেখেছে। রাজেন্দ্রা নিজে এসে দেখেগেছেন। দুমবারকে লক্ষ্য রাখতে বলেছেন। এই গাছগুলি বাড়ির সবার বড় প্রিয়। সে কেবল দেখলে ভয় পায়। যত বাড়ে দিনে দিনে তত তার ভয় বাড়ে। যেন স্বাভাবিকভাবে এ-বাড়া নয়। কোন জল নেই সার নেই যত্ন নেই তবু হামলে উঠছে। অতীশ তাড়াতাড়ি উঠে গিয়ে বারান্দার সবকটা জানালা বন্ধ করে দিল। সদর বন্ধ করে দিল। তারপর নাক টেনে কি শুঁকল দু বার। বারান্দায় হেঁটে গেল। নাক টানছে। সারা ঘরে হেঁটে গেল! শুঁকে যাচ্ছে। দরজার ফাঁকগুলো দেখল কোথাও কিছু যদি ঝুলে থাকে। কারণ তার মনে হচ্ছিল আজ কিছু একটা হবে।

এই হবে ভয়ে শেষ, পরিস্ত ট্যাকসিতে মতিবোনকে বলেছিল, আমি একটু বালীগঞ্জ হয়ে যাব।

মতিবোন ভারি সরল বালিকা। কত সহজে বলেছিল, তাতে কি আছে চলুন না। এই ভাই, মহানির্বাণ রোড চলিয়ে।

মতিবোন ট্যাক্সিতেই বসেছিল। সে গলির মধ্যে ঢুকে টুটুল মিন্টুকে দেখে স্বস্তি বোধ করেছে, নির্মলা বলেছিল, একটু সময় ওদের না দেখে থাকতে পার না! শালিকারা ঠাট্টা করেছিল, কি দিদির টানে আসা না! আজ কিছুতেই থাকতে দিচ্ছি না।

সে ভারি লজ্জায় পড়ে গিয়েছিল। বলতে পারেনি, সে আজ আবার একটা লোককে অজগর সাপ গিলে কেলতে দেখেছে। তখনই বাতাসে টুটুল মিন্টুর গলা, বাবা বাবা!

সে প্রথমে কোন করেছিল। কোনে কোন রঙ কানেকসান হয়নি। সোজা-স্বজি সে বিমলাকে পেয়েছে, তারপরই মাঠে অমলার সঙ্গে বেড়াবার সময় মনে হয়েছে আসলে বিমলার গলা কিনা কে জানে। সে ঠিক শুনেছে ত। আবার কোন করতেই নির্মলার গলা। টুটুল কথা বলেছে, টুটুল ফের বলেছে, বাবা রাজার টুপি আনবে। খুব সতর্ক ছিল। না, গলা ঠিকই আছে। নকল গলা নয়, আর মতির ট্যাক্সিতে উঠতেই মনে হয়েছে, যদি আর্চি গলা নকল করে থাকে, বুঝতে না দেয়, আসলে আগেই শেষ হয়ে আছে, দুর্ঘটনা ঘটে গেছে, বদলা নিয়ে কিছুক্ষণ মজা দেখছে। ভুতুড়ে ফোন আশঙ্কাতেই সে সোজা নিজের চোখে দেখতে গিয়েছে সবাই ঠিক ঠাক আছে কিনা, বাড়ির সিঁড়ি পর্যন্ত যেতেই তার পা ভেঙে যাচ্ছিল! যদি কেউ বলে ফেলে, না ওরা কেউ আসেনি ত! সে কেমন অস্থির হয়ে পড়ছিল। চারপাশে সব ঠিকঠাক আছে, শুধু তারা নেই। দোতলায় উঠে প্রথমেই গলা পেল টুটুলের। দাহুর কোলে বসে ছড়া বলছে। তার ধাম দিয়ে জর ছাড়ার মতো। কেমন স্থবির চোখে মুখে সোফায় বসে পড়েছিল। সে এসেছে শুনে সবাই ভিড় করলে, শুধু বলেছিল, এক গ্লাস জল। সারাটা দিন ভয়ঙ্কর ত্রাসের মধ্যে কেটেছে সেটা কেউ বুঝে না।

সে চিংপাত হয়ে এখন শুয়ে আছে নিজের ঘরে। ভিতরে অহরহ দন্দ। চোখ স্থির। বুকটা ভারি লাগছে। মাথার কাছে দক্ষিণের জানালা খোলা। জানালাটা অনেক উচু। কিছুটা গবাক্ষ পথের মতো, টেবিল চেয়ারে উঠে না দাঁড়ালে ও পাশে কি আছে দেখা যায় না। সে একবার উঠে দেখেছিল ঠিক দেয়ালের নিচে অন্দরের বিশাল-পুঙ্কর, জল টলটল করছে। ও-পারে কিছু গাছপালা, পাঁচিল, পাঁচিলের মাথায় মাধবীলতার বেড়া, আর কিছু চোখে পড়ে না। সে জানে

তারপর মার্চ, এবং পুরানো আস্তাবল লম্বা, এখন সেটা গ্যারেজ, গ্যারেজ পার হলে বাড়ির শেষ সীমানা, এবং সেখানেও এক অতিকায় জেলখানার পাঁচিল বাড়িটাকে সুরক্ষা করছে।

জানালা দিয়ে বাতাসে এক আশ্চর্য মিউজিক ভেসে আসছিল। রাজবাড়িতে অর্গান বাজাচ্ছে কেউ। রংমরম করে বাজছে, রাত গভীর। কেউ এই রাজবাড়ির হলঘরে পাগলের মতো যেন, অর্গানে ঝড় বইয়ে দিচ্ছে। শুয়ে শুয়ে বুঝতে পারছে এটা অমলেরই কাজ! বুকাটা আরও ভারি হয়ে ওঠে, নিশ্বাস নিতে পর্যন্ত কষ্ট বোধ করছিল অতীশ। কেউ যেন বুকে মুখে পাষাণ ভার চাপিয়ে দিচ্ছে। সেই আঁচির কণ্ঠের মতো। কিংবা অদৃশ্য কোন হাতের কাজ কিনা কে জানে! সে দেখতে পাচ্ছে না অথচ কেউ তার গলা টিপে ধরেছে। সে ধড়-ধড় করে উঠে বসল। গলায় হাত দিল। এমনকি আয়নার সামনে দাঁড়িয়ে গলায় আঙুলের ছাপটা পড়েছে কিনা দেখল। না, কিছু নেই। আবার বিছানা আবার সেইরকম, কেউ তাকে যেন আজ কিছুতেই ঘুমাতে দেবে না। ভয়ে দরজা খুলে বের হয়ে যাবে ভাবল, তারপরই মনে হল সে খুব দুর্বল। দুর্বল হয়ে পড়লেই আঁচি তাকে পেয়ে বসবে, ঘুমিয়ে পড়লেই আঁচি তাকে খুন করবে। সারারাত জেগে থাকা ছাড়া উপায় নেই।

এই ভেবে সে চেয়ারটায় গিয়ে বসল। টেবিলে পা তুলে জেগে থাকার চেষ্টা করছে। শুধু একটা জানালা খোলা আর সব বন্ধ। ফুল স্পিডে পাখা চলছে। ডাইরিটা ব্যাগে আছে। ডাইরিতে বাবার দেওয়া ফুল বেলপাতা। সেটা এখন ছুঁয়ে বসে থাকলে কেমন হয়। তারপর হা হা করে হেসে উঠল। আসলে কিছুই হয় নি। সে নিজেই নিজের বধ্যভূমি তৈরি করছে। এমন কি প্রেতাশ্বার ভয় থেকে মুক্তি পাবার জগৎ কড়িবরগাতে সে ঝুলে পড়তেও পারে। এবার সাহসী হবার চেষ্টা করল। কোন দুর্গন্ধ নেই, তবু ভয় পাচ্ছে কেন। পাতাবাহারের গাছগুলো ভয় দেখাচ্ছে। কুয়াশার মতো এক অবয়ব সে এই ঘরে একদিন স্পষ্ট ঘুরে বেড়াতে দেখেছে। তারপর তা ভেসে গিয়ে গাছের পাতায় জল হয়ে গেছিল। এমন কিছু প্রেতাশ্বার গল্প তার অবশ্য বইয়ে পড়া আছে। যেমন ঈশ্বরের কথা সে এভাবেই বইয়ে পড়েছে। একটা শেকড় গজিয়ে ফেলেছে শরীরের কোষে কোষে অল্পটা নিশ্বাসেও টের পাচ্ছে না। তার ভেতরে প্রচণ্ড হাহাকার জেগে উঠল। এবং সে ঠিক হু একবার বলেও ফেলল, ঈশ্বর আপনি যদি সত্যি থেকে থাকেন, তবে আমাকে এই প্রেতাশ্বার কাছ থেকে উদ্ধার করে নিয়ে যান।

কিন্তু সে জানে বুঝা। সেই হাহাকার সমুদ্রে বনিকে রক্ষার জন্য ঠিক এমনি পাগলের মতো চিৎকার করত, ক্রসটা পাটাতনে দাঁড় করিয়ে দিত। তারপর সেখানে নতজানু হয়ে বসত দু'জনে। বালিকা বলত, আমাদের কোন নীল ভূখণ্ডে পৌঁছে দাও। ঈশ্বর ছোটবাবুকে রক্ষা কর। ছোটবাবু চিৎকার করত, গত সেভ আঙ্ক্রম অল ট্রীবলস। কিন্তু কোথাও তার কোন করুণা পরিলক্ষিত হয় নি। সমুদ্রে আরও রুদ্ররোধে নিরুপায় ছুই তরুণ তরুণীকে শুধু গ্রাস করতে আসছে! এ-সব দৃশ্য চোখে ভেসে উঠলে অতীশ স্থির থাকতে পারে না। শ্রালি হিগিনসের সব কথাই শেষ পর্যন্ত মিলে গেছিল। সে এসে অগত্যা বিছানায় চিৎপাত হয়ে শুয়ে পড়ল।

আর তখনই খুঁট করে কিসের শব্দ। সে উঠে বসল হুড়মুড় করে। আর দেখছে চেয়ারটা তার দিকে মুখ ঘুরিয়ে বসে আছে। চেয়ারটার মুখ ছিল দেয়ালের দিকে। বার বার সে মনে করার চেষ্টা করছে চেয়ারটা কি-ভাবে ছিল। সে কি আগেই দেখেছে এ-ভাবে না খুঁট করে কেউ এখানটায় তার দিকে চেয়ার ঘুরিয়ে বসল। সে কেমন নিরুপায় চোখে চেয়ারটার দিকে তাকিয়ে আছে। সামান্য একটা চেয়ার এত বীভৎস হতে পারে! যেন কেউ বসে আছে, তাকে সে দেখতে পাচ্ছে না, অদৃশ্য এক মানুষ তার সঙ্গে এখনই কথাবার্তা শুরু করে দেবে। সে সাহসী হবার জন্য চেয়ারটার কাছে উঠে গেল। এবং সেটা দেয়ালের দিকে মুখ ঘুরিয়ে দেবার জন্য আরও বেশী সাহসী হবার চেষ্টা করছে। সে ঘামছিল। গলা শুকিয়ে উঠেছে। মনে হবে এত ভারি চেয়ার যে তাকে সে কিছুতেই দেয়ালের দিকে মুখ ঘুরিয়ে দিতে পারবে না। সে থরথর করে কাঁপছিল তবু ছোর করে চেয়ারটায় হামলে পড়ল। যেন সে কারো সঙ্গে দস্তাধতি শুরু করে দিয়েছে। কিন্তু তারপরই মনে হল চেয়ারটা ভীষণ হালকা। সে সহজেই চেয়ারটার মুখ ঘুরিয়ে দিতে পারল দেয়ালের দিকে। কেউ বসে নেই। ভারিও না। তারপরই স্বদূর থেকে সেই মর্মান্তিক আর্তনাদ, ও ছোটবাবু, তুমি কি হয়ে যাচ্ছ। মুখে তোমার ডোরাকাটা বাঘের দাগ। তুমি আঁচি হয়ে যাচ্ছ।

প্রিয় বনি! তুমি এমন কর না। এখনও আমাদের থাকার ফুরোয় নি। এখনও আমরা কিছুদিন বেঁচে থাকব। নিখর সমুদ্রে যতই হাহাকার করুক, এখনও আমরা আরো কিছুদিন বাঁচব। কিন্তু সে জানত বুঝা, শ্রালি হিগিনসের সেই দৈববাণী সে শুনতে পাচ্ছে। হাহাকার সমুদ্রে মাথা ঠিক রাখা কঠিন। মরীচিকা ভাসতে দেখবে। দেয়ার কোর ইফ এ মোস্ট রাইজ বিফোর ইউ, ইউ

হাত দা রাইট টু সে, 'সো, দেন, দ্য সুপারস্টারেল ইজ পসিবিল্। সুতরাং মনে রাখবে মাথা ধারাপ হয়ে গেলেই সেই সব অতিপ্রাকৃত জীবেরা চোখের সামনে ভেসে উঠবে। দিস ইজ হালুসিনেশান। মাথা ঠাণ্ডা রেখে সেই সব হালুসিনেশানের হাত থেকে রক্ষা পাবার চেষ্টা করবে। সে বলল, বনি, তুমি অমন করলে আমি সমুদ্রে ঝাঁপিয়ে পড়ব।

না না ছোটবাবু, বলে সে ছোটবাবুর ছুঁ হাঁটু জড়িয়ে ধরেছিল। আমাকে একা ফেলে যাবে না।

আমি তো আর্চি হয়ে যাচ্ছি।

ছোটবাবু মুখে তোমার কিসের দাগ ফুটে বের হচ্ছে। বলেই বনি পাগলের মতো ছইয়ের নিচে ছুটে গেল। তার প্রিয় আরশিটা নিয়ে এল। কিন্তু ছোটবাবু দেখল, মুখে কোন দাগ নেই। রোদে পুড়ে বিশ্রীভাবে কালো হয়ে গেছে মুখটা। বলসে গেছে মতো। সে সেই ছোটবাবু। দীর্ঘদিনের উত্তেজনায় চোখ কোটরাগত। শীর্ণকায় হয়ে গেছে কিছুটা। আর কিছু না। সে বলল, এই ছাথ, ছাথ না। কাছে এসে দেখ বনি, মুখে আমার কোন দাগ নেই। তুমি ভুল দেখছ। রোদে পুড়ে আমরা শুধু বলসে গেছি।

তখন সমুদ্রে সূর্য অস্ত যাচ্ছে। উত্তপ্ত অসীম জলরাশি নিখর। একটা ফড়িং উড়ে গেলে পর্যন্ত জলে চেউ উঠে যায় মতো আর নিরালস্য সেই সীমাহীন আকাশ কেমন উত্তাপে আচ্ছন্ন হয়ে আছে। বনি পাটাতনে উবু হয়ে বসে আছে। তার নীলাভ চুল উসখো খুসখো। ক'দিন থেকে সে পড়ন্ত সূর্যের আলোতে আর সাজতে বসে না। ছোটবাবুর মনে হয়েছিল, আগে থেকেই তার লক্ষ্য করা দরকার ছিল। সে তাকে সাবুনা দেবার জন্ত বলল, দেখবে আজকালের মধ্যেই কোন জাহাজ কিংবা জেলোভিঙি দেখতে পাব। বনিকে স্বাভাবিক করে তোলার জন্ত বলেছিল, হাও ফ্লাসটা ঠিক আছে ত! মনে রাখবে দেখা মাত্র সেটা জালিয়ে দিতে হবে। মনে রাখবে হাওয়ার বিপরীত দিকে জালতে হবে। বেলারটা কোথায় রেখেছ?

ছোটবাবু, আমি সত্যি দেখলাম, সহসা তোমার মুখটা আর্চির মুখের মতো ভোরাকাটা? আমি এটা কেন দেখলাম ছোটবাবু?

ছোটবাবু বলল, বিশ্বাস কর আমি জানি না। কেন দেখলে জানি না।

বাবা কিছু বলে দেন নি।

কি বলবেন?

এই অজানা সমুদ্রে মানুষ শয়তান হয়ে যায় কি না !

ছোটবাবু অনেক করেও শেষ পর্যন্ত কিছুই গোপন রাখতে পারছে না। বনি বুকে কেলেছে জাহাজ থেকে ওদের দুজনকে ভাসিয়ে দেওয়া হয়েছে। যত দিন যাচ্ছে বনি তত বেয়াদব হয়ে উঠছে।

তুমি ছোটবাবু আর ছলনা কর না।

ছোটবাবু অতৃদিকে মুখ ঘুরিয়ে রেখেছিল। প্ল্যাংকাটন ধরার জন্ত। নেট পেতে রেখেছে। বোটটা নড়ছে না। বোট না নড়লে, না চললে নেটে প্ল্যাংকাটন আটকাবে না। সকালের দিকে সামান্য প্ল্যাংকাটন প্লেটে নিয়ে বসেছিল। ছোটবাবু বনিকে চেষ্টা করেছে খাওয়াতে। নিজেও চেষ্টা করেছে খেতে। বনি মুখে দিয়েই ওকে তুলে দিয়েছিল।

আরে করছ কি ! বাঁ হাতটা নাকের কাছে ধর। ধর না। তাহলে বনি পাবে না।

বনি চূপচাপ ছোটবাবুর প্ল্যাংকাটন খাওয়া দেখছিল। সবুজ আঠা আঠা জলজ জীব জেলির মত। বিশ্বাস এবং তিতকুটে। অথচ ছোটবাবু যে খুব রেলিশ করে খাচ্ছে!—খাও খাও না।

আমি পারব না। আঁষটে গন্ধ।

তোমরা সবই কাঁচা খাও। আর এটা খেতে আপত্তির কি।

খেলে কি হবে?

বাঁচবে।

কে বলেছে?

ছোটবাবু খুব স্থির গলায় বলল, শ্রালি হিগিনস।

বাবা আর কি বলেছেন?

এতে খুব প্রোটিন আছে।

বাবা আমাদের ভাসিয়ে দিলেন কেন?

যদি কোনরকমে ভাঙা পাই।

তিনি এলেন না কেন?

ছোটবাবু কেমন ক্ষিপ্ত হয়ে উঠল।—তিনি না এলে আমি কি করব?

সারেংসাব?

আমি কিছু জানি না, কিছু জানি না বনি। তোমাকে যা বলছি তাই কর।

খাব না। সে প্লেট ঠেলে সরিয়ে দিল।

ছোটবাবু বলল, খাও, খেতে চেষ্টা কর। তোমার ভালর জুই বলছি। অসহায় ছোটবাবু আর কি বলবে বুঝতে পারল না। সকাল থেকে বনির মতো এলবারও কি যেন হয়েছে। সে আর সামনের দিকে উড়ে যাচ্ছে না। নিখর সমুদ্রে ঢুকেই সে কেমন আচমকা অন্তরকন্মের হয়ে গেছে। সকালের দিকে দু' একবার উড়ে গিয়েছিল, বোটটা পাক খেয়ে আবার নেমে এসেছে। যেন কোন দিকে উড়ে যেতে হবে সে জানে না। ডাঙায় কিরে যাবার শেষ আশা বলতে এই এলবা। হাওয়া নেই, পালে বাতাস লাগে না, উত্তপ্ত কাঁসার থালায় মতো সমুদ্র আকাশ গনগনে হয়ে আছে। এক ভয়ংকর নৈঃশব্দ, আর বনির জেদ, এলবার চোখ সব কেমন অতিশয় পিঙ্গলিকর। মৃত্যু খুবই কাছে সবাই যেন টের পেয়ে গেছে। আর তখনই বনি ছইয়ের নিচ থেকে ছুটে বের হয়ে আসছে।

কি হল বনি। কি করছ। বনি বনি।

ছোটবাবু বনিকে ঠেলেছুঁলে আবার ছইয়ের মতো নিয়ে গেল। গরমে বনির পিঠে বড় বড় ফোঁস্কা। দুটো একটা গলে যা হয়ে গেছে। একটা খাটো প্যান্ট ছাড়া বনি শরীরে কিছু রাখতে পরছে না। সে বলল, এমন করছ কেন?

হাওয়া নেই কেন ছোটবাবু?

বিকলে হাওয়া দেবে। ছোটবাবুর আর কিছু বলার নেই।

তোমাকে বাঁচাতে পারব না ছোটবাবু। সে এসে গেছে। তুমি টের পাচ্ছ না। কান্নায় ভেঙে পড়ল বনি।

কেউ আসে নি। তুমি যদি প্ল্যাংকটন না খাও কাল থেকে আমি আর কিছু খাব না বলছি।

বনি ছইয়ের ভিতর থেকেই সহসা আবার চিংকার করে উঠল, এলবা আর্চি হলনায় পড়ে গেছে। ওই আমাদের এই অজানা সমুদ্রে নিয়ে এসেছে। আমরা আর ডাঙা পাব না ছোটবাবু। লেট মি কিল হার। আই গাল কিল হার। পাগলের মতো বনি পাখিটার ওপর ঝাঁপিয়ে পড়তে গেলে ছোটবাবু টেনে আনল। তারপর দু' হাতে বুক জড়িয়ে বলল, ওকে খুন করলে আমরা আরও একা হয়ে যাব। আমাদের সাহস দেবার মতো কেউ থাকবে না। না ঈশ্বর না শয়তান। এতসব ভাবতে ভাবতে তারপর কখন ঘুমিয়ে পড়েছিল অতীশ জানে না।

আর সকালেই ঘুম থেকে উঠে অতীশ দেখল, মেঝেতে একটা চিঠি গড়াগড়ি যাচ্ছে। রাতে সে, আর্চির ভয়ে কিছুই লক্ষ্য করে নি। আর্চি, বনি ছোটবাবু সবাই মিলে তাকে জালিয়েছে। চিঠিটার ওপর সে সারারাত্রে পায়চারি করেছে

অথচ টের পায় নি কোন নীল ধামের চিঠি কেউ তাকে আর পাঠাতে পারে। সে তাড়াতাড়ি খামটা ছিঁড়ে কেলতেই দেখল, লেখা আছে কল্যাণ বরেষু বাবা অতীশ, বাবার চিঠি, কিন্তু না, হাতের লেখা বাবার না। নিচে দেখল, তোমার বড় জেঠি মা। বেশ দীর্ঘ চিঠি। চিঠি পড়ে সে হতবাক হয়ে গেল। বড় কাতর প্রার্থনা। তুমি অল্পমতি দাও অতীশ! সবার অল্পমতি নিয়েছি। তোমার জ্যাঠামশাইর পারলৌকিক কাজে শেষ অল্পমতি তোমার। তুমি দিলে আমার না করে উপায় থাকবে না।

গোটা চিঠিটাই মর্যাস্তিক। পড়তে পড়তে সে বিমূঢ় হয়ে পড়ল। সে বুঝতে পারছে, বড় জ্যাঠাইমার আর জীবনে কোন অবলম্বন থাকবে না। সকালে উঠেই জ্যাঠাই মা, জানালায় দাঁড়ান, দূরের মাঠ দেখেন, যেন কোন স্বপুরুষ কৃতী মানুষ মাঠ পার হয়ে দীর্ঘদিন নিরুদ্দিষ্ট থাকার পর ফিরে আসছেন। হাতে রাজার চিঠি। হাতে নীল লঠন। নিরুদ্দিষ্ট স্বামীর সেই মুখ এবং অবয়ব নিয়ে জ্যাঠাইমার জীবন কেটে যাচ্ছিল। কিন্তু সংসারে ভারি বিপত্তি দেখা দিয়েছে। বড়দার গঞ্জনা, বৌদির গঞ্জনা, বড় অনাচার। জ্যাঠামশাইর পারলৌকিক কাজ না করায় সংসারে অসুখ বিষখ ছাড়ছে না। দু যুগের ওপর যে মানুষ নিখোঁজ, তাঁর আত্মার সদগতি দরকার। পিণ্ডদানে প্রেতাশ্মা মুক্তি পায়। সংসারে তবে অন্তঃপ্রভাব থাকে না। বড়দা, সোনা জ্যাঠামশাই, বাবা, ছোটকাঁকার সবারই ইচ্ছে আর অপেক্ষা করা ঠিক না। সংসারে কখন কোন দিক থেকে সেই অতৃপ্ত আত্মা প্রভাব বিস্তার করবে কে জানে। তার কুশপুতলিকা দাহ, পিণ্ডদান এবং পারলৌকিক কাজের জন্য জ্যাঠাইমার ওপর চাপ সৃষ্টি করা হচ্ছে। জ্যাঠাই মা মনে করছেন, সেই শেষ মানুষ, যে অল্পমতি দিলে, তিনি মুখ বুজে জীবনে বৈধব্য মেনে দ্বেনে। চিঠিটা শেষ করেছেন, বাবা অতীশ শৈশবে তুমি ছিলে তাঁর জীবনের প্রিয় সঙ্গী। কেন জানি মনে হয়েছে হাঁ বা না করার প্রকৃত উত্তরাধিকার তোমার। তুমি আমাকে বল, এখন আমি কি করব।

তারও যে বিশ্বাস পাগল জ্যাঠামশাই আবার ফিরে আসবেন। হাতে তাঁর নীল লঠন। শুধু ঠিকানা হারিয়ে ফেলেছেন বলে ফিরতে পারছেন না। যেমন ছোটবাবু আর বনি একবার পৃথিবীর ঠিকানা হারিয়ে ফেলেছিল। মানুষের ঠিকানা না থাকলে কিছুই থাকে না। সে চিঠিটা সামনে নিয়ে বসে আছে। দূরের এক জগৎ, অর্জুন গাছ, তরমুজের খেত, সোনালী বালির নদী, ফতিমা এবং সেই স্বপুরুষ মানুষের ঘোড়া, কখনও হাতিতে চড়ে, যখন নীলনদ পার হয়ে। কখনও

কোন গভীর বীপের মাঝে দাঁড়িয়ে আছেন। এখন সে দুজন পাশাপাশি মানুষ দেখছে। জালি হিগিনস আর পাগল জ্যাঠামশাই। তারা একই বীপে দাঁড়িয়ে থেকে হাত তুলে যেন বলছেন, আমাদের সমুদ্র পার করে দাও।

॥ বাইশ ॥

শিবলাল ওর খাটিয়াতে শুয়ে আছে।

ভাঙা চালের নিচে একটুকুন ছায়া। ঝিরঝিরে হাওয়া কলকাতায় বয়ে যাচ্ছে। কাকের উপদ্রব বাড়ছে। ওর চারপাশে আজকাল কাক উড়ছে খুব। শরীরে পচা গন্ধটা ভুরভুর করছে। সেই গন্ধে কাকেরা সব উড়ে আসে। ওর চালে খাটিয়ার পাশে কা কা করে ডাকে। ভয়ে সর্বক্ষণ সে তার ঘা ঢেকে রাখে। কখন কোন বান্দাবাজ কাক ঠুকরে দেবে—ভয়টা সেখানেই। বাইরে কল, কল থেকে জল পড়ছে। ওর রক্ষিতা গত মাসে মারা গেছে। সেই থেকে সদল তুলসীদাসী রামায়ণ। মনে হাবিজাবি চিন্তার উদয় হলেই স্থর করে রামায়ণ পড়তে বসে যায়। মেয়েমানুষ বাদে জীবন রক্ষ মাঠের মত। একটা মাস মনে হয় গোটা একটা সাল। শরীরে এত পোকামাকড় আর কুট গন্ধ মানুষের থাকলে মানুষ বাঁচে কি করে। খুব দার্শনিক ভঙ্গীতে চোখের উপর হাত ধরেখে জীবনের হরকিসিম কিসাসর কথা ভাবছিল।

তখনই দেখল, ম্যানেজারবাবু কারখানার অফিসঘরে ঢুকছেন। শিবলাল সম্মান দেখানোর জগ্গে উঠে বসল। বলল, রাম রাম বাবুজী।

অতীশ ঘাড় বাঁকিয়ে দেখল শিবলালকে। বলল, রাম রাম। হাত পা ব্যাগেজ করা একটা রুগ্ন মানুষ তেজী ঘোড়ার মতো বেঁচে থাকার চেষ্টা করছে। সংসারে কেউ নেই। দেশে নেই, ঘরে নেই। অতীশ শুনেছে, কি করে লোকটা অনেক টাকার মালিক। দুপাঁচশ টাকা সহসা কারখানার দরকার হলে শিবলালকে বললেই দিয়ে যায়। সে কারখানার একটা শেড সেই কবে থেকে দখল করে আছে। আগের ম্যানেজার ওকে থাকতে দিয়েছিল। ডাইসপত্রে নিপুণ কারিগর বলে, লোকটা কোম্পানির পক্ষে খুবই দরকারী। এখনও খুব জটিল কোন ডাইসপত্রে কোন গুণগোল দেখা দিলে শিবলালের ডাক পড়ে। এই একটা কাজে সে এখনও পৃথিবীর দরকারী মানুষ।

অতীশ ভাবল, আসলে শিবলাল একটা ঘাটের মড়া।

কিন্তু এটা টের পাবে বলেই শিবলাল জোরে জোরে হাঁটার চেষ্টা করে। সাবলীল থাকতে চায়। ভাড়া আদায়ের সময় গরম গরম কথা বলে। দুনিয়ায় যতক্ষণ বাস ততক্ষণ নড়েচড়ে বেড়াতে হবে। সে মোদা কখাটা বুকেই ধরে বেড়া দেয়, চালে টালি দেয়, বিছানা রোদে দেয়, দোকান থেকে ঝাল খাবার আনিয়ে হুসহাস খায়। পাতে মাছি বসলে রাগ করে। জলে কিটকিরি দিয়ে রাখে। সর্বোপরি গন্ধ দূর করবার জন্ত ঘরে সব সময় আতর ছড়িয়ে দেয়।

অতীশ কেন জানি বলল, পচন, এই হচ্ছে পচন যাকে বলে সারাটা কালই মানুষ বয়স বাড়ার সঙ্গে শরীরে পচন ধরাচ্ছে। শেষে সেই নদীর পাড় এবং অগ্নিকুণ্ড। নিজের শরীর একসময় কেন জানি বিরাট এক অগ্নিকুণ্ডে নিক্ষিপ্ত হয়েছে বলে মনে হলো তার। সে বসল তার চেয়ারে, ড়য়ার খুলল, কি দেখল নিজেও জানে না। অভ্যাসবশে সে কাজগুলি করে যায়। তার যেমন চেয়ারটার বসলে হাই ওঠে, আজও উঠল, অবশ্য রাতে ঘুম হয়নি, শরীরে কেমন একটা জ্বর-জ্বর ভাব।

শিবলালের কথাবার্তা ধার্মিক মানুষের মতো। কথায় কথায় রামের বনবাস, সীতা হরণ, দুর্বাচারী রাবণের কথা বলে উদাহরণ দেবার মোক্ষম একটা প্রয়াস থাকে। পুণ্যের জয়, পাপের পরাজয় এই বোধটা লোকটার ভীষণ। রক্ষিতা সম্পর্কে সে কখনো চিন্তাশীল হয়নি। ভাড়া আদায় করা এবং কাক-পক্ষীকে খাওয়ানো তার ধর্মীয় কাজ। সে কালীঘাটে ফাঁ হুগা রিকশা করে যায়। সেদিন একটা রিকশা দিনমান তার হেফাজতে থাকে।

কপালে লাল চন্দনের ফঁোটা পরে। গরম পড়লে মাথায় দেশী কায়দায় ফেটা বাঁধে, ফুল, বেলপাতাসহ একটা বড় ঠোঙা আনে মিষ্টির। সেটা সে ছোয় না। পাশের কার্তিক মল্লিকের সেজ ব্যাটা তখন তার সঙ্গী। সেই এসে ঘরে ঘরে প্রসাদী ফুল, বেলপাতা বিলোয়। আর বাকি ছয়-দিন বর আর খাটিয়া। সন্ধ্যায় দেশোয়ালী মানুষ আসে। সে মোমবাতি জালিয়ে স্তব্ধ ঘরে রামায়ণ পাঠ করে শোনায়।

অতীশ একদিন এতো পুণ্যবান থাকার চেষ্টার বিষয়ে প্রশ্ন করলে যা বলেছিল তাতে বুকেছে শিবলাল এখন যা করছে সবই পরকালের জন্ত। ইহকালে তার আর করার কিছু নেই এবং সে ভেবে ফেলেছে পরকাল তার খুবই উজ্জ্বল। সে পরকাল থেকে আবার পৃথিবীতে আসবে, নতুন মানুষ, শরীরে কোন রক্তপুঁজ

নেই। ষা নেই, ব্যথা-বেদনা নেই। সতেজ এবং স্বস্তী মানুষ। কোন এক অলৌকিক পৃথিবী থেকে সে সব জরা-ব্যাধি এমনকি মৃত্যুকেও জয় করে এসেছে।

অতীশের মনে হলো, শিবলালেরও ভরসা আছে, তার কিছুই নেই। সে এ সময় খুব অগ্নমনস্ক হয়ে পড়লো। ঘরে কেউ নেই। ফোনটাও বাজছে না। ও ঘরে কুস্তবাবু আসেন নি। সকালে কুস্তবাবুর রাজবাড়িতে কি নাকি জরুরী কাজ আছে। সে বাসায় এসে বলে গেছে—অফিসে আসতে তার দেরি হবে। পাশের শেডে ষটাং ষটাং শব্দ। বোধহয় প্রিটিং মেশিনের প্লেট সেট করা হচ্ছে। বেলটিং তুলে দিচ্ছে কেউ এবং মোটর চালাবার আওয়াজে সে বুঝল কাজ পুরোদমে চলছে। এদিকে সে কম কথার মানুষ। অর্ডারপত্র বেড়েছে। কুস্তবাবুর আপ্রাণ চেষ্টা সত্ত্বেও অর্ডারের অভাব ঘটেনি। কিন্তু সে বুঝতে পারে বাঘকে উপোসী রাখার মতোই সে আগুন নিয়ে খেলা করছে। মনের মধ্যে এই বিষয়টা সহসা খচ করে কামড় দিল। কুস্তবাবুর উপরি রোজগার একদম বন্ধ বলা যাচ্ছে না। এখনও কিছু হচ্ছে। এই কিছু হওয়াটা বন্ধ করতে না পারলে অতীশ স্বস্তি পাচ্ছে না। এবং আরেকটা কাঁটা মাধব। সে জানে মাধব শুয়ে আছে পুরোন বাড়ির রকে। রাস্তায় আসতে রকটা পড়ে। সে তার কারখানার কর্মীর এমন ছুরবস্থা দেখবে বলেই পল্লিবাজারটা ঘুরে আসে। রাজরোগে আক্রান্ত তার কারখানার কর্মী শুয়ে আছে রকে। দেখলে মনে হবে ম্যানেজার পালিয়ে বেড়াচ্ছে।

এখনও কিছু অতীশ করে উঠতে পারে নি। কুস্তবাবু বলেছে, ঘুষ দিলে পরদিনই বেড পাওয়া যাবে। না দিলে পাবেন না। কলকাতায় না এলে অসুস্থ বিষ্ময়ের জগৎ ঘুষ দিতে হয় অতীশ জানত না। কিছুক্ষণ পরেই কুস্তবাবু এল। এসেই দু হাত ছড়িয়ে টেবিলে বসল—দাদা সুখবর।

অতীশ জানে পৃথিবীতে আর তার কোন সুখবর থাকতে পারে না। স্ত্রী অসুস্থ, টুটুলের জলের বাই, মিস্ট্রু বড় হচ্ছে, বাবা টাকার প্রত্যাশায় বসে থাকে, লেখার বিড়ম্বনা, মাথার মধ্যে আছে ষায়ের মতো বিষন্ন এক পাপবোধ। সে ঘুষ দিয়েছে এবং তার যে সভমটুক ছিল মহুগন্ধের, তাও এই কুস্তবাবুরা হরণ করে নিল। সে কোন সুখবরের প্রত্যাশা করে না। গেল রাতে আর্চি তাকে জালিয়েছে। এই ক্রেশ থেকে আত্মরক্ষার কোন উপায় তার জানা নেই। শুধু একদিন টুটুলকে পিতা পিতামহের নাম বলার সময় কেন জানি মনে হয়েছিল এ বলার মধ্যে কোথাও তার পাপ খণ্ডনের পরিজ্ঞান থাকতে পারে। কুস্তবাবু তার

দিকে তাকিয়ে আছে এখনও। কুন্তবাবু আশা করছে সে কিছু বলবে। অগত্যা কুন্তাই ফের বলল—আপনার মাইনে বাড়ছে।

—বাড়ছে কেন?

কোথায় খুশি হবে, কোথায় সারা মুখে তৃপ্তি দেখা দেবে, তা না প্রশ্ন।

—রাজা খুব খুশি।

অতীশ বলল, ঘুষ দিলে রাজা খুশি থাকে জানতাম না।

—জানলে ঘুষ দিতেন না?

—না।

—আপনি সত্যি একটা আবাল মাহুষ দাদা।

আবাল কথাটা তাকে বিড়ম্বনার মধ্যে ফেলে দিল।

সে বলল—আবাল মানে?

—ঐ নিজের কথা যে ভাবে না।

—আমি তো নিজের কথা ছাড়া আর কিছু ভাবি না কুন্তবাবু। সব সময় নিজেকে নিয়ে বিপন্ন।

—কোথায় দাদা, মাইনে বাড়ছে, কত বাড়ছে, কবে থেকে বাড়ছে কিছুই বললেন না? শুধু বললেন, বাড়ছে কেন? এমন কথা কি কেউ বলে? আর কার বাড়ছে জিজ্ঞেস করলেন না? খুব গোপন দাদা, আমরা বাড়ছে।

—বা বেশ। খুশী আপনি?

—কি যে বলেন দাদা, খুশী হব না? এ কটা টাকায় চলে? কি মাগগি গণ্ডার বাজার। রাজা মাইনসে যাবার আগে অর্ডার করে গেছেন।

কে খবর দিল এ প্রশ্নটা অবাস্তব। ঠিক রাধিকাবাবুর খবর। সব সময়ই রাধিকাবাবু রাজবাড়ির খবর আগে পায়। তারপর পায় রাধিকাবাবুর ছেলে কুন্ত। কুন্ত সেইসব খবর বয়ে আনে কারখানায়। সব সময় অতীশকে ভয়ের মধ্যে রাখে। এখনও রাজার সবচেয়ে বিশ্বাসভাজন হলেন তার বাবা রাধিকাবাবু। কুন্তের পেছনে লাগতে গেলে সাপের ল্যাঞ্চে পা পড়বে। কথাবার্তায় কুন্ত যেন অতীশকে এ বিষয়টাতে সজাগ রাখতে চেষ্টা করে।

অতীশ বললো—আজ একবার ই এম আই অফিসে যান, বেডের কি হলো দেখুন।

—আপনি দাদা বেড বেড করে পাগল হয়ে গেলেন। এদিকে মাধব কি করেছে জানেন?

অতীশ বললো—কি করেছে ?

—পয়সা রোজগারের ধান্দা। শালা মনুষ্য জাতটাই বেজন্মার বাচ্চা। অতীশ বুঝতে পারল না, হি এস আই-এর কথায় পয়সা রোজগারের ধান্দা এলো কোথেকে। সে নিজের ভয়ের কথা বললো না। রাস্তায় কালীবাড়ির সামনে পুরনো বাড়ির রকে মাধব বসে থাকে। ঝড় বৃষ্টি হলে পাশের শেডে গিয়ে বসে। নিমাই-এর বোঁ খাবার দেয় দুপুরে। টাঁদা করে খাবারের পয়সা তোলা হচ্ছে। অতীশকেও দিতে হয়। কারখানার সব কর্মচারী পাঁচ পয়সা, দশ পয়সা করে দেয়। এবং ওষুধপথি যা আসছে তার কিছু নাকি চুরি করে মাধব বিক্রি করে দিচ্ছে। আরো যা খবর কুস্তবাবু দিল তাতে সে তাজ্জব বনে গেল। বলল, বেড পেলেও ও হারামজাদাকে নিয়ে যেতে পারবেন না। অতীশ কি বলবে বুঝতে পারছে না। সে ভয়ে অগ্নি রাস্তা ধরে আসে কারখানায়। কারণ রাস্তার দু পাশের মানুষগুলো দেখবে ঐ সিট মেটালের ম্যানেজার যায়। মাধব ওর কারখানায় কাজ করে বুকের ব্যামো বাধিয়ে বসেছে। অস্থানে কুস্থানে ফেলে রেখেছে এবং সব দায় যেন অতীশের। মানুষগুলো তাকে দেখে এমন ভাবতে পারে। এজন্ম ভয়ে সে আজকাল ঘুরে আসে কারখানায়। সে দূর থেকেও দেখেছে, মাধব করুণস্বরে ডাকে, জোরে জোরে কাশে যদি মানুষের দয়া হয়। সে হাত পেতে থাকে। পয়সা ভিক্ষা করে। একদিন দুদিন করতে করতে স্বভাবে দাঁড়িয়ে গেছে এখন এবং শিব মন্দিরের সব পুণ্যার্থীরা পুণ্য অর্জনের জন্ম দু পয়সা পাঁচ পয়সা দিয়ে যায়। একটা পুঁটলি বানিয়ে কেলেছে রেজগি পয়সার। এতসব খবর কুস্ত এক শ্বাসে বলে গেল। অতীশ মাথা নীচু করে গুনল।

তারপর বলল—মাধব ইচ্ছে করে কারখানার অসম্মান করছে।

অতীশ ভেতরে ভেতরে রুক্ষ হয়ে উঠছিল। সে বলল—এটা ইজ্জতের প্রশ্ন কুস্তবাবু।

কুস্ত বলল—ইজ্জতের কথা বলছেন কেন ?

—মাধব সিট মেটালের কর্মী সবাই জানে। ওকে যেভাবেই হোক ওখান থেকে তুলে আনতে হবে।

—জানলে বয়ে গেল।

—সিট মেটালের একজন কর্মী রাস্তায় পড়ে থাকবে, বলছেন কি !

—তাহলে কোথায় পড়ে থাকবে, কোথায় রাখবেন ? কেউ ঘরদেবে না ওকে।

—রাস্তা থেকে তুলে নিন। দেখি কি করা যায়।

—রাখবেন কোথায়?

অতীশ উঠে দাঁড়াল, বলল—আস্থন।

সদর রাস্তায় সিট মেটালের একজন কর্মী ভিক্ষা করছে। অতীশের মাথাটা কেমন গরম হয়ে উঠল। অসহায় অবস্থানের চেয়েও মারাত্মক ভিক্ষাবৃত্তি। যেন সারাটা কারখানার ইজ্জত নিয়ে টানাটানি করছে মাথব। অতীশ লাফিয়ে পার হয়ে গেল দু নম্বর গেট।

ডান দিক ধরে ঘুরে গেল। লেদ শপের পাশ দিয়ে ঘুরে বানিশ ঘরে ঢুকে ডাকল—এই শক্তি, এই পঞ্চা এদিকে আয়।

কার্ঠের কিছু বাস্ক প্যাকেজের জুতা রাখা। অতীশ সব নিজেই ঠেলেঠেলে সরিয়ে দিতে থাকল। কর্মীরা এই মানুষটাকে আর কিছু না করুক, বড় সমীহ করে। কোন ছুষ্ট প্রভাবে না পড়লে তারা অতীশের সঙ্গে খারাপ আচরণ করে না। এবং কেউ কেউ ছুটে এসে দু হাতে সরিয়ে দিচ্ছে সব। কুস্তুর মনে হচ্ছিল পাগলামি। সে চুপচাপ দেখে যাচ্ছে। আসলে সে কোনো গোপন রক্ষপথ খুঁজছে যদি কোন মওকা পাওয়া যায়—অতীশ নামক বেয়াড়া জেদী মানুষের হাত মুচড়ে দেবার। ফলে সে যেন তামাশা দেখার মত উপভোগ করছে। কোন প্রশ্ন করছে না।

অতীশ বলল—এই জায়গাটা খালি পড়ে থাকে। ওদিকের দরজা খুলে দিলে কারখানার সঙ্গে কোন যোগাযোগ থাকবে না। শিবলালের ঘরের পাশ দিয়ে যাওয়া আসা করবে। আপনার কি মনে হয়?

কুস্ত খুব গম্ভীর গলায় বলল, আচ্ছা হবে। অফিসে চলুন।

কুস্ত জানে এখানে এই কর্মীদের সামনেই অতীশ কত বড় ইম্প্রাকটিক্যাল তা সে প্রমাণ করতে পারে। কিন্তু সত্ত মাইনে বেড়েছে এবং এত বড় অঙ্কের মাইনে রাজবাড়ির কনসার্নে কন্সিনকালে একসঙ্গে কারো বাড়িনি। এ বিষয়ে অতীশবাবুর পুণ্যফলই সব, স্ততরাং এ সময়ে সে সবার সামনে মানুষটাকে নাকানি-চোবানি খাওয়াতে চায় না। কৃতজ্ঞতা বলে কথা। সে শুধু বলল—আস্থন, আস্থন না আপনি!

কুস্ত আরো জানে লেবার জাতটাই নেমকহারাম। যত দেবে, তত দাবি বাড়বে। ওদের সামনে সে বলতেও পারে না, আপনি কি ক্ষেপেছেন মশাই! কার জায়গা! আপনার না আমার? কোম্পানির জায়গা, আপনি দেবার কে?

হ্যাঁ, হয় সবই হয়। বোর্ড মিটিং-এ রেজলিউশন নিন। প্রস্তাব পাস হলে আপনি থাকতে দিতে পারেন। কেউ জানল না, ডিরেকটররা সব বাইরে, রাজা গেছেন মাইনসে, আর তখন কিনা কথা নেই, বার্তা নেই একটা রাস্তার লোককে ধরে আনছেন। জায়গা দিচ্ছেন। জায়গা দিলে মৌরুসীপাট্টা পেয়ে যাবে না? আর উঠবে? ব্যাড প্রিসিডেন্ট তৈরী হবে না। এ সবই বলতে পারত কুস্ত। কিন্তু চতুর মানুষদের যা হয়, সে অত আবাল লোক নয়, লেবারদের সামনে বলে অপ্রিয় হবে। সে অকিসে এসে বলল—আনবেন না।

—আনলে কি হবে। এমনিতেই জায়গাটা খালি পড়ে থাকে, পুরনো লোহা-লকড় কাঠের বাক্স গাদা মেরে পড়ে থাকে। একটা মানুষকে সেখানে রাখলে কি হয়?

—অনেক কিছু হয়। মানুষের যে দাঙ্গা দুষ্টবুদ্ধি আছে। লোহালকড়ের তা নেই। পড়ে থাকবে কোম্পানির কোন অনিষ্ট করবে না, এরা অনিষ্ট করবে। থাকতে দিলে, উঠতে চাইবে না, মামলা মোকদ্দমা করলেও তুলতে পারবেন না। সাথে কে কবে ঝাড়ের বাঁশ সেধে নেয় বলুন।

অতীশ বললো—আমাদের কারখানার কর্মী তাই বলে রাস্তায় বসে ভিক্ষে করবে?

—করুক না। কতো লোক তো করে। সরকারই পারে না, আর আপনি তো কোন্‌ ছার।

অতীশ বুঝতে পারল কুস্তবাবুর ভীষণ আপত্তি। এই মানুষটা তার সব কাজের বিঘ্ন। সে কিছুটা পরাজয়ের গ্লানি বোধ করতেই ভেতরের সেই মানুষ, এক গোঁয়ার মানুষ উঁকি দিয়ে যায়। অতীশ বলে ওঠে, এখন তো নিয়ে আসি। রাজা এলে কথা বলে নেব। সে স্থধীরকে ডেকে বলল—মনোরঞ্জনকে ডাক।

তারপর কুস্তর দিকে তাকিয়ে বলল—আপনিও রাজার কাছে চলুন। হাসপাতালে বেড যতক্ষণ না পাওয়া যাচ্ছে, এখানে এনেই রাখি।

কুস্ত খুব বেশি আর আপত্তি তুলল না। ধর্মের দিক থেকে সে ঠিক আছে। সে বার বার বারণ করেছে। যখন সওয়াল হবে রাজার কোর্টে তখন সে বলতে পারবে, বার বার বারণ করা সত্ত্বেও অতীশবাবু অধর্মের কথা কানে তুললেন না। তখন সে রাজার আদালতে একজন বিচক্ষণ মানুষ বলে প্রমাণিত হবে এবং যা যা বলে রেখেছিল, তাই যে প্রমাণিত হলো, সেটাও রাজা দেখতে পাবে। এখন তাড়াতাড়ি অতীশের মনোবাঞ্ছা পূর্ণ করার জগ্নই সে বলল—আপনার ওপর

কোন কথা নেই। নিয়ে আসতে চান নিয়ে আসুন। কিন্তু দাদা তখন বলবেন না, কুস্তবাবু সঙ্গে ছিল। আমি আপনার আদেশ শুধু পালন করছি।

অতীশ বুঝতে পারে, ভেতরে কূট বুদ্ধি কুস্তবাবুর। সব সময় তাকে পরাজিত করে মজা দেখার বাসনা। কুস্ত বলেই রেখেছে, সরকারই পারে না। সরকার পারে না কথার অর্থ, সরকার তার ইজ্জত রক্ষা করতে পারে না। একটা সরকারের অধীনে মাহুম রাস্তায় ভিক্ষাবৃত্তি করে, পকেট মায়ে, ছিনতাই করে, রাস্তায় শোয় এসব বড়ই অস্বস্তিকর বিষয়। এত বড় সরকারের যখন চক্ষুলজ্জা নেই, তখন আপনার থেকে কি হবে।

অতীশ বুঝতে পারল, সে আর এক পা এগোতে পারবে না। কারখানার অতিরিক্ত ঘরটায় লোহা-লকড় পড়ে থাকবে, তবু একজন মাহুমের ঠাই হবে না। আইন কার জন্ত সে বুঝতে পারল না। লোহা-লকড়ের জন্ত, না মাহুমের জন্ত।

॥ চব্বিশ ॥

সকালেই অতীশ ছুটির কথা বলল সনৎবাবুকে।

তিনি বললেন, হঠাৎ ছুটি।

অতীশ বলল, বাড়ি যাব। অনেকদিন বাবা মাকে দেখিনি।

—মা বাবাকে এখানে নিয়ে এস। ওদের কলোনিতে ফেলে রেখে কি হবে? সনৎবাবু খুব যত্নের সঙ্গে উপদেশ দিলেন।

—ওদের শহর পছন্দ নয়। এলে হাঁপিয়ে উঠবে।

আসলে অতীশ নিজের কথাই বলে যাচ্ছে। সে এখানে এই সময়ের মধ্যেই হাঁপিয়ে উঠেছে। নিরালস্য মাহুমের মতো, যেন কেউ নেই, আত্মীয় স্বজন অথবা আপনজন বলে আর কাউকে মনে হয় না। সেই নিরিবিলি প্রকৃতি তাকে টানে, সে-কথা সনৎবাবুকে বলতে পারল না। সে চুপচাপ পাশের চেয়ারে বসে থাকল।

—তুমি বস। ছুটির দরখাস্ত?

অতীশ ওটা বাড়িয়ে দিল।

তিনি ওটা পড়লেন। তারপর না তাকিয়েই বললেন, একমাস ছুটি। এত লম্বা ছুটি নিয়ে কি করবে?

অতীশ বলতে পারত, আমার একা ভয় করে বাসাটায়। পর পর হুঁরাত ঘুম হয় নি। সারা রাত দুঃস্বপ্নের মধ্যে কেটেছে। একা থাকলে ভয়েই মরে যাব। সে অবশ্য জানে সনৎদ্বাবুর কাছে এ-সব কথার কোন অর্থ হয় না। এমন শক্ত সমর্থ যুবকের অন্তর্গত পাপ থাকতে পারে, শঙ্কা থাকতে পারে বলে বোঝানো যাবে না। সে এবারেও কোন কথা বলল না।

—বস, আসছি। বলে দরখাস্তটা হাতে নিয়ে ভিতরে চলে গেলেন। বোঁরাগীর কাছে যাচ্ছে। আসলে যে ছুটি দেবে, যাকে বলে অতীশের ছুটি করিয়ে নিতে হবে তার উদ্দেশ্যে তিনি চলে যেতেই দেয়ালের চিত্রগুলি সে দেখতে থাকল। কতকালের কে জানে। কার আঁকা তাও সে জানে না। কিছু কাজ না থাকলে এই সব তেল রঙের ছবির দিকে তাকিয়ে অনায়াসে সময় কাটিয়ে দেওয়া যায়। ঘরের ও-পাশে টাইপরাইটারের খটখট শব্দ কানে আসছে। মাহুঘটাকে দেখা যাচ্ছে না। ফাইলের পাহাড় টেবিলে। তার ও-পাশে যেন কোন মাহুঘ নিরবধিকাল ধরে খটখট করে যাচ্ছে। শব্দটা মাথার মধ্যে টরেটকার মতো এসে বাজছে। সে যে এখানে বসে আছে কেউ দেখছে না। রাধিকাবাবু নেই। বোধহয় নিত্য হিসাবের খাতা নিয়ে বোঁরাগীর সঙ্গে দেখা করতে গেছে। এই ঘরে কেন ধৈ কিছু উলঙ্গ রমণীর ছবি সে বুঝতে পারে না। এবং ছবিগুলি ঝাড়পৌছ কে করে তাও সে জানে না। ছবিগুলি টাঙিয়ে রাখা কার জ্ঞান। সব বুড়ে দাঁড় মাছুষ। তারা বোধহয় ভুলেই গেছে, তাদের চোখের সামনে কিছু উলঙ্গ নারীর ছবি আছে। কেউ জলে স্নাতার কাটিছে। জলের ভেতর থেকে স্বচ্ছ নিতম্ব পর্যন্ত স্পষ্ট দেখা যায়। শিল্পীর রসবোধের কথা সে এ-সময় তারিফ না করে পারল না।

সনৎদ্বাবু ফিরে এসে টেবিলে বসলেন। বেল টিপতেই স্বরেন হাজির। কি একটা ফাইল চাইলেন। ফাইলটা এনে দিলে, সেটা নিয়ে ছুটে গেলেন। আবার ফিরে এলেন, আরও দুটো ফাইল থেকে কি মিলিয়ে নিয়ে ছোট্ট একটা চিরকুটে নোট নিলেন। তারপর ফের অদৃশ্য। অতীশের যে কাজটা সেটা সম্পর্কে বিন্দু ভ্রম উৎসাহ দেখাচ্ছেন না। যেন ভুলেই গেছেন, অতীশ ছুটির দরখাস্ত দিয়েছে। বোঁরাগীর মতামতের প্রবল অপেক্ষায় আছে সেটা। আবার ফিরে আসতেই সে বলল, বোঁরাগী কিছু বললেন।

—বোস বলছি।

—অতীশের বুকটা কেঁপে উঠল। তার তো ছুটি পাওনা অনেক। এতদিন

এসেছে, সে কোন ছুটিছাটা নেয় নি। তালে কি এখানে তার কোন ছুটিছাটা মিলবে না। এখন আর তার কাছে বৌরাণী অমল নয়, যেন অগ্ন পৃথিবীর কোন জার সম্রাজ্ঞী। দণ্ডমুণ্ডের অধিকারী। বইয়ে সম্রাজ্ঞীদের নানারকম কুট খেয়ালের কথা সে পড়েছে। এখন মনে হচ্ছে সেটা তাকে চাক্ষুস দেখতে হবে। যেন বলবে, ওকে বলে দিন, ছুটিছাটার বিষয়টা সে তার রাজেনদার কাছ থেকে চেয়ে নেবে। অথবা বলে দিন, অগ্ন কোথাও কাজ দেখে নিতে। ওকে দিয়ে আমাদের চলবে না। পরশু সে বৌরাণীকে একা ফেলে চলে এসেছিল। সেই থেকে এখন মর্জি যদি তিরিফি হয়ে থাকে, দেখা করতেও ভয়। তা-ছাড়া ডেকে না পাঠালে তার এখনও যাবার নিয়ম নেই। কি বলেছে কে জানে, সে খুব অধীর আগ্রহে অপেক্ষা করছে, সনৎবাবু এখন কি বলে।

কিন্তু সনৎবাবু খুবই ব্যস্ত মানুষ। এ-বাড়ির নিয়মই এই যতক্ষণ রাজা খাতির করবে, ততক্ষণ তারও খাতির। খাতির গেলেই সবাই মুখ ফিরিয়ে নেবে। যেন কেউ চেনেই না। সে এ-বাড়ির আমলা তাও তাদের তখন মনে করিয়ে দিতে হবে। সে আর না পেরে বলল, বৌরাণী কি……।

—আরে শোন। কথা কি, কি শুনবে, যেন ইয়ার বন্ধুর মতো সনৎবাবুর কথাবার্তা। তিনি বললেন, যাও। তবে যাবার সময় কুন্তকে চার্জ বুঝিয়ে দিও। কাল থেকে তোমার ছুটি।

ছুটি! অর্থাৎ তার আর দরকার নেই। সেটাও পরিকার করে নেওয়া দরকার। সে বলল, কতদিন?

—ঐ দরখাস্তে যা লেখা আছে।

অতীশের ভেতরটা কেমন হাল্কা বোধ হল। অমলা তবে কোন আক্কেশ পুষে রাখেনি মনে। সে নিজের ওপরই কিঞ্চিৎ বিরক্ত হল। সর্বত্র সে আতঙ্কের ছায়া দেখতে পায়। এত আতঙ্ক নিয়ে সে বাঁচবে কি করে। তবু ছুটি পাওয়ায়, বেশ হাল্কা মেজাজ। অনেকদিন পর তার শিস দিতে ইচ্ছে হল। সে গাড়ি বারান্দায় নেমে যাচ্ছে, কুন্তবাবুকে এখন তার দরকার।

তারপরই কুট কামড়। সে ছুটিতে কেন যাচ্ছে অমল একবার ডেকে জিজ্ঞেস করল না! সে অমলাকে ফেলে ফিরে এল একা, কি এত তাড়া ছিল, তাও ডেকে জিজ্ঞেস করল না অথবা এমন অপমান অমল জীবনেও বোধ করেনি, তাকে ডেকে ছ'চার কথা শোনাতে এ-সবই মনে মনে সে আশা করেছিল, সে-সবের কিছুই না। বরং অমলের আজ তার সঙ্গে আর দশজন আমলার মতোই ব্যবহার। রাজেন-

জা না থাকলে সে অফিসে বসে। এত বড় এস্টেটের কত রকম সমস্যা। সে সনৎবাবুর পরামর্শ মতো সব সামলায়। অতীশ আশা করেছিল, অমল তাকে ডেকে ভর্তসনা করবে। তুই কিরে, আমাকে একা ফেলে চলে এলি! তুই এত নিষ্ঠুর!

সঙ্গে সঙ্গে তার কেমন সব বিগাদ ঠেকছিল। অল্পমনস্ক সে। সে-রাতে অমলও ভাল ছিল না। মানসদা বলেছে, অমল ফেপে গেলে ঝঝঝঝ করে অর্গান বাজায়। পাগলা ঝড় সে তার অর্গানে বইয়ে দেয়। তার ক্ষিপ্তভাব সে এ-ভাবে সামলায়। রাতে মাঝে মাঝে সেই ঝড়ের সংকেত তার কানে এসে বেজেছে। আজ দেখা হলে বুঝতে পারত ক্ষিপ্তভাবটা কতদূর গড়িয়েছে। এক মাসের লম্বা ছুটি। এত বড় ছুটি নিয়েই বা সে কি করবে। স্ত্রী পুত্র ছেড়ে একা সে বাড়িতেও বেশিদিন থাকতে পারবে না। নির্মলার উপর একটা চাপা অভিমান বীরে বীরে গড়ে উঠছে। তার আর্থিক ক্ষমতা সীমিত। চেষ্টা করেও সে এর চেয়ে বেশি আর রোজগার করতে পারে না। বাবা মা ভাই বোনের দায় না থাকলে সে মোটামুটি সচ্ছল। কিন্তু এই দায়টা ঘাড় থেকে ঝেড়ে ফেলতে পারছে না। পারলে বোধহয় নির্মলার সব অস্থখ সেয়ে যেত। নির্মলা কেন যে বোঝে না তার বাবা মা অনটনে থাকলে সে মানসিক কষ্ট পায়। কেন যে বোঝে না বাবার মাসহারা না পাঠাতে পারলে সে অস্বস্তি বোধ করে। এ-নিয়ে নির্মলা কোন খোঁটা দেয় না। অথবা, ঝগড়াও করে না। যা কিছু ক্ষোভ মনের মধ্যে চেপে রাখে। কলে কেমন শীর্ণ হয়ে যায়। ছুরাঝোগা ব্যাধির মতো চাপা বিষণ্ণতা সারা অবয়বে লেপ্টে থাকে। নির্মলা যে বাপের বাড়ি চলে গেল তার অল্পমতি না নিয়েই সেটাও খুব বড় হয়ে বাজছে। একটা কাজের মধ্যে ঢুকে গেলেও সাংসারিক শাস্রয় ঘটতে পারে। সে চেষ্টাও করছে। হবে হবে করেও হচ্ছে না। এমন কি যদি দূরে চলে যায় নির্মলা দুই শিশুর দেখাশোনার ভার নিতে সে রাজি। মা যদি না আসে, বীরেনের মাকে নিয়ে আসবে ভেবেছিল। কিন্তু শেষ পর্যন্ত সে কিছুই করে উঠতে পারছে না। এই অক্ষমতার জ্বালায় তার ভেতরে আগুনের ফুলকির মতো একটা করুণ দুঃখ কাঁটা হয়ে বিঁধে আছে।

নিজের অফিসঘরে বসে বুঝল, সারাটা রাত্তায় সে কিছুই খেয়াল করে নি। খুবই অল্পমনস্ক ছিল। সারাটা রাত্তা সে শুধু ভেবেছে কি করবে। হাতের কাছে এত দু নম্বরী সম্পদ, অথচ সে ছুঁতে ভয় পাচ্ছে। এই ভয়টা না থাকলে, তার বোধ হয় এতটা সাংসারিক নির্ধাতন থাকত না। লেখার ব্যাপারেও সে

আর একটু কস্মাইজ করলে, হাতে দু পয়সা আসে। কিন্তু স্বভাবে বা নেই সে তা পারে কি করে।

কুস্তবাবু তখন এসে বলল, মাধবটা কি করছে জানেন?

—মাধা আবার কি করছে!

—শিব মন্দিরের পাশে বসে রাতে তাড়ি গিলছে।

টিক এ-সময়েই দরজার ও-পাশে মনোরঞ্জনর মুখ দেখা গেল। সঙ্গে কণী দাব। এরা উঠতি শ্রমিক নেতা। এরাও যেন কুস্তবাবুর সহকারী। কিছু একটা হয়েছে। কিছু দাবি দাওয়া। মাধাকে দিয়ে আরম্ভ শেষ হবে কি দিয়ে সে জানে না।

কুস্ত বলল, তোমরা আবার কেন?

মনোরঞ্জন বলল, কি করলেন জানতে এলাম।

—তোমরা যাও, আমি দেখছি।

ওরা বিনীত বাধ্য ছাত্রের মতো চলে গেল। কুস্ত জমপেশ করে বসল। হাতের আংটি জলজল করছে। সোনার তিনটি আংটি। তিনটেই তিন রকমের পাথর। নসিবেল ঘরে বদলা আছে এই আংটিগুলি তার প্রমাণ। সে ভাগ্য ফেরাবার জ্ঞান একের পর এক পাথর ধারণ করছে। এই সব পাথরের গুঁড় কোন ক্ষমতা আছে কি না সে জানে না। দ্রব্যগুণ কথাটা সে শুনেছে। রাহু শনি প্রভৃতি গ্রহের কোণ প্রশমনে তার এই সব পাথর ধারণ। স্ত্রীর শরীর ভাল যাচ্ছে না বললে, একদিন কুস্তবাবু বলেছিল, একটা ছ' রত্নের প্রবাল ধারণ করান বৌদিকে। দেখবেন সব ভাল হয়ে যাবে। সে যেহেতু এর পক্ষে কোন যুক্তি খুঁজে পায় না, বরং মনে হয় মানসিক দুর্বলতার লক্ষণ সেই হেতু শুধু বলেছে, দেখি। এখন সে বুঝতে পারছে, এই পাথরের কোন গুণাগুণ না থাকুক, কুস্তবাবুর পাথরের উপর প্রবল আত্মবিশ্বাস। যেমন ঈশ্বর, তেমনি এই পাথর। কেউ জীবনে তার কম যায় না। সহজেই সে সব কিছু করে ফেলতে পারে। তার জ্ঞান কোনো অল্পশোচনা বোধ থাকে না।

কুস্ত বলল, আপনি কেন আর বাধা দিচ্ছেন?

অতীশ খুব অবাক হয়ে গেল।—কিসের বাধা?

—কেন জানেন না, ই এস আই অফিসে ঘুষ না দিলে কোন বেডের ব্যবস্থা করা যাচ্ছে না।

অতীশ বুঝল, মাধার কেসটা ঘোরালো হয়ে উঠছে। মাধার জ্ঞান সে সোজা

পথে তার অফিসে আসতে পারে না! মাধা সেই পুরোনো বাড়ির রোয়াকে পড়ে আছে, চাঁদা করে তার সেবা শুশ্রূষা চলছে। ই এস আইর ডাক্তার ওয়ুধ দিচ্ছে। মাধা চুরি করে তাও বিক্রি করে দিচ্ছে। এবং বস্তির কিছু বেয়াড়া ছোঁড়া-রাতে সেই নিয়ে মাধার সঙ্গে জুয়া খেলছে। অতীশ একটা ফুটো কোম্পানির ম্যানেজার। তার কর্মীর এই জীর্ণ দশা। যেন সেই দায়ী মাধার জন্ত। একদিন আসবার সময় দেখেছে, পাশের দোতলার রেলিং থেকে তার দিকে কিছু যুবতী তাকিয়ে আছে। রেলিং থেকে পুরানো বাড়ির রোয়াক দেখা যায়। ওর মনে হয়েছিল, ঐ যুবতী ক'জন তারই অক্ষমতা নিয়ে আলোচনা করছে। অথবা ভাবছে, ম্যানেজারটা কি অমানুষ। নিজে খাচ্ছে দাচ্ছে, এমন কি সে সহবাস করে থাকে, তার যে স্ত্রীপুত্র ঘরবাড়ি আছে তাও তারা জানতে পারে। একজন ম্যানেজারের পক্ষে এটা সত্যি বড় অসম্মানের বিষয়। তার সেই থেকে কেন জানি সোজা পথে আসতে সংকোচ বোধ হত। রাস্তার দু-পাশে যারা যা কিছু নিয়েই কথা বলুক মনে হত, তাকে নিয়েই বলছে। সে একজন অতি মনুষ্যত্বহীন মানুষ এমন তারা ইঙ্গিত করছে। তা-ছাড়া বস্তি অঞ্চলে কানাদুয়া এমনও আলোচনা হচ্ছে আজকাল, এই নতুন ম্যানেজারই যত নষ্টের গোড়া। তার জগৎই হচ্ছে না। অক্ষম। কোন চেষ্টা নেই হাসপাতালে পাঠাবার। অথবা মনে করতে পারে সে তার ক্ষমতার অপব্যবহার করছে। ঘুষ না দেওয়াটাই এ-সময় তার কাছে ক্ষমতার অপব্যবহার মনে হচ্ছিল। অতীশ বাধ্য হয়ে বলল, আমি ছুটি নিচ্ছি একমাস কুস্তবাবু। এই এক মাসে যাকে যা দিলে হয় দিন। মাধার কেসটা আটকে রাখবেন না। ওটাও করে ফেলবেন।

কুস্ত যে খুব খুশী সে-ভাবটা সম্পূর্ণ গোপন করে ফেলল। বরং মুখে বেশ দুশ্চিন্তার ছাপ। এই অকপট অভিনয় অতীশ ধরতে পারে। সে হাসল। বলল, একটা তো মাস!

—এত লম্বা ছুটি!

—কিছু নিজের কাজ করব।

কুস্ত বলল, এই এক দোষ আপনায়। সব কাজটাই পরের ভাবেন। কোম্পানির কাজ নিজের কাজ না।

অতীশ কেমন বেয়াড়া জবাব দিল।—নিজের কাজ হলে ছুটি নেবার কথা উঠত না।

কুস্ত বুঝতে পারছে, কর্পোরেশনের লোকটাকে ঘুষ দেবার পর থেকে খুব

কাহিল হয়ে গেছে। সতীপনা গেছে। সে ভারি উৎফুল্ল বোধ করল। বলল,
কোথাও যাবেন ভাবছেন।

—দেখি।

আর যখন ক্যাশ বুঝিয়ে দিচ্ছিল, তখনই আবার ফোন কারো। টেবিলটায়
ছ দণ্ড বসে এক নাগাড়ে কাজ করা যায় না। কেবল এর ওর ফোন আসে।
কুন্তই ফোন ধরে বলল, হেলো সিট মেটাল। আর সঙ্গে সঙ্গে অতীশ দেখল
কুন্তবাবু কেমন বিদ্যুৎপূর্ণ হয়ে বসে আছে। মুখে কথা ফুটছে না। তৌতলাতে
আরম্ভ করেছে। ফিসফিস করে বলছে, বোঁরাগীর ফোন।

অতীশ হাত বাড়িয়ে কোনটা নিয়ে বলল, বল।

—তোর ঘরে কে?

—কুন্তবাবু।

—কি করছে।

—ক্যাশ বুঝিয়ে দিচ্ছি।

—ওকে ক্যাশ বোঝাতে তাকে কে বলেছে?

—সনৎবাবু।

—তাকে চার্জ বুঝিয়ে দিতে বলেছে, ক্যাশ বুঝিয়ে দিতে বলেনি। সবটা না
জেনে কাজ করতে যাস কেন?

অতীশ জানে চার্জ বলতে এই ক্যাশ। তার ইচ্ছে ছিল না ক্যাশ রাখে।
বড়বামেলা। মাথার মধ্যে সব সময় দুশ্চিন্তা। সে হয় তো হা হা করে
হাসছে কফি-হাউজে, আড্ডা দিতে দিতে, তখনই বুকে কামড়। চাবিটা পকেটে
আছে ত! সঙ্গে সঙ্গে পকেটে হাত। কতদিন হয়েছে, টেবিলের ওপরই চাবি
পড়ে আছে। কতদিন সে বাসায় ভুল করে চাবি কেলে গেছে। ভুল করলে
বাসায় স্থধীরকে চিঠি দিয়ে পাঠত। নিচে সহ। অতীশ দীপঙ্কর ভৌমিক!
কারণ যে কেউ চাইলেই ত আর চাবিটা নির্মালা দিতে পারে না। একটা চাবি
মাথুষকে এত উত্থাপন করে রাখতে পারে সে আগে জানত না। সিট মেটালের
ক্যাশ নিতে সে প্রথমে রাজি হয় নি। আসলে যা হয় ফুটোফাটা কোম্পানি,
পারলে সব কাজ একা অতীশকে দিয়ে চালিয়ে নিলেই যেন ভাল হয়। সনৎ-
বাবুই বলেছিলেন, ছ্যাচড়ামি বন্ধ করতে হলে ক্যাশটা তোমার কাছে রাখা
দরকার। সে ভেবেছিল, দরকার। পরে বুঝেছে, অর্থহীন।

—কি রে তুই কি মনে গেছিস।

অতীশ আচমকা সোজা হয়ে বসল। অনেক হৃদর থেকে তাকে কেউ জাগিয়ে দিল যেন। সে বলল, বল।

—ক্যাশ সনৎবাবু বুকে নেবে। একটু বাদেই যাচ্ছেন।

অতীশ কিছুটা দুশ্চিন্তাগ্রস্ত হয়ে উঠল। সে মোটামুটি হিসাব রাখে। পাই পয়সা মেলাতে হলে, অতীশ সেদিন কুস্তবাবুকে নিয়ে বসে। এক আধ টাকা কম বেশি হলে টিফিন খরচে ধরে দেয়। কিন্তু সে জানে এই সনৎবাবু এমন কড়া ধাতের মানুষ, এক পয়সার হিসেব গরমিল গছন্দ করেন না। এই সামান্য এক পয়সা থেকেই বড় রকমের অভিযোগ সৃষ্টি হতে পারে। তজ্জুনি কোন ছেড়ে ক্যাশটা আর একবার ভাল করে চেক করে রাখা দরকার ভাবল। সে জানে খুব একটা বেটিকের কিছু নেই, তবু কোথায় যে কি ধরা পড়ে যায় শেষ পর্যন্ত।

অমলা কোন কেটে দিয়েছে। একটু বাদেই রাজবাড়ির গাড়ির হর্ন শুনতে পেল অতীশ। কুস্ত তার সামনে বসে আছে। রাক-ক্যাশ বুকের সঙ্গে ভাউচার মিলিয়ে টিক মার্ক দিয়ে যাচ্ছিল কুস্ত। আগেই যোগটা সেরে রেখেছে। সাত আট দিন এক নাগাড়ে ক্যাশ মেলানো হয় নি। একটু সময় লাগছিল। এটা অতীশবাবুর কুঁড়েমি। এটা এক দিকে ভাল। যখন ক্যাসাদে পড়বে তখন বুঝবে ঠেলা। প্রথম যোগ করতে গিয়ে পুরো এক হাজার তিনশ চোদ্দ টাকা সট। সঙ্গে সঙ্গে জমার ঘরে দেখল এই অঙ্কের কোন চেক আছে কি না। এবং পেয়েও গেল। জমা করেছে কিন্তু খরচের ঘরে ব্যাংকে জমার কথা লেখা নেই। এই ধরনের কিছু এটির ভুল ঠিকঠাক করে ক্যাশ যখন মিলে গেছে তখনই গাড়ির শব্দ। রাজবাড়ির গাড়ি ঢুকলে বস্তিবাসীরাও খুব চঞ্চল হয়ে পড়ে। সবাই দাঁড়িয়ে যায়। রাজার গাড়ি বলতে। সনৎবাবু সোজা নেমে ঘরে ঢুকতেই কুস্ত এবং অতীশ উঠে দাঁড়াল। কালো রঙের স্ট্রট, সাদা শার্ট, চকচকে হু, সাদা চুল, কালো রঙের মানুষটি ভারি গম্ভীর। অতীশ ওকে রাজবাড়িতেও এমনই গম্ভীর দেখে থাকে। তবে তার সঙ্গে সনৎবাবু কথাবার্তায় খুব একটা গাভীর বজায় রাখেন না। অতীশ অল্প দশজন থেকে আলাদা—এটা তার ব্যবহারেও প্রকাশ পায়। কারণ ছেলেটার একটা জায়গায় পায়ের নিচে মাটি বড়ই শক্ত। হেলায় সব ছেড়েছুড়ে দেবার ক্ষমতা রাখে। ছুঁতে করে একদিন কথায় কথায় তিনি বলেছিলেন, এ-কাজটা নেওয়া তোমার ঠিক হয় নি। তোমার লেখার বিঘ্ন ঘটবে। বিঘ্ন কথাটাই ব্যবহার করেছিলেন সনৎবাবু।

সনৎবাবু আজ আর আয়াস ভঙ্গীতে চেয়ারে হেলান দিয়ে বসলেন না। বয়েস হয়েছে। অথচ খুবই কর্মঠ, এবং সব সময় নিজের এই কর্মঠ জীবন কত মূল্যবান তার রক্ষার্থে পটুহের কোর্শলটাও তার জানা। সব কিছুতেই ঠিক তিনি ভুল জায়গাটা ধরে ফেলেন। ফাঁকি কোন জায়গায় থাকে, যাকে বলে লুপহোল, তাঁর যেন সেটা আগেই জানা। ক্যাশ বুক নাড়াচাড়া করতে করতে দুটো একটা মাইনর ভুল ধরে ফেললেন। অতীশও সোজা হয়ে বলল, ফেরার ক্যাশবুকে তোলার সময় ঠিক করে নেওয়া হবে। তারপর অতীশ দেখল তিনি কুস্তকেই চাবি বুঝিয়ে দিচ্ছেন। রাফ-ক্যাশ বুকের উপর তাঁর সই, অতীশের সই এবং কুস্ত নিজেও সই করল। অতীশের মুখটা লাল হয়ে উঠছিল। সে বুঝতে পারছে বিষয়টা খুব সরল নয়।

তারপর তিনি টিনের স্টক কত দেখলেন। টিনের গুদামে ঢুকে স্টক ঠিক আছে কি না দেখলেন। কুস্তকে বললেন, যা আছে সব বুঝে নাও। কোথাও গুণ্ডগোল থাকলে এঙ্কুনি বলতে হবে। অতীশ এখন আর একটা কথাও বলছে না। কুস্তবাবু কি বলে সেটা শোনার অপেক্ষায় থাকল। যদি বলে স্টক মিলছে না, যদি বলে কোথাও বড় রকমের গুণ্ডগোল আছে এই সব সাত পাঁচ তাঁর মাথায় ঘুরপাক খাচ্ছে। অমলের গুপ্ত নির্দেশেই এসব হচ্ছে। তাকে অমল অবিশ্বাস করছে। তার চোখ ফেটে অভিমানে জল আসতে চাইল। এবং সনৎবাবু চলে গেলে সে ফোন তুণে বলল, বৌরাণীকে দাও। এই প্রথম সে সরাসরি বৌরাণীর ফোন নম্বর ডায়াল করল।

—কে ?

—আমি। খুবই গম্ভীর গলা অতীশের।

—কিছু বলবি ?

—এ-সব নাটকের অর্থ বুঝছি না অমল।

—নাটক! নাটকের কি হল!

—তুমি ভাব, তুমিই সব বোঝ, আমরা কিছু বুঝি না।

—ঠিকভাবে কথা বল।

—ঠিকই বলছি।

—নাটক আমি করছি না তুই করছিস!

ঘরে একা অতীশ। স্মৃতিরকে বলে দিয়েছে, কেউ দেখা করতে এলে যেন বাইরে বসিয়ে রাখে। সে রাগে হুংহু খরখর করে কাঁপছিল। এত কিছু করার

অর্থই তাকে অবিশ্বাস! সে জীবনে এই অবিশ্বাস চায়নি। সে নিতান্ত সরল সহজভাবে বেঁচে থাকতে চায়। সে বলল, তুমি সনৎবাবুকে কেন পাঠালে?

—তুই একটা মূর্থ।

—মূর্থ বলতে পার। নাহলে আমি এখানে মরতে আসব কেন?

—তোর আর কোথাও জায়গা হত না। এখানে এসে বেঁচে গেছিস।

—ভালই বলছ।

—ভাল বলছি না, মন্দ বলছি, মাথা ঠাণ্ডা রেখে ভাবলে বুঝতে পারবি।

অতীশ বলল, তুমি আমার ভালর জন্য সনৎবাবুকে পাঠিয়েছ।

—তবে কার ভালর জন্য?

—তিনি এসে সব খুঁটিয়ে খুঁটিয়ে দেখলেন। যেন চোরের দায়ে ধরা পড়েছি।

—চুরিটা কোনদিক থেকে হয় তুই জানিস না। কি-ভাবে কাকে জড়ানো যায় তুই জানিস না। তুই মনে করিস সবাই তোর মতো না।

—তা মনে করি না।

—সবাই তোর মতো আবেগে ভোগে না।

—জানি না।

—তোকে নিয়ে আমার সব সময় ভয়। আগে ছিল মানস, এখন তুই।

অতীশ কি বলবে আর ভেবে পেল না। সে বেশিক্ষণ এক নাগাড়ে কথাও বলতে পারে না। মানসদার কথা বলায় সে আরও যেন তলিয়ে যাচ্ছিল। মানসদাকে নিয়ে আগে অমলার ভয় ছিল। সেটা কিসের! সে কেন?

সে যেন কিছুটা স্বযোগ পেয়ে গেছে। এ-সময় সে মানসদার সম্পর্কে দুটো একটা প্রশ্ন করতে পারে। এতদিন সে অমলকে বলবে বলবে করেও কথাটা বলতে পারে নি। কোন উপলক্ষ্য হয় নি। সে বলল, এখন মানসদার জন্য তোমার আর ভয় নেই! সে কি বাঘ। তার মুখে কি তুমি বাঘের ছবি দেখতে পেতে!

—কি বকছিস মাথামুণ্ড। বাঘের কথা আসে কি করে!

অতীশ ভারি সংযত হয়ে গেল। সত্যি ত বাঘের কথা আসে কি করে। আর্চির মুখে ডোরাকাটা বাঘের অবয়ব দেখলেই সে ভয় পেত। সে বার বার চেষ্টা করেছে, প্রার্থনা করেছে—আর্চি তুমি ভাল হয়ে যাও। বাঘের মুখোশটা সরিয়ে কেল। মাঝবের মুখ দেখতে দাও। তাহলে আমি তোমাকে খুন করতে সাহস পাব না।

সে নিজেকে সংশোধন করে বলল, না বাঘ মানে, এই বাঘই তো মানুষকে খায়। বাঘ নরখাদক হলে ভয়ের না।

অমল কেমন আতঁ চিৎকার করে উঠল, অতীশ তুই কি পাগল। সত্যি বল, তোর কি মাথা খারাপ আছে।

—সত্যি কথা বললেই বুঝি মাথা খারাপ হয়!

—মাথা খারাপ না হলে বাঘের কথা আসে কি করে! মাথা খারাপ না হলে তুই আমাকে ফেলে একটা নষ্ট মেয়ের সঙ্গে চলে যাস কি করে! মাথা খারাপ না হলে তুই তার সঙ্গে রাজবাড়িতে ফিরিস কি করে!

—মতি বোনের কথা বলছ।

—মতি বোন!

—হ্যাঁ সুরেন তো তাই বলে। সেই বলেছে, মতি বোন এ-বাড়ির এক নম্বর সতী।

—সুরেনটার অস্থখ আছে। ও যা খুশি বলতে পারে।

—ওর অস্থখ করে কেন অমল!

সেই স্বদূরে আর কোন সংকেত নেই। বোধ হয় বিষম খেয়েছে কথাটাতে। এ-সময় সে বেশ মজা উপভোগ করছিল।—তুমি অমল প্রশ্নের জবাব দাও।

—কুন্ত ঠিকই বলেছে তোর রাজেনদাকে।

কুন্তর কথা আসতেই সে আর মজা করতে সাহস পেল না! সে কুন্তর মুখেও ডোরাকাটা বাঘের ছবি দেখেছে। তার কাছে এটা যে কি সংকট, কি যে ভয়াবহ ত্রাস বলে বোঝাবে কি করে।

—কুন্তবাবু কি বলেছে!

—তুই নাকি বলেছিস ওর বোঁকে লক্ষ্মীর পট কিনে দিবি।

—কিনে দিলে খারাপ হবে বলছ!

—কুন্ত কি বলেছে তার বোঁয়ের লক্ষ্মীর পট চাই।

—না তা বলে নি। তবে ওর বোঁর সাজগোজ দেখে আমার এটা মনে হয়েছিল। লক্ষ্মীর পট কিনে দিলে হয়ত বাঁঝ মরে যাবে। তারপরই অতীশ বলল, তোমাদের বাড়িটায় কি আড়িপাতা থাকে। কিছু বললেই সব তোমরা জেনে যাও কি করে!

—খুব যে কথা ফুটেছে। সামনে বসে থাকলে কথা বলতে পারিস না কেন? মেনিমুখো।

—আমাকে গালাগাল দিতে তোমার ভাল লাগে অমল !

—খুব ভাল লাগে। তোর গায়ের চামড়া ভারি। নাহলে তুই কখনও মতির সঙ্গে কিরতে পারতিস না।

অতীশের মনে হল সবটা খুলে বলে। সে ইচ্ছে করে আসে নি। সে বলল, তুমি পালিয়েছিলে কেন ? তোমাকে আর খুঁজেই পাওয়া গেল না।

স্বদূরে খুটখাট শব্দ কানে এল। কথা এল না। অমল কি ফোন রেখে দিয়েছে। না অমল ওর কথা শোনার জন্য বড় আগ্রহ নিয়ে বসে আছে। সে-ত অমলের সঙ্গে এখন খুব খোলামেলা কথা বলতে পারছে। সে বলতে চাইল, রহস্যময়ী নারী তুমি এখন কি পরে আছ। তোমার একার ঘর। যা কিছু এখন পরে থাকতে পার। তারপরই সহসা মনে হল, তার আসল কথাটাই জানা হয় নি। সে বলল, মানসদাকে তুমি নাকি পাগল বানিয়ে রেখেছ।

—আমি রাখার কে ?

—মানসদার ছবির একজিবিসন করব ভাবছি। কেমন হয়।

—ভাল হবে না এটুকু বলতে পারি। তোর রাজেন্দা এসব পছন্দ করে না।

—তোমাকে একটা কথা বলি অমল।

—কি কথা!

—এবারে ফোন ছেড়ে দেব।

—এই কথা! না।

—কতক্ষণ।

—যতক্ষণ আমার খুশি।

—আমার বোঁ আছে, ছেলেমেয়ে আছে।

—তোর কিছুই নেই।

অতীশ এবার আর না বলে পারল না, ব্যাক থেকে ইন্সপেক্টর আসছেন। তার সঙ্গে কথা বলা দরকার।

—কুস্ত আছে কি করতে।

অতীশ বুঝল, হল না। এখন এও বুঝল, আসলে পাগলটা কে! সে, না হরিশ, না মানসদা, না এই বোঁরাণী। পাগলের সংজ্ঞা কি!

সে বলল, অমল পাগলের সংজ্ঞা কি ?

—কেন জানিস না ?

—না, এটা আমাকে খুব ভাবাচ্ছে। কালই আমি বাড়ি যাব। কত কাজ বাকি। আর তুমি কিনা ফোন ছাড়বে না। তাহলে আমি যাব কি করে?

—ছুটি নিয়ে বাড়ি যাবি?

—বাড়ি। বাবার কাছে। বাবা মাকে কতদিন দেখি না।

—বৌ ছেলেমেয়ে যাচ্ছে।

—না।

—ফুটিটা একাই করবি।

—কাল রাতে তুমি অর্গান বাজিয়েছ।

—শুনেছিলি!

—সারারাত শুনেছি।

—সত্যি।

—সত্যি।

—তবে ঘাস না। ছুটিটা আয় তুই আর আমি এক সঙ্গে কাটাই। খুব আরাম পাবি। বলেই ফোনটা ছেড়ে দিল অমল। তাকে কথা বলতে পর্যন্ত দিল না। সে কি সকালে মনে মনে এই আশা করেছিল! মনে মনে ভেবেছিল, এমন এক গোপন পৃথিবী সৃষ্টি করা যায় না যেখানে এই রমণীকে নিয়ে কোন সারমেয়র মতো সহবাস করা যায়। আকণ্ঠ। সমুদ্র যেমন ভরে থাকে তেমনি। অমলের আড়িপাতা তাহলে এতদূরেও এসে গেছে। সে বুঝে ফেলেছে এক গোপন আকাজক্ষা তাকে ধীরে ধীরে গ্রাস করছে।

সঙ্গে সঙ্গে অতীশের ভেতরে এক ভয়ঙ্কর উত্তেজনা, আগুনের মতো গ্রাস, চোখ কান ঝাঁ ঝাঁ করছে, কেমন যেন অসার শরীর, সে ঠিক থাকতে পারছে না, এবং সেই ছবি, মানসদার আগুনে ছবি মাথার মধ্যে দাপাদাপি শুরু করে দিয়েছে। এক গোপন বধ্যভূমিতে সে দাঁড়িয়ে আছে। তার আর নিস্তার নেই।

তারপর সারাটা দিন সে হাতের বাকি কাজ করল ঠিকই; যেমন তার ফোন করে জানিয়ে দেওয়া দরকার ছিল নির্মলাকে—আমি বাড়ি যাচ্ছি। সেখান থেকে জেটিমার কাছে। সেখানে আর এক লড়াই—প্রেতাঙ্গার সঙ্গে মান্নুষের। জ্যাঠামশাইর কুশপুতলিকা দাহ শেষ হলেই বড়দা এবং বৌদি এবং অন্ত সব আত্মীয়স্বজন সবাই প্রেতাঙ্গার হাত থেকে মুক্তি পাবে। অতৃপ্ত আত্মা নাকি ঘোরাফেরা করছে—সংসারের অস্থ-বিস্থ ছাড়ছে না। বলা যায় না, কাজটা

হয়ে গেলে সেও অশুভ আত্মার হাত থেকে নিষ্কৃতি পেতে পারে। ওর এখন সেখানে যাওয়া বড় জরুরী কাজ।

কোনো কথা বলতেই নির্মালা বলল, বাসাটা খালি রেখে চলে যাবে ?

সে বলল, তালা দেওয়া থাকবে। দুমবারকে বলব রাতে শুতে। তোমার শরীর কেমন? এ-কথা বলতেই মনে হল, শরীর নিয়ে প্রশ্ন করলেই যেন মনে হয়, কবে তুমি ভাল হবে নির্মালা। আমরা কবে আবার পাশাপাশি শুতে পারব। আমি আর পারছি না। সে বোধহয় ভয়ে পরে আর কিছুই বলতে পারত না। কিন্তু নির্মালাই বলল, ভাল। ডাক্তার দেখেছেন আবার। বলেছেন, কিছু ইনজেকশান নিলে সেয়ে যাবে। না সারলে হাসপাতাল। মাইনর সার্জারেশন। জায়গাটা জ্যাপ করে দেবে!

—জ্যাপে কি তোমার মণিকাদিই করবেন!

—ঠিক হয় নি।

—সাবধানে থেক। টুটুল মিন্টু যেন রাস্তায় নেমে না যায়।

নির্মলা এ-সব বোধহয় কিছুই শুনছে না। সে তার কথা বলে যাচ্ছে। যেমন সব সময়ই বলে থাকে, রাত জেগে লিখবে না। শরীর খারাপ হলে কে দেখবে। এটা অবশ্য একটা খোঁটা দেবার কোশল। নির্মালা কলকাতায় আসার পরই কি-ভাবে যে বুঝতে শিখে গেছে, সংসারে বাবা মা ভাই বোন কেউ না। শুধু স্বামী স্ত্রী শুধু পুত্র কন্যা এই সম্বল মানুষের। কেউ কাউকে দেখে না। কিছু হলে কেউ পাশে এসে দাঁড়ায় না। মানুষেরা বড় একা।

নির্মলা আরও নানাভাবে সতর্ক করে দিল অতীশকে। এমন একটা জায়গায় যাচ্ছে, যেখানকার জল হাওয়া অতীশের আর সহ হবার কথা নয়। খাওয়া-দাওয়া সম্পর্কেও সাবধান করে দিল। বাড়িতে ঝাল-টাল বেশি হয়—আলাদা ঝোল করতে বলল। পুকুরে স্নান করতে বারণ করল। বেশি রাতে শহর থেকে ফিরে আসতে বারণ করল। টর্চ নিতে বলল সঙ্গে। এই গরমে সাপের উপদ্রব খুব। অতীশ কথাবার্তা শুনেই বুঝতে পারছে, নির্মলার কাছে এখন বাবার বাসভূমিটা ঠিক তার সেই গোপন বধ্যভূমির মতো। কেউ হাঁ করে বসে আছে। সেখানে গেলেই পূর্ণগ্রাস।

অতীশ সব বিষয়েই বলল, আচ্ছা। হবে। ঠিক আছে। আসব।

তারপর স্টেশনে এসেই সে দেখল কাউন্টারের সামনে সিট মেটালের ছু নম্বরী

খন্দের পিয়ারিলাল। পাশে একটি শ্যামলা মেয়ে। ওকে দেখেই যেন লাইন ছেড়ে ছুটে এসে বলল, বাবুজী আপ।

—বাড়ি যাচ্ছি। অতীশ তার কাউন্টারের দিকে এগুতে থাকল। কিন্তু আশ্চর্য হয়ে গেছে অতীশ, পিয়ারিলাল সব জানে। সে বাড়ি যাবে, রাতের গাড়িতে বাড়ি যাবে—এই স্টেশনে পিয়ারিলালের ভাইঝিও একই গাড়িতে সেই শহরে যাবে। বাবুজী যাবে জেনে তার একটা দুশ্চিন্তা থেকে রেহাই। দাদার অমুখ। তারই যাওয়া উচিত, কিন্তু কাজ কারবারে ফেঁসে আছে, যেতে পারছে না, এমন কি সে অতীশের জন্ম টিকিটও কেটে ফেলেছে। অতীশ টিকিটের দাম দিতে গলে বলল, সে দেবেন বাবুজী। বলেই ডাকল, চারু চারু। সুন্দর সতেজ এবং লক্ষ্মীশ্রী দেখতে পবিত্র এক নারী এসে দাঁড়াল তার সামনে। পিয়ারিলাল বলল, এই বাবুজী। চারু হাত তুলে নমস্কার করল।

রাত এগারোটো দশে গাড়ি। পিয়ারিলালকে টাকা দিতে গলে সে ফের জানাল, টাকার জন্ম এত ভাবনা কেন। সেও আছে অতীশও আছে। টিকিট চারুর কাছেই আছে। অতীশ কিছুটা সংকোচের মধ্যে পড়ে গেছে। কিন্তু চারু তখন বলল, বাবুজী চলুন। প্লাটফর্মে গাড়ি দিয়েছে।

চারু তার চেয়ে সবই বেশি জানে। চারু একসঙ্গে যাচ্ছে। যাত্রীদের মধ্যেও একজন পরিচিত কেউ থাকল, ভাবতে ভালই লাগছে। রাতের ট্রেন কতটা ভিড় হবে সে জানে না। রাতের ট্রেনে তার ঘুমও হয় না। চারুর সঙ্গে কথা বলতে বলতে যাওয়া যাবে। কিন্তু একজন নারীর সঙ্গে সে কি নিয়ে কথা শুরু করবে বুঝতে পারছে না।

গাড়ি ছাড়ার সময়। চারু বলল, আনুন বাবুজী। এবং চারুকে দেখল একটা প্রথম শ্রেণীর কামরায় উঠে যাচ্ছে। সে এখন আর বলতে পারছে না, চারু আমার এত টাকা নেই। পিয়ারিলাল জানে, আমার এত টাকা নেই। তবু সে চারুর পেছনে ঠিক কোন সারমেয়র মতোই অহুসরণ করল। সে জানে কিছু একটা ঘটবে। ফাঁকা কামরা। সে আর চারু বাদে কামরায় কেউ নেই। এমন কি একটা কীটপতঙ্গও না। আর তখনই একটা ষণ্ডা মতো লোক উঠে এল।

চারু বলল, রাম সিং। তারপর অতীশের দিকে তাকিয়ে বলল, বাবুজী।

রাম সিং প্রায় কুর্নিশ করার ভঙ্গীতে অতীশের দিকে তাকাল।

চারু বলল, ও সঙ্গে যাচ্ছে। একটু হাবলা আছে।

গাড়ি ছাড়ার সময় দেখা গেল সে নেই। অতীশ জানালা দিয়ে দেখল, পাশের একটি তৃতীয় শ্রেণীর কামরায় সে উঠে যাচ্ছে।

চারু বলল, চাচাজীর বান্দা লোক আছে। রাতে যাচ্ছি। কোথায় কখন কি দরকার হবে।

॥ পঁচিশ ॥

এই গাড়ি চড়ে কোথাও তবে যাওয়া যায়। গাড়ি ছাড়লে অতীশের এমন মনে হল। পাশাপাশি বসে আছে সে এবং চারু। কামরায় একটা ডিম আলো। তারি নিস্তেজ—কেমন ত্রিয়মাণ এক সৌন্দর্য। চারুর পায়ে রূপোর চেলি। জরির জুতো। নোখে সবুজ নেল পালিশ। আর গায়ে আশ্চর্য সূত্রাণ। ঠিক অমলার মতো অথবা যে কোন হুন্দরী নারীর পাশে বসলেই এই আশ্চর্য দ্রাণ পায় অতীশ। তার তখন নেশা বাড়ে। কলকাতায় আসার পরই এটা হয়েছে, না নির্মলার অস্থখের পর সে বুঝতে পারছে না। আসলে কি নির্মলা তাকে আর ভালবাসে না। শুধু সম্পর্ক জিইয়ে রাখছে। অথবা পাঁচজন কি ভাববে, এত সখ করে যে মানুষকে বরমালা পরালে, পাঁচ সাত বছর পার না হতেই বাজারের শস্তা মাল হয়ে গেল। অথবা মনে মনে কি নির্মলা তাকে ঘৃণা করতে শুরু করেছে। অক্ষম মানুষের অত দায়-দায়িত্ব বোধ কেন! সে কিছুই বুঝতে পারছে না। শুধু বুঝতে পারছে, অমলা তাকে বাঘের খাবায় খেলাচ্ছে। ওর এ-সব ভাবতে ভাবতে হাই উঠছিল।

ইতিমধ্যে ট্রেনটা একটা ছোট স্টেশন অতিক্রম করে গেছে। সব স্টেশন ট্রেনটা ধরছে না। বড় বড় স্টেশন ধরবে সে এটা জানত। দু'একজন যাত্রী উঠলে অস্বস্তি থাকত না। চারুর সঙ্গে সহজেই ঘনিষ্ঠ হয়ে কথা বলতে পারত। চারু শুধু একবার বলেছিল, যখন চা খাবেন বলবেন। ফ্লাকসে চা আছে। যেন চারু জানিয়েই রাখল, দরকার মতো চাইলেই পাবেন। এবং যা হয়ে থাকে, সে এই নারীর ভেতরের শরীর স্পষ্ট দেখতে পেল। অথচ মুখে পরম সাধুভাব। মহাস্ত গোছের মানুষ, যেন অন্ধকারে দু-পাশের গাছপালা মাঠ আবিষ্কার করা ছাড়া তার আর এখন কিছু করণীয় নেই।

চারু দেখল এবং দেখে মিষ্টি করে হাসল। বাবুজী লজ্জায় তার দিকে তাকিয়ে

কথা বলছে না। চারুর ভাল লাগছে। সে খুবই সতর্ক, কারণ পিয়ারিলাল বলেছে, বাবুজী সাক্ষা আদমী। সেই বাবুজী এখন বাইরে তাকিয়ে আছে। সে বলল, বাইরে মুখ রাখবেন না। চোখে কিছু উড়ে এসে পড়তে পারে।

চারু ভারি আপনজনের মতো কথা বলছে। অতীশ এবার মুখ তুলে তাকাল। মেয়েদের সম্পর্কে তার একটা সন্দেহবোধ আছে। আচার আচরণে সেটা আজ আরও বেশি ফুটে উঠেছে। সে তাদের কাছে এলেই সংকুচিত হয়ে পড়ে। খুব খোলামেলা হতে পারে না। সে চারুর কাছেও খুব বেশি খোলামেলা হতে পারবে না। কারণ এটা তার স্বভাবে নেই। সে ভেতরে যতই খারাপ মানুষ হোক বাইরে একটা সন্দেহবোধের সৌধ গড়ে তুলেছে। এবং কেন জানি কখনও মনে হয় এই মিছে আবৃত্তি খুবই অর্থহীন। নিজেকে সে আসলে ঠকাচ্ছে।

তখন চারু বলল, ভোর হয়ে যাবে পৌছতে।

—ঠিক মতো গেলে হবে হয়ত।

আসলে কথার কেউ সূত্র খুঁজে পাচ্ছে না। কিন্তু চারু জানে তাকে সূত্র খুঁজে বের করতেই হবে। মাত্র পাঁচ ঘণ্টা সময়। সে মানুষটার সখ্যতা আদায় করতে এসেছে। তার এখন এটাই বড় দায়। গাড়ি লেট না করলে চারটে সাড়ে চারটায় পৌছানোর কথা। এই শ্রেণীগুলিতে যাত্রী ওঠে না। পিয়ারিলাল সব খবর নিয়েছে। এবং চারুর শরণাপন্ন হয়ে বলেছে, ব্যাওসা লাটে উঠল। বাঁচা।

চারু খুব একটা সেজে আসে নি। সে আসার আগে মানুষটার সব খবর-খবর নিয়েছে। সব শুনে সে বুঝে ফেলেছে, আসলে মানুষটা রুচিবান। রুচিবান মানুষকে মজানো সহজ না। সে সেই বুঝে ঠোঁটে হাঙ্কা লিপষ্টিক দিয়েছে। সেই ভেবে, চোখে হাঙ্কা কাজল দিয়েছে। সাদা সিন্ধ পরেছে। জু প্লাক করাই থাকে। সেটা না থাকলে ভাল হত ভেবেছে। আসলে সে এসেছে মানুষটার কাছে প্রকৃতির জলজগন্ধ নিয়ে। কামুক হয়ে লাভ নেই। চোখে মোটা কাজল দিয়ে লাভ নেই। সব হাঙ্কার ওপর পছন্দ মানুষটার—চারু সব শুনে এমনই ভেবেছে।

তা-ছাড়া সব শুনে চারুর মনটা প্রথম বেশ দমে গিয়েছিল। সূত্রের বলের মতো, কোথায় যে গড়িয়ে যায়, কিন্তু সূত্রের গিঁট অল্প এক দেয়ালের পাশে কেউ ধরে থাকে, সেটা কি চারু কোনদিন জানতে পারবে না। চারু পিয়ারিলালকে বলেছিল, তুমি একটা ভাল মানুষকে প্যাঁচে ফেলছ কেন?, পিয়ারিলাল হেসেছিল। কিছু বলে নি। চারু বুঝতে পেরেছিল, সে যে এতদূর উঠে এসেছে, এই

মানুষটার করুণায়। ঘরে কেউ এলে সাজানো প্লেটে সে এখন মিষ্টি ধরে দিতে পারে।

ফলে পিয়ারিলালের জন্ম চারুর কিছু করতেই আটকায় না। তবু কি যে হয়, মানুষের কি যে থাকে, কোথায় যেন এক আবহমানকালের সংস্কার রক্তের মধ্যে থেকে যায়—খুব নিচে নামতে আটকায় চারুর। মানুষটাকে দেখে সে কিছুক্ষণ হতবাক হয়ে তাকিয়েছিল। সব কিছুই দেখে, আবার কিছুই দেখে না মতো চোখ মুখ, যেন গত জন্মে কি হারিয়েছিল, এখনও তা খুঁজে বেড়াচ্ছে। চারু বলল, কুন্তবাবু আপনার খুব স্নধ্যাতি করে।

কথার একটা যা হোক খেই পাওয়া গেল। সে বলল, কুন্তবাবুকে তুমি চেন।

—বারে চিনব না। আমাদের ঘরের মানুষ। কুন্তবাবু না থাকলে চাচাজীর লোটা কখন সার হত।

মেয়েটা ত বেশ কথা বলে। ঠোঁটে কি সবুজ লিপস্টিক আলতো করে দিয়েছে! কথা বলতে বলতে ঠোঁট ভিজ়ে যাচ্ছিল চারুর। এবং ভারি তীক্ষ্ণ চাউনি। চোখ তুলে যখন তাকায় অতীশের ভারি মোহ হুট্ট হয়।

চারুই প্রায় কথা বলছিল—রাতের ট্রেন বেশ ভাল। আমার খুব ভাল লাগে।

অতীশ রাতের ট্রেনে যেতে ভয় পায়। বিশেষ করে নির্মালা বার বার বলেছিল, তুমি যাই কর রাতের ট্রেনে যাবে না। কত সব কাণ্ড হচ্ছে। ছিনতাই চুরি, ডাকাতি কি না! কিন্তু অতীশ জানে, ভিড়ের মধ্যে সে বসে থাকবে। কিছু টাকা পয়সা থাকবে এই পর্যন্ত। এমনকি সে হাতবড়িও পরে না যে ছিনতাই হবে। জুতো জামা খুলে না নিলে তার যাবার কিছু নেই। যেটা সব চেয়ে অস্ববিধা তার কাছে, রাতের ঘুম নষ্ট। রাতের ট্রেনে তার ঘুম হয় না। সে একটু ঘুমোবে বলেই বাসা ছেড়ে পালাচ্ছে। আর্চির তাজা খেয়ে সে ছুটছে বাবা মার কাছে! দিনে দিনে গেলে হত, কিন্তু সব কাজ সামলে ট্রেন ধরা হয়ে উঠবে না ভেবেই, সে নির্মালাকে বলেছিল সাধধানে যাব। আর একটা রাত একা বাসায় কাটানো তার পক্ষে কিছুতেই সম্ভব নয়। আর্চি তবে আরও বেশি মজা পেয়ে যাবে। সে প্রায় নির্মালাকে এ-সবও বলতে যাচ্ছিল।

অতীশ চারুর সাম্নিখে বেশ উৎসাহিত অনুভব করছে। একবার রাম সিং এসে খবর নিয়ে গেছে, কোন দরকারে সে যদি লাগে। চারু বলেছিল, দরকার

পড়বে না। তুমি চা টা দরকার মতো খেয়ে নিও। বলে পার্স থেকে একটা টাকা বের করে রাম সিংকে দিলে, সে সেই যে চলে গেল আর এল না।

চারু নানাভাবে এখন কথা শুরু করে দিয়েছে। সে দু ইঁটুর ওপর মুখ ভাঁজ করে অতীশের সামনা-সামনি বসে আছে। বাবুজীর বহু কেমন দেখতে, খুব দেখতে ইচ্ছে করে জানাল চারু। অতীশ হেসে বলেছিল, এস না, কুস্তবাবুর সঙ্গে আমার বাড়ি চলে এস। আলাপ হবে।

চারু ততোধিক চোখ ওপরে তুলে বলেছে, আরে বাপস, যাই আর যুদ্ধ লেগে থাক। কোথাকার কোন মেয়ে, ভাবিজীর পছন্দ নাও হতে পারে।

—কেন হবে না। তুমি তো খুব ভাল মেয়ে।

চারু কেমন গম্ভীর হয়ে গেল। জানালায় তাকিয়ে থাকল। অতীশ ভাবল, কোন ষারাপ কথা বলে ফেলেনি ত! যা সে অগ্রমনস্ক, সে অনেকবার মনে করার চেষ্টা করল আসলে সে কি বলেছে! হাতড়ে হাতড়ে পেয়েও গেল। সে বলেছে, তুমি তো খুব ভাল মেয়ে। এ-কথায় রাগ হবে কেন। মুখ গম্ভীর হবে কেন। সে ডাকল, চারু।

চারু মুখ ফেরাল না। বলল, আপনি ঘুমোবেন বাবুজী?

—এ-কথা কেন?

—ঘুমেন না। আমি জেগে বসে থাকব।

—ট্রেনে যে আমার ঘুম হয় না চারু।

—কোথায় হয়।

—তাও জানি না। তারপরই মনে হল বুকের মধ্যে এমন কথায় খুব স্বপ্নে কে যেন দাঁড়িয়ে যায়। বনির মুখ। বনির মতো চারুও তাকে ঘুমোতে বলছে। কারণ সেই ক্লাস্তিকর সমুদ্রে, কখনও সে, কখনও বনি কত সব মরীচিকা দেখতে পেত। অতীশ মরীচিকা দেখতে দেখতে কখনও ভুল বকত, কে আছেন, কে আপনি, আপনি কি সেই বিধাতা, অর গু কেট—বনি বনি দেখে আঁচিটা মুখ ভেংচাচ্ছে!

বনি বলত, তুমি এত কষ্ট পাচ্ছ কেন ছোটবাবু? কোথাও কিছু নেই! আঁচি কোথায়! সব ত খাঁ খাঁ করছে।

প্রায় রাহুগ্রাসের শামিল। গিলছে। অতিকায় সমুদ্র দুই বিশাল খাবা মেলে বসে আছে। হাজার হাজার মাইল ব্যাপ্ত অকূল জলরাশি। বনি বুঝতে পারছে না অসীম সমুদ্রে সে তার সব হিসাব গণগোল করে ফেলেছে। পালে

বাতাস নেই। পাখিটা নিস্তেজ হয়ে পড়ছে। আর আগের মতো উড়তে সাহস পাচ্ছে না। সেও রিম মেরে শুয়ে বসে থাকে। যে-সব পাখি খাবার মজুদ ছিল, তার দিকে তাকালে বুক হিম হয়ে আসে। জলের তলানিতে শ্রাওলা জমছে। সেই শ্রাওলাটুকু বনি তুলছে না। যা রোদের তাপ, শ্রাওলা তুলে ফেললেই সামান্য-যে জলটুকু আছে তা শুকিয়ে যাবে। বনি প্রায় কিছুই খাচ্ছে না। কখনও গলাগিজিত কাঠ কাঠ ঠেকলে শ্রাওলা গলায় কেলে দিচ্ছে। এবং সব সময় ভান করছে, সে তার ভাগ মতো ঠিকই খেয়ে যাচ্ছে।

ছোটবাবু জানে আসলে সে নিজের আত্মরক্ষার উপায় কিছুটা পেয়ে গেছে। প্ল্যাংকটন খেতে তার আর খুব বিশ্বাস লাগছে না। জলের দাক্ষিণ্য তেষ্ঠা মরে যায়। শরীর চাক্ষুষ হয়ে ওঠে। জল, খাবার কিছু না থাকলেও তার ক্ষতি নেই। শুধু বোটটা জলের ওপর ভেসে থাকলেই সে বেঁচে থাকতে পারবে। কিন্তু বনি! সে তো প্ল্যাংকটন মুখে দিতে পারছে না। সব সময় বমি বমি ভাব। চোখ ঘোলা ঘোলা। কঙ্কালসার হয়ে যাচ্ছে। সেই মুহূর্তে চোখ নেই। সজীবতা ক্রমে কেউ রক্তচোষা বাতুড়ের মতো চুষে নিচ্ছে। যেন এটা আর্চিরই অভিসন্ধি। সে ছোটবাবুকে এক ভয়াবহ বিভীষিকায় নিয়ে যেতে চায়। যুবতী নারীর কঙ্কালসার মৃতদেহ সামনে। যেন প্রশ্ন, ও কে?

—আমি চিনি না আর্চি।

—আরে এই ত সেই রহস্যময়ী নারী বনি।

—তা হতে পারে।

—একে নিয়ে আর ভেসে বেড়াচ্ছ কেন?

—কি করব?

—ফেলে দাও। সমুদ্রে নিক্ষেপ কর। হাঙ্গরেরা থাক। দেখি—কি মজা?।

তখনই বীভৎস সেই ছবি আঁচির। আঁচির হাতের আঙুলগুলো সমুদ্র থেকে যেন সাপের মতো কিলবিল করে ভেসে উঠছে। মুখ আর মুখ নেই। নাক কান সব নষ্ট হয়ে এক একটা অতিকায় অক্টোপাসের অঙ্গের মতো হয়ে গেছে। আর সমুদ্রের জলে দাপিয়ে বেড়াচ্ছে। কখনও সেই ভোরাকাটা মুখ নিয়ে অঙ্ককার সমুদ্রে ছায়া মতো তাকে ছুঁতে চেষ্টা করছে। কিন্তু একটা অদ্ভুত বিষয় সে লক্ষ্য করছে। আর্চি বোটে পা দিতে পারছে না। ক্রসটা দেখলেই আঁতকে উঠছে আর্চি। তবু প্রতিহিংসাপরায়ণ হলে যা হয়, জলের ওপর দিয়েই সে এইটে যেতে পারে। মেঘের মতো ভেসে আসতে পারে। অঙ্ককার যত গভীর

হয়, যত শব্দহীন মৃত্যুহীন প্রাণ খেলা করে বেড়ায় চরাচরে তত তার আক্রোশ বাড়ে। ছোটবাবু বার বার চেষ্টা করেও শেষ পর্যন্ত আর সামলে উঠতে পারেনি। চিংকার করে বলছে, দেখ বনি আঁচিটা কেমন মুখ ভেংটাচ্ছে।

বনি কাত হয়ে গিয়েছিল। ছোটবাবুর চিংকারে সে বুঝতে পেরেছে, কখন উঠে বের হয়ে গেছে পাটাতনে। ছোটবাবু ভয়ে চিংকার করছে। সে কোন-রকমে হামাগুড়ি দিয়ে বের হয়ে বলল, এদিকটায় এস। শিগগির। এলবা কোথায়?

—নেই।

বনির গলা ক্যাসক্যাসে হয়ে গেছে। তারি ক্ষীণ গলায় বলল, আমাকে ধরে বস। দাঁড়িও না।

—কি হবে বসে!

—বস না।

ছোটবাবু দেখেছিল, বনি এক হাতে ক্রসটা ছুঁয়ে রেখেছে। আর এক হাতে তাকে ছুঁতে চাইছে। এবং বনির হাত ছুঁয়ে দেবার সঙ্গে সঙ্গে ভোজবাজির মতো কেমন সব অদৃশ্য হয়ে গেল। কিছু নেই। জলের মস্তুর কলকল শব্দ। অন্ধকার আকাশের এক কোণায় করণ বিষণ্ণ একফালি চাঁদ। ছায়া ছায়া হয়ে আছে—অথবা এক প্রগাঢ় নির্জনতা সমুদ্রের। কোথাও রূপ শব্দ। বড় মাছ-টাছ হবে। ভৌঁস করে ভেসে উঠে ডুবে যাচ্ছে।

বনির গলা পাওয়া যাচ্ছে। বলছে, ছোটবাবু বাইবেলটা কি করলে।

—তোমার শিয়রে রেখে দিয়েছি।

—ওটা আমার আর লাগবে না। বলতে গিয়ে বনির কেমন বড় বড় শ্বাস উঠে আসছিল।

বনি কি মরে যাচ্ছে! আসলে বনির গলা শুকিয়ে কি কাঠ কাঠ হয়ে গেছে। জল, খাবার শেষ হয়ে যাবে বলে আগে থেকেই বনি কেটে পড়তে চাইছে। অথবা ছোটবাবুর জীবন রক্ষার জন্য বনি অভিনয়ের আশ্রয় নেয় নি ত। কোন খাবারই মুখে দিতে পারছে না। বলছে, ওক উঠে আসছে। সে একটা আলু-সেদ্ধ ভেঙে জোর করে মুখে পুরে দিয়েছিল দুপুরে। —খাও, না খেলে বাঁচবে কি করে! বনি থায় নি। গলায় আটকে যাচ্ছে। বিষম খেয়ে কেমন নিস্তেজ হয়ে পড়েছিল পাটাতনে। উপুড় হয়ে পড়ে থাকতে থাকতেই বলেছিল, ছোটবাবু আমি পারছি না, সত্যি কিছু খেতে পারছি না।

অন্ধকারে ছোটবাবু বুঝতেও পারছে না। নাকের কাছে হাত নিয়ে দেখল, না, নিশ্বাস পড়ছে। বুকে হাত দিল। টিপ টিপ শব্দ। শ্রালি হিগিনস আপনি কোথায়। এ-কি করলেন! একটু আলো পর্যন্ত জ্বালতে পারছি না। আমাদের সব ফুরিয়ে আসছে। তারপর কি ভেবে বলল, আমাদের নয়। আমরা। বনি কিছুই থাকছে না কেন! আপনি এত ধর্মবিশ্বাসী মানুষ ছিলেন, কোন দৈববাণী করুন। কি করলে বনি আবার খেতে পারবে। বনির বমি পাবে না। বনি আর মরীচিকাও দেখছে না। এখন আমি শুধু মরীচিকা দেখছি।

ছোটবাবুর মনে হয়েছিল, মরীচিকা দেখলে বনি স্বাভাবিক আছে সে টের পেত। সে যেমন দেখছে। মৃত্যুভয় থেকেই সে এ-সব দেখছে। মৃত্যুভয় সব শিরা-উপশিরায় ক্ষুধার্ত নেকড়ের মতো কামড়ালেই সে মরীচিকা দেখতে পায়। তবে ঠিক মৃত্যুভয় কিনা জানে না, বোধহয় একা হয়ে যাবার ভয়, সমস্ত পৃথিবী থেকে বিচ্ছিন্ন হয়ে যাবার ভয়—বনি না থাকলেই সে যেন তাই হয়ে যাবে। জীবনের এক এক মুহূর্তে মানুষের জন্ম অপার সব বিশ্বাস অপেক্ষা করে থাকে। এই সেদিনও বনিকে সে চিনত না, জানত না। বনি এক স্তূর গ্রহের নারী সে বুঝতে পারত না। বনি মরিয়া হয়ে কেবিনে ঢুকে তার সব খুলে না ফেললে সে বুঝতেই পারত না, আসলে কাপ্তানের ছোট্ট ছেলেটা এক বালিকা। তারপরই কি যে সেই গভীর এক গোপন পৃথিবীর আবিষ্কার! তখনই বনি বলছে, ছোটবাবু আমাকে নিয়ে গুইয়ে দাও। যে ক'দিন থাকি, শিয়রে বসে থাক। মরে গেলে আমাকে সমুদ্রে ভাসিয়ে দিও। ক্রসটা জাহাজেই রেখ। তা না হলে আর্চি তোমাকে বিড়ম্বনায় ফেলে দেবে। বাইবেলটা সব সময় পকেটে রাখবে। ওটা তোমায় দিয়ে গেলাম।

চারু দেখল, বাবুজী জানালায় মুখ রেখে তাকিয়ে আছে। ট্রেনের কাঁকুনিতে মাথাটা অগ্নি ছলছে। দু হাঁটুর মধ্যে মাথা। একবার মনে হল বিষমুগ্ধ। মাথা নিচু করা। মুখটা দেখতে হলে হাঁটু গেড়ে নিচে বসতে হবে। যদি না ঘুমোন, তবে দেখবে, এক রমণী তাকে চুপি চুপি চুরি করে দেখছে। এত বেশি কোঁতুহল বাবুজীর পছন্দ নাও হতে পারে। একটা ছোট্ট কথা বলে দেখেছে জবাব নেই। সে তার ব্যাগ থেকে সাদা চাদর বের করে বাঁকে বিছিয়ে দিল। একটা বালিশ। সে এখন ইচ্ছে করলে ডাকতে পারে। গায়ে কাঁকুনি দিয়ে বলতে পারে—আপনি বড্ড ঘুম কাতুরে! উঠুন। শোবেন।

সে ডাকল, বাবুজী!

অতীশ দেখতে পাচ্ছে, আকাশ ফুটো করে এক বলক বিদ্যুতের মতো শীর্ণ ক্যাকাসে লম্বা একটা হাত ওর দিকে এগিয়ে আসছে। বলছে, নাও। তোমাকে দিলাম। রাখ। যত্ন করে রাখ। তবে ও, পাবে না। হাতটা ওর জানালার কাছে বাড়িয়ে রেখেছে। সে যেন হাত পাতলেই টুপ করে কেউ কিছু তাকে দেবে বলে অপেক্ষা করছে।

—বাবুজী।

—হঁ।

—উঠুন।

—কে? আচমকা ভূত দেখার মতো চাকর সজীবতা তাকে কাতর করে ফেলল। বলল, কিছু বলছ চাকর?

—ঘুমোচ্ছেন যে।

—না ত।

—আপনি বড্ড মিছে কথা বলেন।

—আমি ঘুমোচ্ছিলাম।

—তা নয়ত কি?

হবে হয় ত! সে আর কিছু বলতে চাইল না। আবার কেমন নিজের মধ্যে নিমগ্ন হয়ে গেল। এবং এই হয় অতীশের। সে বাড়ি যাচ্ছে। কত দিন আগেকার সব ঘটনা মাথার মধ্যে এখনও করাত চালায়। সে কিছুতেই স্বাভাবিক থাকতে পারে না। এতদিন পর আবার বনি কেন বাইবেলটার কথা বলছে! জোরজার করে বনি যে বিশ্বাস তৈরি করতে চেয়েছিল, মৃত্যুভয় মরীচিকা শেষ পর্যন্ত যা তাকে বিশ্বাস করাতে পারেনি আজ আবার তা কেন বহু রূপে দেখা দিচ্ছে সামনে। হাতের শিরা-উপশিরাগুলো পর্যন্ত নীল রঙের। কঙ্কাল সদৃশ হাতের মধ্যে কেউ যেন একটা চামড়ার গ্লাব্‌স পরিয়ে রেখেছে।

কি ভেবে অতীশ বলল, আমি ঘুমোব না চাকর।

—না ঘুমোলে চা খান। বলে ফ্লাস্কটা পেড়ে নিল। আঁচলটা গা থেকে বার বারই আলগা হয়ে যাচ্ছে। পড়ে যাচ্ছে। সারাক্ষণ সে দেখেছে, চাকর ওর আঁচল সামলাতেই ব্যস্ত। যখনই পাশাপাশি বসে থেকেছে, পায়ের পাতা বার বার শাড়ি টেনে এঁকে দিচ্ছে। এত সব দেখলে অতীশ কেমন বিভ্রমের মধ্যে পড়ে যায়। দেখবে না বলেই, জানলায় মুখ রেখে চুপচাপ আকাশ নক্ষত্র এবং অন্ধকার দেখে যাচ্ছিল। দেখতে দেখতে সে হয়তো সত্যি ঘুমিয়ে

পড়েছিল। নতুবা লম্বা শীর্ণ ক্যাকাসে হাতটা এত স্পষ্ট এখনও সে দেখে
কি করে!

সে বলল, চারু তোমার পরজন্মে বিশ্বাস আছে?

এ-ত আচ্ছা মানুষ। চারু বলল, চাটা ধরুন। ভেবে বলছি।

চারু ফ্লাক্সের ঢাকনাতে চা নিয়ে খেতে থাকল। বলল, পরজন্ম বিশ্বাস
থাকা ভাল।

—এ-কথা বলছ কেন?

—কিছু না থাকলে আর একটা জন্ম আছে, সাধ আহ্লাদ সেখানে মিটবে
এমন আশা নিয়ে বসে থাকা যায়।

—এ-জন্ম বলছ অতঃপরে বিশ্বাস থাকা ভাল?

—আমাদের দেশের মানুষ তো খুব গরীব বাবুজী। এটুকু না দিলে ওরা
বাঁচবে কি করে?

—সে-কথা বলছি না। তুমি বিশ্বাস কর কি না বল?

—মুনি ঋষির কথা বিশ্বাস করতেই হয়।

—আবার করতেই হয়। সোজাসজি ইঁ্যা বা'না বল।

চারু কেমন অগ্রমনস্ক হয়ে গেল এ-কথায়। বাবুজী কি টের পেয়ে গেছেন,
ট্রেনে উঠেই সে বাবুজীকে লোভে ফেলে দেবার নানারকম ছলকলা প্রয়োগ
করে যাচ্ছে। পরজন্মের কথা মনে করিয়ে দিয়ে তাই ভয় ধরিয়ে দিচ্ছেন।
তখনই ঘরের লক্ষ্মীর পট, এবং তেল সিঁদুর মাখা ষট অথবা ছোট জানালায় তার
শিশু সন্তান বাড়ে দিনে দিনে এমনটুকুসব সাত পাঁচ চিন্তার জটিল গ্রন্থি মাকড়সার
জালের মতো ঝুলতে থাকল সামনে। মাকড়সাটা জালের চারপাশে ছুটে
বেড়াচ্ছে। কোথাও স্থির হয়ে এক দণ্ড দাঁড়াতে পারছে না।

অতীশ ফের বলল, তুমি বিশ্বাস কর না।

—করি। চারুর এবার সোজা সরল উত্তর।

—বিশ্বাস করলে এত দেরি হয় না জবাব দিতে। ভয়ে বলছ। তারপর
চারুর মুখে গরীব মানুষ-টানুসের কথা মনে পড়তেই হা হা করে হেসে দিল
অতীশ।

অকারণ অতীশের ভয়ংকর তীক্ষ্ণ হাসি চারুর অন্তরাআয় ঝড় তুলে দিল।
সে ভয়ে ভয়ে বলল, বাবুজী আপনি.....

অতীশ তখনও হাসছে।

—বাবুজী!

অতীশ বলল, চারু আমি মার কাছে যাচ্ছি।

চারুর মুখ কঁাদো কঁাদো হয়ে গেল।

—কতদিন থেকে মা বাবাকে দেখি না!

চারু বোধ হয় দু হাতে মুখ ঢেকেই ফেলত। সে বলতে যাচ্ছিল, আপনার মাথায় গুণ্ডগোল আছে কখাটা তবে সত্যি বাবুজী। তারপরই মায়ের কথা বলায় চারু ভেবেছিল, এই বুঝি সে ধরা পড়ে গেল। মার কাছে যাওয়ার অর্থই কোন তীর্থ দর্শনের মতো পবিত্র ব্যাপার ট্যাপার। এ-সময়ে চারু তাকে অপবিত্র করার যতই চেষ্টা করুক, সে কিছুতেই কাবু হবে না। সব অভিসন্ধি জেনে ফেললে পিয়ারিলাল আর সিট মেটালে ঢুকতেই পারবে না। ওর দু নম্বরী ব্যবসা লাটে উঠবে। সঙ্গে সঙ্গে সে আবার আগেকার চারু হয়ে যেতে পারে। সেটা ত তার গতজন্মের কথা। সে-জন্মে সে কিছুতেই ফিরে যাবে না! পরলোক থাকুক না থাকুক, পরজন্মে বিশ্বাস করুক না করুক, গতজন্মে সে আর ফিরে যেতে পারে না। গতজন্মে ফিরে গেলে তাকে সব আবার হারাতে হবে। সে স্থির এবং বুদ্ধিদীপ্ত কথাবার্তা শুরু করে দিল। তাকে শোখিন করে তোলায় পিয়ারিলালের যেমন আগ্রহ ছিল, তেমনি বিদুষী করে তোলারও আগ্রহ। কারণ এখন এমন একটা সময় যাচ্ছে, ব্যভিচারেও বিদুষীদের সুযোগ সুবিধা বেশি। সে বলল, আপনি কথামৃত পড়েছেন?

—না।

—কিছুই পড়েন না।

—তুমি পড়েছ।

চারু না পড়েও হুঁ করল। বাবুজীর যখন পড়া নেই তখন সে অনায়াসে হুঁ বলতে পারে।

—রামায়ণ মহাভারত।

—পড়া আছে।

—দেবতাদের কথাবার্তায় বিশ্বাস তৈরি হয় নি আপনার?

—ওতো সব মাহুষ, দেবতা সেজে অপকর্ম ধর্মকর্ম সব করছে।

—আপনি নাস্তিক আছেন বাবুজী।

অতীশ উঠে দাঁড়াল। চা খাওয়া হয়ে গেছে। চারুর কথার জবাব দিল না। সে যে নাস্তিক নয়, সে যে প্রেতাশ্রয় শিকার এ-সব বলা যেত। কিন্তু

কাউকে সে বলতে পারে নি। বাবাকেও না। বাবা খুব জোরজার করলে বলেছিল, মানুষের দুর্গন্ধ পাই। মানসদাকে বলেছিল, আপনার ভূতে বিশ্বাস আছে? মানসদা বলেছে, সে আবার কি। সত্যি তার নিজেরও মনে হয়, সে আবার কি! তাহলে তার চারপাশে এত ভূতের উপদ্রব কেন! ঠাকুর দেবতার উপদ্রব কেন? ঠাকুর দেবতার প্রভাব যত দিন যাচ্ছে, বাড়ছে। আর্চি যেমন তাকে তাড়া করে বেড়াচ্ছে, তেমনি সব মানুষকে বিদঘুটে ঠাকুর দেবতা অষ্ট-প্রহর তাড়া করে বেড়াচ্ছে। যার পয়সা নেই, সেও তাড়া খাচ্ছে, যার পয়সা আছে সেও তাড়া খাচ্ছে। ঈশমদা থেকে সারেং সাব, সেলি হিগিন্স থেকে তার বাবা সবাই তাড়া খেতে খেতে নিজের অস্তিত্বকেই বিপন্ন করছে।—সবই তাঁর ইচ্ছে! ওর মনে পড়ছে, বাবার সে সব কথা।—আপনার পুত্র? বাবা হেসে বলতেন, আমার হবে কেন! ওঁর। অতীশের তখন ভারি রাগ হত। নিজের বললে, পাছে ঈশ্বর কুপিত হন, সেই ভয়ে বাবা তাকে নিজের পুত্র বলে স্বীকার করতেও ভয় পেত। সে ভাবত, মানুষের এর চেয়ে অবমাননা আর কি আছে। সে ভাবত, মানুষ যদি আত্মবল না পায় এবং স্বাধীন না হয়, তবে যে-ভাবেই হোক সে একজন ক্রীতদাস। তার নিজের আর কোন অস্তিত্ব নেই। যেটুকু আছে সবটাই ভূতের প্রভাব। তাহলেই সব যায়। থাকে কি। এই ভূতে পাওয়া বিষয়টাই তাকে আর্চির প্রেতাগ্নার কাছাকাছি নিয়ে যাচ্ছে। আর্চিই তার এখন ঠাকুর দেবতা। সে ভাবছে, আর্চির একটা ডোরাকাটা বাঘের ছরি ঘরে রাখবে কি না। পূজা করবে কি না। ফুল বেলপাতা দিয়ে, এষ গন্ধপুষ্প করবে কিনা। তেত্রিশ কোটি দেবতার সংখ্যা বেড়ে গিয়ে তেত্রিশ কোটি এক হবে কি না। কুস্তবাবুকে যদি বলা যায়, শুধু কুস্ত কেন, পিয়ারিলাল, শেঠজীর মতো ব্যক্তিরও মানত করতে পারে। বলা যায় না, তেমন সাক্ষাৎ সিদ্ধিলাভ গণেশ হয়ে গেলে প্রচুর অর্থাগমেরও সম্ভাবনা আছে। অনেক দিন পর নবর কথা মনে হল। নব পারত। নবর কোন খোঁজখবর নেই। শনি ঠাকুরের পূজারী না হয়ে আর্চি ঠাকুরের হলে ল্যাং খেতে হত না। শনি ঠাকুরের খন্দের বেশি। আর্চি ঠাকুর একেবারে হাল আমলের। নতুন কিছু করা যেত—সঙ্গে ঢাকও বাজানো যেত। কম্পিটিশনে নব তাহলে হেরে যেত না।

গাড়িটা বেশ দ্রুত ছুটছে। ঝমঝম রেলগাড়ি, দূরে অদূরে লাল নীল বাতি, ছায়া ছায়া অন্ধকার। গাড়ীর আকাশের ছাদ ফুটো করে গাড়িটা এক অন্তহীন যাত্রায় যেন বের হয়ে পড়েছে। এ-সময়ে অতীশ চুপচাপ—ঢাক নিজের বিছানা

ঠিকঠাক করছে। ওর হাই উঠছিল। বাবুজীর ওপর সামান্য অভিমানও হয়েছে। কথা বললে জবাব দিচ্ছে না। বাইরের দিকে সেই যে তাকিয়ে আছে, কিছুতেই যেন আর চোখ ফেরাবে না। এত অহংকার তোমার বাবুজী। মনের মধ্যে কুট খেলা, সে নিজের ঠোঁট দাঁতে কামড়ে ধরল। আসলে প্রলোভনটা কি-ভাবে তৈরি করা যায়, শুয়ে হাত পা বিছিয়ে, ঘুমের ভান করে এবং সামান্য সাদা শাড়ি শরীরে আঁলা করে দিলে ঠিক থাকে কি করে সে একবার বাজী লড়ে দেখতে চায়।

সে শুয়ে পড়ার সময় বলল, বাবুজী আমি ঘুমোচ্ছি। আবার সে একটা হাই তুলল। পায়ের ঠিক নিচটায় ওর অ্যাটাচি। পাশ ফিরে শুয়ে বলল, একটু দেখবেন। টাকা গয়সা গয়নাগাটি আছে।

অতীশ বলল, ওটা বাংকে তুলে রাখ না! আমি তো আছি।

—আপনি বাবুজী আপনার মধ্যে থাকেন না। আপনাকে বিশ্বাস নেই। পায়ের নিচেই থাকুক। আরামও হবে। পাহারা দেওয়াও হবে।

অতীশ বুঝতে পারল না, চারু কেন পায়ের কাছে রেখে দিল অ্যাটাচিটা। পিয়ারিলালের বাড়ি গাড়ি আছে। ধন-দৌলত আছে। চারু পিয়ারিলালের ভাইঝি। বলেছে বহরমপুরে পাটের বড় মহাজন চারুর বাবা। দামী অলঙ্কার অ্যাটাচিতে থাকতেই পারে। সে কিছুটা অস্বস্তির মধ্যে পড়ে গেল। চারু ইচ্ছে করলে শিয়রে রাখতে পারত, তা পর্যন্ত রাখল না। সব চেয়ে আশ্চর্য অতীশ, চারু তার দিকে পা মেলে শুয়েছে। রূপোর চেলি পায়ে। এবং সামান্য পা তুলে দিলেই শাড়ি সরে গিয়ে উরুর ডিম দেখা যাচ্ছে। অতীশ একবার তাকিয়েই চোখে জালা এবং শরীরে জরজর বোধ করতে থাকল। এমন কি চারুকে বলতে পারল না, দোহাই চারু তুমি ও-ভাবে পা তুলবে না। দোহাই চারু তুমি পা আমার দিকে ঠেলে দেবে না। তবে সে উঠে ওদিকের বাংকটায় গিয়ে বসতে পারে। কিন্তু চারুর অ্যাটাচিটা! ওদিকের বাংক থেকে অ্যাটাচি চোখে পড়ে না। কারণ চারু পা তুলে দিলে টাকা পড়ে যায়। ঘুমের মধ্যে সে তা করতেই পারে।

চারু বলল, ইন্টিশন এলে ডেকে দেবেন বাবুজী। তারপর সহসা মনে পড়ার মতো বলল, এই রে! বলেই দরজার দিকে ছুটে গেল। ফিরে এসে বলল, দরজা লক করে দিয়ে এলাম। কেউ পীড়াপীড়ি করলেও খুলবেন না। রাতের টেন। মাঠের যে কোন জায়গায় থেমে যেতে পারে।

তারপর চারু অতীশকে আর কোন কথা বলতে না দিয়েই রাবারের বালিশটা আরও ফুলিয়ে সাদা চাদরে তা ঢেকে দিল। শেষে রাজধানীর মতো হাত পা বিছিয়ে সত্যি সত্যি নিশ্চিন্তে ঘুমিয়ে পড়ল। যেন সাদা নেই। মাঝে মাঝে ঘুমের ঘোরে পাশ ফিরছে। আর পা থেকে শাড়ি ক্রমেই উঠে যাচ্ছে। আঁচল পাশে লুটছে। কি ঘন সবুজ চুল, নাকের বাঁশি ফুলে উঠছে। ঘুমের ঘোরে পা দুটো ভাঁজ করে দেবার সময়ই অতীশ বুঝতে পারল সে আর পারছে না। তার গায়ে সত্যি সত্যি জ্বর আসছে। উত্তেজনায় কাঁপছে। গরম নিশ্বাস পড়ছে। আর সামান্য তুলে ফেললেই সেই এক গভীর অন্তহীন সমুদ্র। বিপুল অন্ধকারের মধ্যে কোন ছোট্ট জোনাকি পোকা থিরথির করে কাঁপছে। সে পাগল হয়ে যাচ্ছিল, চারুকে সামান্য ছুঁয়ে দেখতে ইচ্ছে করছে। অথবা সারাক্ষণ অগ্নিদগ্ধ হওয়ার চেয়ে এক লাফে জায়গাটা পার হয়ে গেলে কেমন হয়।

অতীশ সব কিছুই এখন দেখতে পাচ্ছে। একবার সে ডেকে উঠল, চারু চারু।

চারু ঘুমের মধ্যেই জবাব দিল, হুঁ।

—ঠিক হয়ে শোও।

চারু শাড়ি ঠিক করতে গিয়ে পা তোলার সময় বাকি যা ছিল তাও দেখিয়ে দিল।

অতীশ চিৎকার করে উঠল, চারু।

চারু উঠে বসল। বলল, ভয় পাচ্ছেন।

অতীশ কোন কথা বলল না।

চারু এবার গা ঘেঁষে বসল।—ভয় কি।

অতীশ কথা বলতে পারছে না। সে আর কিছুই পারছে না। একমাত্র চারুকে নিয়ে লম্বা হয়ে যাওয়া ছাড়া তার এ-মুহূর্তে আর কিছু করণীয় নেই। সে জানে, এতে আর্চি আরও বেশি স্তব্ধা পেয়ে যাবে, সে জানে, এতে আর্চির ঘাঁটি আরও মাথার মধ্যে শক্ত হবে। তবু সব নস্ত্র করে অতীশ দীপঙ্কর এক অপক্লপ লাবণ্যময়ীর কাছে দু হাত তুলে প্রায় যেন ভিক্ষা চাইল। শরীরের প্রজ্জ্বলিত দাবদাহ প্রশমনে এর চেয়ে আর কোন করণ আধারের কথা তার জানা নেই।

॥ ছাব্বিশ ॥

চন্দ্রনাথ শেষরাতের দিকে ভয়াবহ এক ভূঃস্পন্দ দেখলেন। কোথাও ঢাক ঢোল বাজছে। ধূপদীপের গন্ধ। মুণ্ডমালা গলায় মহামায়া। তাঁর পায়ের কাছে চন্দ্রনাথ মৃগাসনে বসে। হোম হচ্ছে। প্রজ্জলিত ছত্ৰাশনে তিনি দেখলেন যজ্ঞের হবি জ্বলছে। তারপর দেখলেন, সেই হবি আর হবি নেই। মানুষের কাটামুণ্ড হয়ে গেছে। এবং অগ্নি মধ্যে সেই মুণ্ড বাপের সঙ্গে তর্ক করার জন্য চোখ পিটিপিটি করে তাকাচ্ছে। তিনি বললেন, এই ছত্ৰাশনে তোমার অবস্থান কেন?

কাটামুণ্ড বলল, এত যে মন্ত্রপাঠ করলেন, দেবী কি আপনার প্রতি প্রসন্ন হয়েছেন?

তিনি বললেন, দেখ অতীশ, তোমাকে এ-অবস্থায় আমি দেখব আশা করি নি।

কাটামুণ্ড হেসে বলল, বলিদান কখন হবে?

—এক্ষুনি।

—কটি ছাগ শিশু?

—তা দেখতে হবে। বহু পুণ্যার্থী এসেছে।

—তাদের বিশ্বাস বলিদান হলেই মুক্তি। জন্ম ব্যাধি মৃত্যু থাকবে না।

তিনি বুঝতে পারলেন, অতীশ তার ঈশ্বরপ্রীতির প্রতি কটাক্ষ করছে। ছত্ৰাশনে থাকলে এমনই হবার কথা। তিনি একটা অতিকায় চিমটা দিয়ে যজ্ঞের প্রজ্জলিত অগ্নি থেকে কাটামুণ্ডটি তুলে আনলেন। বলসে গেছে নাক মুখ। ফোসকা, চামসে গন্ধ। তারপর গঙ্গাজল ছিটিয়ে ওম মন্ত্র উচ্চারণ করতেই দেখলেন, অতীশ দীপঙ্কর অথবা সোনা। সোনা মাঠ পার হয়ে ছুটে যাচ্ছে। সেই মোঘবলির দিনে যেমন অতীশ ভয়ে জড়সড় হয়ে থাকত তেমনি, জড়সড়ের ভিতরে ঢুকে অদৃশ্য হয়ে গেছে।

তিনি তরমুজের জমি পার হয়ে ডাকলেন, সোনা।

কোথাও কেউ সাড়া দিচ্ছে না। চারপাশে বাস্তবপূজা হচ্ছে। মেঘ বলি মোঘ বলি হচ্ছে। আতপ চাল ডালে খিচুড়ি, পায়েসের গন্ধ। তিনি সব ফেলে ছুটছেন। অবোধ এই বালকটিকে এক্ষুনি ধরে আনা দরকার। তাঁর ঈশ্বর-

শ্রীতির প্রতি কটাক্ষ করার অর্থই হচ্ছে মহামায়ার প্রতি কটাক্ষ। তিনি বিরূপ হলে সংসার অসার অর্থহীন। কিন্তু ডেকে ডেকেও সাড়া পাওয়া যাচ্ছে না। তিনি নিজে এবার গভীর বনের মধ্যে ঢুকে গেলেন। ঢুকে যেতেই বনটা কেমন অদৃশ্য হয়ে বড় এক দীঘি হয়ে গেল। দীঘির পাড়ে প্রাচীন সব মন্দির। মন্দিরের দরজা বন্ধ! কতকাল কেউ পূজা দেয় নি। তখনই দেখলেন সোনা পায়ে পায়ে হাঁটছে। মাথায় বুড়ি। বিশ্বপত্র, গাঁদাফুল চন্দনের গন্ধ মাথায় করে বাপের সঙ্গে পূজা দিতে যাচ্ছে। পিতাপুত্র মন্দিরের সামনে হাজির। দরজা খুলে গেল। মহারোষে মহামায়া তাকিয়ে আছেন। পূজা চাই। দীঘিতে ছুঁজনই স্নান সেরে উঠলে দেখলেন হাজার লক্ষ পুণ্যার্থী। তারা তাঁকে খুঁজছে। তিনি মহাপূজা সাজ না করেই উর্ধ্ব্বাসে পালিয়েছেন। করজোড়ে সেই পুণ্যার্থীদের দিকে তাকিয়ে বললেন, পূজার প্রকৃষ্ট জায়গা এই দেবীর মন্দিরে। আপনারা দীঘির ঘাটে অবগাহন করুন। মেঘ মোষ বলি প্রদত্ত যা আছে সব পবিত্র করে নিন। দীঘি তখন দীঘিও নেই। এক শ্রোতাস্থিনী নদী হয়ে গেছে। বিরাট বিশালাকায় নদীর গর্ভে প্রকাণ্ড বালিচর। তাঁবু পড়েছে হাজার হাজার। তিনি প্রায় একজন কাপালিকের মতো ক্রমে আরও প্রবল হয়ে যাচ্ছিলেন। অতিকায় তার শরীর আকাশ ছুয়ে দিচ্ছে। যুপকাঠে বলি শুরু হয়ে গেছে। এবং বলির সময় উৎসর্গ করতে গিয়ে দেখলেন, যুপকাঠে অতীশ নামক এক বোয়াদপ ছোকরা গলা বাড়িয়ে আছে। মনের ভুল ভেবে, তিনি উচ্চারণ করলেন, একে ছেড়ে দাও, অপবিত্র পশু। বলিদানে বিঘ্ন ঘটতে পারে। পরে আর একটি। এ-ভাবে যতই যুপকাঠে বলি প্রদত্ত প্রাণীকুলকে নিয়ে আসছে ততই তিনি বিস্মিত। হাড়িকাঠে গলা দিলেই সে আর পশু থাকে না। তাঁর জাতক হয়ে যাচ্ছে। বুঝতে পারলেন, দেবীর এমনই ইচ্ছে। তিনি আর না পেরে আজ সেই মহাবলিদান সমাপন করলেন। অতীশ বলি প্রদত্ত এক জীব হয়ে গেল। অথচ পায়ের কাছে দাঁড়িয়ে আছে সোনা। গলায় যজ্ঞোপবীত। মাথায় বিশ্বপত্র। তিনি ফের ওম মন্ত্র উচ্চারণ করতেই সব সাফ সোফ হয়ে গেল এবং ঘুম ভেঙে গেল তাঁর!

ঘুম থেকে ধড়ফড় করে উঠে বসলেন চন্দ্রনাথ। গা দিয়ে দরদর করে ঘাম ঝরছে তার। দুর্গা দুর্গা বলে তিনি প্রথম আর্তনাদ করে উঠলেন। শেষ-রাতের স্বপ্ন। কোথাও সংসারে বড় অমঙ্গলের চিহ্ন প্রকট হয়ে উঠছে। বিছানা থেকে তাড়াতাড়ি খড়ম পায়ে বের হতেই ধনবৌ দরজা খোলার শব্দ পেল।

বয়স যত বাড়ছে, মানুষটার তত অস্বস্তি বাড়ছে। অতীশের চিঠি না পেলে এটা আরও বেশি হয়। ধনবোঁ পাশের তক্তাপোশ থেকে বলল, নিজেও ঘুমোও না, আমাদেরও ঘুমাতে দাও না।

আজ রাতে চন্দ্রনাথ এই নিয়ে তিনবার দরজা খুলেছেন। দরজা খুলেই শব্দ হয়। বয়স বাড়ার জন্তু ধনবোঁর ঘুম পাতলা। বার বার ঘুম ভেঙে গেলে কার না রাগ হয়। রোজই ভাবেন, দক্ষিণের ঘরে এবার থেকে একা শোবেন। শেষ পর্যন্ত আর হয় না। চোখে মুখে দুশ্চিন্তা, অতীশটা কেমন আছে, টুটুল মিষ্টু। বোঁমার শরীর ভাল যাচ্ছে না। কারো কিছু যদি বিপদ হয়ে থাকে। ধনবোঁর কথা গ্রাহ্য করলেন না। উঠোনে নেমে প্রথমে আকাশ দেখলেন। আকাশে কৃষ্ণপক্ষের আবছা অন্ধকার। গাছের ছায়া বাড়িটাকে আরও অস্পষ্ট আঁধারে ডুবিয়ে রেখেছে। কিছু জোনাকি পোকা উড়ছিল। সামনে ঠাকুর ঘর। চন্দ্রনাথ দরজা খুলে প্রণিপাত হলেন। বললেন, ঠাকুর এমন দেখলাম কেন? অতীশের কি কিছু হয়েছে? বোঁমার! আরও সব কথাবার্তা চলল গৃহদেবতার সঙ্গে। এবং মনে হল, এ-সময়ে গঙ্গান্নানে যাওয়াই তাঁর প্রাথমিক কর্তব্য। নদী, ফুল, ফল এবং বৃক্ষের সঙ্গে কথা বলা দরকার। তিনি বারান্দায় উঠে হাতে লাঠি নিলেন, লণ্ঠন নিলেন। তাঁকে এখন বের হয়ে পড়তে হবে। রাস্তায় যেতে যেতে সব গাছপালা বৃক্ষকে, আকাশকে এবং নদীর পাড়ে দাঁড়িয়ে শ্রোতস্বিনীকে এই দুঃস্বপ্নের কথা বললে, স্বপ্নের কুফল দূরীভূত হবে।

ধনবোঁ বিছানা থেকে উঠে পড়ল। বাইরে এসে বলল, কোথায় যাচ্ছ?

—গঙ্গান্নানে!

ধনবোঁ ভীষণ ক্ষিপ্ত হয়ে গেল।—সময় অসময় নেই।

—কুপিত হবে না। যেতে যেতে সকাল হয়ে যাবে।

ধনবোঁ কাছে থাকলেই নানারকম অহুযোগ শুনতে হবে। তিনি তাড়াতাড়ি একটু তামাক সেবন করে বের হয়ে গেলেন। বাড়ির আর কেউ জেগে নেই। কুকুর দুটো এখন চন্দ্রনাথের সঙ্গী। ধনবোঁ নানারকম প্রশ্ন করবে ভয়েই তিনি যেন দ্রুত পালাচ্ছেন। কি জানি পাছে দুর্বল মুহুর্তে স্বপ্নের কথা ফাঁস করে দেন। তাহলে নির্ঘাত স্বপ্ন ফলে যাবে।

চন্দ্রনাথ রাস্তায় এসে আর একবার ব্যাগটা হাতড়ে দেখলেন। গামছা ধুতি সবই আছে। তিল তুলসী নিয়েছেন সঙ্গে। নাইজলে দাঁড়িয়ে তর্পণ করবেন। সূর্য্যার্ঘ্য দেবেন। পিতৃপুরুষের শুভাশুভই তাঁর জাতককে রক্ষা করবে। এমন

বোধে তিনি প্রায় আচ্ছন্ন ছিলেন। হাঁটছিলেন। বিশ্ব চরাচর প্রায় নিস্তর। বড় রাস্তায় উঠে তিনি দেখলেন, কুকুর দুটো পেছনে তেমনি আসছে। তাদের সঙ্গেই কিছুক্ষণ আলাপ করা যেতে পারে। দুঃস্থলের ভয় থেকে আপাতত তিনি অব্যাহতি পেতে চান। এমন একটা অদ্ভুত নৃশংস স্থল তিনি দেখলেনই বা কেন। পুত্রের ওপর কি অবিশ্বাস জন্মাচ্ছিল! আগে তো তিনি এমন ছিলেন না। যত বয়স বাড়ছে অল্পতেই ঘাবড়ে যান। নিরাপত্তাবোধে তিনি কি ইদানীং বিপর্যস্ত হচ্ছিলেন। পুত্রের অশুভ কামনা করেছেন! তাঁর অন্তরাগ্না কেমন আতর্জনাদ করে উঠল। বড় পুত্র সতীশের জন্ত তার দুর্ভাবনা হয় না কেন। সে কি সর্বতোভাবে আলাগা হয়ে গেছে বলে। অধিকার রক্ষার আর এতটুকু স্বেচ্ছা নেই বলে! মেজটিরও কি তাই হচ্ছে। দু বছরের ওপর দেখা নেই। মাসান্তে টাকা পাঠিয়ে সে কি শুধু কর্তব্য করে যাচ্ছে! নাড়ির টান তাহলে নেই! ভেতরে চন্দ্রনাথের টান ধরে গেল।

অনেককাল আগে তিনি এক দীর্ঘপথে পরিভ্রমণে বের হয়েছেন মনে হল। সেই জন্মকাল থেকে ইহকাল পার হয়ে পরকালের দিকে হাঁটা দিয়েছেন যেন। বয়স যত বাড়ছে ঈশ্বরভীতি তত বাড়ছে। একটুকুতেই মনে হয় তাঁর ঈশ্বর বুদ্ধি ক্ষুব্ধ হলেন। সব কিছু ঠিকঠাক রেখে যেতে হলে তাঁর অপার করণাই সম্বল। তিনি হাঁটছিলেন আর নক্ষত্রের শেষ আলোকিত রহস্তে উদ্ভাসিত হচ্ছিলেন। এই রাস্তায় এলেই দু-পাশে দিগন্ত প্রসারিত মাঠ পড়ে থাকে! গাছপালার ছায়ায় দু'এক ঘর দাঁড়াতাল পরিবারের বাস। রেল-লাইন পার হলেই শহর আরম্ভ। জলের ট্যাঙ্ক পার হয়ে সদর জেলের পাঁচিল ঘেঁষে যেতে হয়। তারপর বাবলার ঘন বন। নদীর চড়া। এবং নেমে গেলে সেই পবিত্র জলধি। শত শত বর্ষের গ্লানি জননী জাহ্নবী বুকে গুষে নিচ্ছেন। তার এখন জননী জাহ্নবীই অবলম্বন। সেখানে তিনি স্নান করলেন। কুরুক্ষেত্র গয়াগঙ্গা বললেন। এহি সূর্য সহস্রাংশ তেজোরাসে জগৎপতে বললেন এবং বলে ডুব দেওয়ামাত্র কিছুটা হাল্কা হলেন। সেই দুশ্চিন্তার ভার তাঁর অনেকটা লাঘব হওয়াতেই তিনি কুকুর দুটোকে দেখতে পেলেন। পাড়ে তারা বসে আছে। এতক্ষণ এরা তাঁর পেছনে পেছনে এতদূর এসেছে ভুলেই গেছিলেন। শহরের মাথায় সূর্য উঠে গেছে। কিছুটা উঠে এলেই বিমির থৈ বাতাসা পাওয়া যায়। কিছু বিমির থৈ বাতাসা কিনে আজ তিনি কুকুর ভোজন করালেন। মনের মধ্যে মানুষের কত যে জটিল বিশ্বাস অবিশ্বাস থাকে। কুকুরের আহাং হয়ে যাওয়ার পর তিনি

সামান্য প্রসন্নবোধ করলেন। যেন কিছুই হয়নি। পুণ্যকর্মই মানুষকে সব পাপ থেকে দূরে সরিয়ে রাখে। তাকে দীর্ঘজীবী করে। পুত্রের হয়ে আজ চন্দ্রনাথ প্রায়শ্চিত্ত করলেন ঈশ্বরের কাছে। কারণ কুকুর দুটো তার কাছে আর জন্তুর শামিল নয়। যেন সাক্ষাৎ ধর্মরাজ তাঁর সামনে হাজির।

কুকুর দুটির নাম ধরে এবারে ডাকলেন। বললেন, এস। পায়ে পায়ে আবার তারা চন্দ্রনাথের অনুসরণ করতে থাকল। পথে বড় বৃক্ষ দেখলেই তিনি থেমে যান। জল ঢালেন এবং স্বপ্নের আত্মোপাস্ত বলে যান। এই করে বাড়ি ফিরতে চন্দ্রনাথের বেশ বেলা হল। বাড়ি ফিরেই ভীষণ অবাক হয়ে গেলেন, রান্নাঘরে কারো গলা পাওয়া যাচ্ছে। অতীশের গলা। তাঁর বিশ্বাস হচ্ছিল না! বাবার খড়মের শব্দ পেয়ে অতীশ বাইরে বের হয়ে আসতেই তিনি আশ্বস্ত হলেন। কিন্তু একি চেহারা করেছে অতীশ! চোখের নিচে রাত জাগার দৃশ্চিন্তা। কেমন রোগা হয়ে গেছে। এক নজর দেখেই বুঝলেন অতীশ ভাল নেই। স্কুলের চাকরি ছাড়ার আগে অতীশের ঠিক এমনই চেহারা হয়েছিল। অতীশ তাহলে সেই এক মানুষের দুর্গন্ধে অস্থির হয়ে পড়ছে। কিন্তু এই মুহূর্তে সামান্য কটি বাক্য তার সঙ্গে সমপান করা বিধেয় ভাবলেন। বললেন, ভাল আছ?

অতীশ কিছু বলল না।

—বোমা, দাড়া দিদি।

—টুটুল মিন্টু ভাল আছে।

—সবাইকে নিয়ে এলে না কেন?

—আমার ঠিক ছিল না।

—ওদের একা রেখে এলে!

—না একা না। নির্মলা বাপের বাড়ি আছে।

—ক'টার গাড়িতে এলে!

—রাতের গাড়িতে।

—রাস্তায় কোন বিঘ্ন ঘটেনি তো?

অতীশের ভেতর কে যেন একটা কামড় বসাল। বাবা সত্যি কি সব বুঝতে পারেন। ওর চোখে মুখে কি কোন দুঃখের ছাপ ফুটে উঠেছে। কিন্তু সে তো অনেকদিন পর ট্রেনে আজ অঘোরে ঘুমিয়েছে। চাক বিছানা পেতে একবারে সতীসাক্ষী নারীর মতো বলেছে, এবারে ঘুমোন।

—ট্রেনে আমার ঘুম হয় না চারু।

চারু গন্তীর গলায় বলেছিল, আজ হবে।

অতীশ হেসে বলেছিল, হবে না।

—শোন না। তারপর দেখি হয় কিনা। মানুষ না ঘুমালে বাঁচে?

—ঘুমাই না তোমাকে কে বলল।

—কে বলবে আবার, চোখ মুখ দেখলেই বুঝি। আপনার খুব ঘুমের দরকার। অতীশের তখন হাই উঠছিল। এবং আরও কি সব কথাবার্তা বলতে অতীশের চোখ জড়িয়ে আসছিল। ট্রেনটা অবলীলায় ছুটে যাচ্ছে। রমরম শব্দ। কেমন এক শিশুর মতো কেউ যেন তার শরীরে ঝাঁকুনি দিচ্ছে। তার সত্যি কখন ঘুম এসে গিয়েছিল। কতদিন পর, কতরাত পর সে অঘোরে ঘুমিয়েছে ট্রেনে। জেগে উঠেছিল যখন, তখন আশ্চর্য, কামরায় কেউ নেই। চারু না। কেউ না। একটা ছোট্ট ইন্টিশনে ট্রেনটা দাঁড়িয়ে। গাড়ি কোথাও খুব লেট করেছে। ঘুমের ঘোরে সে তাও টের পায় নি। সকাল হয়ে গেছে। চারুপাশে সে চেয়ে দেখল সবুজ মাঠ, শস্তক্ষেত্র। ছোট্ট একটা ইন্টিশন। ইন্টিশনের পাশেই সেই ময়দার কল, সামনে রাস্তা, গাছপালার ভেতর দিয়ে রাস্তাটা আশ্রমের দিকে চলে গেছে। এ-স্টেশনে সে আরও এসেছে। এখানে লোক কম নামে, কম গুটে। কালো কোট গায়ে লোকও বেশি দৌড়ঝাপ করে না। স্টেশনটার নামও সে জানে। কিন্তু চারু কোথায়! পরের স্টেশনে চারু নেমে যাবে। তারপরের স্টেশনে তার নামার কথা। কিন্তু চারু আশ্চর্য এক ভোজবাজির মতো কোথায় অস্তর্ধান করল। প্রথমে বিশ্বাস হয় নি। সে নাম ধরে ডেকেছিল। চারুর কাছে সে ধরা পড়ে গেছে। বড় দুর্বল এবং ভীকু মানুষ সে। তার সবই দরকার। ভীকুতার জন্তু তার কিছু হয় না। সাধু সন্তের মতো মুখ নিয়ে চলাফেরা করে থাকে। আসলে সে আর্চি অথবা কুস্তুর মতোই পৃথিবীর একজন অনিষ্টকারী মানুষ। চারুর অনিষ্ট করেছে সে। বনির করেছে, নির্মলারও। সবার অনিষ্টের মূলে সে। সুতরাং তার মনে হয়েছিল, চারু তাকে আর মুখ দেখাতে চায় না। সে আগেই কোথাও নেমে গেছে। তারপর মনে হয়েছে, যদি এদিক ওদিকে থাকে। সে ডেকেছিল, চারু, চারু! সাড়া নেই। বাথরুমে যদি থাকে, সে গিয়ে দেখল, ভিতর থেকে লক করা নয় বাথরুম। সব ফাঁকা। চারু তাকে এখানে ফেলে গেল, না কি, সে এক স্বপ্নের রেলগাড়িতে চড়ে বসেছিল।

তখনই বাবা বললেন, চিঠি দাও না কেন? আস না কেন?

অতীশ বলতে পারত, আমি ভাল নেই বাবা। কিন্তু বাবা যদি বুঝে ফেলে, কিংবা যদি গন্ধটা পায়, সে আর চারু এবং নির্মলার প্রতি সে ভারি অবিধ্বাসের কাজ করেছে, সে কিছুটা বাবার সঙ্গে কথা বলার সময় বিচলিত বোধ করল। চন্দ্রনাথ কি ভাবলেন কে জানে, শুধু বললেন, ঠাকুর প্রণাম করেছে?

অতীশ যেমন এ-সব করে না, আজও বাড়ি এসে তা করে নি। বাবা যেমন বার বার মনে করিয়ে দেন, এবং বাবার মন রক্ষার্থে যেমন দেব দ্বিজে ভক্তি রাখার চেষ্টা করে তেমনি আজও ভুল হয়ে গেছে মতো বলল, করছি।

—আগে করে এস।

অতীশ আর কি করে। বাধ্য ছেলের মতো চৌকাট ছুঁয়ে মাথা ঠেকাল। হাত ভাঙে অলকা মজাটা দেখছে। মাও বের হয়ে এসেছে। বলল, নে কর। উদ্ধার হয়ে যাবি।

সবটাই খোঁটা। বাবার প্রতি মার খোঁটা। বাবা এ-দেশে আসার পরই বড় বেশি ঈশ্বর বিশ্বাসী মানুষ হয়ে পড়েছিলেন। সেই শৈশবকাল থেকেই দেখে এসেছে, কি করে তিনি বহু দেশ ঘুরে শেষপর্যন্ত গৃহদেবতা গলায় ঝুলিয়ে ফিরেছিলেন। কি করে ঘরবাড়ি করার সময় দেশের মানুষদের ঠিকানা সংগ্রহ করে বেড়াতে। খেরো খাতায় সব ঠিকানা সংগ্রহ করা থাকত। এবং এই করে তিনি তাঁর শিষ্যদের কাছ থেকে গৃহদেবতার নামে কিছু মাসোহারাও ব্যবস্থা করেছিলেন। তখন অন্নসংস্থান করাই ছিল সংসারে পিতৃদেবের একমাত্র কাজ। অভাব অনটন ছিল প্রকট। বাবা কখনও কখনও উধাও হয়েও যেতেন। একবার একটা পঞ্জিকা নিবারণ দাস দিলে বাবা দিনরাত তাই নিয়ে পড়েছিলেন। তা কেনার সামর্থ্যও বাবার ছিল না। এবং যে দিয়েছে তার প্রতি কৃতজ্ঞতায় বাবার চোখে জল এসে গিয়েছিল। মার তখনও বিরূপ কথাবার্তা—মার ধারণা মানুষটার আর একটু বুদ্ধি বিবেচনা থাকলে পরিবারে এত দুর্গতি থাকত না। এ-দেশে এসে যে বাবা নিকুপায় মানুষ হয়ে গেছিলেন, তাও মার কথাবার্তা থেকে বড় বেশি টের পাওয়া যেত। বাবার ঈশ্বর ঈশ্বর ভাব মা একদম সহ করতে পারত না। এই শেষ বয়সেও মার তা যায় নি। মা আজও বলল, নে কর, উদ্ধার হয়ে যাবি।

বাবা মার অহরহ কলহ তার ভাল লাগে না। বাবা তবু সয়ে যান। সময়

সময় বলেন, আমার কাছে সবই সংকল্প পাঠ। মার তখন ভীষণ অবস্থা। বাবার গায়ে এতটুকু ছল কোটাতে পারছে না বলে মা কেমন নিরুপায় হয়ে পড়েন। তখন মার আরও খোঁটা দিয়ে কথা বলার প্রবৃত্তি বেড়ে যায়। এখনও এ-সব হবে ভেবে অতীশ হাঙ্গ ভান্নকে ডাকল। একটু ঘুরে আসা যাক। অনেক দিন পর চাষের জমিতে তার হেঁটে যাবার ইচ্ছা হল। খালপাড় ঝুঁনেমে গেলেই বাবার এক লপ্তে কয়েক বিঘা জমি। এই জমির সঙ্গে বাবার মতো তারও বড় নাড়ির টান। শরৎ হেমন্তে অথবা বর্ষায় জমিতে বাবা কিছু না কিছু চাষ আবাদ করেই থাকেন। প্রহ্লাদকা সব দেখাশোনা করেন। সে এসেছে জানলে প্রহ্লাদকা যেখানেই থাক ছুটে আসত। যেতে যেতেই বলল, প্রহ্লাদকা কোথায় রে!

অতীশকে হাঙ্গ ভান্ন খুব সমীহ করে। কাকে প্রশ্ন করছে ওরা দু'জনের একজনও ধরতে পারল না। অতীশ বুরুতে পেরে বলল, প্রহ্লাদকাকে দেখছি না হাঙ্গ।

হাঙ্গ বলল, প্রহ্লাদকা কালীকে নিয়ে টিকটিকি পাড়া গেছে।

অতীশ বলল, কিছু হয়েছে কালীর।

হাঙ্গ কি বলবে ভেবে পেল না। কি করে বলবে খাঁড় দেখাতে নিয়ে গেছে প্রহ্লাদকা। এই বয়সে এ-সব খবর রাখা দাদার সামনে সমীচীন কি না বুরুতে পারছে না। জমির আলে অতীশ উঠে দাঁড়ালে বলল, কালী ক'দিন খুব ডাকাডাকি করেছে।

অতীশ এখন কিছুই শুনছে না। এদিকের জমিতে বাবা আউস ধান বুনছেন। সতেজ ধানের গাছ, মাঝে মাঝে তিল ফুলের গাছ। ধান ওঠার আগে তিল গাছে ফুল এসে যাবে। তিলের খুব দরকার এ-পরিবারে। তিলের অঙ্কল বাবা খুব খেতে পছন্দ করেন। তিলের বড়াও বাবার খুব প্রিয়। অতীশের মনে হয়, বাবার জীবন বড় নিরুদ্বেগ। চাষ আবাদ, বাড়ির গৃহদেবতা কিছু যজনযাজন আত্মীয়স্বজনের খোঁজখবর, সকাল হলে মাহুঘকে শুভ দিনক্ষণ বলে দেওয়া, বড়ই এক মুক্ত জীবন তাঁর। সে কেন বাবার মতো জীবন পেল না। তার কি উচ্চাশা আছে খুব! উচ্চাশা থাকলে মাহুঘের মধ্যে অহরহ দ্বন্দ্ব থাকে। অশান্তি থাকে। মনে হয় অন্ধকার কারাগারে কেউ তাকে ঘেন ছেড়ে দিয়েছে। সে পথ দেখতে পাচ্ছে না। সেই কারাগার কলকাতা নামক এক নগরী। আবার কিরে যাবে ভাবতেই ভয় হয়। সেখানে কুস্তবাবু, শেঠজীরা তাকে খুঁচিয়ে

মারার মতলবে আছে। সেখানেই আছে আবার তার প্রিয়জন। আছে অমলা। এই সবুজ শস্তক্ষেত্রে দাঁড়িয়ে তার কেমন জীবনে কোথাও বড় ভুল হয়ে গেছে এমন মনে হল। সে কোথাও আজীবন যেতে চেয়েছিল। সেটা কোথায় তার জানা নেই।

কটা দিন বাড়িতে বেশ হৈচৈ করে কাটাল অতীশ। সকাল হলেই মা মুড়ি ছধ পাটালি গুড় দেন খেতে এক খালা। সকাল হলেই বাবা বাজারে যান। কাচকি মাছ, বাতানী মাছ, যা কলকাতায় পাওয়া যায় না, কলকাতায় বাঁচে কি করে মাছ, কথায় কথায় বাবার এমন সব কথা, বাজার থেকে থলে হাতে বাবা ফিরে এলেই মা ডাকবে, অতীশ আয়! দেখে যা কি মাছ এনেছে তোর বাবা। কেমন এক শৈশবের অতীশ যেন। খালার তাজা মাছ কখনও লাকায়। মা এক হাতে সকাল থেকে সব কাজ করে যান। স্বামী পুত্র কন্ডার মুখে দুটো স্বাস্থ্য খাবার তুলে দিতে পারলে জীবনে তার আর কিছু লাগে না। খেতে বসলেই মা বলবে, কিরে কেমন লাগল। তুমি বেশি হয়নি ত। চোখে তো আগের মতো আর ভাল দেখি না।

আসলে মার হাতের রান্না অতীশের কাছে অমৃত সমান।

অফুরন্ত লম্বা সময়, ছুটির সময়, কখনও পুরানো বন্ধু বান্ধবদের সঙ্গে দেখা, দেখা হলেই ফিসফিস করে বলা, এদিকে কোথাও ছুঁজনের ইস্কুলে চাকরি হয় না লীলাময়? আর ভাল লাগছে না। আসলে সে যে কলকাতায় ত্রিশকুর মতো জীবন যাপন করছে, তার শেকড় আঁচা হয়ে যাচ্ছে, অথবা সে পায়ের তলায় মাটি খুঁজে পাচ্ছে না এ-সব কথা বলার সময় বড় কাতর হয়ে পড়ে। কলকাতা মানুষকে দুর্ভোগে ফেলে দেয়। সে একদিন খেতে বসে ডাকল, বাবা?

চন্দ্রনাথ পুত্রের দিকে তাকালেন। এই পুত্রটির জন্ম তাঁর আশাদা গর্ব আছে। অবশ্য মনে মনে। মুখে তার কোন প্রকাশ নেই। শক্ত মজবুত চেহারা। লম্বা, গৌরবর্ণ। চন্দ্রনাথের গায়ের রঙ শ্রামলা। এই পুত্রটি তার মায়ের রঙ পেয়েছে। আদল পেয়েছে বড়দার। কিন্তু কি যে দৃষ্টি এই পুত্রটির চোখে মুখে। খুব কম সময়েই হাসে। বিষমতার এমন প্রতীক তার এই পুত্রটি কেন হল। শেষে মনে হয়, ঈশ্বরে বিশ্বাস না থাকলে এমনই হয়। স্বাধীন মানুষ হতে চাইলে এমনই হয়। তিনি বললেন, কিছু বলবে?

—বড় জ্যাঠামশাইর শ্রাদ্ধের জন্তু সবাই নাকি উঠে পড়ে লেগেছেন?

চন্দ্রনাথ ডালের সঙ্গে গন্ধরাজ লেবুর রস মাখিয়ে নিচ্ছিলেন তখন। পুত্রের

কথায় বুঝতে পারলেন, এই নিয়ে কোন সংশয় অতীশের মনে দানা বাঁধছে।
তিনি বললেন, আরো আগে করা উচিত ছিল ?

—তিনি যে মারা গেছেন তার প্রমাণ তো নেই।

—শাস্ত্রে বিধি আছে।

—সেটা কি বিধি।

—বার বছর কোন মানুষ নিখোঁজ থাকলে, তাঁর দাহকার্য থেকে পারলৌকিক
সব কাজ সেয়ে ফেলতে হয়।

—যদি তিনি ফিরে আসেন। জ্যাঠিমার চিঠি পড়ে আমার এমনই মনে
হয়েছে, তিনি আবার ফিরে আসতে পারেন।

—আমার মনে হয় না।

—আপনি তো অনেক দূরের খবর চোখ বুজলে টের পান। এ-বিষয়ে কি
কখনও ভেবে দেখেছেন।

—না।

—একবার ভেবে দেখুন না।

অতীশ তাকে ক্যাসাদে ফেলতে চায়। আসলে এ-বিষয়ে তার আগ্রহের
অভাব আছে কিছু। শাস্ত্রের বিপরীত চিন্তা করতে তাঁর ভয় হয়। যেন
বিধিমতে কাজটা করে ফেললে সংসার থেকে সব রকমের অন্তত ঘটনা সরে
যাবে। এমন কি অতীশ যে মানুষের দুর্গন্ধ পায় তাও দূরীভূত হতে পারে।
তিনি বললেন, ফিরে এলেও করার কিছু নেই। ঈশ্বরের বিধির ওপর মানুষের
বিধি হতে পারে না।

অতীশের যাওয়া প্রায় শেষ। সে খেতে বসে দ্রুত আহাৰ করে থাকে।
সব কিছুতেই মনে হয় তার বড় বিলম্ব হয়ে যাচ্ছে। যেন কোথাও তার যাওয়ার
কথা। সময় হাতে বড় কম। তার চলা ফেরা, তার অস্বস্তি এবং চাঞ্চল্য
দেখলে এমনই মনে হতে পারে। সে বাবার জবাব পেতেই বলল, কিছু না
করলেই বা কি হয় ?

চন্দ্রনাথ বলল, কিছুই হয় না। তবু মনের শান্তি বলে কথা। মানুষ তো
নিজের আশ্রয়ের জন্তু এই সব বিধি নিষেধ মেনে চলে।

অতীশ বলল, আসলে আপনারা মানুষের চেয়ে প্রেতাত্মাকে বেশি ভয় পান ?

—কে বলেছে।

—জ্যাঠামশাই যদি নাই থাকেন, তবে তার অন্তত প্রভাব সংসারে পড়বে।

কেন। আপনাদের ধারণা তিনি না থাক তাঁর প্রেতাত্মা আছে। সে ঘোরাকের করছে।

—করতেই পারে! তোমার সোনা জ্যাঠামশাই জানিয়েছেন, বড়ল নাকি জল খেতে চান। মাঝে মাঝেই স্বপ্নে তিনি বলছেন, আমাকে এ-ভাবে কেলে রেখেছিস কেন, উদ্ধার কর। আমার বড় তেষ্ঠা।

—পারলৌকিক কাজ করলেই উদ্ধার পাবেন আপনারা?

—তাইত হয়। চন্দ্রনাথ টকের ভাল দিয়ে ভাত মাখতে মাখতে বললেন।

ধনবোঁ বাপবেটার তর্ক শুনছিল। এই সব তর্কে ধনবোঁ স্বামীর ঈশ্বরপ্রীতির প্রতি বিষেষ হেতু পুত্রের পক্ষ অবলম্বন করে থাকে। কিন্তু বড় ভাণ্ডুরঠাকুরের আঁদ্ধ হবে কি হবে না এই বিষয় নিয়ে এখন তর্ক চলছে। অতীশের এতটা নাস্তিকতা আজ কেন জানি ধনবোঁরও ভাল লাগল না। সংসারের স্বপ্ন অস্থায়ী এর সঙ্গে জড়িত। অতীশ কি সাহসে এমন কথা বলতে পারে ধনবোঁ বুকে উঠতে পারল না। ধনবোঁ আর কিছু লাগবে কিনা জিজ্ঞেস করতে এসে বলল, তাই বলে মাছুষটার কাজ হবে না!

অতীশ বলল, আমি যদি না ফিরতাম মা? আমি যদি আবার কোথাও চলে যাই। চন্দ্রনাথ কেমন আতঙ্কিত গলায় তখন বলে উঠল, এ-সব অলুক্ষণে কথা বলবে না। ফিরবে না কেন? আমি তো ঈশ্বরের কাছে তেমন কোন পাপ করি নি। চলে যাবে কেন, তোমার সংসার নেই।

—তাহলে এটা পাপ থেকে হয়েছে বলছেন। জ্যাঠামশাইর পাগল হয়ে যাওয়া, নিরুদ্দেশ হয়ে যাওয়া ঠাকুরদার পাপ কিংবা কর্মফলে হয়েছে।

চন্দ্রনাথ কি বলবেন ভেবে পেলেন না। তার যতদূর জানা আছে বাবা ছিলেন, বড় পুণ্যবান মাছুষ। শতবর্ষ পরমায়ু পার করে তিনি তাঁর জীর্ণবাস ত্যাগ করেছেন। তবু পুত্রের আচরণে কিছুটা ক্ষুব্ধ হয়ে বললেন, আমরা যাই করি, গণ্ডির বাইরে যেতে পারি না। গণ্ডির বাইরে গেলেই সীতা হরণ হয়। সংসারে অপবশ হয়। তুমি তার চেষ্টা করছ। বোমা টুটল, মিল্টুর দিকে তাকিয়ে আর গণ্ডির বাইরে যেতে চেও না।

অতীশ ঘাবড়ে গেল। চাকুর সঙ্গে সহবাস করেছে সে। এ-জন্ম মানসিক পীড়ন বোধ করে নি। বরং ভেতরে যে হাহাকার ছিল এই সহবাসের ফলে তা লাবণ্য হয়েছে। তারপরই চাকুর রহস্যময় অন্তর্ধান কিছুটা ওকে চিন্তামগ্ন করে তুলল। বাবা কিসব টের পান। তিনি কি জানেন, আর্চি নামে এক প্রেতাত্মা

তাকে ভাড়া করছে! একবার প্রশ্ন করতে ইচ্ছে হল, অপযশটা কি বাবা। কিন্তু যদি বাবা বলেই দেন এক নারী তাকে প্রলোভনে ফেলে দিচ্ছে। একজন হবে কেন। অমলাও তো চায়। সে বলল, বাবা আপনি মেজবাবুকে তো চিনতেন?

—কোন মেজবাবু?

—মুড়াপাড়ার।

—অঃ হাঁ, তা কি হল।

—মেজবাবুর বড় মেয়ে অমলার কথা মনে আছে।

চন্দ্রনাথ কি স্বরণ করার চেষ্টা করলেন, সেই জমিদার বাড়ির প্রাসাদ, দীঘি, নদীর পাড় এবং ঝাউগাছের শনশন শব্দ—সব কিছুর মধ্যে এক বালিকার অবয়ব খুঁজে পেতে বললেন, ওরা তো দু বোন ছিল।

—বড়জনের নাম অমলা।

—মনে পড়ছে।

—অমলা এখন কুমারদেহের বৌরাণী।

এই খবরে চন্দ্রনাথের বিশেষ কৌতূহল দেখা গেল। খাওয়া শেষ। শেষ পাতে পিতা-পুত্র অনেকদিন পর যেন স্থিতির মধ্যে ডুব দিতে চাইল। কারণ মানুষ স্থিতির ভেতর নিজেকে বার বার খুঁজে পায়। চন্দ্রনাথ বলল, মেজবাবু ধার্মিক মানুষ ছিলেন। বিয়ে স্থখের হয়নি। বড়কর্তার সঙ্গে মেজবাবুর বিয়ে নিয়ে বনাবনি ছিল না। তিনি কি বেঁচে আছেন?

—না।

—ওনার স্ত্রী তো আগেই গত হয়েছেন।

অতীশ বলল, অমলার মাকে দেখেছেন বাবা?

—দেখিনি। মুড়াপাড়া যাননি। ছবি দেখেছি। ইংরেজ মহিলা। চোখে মুখে আশ্চর্য বিষণ্ণতা ছিল। আসলে তিনি যেন এ-দেশে কাউকে খুঁজতে এসেছিলেন। ভেবেছিলেন, মেজবাবুর মধ্যে তা পাবেন। শুনেছি তা পাননি। বাড়ির ব্যালকনিতে বসে ফোট-উইলিয়ামের দিকে কেবল তাকিয়ে থাকতেন। মেজবাবু প্রশ্ন করলেই বলতেন, কার যেন আসার কথা আছে বাবু। তার জন্ম বসে থাকি।

—মাথায় গুণগোল ছিল বলছেন? অতীশ চন্দ্রনাথকে প্রশ্ন করে অগত্যা চোখ কিরিয়ে নিল। তার যতদূর জানা আছে পাগল-জ্যাঠামশাইও এমন

করেই পাগল হয়ে যান। তারও মনে হত কোথাও নীলকণ্ঠ পাখিরা উড়ে বেড়াচ্ছে। হাতে তালি বাজালেই তারা নেমে আসবে।

চন্দ্রনাথ বললেন, মানুষের যে কি হয়। মেজবাবু বুঝতে পারতেন, তাঁর প্রতি সেই মহিলার কোন আগ্রহ নেই। তবু তিনি সারাজীবন স্ত্রীর মর্যাদা দিয়ে গেছেন। শেষ দিকে শুনেছি আলাদা ঘরে থাকতেন। গীর্জা থেকে কাদাররা আসতেন। বাইবেল পাঠ করে শোনাত। অমলার মার বিশ্বাস ছিল, যে আসবে কথা আছে সে আশেবেই। এ-জন্মে না হয় অল্প কোন জন্মে। মানুষটার জগত তার নিরন্তর অপেক্ষা ছিল।

—সেই মানুষটা কে বাবা?

—বোধহয় ঈশ্বর। আর এ-ভাবেই মানুষের ঈশ্বরপ্রাপ্তি ঘটে। আসলে নিজের জগতই মানুষের সেই ঈশ্বর—যা আমরা খুঁজে মরি। সংসারে থেকেও মানুষের মনে হয়, সে কিছু হারিয়েছে। যতই ঐশ্বর্য থাকুক, যতই স্বস্থ থাকুক, মানুষ সব সময় কিছু না কিছু হারায়। তার মনে হয় সে আবার সব ফিরে পাবে। সে আশায় বসে থাকে। আবার এও মনে হয়, সে যা পাবে বলে বসে আছে তা পেয়ে গেছে। পেয়ে গেলে মনে হয়, না ঠিক পাওয়া হল না। আরও কি যেন বাকি থেকে গেল। তার আশা রোজই কোন না কোন নীল খামে চিঠি আসবে, আসেও। কিন্তু সে চিঠিতে সব খবরই থাকে, আসল খবর বাদে। মানুষের এই প্রতীক্ষাই হচ্ছে ঈশ্বর প্রতীক্ষা। কখন কে যে পেয়েও যায়।

অতীশ বলল, বাবা এই নীলখামের চিঠির প্রত্যাশায় সবাই বসে থাকে যদি তবে এত কুকাজ করে কেন মানুষ?

—কুকাজ? সেটা আবার কি?

—আপনার ধর্মের বিষয়েই আসা যাক। ঈশ্বরকে আপনি বলেছেন, মনের মধ্যে ধরে রাখা যায়। মনই তাঁকে ধারণ করতে পারে। আপনি যদি তাই ভাবেন, তবে কোন কুকাজ করেও তাকে পাওয়া যেতে পারে।

—ঈশ্বরের কাছে কুকাজ স্বকাজ বলে কিছু নেই। সবই তার পৃথিবীতে ঘটে। যা কিছু ঘটে তিনিই নিমিত্ত মাত্র।

—তাহলে বলছেন আমাদের রামলাল পিয়ারিলালরা যে ভেজাল তেল, ভেজাল গন্ধ সাবান চালাচ্ছে তাতে ঈশ্বর ক্ষুব্ধ হন না।

—সে নিজে ক্ষুব্ধ না হলে ঈশ্বর ক্ষুব্ধ হবেন কেন?

—তাহলে তেনার পৃথিবীতে সব কাজেরই এক রকমের ফলাফল। আপনারও
আ হবে, তাদেরও তাই হবে।

—নিশ্চয়। এক চুল কারাক নেই। জরা ব্যাধি মৃত্যু সবাইকে গ্রাস করে।

—তাহলে পরজন্ম বিষয়টা ?

—এখানেই অতীশ মানুষ আটকে যায়। সে-ভাবে এক-ভাবে না এক-
ভাবে জালজুয়াচুরি করে ইহকালটা কেটে গেল। কিন্তু পরকাল। সেই ভেবে
নিরস্ত হয়। বুঝতে পারে ভুল রাস্তায় সে গাড়ি চালিয়েছে। অহুশোচনা
আসনেই। আসতে বাধ্য। তারই নাম পাপ। অহুশোচনাই পাপ, তার দাহ
নিরন্তর।

সে একবার ভাবল বলবে, যার পরকালে বিশ্বাস নেই, ঈশ্বরে বিশ্বাস নেই তার
কি হবে ? কিন্তু তা না বলে, অতীশ বাবার কথাবার্তার মধ্যে কিছুটা নিমগ্ন হবার
চেষ্টা করল। বাবা ঠিক কি বলতে চান, বাবার ধর্মধর্ম কতটা জীবনে গুরুত্ব
পেতে পারে ভাবতে গিয়ে মনে হল, সরল বিশ্বাস ছাড়া মানুষের মুক্তি থাকতে
পারে না। তার সেই সরল বিশ্বাস নষ্ট হয়ে গেছে। দেশভাগ, পৃথিবী পরিভ্রমণ,
আঁচির মতো দুরাঙ্গার নির্ধাতন, শ্রুতি হিগিনসের ঈশ্বর এবং পাপ সম্পর্কিত
সত্যাসত্য এবং সমুদ্রের সেই রুদ্ধরোধ তাকে ঈশ্বর থেকে ক্রমে দূরে সরিয়ে
দিয়েছে। ফতিমার চোখ জলে ভার, চোখ দুটো সে স্পষ্ট মনে করতে পারে। প্রায়
বনির মতো জেদি এবং নিষ্পাপ ছিল সে। তাকে ছুঁয়ে দিলে সোনাকে স্নান
করতে হত। তার এখন হাসি পায় ভাবলে। সে ভাবল, বাবাকে এবারে সেই
নিষ্ঠুর প্রশ্নটি করবে কিনা। বলবে কিনা, বাবা দেশ ছেড়ে এসেছিলেন, অভক্ষ্য
ভক্ষণ করতে হবে ভয়ে। গোমাংস কথাটা বাবা উচ্চারণ করেন না। এই শব্দ
উচ্চারণে বাবার অপবিত্র হবার ভয় থাকে। হয়ত শোণামাত্র তিনি আবার
গঙ্গাস্নানে ছুটবেন। ঠিক খাওয়ার পরই একথা বলতে অতীশের বাধছিল। গলার
কাছে এসেও কথাটা আটকে গেল। কথাটা এই রকমের। অতীশের মনের মধ্যে
গুরুগুরু করছে। সেই এক সমুদ্রযাত্রা। বাস্কারে অমাহুযিক পরিশ্রম। তিন
টনের ওপর কয়লা টানা, স্টকহোল্ড থেকে ছাই হাপিজ করা—বয়লার থেকে
উত্তপ্ত কয়লার চাঙ টেনে বের করা এবং জলে নির্বাপিত করলে সারা স্টকহোল্ডে
দম বন্ধ করা গ্যাসের মধ্যে তার ক্রীতদাসের ভূমিকা এবং ওয়াচ শেষে ক্ষুধার্ত,
ক্লান্ত অবসন্ন এক তরুণের সামনে আহারের থালা—ভাত আর গোসু। সেই
অভক্ষ্য ভক্ষণ। ধর্মের নামে তার বিন্দুমাত্র কুণ্ঠা হয়নি অভক্ষ্য ভক্ষণ করতে।

প্রথম সে কিছুটা অস্বস্তি বোধ করেছিল—এই পর্যন্ত। বলতে ইচ্ছে হল, সব জানলে বাবা আপনি আমার ফের নিরুদ্দেশ হয়ে যাওয়াই পছন্দ করতেন। তা-ছাড়া আপনার জাতক একজন সাদা কথায় খুনী। সে মানুষ খুন করেছে। তার মধ্যে সেই অল্পশোচনা। মানুষ খুনের অল্পশোচনাতেই তার এখন ভারি প্রেতাশ্রার ভয়। মানুষেরা তার অমঙ্গল চাইলেই মনে হয় সব সেই ছুরাত্মা আঁচির কাজ। সব মানুষের পাগল হয়ে যাওয়ার মধ্যেই বোধহয় ছুরাত্মার ভূমিকা থাকে। সেই ছুরাত্মা ঈশ্বর হতে পারেন, আবার আঁচির প্রেতাশ্রাও হতে পারে। পাগল জ্যাঠামশায় সেই ঈশ্বরের বলি। দেশভাগ সেই ঈশ্বরের বলি। মানুষের ভূমিকার চেয়ে ঈশ্বরের ভূমিকা বড় হয়ে গেলে যে সর্বনাশ হয়, তার জলজ্যান্ত প্রমাণ, দেশভাগ আর আমার সেই পাগল জ্যাঠামশাই। এর থেকে মানুষের পরিভ্রাণ আমি খুঁজে বেড়াচ্ছি। প্রেতাশ্রার হাত থেকে বাবা আমি নিষ্কৃতি পেতে চাইছি। ঈশ্বর এবং প্রেতাশ্রা আমার কাছে সমান।

অতীশ মাথা গোঁজ করে বসে আছে। বাবা উঠে যাচ্ছিলেন। সে আবার প্রশ্ন করল, যার পরকালে বিশ্বাস নেই।

—পরকালে বিশ্বাস না থাকলে ফাঁকা মাঠ। ধু-ধু বালিরাশি। কোন গাছই গজায় না যে ছায়া দেবে।

অতীশ তখনই ছুম করে প্রশ্ন করে বসল, আচ্ছা বাবা, প্রেতাশ্রা বড় না ঈশ্বর বড়।

বাবা বললেন, ঈশ্বরই প্রেতাশ্রা, প্রেতাশ্রাই ঈশ্বর। তোমার আরও জেনে রাখা দরকার যে ঈশ্বর মানুষের অনিষ্ট করে তিনি প্রেতাশ্রা। যে-ঈশ্বর মানুষের হিত করে তিনি প্রকৃতপক্ষেই ঈশ্বর।

—তা হলে বলছেন, ঈশ্বর কখনও প্রেতাশ্রা হয়ে যায়।

—ইতিহাসে অনেকবার হয়েছে শুনেছি।

—দেশভাগ প্রেতাশ্রার কাজ?

—ঈশ্বর তখন প্রেতাশ্রার রূপ পরিগ্রহ করেছিল বোধহয়। মানুষই ঈশ্বরকে তৈরি করেছে। মানুষই ভূত প্রেতের স্রষ্টা। মানুষ নেই, ঈশ্বরও নেই। ভূত প্রেতও নেই।

—তবে বিশ্বাস করেন মানুষের সুবিধার্থেই তার সৃষ্টি।

—তা করব না কেন।

—তাহলে ওটা না থাকলে কিছু আসে যায় না। আত্মবিশ্বাসই বড় কথা।

তিনি এবার গম্ভীর গলায় বললেন, আসে যায়।

অতীশ এবার উঠে পড়ল। বলল, কি আসে যায় ?

—তিনি আমাদের আশ্রয়। তিনি আছেন বলেই আমরা আছি।

—তাহলে বলছেন, ঈশ্বর থাকবে, প্রেতাছাড়া মানুষের জন্ত থাকবে।

—ঈশ্বর থাকলে সেও থাকবে। তবে একজন মানুষকে আশ্রয় দেয়, অল্পজন শুধু তাড়া করে। এরপর বাবা কলপাড়ে চলে গেলেন হাত-মুখ ধুতে। বাবার কথাগুলি ভারি গোলমেলে। একটার সঙ্গে আর একটা বড়ই সঙ্গতি-বিহীন। তবু বাবার মতো মানুষের পক্ষে সে বুঝতে পারে, ঈশ্বর দরকার। তারও দরকার। খুব দরকার। কিন্তু চারপাশে এত প্রেতাছার উপদ্রব থাকলে তার মহিমা বোধহয় টের পাওয়া যায় না। তারপরই মনের দুর্বলতা ভেবে সে হেসে ফেলল। এবং বিকেলেই গেল সেই শস্ত্রক্ষেত্রে। আকাশ মেঘলা হয়ে উঠেছে। বিদ্যুৎ চমকচ্ছিল। ঝড় বৃষ্টি আসবে। মাঠে দাঁড়িয়ে ঝড় বৃষ্টিতে তাঁর মহিমা টের পাবার জন্ত অতীশ কেমন ব্যাকুল হয়ে উঠল। তারপর ঝড় বৃষ্টিতে ভিজে সে যখন ফিরে এল, তার আরও হাসি পেল। এও এক পাগলামি। ঈশ্বর ঈশ্বর পাগলামি। আত্মপ্রত্যয়ের অভাব থেকেই মানুষের এই ক্ষ্যাপামি।

সেদিন সন্ধ্যার মুখে যজমান বাড়ি থেকে ফিরে শুনলেন, অতীশ শহরে গেছে। অতীশকে একটা কথা তাঁর বলা হয় নি। বাড়ি ফিরেই ভেবেছিলেন, বলবেন। কিন্তু কখন ফিরবে কে জানে! কথাটা না বললে ভারি দুশ্চিন্তা থেকে যাবে। চারপাশে বিপদসঙ্কুল বার্তা কানে আসছে। তা-ছাড়া খারাপ স্বপ্নটার অস্বস্তিও কাটছে না। বৈকালি দিতে গিয়ে মনে হল, অতীশ ফিরেছে। ভুলে যাবেন ভেবে ঠাকুরঘরে বসেই ডাকলেন, অতীশ এলি ?

অতীশ বারান্দায় উঠেছিল সবে। বাবার ডাকে সে আর ঘরে না ঢুকে ঠাকুরঘরের সামনে গিয়ে দাঁড়াল। প্রদীপ জ্বলছে, ধূপ জ্বলছে। এবং এই ঘরের কাছে এলেই আশ্চর্য এক স্রষ্টাণ পায়। ফলমূলের গন্ধ, চন্দনের গন্ধ, চরণামৃতের ঠাণ্ডা তুলসীপাতা তার একসময় বড় প্রিয় ছিল। কোথায় যেন এর মধ্যে সে এক পবিত্র বারিধি আছে টের পায়। আজও দরজার সামনে যেতে সব ঠিকঠাক নাকে এসে লাগল। বাবা মুখ না কিরিয়েই টাঁট থেকে সামান্য চরণামৃত নিয়ে অতীশের গায়ে ছিটিয়ে দিলেন। যেন কথা বলার আগে পুত্রকে পবিত্র করে নেওয়া। তারপর মন্ত্রপাঠের মতোই বললেন, কলকাতায় থাকিস, রাস্তাঘাট দেখে শুনে চলিস ত !

বাবার এ সব কথায় সে বিস্মিত হল না। বলল, চলি।

—আমার কিন্তু মনে হয় না।

অতীশ বলল, কি করে জানলেন।

—কলকাতায় যে এত বিপত্তি যাচ্ছে তার ত কোন খবরই রাখিস না।

অতীশের মনে হল, সত্যি সে একটা ঘোরের মধ্যে পড়ে গেছে। আগে বাবাকে কলকাতার খবর দিত। ইদানীংকার চিঠিতে তা কিছুই থাকত না। যেন কলকাতাটাই এই রকমের। মিছিল, ছিনতাই, খুনখারাপি, বাস দুর্ঘটনা, যাত্রা নাটক শোভাযাত্রা, পরেশনাথের মিছিল—এই সব নিয়েই কলকাতা। আঁস্তাকুড়, বস্তি, যুবতীদের বেলাল্লাপনা, হা-অন্ন মানুষ, কোটিপতি মানুষ, ট্রাম বাস, বড় বড় হাসপাতাল, নিত্য মহামারীর মতো মুখ হাঁ করে রেখেছে। দু-বছরের মধ্যে আগের মতো সব কিছু চোখে আর তত ঠেকে না। আঁস্তাকুড়ে মানুষের আহাৰ সংগ্রহ দেখলে প্রথম প্রথম আঁচি কি যে মাথার মধ্যে দাপাদাপি করত। এখন আর তা করে না। ঘুষ দেবার পর থেকে কিছুদিন আবার আঁচির ঘোরে পড়ে গেছিল। ট্রেনে চারুর সঙ্গে সহবাসের পর একদিনও আর আঁচি এসে জ্বালাতন করে নি।

অতীশ উত্তর না দেওয়ায় বাবা ক্ষেঁর বললেন, তোমাকে একটা কথা বলা হয় নি। মনে রেখ কথাটা খুব দরকারী। এখানে কেউ এসে দেয়ালে লিখে দিয়ে যাচ্ছে, আগুনে ফুঁ দিবে। কদিন এই নিয়ে হৈচৈ গেছে খুব। যে লিখত সে ধরাও পড়েছিল। তোমার মা তাকে সেবাযত্ন করে খাইয়েছিল। সকালে প্রহ্লাদ জানাল নেই। কোথায় আবার ভেগে গেছে। এরা কারা তুমি জান?

সে বুঝতে না পেরে বলল, কি করে বলব?

—তুমি তো কলকাতায় থাক। অনেক খবর রাখার কথা।

—এখন ত কত রকমের আন্দোলন হচ্ছে। দু তিন বছর আগে চীন প্রভে কম্যুনিষ্টরা দু-ভাগ হয়ে গেল। অতীশ বলল।

—কেন হয়ে গেল?

—আদর্শের লড়াই। অতীশ বিরক্ত হয়ে বলল, ঠাকুরঘরে বসে থাকলে বুঝতে পারবেন না।

চন্দ্রনাথ পুত্রের বিরূপ মন্তব্যে ক্ষোভ প্রকাশ করলেন না। ঠাণ্ডা মাথায় বললেন, সে বুঝতে না পারি—তোমাকে বাবা কিন্তু বলে দিচ্ছি, এ-সবে থেক না। নিজে ঠিক থেক। নিজে ঠিক থাকলে আদর্শের কোন লড়াই থাকে না।

কলকাতা যাবার আগে তোমার ভাই দুটোকেও বুঝিয়ে দিয়ে যেও। ওরা আমার কথা গ্রাহ্য করে না। নিবারণ দাস তোমার ভাইদের সম্পর্কে অভিযোগ করেছে। এটা নাকি বড়ই ছোঁয়াচে রোগ। প্লেগের চেয়েও ভয়াবহ। বাড়িতে মহামারী শুরু হোক আমি চাই না।

অতীশ বলল, বলে যাব।

—আর শোন, তারপর কি-ভাবে পুত্রের দিকে মুখ ঘুরিয়ে বললেন, ভিতরে এসে বস। কথা আছে।

অতীশ বুঝতে পারল বাবা আরও কিছু তাঁর সংশয়ের কথা বলবেন। অথবা মনে হল মার বিরুদ্ধে হয়ত অভিযোগ আছে বাবার। মার বিরুদ্ধে কোন অভিযোগ থাকলে, কাছে গিয়ে শুনতে হয়। মার মধ্যে নাকি অভাব অনটনের বাই আছে। সব সময় অভিযোগ, এটা নেই, ওটা নেই। নিকর্মা মানুষের হাতে পড়লে যা হয়। আপাত মনে হয় মার এ-সব কথা বাবা আজীবন অগ্রাহ্য করেছেন। কিন্তু বাবার চোখের দিকে তাকালে সে বুঝতে পারে বাবা এতদূর যে হেঁটে এসেছেন, সে একমাত্র মাকে স্থায়ী করার জন্য। এবং যখন রেযারেযি শুরু হয় দু'জনে তখন বাবার কি হতাশা চোখ মুখ। অতীশের তখন বাবার কষ্টটা ভিতরে বড় বাজে। সে দরজার কাছে গিয়ে বলল, বলুন না।

—ভিতরে আসতে এত ভয় কেন? এখানে আর যাই থাক ভৃত নেই।

সে বলল, হাত পা ধোয়া হয় নি।

বাবা হেসে দিলেন।—তাহলে ঈশ্বর ভীতি আছে।

অতীশ চীৎকার করে বলতে চাইল, না নেই। কিন্তু কিছুই বলতে পারল না।

চন্দ্রনাথ বললেন, ঈশ্বরের করুণা তোমার শরীরে আছে। তুমি নির্ভয়ে ভিতরে আসতে পার। তোমার পাপপুণ্য বোধ তীক্ষ্ণ। তাঁর মহিমা না থাকলে এটা হয় না। এটা যখন থাকবে না, তুমি পাপ-পুণ্যের স্ফারাক বুঝতে কষ্ট পাবে।

অতীশের ভিতরে ঢুকতে গিয়ে মনে হল, তবে কি সে চাকর সঙ্গে সহবাস করার পর গুণ্ডার হয়ে গেছে। তাকে আর আর্চি তাড়া করেছে না। আর্চি শেষ পর্যন্ত কাজ হাসিল করে উঠাও। নিম্নলিখিত প্রতি অবিস্বাসের কাজটা সেয়ে আর্চি প্রমাণ করতে চাইল, প্রেম ভালবাসা, স্ত্রীপুত্র সংসার সবই নিজের আত্ম-স্থখের জন্য। এর বাইরে পৃথিবীতে আর কিছু নেই। আত্মস্থখের জন্যই আর্চি বনির প্রতি বিরূপ আচরণ করেছিল। আর্চি আর সে এক।

চন্দ্রনাথ পাশে এক ফুলতোলা আসন পেতে দিয়ে বললেন, বস।

অতীশ বসল।

চন্দ্রনাথ বললেন, তোমার শত্রুপক্ষ প্রবল।

অতীশ খুব ভাবাচাচাকা খেয়ে গেল। সে-ত বাবাকে তার বিপর্যস্ত জীবন সম্পর্কে কিছু লেখেনি।

বাবা আবার ফিসফিস করে বললেন, বেঁচে থাকতে গেলে মানুষকে পাপ কাজ করতেই হয়। ঈশ্বর বল অবতার বল, কেউ পাপ কাজ করেন নি গলা উচু করে বলতে পারবেন না। যদি আমি তুমি ঈশ্বরের অংশ হয়ে থাকি, সেই পরমব্রহ্মের যদি আমরা ক্ষীণ অস্তিত্ব আমাদের মধ্যে আছে বিশ্বাস করি, তবে সব পাপ পুণ্যের দায়-ভাগও তার। তাঁর ইচ্ছাই তুমি পূর্ণ করেছ। তোমার অল্প নারীতে গমন কিংবা অকাজ কু কাজের প্রলোভন যদি হয়ে থাকে তাও তাঁরই ইচ্ছে। হুতরাং মনঃকষ্টে ভুগবে না। তোমার স্ত্রীপুত্রকন্যার জন্ত তোমাকে আরও বেশি আত্মবিশ্বাসী হতে হবে। মানুষকে সুখে রাখার কাজটা ঘর থেকেই আরম্ভ করতে হয়। সবাই যদি তোমার মতো হয়, ঈশ্বরের সৃষ্টি তবে থাকে কি করে।

অতীশ খুবই বেয়াড়া জবাব দিল, অল্প নারীতে গমন বলছেন কেন?

—হয়। এই বয়সে সব হয়। নির্মলাকে সুস্থ করে তোল।

—হবে কেন?

—ঈশ্বরের ইচ্ছাতেই হয়। তুমি মনে কর সবটাই তোমার। আমি মনে করি সবটাই তাঁর?

অতীশ বলল, যা আমার নয়, তার দায়ভাগ আমি নেব কেন?

—জগ্নেছ বলে নিতে হবে।

অতীশ নিজেকে ঈশ্বরবিহীন প্রতিপন্ন করার জন্ত বলল, অল্প নারীতে আমার গমন হয় নি!

চন্দ্রনাথ বিগ্রহের দিকে মুখ ফিরিয়ে নিলেন। বললেন, গমন হলেও কোন দোষের না।

বাবা এ-সব কি বলছেন! এ একেবারে উল্টো কথা। আসলে বাবা বুঝি টের পেয়েছেন, অল্পশোচনা মানুষকে পাগল করে দেয়। বাবা তাঁর পুত্রের মজলার্থে পৃথিবীটাকে এখন বিপরীত প্রান্ত থেকে দেখছেন, সে বলল, যা হয়নি তাই নিয়ে অযথা মাথা ঘামাচ্ছেন বাবা। সে আজ প্রথম বাবাকে ছলনা করল। বাবার অল্পমান নির্ভর কথাবার্তা তাকে বড় বেশী পীড়া দিচ্ছিল। বাবার সঙ্গে

ছলনা করা ছাড়া এসময় হাতের সামনে অল্প কোন উপায় খুঁজে পেল না অতীশ। চন্দ্রনাথ বললেন, তোমার মঙ্গল হোক। তারপর বিগ্রহের ফুল বেলপাতা কিছুটা তুলে নিলেন। অতীশ বুঝতে পারল বাবা এই ফুল বেলপাতা তার পকেটে এবং অ্যাটাচিতে ভরে দেবে।

অতীশ বলল, উঠি বাবা।

চন্দ্রনাথের এক মাথা চুল দাড়ি প্রদীপ শিখায় কেমন এক অলৌকিক প্রবাহ তৈরি করছে। ধূপদীপের গন্ধ, চন্দনের গন্ধ, খালায় বৈকালির নকুলদানা বাতাসা, ময়ূরের পালকের তৈরি বিগ্রহের রূপোর মুকুট সবই কেমন এক রহস্যময় জগৎ। অতীশ প্রবল আকর্ষণে বোধ হয় তলিয়ে যাচ্ছিল। সে জোর করে উঠতে চাইল। কিন্তু উঠতে পারছে না। হাতে পায়ে সে কেমন চলৎশক্তি হারিয়েছে। সে চিৎকার করে বলতে চাইল, বাবা আমি উঠতে পারছি না কেন, জোর পাচ্ছি না কেন?

চন্দ্রনাথ বললেন, পাবে। তারপরই ষণ্টা নাড়তে আরম্ভ করে দিলেন। অতীশ বলে তার কোন জাতক অথবা স্ত্রী পুত্র পরিবার কেউ আছে এখন আর বাবার নিমগ্ন অবস্থা দেখলে বোঝা যায় না। অতীশের মনে হল বাবা যেন তাকে উৎসর্গ করে বলি দেবার নিমিত্ত এই বিগ্রহের সামনে এনে বসিয়ে রেখেছেন। ফুল বেলপাতা দিয়ে তার শেষ অর্চনা শুরু। অতীশ প্রায় একলাফে চৌকাঠ পার হয়ে বের হয়ে গেল। বাবাকে সত্যি কোন কাপালিক পুরুষের মতো মনে হচ্ছিল তার।

॥ সাতাশ ॥

অতীশ চুপি চুপি চোরের মতো পাতাবাহার গাছগুলোর সামনে এসে দাঁড়াল। আবছা অন্ধকার। অন্দর মহলের গাভিবারান্দায় একটা আলো জ্বালা থাকে—আজ তাও জ্বলছে না। রাজবাড়িতে ঢুকতেই কেমন ভয় করছিল তার। একমাস ছুটি কাটিয়ে সে রাতের ট্রেনে ফিরে এসেছে! এই একমাস নির্মলার একটা চিঠি ছাড়া পৃথিবীর আর কেউ তার কোন খোঁজখবর করেনি। রাজার সিট .মেটালের, চার্জে সে আছে, সে না থাকলে কারখানা অচল, এমন একটা ধারণা কারা যেন যড়যন্ত্র করে তার মাথা থেকে সাক করে দিয়েছে। সে

কালতু এই বোধটা অহরহ পীড়া দিচ্ছিল। আশঙ্কা বার বার, কাজটা তার আছে ত! সনৎবাবু রাধিকাবাবু মিলে যদি রাজার কানে তুলে দেয়, একটা গোঁয়ার লোককে দিয়ে আপনি কারখানাটাকে রসাতলে দিচ্ছিলেন, কুস্ত্র কত সহজে তা একমাসেই কজা করে এনেছে! কারখানা চালাবেন, অথচ কারচুপি থাকবে না সে কখনও হয়! কুস্ত্র হয়ত এ-মাসের ফ্রাপ বিক্রির সবটা টাকাই রাজার হাতে দিয়েছে। রাজাকে আবার লোভে ফেলে দিতে পারলেই তার মজা। সারাটা ট্রেনে এমন এক আশঙ্কা কুট কুট করে কামড়াচ্ছিল। পাতা-বাহার গাছগুলির পাশে এসে দাঁড়াতেই ভয়—এখনি বুঝি আঁচির প্রেতাঙ্গা খিল-খিল করে হেসে উঠবে।—কেমন, বোঝ এবার।

গাছগুলি তেমনি সজীব। সে পাতাগুলো ছুঁয়ে দেখবে ভাবল। এই গাছ-গুলোতেই এক রাতে আঁচির ঘোলাটে কুয়াশার মতো অবয়ব জল হয়ে মিশে গিয়েছিল। সেই জল হাতে লাগে কিনা, জলটা থাকলেই মনে হবে, সে এখনও আছে, তাকে সারাজীবন তাড়া করবে বলে পোকামাকড়ের মতো পাতার গায়ে হেঁটে বেড়াচ্ছে—এবং পোকামাকড় মনে হতেই গাটা তার শিরশির করে উঠল। পাতাগুলো ছুঁয়ে দেখার সাহস পর্যন্ত হারিয়েছে। সে ভাবছিল তালা খুলে কি দেখবে কে জানে! একমাস একটা বাসা খালি পড়ে থাকলে কত কিছুই উপদ্রব দেখা দিতে পারে। তক্ষুনি বারোটার ঘণ্টা বাজল রাজবাড়ির। সে যে ভয় পেলে ছুটে পালাবে তার পথও এখন বন্ধ। রাজবাড়ির বড় ফটক, ছোট ফটক সব বন্ধ হয়ে গেল। এত উচু পাঁচিল টপকে সে শত মাথা কুটলেও আর পালাতে পারবে না। আঁচির প্রেতাঙ্গা আজ তাকে একা পেয়ে আবার নাচানাচি শুরু করে দেবে।

নির্মলা টুটুল মিল্টু কাছে থাকলে তার এতটা ভয় লাগত না। একটা মাস দে বাড়িতেও খুব ভাল ছিল না। এক জীবন থেকে অল্প জীবন, এক জীবনে বাবা মা ভাই বোনেই তার চারপাশটা ভরে থাকত। অল্প জীবনে এরা। বাড়িতেও সে বড় নিঃসঙ্গ বোধ করেছে। কি যেন নেই। টুটুল নেই- মিল্টু নেই, কেউ বাবা বাবা করে না। কেমন আলা মনে হচ্ছিল সব কিছু। সে যেন শেষ দিকে জোরজোর করে বাড়িতে কটা দিন কাটিয়ে দিয়েছে। কতক্ষণে স্ত্রী পুত্র কন্যার মুখ দেখবে এই এক আকাঙ্ক্ষায় কোনরকমে চূপচাপ কালাতিপাত করেছে। আরও একটা রহস্য তাকে পীড়া দিচ্ছিল। চারুর অন্তর্ধান এখনও রহস্যই হয়ে আছে। স্বপ্নের মতো। সে বিশ্বাস করতে পারছে না সত্যি চারু নামে এক

যুবতী তাকে ট্রেনে সঙ্গ দিয়েছিল। ঘোরের মধ্যে পড়ে গেলে যা হয়—নির্মলার কাছ থেকে তার আকাঙ্ক্ষার নিরুত্তি হচ্ছিল না, চারুর মতো কোনো যুবতীর স্বপ্নে সে বিভোর ছিল। পিয়ারিলালকে দেখলেও সে বলতে পারবে না, চারুর খোঁজ পেয়েছেন তো? স্টেশনে নামার আগে দেখলাম কামরায় নেই—কি যে হল! যদি পিয়ারিলাল ভাবে, বাবুর মাথায় গোলমাল আছে। চাকুটা কে? সে কি যে করে! এবং এভাবে সে একটা ছায়া হয়ে যাচ্ছিল দরজাটার সামনে। রাজবাড়ির ভেতরে একটা কুকুরের ডাক শুনতে পেল। বাঘের মতো গর্জন করছে। সে সংবিৎ ফিরে পেয়ে এক লাফে সিঁড়িতে উঠে গেল, তালা খুলতেই আশ্চর্য একটা সুন্দর গন্ধ নাকে এসে লাগল। মনে হল ভিতরে কেউ সুগন্ধ ধূপবাতি জালিয়ে দিয়ে গেছে। সে আলো জ্বালতে পর্যন্ত ভয় পাচ্ছে।

আলোটা জ্বালতেই করিডোর স্পষ্ট হয়ে উঠল। তার এই বাসাবাড়িতে খুব বেশি কিছু আসবাবপত্র নেই। নতুন সংসার হলে যা হয়। কিছু স্টিলের বাসনকোসন। দুটো তক্তাপোশ, একটা চেয়ার টেবিল। বাক্স পেটরা যৎসামান্য। নির্মলার দামী জামাকাপড় সঙ্গেই নিয়েছে। ওর যৎসামান্য অলঙ্কারও। ডুপ্লিকেট চাবি রাজবাড়ির অফিসে জমা রাখার নিয়ম। সেই মতোই সব করা আছে। আলো জ্বালতেই কেমন আর এক বিলম্বে পড়ে গেল। সে ঠিকমতো ঠিক জায়গায় এয়েছে তো? এই বাসাবাড়িটা তার না অঙ্ক কারোর। সে এটা কি দেখছে! দেয়ালের রঙ পাল্টে গেছে। মেঝে অন্ধরকম। ছেঁড়া ইলেকট্রিকের তার ঝুলছে না। একেবারে এইমাত্র রাজমিস্ত্রি কাজ সেরে বাড়ি গেছে মতো। যেন এই মাত্র কেউ কোন গন্ধ স্প্রে করে দিয়ে গেছে। আর তক্ষুনি মনে হল গন্ধটা সে রাজবাড়ির অন্তরে ঢুকলেই পায়। সে ধীরে ধীরে এগুচ্ছে। করিডোর ধরে যেতে যেতে সব খুঁটিয়ে দেখছিল। সামনের দরজা ঠেলে ভেতরে ঢুকল। ঘরের আলো জ্বলে আরও তাজ্জ্বল হয়ে গেল। তার পুরানো চেয়ার টেবিল তক্তাপোশ কিছু নেই। নতুন সোফাসেট, বাতিদান, খাট একেবারে রাজসিক কাণ্ড। সে বিশ্বাস করতে পারছিল না—বাঁ দিকের দরজাটা খুললে একটা চাতাল, সেটা ঠিক আছে কি না, যেন না থাকলে বুঝতে হবে, সে অঙ্ক কারো বাড়িতে ঢুকে গেছে। দরজা খুলতেই চাতালে আলোটা লাফ দিয়ে পড়ল। পাশে করগেটেড টিনের বেড়া। না আগের মতোই জায়গাটা। তারই বাসা। বসার ঘরটা পার হয়ে শোবার ঘরটায় ঢুকে দেখল তার পুরানো আসবাবপত্র সব ওখানে স্থপীকৃত করা আছে। তার বসার ঘর

পর্যন্ত, শুধু বসে কেন, রাতে পাশের তক্তাপোশে শোয়—তক্তাপোশটাও নির্মলার ঘরটায় রেখে দেওয়া হয়েছে। সেখানে কিছুতেই হাত পড়েনি।

সোকায়ে নীল রঙের ভেলভেটের পদ্ম। সানমাইকার সেন্টার টেবিল। একটা নতুন কারুকাজ করা বাতিদান। পাশে কোণায় ছোট্ট টিপয়, তাতে কালো পাথরের একটা ছোট্ট দেবীমূর্তি। তারই ফাঁক ফোকরে চারটে ধূপবাতির কাঠি। পুড়ে শেষ হয়ে আছে। দরজা জানালা বন্ধ বলে একটা চাপা গন্ধ ঘরে করিডোরে ওড়াউড়ি করছে। গন্ধে কেমন তার দম বন্ধ হয়ে আসছিল। উঠে গিয়ে সব জানালা খুলে দিতেই দেখল করিডোর বরাবর অন্দরমহলের দিকে যে দরজা আছে—সেটা হাট করে খোলা। এতদিন ওটা ওদিক থেকে বন্ধ থাকত। তার দিক থেকে কোন বন্ধ করার ব্যবস্থা নেই। অন্দর থেকে ইচ্ছেমতো খোলা যায় বন্ধ করা যায়। তার অস্থিতিস্থিতিতে সেটা কে খুলে দিয়েছে। যে আসে সবার অলক্ষে ঐ দরজা দিয়েই আসে। এবং সেটা ভাবতেই গায়ে কাঁটা দিয়ে উঠল।

সে দরজায় মাথা গলিয়ে রাজবাড়ির অন্দরমহল দেখার চেষ্টা করল। এদিকটা সে কোনদিন দেখেনি। গাড়ি বারান্দায় কলাপসিবিল গেট। বড় তালো ঝুলছে। অন্দরমহলে ঢোকান মুখে একটি লাল রঙের অল্প আলোর বাতি জ্বলছে। দেখল ওদিকে ঠিক সিঁড়ির মুখে বড় পেলাই দরজা। ওটা দিয়ে সোজা অনেকগুলো ঘর পার হয়ে গেলে রাজেন্দার ড্রইংরুম। ড্রইংরুমের ভেতর দিয়েই শজ্ঞ তাকে দোতলায় দু'বার অমলার ঘরে নিয়ে গেছিল। এদিকের সিঁড়ি ধরে উঠে গেলে বোধ হয় সেই ঘরটা আরও কাছে। সে খুব সন্তর্পণে দরজাটা বন্ধ করে দিল।

এতটুকু শব্দে কেউ জেগে যেতে পারে। দরজা বন্ধ করে কিরে আসবে ভাবল। অবাক, আবার দরজার পালা ফাঁক হয়ে গেল। কেউ যেন ওদিক থেকে সামান্য ঠেলে দরজাটা খুলে দিচ্ছে। এত রাতে কে আসবে! দুমবার এদিককার কোন ঘরে থাকে। শজ্ঞও থাকতে পারে। কিংবা অগ্নি কোন ঝি চাকর। তারা গোপনে দরজা ঠেলে দিয়ে সরে যাবে কেন। সে ফের দরজায় মাথা গলাল। না কেউ নেই। আবছা মতো অন্ধকারে অন্দরের রান্নাবাড়ির পথে দুটো বড় থাম বাদে কিছু চোখে পড়ল না। বাতাসে হতে পারে। গাল ঠেকিয়ে হাওয়া ঢুকছে কিনা পরখ করল। কম বেশি হাওয়া সব সময়ই থাকে। হাওয়ায় জোর নেই বললেই চলে। সে ফের দরজার পালা ঠেলে বন্ধ করে

দাঁড়িয়ে থাকল। না আর খুলছে না। বন্ধই আছে। না থাকলে আবার কপালে ঘাম দেখা দিত। মিনিট কয়েক দাঁড়িয়ে থাকার পর সে কিছুটা নিশ্চিন্ত। তড়াতাড়ি হাত মুখ ধুয়ে শুয়ে পড়া। শোবার ঘরের দরজাটা ভাল করে বন্ধ করে শোবে ভাবল। নাহলে করিডোর ধরে যে কেউ তার দরজার সামনে হাজির হতে পারে। কেন জানি মনে হচ্ছে চাকর ঘটনার পর আর্চির প্রেতাশ্বার চেয়ে সেটাও কম মারাত্মক না। উত্তেজনার মুহূর্তে সে নির্মলার প্রতি বড় অবিশ্বাসের কাজ করেছে।

বাথরুমের দরজাটা করিডোর বরাবর। বাথরুমে করিডোর দিয়েও ঢোকা যায়, ওদিকে চাতাল দিয়েও ঢোকা যায়। সে পাজিমা গেঞ্জী বের করার আগে সোফায় এলিয়ে দিল শরীর। কেমন আর যেন পারছে না। করিডোরের দিকের দরজা বন্ধ করে দিল। চাতালের দিকের দরজাটা খোলা। করোগেটেড টিনের উচু পাঁচিল তোলা আছে বলে ওদিকের বাগান, পুকুর কিছুই চোখে দেখা যায় না। কান পাতলে ঝিঁঝি পোকের ডাক শোনা যায় পর্যন্ত। ঘরে বাতিদানে ছরকমের ডুম। সে নীল রঙের আলোটা জ্বালতে পারছে না। মায়াবী যা কিছু সবই মনে হয় দূরাতীত কোন রহস্তে ঢাকা। আর যা হয় একা থাকলেই—পৃথিবীর স্মৃদ্রুতম প্রান্তের কে যেন কথা কয়ে ওঠে। তার এখন এ-সব থেকে দূরে থাকা দরকার। আর কারো জ্ঞান না হলেও মিন্টু টুটুলের জ্ঞান।

একমাস ছুটি ভোগ করে কিছুটা চাপা হবে ভেবেছিল অতীশ। অথচ চোখ মুখ দেখলে তার কোন চিহ্ন খুঁজে পাওয়া যায় না। প্রায় মরা মানুষের মতো সোফার ওপর উবু হয়ে পড়ে আছে। মাথার মধ্যে কেবল অপরাধবোধ ঢুকে গেলে যা হয়। ঘিলু ক্রমেই ভারি হয়ে যাচ্ছে। একটা মানুষের ঘিলুতে যদি ক্রমাগত ওজন চাপিয়ে দেওয়া হয় তবে সে স্বাভাবিক থাকে কি করে। চাকর তাকে আর এক রহস্তের মধ্যে জড়িয়ে গেছে। এখানে এসে ভেবেছিল, সব ঠিকঠাক দেখবে। তাও নেই। মানসদার অস্বাভাবিক আচরণের জ্ঞান কে দায়ী! এই যে তার অল্পপস্থিতিতে অমলা ঘর দোরের চেহারা পাণ্টে দিল, সেটা কি জ্ঞান! অমলার মা হবার অস্বাভাবিক আগ্রহ। দরজা কে খুলে রাখে। এটাও এক বিপত্তি। সে ফের উঠে গিয়ে যে দেখবে, দরজাটা কেউ খুলে দিয়ে গেল কিনা তারও আর সাহস নেই। দেখতে হবে ভয়ে সামনের দরজা বন্ধ করে দিয়েছে। যা হয়, সকালে দেখবে। রাতটাই তাকে যত বিড়ম্বনার মধ্যে

ফেলে দেয়। কাল অফিস করেই নির্মলাকে আনতে চলে যাবে। এখন শুধু ভাবছে কোনরকমে রাতটা কাটিয়ে দিতে পারলেই সবার জরিজুরি শেষ। সে উঠে বাথরুমে ঢুকে গেল। ভাল করে চান করল। তারপর গা মুছে পাজামা পরতেই করিডোরের দরজার ঘুলঘুলিতে কী চোখে পড়ল! আর ভয়ে সঙ্গে সঙ্গে কেমন সিটিয়ে গেল। করিডোরের শেখপ্রান্তে অন্দরমহলের দরজাটা ফের হাট করে খোলা। তার দুই হাঁটুতে কারা যেন হাতুড়ি ঠুকছে। আর এ সময়ে কেমন দ্বিগুণ হয়ে গেল সে। বার বার অলক্ষ্যে কে সে দরজা ঠেলে দিচ্ছে!

সোজা ঘরে এসে সেন্টার টেবিলটা তুলে নিল। এদিকের দরজা খুলে ছুটে গেল। তারপর অন্দরমহলের দরজা বন্ধ করে সেন্টার টেবিলটা চাপা দিয়ে দিল। ফিরে আসতে না আসতেই ওটা হড়কে পড়ে গেল। ভয়ঙ্কর শব্দে বুঝি সারা বাড়ি জেগে যাচ্ছে। সে বলল, সব তোমার কাজ—ঠিক আছে—কত নির্ধাতন করবে! সে সোফাটা টেনে নিয়ে যাচ্ছে। গায়ে কোথেকে অস্ত্রের মতো প্রবল এক দানব জেগে উঠেছে। সেন্টার টেবিলটার ওপর সোফাটা দমাস করে ফেলে দিল। আর পারবে না। পারতেও পারে। সে ছুটে গিয়ে পাশাপাশি রাখা কোচ দুটো তুলে আনল একে একে। ওগুলো চাপিয়ে বলল, এবার! খোল! দেখি কত মূরদ। দু-পা ফিরে আসতেই মনে হল না, সে সব পারে। সঙ্গে সঙ্গে খাট থেকে তোষক জাঞ্জিম তুলে নিল। দরজার ওপর সব ভার চাপিয়ে দরকার হয় সারারাত নিজে ঠেস দিয়ে দাঁড়িয়ে থাকবে। তবু দরজাটা মর্জিমতো খুলে যাবে সে হতে দেবে না। একসময় দেখা গেল, ঘরে আর কিছু নেই। সব ফাঁকা। শুধু দেবীমূর্তিটা। বীরে বীরে ওটা বনি হয়ে তার হাত ধরে ফেলল, ছোটবাবু প্লিজ, প্লিজ।

অতীশ কেমন স্বাভাবিক হয়ে গেল, সত্যি এ-সব সে কি করছে! সে শুধু দু-হাতে মুখ বুজে বনির পায়ের কাছে হাঁটু মুড়ে বসে পড়ল—বনি আমি কি হয়ে যাচ্ছি। বনি চারু আমাকে নষ্ট করে দিয়ে গেল! নির্মলাকে মুখ দেখাব কি করে!

বনির মুখে আশ্চর্য হাসি। সে বীরে বীরে বলল, ছোটবাবু লাভ ইজ এ ম্যাগনিকিসেন্ট এগজিলারেটিং ট্রিপ, অ্যাণ্ড হোয়েন ইট ডাইজ—ইট ইজ ওর্স ত্যান অলমোস্ট এনি আদার কাইণ্ড অফ ডেথ।

অতীশ বলল, নির্মলা কেমন যেন হয়ে যাচ্ছে। আমাকে একা কাছে দেখলে ভয় পায়। ও আমাকে একা ফেলে বাপের বাড়ি চলে গেল। অতীশ যেন

এক নিরুপায় বালকের মতো বনির ছু হাঁটুর মধ্যে মুখ রেখে কঁথাগুলো বলে যাচ্ছে। আমি কি করব বনি। ওর অস্থির সারছে না কেন।

বনি এবারেও মৃদু হাসল। তারপর গভীর ঘন এক সবুজ পৃথিবী থেকে যেন তার কথা ভেসে আসছে।—ভিক্টরি ডিক্টিং, জয়, পেইন, বার্থ, ডেথ—লাইফ ইজ অল অফ দিজ। তুমি ঘাবড়ে যেও না ছোটবাবু। তোমার মিন্টু টুটুল আছে। তোমার কিছু হলে ওরা যে একা হয়ে যাবে।

—চারুটা কে?

—তোমার প্রত্যাশা।

—চারু বলে তবে কেউ আসে নি? আমার কিছু হয় নি! বাবা যে টের পেয়ে বলল, অল্প নারীগমনেও কোন দোষের হয় না।

বনি গাঢ় স্বরে বলল, ছোটবাবু নো ওয়ান লাইটস এ ল্যাম্প অ্যাণ্ড হাইডস ইট। ইনস্টিড, হি পুটস ইট অন অ্যা ল্যাম্পস্ট্যাণ্ড টু গিভ লাইট টু অল ছ এনটার গু রুম।

কেউ যেন অলক্ষ্যে তখন বলছে, ঘুমের মধ্যে উঠে গিয়ে দরজা খুলে দিতে পার। তার প্রতি তোমার নেশা জন্মেছে।

এ-কথা বলছ কেন? কে এমনভাবে কথা বলছে!

যাবতীয় সুন্দরীরা তোমার মাথায় নাচনাচি করে। অল্প নারীগমনে স্পৃহা বাড়ছে।

না বাড়ছে না। মিছে কথা। তুমি কে, কে।

নিজের সঙ্গে তঞ্চকতা। ছোটবাবু এ-মুহুর্তে চারু দরজায় ঢোকা মারলে: কি করবে?

দরজা খুলব না। তুমি কে, কে?

তুমি পারবে? তুমি কে নবীন সন্ন্যাসী? আই অ্যাম দ্য স্ট্রালি হিগিন্স।

আমাকে পারতে হবে। ব্যভিচার থেকে আত্মরক্ষা করতেই হবে! হিগিন্স! আপনি আমাকে ক্ষমা করুন।

আসলে এই ব্যভিচার শব্দটাই অতীশের হয়েছে কাল। আজীবন যে এক সংস্কার তার মাথা নেড়া করে ভুতুড়ে ছায়া তৈরি করে গেছে সে থেকে মুক্ত হতে পারছে না। সে বলল, আমি খুন করেছি, আমি জানি শরীরের এই পীড়ন আমাকে একদিন মুক্তি দেবে। নানাভাবে মুক্তির পথ খুঁজছি। বাবা কিছু টের পেয়ে গেছেন, বাবা এখন আমার সব কাজই সমর্থন করে যাবেন। এমনকি মানুষ হত্যার

পাপও। বাবার কাছে আমার সব কাজই তেনার ইচ্ছেতে হয়। তিনিই করিয়ে নিয়েছেন। নিজের সব দায় বাবা তাঁর উপর অর্পণ করার কথা বলছেন। আমার জন্মলাভ থেকে বেঁচে থাকা বড় হওয়া, কাজ অকাজ সবই তাঁর ইচ্ছায়। যাতে আমি নিরালস্য হয়ে না পড়ি বাবা তার জন্ত প্রাণপণ যুঝে যাচ্ছেন। নিরালস্য মানুষের কোন আশ্রয় থাকে না। সে বৃক্ষহীন হয়ে বাঁচে! বাবা সেটা টের পেয়ে গেছেন। আসার সময় বলেছেন, পবিত্র হও। দূরব্রত হও। ব্রহ্মপরায়ণ হও। শরীরের ভেতর দিয়ে তোমার অনেক ভার চলে গেছে। তাই ঐ রকম হয়েছে। যে ব্রহ্মবিজ্ঞান সবাইকে জ্ঞানদান করে তার তুমি অমুসরণ কর। এই যে তার লীলাখেলা, আকাশ পৃথিবী জলবায়ু, শস্তক্ষেত্র, নদীর ঢেউ, ঝড়ের গর্জন, জন্মমৃত্যু, কাম ক্রোধ কোনটাই তার আফালন নয়, সবই তার নিরন্তর প্রকাশ। মনে রেখ মৃত্যুর অতীতেও অমৃত আছে। সেই অমৃত জীবনে আছে। জীবন ভোগেও আছে। তুমি তোমার সংসারে সেই অমৃতকে বহন কর। বাবার এইসব কথার মধ্যে কোথায় যেন জাহ্ন আছে। তার পীড়ন এবং উত্তেজনা দুই-ই কমে গেল। ঘর একেবারে ফাঁকা। চাকুর কাছে তার নির্লজ্জ বেহায়া চেহারাটা আবার এখানে ফুটে উঠুক সে তা চায় না। আসলে তার অপরাধবোধ তীব্র তীক্ষ্ণ হচ্ছিল। বাড়িতে শেখদিকে অসহায় বোধ করেছে এই ভেবে—নির্মলার কাছে তার দাবি করার মতো কিছু থাকল না। চাকুর তার সব অধিকার হরণ করে নিয়েছে। এবং মানুষের যা হয় বার বার নিজের কাছেই নিজের কৈফিয়ত। তার আত্মশক্তি এমনিতেই আর্চি দিন দিন দুর্বল করে দিচ্ছে। তার ওপর যদি অগ্নি অপরাধবোধ তাকে প্রবলভাবে আক্রমণ করে তবে সে স্থির থাকতে পারবে না। এবং এসবের সঙ্গে কেন জানি মনে হয় সংসারের মঙ্গল-অমঙ্গল নিহিত আছে। আর যা হয় সব প্রলোভন তৈরি করে দেয় যেন—আর্চির প্রতিশোধ স্পৃহা। সে এ-সব থেকে তাকে, নির্মলাকে, মিষ্টু টুটুলকে রক্ষা করতে চায়। অমলা সোজাসৃজি তার ঘরের সামনে কোন গভীর রাতে চলে আসতে পারে, এবং দরজায় টোকা মারতে পারে, বড় ভয় তার। ও-ঘরে নির্মলা টুটুল মিষ্টু শুয়ে থাকবে, গভীর ঘুমে আচ্ছন্ন থাকবে, পালিয়ে সে অমলের সঙ্গে ফের আবার কোনো শেওলা ধরা পিচ্ছিল ঘরে সহজেই প্রবেশ করতে পারে। এমনিতেই চাকুর তার কিছুটা অস্থির করে রেখে গেছে। বাকিটা অমলার কাজ হবে তাকে উন্নত করে তোলা। এই সব ভাবনাই তাকে মাথার মধ্যে পেরেক ঠুকে দিচ্ছিল। সে যে এতক্ষণ উন্নত্তের মতো দরজায় নিয়ে ও-সব ফেলে রেখে এসেছে

এটা তারই প্রতিক্রিয়া। দরজাটা বন্ধ করে দিতে পারায় কিছুটা আরাম বোধ করছে। কারণ সে জানে, অমলা কাছে এসে দাঁড়ালে, তার ক্ষমতা নেই নিজেকে সামলে রাখে। নির্মলার অস্বস্থতা তাকে যে দৈনিক পীড়নের মধ্যে ফেলে দিয়েছে অমলা ঠিক টের পেয়ে গেছে। সোফা কোচ দিয়ে বাড়িঘর সাজিয়ে দেওয়াটাই তার প্রথম সংকেত।

তারপরই তার নিজের সঙ্গে কথোপকথন শুরু হয়ে যায়।—বাক নিশ্চিত। তাহলে অতীশবাবু তুমি এখন শুয়ে পড়তে পার।

তা পারি। ঘুম আসবে তো।

ভয় কি! দরজা বন্ধ।

সে শুয়ে পড়ল।

ঘুম ভাঙল বেলা করে। ঠুক ঠুক করে কেউ কড়া নাড়ছে। দরজা বন্ধ বলে শব্দটা তত তীব্র নয়। দরজা খুললে লম্বা বারান্দা। কিছুটা হেঁটে গেলে বাইরে বের হবার দরজা। জানালায় পাতাবাহারের গাছ হাওয়ায় ঢুলছে। সে বলল, কে?

—আমি কুন্ত।

ঠিক খবর পেয়ে গেছে। দরজা খুলতেই মনে হল লোকটাকে ঢুকতে দেওয়া এ-মহুর্তে ঠিক হবে না। বড় ধূর্ত। টের পাবে সে কাল রাতে ভাল ছিল না। সোফা কোচ বাতিদান খাট জাজিম তোষক সব অন্তরের দরজায় গান্ধী মেরে রাখা আছে। ভেতরে ঢুকলেই বুঝতে পারবে, সর্বত্র ঘরের লগুভণ্ড অবস্থা। দেখলেই দশটা প্রশ্ন। সে বলল, আমি যাচ্ছি।

কুন্ত মুখে ত্রাশ দিয়েই চলে এসেছে। পরনে নীলরঙের লুঙ্গি, গায়ে গেঞ্জি। মুখ ভর্তি পেটের ফেনা। কথা স্পষ্ট বোঝা যাচ্ছিল না বলে সিঁড়ির পাশের নর্দমায় থুথু স্কেলছে। কুন্ত যাতে ভেতরে ঢুকতে না পারে সেজগৎ দরজা আগলে দাঁড়িয়ে আছে অতীশ।

—শোনলাম অনেক রাতে ফিরেছেন!

—ট্রেন লেট ছিল।

—কি খেলেন এসে?

—কিছু না।

—হাসি আপনার জন্ম চায়ের জল বসিয়ে দিয়েছে।

অতীশের মনে হল সে অবস্থা মানুষ সম্পর্কে কিছু খারাপ ধারণা পুষে রাখে।

সে রাতে খেয়েছে কিনা কুস্তবাবু কত আগ্রহের সঙ্গে জানতে চাইল। হাসিরাণী তার জন্য সকাল সকাল চায়ের জল বসিয়ে রেখেছে। আপাতত কুস্তবাবুর হাত থেকে রক্ষা পাবার জন্য দরজা বন্ধ করে দেবার আগে বলল, হাত-মুখ ধুয়ে যাচ্ছি। আপনি যান। আমি আসছি।

কুস্তবাবু বলল, অনেক কথা আছে। তাড়াতাড়ি আহ্নান।

দরজা বন্ধ করে ঘুরে ডানদিকে তাকাতাই সে বিস্ময়ে হতবাক। ওখানে কিছু পড়ে নেই। সব ফাঁকা। দরজাটা সেই আগের মতো অন্দর থেকে বন্ধ। ওর মাথাটা কেমন করতে থাকল। কাল রাতে সে ঠিক ছিল তো। সব কিছু অতর্কিতে অদৃশ্য হয়ে যায় কি করে! চারুর মতো খাট জাজিম তোষক সব অদৃশ্য হয়ে গেল। সে কেমন বোকার মতো তাকিয়ে থাকল। সকালে উঠে কুস্তবাবুর সাড়া পেয়েই সে ভেবেছিল—এটা তার বাড়াবাড়ি। এ-বাড়িতে অমলাই তার নিজের মালুঘ। সে যদি তার স্বথ-সুবিধার জগৎ একটু কিছু করে থাকে তবে তা দোষের হবে কেন। অমলার এটা অগ্ন এক জীবন। তাকে দেখলে সে শৈশবের স্মৃতির মধ্যে ঘুরে বেড়াতে পারে। এতে এক রকমের নাড়ির টান সৃষ্টি হবারই কথা। আজীবন মালুঘ রূপের কোঁটায় সোনার ভ্রমর পুরে শৈশব থেকে বড় হয়। সেই সোনার ভ্রমর মাঝে মাঝে উঁকি দিয়ে দেখারও সখ মালুঘের। ওকে দেখলে বোধহয় অমলার সেই ইচ্ছেটা জাগে। তখনই অমলার জন্য তার কেমন মায়া বাড়ে। সে ভেবেছিল, যেখানে যা আছে, সব আবার ঠিক সাজিয়ে রেখে দেবে। দরজাটা খুলে যায়, অকসিে জানালাই বাড়ির মিস্ত্রি এসে ঠিক করে দিয়ে যাবে। কুস্তকে সে-জন্য দরজায় আটকে রেখেছিল। কিন্তু এখন এটা কি দেখছে! সে ছুটে গেছে। কোন মরীচিকা দেখছে না তো। দরজা টানটানি করে দেখল, বিন্দুমাত্র সেটা আঁলা করা যাচ্ছে না। আগের মতো নিখর নিঃশব্দ এবং সঙ্গে এক ভয়াবহ দৈব যেন দরজাটায় ভর করে দাঁড়িয়ে আছে।

সে কেমন চিংকার করে উঠল, আমার অমন হয় কেন? আমি কি? আমার কি হচ্ছে! মরীচিকা আমাকে গ্রাস করে কেন! তারপরই মনে হল, রাজবাড়ির অন্দর থেকে কেউ ছুটে আসতে পারে। ওদিকের দরজায় একটা মুখও দেখা গেল। দুমবার দরজায় ধাক্কা মারছে। সে নিজেকে সংযত করে দরজার সামনে এসে দাঁড়াল। দুমবার অপলকে ওকে দেখছে। দেখতে দেখতেই বলল, হল্লা ভেতরে?

সে বলল, না তো!

—কে চিংকার করছিল যেন সব।

—এদিকে কিছু হয় নি।

প্রাসাদটা এমন যে শব্দের প্রতিধ্বনি বড় বিচিত্রভাবে দিক পরিবর্তন করে।
জুমবার চলে গেল। কিছুটা গিয়ে আবার কি ভেবে ফিরে এল।

অতীশ দরজায় ধোলা চোখ নিয়ে দাঁড়িয়েছিল।

জুমবার বলল, বোঁরাণী মাইজীকে আজই নিয়ে আসতে বলেছে।

অতীশের চোখ মুখ অমলার উপর কৃতজ্ঞতায় ভরে গেল। কিন্তু যদি সত্যি হয়, রাতে যা দেখেছে, সে মরাচিকা না হয়ে সত্যি হয়, হতেও তো পারে—
যুমিয়ে পড়লে অমলা লোকজন দিয়ে সব দরজা থেকে সরিয়ে নিয়ে থাকে যদি—
ছিঃ ছিঃ অমলা কী না ভাবল—অতীশ তুই এত ছোট হয়ে গেছিস! নিজের উপর
তোর এতটুকু ভরসা নেই। অথবা যদি ভাবে, তোর এত অহংকার—আমার
কিছুই তুই নিবি না। তোর দস্ত একদিনে সোজা করে দিতে পারি জানিস।

অতীশ বিড়বিড় করে বকতে বকতে যাচ্ছিল, তুমি সব পার অমলা। পার
বলেই তোমাকে আমার এত ভয়। তোমার সম্পর্কে কেউ একটাও ভাল কথা
বলে না। আমার বড় কষ্ট হয়। জমিদার বাড়ির ছাদে, ফুলপত্রের মতো দাঁড়িয়ে
থাকতে, কী পবিত্র চোখ মুখ আমিই প্রথম ছুঁয়ে দেখেছিলাম, এবং নিরন্তর এক
পাপবোধ সেই থেকে—পাপবোধ থেকে ভালবাসা—গভীর গোপন প্রেম—এক
পাটাতন থেকে অল্প পাটাতনে, বনি থেকে নির্মলা, এক জাহাজ থেকে অল্প এক
জাহাজে—কলকল্লা সব এক, নাট বোর্ড, ডেরিক উনইচ, মাস্তুল, ইনজিনরুম সব
এক—সেই চুল চোখ নাভিমূলে সেই দিবা আলো—তবু ভয় তোমাকে—আমার
আবার না জাহাজডুবি হয়। যদি ঘোরে পড়ে না থাকি, আর চাক যদি সত্যি
হয় সেও এক অদৃশ্য হিমবাহ। অলক্ষ্যে যে কোন মুহূর্তে আমার জাহাজের
তলাটা ফাঁসিয়ে দিতে পারে। আমার ঈশ্বর নেই, বড় বৃক্ষ নেই—মিষ্টু টুটুল
বড় হচ্ছে—চারপাশে কেবল দুর্ঘটনার খবর, মৃত্যু হত্যা ধর্ষণ রাহাজানি, মিষ্ট!
টুটুল বড় হচ্ছে, ওদের নিরাপত্তার কথা অহরহ আমাকে কাতর করে। ভেতরে
আর এক ফ্রন্ট—একটা মাস গেল একটা লাইন লেখা হয়নি, আমি যে কি হয়ে
যাচ্ছি! বুঝতে পারি মাহুঘের জন্ম একজন ঈশ্বর বড় দরকার। আমার শুধু
প্রেতাত্মা সম্বল।

—দরজায় কে দাঁড়িয়ে! অ হাসি, এস এস

—চা ঠাণ্ডা হয়ে যাচ্ছে। কখন থেকে আমরা বসে আছি।

অতীশ জামাটা গলিয়ে বাইরে বের হয়ে এল। চোখ মুখ অস্বাভাবিক দেখাতে পারে। সে বলল, যাচ্ছি। মুখ ধুয়ে যাচ্ছি। ফের সে ক্ষিরে বাথরুমে ঢুকে ভাল করে চোখে মুখে জলের ঝাপটা দিল। মুখ মুছে আয়নার মুখ দেখে যখন বুঝল, না তার চোখে মুখে কোন অস্বাভাবিক দাগ লেগে নেই—বরং প্রশান্ত দেখাচ্ছে। সে নিজেই চেষ্টা করলে এটা পারে। অহেতুক দুর্বলতা আসলে তাকে দিন দিন পেয়ে বসেছে। সে বাইরে এসে দরজা টেনে দিল। তারপর পাতাবাহারের গাছগুলি পার হয়ে যাবার সময় দেখল কাবুলবাবুর জানালা খোলা। ভিতরে ফুল ভলিযুমে রেডিও চলছে। এরা কত সহজে বাঁচে। বাবার কথাই ঠিক—পাপপুণ্য বড় আপেক্ষিক ব্যাপার। মন থেকে সব মুছে ফেল। যদি একটা খারাপ কাজ করেই থাক জীবনের মহাভারত তাতে অন্তর্ভুক্ত হয়ে যায় না। দশটা ভাল কাজে তা পুষিয়ে যায়। সেই পাখি জোড়া খুন না করলে তিনি রামায়ণ লিখতে পারতেন না।

আসলে সে বুঝেছে মগজটা তার শান্ত থাকে না। কত চেষ্টা করেছে—একদণ্ড সে কিছু চিন্তা না করে থাকবে। শজারুর মতো মগজের কাঁটা গুটিয়ে রাখার চেষ্টা করে—কিন্তু কখন যে কাঁটাগুলো সোজা হয়ে যায় আর বিদ্যুৎ তরঙ্গের মতো কাঁকে কাঁকে সব পাখি উড়ে এসে মগজে গেঁথে যায়। তারা পাখা ঝাপটায়—সে দেখল তখন মেসবাড়ির দরজায় কুন্তুবাবুর বাবা দাঁড়িয়ে। অফিসে বের হচ্ছেন। সাদা হাফ শাট গায়ে, আর পাটভাঙা ধুতি, পাম্পস চকচক করছে। মাথায় টাকের আড়ালে যে কথানা চুল আছে তারি সযত্নে তা পরিপাটি করা। বিপত্নীক প্রোচ মাহুঘটা এখনও কত সৌখীন—কিসের আশায়!

তার দিকে তাকিয়ে স্থিত হাসলে, অতীশ বলল, দাদা ভাল আছেন?

—তুমি কেমন আছ আগে বল?

এমন প্রশ্ন কেন? সে যে ভাল নেই তবে কি চাউর হয়ে গেছে। কাল সে রাতে যা হলোস্থল করে বেড়িয়েছে ঘরে, তা কি মাহুঘটার কানে উঠে গেছে। সে বেশ জোর দিয়ে বলল, ভাল আছি।

—মা বাবা?

—ভাল আছেন।

—যাও ভিতরে যাও। ওরা বসে আছে।

অতীশ মাথা হুয়ে মেসবাড়ির ভেতর ঢুকে গেল। বাঁদিকে মেস, তান-

দিকের বাগান্দায় উঠে গেলে কুস্তবাবুর ঘরের দরজা। ঢোকার ঘরটাতেই কুস্তবাবুর বাবা থাকে। দেয়ালে সর্বত্র ফটো। সবই মহারাজবাহাদুরের সঙ্গে। জীবনের সব গৌরব এবং অহংকার এই ফটোতে লটকে আছে। যে কেউ এই ঘরে ঢুকলেই যেন বুঝতে পারে আমরা এ পরিবারের তিন পুরুষের সঙ্গী। তুমি গোদিনের ছোকরা, এসেই সব তছনছ করে দেবে সেটা আমাদের সহ নাও হতে পারে।

দরজাগুলো এদিককার ছোট। সে ঢোকার আগেই ভেতর থেকে কে যেন গানগান করে দিল, লাগবে। মাথা ছুয়ে ঢুকুন। সে লম্বা বলে আগে ছ একবার এ-বাড়িতে ঢুকতে গিয়ে কপালে ঠেক খেয়েছে। একবার তো কপাল পটলের মতো ফুলে উঠেছিল। সে বেশ মাথা নিচু করে ঢুকতেই কুস্তবাবু ভিতর থেকে দরজার সামনে এসে দাঁড়াল। এত খাতির যত্ন, সে কিছুটা ফের বিধায় পড়ে যাবে অবস্থায় দেখল হাসি ওর পর থেকে একটা মোড়া টেনে নিয়ে যাচ্ছে।—এদিকে আসুন।

ভেতরে অনেকটা খোলাখোলা জায়গা। বাড়িটার ছাদ অনেকটা এগিয়ে এদিকটায় একটা ছাউনি করে দিয়েছে। তার নিচেই হাসিরানীর রান্নাঘর—নীল রঙের মিডসেক্স, গ্যাসের উত্তন, দেয়ালে সানমাইকার আলমারি—একেবারে হাল ফ্যাসনের রান্নাঘর। হাসির যাতে কোন কষ্ট না হয়, কারণ সংসারে হাসিরানীর উপরই সব চাপ—ভাই কলেজে যায়, বাড়িতে দিদি বোন মেসো মাসি দেশ থেকে এসেই এখানে থাকে খায়। হাসিরানীকে এক হাতে সামলাতে হয়। কুস্তবাবু বাবার স্বপুত্র, হাসিরানী বাবার সঙ্গী বোমা—সংসারটা আগলে রাখায় রুত্তজত্তা বাড়ে—এবং কুস্তবাবু জানে, বাবাকে খুশি রাখতে পারলে, একটা বড় অঙ্কের হিসাব তার মিলে যাবে। এগুলো মনের মধ্যে ক্রিয়া করতেই সে দেখল হাসিরানী সকালেই বেশ সেজেছে। দেখতে হাসিরানী সুন্দর। একটু গোলগাল এই যা। একটু ছোট মাপের শরীর—তবু এই হচ্ছে কুস্তবাবুর অলৌকিক জলযান। বিয়ের পরই সফরে বের হয়ে পড়েছে। কত বন্দর, আর বর্ণমালা হাসিরানীর নাকচাবির মধ্যে না জানি অদৃশ্য হয়ে আছে। সেই এক পাটাতন—সেই এক জু বোর্ড নাট, সেই এক ইনজিন, এবং নাভিমূলে রহস্য। সকালবেলায় মুখে পাউডার কেন? চা আর মিষ্টর খালা সামনে নিয়ে কথাটা ভাল অতীশ। কুস্তবাবু এক নাগাড়ে কারখানার খবর দিয়ে যাচ্ছে। ই এস আই থেকে বেড পাওয়া গেছে। টিনের কোটার পারমিট পেয়ে গেছে। কারখানার

পতিত জমিতে নতুন বিল্ডিংয়ের প্ল্যান হয়েছে। কেনান্তারা বানাবার জন্য মেশিন খোঁজা হচ্ছে—এক কথায় কুমার বাহাদুর দুহাতে টাকা ঢালতে রাজি হয়ে গেছেন। একমাসে এতটা—কুস্ত আশা করেছিল অতীশবাবু খুব বাহবা দেবে। আসলে সবই হচ্ছে একজনের জন্তে—পেছনে বোঁরাগী না থাকলে নতুন শেয়ার ফ্লোট করার কথা যে আকাশকুসুম ভাবা তাও সে বলে গেল।

অতীশ নিমকি খাচ্ছিল আর মাঝে মাঝে চোখ তুলে হাসিরাণীকে দেখছিল। এমন চোখে তাকাচ্ছিল যে হাসিরাণী সেটা বেশিক্ষণ সহ্য করতে পারে নি। যেন মানুষটা শুধু তাকে দেখছে না, তার অভ্যন্তর পর্যন্ত দেখছে। শরীরটা কেমন কিম্বিমন করছিল। মানুষটাকে দু বছর ধরে জানে বলেই ভয় কম—কুস্ত টের পেলে ফের হয়ত সেই লক্ষ্মীর পট কেনার মতো শোরগোল তুলবে। সে অতীশকে অগমনস্ক করার জন্য বলল, চায়ে মিষ্টি ঠিক হয়েছে দাদা।

অতীশ বলল, তুমি খুব সুন্দর হাসি।

এ কি কথারে বাবা! অতীশ এবার কুস্তর দিকে তাকিয়ে বলল, আপনি ভাগ্যবান কুস্তবাবু। আপনার পাটাতন বড় মজবুত। হড়কাবার ভয় কম।

অতীশের কথায় কুস্ত প্রথমে সামান্য ঘাবড়ে গেল। সে অতীশবাবুর মুখ সবটা দেখতে পাচ্ছে না। ওরা দু'জনই পাশাপাশি বসেছে। দু'জনেরই মুখ হাসিরাণীর দিকে। অতীশের মুখের একাংশ চোখে পড়ছে। অতীশ ওর দিকে তাকিয়েও কথা বলছে না। ছুটো করে মিষ্টি, ডিমের ওমলেট দু পিস পাউরুটি—হাসি নিমকি খেতে খুব পছন্দ করে, সঙ্গে সেজন্ত তাও সাজিয়ে দেওয়া হয়েছে। সে এতক্ষণ যে কারখানার কথা বলে গেল তার একটা কথাও বুঝি কানে যায় নি! সে একা একমাসে কত করেছে তার একটা কিরিস্তি দিচ্ছিল। অতীশবাবু খুশি হলে বোঁরাগী খুশি হবে। অতীশবাবুর একখানা সার্টিফিকেট তার এখন বড় জরুরী দরকার। কুস্ত বুঝেছে বোঁরাগী থাকতে পেছনে লেগে কোন কাজ হবে না। অতীশের অনুপস্থিতিতে সে যেকোনো যা দিতে হয় দিয়ে-থুয়ে কাজ বাগিয়ে এনেছে। তাতে তারও কিছু থাকে। থাকে বলেই দৌড়-ঝাঁপ করা। সে দৌড়ঝাঁপ করার সময় আকারে ইঙ্গিতে এমন সাধু থাকার চেষ্টা করেছে যে, অতীশের মতো ওপরয়ালার সঙ্গে কাজ করতে গেলে এ-ছাড়া তার উপায় নেই। বোঁরাগীর সঙ্গে তার কোন হটলাইন নেই। সে কাবুলবাবুর মারফত হটলাইন একটা তৈরি করে নিয়েছে। একমাসে কম করে হলেও একশবার বলেছে, রাজার কপালগুণ ভাল, নাহলে এমন সং ভালমানুষ মেলা

কিনা, না চারু.....আর কিছু না বলে সেই মরীচিকা বুঝি, ভাববার সময় সে-
দেখল হাসিরাগী ঘরে ঢুকে মেয়ের কাঁথা পাণ্টে দিচ্ছে। মেয়েটা বড় বেশি
চোঁচাছিল। কুস্তবাবু শুধু বলল, ও-সব বলতে যাবেন না। ঠিক ভাবতে শেষে
কি ভাববে। পিয়ারিলাল লোকটা স্ববিধের নয়।

—কিন্তু চারুকে যে আমার সঙ্গে তুলে দিল।

—হতেই পারে না।

—ওর ভাইজি বলল।

—ওর ভাইজি আছে কখনো শুনিনি।

অতীশ বলল, বহরমপুরে ওর কে আছে!

কুস্ত এবার হা হা করে হেসে উঠল। বলল, দাদা আপনি ঠিক ছিলেন তো!

অতীশ বলল, সেই। সে ওঠার সময় বলল, আপনার ঈশ্বরও আছে, শক্ত
পাটাতনও আছে। বুঝতে পারছি আমার কিছু নেই। আমার সব কিছু ঠিক
না থাকারই কথা।

॥ প্রথম খণ্ড সমাপ্ত ॥